



NICOLAI PARTHENII  
GIANNETTASII

NEAPOLITANI

E Societate Jesu

OPERA OMNIA POËTICA;

*TOMVS SECUNDVS*

COMPLECTENS

PISCATORIA,  
NAUTICA,

ET

HALIEUTICA.



NEAPOLI, Apud Bernardum-Michaëlem Raillard, M.DCC.XV.

---

*SUPERIORVM LICENTIA.*

NICOLAI PARTHENII  
GIANNETTASII

IN NAPOLETTANI

IN DOMINA 1650

OPERA OMNIA POETICA

PRIMUM SECUNDUM

EDITIONES

PISCATORIA

NAUTICA

ET

HALLEUTICA



IN VINDOBONA AUCTORITATE ACADEMICA

MDCCCLXXII



**PARTHENII**  
**PISCATORIA.**  
*EDITIO QUARTA.*

*Reimprimatur, Neap. die 2. Februarii 1715.*

NICOLAUS CAN. ROTA PRO-VIC. GEN.

D. Petrus-Marcus Giptius Can. Dep.

---

*Reimprimatur, Neap. die 8. mensis Februarii 1715.*

ARGENTO REG. ET PRÆSES.

Pescarini.



# LEOPOLDO I.

CÆSARI, AUGUSTO,

PIO, FELICI, VICTORI,

E C L O G A I.

T I T T R U S.

A R G U M E N T U M.

*Tityrus piscator, Lycida hortante, CÆSARI epinicion  
ob Viennam liberatam canit: per Tityrum poetam, per Lyci-  
dam vero Josephum Medicum Octaviani Principem, qui pri-  
mus Victorie nuncium Vati attulit, intellige.*

LYCIDA, TITYRUS PISCATORES.

**LTC.** TITYRE, quid vitreas recubans Crateris ad undas  
Otia lentus agis? tenui cur lætus avena

Non dulcem viridi Musam meditaris in æta?

**TIT.** Non equidem, Lycida, non hæc fert carmina tempus;  
Improba Sors quando, & Scythia barbarus omnia versant.

**LTC.** An quæ Parthenopes audiavi nuper in urbe,

Cum domino ferrem Synodontas, Tityre, nescis?

**TIT.** Dic, age, quid, Lycida, Sirenis ab urbe reportas?

**LTC.** Tityre, læta tibi Sirenis ab urbe reporto.

Urbs secuta metu: perrupit barbara castra

Augustus CÆSAR LEOPOLDUS, & agmina mille

Thre-

Threijcium, fudit, gelidoque immerlit in firo.  
*TIT.* Verane sunt, Lycida hæc, an dulcia fomnia amantum?

*LTC.* Vera-quidem; nam fama volans pernicibus alis  
 Danubio ex alto Romam pervenit, & omnes  
 Italiæ implevit lætis rumoribus urbes:

Et modò Parthenopen replevit, Tityre, noſtram.

Nonne vides, ut crebra ſonum tormenta canorum

Dent paſſim, & tutis plaudant terroribus arces:

Noſtraque feſtiniſ ardeſcat (1) Olympia flammis?

*TIT.* O quantum exſilio, Lycida, dum talia narras:

Exſiliunt mihi læti oculi, lætum exſilit & cor.

Munere pro tali pulchra te murice concha

Donabo, Lycida, dono mihi quam dedit olim,

Cum canerem, Meliſſeus: aquis non venit ab altis

Pulchrior. Eſt circum vario depiſta colore:

Et mare depiſtum, & ſcopuli ſpectantur, & udum

Litus, & in tremulo fugientes gurgite cymbæ:

Naturæ ludentiſ opus, quam murice concham

Credo equidem pinxiſſe manu, ingenioque magiſtro:

Nanque opus hoc caſu minimè eveniſſe putandum eſt.

*LTC.* Accipio pulchram, quam das mihi, Tityre, concham.

Tu verò Auguſto dignam, tantoque triumpho

Litoream tenui calamo meditare Camœnam.

Nanque acta in noſtra jam te dixere poëtam,

Et tibi jam noſtræ gratantur (2) O'lympideſ; & te

Velarunt muſco Nymphae, tumuloque propinquo

Synceri applaudunt Manes, Manesque Maroniſ.

*TIT.* Litoream Muſam dicamus, & æquora cantu,

Litoraſque, ſcopuliſque, omniſque reſultet Olympuſ.

Incipiam, tu, docte, modos percurrere loquaces.

Currite, Tritoneſ, per cœrula, currite concha,

Vicit, io! CÆſar. Voſ, ò maris aurea proleſ,

Nereideſ, formoſa Theti, formoſaque Dori,

Hùc celeres imiſ à ſedibuſ utque venite;

Et viridi ſertum Victori texite myrto.

CÆſariſ & viridi conſueſcant tempora myrto:

Nam vetuſ eſt lauruſ: nova ſint. inſignia regum.

Currite Tritoneſ, per cœrula; currite concha.

Vicit, io! CÆſar: calcata ſuperbia regiſ

Eoi, fractæque acieſ, ſuſique manipli,

Thra-

Mix conchæ de-  
 cripcio.

(1) Sic antiquiſ dicta ora maritima inter Lucullanum, & Pauſilypum, vulgò *Cbiaj*. Scip. Mazzella in deſcriptione Regni Neapolitani. (2) Muſe ab ora Olympia ſic dictæ.



Threijicique, Arabesque, sagittiferique Geloni,  
 Victi omnes; versæque retrò fugere tyranno  
 Mille acies, & mille virum data millia letho  
 Centum pro tali nunc dicite digna triumpho  
 Carmina, Pausilypique Deæ, pelagique puellæ.

Currite, Tritones, per cærula, currite concha.  
 Vicit, io! CÆSAR: Neptunia Numina, Glauci,  
 Voce ciete sonum, & conchas inflatè marinas.  
 Ite sub Antipodas, celeri vos ite naratu;  
 Ac geminos facti famam proferte sub axes:  
 Audiat Hesperius, simul audiat Orbis Eous  
 Augusti palmam, & Romæ gratetur ovanti.

Currite, Tritones, per cærula, currite concha.  
 Vicit, io! CÆSAR: per litora spargite muscum  
 Najades, & circum vitreos confidite fontes:  
 Pollice virgineo teneros hic carpite flores:  
 Floribus & pictum, divæ, replete canistrum.  
 At vos, ò Nymphæ Craterides, ite sub undas:  
 Ite, recurvato variata corallia trunco  
 Vellite muscosis è rupibus, & mihi conchas  
 Ferte Deæ pelagi, & pingui conchylia succo.  
 Atque hæc cæruleis apponam carmina donis:  
 Hæc ego Victori LEOPOLDO munera mittam:  
 Hæc pisatoris ne temnas munera, CÆSAR;  
 Nanque his Neptunum donamus, & his quoque Dorin;  
 Est & Neptunus Deus æquoris, & Dea Doris.

Currite, Tritones, per cærula, currite concha.  
 Vicit, io! CÆSAR: per marmora ludite cymbis,  
 O juvenes, puppesque novis ornate corollis:  
 Et niveos inter delphines ludite cursu.  
 Tritonum intereà vocali scrupæa concha  
 Antra sonent, scopulique, omnisque à vertice pontus  
 Et circum socio respondent litora cantu.  
 Omnia lætitiæ concedant: omnia festis  
 Vocibus applaudant Victori, & murmure læto  
 Augusti nomen LEOPOLDI ad sydera tollant.

Currite, Tritones, per cærula, currite concha.  
 O mihi si cælo exoptatus fulserit unquam  
 Ille dies (illum Superi concedite Divi)  
 Quo te regi in puppi super æquora vestrum  
 Antiquam imperii sedem lustrare sub Ortum,  
 Atque per Eoi populos dare jura volentes  
 Aspicerem: tunc ipse tuas jam dicere laudes  
 Aggrederer, nomenque tuum, tua facta per Orbem  
 Mæonio ferrem cantu, calamoque Sicano.

#### 4. E C L O G A I.

Me super assurgens humiles procul ire iubebo  
 Pausilypî Musas, & litora: me sacra Pîndi  
 Accipient nemora, & Parnassi dulcia Tempe.  
 Litoream interea, CÆSAR, ne despice Musam,  
 Quam tibi cœrulej cecinît Crateris ad'oram  
 Tityrus, è patrio qui primus litore Musas  
 Per vitreos vexit velis majoribus undas,  
 Primus & audaces duxit per cœrula nautas,  
 Tu verò pulsare, puer, freta desine concha:  
 In cava solîciti veniunt ad litora nautæ:  
 Et (1) Megaræ turres jam longior occulit umbra.

#### E C L O G A II.

##### P A R T H E N I S.

##### A R G U M E N T U M.

*Jolas piscator Virginem, humani generis delicias, unicè  
 adamabat: quo cum dulcè queritur, quod se ex oculis subtra-  
 xerit. Per Parthenidem, Virginem, per Jolam, religiosum vi-  
 rum intellige.*

**P** A R T H E N I D E M puer ardebat piscator Jolas,  
 Delicias divûm, atque hominum, quam sæpè solebat  
 Ad (2) Mergillinæ vitreos invisere fontes,  
 Sacrum ubi P A R T H E N I D I S stat curvo in litore templum:  
 Hic cûm jam Zephyri ponebant murmurâ, & altum  
 Purpureus rediens pulsabat Vesper Olympum,  
 Hæc dulces inter lacrymas incondita solus  
 Fluctibus, & duris jactabat carmina saxis.  
**JOL.** Quid tantum refugis, bona Virgo? quid & mihi tantum  
 Divinum avertis vultum, renuisque, videri?  
 Ah miser! ah nostros contemnit P A R T H E N I S ignes?  
 Prætulerimne aliquam tibi forsân, Dîa, vereris?  
 At mihi vos, Superi, testes, si corde caducum.  
 Aut unquam mortale aliquid meditatus: & ipsi  
 Sint mihi vel scopuli testes, sint litora, & undæ,

Di-

---

(1) Insula Lucullano objecta, quæ & castrum Lucullanum  
 appellata est, *Castel dell'ovo*. (2) Amœnissima ad Pausilypum  
 Villa in extremo oræ Olympiæ *Mergogliano*, olim Aëtii Synce-  
 ri Sannazarii, ubi celeberrimum ejus sepulchrum in templo ab  
 ipso Virgini, & Divo Nazario dedicato.

D'cite vos, scopuli, vos litora dicite, & undæ,  
 ( Si sensus scopuli, si litora habetis, & undæ )  
 PARTHENIDEM si semper ego piscator amavi:  
 Nam voces vos sæpè meas audire soletis,  
 Atque repercussas mea reddere verba per auras.  
 Ah nostro quoties offensæ murmure cautes  
 PARTHENIDEM sonuere! meos jam carmine amores  
 Edoctæ rupes resonare, & concava saxa.  
 Et vos, quæ non frondetis litore, quercus,  
 Dicite ( nam sensus, & habetis Numina quercus )  
 Hæc vestro quoties incidi carmina trunco:  
 Te, Virgo, piscator amat, & amabit Jolas:  
 Et veluti hæc quercus, crescent sic semper amores.  
 An me tu forsitan, Virgo, aspernaris amantem,  
 Quodd pauper piscator? erat piscator & ipse  
 Nonne puer, formosa, tuus, quem sæpè beato  
 Amplexum gremio tenuisti, & dulcia sæpè,  
 Atque optata sacris libasti basia labris?  
 Ille nec erubuit calamos, non retia, & hamos,  
 Nec parvam fociis agitare per æquora cymbam,  
 Cùm Deus ipse, maris regnator, & ætheris alti,  
 Qui nutu terras, nutu qui sydera torquet.  
 Fortis amor: nostrum quis vincere possit amorem?  
 Ille Deum in terras, vel ab æthere traxit amantem;  
 Atque malis hominum pariter consuescere iussit.  
 Et tu, Diva meos nunc aspernaberis ignes?  
 An mihi dura, quia agresti munuscula cultu  
 Nulla tibi misi? misi tamen ipse rubentes  
 Bissenas de more rosas tibi, Dia, quotannis:  
 Et meminisse potes; nanque hoc cum carmine misi:  
 Virgo, noster amor, tuus hæc tibi mittit Jolas.  
 Quin etiam variis memini misisse corollam  
 Floribus intextam, & calathis quoque lilia plenis;  
 Candida ( novi equidem ) quia sunt tibi lilia cordi.  
 Sunt & plura mihi in testis: cras illa videbis  
 Ante aras, Regina, tuas emittere odorem.  
 Præterea, dura quæ vix de caute revelli  
 Nuper oliviferæ piscosæ ad saxa (1) Minervæ,  
 Bna mihi curvos variata corallia ramos:  
 Bis petiit Nisæa soror, bis & mihi furtim  
 Sublegere aggressa est: arca sed condita servo.  
 Illa tibi multo cum carmine mittet Jolas,

Tom. II.

B

Nata-

(1) Campaniæ promontorium *Capo di Missa*, ò la *Camp-nella*.

Natalem cùm, Virgo, tuum lux annua reddet;  
 Sed piscatoris parva hæc an munera spernis,  
 O Divùm Regina? tibi sed munera digna  
 Quis ferat? ipse suis vix dignum textit amictum  
 Sol radiis: vix Luna pedes tibi lambere digna est.  
 At, quia dulce sibi cor amantes mittier optant;  
 Cor tibi, quod tantùm restabat, misimus, ultro.  
 Quicquid id est, certè Deus ipse hoc munere majus  
 Nec sperare potest, nec reddere possunt ipsi.  
 At tibi quodd totum, Virgo, jam misimus illud,  
 Scis equidem, certisque potes cognoscere signis,  
 Mane ego te primo, te vespere, Diva, saluto:  
 Sæpiùs atque die in medio tibi carmina dico;  
 Atque tuum quoties audire, & reddere nomen  
 Contingit, tunc ore fero prona oscula terræ  
 Cernuus, & cœli venerabile pignus adoro.  
 Nil tamen hæc prosunt, dulcem si cernere vultum  
 Dura negas, tantùmque meos contemnitis amores.  
 At mihi te propria vetitum si cernere forma,  
 Appicta in tabulis saltem simulacra videbo.  
 Sic aliqua & nostro dabitur medicina dolori;  
 Est sua conspectu vel inani blanda voluptas.  
 Ah timeo (de te quoniam mihi credere tantùm  
 Non equidem, bona Virgo, licet) ne pectore nostro  
 Quid lateat, quod, Diva, tuos offendat ocellos.  
 Dic mihi quis lateat malus anguis? ut & citus illum  
 Conteram, & optato dignus jam reddar amore.  
 Sed tempus rutilis percurrere litora flammis;  
 Nostri sed occultæ depascent pectora flammæ.





# E C L O G A     III.

## A N T I G E N E S.

### A R G U M E N T U M.

*Milcon, & Dorylas piscatores mutuis inter se primam conviciis, mox advocato Antigene, carmine certant: sed neuter vincit, Antigenis sententia. Per Antigenem intelligit poeta familiarissimum suum Josephum Valletam Jurisconsultum eximium, & Latinis, Græcisque literis florentissimum, Qui regio animo, ac sumptu celeberrimam Neapoli Domi suæ bibliothecam ex probatissimis Autoribus omnium admiratione, ac plausu comparavit. Per Argilochum innuit Franciscum Solimenem Pictorem sui temporis egregium, antiquis ipsis vel invidendum, Musisque Etruscis perpolitum.*

### MILCON, DORYLAS; ANTIGENES.

*MIL.* **D** Ic mihi cui nassas servas puer? an Polybotæ?  
*DOR.* Non illi, at Lycabæ, Bajas qui nuper abivit.

*MIL.* Infelix piscator, ovem qui nescius isti  
 Commisit servare lupo; nam sæpè revisit  
 Hinc nassam, & partem prædæ sibi subripit udæ.

*DOR.* Tu fur, tu nassis solitus subducere pisces,  
 Te modò cum præda fugientem ab litore vidi,  
 Cùm fumosa citus Phrasidami tecta petebas,

Plurima sæpè soles ubi, pessime, condere furta.  
*MIL.* Vidisti, Doryla, sed cùm te Liber habebat  
 Numine repletum multo, & dulcedine lætum.

Quippe tibi trullas mos est siccare rubentes,  
 Atque omnes vili vappa purgare tabernas.  
*DOR.* Ista viris, perverse? mihi non murice pictam  
 Clam nuper concham medio furatus ab antro es?

*MIL.* Nunc etiam insaris temulento, ut semper, Jaccho:  
 Non reddenda mihi pro pignore? protinus hinc te  
 Ni citò proripias, saxo caput, improbe, frangam.

*DOR.* Tu Dorylæ nostris ni te, scelerate, Comatas  
 E manibus toties rapuisset, mortuus esses.

*MIL.* Novit & ille tibi quoties cava tempora fregi.  
*DOR.* Te, te ego: vicinus prohibet sed plura satelles.

Dic, age, danda tibi quonam pro pignore concha?  
 Post mihi (nec fugies) pœnas tu, perfide, solves.

*MIL.* Te quia tunc mecum certantem carmine vici.  
*DOR.* Tu me cantando? non tùm mea carmina fluctus

Mirati, & rigidæ movere cacumina rupes?  
 At te, cùm fracta streperes, indocte, cicuta,  
 Nereides, pelagique omnes sprevere puellæ,  
 Visne iterum certare? novo certamine victus  
 Tùm me cantando vicisse fateberis ipse.  
 In medio statuam duo pocula, quæ mihi Gallus,  
 Cùm procul Armoricis venisset portitor oris,  
 Vendidit Eurialus, Cumarum in litore quondam.  
 Divini est opus Argilochi, qui pocula fecit.  
 (Argilochum memini Eurialum dixisse magistrum)  
 Depicta in medio spectantur cærula, & udis  
 Stat senior, Batto similis, piscator arenis,  
 Cui nudo nimium nitenti educere ponto  
 Retia, purpureo turgescunt sanguine venæ,  
 Et duri multo tenduntur robore nervi;  
 Omnibus ut credas piscari viribus illum,  
 Non longè sedet in scopulo formosa puella,  
 Seu vitrei sit Nympha maris, seu litoris una,  
 Quæ viridem vario distinguit flore corollam  
 Myrto intertextam, nitidisque aspeculat arenis  
 Piscantem, & risu ludit dea pulchra soluto.  
 Parte alia surgens aprico vinea colle  
 Uvis luxuriat maturis, parvulus illam  
 Custodit puer, & roseo pulcherrimus ore est,  
 Qui sepes propè vimineas confidit, & illum  
 Stant geminæ circùm vulpes, quarum altera vites  
 Per medias cursat, quâ dulcior uva racemo  
 E læto pendet, folioque intesta virenti  
 Clam latet, & dulces morfu depascitur uvas.  
 In peram versata dolos sruit altera furtim,  
 Atque pyra, atque nuces, atque aurea mala rapaci  
 Subripit ore. Puer capiendis manè cicadis  
 Intexit junco casses, nec mitia poma.  
 Nec vites quicquam curat: sed totus in uno  
 Est opere: & puero sua sunt puerilia curæ.  
 Nec labra admovi, quamvis me sæpè rogaret  
 Nisa: sed intacta ex illo servantur in arca.  
*MIL.* At mihi nodoso sunt bina corallia trunco,  
 Nuper Teleboun dura de rupe revelli:  
 Hæc sint victori sua munera: plura neque ausim  
 Ponere; nanque domi, ô Doryla, mihi dura noverca,  
 Et durus pater est, arca qui condita servant  
 Cuncta: nec est quicquam, quod clam subducere possim.  
*DOR.* Jam certare placet: veniam quodcunque vocaris  
 Non me iterum effugies: faciam, certamine victus

Mirabilis poculi  
 descriptio ex Theo-  
 crito mutuata.

- Ne Dorylam, aut alium posthac tu voce laceffas.  
 Audiat hæc tantùm, vicino in margine ripæ  
 Qui sedet, & Zephyros, & dulcia frigora captat,  
 Antigenes: nunquam sic me viciffè negabis.  
*MIL.* Nec te, nec quenquam fugio. Bonus hùc age nostras.  
 Antigenes, audire veni, & laudare Camœnas.  
*ANT.* Dicite jam, pueri, molli confedimus alga,  
 Frigus ubi lato præbet curvamine rupes,  
 Lumine nunc cœlum puro nitet; æquora rident,  
 Et placidi rident Zephyri, luduntque per undas  
 Nereides, vitreosque revifunt Najades amnes.  
 Dic prior, ò Doryla; referet mox carmina Milcon:  
 Ludite & alternis; nam alternis ludit Apollo.  
*DOR.* Cærulei flûctus, & marmoris ima canori,  
 Dicite, fi Dorylas cantavit amabile carmen:  
 Dicite, festivas & gurgite tollite voces:  
 Si secus, immoto torpescat in æquore pontus.  
*MIL.* Muscosæ cautes, & aquis lita faxa marinis,  
 Aurea si calamo deduxit carmina Milcon,  
 Ostreaque, & læto conchyliis gignite succo.  
 Si contra, vacuas sinè succo effundite conchas.  
*DOR.* Cùm lentus canerem sub tegmine rupis opaco,  
 Quà super incumbit placidiffima Mergelline,  
 Nereides vitreis se tollere protinus undis,  
 Et placidos miscere choros ad carmina vidi.  
*MIL.* Quà se Pausilypus deducit in æquora clivo,  
 Dum sedeo, & gracili deductum carmen avena  
 Sæpè iterò, dulci Sirenes murmure captas  
 Aspexi ad litus celeri properare natatu.  
*DOR.* Me scopuli, Mifene, tui, collesque Dicarchi  
 Viderunt suavi mulcentem carmine Phocas.  
*MIL.* Me Prochyte aspexit muscoso in vertice faxi  
 Cantantem rigidas mollire in flûctibus Orcas.  
*DOR.* Retia si jacio, veniunt ad retia pisces:  
 Si nassas, pingui gravitant sub pondere nassæ.  
*MIL.* Nunquam cæruleis immergitur hamus in undis,  
 Qui mihi non molles ferat alto à gurgite prædas.  
*DOR.* Dum viridi è scopulo nudus sub marmore mergor,  
 Ostrea dura lego, & pingui conchyliis succo,  
*MIL.* Cùm noctu nitidis perlustro litora flammis  
 Oëtipedes rigida divello è rupe paguros.  
*DOR.* Blanda mihi semper Fortuna, & cæcula rident:  
 Et formosa suo ridet mea Nisa marito.  
*MIL.* Aurea decurrunt mihi secula: marmora nunquam  
 Dura mihi, & nunquam tristes Amarylloidis iræ.

DOR.

DOR. Dic (1) quibus in terris (& eris mihi Proteus alter)  
Subter aquas jacto nascantur semine conchæ?

MIL. Dic (2) quibus in scopulis felicibus Iride picti  
Versentur pisces, & pignora victor habeto?

DOR. Dic (3) ubi squamigeræ veniant ad litora prædæ  
Sponte sua, manibusque udis captentur arenis?

MIL. Dic (4) ubi lacteolos progignant cærule pisces,  
Os quibus est nullum, dorso nec spina rigescit?

ANT. Haud equidem vestras ausim componere lites;  
Tu pateras: hic nigra corallia: dignus uterque.  
Ducite jam nassas, pueri, nox humida venit.



## LEO.

(1) Tarenti, ubi non longè à litore ingentes palos incolæ figunt, qui vertice supra aquas extant, in hosce è cælo ros decidit, concharumque sufficit semina, corrupto græco vocabulo *Lo Fito* vocant: hæc indè è palis abstrahunt, subterque aquas ad ostia parvi sinus mittunt, vehemens ubi est maris fluxus, ibique mirum in modum excrefcunt.

(2) Ad Pausilypum, ubi pisces triplici Iridis colore nascuntur, regios pisces Olympici vocant.

(3) In ora Rhegina ad Cænym promontorium, de quo infra sæpè incidet mentio. Hic enim Pelamydes à Delphinis agitati, marisque fluxu ferente, in terras incidunt: utque Delphines fugiant, in litus exiliunt, captanturque ab incolis nullo negotio: rem sæpè non sinè voluptate admiratus sum.

(4) Rhegii, & Messanæ: *Cicirelli* vulgus vocat, suavissimi saporis sunt, ac veluti lac coagulatum; de his plura in Hælicuticis.



## LEOPOLDO I.

CÆSARI, AUGUSTO,

PIO, FELICI, VICTORI,

E C L O G A IV.

C Æ S A R.

A R G U M E N T U M.

*Vienna obsidione liberata, fuso, fugatoque Barbarorum exercitu, Strigonioque recepto, promissa Superum oraculo aurea mundo secula jam incipere, CÆSARI gratatur Poëta, cui, pulsus Europa Scythis, Orbis universi Imperium auguratur.*

**A** Ctiades Musæ, paulò majora canamus:  
Non humiles cuncti myrtos festantur, & algas.

Litora si canimus, sint litora CÆSARE digna.

Tristia nunc tandem cessere oracula Divum,

Nec duros ultrà portendet (1) pagina casus.

Spes redit, Austriacisque iterum victoria castris,

Ac læti redeunt post tristia bella triumphi.

Incipiunt jam fausta: vetus jam vertitur ordo,

Mutatæque vices rerum, nova nascitur ætas:

Et promissa Diis felicia secula Mundo,

Ac magni fluere incipiunt ex ordine menses.

Castà fave nunc Virgo; tuo si numine CÆSAR

Vicit, & ingenti terras formidine solvit,

Hoc duce, si qua manent priscæ vestigia culpæ,

Tollentur, totoque Fides regnabit in Orbe.

Gens sancta ex alto mittetur, & impia passim

Desinet: èque polo veniens Astræa redibit

In terras iterum, & Saturnia secla reducet;

Pacatumque reget totum sub CÆSARE Mundum.

Non miseros post hac nautas urgebit egestas:

Non labor uda mari committere retia, & imas

Non

---

(1) *Martini Stredonii Soc. Jes.* qui adversa primum, mox prospera CÆSARI futura prædixit.

Non opus est reflui perquirere gurgitis undas.  
 Ipsa finit prædas mittent læta æquora, & udi  
 Sponte sua venient captivi ad litora pisces.  
 Ipsi & odorati musco scopuli, & lita saxa  
 Fluctibus, & duræ fundent conchylia rupes.  
 Ridebunt lenes auræ, Zephyrique salubres,  
 Et tranquilla levi crispabunt cærula flabro.  
 Nam præcul horrifoni pacato ex æthere nimbi  
 Semper erunt; rigidæque silebunt rupe procellæ,  
 Nec nautis Hyades metuendæ, aut ense minaci  
 Qui mare, qui terras, quique æræ quassat Orion,  
 Ulla nec assurgent posthac mala sydera Mundo.  
 Non vacuæ metuent Lunæ dispendia conchæ,  
 Nec foliis illas inquam lentiscus amaris  
 Inficiet: pleno turgebunt ubere conchæ,  
 Ac dulci semper pinguescent ubera succo.  
 Nullæ prædonum vexabunt cærula puppes:  
 Nostra nec infames cursabunt litora lembi.  
 Non fraudes aderunt, sævæ non amplius iræ:  
 Non mala furta, dolique, execrandæque rapinæ,  
 Et nullæ scelerum facies: post terga revinctæ  
 Æternum stabunt Furæ, Diræque sorores  
 Semper & horrendi claudentur limina Jani;  
 Sordebitque sua exesum rubigine ferrum.  
 Non sylvas pastor, non deseret arva colonus  
 Invitus, rigidique gemet sub pondere Martis:  
 Et curvæ falces non conflabuntur in enses.  
 Non vitreas piscator aquas, nec scrupæa linquet  
 Saxa, nec arata sulcabit marmora puppi,  
 Atque insueta gravi tentabit bella tridente.  
 Rupe sed umbrosa frigus captabit opacum,  
 Blandaquæ litoreas revocabit ad otia Musas  
 Pax erit: ex alto pacem regnator Olympi  
 Spondet: & optatam spondent bona sydera pacem.  
 Pauca tamen peragenda prius sunt bella per Orbem:  
 Expugnandæ urbes ferro, durique domandi  
 Jazyges (1) immanesque (2) Avarcs, Hunnique rebelles;  
 Inde

---

(1) Jazyges Metanastæ Europæ populi inter Danubium, & Carpathum, qui nunc Hungariæ montana tenent, quorum metropolis Cassovia, à vulgo Alta Hungaria dicitur, quæ tota sæcū Austriacis parebat ante recentes tumultus. (2) Avarcs, & Hunni populi, qui primū circa Næotidem paludem inhabitantes, mox in Pannoniam migrarunt, quæ Hungaria ab ipsis est.

Inde (1) Scythæ, & dirus (2) Maomethes, (3) Caspia victus  
 Qui jam claustra petit, fugientem (4) Bactra, neque Indi  
 Tutantur: longè sylvas, saltusque peragrat  
 Riphæos, (5) latebrisque vagus se condit (6) Imaï.  
 Te manet hic labor, ò nostri decus, ò amor Orbis,  
 AUSTRIADE CÆSAR: Teque unum Fata repossunt  
 Everforem Asiæ: rapidum ceu fulmen, in hostes  
 Ibis, & horrenda quatiens formidine gentes.  
 Mox ubi barbarica pulso cum gente tyranno,  
 Imperium Eoi, sedemque tenebis avitam,  
 Invades Asiam, spoliis (7) Babylona superbam  
 Diripies, & regna Cypri vastabis opima.  
 Hinc Syriam evertes totam, fecundaque Nili  
 Regna, & palmiferam submittes victor (8) Idumen.  
 Hic ( nimium ò felix, hominum pater, atque Deus rex  
 Te, te in spem tantam, tantosque reservat honores )  
 Sanctam Urbem intrabis, regum stipante corona,  
 Numen adoratum, & dulci dabis oscula ligno,  
 Unde salus nobis orta est, & gaudia Mundo.  
 Auspiciis & jam lætis, felicibus & Diis,  
 Talia concordēs nent aurea secula Parcæ.

Aggredere ò tantos, spondet quos Numen honores,  
 Chara Deo soboles, magnum Fidei incrementum.  
 Aspice totum imo concussum à cardine Mundum,  
 Oppidaeque, urbesque, & nutantia regna sub armis,

Tom. II.


C

Aspi-

(1) Turcæ ex Scytharum gente, qui anno 625. Heraclio Imperatore, per portas Caspias in minorem Asiam ingressi pro Imperio Romano militarunt: mox in Scythiam reversi, irrupere iterum anno 958. Constantino Copronimo Imperatore, & Persidem primum, hinc Asiam minorem, & totum Orientis Imperium occuparunt, capto Byzantio sub Maomethe II. anno 1453. - (2) Quartus hoc nomine Turcarum Rex.

(3) Pylæ, seu portæ Caspiæ, per quas ex Scythia in Asiam aditus patet, sive ex Media in Partiam, angustix inter montes, vulgò *Le porte di Testis*. (4) *Termend* vulgò, non longè à Caucasò, qui *Cocas*, & *Cochias*, dicitur, & per totam Asiam extenditur. (5) Asiæ mons Scythiam secans, Sarmathiamque, vulgò *Oby* dicitur, quo nomine fluvius etiam appellatur. (6) Mons Scythiæ, ex quo Scythia intrà, & extrà Imaum appellatur: longè per Asiam extenditur: In Tartaria nunc *Moregar* barbaris indigetatur, in India verò *Dalanger*. (7) *Bagdat*. (8) Idumea, quæ in sacris literis Edom dicitur, ab incolis *Biduni*.

Alpice, læta novo gratentur ut omnia seculo.  
 O mihi si tantum concedant Numina vitæ,  
 Egregios quantum sat erit celebrare triumphos,  
 Et partam imperio pacem, & tua dicere facta.  
 Non me divinus poterit superare canendo  
 Actius, aut dignas cecinit qui Consule sylvas;  
 Sicelides quanquam adsint huic, Craterides illi.  
 Iudice si mecum cætet Deus ipse Palæmon:  
 Iudice se, victum dicet Deus ipse Palæmon.  
 Incipe, mæste animis, claras decerpere palmas;  
 Et tua victrici intextere tempora lauro.



# ALPHONSO PHILAMARINO

TURRIS DUCI CLARISSIMO.

E C L O G A V.

T H T R S I S.

## ARGUMENTUM.

*Corydon, & Mopsus piscatores Thyrsidis Olympici piscato-  
 ris mortem desunt, alterque epitaphium, apothecis textit alter:  
 sub Thyrsidis persona læget poëta familiarissimum suum Asca-  
 nium Philamarinum, Ascanii Cardinalis nepotem, Turris Do-  
 minum, qui acerbissimo occubuit fato, summo totius Civitatis  
 mærore. Vir, & consilio promptus, & ingenio: moribus verd  
 candidissimis, & ad sibi omnium animos comitate, & officiis  
 promerendos unice factus: Pater. Patriæ merito appellatus,  
 quippè qui nunquam à patritia gravitate dictis, aut factis ne  
 latam quidem anguem delabi visus est, ut cæteris Nobilibus  
 virtutum omnium egregium esset exemplar. Per Corydonem in-  
 telligit Alphonsum Philamarinum demortui germanum, cui in  
 acerbissimi funeris solatium Eclogam conscripsit poëta, eique  
 nuncupat, omnemque felicitatem precatur.*

## CORYDON, MOPSUS.

COR. CUR non, Mopse (leves quoniam demissimus undis  
 Jam nassas, longo capturas tempore prædas;

Et

Et tenues calami nobis, & carmina) molli

Hic musco super interea consedimus ambo?

*MOP.* Tu major, Corydon, faciam quodcumque iubebis.

Aut hic quæ Zephyri strepit aëra, & marmurat undæ;

Sive tibi gelidum potius placet ire sub antrum.

Aspice, ut ante fores myrtus stipaverit antrum,

Atque leves subter sternantur molliter algæ.

*COR.* Litoribus nostris unus tibi certat Jolas.

*MOP.* Quid si idem certet Tritona laceffere cornu,

Et niveos inter delphinæ Ariona cantu?

*COR.* Incipe, Mopse, prior (sunt & mihi carmina) si quas,

Synceri vel habes laudes, vel iurgia Batti,

Incipe: nam pelago nassas servabit Amilcon.

*MOP.* Imò hæc, quæ vitreas deduxi nuper ad undas,

Jam repeto: mox ipse mihi fac certet Jolas.

*COR.* Ut mergos dulci superant modulamine cygni;

Judicio nostro, sic carmine vincis Jolam.

*MOP.* Define plura, puer: vacuo successimus antro,

Nereides Thyrsin crudeli morte: peremptum

Flebant: vos testes scopuli, vos litora Nymphis:

Cùm conjux amplexa viri miserabile corpus

Perfudit lacrymis, & questibus aëra complet:

Sæpè Deos, sæpè astra vocat crudelia conjux.

Nulli caruleis illis errare diebus,

Nec resiliere leves visi Delphines in undis:

Non & sueta citi venere ad pabula thynni.

Thyrsi, tuum Phocas etiam ingemuisse per æquor

Interitum, fluctusque maris, cautesque loquuntur.

Thyrsis Olympiæ cursu contendere cymbas

Instituit, lætisque dedit certamina nautis,

Et ludos Thetidi, & solennia vota quotannis.

Fluctibus ut piscis decori est, ut ostrea saxis,

Litoribus myrtus, scopulis ut muscus odoris,

Sic nobis decor omnis eras: sed tristia postquam

Eripuere tuis te Fata, immitia Fata!

Ipsa Thetis fluctus, & Nereus ipse reliquit.

Retia sæpè, leves quæ misimus humida in undas,

Purgamenta maris, quassataque ligna tulere:

Pro pingui Mullo, pro cæruleo Melanuro,

Muscus, & infelix provenit gurgitis algæ.

Spargite humum foliis, puppesque ornate corollis.

O piscatores; petit hæc sibi munera Thyrsis.


Erigite hic tumultum, tumuloque inscribite carmen:

Thyrsis ego hac quondam capiebam notus in ætæ

Formosos calamo pisces, formosior ipse.

- COR.* Tale mihi, divine puer, tua buccina cantu.  
 Quale truci pelago iactatis litora, quale  
 Sole sub ardenti Megara venientibus umbra.  
 Fortunate puer, non amisisse magistrum  
 Nostra tibi læto gratatur Olympia plausu.  
 At nunc cærulea quæcumque hæc carmina concha  
 Expediam, tollamque tuum sub sydera Thyrsin:  
 Thyrsin in astra feram; dilexit nos quoque Thyrsis.  
*MOP.* Nil erit, o Corydon, nobis hoc munere majus,  
 Munere & hoc dignus fuit ille; & carmina nobis  
 Jampridem ista Mycon laudavit, lentus ad umbram  
 Cum mecum molli farsiret vimine nassas.  
*COR.* Luceida purpureus summi subit atria cæli,  
 Et vaga sub pedibus despectat nubila Thyrsis:  
 Perque alios amnes, tranquillaque marmora Divum  
 Felices sequitur pisces, felicior ipse.  
 Ergo alacris fluctus, & litora læta voluptas,  
 Et lætus pacata tenet per cærulea nautas.  
 Tempestas jam nulla mari: non sævus Orion  
 Æquora turbabit nimbis, læta otia felix  
 Thyrsis amat, Divosque inter jam gestit ovantes:  
 Ipsi lætitia cælo sua murmura tollunt  
 Æquorei fluctus: ipsæ jam carmina rupes,  
 Ipsa sonant cava saxa; procul respondat & Echo:  
 O Corydon, Deus ille, altarium & numen aquarum:  
 Sis felix, faustusque tuis: tibi litore septem,  
 Quot pater ipse tenet Nereus, altaria ponam:  
 Quæ mihi Pausilypus fert aurea vina quotannis  
 Spargam lætus humi, viridique altaria musco  
 Intexam, sociis hilarans convivia læta.  
 Surget si Caper, ante focum, si Cancer, in umbra,  
 Tityrus intereà, & fulvus caltabit Amyntas;  
 Neriedum choreas imitabitur alba Lycoris:  
 Delphinum & saltus imitabitur Artemidorus:  
 Hæc sacra, Thyrsi, tibi faciam solennia semper,  
 Seu tumidum remis findam mare, litore noto  
 Seu mihi subductam firmabunt saxa phaselum.  
 Dum Nefis pelago stabit, dum litore surget  
 Pausilypus, fluctusque maris dum piscis amabit,  
 In terris semper, semperque per æquora notus  
 Thyrsis eris, laudesque tuæ, tua facta manebunt.  
 Ut Nereo, Glaucoque vovent in gurgite nautæ,  
 Sic tibi, Thyrsi: reos damnabis tu quoque votis.  
*MOP.* Tali digna tibi quæ reddam carmine dona?  
 Nam neque me tantùm labentes pumice fontes,

Nec Zephyri tantùm delectant murmura, nec qui  
 Propter aquas dulci modulantur gutture cynci.  
*COR.* Ipse sed ante mihi hac ibis donatus avena:  
 Hæc nos. Parthenidem ardebat piscator Jolas,  
 Hæc eadem docuit, cui nassas? an Polybotæ?  
*MOP.* Accipe tu concham, qua nos donavit Amyntas,  
 Donatam & mihi tunc doluit pulcherrimus Anthus.  
*COR.* Sed jam surge puer; de litore clamat Amilcon:  
 Tempus: & è pelago plenas educere nassas.



# MARCO ANTONIO JUSTINIANO

VENETORUM DUCI SERENISSIMO.

## E C L O G A VI.

GLAUCUS.

ARGUMENTUM.

*Venetorum classi in Orientem ex Italia solventi, cum Auxiliariis copiis, INNOCENTIO XI. Pont. Max. adhortante, poeta sub Glauci persona felicia omnia auspiciatur.*

**S** juvat edomito de Thrace, Scythisque superbis,  
 Te Duce, venturas patriæ prænoscere palmas,  
 Huc ades, Adriaco veniens de litore, MARCE  
 ANTONI, atque animum à curis averte parumper,  
 Quæ jam fatidicus nautis oracula Glaucus  
 Obscura sub nocte dedit, nunc accipe; magnæ  
 O decus Ausoniæ, & Venetæ clarissima gentis  
 Gloria; litoreas nec dedignare Camænas.  
 Fors erit, (ò utinam fortunent Numina vota!)  
 Ut tibi grande meo veniat de carmine nomen,  
 Cùm duce te, partos cantabo ex hoste triumphos.  
 Piscatu Stabiis multa jam nocte redibat  
 Bajanus Milcon; sociique per æquora cymbam  
 Pellebant Lycabas, & Surrentinus Amilcon.

Nulla

Nulla cavo stabat vicini à flumine (1) Sarni  
 Aura mari: at puro splendebat ab æthere Luna,  
 Et subitè tremuli splendebat marmore ponti:  
 Jam veterem in (2) scopulum, qui servat ab Hercule nomen,  
 Venerat: audiri cœptus cum litore ab udo  
 Fatidicus Glaucus, tumidi qui monstra profundi  
 Innubi sub nocte solet mulcere canendo.  
 Quin & sæpè canit trepidis oracula nautis  
 Cæruleus pelagi Vates, aperitque futura.  
 Et tunc vaticinans Deus hæc ex ore profatus.  
 GLAUC. Aggri tumidas percurrere puppibus undas  
 Victtricem aspicio classem, plena æquora velis,  
 Et longis video remis freta pulsa sonare.  
 Aspirant lenes Zephyri: præit agmina prima  
 Adriacus LEO, quem centum comitantur ovanti  
 Cum plausu, fremituque rates: juxtâque carinas  
 Assultant læti Delphines, & humida ponti  
 Gens tota, & vario ludunt per marmora cursu.  
 Ipsæ etiam pelago surgunt Nereides udx,  
 Oræ omnes pulchræ, nitidisque in vestibis omnes,  
 Et niveis omnes, discincta veste, papillis,  
 Nudæ humeros, nudæque genu, sparsimque solutæ  
 Cæsariem per colla levem, vitreasque per undas  
 Solennes ducunt, Nereo plaudente, choreas:  
 Concertantque vago puppes ambire natatu,  
 Dum resona Triton cita personat æquora concha.  
 Scilicet egregios jam nunc spectare triumphos,  
 Et debellato palmas ex hoste videntur.  
 Unda fremit plausu: geminant cava litora plausum:  
 Laudibus & meritis Venetus LEO tollitur astris,  
 Illius adventu pullos dare terga Gelonos  
 Jam video, celerique fuga se trudere in (3) Hellen.  
 Ceu timidi fugiunt sylvosæ per avia damæ,  
 Cum propè venator jaculo ferus, & canis instat  
 Latratu; & nemorum cœcis conduntur in umbris.  
 Sed nec securos se faucibus Helleponti  
 Stare putant: fugiunt trans (4) Bosphoron, atque per altum  
 Euxinum in gelidas contendunt (5) Phasidis oras.  
 Exultant lætæ Cyclades, Venerumque salutant

Vi-


---

(1) *Fiume di Scafari*. (2) *Rovigliano* aliis est *Scoglio d'Orlando* inter *Stabias*, & *Vicum Æquensem*. (3) *Stretto del- li Dardanelli*. (4) *Canale del Mar negro*, d *Stretto di Costan- tinopoli*. (5) *Fasso urbs*, & *fluvius Cholcorum Georgia*.



Victorem, & festas jaceant ad sidera voces.  
 Auratasque sinu puppes, gentemque togatam  
 Accipiunt, sparguntque novos per litora flores.  
 Libera servitio (1) Leucas, servataque plaudit  
 Nicopolis: (2) socio responsat Græcia plausu.

Ipsa sed ante alias fremitu gratatur ovanti  
 Nascenti data Creta Jovi, populoque potenti  
 Applaudit servata, juxtaque exuta Tyranni  
 Gessit ovans, plausuque sonant late omnia circum,  
 Litora, scopulique, omnisque remugit Olympus,  
 Jam secuta metu sunt omnia: rura colonus  
 Exercet sua: gramineas errare per herbas.  
 Jam tutæ incipiunt capræ, simæque capellæ.  
 Populea pastor recubans securus in umbra,  
 Attritos certat calamos compingere cera,  
 Dulcia, & agrestes revocare ad carmina Musæ.  
 Securæ ludunt pecudes, saltusque peragant  
 Dætaeos; baculo puer armentarius illas  
 Cressus agit, pastusque sua ad præsepia ducit:  
 Et lætæ redeunt stabula ad Cortynia vaccæ.  
 Tutus & ipse sedet viridi piscator in æsta:  
 Atque leves gracili dum texit vimine nassas,  
 Nereidas resonare docet cava litora cantu.  
 At socii interea celeri vada falsa phaselo  
 Solicitant, captantque vagi per marmora pisces.  
 Nulla nocens currit mare puppis, & æquora nulli  
 Prædantur lembi: securæ cæcula pinus  
 Alta secant, Syroque vehunt de litore merces,  
 Et fortunati convectant dona Canopi.  
 Nam victi fugere Scythæ: jam Caucasus illos  
 Rursus habet: coæcis & saltibus abdit Imatis:  
 Atque Afer pulsus Lybiæ in deserta refugit,  
 Hæc dedite: & magno plauserunt murmure Nymphæ,  
 Et vada Tritones pulsarunt humida cornu.



## ECLO-

---

(1) *S. Maura*, (2) *La Prevesa* ab Augusto condita contra  
 Actium, post victum M. Antonium, & Cleopatram.

## E C L O G A VII.

## E P Æ N E T E R I A.

## A R G U M E N T U M.

*Cum forte Tityrus pastor, & Amilcon piscator convenissent, Sylvestrem alter vitam, litoream laudat alter.*

## TITYRUS PASTOR, AMILCON PISCATOR.

**F**ortè Dicarchæis servabat montibus hædos  
Tityrus, arguæ recubans sub tegmine quercus:

Hic & lentus oves tenui mulcebat avena,

Ad sua sylvestres compellens carmina Divas:

Cùm longè Bais veniens piscator Amilcon,

Fasce sub ingenti pressus confedit ad umbram.

Ut piscatorem conspexit Tityrus, inquit:

Non hæc, piscator, vobis sunt otia læta

Litoribus, non blanda quies, non vita beata est:

Cui piscator ait: Nobis sunt otia læta

Litoribus, tranquilla quies, & vita beata est.

Versibus hinc ambo incipiunt certare vicissim:

Tityrus & sylvas laudabat, litora Amilcon.

*TIT.* Nos hic vere novo in sylvis, cum lumine puro

Purpurei fulgent Soles, & lucidus æther:

Cùmque rubere novis jam prata coloribus, & jam

Incipiunt læto turgere in cortice gemmæ,

Et nidum tignis jam garrula figit hirundo,

Per virides latè colles, & florea rura

Erramus læti, & cælo gaudemus aprico.

*AM.* Tunc nos; blanda mari quoniam pellacia ridet,

Et pura sub luce dies micat aureus, & jam

Felici crispant Zephyri placida æquora flabro,

Mucosos inter scopulos, & litora cymba

Cursamus, mollesque citi per cæula læstis

Retibus, aut longa captamus arundine prædas.

*TIT.* At verò nimis cùm jam fervoribus æstas

Incipit exardere, nemo tunc inter opacum

Ac gelidos inter fontes, & flumina circum

Optatas auras, dulcesque inquirimus umbras.

Hic & sub patulæ prostrati tegmine fagi,

Sylvestrem tenui meditamur arundine Musam:

Et tristes cantu curas solamur amaras.

Nos hic & raucæ delectant murmure rivi,

Dum

Dum per saxosæ decurrunt concava vallis.

*AM.* At nos æstate in media, dum litora fervent,  
In vitreas pelagi nudi descendimus undas.  
Hic juvat & celeri Delphina laceffere cursu,  
Et crebrò variis affultibus ire sonantes  
Subter aquas, vitreasque domos lustrare profundi:  
Mox & cæreulis emergere protinus undis.  
At nunc in viridi confidere vertice saxi,  
Muscus ubi suavem de caute exhalat odorem.  
Alta dies medio sed cum libratur Olympo,  
Nos antrum in gelidum contendimus: hic ubi mollis  
Mixta hederis myrtus vestit pallentibus antrum,  
Roscidus èque cavis distillat rupibus humor,  
Cæreulea longè pulsamus litora concha,  
Litoream & Musam, & dulces cantamus amores.

*TIT.* At nos per sylvas, Zephyris motantibus umbras,  
Argutæ mulcent vocali murmure quercus,  
Atque avium cantus inter virgulta canori.  
Hic philomela loquax, & garrula turtur ab ulmo;  
Et rauca ardenti resonans sub Sole cicada  
Sæpè levi somnum suadent captare susurro.

*AM.* Nos in litoribus, Zephyris crispantibus undas,  
Et pelagi murmur, percussaque litora fluctu,  
Ac tenuis raucæ delectat sibilus auræ.  
Nec vicina silent myrteta, & concava saxa;  
Sæpè ubi pennigeræ volucres modulantur ad auras.  
Hic fessis gratum membris vaga murmura somnum  
Conciliant, fractæque ad litora leniter undæ.

*TIT.* Hic nemore umbroso cætus spectamus ovantes  
Nympharum, Dryadasque inter, rurisque puellas  
Ducimus immixti choreas, & Oreadas inter  
Erramus summis in montibus, atque repostos  
Lustramus saltus nemorum, sedesque beatas,  
Hic Satyros etiam saltantes cernimus ipsos;  
Sæpius & calamos, sylvestria Numina, Panes  
Inflare ad cantum, & Divas iterare cachinnum.

*AM.* Inter Nereides cætum nos ducimus udum,  
Atque leves agimus vitreo sub gurgite lusus,  
Doris ubi formosa choros exercet ovantes.  
Nos hic Tritones pulsantes æquora cornu  
Audimus, Proteumque senem, Glaucumque canentem:  
Cernimus & vario Delphinas ludere cursu;  
Nec pulchræ defunt per litora nota puellæ,  
Non & Naiades redimitæ tempora musco,  
Quæ dulces nectant choreas, & carmina dicant.

Tom. II.

D

TIT.

*TIT.* Cum verò Autumno in pingui vindemia spumat,  
Atque sua passim sternuntur in arbore poma,  
Sylvestres ludos celebramus, & orgia Bacchi.

Tunc & dona Deum, & lætas decerpimus uvas,  
Atque nuces, & poma, & castaneas hirsutas:  
Non & oves defunt nobis, nec copia lactis.

*AM.* At nos Neptuni ludos celebramus in undis:

Et cursu cymbæ, & juvenes certare natatu  
Festinant, plausuque sonant cava litora, & æquor,  
Phycides haud nobis defunt, rutilæque per undas  
Aurate, Rhombique, & amantes saxea Pagri.

Ostreæ dant scopuli, & pingui conchyliæ succo;

Undique & armatos radiis venamur echinos;

Et pingues mediis (1) onychas scrutamur arenis.

*TIT.* Nos, dum Bruma rigens dirumpit frigore saxa,

Et rapidos glacie cursus infrænat aquarum;

Ante focum, succensus ubi non deficit ignis

Plurimus, & pingues stant tædæ, & fissile robur;

Et dulces chara circumstant conjuge nati;

Frigora ridemus, statusque Aquilonis iniqui.

*AM.* Nos, quia tristis hyems latè maris asperat undas,

Et patrum tectum, & fumosa revisimus aëtra!

Hic tantum pelagi curamus mœnura, quantum

Aut Delphin numerum, aut insanos litora fluctus,

Desine sed jam, Pastor, iter mihi restat agendum;

Tu sylvas, & rura colas: ego litora, & undas;

Nam sive in sylvis, seu curvo in litore, lætam

Quisque suo vitam contentus munere ducit.



ECLO.

(1) *Cannolicchi* vulgus vocat, ex arenis educunt nautæ ad Sebethum, & Olympiam oram: dulcissimi saporis sunt, habenturque in deliciis.

## GENETHLIACA.

## A R G U M E N T U M.

*Zephyræus, & Artemidorus cùm VIRGINIS Templum; quod in extrema Olympia ad Pausilypi radices juxta cryptum, quâ via Putolos ducit, extructum est, natali die ad pompam celebrandam, ut moris est, convenissent, illius genethliacum texunt.*

## ZEPHYRÆUS, ARTEMIDORUS.

**V**IRGINIS Augustæ ad templum sub monte repositum  
(Namque dies natalis erat) convenerat omnis

Pausilypi, Megaræque manus; Zephyræus aprico

Pausilypo, Megara descenderat Artemidorus:

Naræ periti ambo, & durare in fluctibus ambo,

Velocique vagum Delphina laceßere cursu:

Et versus cantare, & acuta ludere canna.

Tum prior hæc patula vitis Zephyræus ab umbra.

**ZEP.** Natalem, VIRGO alma, tuum lux aurea vexit,

Lux semper Mundo, & mihi læta: age, Delic, currus

Siste rotas properantis: aquas ne tangere tantum

Festina: pede lentò ut eas, similisque moranti,

VIRGO jubet; laudes celebrandæ VIRGINIS hujus

O utinam si anno flueret mihi longior hæc lux.

VIRGINIS est Natalis, age, ede, ò buccina, cantus.

O piscatores, date flores, spargite muscum,

Sacraque cæruleis altaria cingite vittis.

Et vos, ò pueri, atque intacto flore, puellæ,

(Vos amat hæc Virgo) calathis nunc lilia plenis,

Pubentesque afferte rosas, casiamque nitentem:

Pulchraque nascenti subtexite ferta Puellæ.

VIRGINIS est Natalis, age, ede, ò buccina, cantus.

Candida gemma velut concrevit matris in alvo;

Et nitida ætherias cœli se prodit in auras:

Sic matris concepta utero mundissima VIRGO

Candidior nive, purpureisque nitentior ipsis

Erumpit gemmis: mirantur sydera, & omnes

Calicolæ, & roseis delibant oscula labris.

VIRGINIS est Natalis, age, ede, ò buccina, cantus.

O VIRGO formosa, Deo gratissima VIRGO,

Jam tibi nascenti se per tua tempora flectunt

In gyrum stellæ, & radiant luce coronant:

Jam tibi Luna vagos submittit frontis honores:  
Atque suis nitidum radiis subtexit amictum  
Purpureus Titan, circumque nitoribus ambit.

VIRGINIS est Natalis, age, ede, o buccina, cantus.  
Tu magni regina maris, tu sydus amicum  
Nautis semper eris, lætum, & piscantibus omen.  
Se tibi submittent, ventique, atræque procellæ,  
Et sese prono curvabunt vertice fluctus.  
Teque homines, Divique colent, dominamque vocabunt:  
Ac tibi dona ferent hæc ad delubra quotannis.

VIRGINIS est Natalis, age, ede, o buccina, cantus.  
Hæc Zephyræus: opacæ innixus protinus ulmo,  
Dicite, Nereides, quæ luserit Artemidorus.  
Nec possum meminisse: canentem audire negabat  
Turba virum stipata: nec omnia possumus omnes.  
ART. Omnia lætantur, Tellus, mare, sydera, cælum.  
Et Superi, atque homines: quid mirum? nascitur Orbi  
Aurea nunc VIRGO; ut cum matutina resurgit  
Aurora, & gremio Solem paritura rubescit.  
Divinum & Solem nostra hæc paritura Puella est,  
Atque optata dabit felici gaudia Mundo.

Ducite solennes, bona pubes, ducite pompas,  
Cernite, ut alma dies innubi effulsit Olympo,  
Et roseos Phœbi currus, aurumque revexit;  
Cernite, pacatis ut rideat æquor in undis,  
Et Zephyri levis aura, & saxa virentia musco.  
Omnia nunc ridet: gratantur & omnia Divæ  
Nascenti; Superique ipsi ad cunabula ludunt.

Ducite solennes, bona pubes, ducite pompas;  
Non posthac rauco Triton per cærule cornu  
Horrendos pelago nimbos instare monebit,  
Nec frontem Sol ipse sua ferrugine tinget.  
Nascitur en VIRGO: placantur VIRGINIS ortu  
Et venti, nimbiq;ue, impacatæque procellæ:  
Ac sua jam mites deponunt murmura fluctus.

Ducite solennes, bona pubes, ducite pompas:  
O summo dignata Deo, dum despicit omnes,  
Te te unam Pater elegit, divina Puella:  
Incipe jam totum risu componere Mundum,  
Tellurem, freta lata maris, camposque liquentes;  
Incipe; lætæ adeunt tua jam cunabula gentes,  
Annua Natalis recolunt dum gaudia lucis.

Ducite solennes, bona pubes, ducite pompas:  
Ite juvat, vitreique maris perquirere fundum:  
Vertere Tritonum latebras, & quicquid in alto

Doris avara sinu latè addit, sive rubentes  
 Murice sint conchæ, aut pictis interlita punctis  
 Ostrea, seu curvo ramosa corallia trunco,  
 Sublegere; illa feram nascenti dona Puellæ.

Ducite solennes, bona pubes, ducite pompas.  
 Hæc illi: & memini venisse ad litora pisces,  
 Et rigidas caput erexisse à fluctibus Orcas.

## E C L O G A IX.

D O R T L A S.

A R G U M E N T U M.

*Dorylas Piscator Jola pueri, quem Delphinus spinæ casu  
 transverberaverat, immaturum obitum deflet: illum autem so-  
 latur Anthus, Jola apothecosin referens. Per Jolam Poëta sub  
 Doryla persona, Alumno suo Orontio Montalvo, & genere,  
 & indole nobili illacrymat, qui omnium dolore, quoniam febri  
 correpto vena incisa est, interit. Per Anthum verdè intelligit  
 Nic. Cæsareum demortui socium.*

D O R Y L A S, A N T H U S.

**P**isces vitreas (1) Lucrini nuper ad undas  
 Defunctum Dorylas flebat piscator Jolam:  
 Lugentem Dorylam consolabatur & Anthus,  
 Anthus amor Musarum, atque Antho charus Jolas;  
 Et patri nimium Dorylæ dilectus Jolas:  
 His autem lacrymis, his questibus ora rigabat.  
**DOR.** Quis mihi te, pulcher, quis casus, ademit, Jola;  
 Et dulcem rapuit risum, & mea gaudia tecum?  
 Heu! qui molle latus crudeli vulnere fixit;  
 Nate, tibi, & multo turpavit sanguine membra?  
 Membra, olim niveus quæ vivida candor habebat:  
 Sed nunc pallor habet, sædoque asperfa cruore  
 Sordefcunt: clausique oculi: nec lumine fulgent,  
 Lumine quo nostros tum venabantur amores:  
 Non placidus fronti color est, non gratia labris,  
 Atque infueta permixti dulcedine risus,  
 Risus, quos Nymphæ suspiravere marinæ:

Quæ

---

(1) Lacus Campaniæ inter Avernum, & sinum Puteolanum  
 maximè piscosus: multis est *Mare morto*, aliis *Lago di Licola*.

Quæ nunc discissis nimio mœtore capillis  
 Flebilibus passim replent vada falsa querelis.  
 Et pisces etiam, & tumidi fera monstra profundi  
 Te, miserande puer, nunc cassum lumine lugent.  
 Infcius & qui molle latus Delphinus acuta  
 Transfixit spina, & Fato demisit acerbo,  
 Attonitus jacet, & sese, stimulante dolore,  
 Discruciat, quærítque miser diffundere vitam.  
 At mihi quis vitam, & duræ fastidia lucis  
 Auferat? immiti nam funere te mihi raptò,  
 Dulce mori citiùs, longum sed vivere durum est.  
 Triste mari in medio tempestas horrida nautis,  
 Delphin Pelamydij, triste & Delphinibus Orca;  
 Puppibus & Syrtis; misero tua funera patri.  
 Quis mihi, quis posthac servabit in æquora nassas,  
 Retia & ad Solem expandet, madidosque rudentes,  
 Nate, parentis amor, dulcis mea vita, meum cor?  
 Namque puer mihi nullus erit, dum, pulcher Jola,  
 Occidis, & vili pallefcis stratus in alga:  
 Ceu niveus medio Delphinus in æquore pallet,  
 Quem durus celeri tenuit per marmora cymba  
 Piscator fugientem, & acuta cuspidè fixit.  
 Tu pelagi decòr omnis eras, tu litoris hujus  
 Risus eras: tu dulcis amor, tu gaudia nostra:  
 Per te grata mihi quondam frëta cæcula: per te  
 Muscosæ cautes, & aquis lita saxa placebant,  
 Et dulces Zephyrorum inter myrteta fursuri.  
 Omnia nunc sordent sine te: simul omnia tristis  
 Luctus habet, mæstæque silent Nereids antro,  
 Et tristis concham projecit in æquora Triton.  
 Crudeles Parcæ, & crudelis tu quoque Delphin;  
 Formosum patri quoniam eripulistis Jolam.  
 Unus qui vitam longos producere in annos  
 Debuerat, serdque pios invisere Manes.  
 Non vos oris honos, non frontis amabile lumen,  
 Nec faciles pueri potuerunt flectere mores?  
 Quid queror! haud species flectit pulcherrima Parcæ.  
 Nec placidis hominum mansuescunt moribus unquam,  
 Ah puer! ah malè caute! nimis confidere monstro  
 Ausus, & insolito vitam committere ludo.  
 Ergo etiam læti crudelia funera lusus,  
 Et tristes pariunt luctus, atque inter amantum  
 Blanditias mors dura venit læta omnia turbans.  
 Ite procul calami: tenues piscator avenas,  
 Nec posthac dulces animabo ad carmina cannas,

Non



Non me Pausilypi vada læta, sinusque (1) Dicharchi  
 Aspicient vitreas deducere retia in undas:  
 Non viridem celeri visam (2) Nesida phaselo,  
 Atque humilem (3) Euphræam, quondam felicia nautis  
 Litora Pellæa venientibus urbe Dicarchum:  
 At mihi semper erunt sævi monumenta doloris.  
 Hos virides linguam scopulos, hæc litora, & antra,  
 Retiaque, & calamos, & vimineos labyrinthos:  
 Solus & in faxis, & litoribus desertis  
 Vitam infelicem per dura, per aspera ducam,  
 Quod tandem mites scindant mea stamina Parcæ.  
 Interea hæc duro describam carmina saxo,  
 Carmina, quæ molli dum texit vimine nassas,  
 Piscator legat, & lacrymans suspiria fundat.  
 Delphinum in ludo hic periit formosus Jolas:  
 Hic Dorylas illum, & Nymphæ flevere marinæ.  
 Sed, puer ô delecte, vale, vale pulcher Jola.

Hæc dedit: & calamos jam frangere, & ire parabat,

Cum sentem cœpit solari talibus Anthus.

ANT. Desine flebilibus cava saxa implere querelis,  
 Et tristem, Doryla, tandem solare dolorem.  
 Non dignus lacrymis puer ille: nec impia Fato  
 Sors illum misero rapuit: sed victor Olympo  
 Redditus, & Divos inter jam gestit ovantes.  
 Vidi ego, purpureus dum Sol luceret in Orbe,  
 Turmatim in terras summo descendere cœlo  
 Aligerum cœus: pictisque exercitus alis  
 Ardebat, citharisque omnes, cantuque fremebant.  
 Asperi & tenues inter volitare per auras,  
 Et choreas agere, & lato proludere cœlo.  
 Cycnorum veluti niveum volat agmen, ab alta  
 Nube ruens, placidoque sonans implet æthera cantu:  
 Et vario circum cursans secat æera gyro.  
 Quos inter puerum (nec me sententia fallit)  
 Ire coronatum lauro, nitidoque coruscum  
 Lumine, & è terris cerno super astra volantem.  
 Atque hæc syderias longè resonare per auras  
 Audita est mihi vox, & reddita vocis imago  
 Sæpius ex alto: Cœlo jam victor Jolas

Ten-

(1) Puteoli. (2) Nesida, Insula Pausilypo objecta ad Occasum vergens. (3) La Gajola, Insula ad Notum Pausilypo opposita, sic dicta, quod naves Alexandria venientes cum vidissent, bonam egisse navigationem lætabantur.

Tendit, io! Superi, venienti plaudite, & inter  
Felices puerum cœtus, sedesque locate.

Hæc Anthus: læto solatus & omine patrem est.

## E C L O G A X.

### CHRTYSIS.

#### A R G U M E N T U M.

*Ladon Urinator, Polydoro adhortante, CHRTYSIS apothecofin anniverfaria pompa celebrat. Per CHRTSIDEM D. Saverium intellige: per Ladonem poëtam, per Polydorum Joannem Berardum S. J. D. Saverii cultorem egregium: meditatus hanc Eclogam poëta est, eam jam fe ad Indicium iter accingeret; hinc Urinatores ad Gangis oftia introduxit.*

LADON, POLYDORUS Indi Urinatores.

*LAD.* **M** Irabar, Polydore, mari dum nuper in alto  
Immergor, rutilas piscatum gurgite conchas,  
Quid tanta, infolitum, narent conchylia fundo!  
Vidi etiam è vitreo spumofæ Tethyos amne  
Huc unâ properaffe Deas, ubi cœrula Ganges  
Lata fubit, nitidasque auro devectat arenas.  
Cœruleos hic blanda Deos ad carmina, & ipsos  
Auritos etiam pisces, & monstra vocabant.  
Ecce dies aderat, victor qua CHRTYSIS Olympum  
Ascendit, novus æquoreis Deus additus undis,  
Quà locus astringeri in medio vacat aureus orbis,  
Inter Phillyridæ jaculum, Ægocerumque sequentem:  
Et nos stamus adhuc, nec reddimus annua magno  
Vota Deo, lætique agimus spectacula pompæ?  
*POL.* Scilicet id fuerat, Gangis quod nuper ad ora  
Dum sedeo, & rutilas auro perquirere arenas.  
Carpere & è fluvio nitidos mihi cura lapillos,  
Nescio quæ læti canerent mihi carmina cygni.  
Illos (credo equidem) stellato CHRTYSIS Olympo  
Ad pompam, ô Ladon, atque annua sacra vocabat:

*LAD.* Sic ipse, ô Polydore, reor, solennia Divo  
Æquoris æquoræ ducunt sub gurgite Nymphæ;  
Candentesque sonant ripa in Gangetide cygni.  
At tu quæ pepigisse mihi te carmina quondam  
Dixisti, vacuo recubans dum frigus in antro  
Captabas mecum, tenui meditare cicuta,  
Incipe: jam raucus cecidit Notus, atque silentes

Aspi-

Aspice tranquillo sternantur ut æquore fluctus.

*POL.* Non eadem est ætas, Ladoh: jam profusus & illa  
Sunt oblita mihi tot carmina: quin quoque vires

Defecere: seni mentem & longa abstulit ætas:

Tu puer, & meminisse potes, mihi nuper ad undas

Dic, quæ litoreis cecinisti carmina Musis.

*LAD.* Immo hæc, quæ nitidas medio de gurgite conchas

Dum refero in litus, Divo properata parabam.

Jam repetam, & resona complebo cærulea concha.

*POL.* Incipe: pacatis en jam tibi Doris ab undis,

Et tibi gemmifero applaudit de gurgite Ganges.

*LAD.* Da mea vocalis, mecum vaga murmura, concha.

Quæ nunc, ò Divæ (1) Chryseides, æquora læta

Quæ colitis, roseus surgit qua Phœbus ab undis,

Litora vos mihi, vel fluviorum panditis ora,

Chrysi lætus ubi solennes ducere pompas

Incipiam, & musco redimita altaria ponam.

Da mea vocalis, mecum vaga murmura, concha.

An sedet hic, Nymphæ, quæ turgidus insluit auro

Ganges, & rutilus gremio Thetis accipit undas?

Nosco, Divæ, omen: sacra hic altaria ponam

Muricibus contexta rubris, albisque lapillis.

Da mea vocalis, mecum vaga murmura concha.

Ostrea da, Polydore, mari quæ duximus alto,

Et miris referunt variata coloribus Irim.

Affer & è duris evulsa corallia faxis.

His ego cæruleis contextam altaria donis.

Tu, Chrysi, in medio, tot quando cærulea conchas

Effudere sinu, tua munera, gemmeus esto.

Da mea vocalis, mecum vaga murmura, concha.

Huc age, Lyda, veni, fer tecum mascula thura,

Portitor illa mihi quæ quondam vendidit Afer:

His ego thuriferis incendam altaria donis.

Affer & apricis quæ collibus uva ministrat

Vina mihi, totumque cadis servata per annum:

Illæ ego diffundam læta hæc altaria circum,

Et duo, Chrysi, tibi, & Didymo duo pocula patri.

Da mea vocalis, mecum vaga murmura, concha.

Jam fortunatus summo confidis Olympo

Perque alios erras amnes, & cærulea Divum,

Tom. II.

E

Cæ.

(1) Nymphæ Eoi maris, sic dictæ à sinu Magno, qui & Chryse ab antiquis appellatus est: hodiè vulgò dicitur *Golfo di Sian*.

Cærule, quæ nunquam perturbant flamine Cori;  
Sed Zephyro semper gaudent, semperque per undas  
Cælestes ludunt, felicia Numina, Nymphæ.

Da mea vocalis, mecum vaga murmura, concha.  
Cuncta tibi nautæ per litora, quæ vaga Doris  
Alluit, & latè vaga circuit Amphitrite,  
Septem Aras ponent, totidemque ex more quotannis  
Oceanî vitulos antè aram, Orcamque litabunt.  
Et tibi servati sua vota in litore solvent.

Da mea vocalis, mecum vaga murmura, concha.  
Ite per Eoi vastissima cærule puppes;  
Nam novus Oceano Deus additus: ite per undas,  
Audaces nautæ, & placidos jam findite fluctus;  
CHRYSIDIS enim pelagi spumantia marmora placat.

Da mea vocalis, mecum vaga murmura, concha.  
Ite, nec insano quassantes turbine ventos  
Oceanum, rapidas nec formidate procellas,  
Ille animos mulcet ventorum, & temperat iras;  
Ille nigras pellit nubes, Solemque reducit.

Da mea vocalis, mecum vaga murmura, concha.  
Ite sub æquoreas, nudi vos ite sub undas,  
Divitis, ô pueri, quæsitum abscondita Nerei.  
Jamque novum cælo processit CHRYSIDIS astrum:  
Astrum, quo matres gauderent roribus, & quo  
Lucidus aurata in testa concreveret humor,  
Lætæque purpureis flavesceret unda lapillis.

Da mea vocalis, mecum vaga murmura, concha.  
Hæc levibus properata modis nunc accipe, CHRYSI.  
Carmina plura tibi mox, & meliora canemus.

Desine vocalis, mea desine murmura, concha.  
At tu nos cælo pius aspice: marmora conchas,  
Et rutilas Ganges, te Numine, fundat arenas.

Desine vocalis, mea desine murmura concha.  
Auspice te, placidum semper mihi rideat æquor;  
Rideat & puro suffusum lumine cælum.


Desine vocalis, mea desine murmura, concha.  
POL. Dulce mihi, Ladon, cecinit tua buccina carmen:  
Non tam suavè sonant hæc per Gangetica cygni:  
Nec quæ sublimes semper summo aëre fidunt,  
Uranides (1) modulantur aves, cum rore beato  
Jam saturæ, dulces effundunt gutture voces.

Ille

---

(1) Sic dictæ, quia nunquam in terris consistere videntur,  
undè & Paradisicæ *Ucelli di Paradiso*.

Ille tibi Phœbum inspirat : facit ille poetam :  
 Et tecum concha mare personat . Illius ergo  
 Egregias laudes meditare , & grandia facta .  
 Digna Deo tua semper erunt , & dulcia nobis  
 Carmina : te nostra laudabunt semper in acta ,  
 Dùm juvenes læti repetent tua carmina nostri .  
*LAD.* Surgamus , Polydore ; vagis Sol mergitur undis ,  
 Et latè maria , & montes umbrantur opaci .



# THEODORO

## COMITI BARBOVIO

FORTISSIMO MILITIÆ PRÆFECTO :

### E C L O G A X I.

Æ G O N .

A R G U M E N T U M :

*Cum Ægon ad (1) Posidonium felicem nuncium attulisset, excessisse nimirum Messana Gallicam classem, urbemque à Comite Theodoro Barbovio receptam; Melibœus pastor, & Lycabas piscator læti carmen Victori canunt. Per Ægonem poetam intellige, qui Rhegii hanc Eclogam conscripsit, cùm severiori Minervæ operam daret.*

ÆGON Nauta, LYCABAS Piscator, MELIBOEUS Pastor.

**A** Ctiadis magnum nostræ decus , & nova Musæ  
 Gloria , seu pietis alacer splendescis in armis ,  
 Aut petis adversos ærata cuspide reges :  
 Sive tibi merita præcingunt tempora lauro  
 Servatæ gentes , plausuque ad sydera tollunt ;  
 Huc ades , ô THEODORE , atque has ne despice Musas ,  
 ( Si qua tibi nostræ velocis gratia cymbæ )

E 2

Quas

---

(1) Seu Columnnam Rheginam , La Catona .

Quas Pastor Melibæus, oves dùm pascit ovantes;  
 Ac tibi Piscator Lycabas, dùm retia ducit  
 Alternis referunt cantantes versibus ambo:  
 Tuque etiam facilis tenues Ægonis avenas  
 Accipe: nam nostræ debent tibi carmina Musæ.

Fortè mari ex alto ducebat retia in ætiam  
 Piscator Lycabas, tristesque in pectore curas  
 Versabat: pelagi sed per vicinia pastor  
 Lanigeras Melibæus oves non lætus agebat.  
 Ad (1) Cœnym Lycabas habitabat: Pastor ad umbras  
 Vicini nemoris, viridique in valle (2) Salicti  
 Improvisus adest, timidisque supervenit Ægon,  
 (Ægon Euboici quondam maris accola, ponto  
 Tunc Siculo errabat, patris procul exul ab oris)  
 Protinus & læto sic incipit ore profari:  
 Cui trepidi juvenes mox respondere vicissim.

ÆG. Sollicitos vestro depellite corde timores,  
 O pueri, felix vobis en nuncius adsum.

LTC. Dic age, quæ nobis Ægon nunc læta reportas?

ÆG. Insestæ Siculo excessere ab litore puppes;  
 Arma procul cessere, minæque, infandaque bella.

Pax redit, & læti capiunt exordia menses.  
 Vidi ego, lunati surgit, quæ pompa theatri  
 Magnanimum Heroem, regisque insignia nostri,  
 Agmina mille, ducem stipantia litore vidi,  
 Et lætas voces, plaususque his auribus hausi.

Celi regi agglomerantur apes, post prælia quando  
 Victor regna petit, cæsoque ex hoste superbis  
 It lætos inter cœtus, plaususque faventum.

LTC. Scilicet id fuerat, prima quod luce diei  
 Sæpius, insuetum, resiliet ab æquore Delphin,  
 Nereidesque choros agerent, dùm murmura longe  
 Cærulea investus concha ciet æquore Triton.

MEL. Hoc etiam (nec fallor) erat, quod præta capellæ  
 Tonderent nimia passim dulcedine lætæ:

Ac virides inter salices, & flumina circum  
 Errarent Dryades festivæ, & Njades udæ:  
 Quas inter mixti, sylvestria Numina, Panes  
 Insistent læti calamos, & læta sub auras  
 Murmura jactarent volucres per compita sylvæ.  
 Credo equidem: nam sensus inest divinitus illis.

ÆG.

(1) Promontorium, & fluvius, de quo Lib. 4. Nauticorum.  
 (2) Amœnissima Villa lo Salici, de qua eod. libro.

*ÆG.* Ergo agite, & vestrae possunt quæ carmina Musæ,

Dicite, & alterno, juvenes, contendite cantu.

Ipse has interea pulsabo pectine cordas.

*MEL.* Ite per apricos colles, & rura capellæ,

Ac lætæ cytharum, & florem tondete salicti;

Hostis abit: cessere minæ; pax aurea venit.

*LTC.* Ducite securi choreas Delphines in undis,

Et vario circum litus cursate natatu;

Pax redit: & placido rediens nitet aurea ponto.

*MEL.* Vos, ô pastores, inducite fontibus umbras;

Et finite optatas tenerum pecus ire sub umbras.

Hostis abit: cessere minæ: pax aurea venit.

*LTC.* Vos, piscatores, læti deducite cymbas,

Et piscosa leves jam solvite retia in undas;

Pax redit: & placido rediens nitet aurea ponto.

*MEL.* Fœcundos proscindat agros festivus arator.

Et pingues pedibus pressit jam vinitor uvas.

Hostis abit: cessere minæ: pax aurea venit.

*LTC.* Alta rupe sedens piscator arundine pisces

Capet ovans, nudusque mari scrutetur echinos:

Pax redit: & placido rediens nitet aurea ponto.

*MEL.* Hic ego sub patula prostratus tegmine fagi,

Dum teneros carpunt flores, mea cura, capellæ,

Ac Phyllis formosa comas mihi Daphnide cingit,

Agrestes tenui modulabor arundine Musas.

Hostis abit: cessere minæ: pax aurea venit.

*LTC.* Hic inter scopulos, Zephyrique tepentis ad auras

Dum moror, & molles expecto ad retia prædas,

Ac mihi de myrto nectit Galatea corollam,

Æquoreas resonare Deas cava saxa docebo.

Pax redit: & placido rediens nitet aurea ponto.

*MEL.* At vos, Pierides, victori cingite lauro

Tempora, & Aoniæ, vos dicite carmina, Musæ.

*LTC.* Vos illi sertum viridi contexit myrto,

Nercides, plausuque sonans ciat æquora Triton:

*MEL.* Illi ego per sylvas, septemque altaria circum

Bissenos de more dies sacra liba quotannis

Spargam lætus humi, atque incendam mascula thura;

Non me carminibus superabit fuscus Amyntas:

Nec Pan ipse Deus vincet: nec Thracius Orpheus.

*LTC.* Ast ego litoribus, totidemque altaria circum,

Et sacros latices, & vina liquentia fundam,

Et spargam pelagi muscum festivus ad aram.

Non niveos inter cantu Delphinas Arion,

Nec mihi per scopulos certet Deus ipse Palæmon.

Sic

Sic illi alterno miscebant carmine Musas:  
Ægon interea calamos inflabat acutos.  
Cum tandem (alta jugis jam Solem absconderat Ætna)  
Amborum invitæ fecere silentia Musæ:  
Atque hinc muscosi scopuli, rupesque cavatæ,  
Hinc longè colles responsum beati.

## E C L O G A XII.

M O E R I S.

## A R G U M E N T U M.

Cum Phrasidamus Mærim puerum rosas, & corallia ferentem vidisset, suspicatus ne puella alicujus amore teneretur, conatur illum ab amore revocare. At puer se Virginem amare ingenuè fatetur, & quò modo à Virgine vocatus fuerit, exponit. Per Mærim intelligit poeta Olympicum piscatorem, qui annos duos, & viginti supra centum habet, virgo semper, & Virgini addictissimus.

## PHRASIDAMUS, MOERIS.

PHRA. Cui tu, Mœri, rosas, & nigra corallia portas?  
Ah timeo tibi, Mœri, furor ne te improbus ille  
Prævertat, præcepsque trahat malè sana cupido.

MOE. Vera tibi fateor, jam me pulcherrima VIRGO  
Totum habet, & dulces animo mihi ventilat ignes.

PHRA. Ah puer infelix, quæ te dementia cepit!  
An nescis quam durus amor? non sævior illo  
In terris Leo, non pelago crudelior Orca est.  
Illum sæva mari, canibusque incincta marinis  
Scylla tulit; natumque sinu impacata Charybdis  
Fovit, & immanes admorunt ubera Phocæ.

MOE. O, nescis, Phrasidame, mihi quæ flamma medullas  
Torreat, & quæ me teneat formosa puella.

PHRA. Dic age, quæ flamma, & quæ sit formosa puella?

MOE. Incendit me dius Æmor: me PARTHENIS: ô, quæ  
Non consueta meum pertendant gaudia pectus!

Illa meos poscit (si quicquam credis) amores.

Illa habeat: mentem hic semper bonus occupet error.

O nimium felix, hanc si, piscator, amares!

PHRA. Non humana sonant tua verba: sed unde repente  
PARTHENIDIS tibi tantus amor? quo Numine dextro

Mæ.



Mœri, tibi sacræ exarsere in pectore flammæ?  
*MOE.* Dicam equidem, Phrasidamê: Cavo stat pieta sub antro  
 Quâ Mergellina illustres via ducite in (1) ædes  
 Virgo decus cœli, quæ me dum spectat euntem,  
 Pubentesque rosas dextra tunc fortè ferentem,  
 (Ipsa mihi soror è testa decerpserat Ægle)  
 Cui, formosæ, rosas, Puer? inquit: at ipse repenti  
 Obstupui: captusque nova dulcedine mentem,  
 Illi hæc: Dia, rosas vis tu pro munere, *VIRGO?*  
 Accipe: parva quidem; sed si dignabere, majus  
 Cor, nostri, Regina, tibi do pignus amoris.  
 Tunc dextram mihi *VIRGO* tetendit, & Has, puer, insit;  
 Accipio, dilectæ, rosas, quæ pignus amoris  
 Semper erunt: semperque tuos dignabor amores.  
 Sed tu, Mœri, alias sectari, & amare puellas  
 Mitte, nec infans incendat tibi pectora flammæ.  
 Cui contrà. Tibi, Diva, meos piscator amores  
 En voveo: immotumque animum tu Numine firma.  
 Ac veluti nunquam tot me flexere puellæ,  
 Litora quæ mecum passim per nostra vagantur:  
 Sic & nulla mihi poterit prævertere mentem:  
 Non Beroë formosa comas, non pista Lycoris,  
 Non Hyale, quanquam nobis pro dote superba  
 Centum regna daret, rubroque è gurgite gemmas,  
 Quot veniunt, quantumque Indis deducitur aurum.  
 Tuque, Puerque tuus nostro sub pectore fixi  
 Stabitis, æternùmque mei vos semper amores.  
 Nec vestra ex oculis unquam labetur imago,  
 Diva, meis: nec erit quicquam mihi gratius unquam,  
 Ni Dius Puer, & Pueri tu candida Mater;  
 Nam dulcis Puer est, & dulcis tu quoque Mater.  
 Ipsa, Puerque meus te semper amabimus, inquit  
 Illa mihi: tu noster amor, tu maxima cura.  
 Proque rosis, quas, Mœri, mihi, Pueroque dedisti;  
 Jam tibi luciferis sertum subtextitur astris.  
 Hæc dedit, & placidis mihi mox subrisit ocellis:  
 Subrisit Puer ipse, sinu quem Dia tenebat,  
 Et mihi divinos animo inspiravit amores.  
*PHRA.* Fortunate Puer; Diæ tu *VIRGINIS* ergò  
 Factus amans, quæ tantùm alias formosa puellas  
 Exuperat, quantum reliquas Luna aurea stellas,

Illam

(1) Magnifico sumptu extructæ ad Pausilypi litus à Me-  
 thymæ Duce, & Anna Carafa conjuge Proregibus Neapolita-  
 nis.

Illam Cœlicolæ, nitidisque exercitus alis  
 Aligerum observat venerans, plausuque coronat.  
 Fortunate Puer, nunquam tibi dura negabunt  
 Æquora captivos piscosâ in retia pisces.  
 Non posthac vacuas velles de murice conchas;  
 Nec tenues inter sabulum venaberis (1) aulos;  
 Nam Virgo, cui Sol, cui Luna, & sydera parent,  
 Et venti, nimbiq; undosi & cœrula ponti,  
 Placabit maria, & ventos, imbresque fugabit:  
 Piscibus & nassas, succoque implebit echinos.  
 I, felix Puer, ô! fer nigra corallia Divæ,  
 Purpureamque rosam, & flammas testare pudicas.  
 Sed veniam Comes ipse tibi, si fortè benignis  
 Aspiciat me Virgo oculis, nec spernat amantem.  
 MOE. Corripiam priùs ipse viam: tu pone venito.



JA-

(1) Idem, ac onyches, qui & Solenes à Græcis: à Latinis digiti, etiam appellantur.

# JACOBO<sup>37</sup> CANTELMO

S. R. E. CARDINALI AMPLISSIMO,

Archiepiscopo Neapolitano.

## E C L O G A XIII.

### ARGUMENTUM.

*Cùm Roma Pontificia Classe profectus, Massam ad delu-  
brum per astatem secessurus venisset, amantissimaque circùm  
loca unà cum poeta lastraret.*

### LYCABAS, MOPSUS.

**F** Ortè sub umbroso Lycabas confederat antro  
Palladias juxtà rupes, & plurimus auras  
Captabat Zephyri molles, & frigus opacum,  
Ingentes Regum meditatus arundine pugas;  
Cùm celer adveniens Vervecide Mopsus ab unda,  
Piscatu dives multò: quid lentus ad umbram,  
Quid, Lycaba, cessas? inquit. Stat carmina quando  
Texere digna tibi: & venientem attollere cantu  
Heroem insignem pietate, ostroque nitentem.  
Quem fore venturum piscosa ad saxa Minervæ,  
Jam dudum cecinit divino carmine Proteus.  
Ipse etiam purâ Vatem sub nocte canentem  
Audi, freta Teleboùm dùm fortè recurro,  
Lunaque oliviferos linquebat lucida colles.  
Sed quâ, Mopse, virum vidisti ad litora ferri?  
Da, precor: occurram, cantuque ad sydera tollam.  
Spero equidem, nostras non respuet ille Camœneas:  
Respondit Lycabas, contra cui talia Mopsus:  
Nuper cautè sedens Vervecide, quâ vagus undas  
Sol petit, Inarimen inter, Prochytenque: citumque  
Expecto ad prædam Synodonta, Chromimve rubentem,  
Tres vidi vitreo cursantes æquore puppes:  
Illis credo equidem vectari Heroa, carinis.

Tom. II.

F

Nam

Nam circum pulchræ Nereides, & genus omne  
 Nympharum tremulo ducebant marmore lufus:  
 Quas inter mixti pingebant æquora cauda  
 Delphini: & refona pulsabant Nærea concha  
 Tritones: percussa procùl cava saxa sonabant.  
 Quare age, quandoquidem non fistula, non tibi desunt  
 Carmina, litoræam modulare ad litora Musam:  
 Ille hæc: & Lycabas sic orfus arundine carmen.

Currite Lubrenses per cærula, currite, Nymphæ,  
 Auspicio meliore. Redit quæ fessus ad æquor  
 Hesperium Titan, currumque reducit ad Indos,  
 Sol novus exoritur, roseoque decorus in ostro  
 Emicat; atque diem terris, lucemque perennat.

Currite Lubrenses per cærula, currite, Nymphæ,  
 Auspicio meliore. Subit jam Regius Hospes  
 Classe sinum, festisque sonant pulsa æquora bombis,  
 Lætaque securis terroribus unda remugit:  
 Totus & innocuis subtermicat ignibus Æther.

Currite Lubrenses per cærula, currite Nymphæ,  
 Auspicio meliore. Suo non Scyrus Achille  
 Amplius, ingenti quanquam, se jactet Alumno,  
 Non Jove Dictæi collis: namque Hospite tanto  
 Lubra præit Scyrum, Cretamque superba lacescit.

Currite Lubrenses per cærula, currite, Nymphæ,  
 Auspicio meliore: procùl Sebethide ab unda  
 Parthenope tantum vobis gratatur honorem.  
 Parthenope, fatis cui nunc felicibus, Heros  
 Contigit: & Pastor stat pro Pastore Supremo:

Currite Lubrenses per cærula, currite, Nymphæ,  
 Auspicio meliore, petunt jam litora vestra  
 Visuræ Heroem quotquot Cratera recursant  
 Flavicomæ Ponti Nymphæ, cætusque beati  
 Sirenum; & vitreo de flumine plurima Nais.

Currite Lubrenses per cærula, currite, Nymphæ,  
 Auspicio meliore: quibus sub Principe tanto  
 Optati spirant Zephyri felicibus auris,  
 Blanda que subridet Nerei pellacia, & almo,  
 Eque coruscanti radiat lux aurea vultu.

Currite Lubrenses per cærula, currite, Nymphæ,  
 Auspicio meliore: imisque è fluctibus ostro  
 Tincta rubescenti corallia carpite, mixta  
 Multa quibus rutilis ardeat purpura fibris,  
 Sitque Dicharchæo sublectus ab æquore murex:

Currite Lubrenses per cærula, currite, Nymphæ;  
 Auspicio meliore. Latino hæc debita Patri

Munera sunt : nitidum argentumque, aurumque coruscum,  
Quasque alii cupiunt, gemmas contemnit ; & unis,  
Quæ sua, contentus gaudet virtutibus Heros.

Currite Lubrenses per cærula, currite, Nymphæ,  
Auspicio meliore. Maris muscosa profundi  
Dona, leves Aulos non dedignabitur ille,  
Non balano lepadas, conchilia, non & Echinos,  
Ostreæque, & Cochleas cum purpureis Nitidis.

Currite Lubrenses per cærula, currite, Nymphæ,  
Auspicio meliore. Rubro non vellere Mullos,  
Non & Acum, & Soleam, pictamque remiserit Umbram.  
Quare agite, his, Divæ, tenues onerate canistros:  
Qui grato spirent musco, atque suavis herbis.

Currite Lubrenses per cærula, currite, Nymphæ,  
Auspicio meliore. Sinus jam pandite vestros  
Sirenes; nam vectus equo petit alta marino,  
Muscosoque legit scopulos, & odora secundum  
Saxa leves Zephyros, & murmura captat amica.

Currite Lubrenses per cærula, currite, Nymphæ,  
Auspicio meliore: cavum Colomelis in Antrum  
Coge Deas, cæsusque Viro ruat obvius omnis;  
Et vitreas nectat choreas, & carmina dicat.  
Namque sacris Heros choreis, & carmine dignus.

Currite Lubrenses per cærula, currite, Nymphæ,  
Auspicio meliore. Natantia regna tenetis,  
Vos quæ Teleboùm, Divæ, descendite ab alto  
Vertice, & Heroem venientem ambite natatu,  
Dùm rauci circum Tritones Nerea pulsant.


Sistite Lubrenses jam cursum, sistite, Nymphæ.  
Jam redit è vitreis Neptuni fluctibus, omni  
Nereidum læta circum stipante corona:  
Assultantque viro Delphines, & æquora pingunt,  
Miscentes varios miris erroribus orbes.

Sistite Lubrenses jam cursum, sistite, Nymphæ.  
Jamque hinc pacato venienti à gurgite cautes  
Assurgunt, plauduntque undis vada læta canoris:  
Hinc & proceræ nutantia culmina rupes  
Inclinant, blandoque sonant myrteta fufurro.

Sistite Lubrenses jam cursum, sistite, Nymphæ.  
Jamque coronatis è puppibus exit, & ætam  
Infilat in viridem: citò litora sternite myrto,  
Et circum foliis ornate virentibus: illum  
Vos & purpureo, Divæ, conspergite nimbo.

Sistite Lubrenses jam cursum, sistite, Nymphæ.  
Hæc levibus properata modis, pro tempore Musæ,

40 E C L O G A XIV.  
 Nunc tibi Partheniæ mittunt, mitissimè Princeps,  
 Spero equidem, meliora dabunt, si fronte serena,  
 Nostra hæc litoreæ respexeris orsa Camœnæ:  
 Sique tua Vatem Phœbea afflaveris aura.



# C A R O L O

## C A R D E N I O

SAC. ROM. IMPERII PRINCIPI MERITISSIMO,

Laini Marchioni, Acerrarum Comiti.

E C L O C A XIV.

C A R D E N I D E S.

A R G U M E N T U M.

*CARDENIDEN Mecœnatem suum Poëta sub æstatem  
 und cum Phyllide ad Pausilypum invitat, locique amœnita-  
 tem, ac delicias describens: atque illi & piscatoria manuscu-  
 la, & versus spondet. Per Phyllidem intellige FRANCI-  
 SCAM M. SPINELLAM è Scalæ Principibus, Marchionis  
 Conjugem, mulierem præstantissimam, omnibusque animi, for-  
 tanaque dotibus abundè ornatam.*

O Peatos jam pande mihi, formosa, recessus,  
 Mergillina, cavis & amicam in rupibus umbram,  
 Quòd plenas referam nallas, & frigora captem.  
 Pauca sed ante meo gracili sunt carmina avena  
 CARDENIDÆ dicenda: neget quis carmine magno  
 CARDENIDÆ, me cuius amor facit esse poëtam.  
 Sic tibi, cùm vitreas pelagi descendis in undas,  
 Et blandam cursu sequeris Nefida sororem,  
 Non Protei possint, Phorcique nocere petulci.  
 Incipe: Pausilypi ad littus, sedesque beatas  
 CARDENIDEN tenui calamo, cantuque vocemus.

CA-

CAROLE, dum summis ardet fervoribus æstas,  
 Incenditque suo rutilans sata Syrius igne,  
 Hinc, quod Pausilypus scruposæ rupis in antrum,  
 Et formosa vocat te Mergillina, venito.  
 Ipsa sed in primis veniat tua Phyllis, & ipsa  
 Cæruleas inter ludat non ultima Divas:  
 Euboidum Phyllis pulcherrima, quam tibi casti  
 Dulcis amor thalami concordi fœdere iunxit:  
 Et quæ jam pulchra fecit te prole parentem.  
 Hic lenes spirant auræ, Zephyrique salubres,  
 Et placido intendunt felicia marmora flabro:  
 Crebræque impulsæ modico clangore jocosæ  
 Per virides scopulos, per litora leniter undæ  
 Assultant, vitreique tegunt saxa humida rores.  
 Hic & odorifero florentes pumice cautes  
 Cæruleum gignunt muscum æquoris: aspice, ut omne  
 Litus, & objectos scopulos maris integat herba,  
 Qua non purpurei spirant fragrantis horti:  
 Gratus & halat odor, qui thure suavior ipse  
 Leniter immissa insinuat se naribus aura,  
 Atque ægros reficit sensus, viresque ministrat.  
 Stant rigui fontes, multoque foramine manat,  
 Qui nitidas inter fugiens strepit humor arenas.  
 Et sincerus aquæ se litora propter amœna  
 Fons agit è scopulis, cui non vicina recurrens  
 Doris amara suum immiscet perfusa liquorem.  
 Inter & optatos subsultant Najades amnes,  
 Ore omnes formosæ, adianti frondibus omnes  
 Ornata, & viridi succinctæ crura cothurno;  
 Sunt hic & rupes, tepidæque in rupibus umbræ,  
 Quæ nimios relevent æstus, & læta ministrent  
 Otia Musarum: gelidis hic sæpè sub antris  
 Cantando ingentem poteris lenire laborem,  
 Dum choreas tua Phyllis agit, luditque beato  
 Nympharum sociata choro; mediasque per undas  
 Humida Delphinum ad cantum gens assilit omnis.  
 Eja, age, rumpe moras: tibi jam per litora muscus  
 Sternitur, & passim mollis se subjicit alga;  
 Aspice, ut undivagi nantes per cæcula pisces  
 Te placido invitent lusu, cursentque per æquor  
 Festivi, & frutices inter spatientur odoros.  
 Ipsa tibi rident Zephyrorum animata susurro  
 Æquora, vocalique laceffunt murmure cautes:  
 Hic juvat in vitreo ludentes gurgite Divas  
 Nereides spectare, & fluctivagas Sirenas;

Quip-

Quippe suus nunc mensis adest, qua gurgite ludunt  
 Cum flabro incipiunt Zephyri spirare canoro:  
 Interdum picto lustrabis læta phaselo  
 Litora Pausilypi, & colles spectabis apricos,  
 Et quæ magnifico surgunt palatia luxu:  
 Nec non & mixtim pueros, tenerasque puellas  
 Innocuos celebrare choros, & ludere in undis.  
 Sæpè etiam celeres sublabi gurgite cymbas,  
 Et pubem remis certare, & scindere fluctus,  
 Ut primi metam teneant, & præmia tollant.  
 Aspicias lætos & ovarianti murmure plausus  
 Attolli, & festas cava litora reddere voces,  
 Ac longè scopulos plausu, & freta pulsa sonare.  
 Quin etiam, si nostra tibi munuscula cordi,  
 Barbatos tibi ego Mullos, Rhombumque trilibrem;  
 Auratamque feram, & Turdum, flavosque (1) Erythinos:  
 Addam atq; his (2) Apyrenum, & cæruleum (3) Melanurum,  
 Atque leves (4) Synodontas (amat hos nam tua Phyllis:  
 Sæpius atque illos memini, me ferre rogabat)  
 Hos & odorifera contestos desuper alga,  
 Vimineosque inter calathos tibi munera ducam.  
 Præterea, primis quæ sunt gratissima mensis,  
 Dona feram, æquoreo madeant quæ plurima rore,  
 Atque vaporifero spirent circumdata musco,  
 Et persæpè famem quæ irritavere morantem,  
 Ostrea, purpureoque ardentes murice conchas,  
 Et saxosa mihi Nefis quos servat Echinus,  
 Quosque Dicharchæis nutrit Thetis humida saxis:  
 Illos è fundo, rigidaque è rupe revellam,  
 Cum jam Luna suum complevit lumine cornu.  
 Insuper & pictum, non ultima dona, quasillum  
 Cæruleis plenum digitis, quos litora propter  
 Sebethi medias inter scrutamur arenas.  
 Hinc cum læta inter myrteta, & concava saxa,  
 Aut rignos inter lenta otia ducimus amnes  
 Jam vacui, & Zephyrum, & frigus captamus opacum;  
 Quam mihi Syncerus moriens donavit, avenam  
 Inflabo, & nostro freta carmine pulsa sonabunt.  
 Tunc genus antiquum regali è sanguine regum  
 Cantabo, stirpisque tuæ primordia dicam,

Hæc

---

(1) *Fragolino*, & *Pragro*. (2) *Lampreda*, sic dicta, quia  
 exossis est. (3) *Ocebiata*. (4) *lidem*, ac *Dentices* latine,  
*Dentici*.



Magnanimos addam Heroas, Regesque superbos,  
 Quos Tagus auriferis regnantes vidit arenis,  
 Et quos Dives Iber, niveaque incinctus oliva  
 Bætis, & umbrosa coluit cervice Pyrene:  
 Quos & Parthenope titulis majoribus auxit:  
 Noster, & in viridi miratus sæpè recessu  
 Pausilypus, fovitque suas Euphræa per undas:  
 Non taceam tua facta, mihi si pulcher Apollo;  
 Et digna Aëtiades concedant carmina Musæ.

Hæc sat, Nereides, vestrum luisse Poëtam;  
 Dùm sedet, & rarum subtexit arundine linum.  
 Hæc vos, & Divæ, facietis maxima magno  
 CARDENIDÆ, mihi cujus amor sic crescit in horas:  
 Orbe velut pleno succus pinguescit Echini:  
 Aut matutino ut turgent conchylia rore.

Surgamus: nam prima gravis cantantibus aura  
 Vesperis, atque aër gelidi nocet humidus antri,  
 Ite domum teneræ, Sol occidit, ite puellæ.

FINIS



# PLATE




PARTHENII  
NAUTICA.  
*EDITIO QUARTA.*


*Tom. II.*

G

PARTE II  
NAUTICA  
EDIZIONE QUARTA



# AD LECTOREM.



*Primum* ultimis hifce feculis pollere navigandi  
artem, nemo est qui ambigat, quare fi antiquo-  
rum navigationes cum noftris conferamus, non  
dubito, quin vagire infantem apud illos mariti-  
ma rei peritiam, apud nos verd adultam jam,  
& ad plenam evectam atatem dixeris. Vix aufi  
sunt illi Oceani veluti primam oram lustrare:  
nos quantum Oceani eft, quod utrunque Orbem  
allait, circuitque, navigavimus, novasque orbes, novas provincias,  
nova regna, infulas, promontoria, flumina, populosque alios dete-  
ximus, ut nihil jam in voffiffimo terrarum Orbe nos lateat, nifi  
exigua dumtaxat particula, quam nobis una perpetua Borealis po-  
li, Australisque caligines occulunt: hec tamen nec terrarum parti-  
cula cenfenda eft, quam ne feris quidem ad habitandam natura  
conceffit.

Accedit, quod apud Antiquos ante nautica pyxidis inventio-  
nem adeo tenuis erat maris peritia, curfusque regendi, ut vix fi-  
ne periculo per vigintiquatuor horas longe a terris navigari potui-  
fet, quod fi contingeret, ftatim, ut ait Poeta:

Errabant aeti fatis maria omnia circum.

Quippe uni ad indagandam meridionali ftrem, & reliquas plagas,  
ad quas navigatio instituenda erat, interdum Solis altitudine, nocte  
verd Stellis Mijoris Urfe Graci, & Rhodii, Minoris Phœnicæ,  
Sidoniiq; utebantur, ut meminit Ovidius:

Magna, minorque feræ, quarum regit altera Grajas,  
Altera Sidonias, utraque sicca, rates.

Hac verd tempestate ope pyxidis, mapparumque Geographicarum, necnon & summa mathematica disciplina peritita, id prastitum est, ut non per Mediterraneum modò, sed longè, latèque per Oceanum tutissima, ac brevissima sit nobis navigatio. Præstitere ad id operam suam quamplurimi eruditi auctores, qui nova, exquisitaque methòdo Rem Nauticam aggressi sunt non sine summa ingenii laude, & reipublicæ commòdo. Præcipuam verd laudem nacti sunt Villebrordus Snellius in suo Typhi Batavo, Bartholomæus Crescensius in Nautica Mediterranea, Morisotus in Orbe Maritimo, Dudleus in Maris Arcano, Ricciolius in Hydrographia, & novissimè Georgius Furnerius in eruditissimo Geographia volumine. At nullus, quod sciam, hætenus Rem Nauticam carmine completus est; nam cùm lapidem omnem evoluerem, ut si quis hujus rei auctor aliquis esset, ad manus perveniret, nunquam vel unum nactus sum. Id cum viderem subito animum invasit calor, ut rem hucusque inactam arriperem: atque ille non parum me stimulus pupugit, ut si non ab elegantia carminis, saltem ab argumento, rei que novitate aliquam mibi eruditorum benevolentiam conciliarem. Verùm ne operi manus admoverem obstabat in primis infirma valetudo, & maximè Hypochondriorum inflammatio, quæ lues mirum quantum hoc seculo apud nos grassatur: obstabat præterè severioris disciplinæ provincia, quæque mibi plurima erat opera: vicit tamen Musarum ardor, & reluctante ingenio, valetudineque sex mensium curriculo tot inter tricas opus absolvi, coronidemque qualemcunque imposui, cum jam in diès Viennensis obsidionis exitus expectabatur: ac si divinaissem, id quod & futurum erat, & maximè præoptaveram, festinus cecini; annuitque votis benignus semper Deus.

Sed aded diminutæ sunt vires, ut sequenti anno in gravem morbum incidere, ex quo tamen convalseui; perpolitoque utcumque opere, ne longioris limæ studium in pectus valetudinem daret, opus penè rude in lucem dedi, etsi non bonam: eo tamen consilio, ut si eruditis placeret, iterum cultius, auctiusque proferrem. Damnavis fortasse consilium, præsertim monente Horatio, opus quodcumque in nonum annum premendum esse. Verum id præter valetudinis periculum, feci amicis hortantibus, qui opus festino colore absolutum benè noverant. Præterè sunt quamplurimi, quorum ingenii suppellex adeo tenuis est, ut principid inventis, vix habeant, quod addant: & si diutius rem perpolire velint, turpissimè deformant. Sed utcumque se res habent, pauca sunt in quibus te monitum velim. Longiusculi videbuntur fortasse libri, quàm par sit, sed uberior materies breviores non pariebatur.

Primo

Primo tamen *cujus curia erat seges*, ut *justus fieret*, varia inferenda fuisse, quæ fortasse ad rem minus viderentur. Nova nonnulla usurpavimus mutuato ex Græcis vocabulo, alia ex barbaris perpolito non nihil vocis sono; sed id necessarium erat; nam ut optime Tullius: *novis rebus nova nomina sunt imponenda*. Præterea ne abstrusarum vocum crebra usurpatio in locis describendis nimium lectorem fatigaret, apposuimus in calce vernaculas appellationes, quæ licet, ut plurimum Italicae sint, tamen inflexo vocabulo pro nationis cujusque usu, ac genio eadem, & Hispanæ fient, & Gallicæ. At quia difficile, ac plenum alea opus regionum, locorumque, portuum, ac fluminum, urbiumque antiquas appellationes hodiernis vocibus aptè, & sine errore reddere, cum plurimum ignorentur, & loca multa penitus interierint, veniam facitè impetramus, si aliquando à recta appellatione aberravimus; nam etsi diligentiam omnem impenderit, probatosque auctores sequuti simus, tamen nunquam à recta semita deviasse sperare vix possumus in re tam difficili.

Non tibi mirum videri debet, si sæpe præceptis apposuerim etiam exempla, nam cum navigandi ars moralis quadam sit disciplina, congruum mihi visum est, si præcepta exemplis confirmarem; quandoquidem plus ponderis habent ad cautiùs evitanda pericula, & nos alienis periculis longè melius erudimur, quàm rationum vi, præceptorumque monumentis.

Plurima, quæ ad navigationem spectant, & matheſu magis sapiunt, prætermisimus, cum nullam carmini decorem allatura essent: imo nec illa carminis elegantia patiebatur: neque illi, qui rem aliquam carmine tradendam suscipere, omnia complexi sunt. Omisit multa Virgilius: omisere alii, & quidem ex industria. Quod si aliquid, quod elegantius futurum esset, omiserim, fateor id me invitum latuisse.

Censebit fortasse aliquis me præter operis majestatem in quinto libro litoralem navigationem amplexum esse: sed facitè veniam impetrabit Campanus homo, quem decebat populares suos, qui illo præcipuè navigationis genere utuntur, erudire: nec porro suis placere potuisset, si litoralem cursum penitus omisset.

Postremo & si sciam esse nonnullos, qui inter Eclogas non censent piscatoria, tamen apud me plus valet Actii nostri auctoritas, qui primus ea laude piscatores introduxit in Eclogis, ut post Virgilium nemo sit, qui illi præponendus videatur. Præterea quid tritius, quàm piscatores maximè in Olympia nostra cantilenis, citbarisque indulgere sepiſſimè, non quidem dum piscantur; nam nec locus ille opportunus est, nec tempus, sed cùm vel feriati ad otium sedent, vel dies festos agunt: quin etiam dum secundis auris voluſcant, à carmine non abſtinent.

Introduximus etiam pastores piscatoribus confabulantes, quod

*interdum accidit , præcipuè in litoralibus , ubi passim pastores degunt . Pausilypus noster , Puteoli , Bajæ , ac Cumæ agrestibus hominibus habitantur , qui sæpè mutata persona , genioque piscatorem exercent . Sed nolo te pluribus tenere . Vale .*



NAU.





# NAUTICORUM

## LIBER PRIMUS.

**Q**Uæ veniant nemora apta mari, quo sydere pinus  
 Cædere, & arte rates qua cælis ponere truncis  
 Conveniat: quæ cura omnes prædiscere ventos,  
 Et mores, & signa; vagique sonantia Nerei  
 Æquora velivolis latè fulcare carinis;  
 Litora vel circum piæstis freta findere lembis:

Nec non & quæ in Acu, & parvo solertia Mundo,  
 Et tempestatum quanta experientia Nautis:  
 Hinc canere, & vasti puppes per cærule Atlantis  
 Ducere surgentem in Solem, Solemque cadentem,  
 Incipiam: vitrei quando me Numina ponti  
 Nativam in sedem invitant Nereides udæ;  
 Et tenues Vati calamos compingere cera,  
 Litoreoque parant sertum subtexere musco.  
 Nam neque Mæonios ausim sperare cothurnos,  
 Nostra nec æternam interserpere tempora laurum.

O magnæ clarum Ausoniæ decus, edite cælo,  
 CARDENIDE, pulchris seu te per rura viretis  
 Leucopetæ (1) spatiosa tenet, vel carmine dulci  
 Agrestes inter Divas blanditur Apollo:  
 Seu te stellati ducit per concava cœli  
 Uranie, & nitidos orbes, & sydera dicit;  
 Sive investus equo, tua Regna, invisus Acerras,

Ac

---

(1) Amœnissima Neapoli Villa altero ab urbe lapide Vesuvium versus, Pietrabanca.

Ac longè rauci perlustras flumina (1) Lai,  
 (Regna solo pingui, & lætis felicia campis,  
 Mille & regna annos atavis dominata superbis)  
 Huc ades, & primum pelagi ne despice munus.  
 Quicquid id est: mediis te fluctibus æmula Doris  
 Compellat, campusque sonat latè omnis aquarum.  
 Parva altis & sæpè damus munuscula Divis.  
 Forsitan & tempus veniet (jam retia, & hamos  
 Liquimus, & grandi percurrimus æquora puppi)  
 Ut, nostris majora ausis molimina Musis,  
 Bella canam, & palmas, cum primo Oriente subacto,  
 Cæsar in Euphratem victricia dirigat arma,  
 Ut pius injusto jam Numinis eximat Urnam  
 Servitio, & sacras sistat, se victor ad aras:  
 Tuque operis tanti in partem, partemque triumphi  
 Dux aderis, magnique comes tu Cæsaris ibis:  
 Tunc ego te summis Heroibus, & magnis Diis  
 Laudibus æquabo, tollamque in sæcula nomen.  
 Sume hoc interea, Martisque accingere in arma.

At tu, qui Superos inter spatiaris Olympos,  
 SABERIDE, mihi dexter ades: tu dius Apollo  
 Magnam Vati animam, & divini carminis æstrum  
 Inspira; nostrisque volens allabere cœptis.  
 Nam te, nec fallor, magnarum Numen aquarum,  
 Rectoremque maris, tempestatumque potentem  
 Gangaridæ (2) quondam dixere, & creditus Indis  
 Oceani immensi magnus Deus, humida parent  
 Neptuni cui regna, vagique per æra nimbi,  
 Et se pacato submitunt murmure venti.  
 Sed quamvis (tibi mentitum non fingimus ultrò  
 Numen, & immeritos aris adolemus honores)  
 Non deus Oceani, verùm tibi gurgitis alti  
 Imperium Pater Omnipotens dedit, ut tua nautæ  
 Numina ritè colant: placidos tu tollere nutus,  
 Turbatosque potes nutu componere fluctus.  
 Ergo age, & innubi quoniam lux aurea cœlo  
 Jam nitet, & Zephyris crispantur molliter undæ,  
 Audaces tu pande sinus, dextraque potenti  
 Tu dubio cursum pelago, clavumque gubernæ.  
 Principiò nautis sylvæ delectus habendus,

Un-

---

(1) Straboni Talaüs Fluvius, & Urbs in finibus Lucanorum, *Laino*. (2) Indiæ populi circa Gangem fluvium incolentes, *Regno di Bengala*.

Undè abies viduata comis, nudataque sagus,  
 Ulmique, & cæxæ veniant ad litora pinus.  
 Primus & hic illis labor impendendus, & omnes  
 Sacrorum saltus nemorum lustrare necesse est.  
 Hic & sylvarum sobolem legisse potentem,  
 Et Martis sortem, & casus fuisse marinos:  
 Nec labor incassum tantus cadet, ire sonantis  
 Aut opus Ægæi per cærula, perque tumentem  
 Euxinum, aut (1) clausum fulcandum navibus æquor:  
 Sive per externas oras, audacibus ausis,  
 Oceano errandum, latè qui panditur ingens  
 Herculeas ultrà metas, seseque per omnes  
 Insinuat torrente plagas, quà surgit Eo  
 Phœbus, & Hesperio rediens lavat amne quadrigas.  
 Nam si materiem texendis navibus aptam  
 Legeris, atque data fabricaveris arte carinas,  
 Deduces celerem securus in æquora puppim,  
 Ac lætus Zephyro committes vela vocanti.  
 Non te nimifero terrebunt turbine venti,  
 Nec tumidum veniens glomeratis fluctibus æquor  
 Vertice ab undoso; rapidas animosa procellas,  
 Nimbosque, pelagique minas pulsabit, & Euri  
 Illa, coronatas opponens pulsibus alnos,  
 Idæas soboles, Alpinaque pignora. Ceu arx  
 Duro imposta iugo, duraque è rupe reciso,  
 Plurima quadrato surgunt cui mœnia saxo,  
 Quam crebris aries ærata cuspide pulsat  
 Ictibus, alatoque petunt tormenta metallo;  
 Verberat infractos iteratò machina muros,  
 Atque explosa cavo pila ferrea sibilat ære.  
 Stat contrà hæc: duris eludit rupibus ictus:  
 Nec timet horrificis tormenta sonantia bombis.  
 Sic & robusto de robore texta carina,  
 Non nisi spumofum multis post cursibus æquor  
 Emenfa, & pelagi varios experta labores,  
 Et seros obitus, longævaque fata videbit.  
 Quid tibi si sylvæ nullus delectus, & omnes  
 Imbelles nemorum populos admoveris undis,  
 Accipe: non multis (juvat hæc meminisse) docebo:  
 Cùm tibi cæruleus suprà caput æthere ab alto  
 Inciderit nimbus, missique à carcere venti

Arborum delectus  
 quàm utilis.

Negligens vero  
 quàm noxius.

Tom. II.

H

Com-

(1) Sic Cæsar vocat Mediterraneum mare, quod & conclusum, & inclusum nos etiam vocamus.

Compactam fragili feriant de robore navim,  
 Dilacerent velum, quatiant latus impete multo,  
 Et validis obvertant flaminibus antennas:  
 Hæc primò vitium faciet, sensimque patentes  
 Incipiet laxare sinus, rimisque fatiscet.  
 In latus hinc prona incumbet: concussa que ponto  
 Scindentur transtra, & laterum compage soluta,  
 Fluctibus infelix ibit data præda marinis.  
 Non secus, incocta tenui quas arte bubulci  
 Argilla fecere, casæ, cum plurimus imber  
 Decidit, & plenis undarunt æquora rivis,  
 Accipiunt testis imbrem, subterque ruentum  
 Vix fragili cursus fluviorum pariete sistunt.  
 Paulatim incocti lateres laxantur, & undis  
 Dant aditum: sensim moles ruitura fatiscit.  
 Cum tandem è summo labentia culmine testa  
 Naufragio jactantur humi: de vertice pastor  
 Dejectas videt ire casæ, sua regna, per undas.

Sed jam tempus equum pulsu stimulare ferocem,  
 Implicatasque errore vias superare ferendo.  
 Ergo age, tantisper pelago, portuque relicto,  
 Ne pigeat sacros nemorum penetrare recessus;  
 Quæque sit apta rati, vel quæ sit inutilis arbor,  
 Et quo conveniat cœli sub sydere truncos  
 Frondifera nudare coma, & radicibus altis  
 Noscere, quo rigidas valeas inferre secures.

Est mons Ausonia in magna, qua Martia Tellus  
 Hybernium ad Solem, & mollem se fundit ad Austrum:

Hinc quæ purpureo Solem primo excipit ortu,  
 Hinc disclusa mari stat Græcia Tellus;

Hinc quæ Thyrrenum Siculi per claustra Pelori  
 Joniis miscetur aquis, Vulcania regna,  
 Æoliasque domos, & totam à vertice spectat  
 Trinacriam, antiquo montem cognomine Silam  
 Romani, & Graii pariter dixere vocantes.  
 Hic nemus umbrosum, atque ingens, sylva horrida montem  
 Occupat; & nigra dorso latè incubat umbra.  
 Hic mille in cœlum tollunt capita ardua pini;  
 Et totidem ramis circum frondentibus alni  
 Assurgunt turritæ, & nubila vertice lambunt:  
 Quæsitæque nuces saxorum grandine multa  
 Ingratam præbent pecori, & pastoribus umbram.  
 Hic mille expansis pandunt sese undique ramis  
 Castaneæ, & magnæ laxant sua brachia quercus.  
 Plurima & argutis agitur frondibus ulmus,

Sila Montis, & Syl-  
 væ, estque ea Apennini  
 pars, quæ Consensia  
 Orientem versus  
 extenditur, descriptio.

Et

Et fagus, camposque abies cursura marinos:  
 Cerrique, platanique, altæque in montibus orni:  
 Atque aliæ: neque enim verbis percurrere refert

Quotquot Sila ferat truncos, latissima sylva.

Nunc ego (sub montes quoniam penetravimus altos,  
 Provida ubi sylvas longè Natura locavit,  
 Ut pelagi calus averteret: attamen ipsa  
 Semper avara fames hominum, & solertia major  
 Evicere, & itum in montes, in nubila & usque est)  
 Quæ meliora probes, quorum est communior usus:  
 Quæque mari sit apta magis, ventisque ferendis,  
 Et robusta solo veniant, non carmine multo  
 Expediam, nec te per longa exordia ducam.

Est autem varius, cultusque, habitusque locorum,  
 Atque usus: Non omnis enim fert omnia sylva;  
 Non studium cunctis, nec amor mortalibus unus

Inditus. Ignotis qui primi fluctibus Argo  
 (Magnum opus) & parvo vitam committere ligno

Sunt ausi, sacro Dodonæ à vertice fagum

Accisam vexere mari: fagoque volanti

Ægeum secuere fretum; & medium Hellepontum

Transvecti, externas tetigerunt Phædis oras.

Umbrosi nemora Assyrii populantur Amani:

Hic & odoratam cædunt de rupe cupressum.

Phœnices Libani rapiunt à culmine cedrum,

Et Syrus, & quicunque colunt plana æquora Idumes:

Atque Terapnæi gens fortunata Canopi

Vela cedro imposuere, marique dedere patenti.

Gallus amat fagos, & puppes inserit ulmis:

Et proram, & dura geminas facit abiete costas.

Ardennam, & gelida nudat nemora alta sub Arcto

Belga ferox, & qui dispersa mapalia quondam

Incoluere humiles Batavi, vicinaque circum

Litora piscatu victum de more petebant:

Nunc re, nunc opibus multis, luxuque superbi

Regna tenent, & jam magni crevere sub ipsis

Principiis, clari bello, & victricibus armis:

Nam quicquid pelagi veniens Sol lustrat Eous,

Quicquid & Hesperius, curru fugiente relinquit,

Classibus & pariter lustrant ingentibus ipsi.

Sic fluxas Fortuna hominum res undique versat;

Nunc surgunt humiles in regna, ruuntque potentes

Verticibus rerum ex altis: nunc ordine verso

Præcipientes summo labuntur culmine primi;

Rursus & alta illi rerum fastigia tangunt.

Apollonius 4. Ar-  
gon.

Plin. lib. 16. cap. 4.

Verum lecta manus, quæ prima è litore Ibero  
 Solvit, & Oceanum magnis percurrere velis  
 Ausa fuit, fatisque novum monstrantibus Orbem  
 Detexit, vicitque omnem victricibus armis,  
 Alta Pyrenæos ducit per cærule saltus.  
 Divisi rapiunt Caledonia lustra Britanni,  
 Idam Bithyni, Græci felicia Tempe.  
 Mænialium scandunt nemus Arcades, aut Erimanthi,  
 Argatasque petunt pinus: populantur Athenæ  
 Fatidicam Cyrrham, & colles sectantur Hymetti.  
 Annosam Venetus fagum venatur, & alnum  
 Rupibus Alpinis: canentem fronte nivali  
 Cædit & Afer inops operosa Atlanta securi.  
 Romani rerum domini, qui classibus olim  
 Conclusam domuere Thetin, Pontumque sonantem,  
 Ægæumque furens, spumosaque cornua vinctum  
 Oceanum traxere altæ ad Capitolia Romæ,  
 E Sila pinum, & fagum petiere comantem;  
 Velleruntque omnem è radicibus Apenninum:  
 Ergo age, terrarum dominos imitare potentes:  
 Et quod te mecum prærupta per avia montis  
 Cornipedes hausti cursu duxere virentem  
 In Silam, truncos ponendis navibus aptos.  
 Findito (materiam tibi plurima sylva ministrat)  
 Quique apti ratibus, paucis, adverte, docebor.  
 Prima tibi pinus rigida gemat ista securi,  
 Atque umbrosa ruat scissis radicibus alnus:  
 Adde ulmos, cæsoque cadat de cespite cernus.  
 Nigras cæde nuces: nucibusque apulstria sunt:  
 Ipsa sed in primis abies; annosaque fagus.  
 In partem veniant operis; neu cedere molles  
 Cures castaneas, multum aut querceta fatiges;  
 Castaneæ fragiles, quercus nodosa lacertos:  
 Umbrosis aptæ frondescere montibus ambæ,  
 Pascere & autumnno pingui pecus ubere bacca;  
 At non Oceanum sulcare: in fontibus alta  
 Non te frondosa delectet populus umbra:  
 Nam levis est arbor, & abundat plurima succo.  
 Una tamen longis credenda est optima malis,  
 Quæ (1) Lupias se propter Aquas agit æmula pinis?

Phæ.

(1) Aquæ lupiæ, vicus Hispaniæ *Quadalape*, & annis ejusdem nominis, quem proceræ populi inumbrant, malis-que inserviunt.

Quæ arbores ca-  
 dendæ.

Phœnices cedrum, & Syriæ laudato cupressum;  
 E nostris fructus petito. Parnassia laurus  
 Semper fronde sacra tollat se læta sub auras,  
 Ut sua divini præcingant tempora Vates,  
 Et clari quoque victores sua: mitte feracem  
 Sectari cerasum, & mitem sine crescere malum.  
 Non obliqua petas: quæ recta in luminis auras  
 Tolluntur, legito, truncoque impone bipennem.  
 Parce manu teneram ab radice evellere sylvam,  
 Navita; venturos expectat sera nepotes  
 Illa, coronato cum vertice surget in auras.  
 Quæ multos sensere æstus, quæ frigora multa,  
 Succidas. Quid plura canam? Te multa docebit.  
 Longa dies: variusque tibi nova suggeret usus.

Verum age, delectas cœli quo sydere plantas,  
 Et quo conveniat sub Luna accidere vultu,  
 Accipe: tu Lunæ vultus numerare memento.  
 Illa regit sylvas: illi nemora horrida parent;  
 Illa & luce vaga plantarum temperat ævum,  
 Atque illis succum, & vitales sufficit auras.  
 Ac velut æquoreæ pinguescunt ubera conchæ  
 Lactæ novo, rutilos cum Luna impleverit orbes:  
 Tunc plenis turgent radiis, & lumine læto  
 Luxuriant: verum rediens si proxima Phœbo  
 Occulit vultum, & totos contraxerit ignes,  
 Sufficiunt tennes succos: vix lucidus humor  
 In matris gremio, Luna fugiente, refulget.  
 Non aliter plantis humorem subripit orbe  
 Luna novo, rursusque illum jam plena remittit.  
 Namque etiam sylvæ norunt dispendia Lunæ.  
 Sed tibi Signiferi quamvis sub sede rubentis,  
 E qua Lunæ ætate nemus popularis opacum,  
 Dicam equidem; nec te dubium, Palinure, tenebo.

Extremum Ægoceri sediens cum liquerit orbem  
 Phœbus, & adverso surgens Canis emicat astro,  
 Tertia si raris per cœlum cornibus ibit  
 Syderio comitata choro Latonia Virgo,  
 Tunc tibi nubifero nutare à vertice fagus  
 Incipiat; latè ferro pineta laborent.  
 Nulla quies operi: cedendus optimus altis  
 Arboribus est ille dies: qui deinde sequuntur  
 Dividuum ad mensem, quo toto effluerit orbe,  
 Felicem sylvis sobolem, sed navibus aptam  
 Non tibi materiem submittent; ubere pleno  
 Humorem nimium plantis, succumque ministrant.

Plantæ Lunæ im-  
 petio subiectæ.

Quo tempore cæ-  
 dendæ arbores.

Januatio in Lunæ  
 silentio optima ex-  
 ditur materies.

In plenilunio non  
 ita.

Agri-

Agricolæ tunc jure sinant pubescere truncos,  
 Quis præstat baccas, lapidosaque carpere corna:  
 Tu ne cede operi, aut nimio frangere labore,  
 Donec læsta ruat frondoso à vertice sylva.

Verùm si gelidas hyemes præverterit annus,  
 Et cani montes magna sub mole pruine  
 Depressa cervice gemant, atque obruta passim  
 Semita, & oppletæ stipentur ab aggere valles,  
 Ac, lymphæ torpente gelu, stet saxeus humor,  
 Tunc Boreæ furiis spatiis disclusus iniquis,  
 Pone animo curam sylvæ, Palinure, nec altos  
 Perque nives gelidas, perque horrida culmina truncos  
 Sectare, infestæ prohibent dùm frigora brumæ.  
 Et disserre moras opus est, & cedere Fato.

Ast ubi jam Virgo os terris ostendit honestum  
 Erigone, cùm lance pari Sol dividit orbem  
 Signorum, tantumque polo latet abditus imo,  
 Arctoo quantum rediens micat aureus axe,  
 Litore deserto summos pete, navita, montes,  
 Nubiferi quæ Sila jugum tegit Apennini  
 Arboribus densis. Sublimi in vertice montis

Altera sylvæ de-  
 scriptio.

Planities extensa jacet, latèque sub ortum  
 Excurrit, sæcunda solo, nemorosaque sylvis,  
 Lætæ situ aprico, & vitreis lætissima rivis.  
 Cùm cœli metas ardenti Scorpius astro  
 Jam tenet, & vacua descendit Aquarius urna,  
 Ut diræ cessere hyemes, ceciditque nivosa  
 Canities, tunc terra novo pubescere sætu  
 Incipit, & tenero vestit se germine campus:  
 Seque aperit sylva, & læto de cortice gemmas  
 Fundit odoratas, sequitur citò deciduus flos:  
 Excipiunt flores citò poma, & præcoce partu  
 Compensat Pomona moras. Jam vertice pleno  
 Flavescit matura Ceres: jam serus Jacchus  
 Rore novo gestit. Calabris in saltibus alter  
 Non locus est pingui sæcundior ubere glebæ;  
 Aut mons assurgit nemorosa ditior umbra,  
 Vel magis irriguus: centum de vertice montis  
 Præcipientes raucos labuntur murmure fontes:  
 Et circum sata læta rigant, & amœna vireta.  
 Illic ubi te fessum recreavit Sila sub umbris,  
 Et fontes, geniusque loci, cùm Luna revertens  
 Incipiet primum radio falcata bicorni

Autumno tempe-  
 stiva etiam venit ma-  
 teries.

In longum proferre diem, Palinure, comantes  
 Cæde trabes; nam sicca sinum tunc arida Tellus



Parcius è gremio plantis alimenta ministrat.

At si nimboſus Mauris de finibus Auſter

Irruerit, ſubitiſque nemus concuſſerit alis,

Parce trabi, & trunco rigidas averte ſecures.

At verò cecidit rauce cùm ſibulus auræ,

Cynthia fraternas & jam fugit æmula bigas,

Velle ſolo plantas, ramosque recide ſeraces.

Tandem (me doctum multa experientia fecit)

Illa abies nautæ votis reſpondet avari,

Quæ, cùm nodofis tennis radicibus humor

Sufficitur, nec jugis aqua illam, aſſantibus Auſtris,

Humectat, matris gremio concifa bipenni

Congemuit, magnumque dedit convulſa fragorem;

Illius aratæ multùm vixere carinæ.

Sed neque materiam ſubitus denudet, & ulmos

Ire novam in formam jubeat fabricator: at illas

Torreat ignito geminus Sol ſydere Cancrî:

Sic omne excoquitur vitium: ſic cortice multus

Succus abit pingui; atque exudat inutilis humor.

Nam ſecûs ille labor formatis puppibus inſtat:

Cùm jam materia incoctis areſcere truncis

Incipit, & ſenſim pinus ſe contrahit in ſe,

Pandit aquis tunc illa vias, & cæca relaxat

Spiramenta ſinu; ruptis hinc nexibus alni

Neptunum accipiunt gremio, rimisque dehifcunt.

Altus ubi cælo tollit ſe fronte nivola

Iſmarus, & rauci labuntur Strymonis undæ,

Barbara gens habitat cultu, quæ Caſpia quondam

Clauftra pharetratis irrupit curribus, & ſe

Per latos Aſiæ campos: perque arva ſonantis

Intulit Euphratis viſtrix: populosque ſeroces

Contundens, triſti complexit funere regna.

Hinc Aſiæ poſtquam domitrix, atque eſſera bellis

Helleſpontiaci ſauces pervenit Abydi,

Noſtris, ô pudor! & vili mercede paratis

(Non res Romanæ, non tot labentia regna,

Non & religio gentes permovit avaras)

Navibus Europam tranſveſta, potentibus armis,

Diſcordes animis populos, & regna ſubegit,

Fixitque imperii ſedes, ubi mille per annos

Viſtrices Aquilæ ſpectatæ, atque arma Quirini.

Hî, quâ frondofi vertex aſſurgit Olympi,

Non certo Lunæ vultu, non ſydere certo

(Mira quidem; nam ritè colit gens barbara Lunam)

Antiquam invadunt ſylvam, nigra regna ſerarum,

Non excedere ar-  
bores Auſtro per-  
ſtante.

Aniè quam caſſi  
trunci in navim ap-  
tetur, ad ſolem ex-  
ponendi, ut ſuper-  
fluus humor exudet.

Turcarum vitium  
in formandis navi-  
bus.

Ex-

Extremis viridi vellunt de cespite truncos,  
 Cæsariemque citi tondent, raptimque tepentes  
 Dilacerant artus ferro: ferit ille bipenni:  
 Annosam sagum: succisam hic cortice nudat:  
 Hic pinus in frustra secat: vix lævigat ille  
 Scabritiem primam tabulæ: cavat ille carinam  
 Præceps; ærata munit hic cuspidem rostrum.  
 Ocyus appingunt costas, & transstra reponunt:  
 Haud mora, præcipitat sese labor: æquora puppes  
 Accipiunt: medio spectat se gurgite sylva,  
 Miraturque novas formas, & non sua vela.  
 Quales Niliaci circum per stagna Canopi,  
 Flumineas habitare casas, & vivere raptis  
 Sueti prædones, si quando gurgite ab alto  
 Impelluntque procul specula prosperare carinam,  
 Præcipientes in stagna volant, rapiuntque cavatam  
 Vim sylvæ, rapiuntque arma, & se viribus aptant:  
 Impelluntque leves cymbas, atque ostia complent.  
 Hic postquam taciti latuere crepidine ripæ,  
 Ut fluvio spectant vicinam appellere puppim,  
 Erumpunt latebris: fegnem, & nil tale timentem  
 Invadunt navim, & stridoribus æra complent.  
 Confertique ruunt, rapiunt, perduntque vicissim  
 Omnia; & aggestas vestiant ad litora prædas.  
 Non sic, ignotum qui sulcavere carinis  
 Oceanum, & longè terras petiere repostas;  
 Quippè altis primum venati in montibus alnos,  
 Pinusque, & patulas annofo robore sagos:  
 Inde & sub gemino domuerunt sydere Cæsari;  
 Multus ut ex illis, crassusque excederet humor,  
 Hinc & solerti fecerunt arte carinas,  
 Victores quibus Oceani spumantia regna  
 Sub juga, & indomitos potuerunt mittere fluctus.  
 Quin etiam ratis una (quod & ventura nepotum  
 Attollet semper, semper mirabitur ætas).  
 Immenso potuit gyro circumdare mundum,  
 Ac totum Oceani transmittere cursibus æquor:  
 Litore ab occiduo primum ratis æmula Solis  
 Solvit, & ingentem velis percurrit Atlantem,  
 Inque novum devertit, Notis spirantibus, Orbem,  
 Ausu fretum ignotum tentare, & consita saxis  
 Æquora navifragis: hinc, & felicibus ausis,  
 Per mare (1) Pacificum victrix pervenit Eoum;

Meliodorus in Æ-  
 chiopis, & Achilles  
 Tati in Leucippe.

Circuitus Navis  
 Viatoris Ferdinandi  
 Magallani, quæ Hispa-  
 ni solvit anno 1579.  
 & triennali naviga-  
 tione totum Orbem  
 circumlustravit.

(1) *Mar del Sud*, Oceani pars inter Americam, & Orientem

Hic Seres latè, nigros Instravit & Indos,  
 Et Persas, Arabesque: Erythræaque cæcula præter  
 In Lybiam venit, vacuumque inuenta per axem,  
 Horrendum ventis, & fluctibus, atque procellis  
 Acronoton (1) superavit: & inde reducta sub Arcton  
 Clausura triumphatrix subiit felicia portus.  
 Laudibus æternis, & cælo digna carina,  
 Cui magnum meritò fecit Victoria nomen.  
 Non illa Oceani fluctus, ventosque sonantes,  
 Nec tempestates timuit, rapidasque procellas.  
 Sed læto sylvæ de robore, & arte magistra  
 Texta, ratis montes victrix superavit aquarum,  
 Et ventos. Aded cæptis insistere multum est.

Præterea scetam nodoso è cespite sylvam  
 Non gelidæ videant hyemes, non humidus Auster  
 Aëre sub rigido, aut campis sternatur apertis.  
 Nam cum cæruleas collegerit æthere nubes  
 Juppiter, & plenos alto demiserit imbres,  
 Humorem tunc illa bibit, rursusque subactas  
 Vi Cancri multa non sanas accipit undas.  
 Arboribus gravis unda nocet: nocet humidus Auster.  
 Ille etenim, pluvio qui fluxit plurimus imbre,  
 Nativum humorem deperdit noxius humor;  
 Quippè poris actus perfunditur undique venis;  
 Atque agit insinuans sese, plantæque vigorem  
 Paulatim attenuat: nodos, robustaque mollit  
 Ossa lues: sic illa & aquis pinguescere primum  
 Incipit, & sensim putris se facta resolvit.  
 Qualis hydrops maleficus, aquis cum plurimus udis  
 Indulset, tabemque intus concepit aquosam,  
 Pinguior accrescit membris, & flaccida nervi  
 Vis venit: clanguet vigor, & sese ossa relaxent.  
 In venis stat cana lues: furit intus aquæ vis.  
 Corporis infelix cum jam compage soluta,  
 Deserit invisas auras, lucemque diei.

Est sed amica trahi maris unda; porisque subactus  
 Humor aquæ multa saturus fassidine truncos  
 Indurat: medio lapidescit gurgite sylva:  
 Desuper impostas moles, & mœnia, & arces  
 Sustinet, æternumque manet durata sub undis.  
 Sic magro claram imperio, & victricibus armis  
 Tom. II.

Arbores non im-  
 bus exponendæ.

Arbores in mari  
 durefcunt.

Mi-

(1) Sic appellavimus ultimum Africæ promontorium, *Bo-  
 næ Spei*, antiquis incognitum, quod in Austrum tendat.

Miramur Venetam spumosi in fluctibus urbem.  
 Adriaci instructam, sumptuque, & mole superbam.  
 Ergo ornos, pinusque Alpino è vertice cælas,  
 Concissasque simul mittunt sub cærule fagos.  
 Hinc ubi jam duræ longo post tempore in undis  
 Concrevere, trahunt alto de gurgite: & inde  
 Longævus solido ponunt de robore puppes.

Nunc age, (cæulas quoniam properamus ad oras)

Qua demùm è lucis ingenti corpore moles  
 Arte trahas, casusque feras spectare marinos,  
 Præcipiam: proluxa juvat dispendia sylvæ,  
 Sumptusque, & multos famulùm vitare labores.

*Sylvæ ad Clanium  
 descriptio.*

Est lucus Clanii fontes, & flumina circum  
 Monte super viridi, qua se pater Apenninus  
 Attollens læto felices ubere campos  
 Ambit circuitu longo, propè mœnia Abellæ  
 Assurgunt: subiecta jugis lætissima Baccho  
 Planities extenta jacet: procul invia Pæno  
 Nola coronatis ostentat mœnia campis.  
 Lucus, Hamadryadum sedes gratissima, Cancer  
 Igneus è cœlo dum perfurit, & fata propter  
 Vix torrente strepens tardo pede labitur amnis.  
 Hic gelidi fontes crebrò de rupe cavata  
 Distillant, sonitusque cient per saxa canoros.  
 Dulcè repercussa in Sy'vis sonat aura susurro,  
 Dum molles vario persilant spiramine venti;  
 Ludè & in tremulis allisus frondibus aër.  
 Qui Capreas, & sacra colunt delubra Minervæ,  
 Ænariam, Prochytenque, & Surrentina Lyæo,  
 Delicias Vatum, juga læta, sinusque Dicarchi,  
 Hæc sacra Naisadum nemora, & juga cella frequentant,  
 Ut sibi materiam lembis, parvisque phaselis  
 Delectis quærant truncis; nam plurima sylvæ,  
 Nec soboles ingrata mari: stant vertice pini,  
 Stant orni, mediisque virent in vallibus alni.  
 Dum mihi vernabant prima lanugine malæ,  
 Cum jam pierides gratæ, & formosus Apollo  
 Gratus erat, nemora alta Jovis, sedesque beatas  
 Lustrabam, rurisque Deas venerabar agrestes;  
 Meque sinu Musæ stringebant: blanda neque ipsa  
 Pieris indignata meos spernebat amores.  
 Hic ego præcípites vidi de vertice montis  
 Subiectam in vallem cæsos demittere truncos  
 Agricolas: vastas cervici imponere moles,  
 Aut latis parcunt humeris: incommoda sylvæ,

*Quomodo trunci  
 in lucus devehendi.*

Implicitæque viæ, sumptusque impendia vitant.  
 Non tamen obliquos, sed rectos rupibus altis,  
 Nudatosque coma mittunt, cæsosque lacertos.  
 Inde boves gemini submittunt fortia sueto  
 Colla iugo; geminique alii, si corpore præset  
 Ingenti moles, subeunt, atque ipsa rudenti  
 Viminco secto, religatur vertice pinus,  
 Perque jugum funis ductioris orbe plicatur,  
 Inde per æquor iter capiunt, lentèque trahentes  
 Paulatim ad litus magno pineta labore  
 Convestant: loris instant, & verberare multo  
 Agricola, pigrosque altis clamoribus urgent.  
 Quos ipse arguta fagi dum stratus in umbra  
 Aspicerem de colle, boves miseratus inertes,  
 Increpito Agricolas dictis, & sistere currum  
 Præcipio: timidi faciunt mandata bubulci.  
 Hinc geminas afferre rotas, quarum ultimus orbis  
 Ingens circuitu, cuneumque, axemque rotundum,  
 Temonem oblongum, tabulasque, & cætera currus  
 Armamenta: citi agricolæ data iussa facessunt.  
 Tunc geminas hinc, inde rotas axi infero, & altè  
 Mox lignum terebro, cuneumque foramine figo.  
 Nestuntur tabulæ, medioque imponitur axi  
 Oblongus temo, temoni adnescere curvo  
 Cum bobus juga præcipio, truncosque recisos  
 Imponi in medio, librato pondere, curru.  
 Hinc bobus dare lora rudes, & verberare torto  
 Instare agricolas jubeo: mora nulla, juvenis  
 Vix data lora; citus fertur per compita currus.  
 Ceu cum vela Noto crepitanti è puppe magister  
 Laxavit, commota ratis volat ilicet alis,  
 Prona petens maria, & rostro tumida æquora findit.  
 Hæc quondam ad Clanii fontes: nunc addere pauca  
 Est animus; (nam nota vocant ad litora Nymphæ  
 Nereides, longèque sonant navalia plausu)  
 Faginus oblongus temo; sit cerrinus axis:  
 Ulmea sit rota: sint radii: sed ferrea summæ  
 Curvatura rotæ, medium librata bicorni  
 Arbor in axe locum teneat: bobusque relietis,  
 Temoni jungas poscentes fræna jugales:  
 Aptior ad cursum sonipes, volat æquore aperto  
 Promptior, & facilis laxatis audit habenas.



# NAUTICORUM

## LIBER SECUNDUS.

**J**AM celeri nimium cursu per opaca locorum  
 Fræna reluctantem morſu, ſtimulisque negantem  
 Eginus alipedem: tempus nunc ſpectere habenas,  
 Atque iterum in pontum, jam ſaltibus ire relictis.  
 Sat Faunis, ſylvisque datum. Vos ò ubi Nymphæ  
 Nereides? properate citæ, & pernicious alis.  
 Reddite me pelago: ſinite ut deſerta reviſam  
 Litora, & annosa compingam ex abiete puppes,  
 Vos, & qui ratibus primi freta cæca profundi  
 Auſi homines ſulcare, vagique errare per undas,  
 Pandite: namque illos, Divæ, meminisse poteſtis:  
 Et Vatem egregias artes, uſumque docete.

Principio cum rari homines ab origine Mundi

Qua occasione in-  
 venit naves.

Incolerent terram, felix gens illa beatum  
 Aſſyriæ nemo, & florentia rura colebat  
 Euphratem circa, & Tigris felicia Tempe.  
 Fortunata, procul bello, & diſcordibus armis,  
 Sponte ſua Tellus mortalibus una ferebat  
 Sufficiens cunctis alimentum, & ſcedere paſco.  
 Pauci exercebant terram, & læta arva tenebant:  
 Sed poſtquam primi ſoboles numeroſa parentis  
 Paulatim antiqua crevit de ſtirpe ſeraci,  
 Non ſatis Aſſyriæ felicia rura viretis,  
 Nec ſimul hoſpitiū ſat erat tot millibus unum.

Hinc cunctis mens una fuit trans flumina terras  
 Quærere, & ignotos Mundi penetrare ſub axes:  
 Eoas alii terras, ditiffima regna,

Cau-

Caucasum, & algentes alii venere sub Urſas:  
 Pars Tauro infedit: pars Thermooontis ad undas;  
 Pars & odoriferas felici munere ſylvas  
 Arabiæ, & tepidum latè ſe fudit ad Auſtrum.  
 At, quibus audaces animi, generoſaque corda,  
 Auſi cæruleum Thetidos regnum, & vada cæca  
 Rumpere, & infido primi ſe credere ponto:  
 Quæſitas magni terras mercede laboris  
 Excolere, & pretio rharos habitare Penates.  
 Namque ea, quæ multo nobis ſunt parta labore,  
 Sunt & grata magis: magis eſt ex omnibus una  
 Nobilis, immenſis venit quæ palma periclis.  
 Non ſecus, anguſto cùm jam dimiſit ovili  
 Paſtor oves, tenerasque dedit pecus ire, per herbas,  
 Extemplo celeres ſtriſto de carcere cauſæ  
 Erumpunt, ſparſimque locis funduntur apertis.  
 Hæ vitreos fontes, & odori marginis undas,  
 Et flores, & culta petunt lætiſſima curſu:  
 Stellatos aliæ campos, & dulcia quærunt  
 Paſcua: prata aliæ, ſpatioſaque rura viſetis,  
 Mollis ubi cytiſus viret, & ſylveſtris acanthus,  
 Sed, quibus eſt animus major, temnuntque pericla:  
 (Namque etiam teneris animis ſua blanda cupido  
 Laudis ineſt) colles animoſæ, & culmina ſcandunt;  
 Quæſitosque fuga multa, multosque labore,  
 Delectos celſo flores de vertice carpunt.

Tunc primùm terris ratis uſus; & æquora primùm  
 Spectavere rudes, truncos nulla arte dolatos,  
 Intactis innare fretis. Procul ire, per altum  
 Auſi homines ligno exiguo: committitur undis  
 Vita rate in parva, quis crederet? At fuit illa  
 Magna equidem virtus, quamvis temeraria virtus.  
 Audax inventum: ſed tanti audacia facti  
 Proſuit: æternis celebrandi laudibus illi.

Qui pelago, avuſſas ſociarunt puppibus oras,  
 Et ſuper alta levem ſtraverunt cæcula pontem.

Non tamen ignoti (ſelici audacia caſu  
 Paulatim ex primo crevit, majorque ſecundo  
 Venit, & exhaustis animi, crevere periclis)  
 Itur in abruptum pelagi: ſecuire propinqua  
 Litoribus vada tuta, brevi quæ Nerens æſtu  
 Fluſtuat undofus: patriis diſcedere longè  
 E terris primùm, & medium tentare profundum  
 (Senti & ipſa ſuos audacia cæca timores)  
 Non auſi: molles radebat palmula ripas.

Per liſora primùm  
 ſalſitura navigatio.

Non

Non secūs aërii, cū jam pubescere pulli  
Incipiunt, teneræque alis succrescere plumæ,  
Per nidos volitant circū, ramisque recurant:  
Non audent pavidī nativās linquere sedes:  
Credere se cœlo, & primo petere astra volatu.

Japetus primus  
navigationis parens,  
unde & Neptunus  
dictus.

Argo ad Thermai-  
cum litus fabricata  
ab Jafone, & Argo-  
nautis.

Hæc rudis ignotū primū se machina ponto  
Credidit: hac undis insultavere marinīs  
Audax Japetus, genitique à stirpe nepotes.  
Vix firma compage trabes & fœdere: certo  
Fluctibus innabant; verū non tempore longo,  
Ut cultæ venere artes, ut crevit & usus,  
Instar montis aquis deducta tumentibus Argo  
Litore Thermaico, & rigidæ sub montibus Ossæ.  
Hinc sensim crevere rates: Inventaque prima  
Ad majora viam fecerunt: crevit & usu  
Ingenium artificis, conjunctæ nexibus alni;  
Distinctæque loco tunc sunt, & nomine partes.  
Extensa est prora, & sensim defecit acutum  
In rostrum: rostroque fuit ferri addita cuspis.  
Incurvum latus, & pandæ data forma carinæ:  
Et gemina in longum sunt transtra, forumque repostum  
In medio, & morsu retinacula missa tenaci:  
Et puppis procera, auroque insignis, & ostro.  
Sic olim rudis, indigestaque corpore moles,  
Ingenio artificis, & multo sudata labore,  
Pulchrior it pelago: & spumantēs fortior undas  
Sustinet, Ægæasque hyemes, ventosque sonantes.  
Alpinis velut, ursa jugis (si vera feruntur)  
Quam prius informem connixa in luminis auras  
Produxit mater, sit pulchrior, & sua membris  
Paulatim nova forma venit, speciesque decora.  
Nam sœtum complexa parens (mirabile dictū)  
Sensim lambendo distinguit mollia membra,  
In latum ventrem compingit docta, manusque  
Dividit in digitos, atque unguibus armat aduncis;  
Educit de mole caput, collumque rotundat;  
Hirsutasque genas pingit: sua naribus addit  
Spiramenta, quibus subducatur spiritus auras;  
Atque ori decus, & rutilos inducit honores:  
Naturam compensat amor: quis nescit amoris  
Ingenium? hoc sensim sœtum formante magistro;  
Exurgit soboles, patrioque simillima vultu.

Tunc verò alipedes dorso sensere carinas  
Æquora, turratas mirata in gurgite moles.  
Centaurus tunc visa mari, rostrataque Pistris

Scyl-



Scyllaque, Delphinusque, ingenti & mole Chimæra.  
 Alta, metu procul, & patria tellure relicta,  
 Tunc primum celeres violarunt marmora puppes.  
 Aligeræ veluti volucres super æra lapsæ  
 Sydera summa petunt, nido, ramisque relictis,  
 Cum celeres pennæ, & fiducia crevit adultis.  
 Sed te ritè modum fabricandæ puppis, & artes  
 Egregias, ac mira hominum comperta docebo.

In primis sit cura tibi spectare locandis  
 Qui sinus, aut statio fuerint navalibus apta.  
 Optimus ille locus censendus, valle reposita  
 Qui jacet, & monti, & nemorosis proximis umbris:  
 Ne labor annosas deducere montibus ornos  
 Improbis agricolis nimium premat: ille propinquum  
 Secura statione sinum, portumve tepebit,  
 Qui primum nuda venientem corpore navim  
 Accipiat, firmoque ratem tegat obijce saxi.  
 Sint circum fontes, cæli sit grata salubris  
 Temperies: sit terra simul pinguissima cultu.  
 Ut facilis victus, sint & sitientibus undæ,  
 Nec famulos lædat malefana Juppiter aura.  
 Accessu facili pateat locus: ipsa reducto  
 Opportuna situ statio: campoque patenti  
 Alta tibi moles saxo fabricanda quadrato  
 Porticibus longis, ingentes mole carinas  
 Lætæ quibus sesto compingat robore pubes,  
 Sint pariter centum extructo longo ordine cellæ,  
 Queis sua solliciti fungantur munera fabri.  
 At domus interior majori condita sumptu  
 Prætozem accipiat, turbæ qui præsidet omni.  
 Hic leges dicat: reliqui mandata facessant.  
 Non temerè incumbant operi, sed legibus æquis  
 Quisque suum conetur opus, rectore sub uno.

Est opus, ut reges etiam cum mœnibus arcem  
 Ædificent; summis atque æra tonantia bombis  
 Mœnibus imponent: hostiles fulmine pellent  
 Illa rates, ne fortè serant incendia tectis.  
 Quin cave, nè furtim jactis testa arida flammis  
 Accendantur: iners vel custos molibus ignem  
 Excitet. Arcendus siccis navalibus ignis.

Illi alii in mediis magno visenda theatro  
 Urbibus ædificant: saxa constructa vetusto.  
 Talia Parthenope jactat navalia Siren.

Est locus in media fama notissimus urbe,  
 Quem navale vocant, vitrei Crateris ad undas.

Navalia quemodo,  
 & quo in loco  
 extruenda,

Navalia arce mœnibus  
 ædificanda.

Navalis Neapolitani  
 descriptione.

Amplis

Amplis porticibus, domibusque amplissima centum  
 Assurgit Cælo moles: stat proxima colle  
 Magnifico sumptu, & regali splendida luxu  
 Regia: stant niveo circum de marmore fontes,  
 Artis mirum opus, & monumentum nobile seclis  
 Spectandum: placido lymphas jaculantur ad astra  
 Ore fera, pictosque premit delphinas Arion,  
 Et fluctu saliente, ciet vaga murmura, & ipsi  
 Marmorei rugiunt, unda fugiente, leones.  
 Est & sylva manu navalia confita propter,  
 Optatam factura comis frondentibus umbram,  
 Silius ardenti cælo dum perfurit æstu.  
 Eoum ad Solem statio bene fida carinis  
 Angusto conclusa sinu jacet: altera longè  
 Stat moles injecta mari, sumptuque superba  
 Fluctibus immissi montes, rupesque relectæ  
 Alatum accipiunt Libycum, franguntque ruentem  
 Intus tuta silet placidè Thetis: altaque cælo  
 In medio assurgit cum mœnibus æriis arx.  
 Mille fabri, & famuli totidem navalibus adsunt  
 Solliciti, & celeres componunt abiete currus:  
 Quisque Ducis dicto parens data munera forti  
 Impiger exercet. Serra pars dividit alnos:  
 Pars dolat ignavos truncos, primamque retondet  
 Scabritiem ligni: sectas pars lævigat ulmos.  
 Compingunt alii costas, alique carinam  
 Incurvant: alii proram cum cuspide nectunt  
 Pars studet & variis puppes animare figuris:  
 Arte laboratas puppes pars celat in auro  
 Pars acuit clavos, & ferrum forcipe versat  
 Hic commissuras lino replet, & pice molli  
 Vulnere concludit: tabulas pars jungit hiantes  
 Illi onera accipiunt venientum, & sedibus altis  
 Imponunt: hic vela sinit, tortosque rudentes  
 Implicat: antennis illi, malosque laborant.  
 Fervet opus: pictæque micant in litore puppes  
 Quales Cecropiæ volucres æstate laborem  
 Exercent (si magna licet componere parvis)  
 Purpureis aliæ fragrant floribus hortos  
 Invadunt, camposque aliæ populantur odoros;  
 Et pinguem tondent tiliam, casiamque rubentem:  
 Cæruleumque crocum, & ferrugineos hyacinthos:  
 Mella legunt aliæ, teneroque è cortice ceram,  
 Et lentum rapiunt gluten, queis cerea fingunt,  
 Regna: favis aliæ conspiciant dulcia mella:

Fasce levant aliæ venientes, furtaque Veris  
Accipiunt, testisque locant: sic sedere pacto.  
Experiuntur opus, fabricantque è nestare cellas.

Præterea quicumque ratem meditaris, oportet,  
Ut primum sicco describas cortice puppim.  
Ac veluti turres, & celsa palatia fabri,  
Atque novum molitur opus cum sedulus ipse  
Parthenius, primum inscribunt facienda papyro:  
Exemplumque operis digito, ingenioque magistro  
Ante oculos plumbo ponunt, præbentque videndum:  
Artificem nè fortè operis pars ulla futuri  
Prætereat; sic ante ratem describere plumbo  
Est opus in tenui membrana, operisque futuri  
Exemplum, cui rectè operis mox singula quadrent.  
Nunc age, præcipuas artes tibi carmine dicam.

Sunt autem variae fabricandis navibus artes,  
Et varium quoque pro cultu, ingenioque locorum  
Illarum genus est, variosque aptantur ad usus.  
Nam fluviis aliæ sternuntur, & inter inertes  
Solicitant, vada pigra, lacus, turpesque paludes:  
Curva errant aliæ per litora: cæcula at illæ  
Alta petunt, rostroque maris tumida æquora findunt.  
Hæ tonsis vada lenta secant: Hæ carbasa ventis  
Committunt: aliæ velo, remoque volantes  
Corripiunt maria, & campis spatiantur apertis.  
Transvectant aliæ pretiosas gurgite gazas:  
Sed rigidos aliæ belli formantur ad usus.

Linter amat fluviis, & inertes Cyma paludes:  
Alveus in stagnis, per litora curva Phaselus:  
Undosique lacus alnos portare cavatas  
Confuere, Ratesque fretum arripere volentes:  
Rostratas conclusa Thetis petit æquore puppes,  
Pontus, & Ægeum, & Siculi maris unda Triremes,  
Illas trans Gades, pelagique in gurgite vasto  
Respuat Oceanus, turritaque fluctibus altis  
Navigia, & magno patitur vix corpore (1) Gaulos.  
Est varium & gentis studium, ingeniumque vicissim.  
Gaudent Campani celeres agitare Phaselos:  
His alacres Tyrrena secant vada, lætaque circum  
Litora, & apricos colles, & rura pererrant.

Tom. II.

K

Ve.

(1) Etsi Gaulus ab antiquis pro navi oneraria accipitur,  
nos pro Gaulis eas naves accipimus, quas Hispani *Galo-*  
*nes* appellant.

Navium graphia,  
sed formæ prius in  
papyro exhibenda.

Variae navium spe-  
cies.

Diversis locis, di-  
versæ naves aptæ.

Variæ in fabrican-  
dis navibus homi-  
num studia, & in-  
venta.

Velocem Nereo Lembum dedit ulla Cyrene;  
 In mare Phœnices Cymbam, Rhodus alta Celocem  
 Misere, & Canna pelagus fregero Micipsæ:  
 Assuta veteres fulcarunt Pelle Britanni:  
 Pelle etiam, quotquot rigidis tenet Urfa sub oris,  
 Marmora cana legunt: & futilis orbe rotundo  
 Euphratem irrumpit venientem gurgite Linter.  
 Fertur & Ægypti regnatix barbâra Memphis  
 Argilla fecisse ratem, testamque cavatam  
 Suscepit medio miratus flumine Nilus.  
 Flumineam biblum, & niveam junxere papyrum  
 Prædones, qui stagna colunt torpentia Nili.  
 Quique Erythrea tenent vada læta, rubentibus undis,  
 Artibus inventam patriis misere Biremem.  
 Insignes auro, ut perhibent, ostroque Trirèmes  
 Cæruleis admovit aquis generosa Corynthus.  
 Constratas verò Thasii fecere carinas,  
 Magnum opus, & duro fortissima machina bello.  
 Illyris Adriaco celeres agit ora Liburnas:  
 Jonium, Siculumque rapit: gens Itala pictas  
 Penteres (1) in bella trahit per cæcula puppes:  
 Illas Hispani pariter, Gallicque togati  
 Adificiant: illos imitata est barbara Thrace.  
 Trans Calpen, extrema colunt quæ litora gentes  
 Oceani ad fontes, alato flamine currus  
 Ingentes agitant: his dorso turribus altum  
 Impositis Atlanta domant, franguntque ruentem.

Sutilis ex pelle  
 navis Ex argilla in  
 Ægypto, et ex Pa-  
 pyro.

Constratas, scilicet  
 æx naves.

Navis fabricandæ  
 modus.

His animadversis, certus præscribere leges  
 Aggredior. Postquam plumbo, miniove rubenti,  
 Exiguam in sicco pinxisti cortice puppim,  
 Et partes omnes, atque intervalla notasti,  
 Ingentem in primis opus est, Palinure, quadratam  
 Sternere humi (2) fagum, aut pinum, pedibusque duobus  
 Sexaginta super quæ sit tibi longa; sed alta  
 Bis septem assurgat digitis, denisque pateat,  
 Penterem si fortè velis fabricare, vel ingens  
 Navigium: quâ prora venit, pandam insere, (3) fagum,  
 Adde (3) aliam quâ puppis erit: sed & utraque fagus,

Vi-

(1) Quinqueremes, in quinque remiges singulis remis  
 insistant. (2) Pro Carina, Carena, Gallis *Quille*.

(3) Dyochi, carinæ partes, quæ in proram, & puppim  
 curvantur, quæ ad proram Italis *Rota di prora*, Gallis *Estab-  
 le*: altera, *Rota di poppa*: *Eftambord*.

Viginti sit longa pedes, si cura tritemem  
 Moliri: magnæ verum fundamina puppis  
 Si jacias, obliqua cadat rectissima fagus  
 Postera, quæ puppis faciat primordia quadræ.  
 At si majores pelago deducere naves,  
 Fortè cupis, majora solo tunc prima locato  
 Fundamenta; (Operis fundamina prima futuri  
 Qui majora jacit, majus confurgere in altum  
 Cernet opus: Sequitur moles exordia prima)  
 Sic centum super inflexam iussere carinam  
 Ire pedes alii: bis fenos insuper olli  
 Addere consuerunt illi, qui corpore gaulos  
 Ingenti fabricant, vastum quibus æquor arandum  
 Oceani: at terris conclusum qui mare sulcant,  
 Non tam magna locant fundamina prima carinæ.  
 Sexaginta, quibus vectoria ponitur: at qui  
 (1) Surrentinam agitant velis, celeremque liburnam;  
 Quadraginta trabem sternunt de more repandam.  
 Hinc, & digressus, (2) costas adnecte carinæ.

Naviū longi-  
 tudo quanta esse de-  
 beat.

Et costas curvo facies de robore cerri,  
 Aut fagi: in medio sed curvatura repostis  
 Major erit: magnum verò si texere cures  
 Navigium, latè costas laxabis in orbem.  
 Transversum ascendant, pedibusque à cespite surgant  
 Bis septem pro navi, altæ pro mole carinæ  
 Adde unum: gaulique duos sibi jure reposcunt.  
 Bis fenos aliæ exoptant, denosque minores,  
 Utq; celox, (3) lembusq; (4) celer, ratis, atque (5) liburna,  
 Illas, dùm spinæ radiis nectuntur acutis,  
 Subjecti teneant firmo munimine pali.  
 At verò, ut pandæ sociare (6) statumina spinæ  
 Firmius, & totum valeas compingere corpus.  
 Cerrina per longum conjunges (7) ligna carinæ:  
 Quæ tamen extremo tenuem flectantur in orbem:  
 Deinde quibus rigida figendæ cuspide costæ.  
 Hic geminum compinge latus: sylvisque resectis,  
 Adua velivolæ confurgant mœnia turris.  
 Quæ si terribiles belli formentur ad usus,

Costarum structura.

Nares bellicæ è  
 solidis crabibus, &  
 cur

K 2

E so-

(1) Tartane qua Surrentini passim utuntur. (2) Italæ  
 Stamenali: Gallis Costes. (3) Tartana. (4) Fragata, &  
 Fusta. (5) Marsiliana. (6) Eadem, ac costæ. (7) Sunt  
 hæc costarum initia, quæ in Oceano, Italæ, & Gallis Va-  
 rargue appellantur, in Mediterraneo Madere.

E solidis veniant trabibus: sic fortius ictus  
Excipient, Martemque ferent: non ære canoro  
Disjicietque latus glans ferrea: mœnibus altis  
Exiguum faciet, trunco obluſtante, foramen.

Quantum autem in medio puppes laxare cavatas  
Conveniat, quantum ſenſim decreſcere utrinque,  
Præſcribam. Pentera pedes bis tende novenos.

Quanta navium  
latitudo.

At Galli, Rhodique duces, qui falſa triremes  
Per vada veloces agitant, tres demere ab illis  
Conſuevere: leves at ſi fabricare biremes

Exoptas, ſeptem pedibus tunc detrahe primis.

Verum ſi naves, quæ merces gurgite veſtant,  
Aggrediare, duos illis ſuper adde, magiſter.

At quæ terribili veniunt pro munere belli,  
Bis ſenos addunt: ſed maxima corpora gauli  
Quadraginta pedes laxari pectora poſcunt.

E medio. incipiant ſpatiis decreſcere coſtæ

Imparibus, paribusque, petant ſeu tramite recto

Auratam puppim, aut proram aggrediantur acutam.

Naves, quæ in acu-  
tam exeunt proram  
agiliores ſunt.

Tandem (me toties acti per cœrula curſus,  
Et caſus docuere, exatlantique labores)

Illas laudato nimium, Palinure, carinas,  
Anguſta quæ fronte patent, ſeſeque relaxant

Non multum in medio, & roſtro attenuantur acuto;

Sic faciles vento, longisque per æquora remis

Tendere iter poſſunt, dextramque audire magiſtri,

Accelerare fugam, & venientes gurgite ab alto

Transverſum abruptos montes diſſindere. aquarum.

Non ſecus ac volucres, gracili quæ corpore præſtant,

Aëra diſſindunt lapſu, celerique volatu

Obſectam irrumpunt nubem, ventosque laceſſunt.

Poſt ubi compactum ſteterit latus abiete multa,

Tende trabes; magnumque trabes ſuper injice (1) teſtum:

Et (2) ſpondas circùm ſuccingat zona ſupremas.

Intus prima locum putris ſentina tenebit:

Hanc ſupra conjeſta cavo tabulata reſeſſu

Proxima ſuccedant: ſtabitque his ſedibus imis,

Libratura ratem, fluctu jaſtante, ſaburra.

At ſuper annoſo facies de robore cellas,

Concluſis annona quibus ſervanda fenestris,

Atque oleæ, laticesque ſacri, quadræque tenaces,

Atque nitrum, atque pilæ, atque horrendi copia Martis?

Aſt

---

(1) La Coverta, Gallis Tillac. (2) Orlo della Nave.  
Gallis le Bord du Navire.

Ast alibi somno concedant mollia membra  
 Delecti procures, defessaque corpora curent.  
 Puppe sub extrema stabit domus ampla, supremi  
 Illa Ducis, circum piētis ornanda tapetis.

His actis, propere insequitur formanda magistro  
 Altera pars navis, quæ primo à limine spondæ  
 Altior assurgit. Varius fabricantibus offert  
 Se modus hic primum: validas si cura triremes  
 Moliri, è fago, aut cerro, Palinure, refecta  
 Viginti quatuor nectantur in ordine (1) transtra  
 Ad latus hinc, illinc, geminoque sedilia versu.  
 At si, quam textis, fuerit prætoris puppis,  
 Adde duo: quatuor superaddere barbara Thrace  
 Consuevit: sed mole gravis non apta per undas  
 Ocyus ire ratis, nec cæcula frangere gyro.

Infames pelagi prædones, Africa nutrit  
 Barbara quos Tellus, & moribus imbuit atris,  
 Quique nigras animas nigranti in corpore versant,  
 Euripedes agitant per cæcula falsa biremes:  
 Ac gemino versu bini per transtra sedentes  
 Viginti insurgunt remis, celerisque per undas  
 Aufugiunt, late & terras prædantur, & æquor.  
 Dii superi, infames longè detrudite ab oris  
 Italiæ, & pelago prædones mergite: Diris  
 Quos ego: sed cæptas præstat compingere puppes.

In medio protende foros, tabulataque junge  
 Asseribus nexis, binos (2) ægearia longa  
 Accipiant homines: intus sub fornice cellas  
 In longum extende, & tabulis compone politis,  
 Vela quibus, funesque, intextaque lina repones.  
 Ultima zona latus currat longissima circum  
 Pineæ: perque latus pateant sub margine summo  
 Spiramenta, quibus venientem à gurgite pontum  
 Accipiat, reddatque, freto iactante, carina.  
 Margine & in summo per cuncta sedilia lignum  
 Fige teres, qui scalmus erit: religandus & illi  
 Impulsurus, erit, spumantia marmora remus.  
 At remum pini facies de robore recto,  
 Vel fagi, qui tonsus erit, circumque rotundus:  
 Sed qua parte ferit maris æquor, palmula ligno  
 Insit acuta, leves quæ dissecet ocyus undas.  
 Quadraginta pedes & sit tibi longus: at ille

Astorum biremes  
 vulgò Galeotte.

Scalmi.

Remi.

Lon-

(1) *Banchi*. Gallis *Banc*. (2) Sunt loca in navi, per  
 quæ hortator ad remiges accedit, *Corfia*.

Longior, ingentem pellit qui mole Chimæram  
Prætoris: brevior sed, si citet ille biremem.

Sed proræ labor æratæ subit: ergo age, binas

Proræ formandæ  
ratio.

Mole pari turres, quæ Martia tela retundant,  
Æraque terrificis sustentent horrida nimbis,  
Arboribus festis, medioque in vertice fige.  
Adde ori rostrum, & rostro ferrum inferere acutum:  
Ardeſcant auro, atque è murice rostra rubescant.

Hinc procera venit docto ponenda magistro  
Puppis, & in puppi varianda aplustria signis.  
Dædala puppis erit: puppi cælentur in auro  
Fortia facta ducum, & patriæ decora inclyta gentis:  
Parthenopæus Hylas Sirenes cælat in auro,  
AUSTRIACOS animat Reges, demitosque tyrannos  
Sub pedibus stratos inferibit, & insuper addit  
Arma virum, galeasque, & capta insignia regum:  
E nuce sublustri facies subsellia longa  
Hinc, inde: & circum variis intexta figuris  
Cælatura humeros exornet, & aurea signa  
Sint super: Attalicique tegant convexa tapetes.

Cheniscus.

Quin & barbarico luxu (1) Cheniscus in alta  
Cælandus puppi, & minio tingendus, & auro.

Forum.

Ante forum protende: Thronumque cacumine fige:

Thronus.

Prætor ubi det iussa, ratemque per alta gubernet.

Pharos, —

Inde coronato confurgat vertice, opacam

Quæ nitidis noctem vincat (2) pharos aurea flammis:  
At medio regis cælata insignia fulvo

Sint auro, atque auro prætoris signa niteſcant.

Gemina in Navi  
puppis.

Qui semota colunt felices regna Cyambes,

Turrito geminam fecerunt vertice puppim:

Ac nautis gemini pariter dant iussa magistri.

Pontis structura.

Prætereà geminus formandus puppe sub ipsa

Pons (3) erit, & lateri ferro versatilis unco

Adnectendus, aquis demitti, & tollier alto

Qui possit, fune extento, rursusque reducto:

At si navigium ponis, celeremque liburnam,

Ad latus in medio firmos imponere pontes

Præcipio: pandumque supra protendere (4) cinctum;

E'qui-

(1) Anserculus, qui puppi præfigitur, ornatus gratia.

(2) *Panale*, ò *Lanterna*, quarum prætoria tres gestat, legati verò duas, Vicelegati unam. (3) *Scala* per quam in navim ascendimus. (4) *Idem*, ac *Zona*, dicitur & subligaculum, quo navis cingitur, ut firmitus tabulæ consistant, Galli *chainedes* vocant, nostri *cordone*.



## LIBER SECUNDUS.

75

E quibus accipiat venientem (1) Pergula pubem.

Insuper his, curva surgit quâ mole carina

In medio clavus duplex figatur: aduncus

Alter erit, qui falsa petat, circoque rotundo

Alter, & incurvum remonem, utrique tenebunt

Mole pari: tantum descendat clavus in undas,

Cæruleis quantum tollit se fluctibus. At me

Nunc majora vocant altæ molimina puppis.

Est in secessu Adriaci maris, æquore in ipso

Urbs augusta, potens armis, regnisque superba,

Et latè imperio multos dominata per annos,

Cui placidis famulatur aquis Neptunus, & altus

Adria, & Jonium cum fluctivago Ægæo.

Et quæ (vera fides; diæ cecinere Sybillæ)

Felix æternum terris durabit, & omnis

Adriaci maris imperium sine fine tenebit,

Italiæ decus alium, & libertatis avitæ

Reliquiæ, & prisca quicquid jam restat honoris.

Illa etenim afflictis melius confidere rebus.

Dat fractam Aufoniam: Superum pietate relicta

Præsidio miseræ; nam sæpè potentibus armis,

Instantes jugulo Mauros avertit iniquos,

Immites pepulit Thraces: fregitque tyrannum

Auroræ, & victum retrò dare terga coegit.

Illa & iusta animo rursus nunc concipit arma,

Pontificis Magni iussu, monituque Deorum:

Scilicet Europa, totoque Oriente tyrannum,

Atque Scythas fuget immanes, & fortibus armis,

Conetur fluxas Asiæ resvertere fundo.

Hanc urbem Veneti augustam coluere per annos

Mille, tot & populis leges, & jura dedere,

Qui magnas ingenti (2) Hepteres corpore longè

Adriaci præter fines duxere sub Ortum

Primi, & Neptuni domuere tumentia regna.

Has ubi turrata compingere mole triremes

Aggrediendi, solo primordia prima carinæ

Latius extende, & lato sit corpore pinus.

Et costas laxabis, & altius abiete secta

Attolle, & medio major sit mole triremis.

Adde etiam nova transtra, quibus generosa juvenus

Veneriarum elo-  
gium.

Hepteria texendæ  
modus.

Se-

(1) Eadem, ac Agear, *Corsica*. (2) Sic appellavimus eas  
naves, quas Veneti *Galeazze* vocant; nam septeno remige  
impelluntur.

Navis Venetæ in  
signis ornatus.

Septeni remum impellunt, & longior ille est.  
Sitque urbi lorica, & proræ in vertice tures  
Sint geminæ: turrita tibi sit & ardua puppis.  
Mœnia sed circum plures sint curva fenestræ,  
Æra quibus sub Marte tonent, & fulmina vibrent.  
Tertius è puppi surgens se malus in auras  
Rectus agat. Sed Major erit tibi cura, magister,  
Ornandæ minio puppis, nitidisque figuris.  
Ludentes trenulo delphinas in æquore sculpes,  
Tritonesque cavo pulsantes cæcula cornu,  
Et Glancum, & Proteum cum semifero comitatu.  
Ipse vel in medio fulvo celandus in auro  
Sylvarum regnator erit, dominusque ferarum  
Magnanimus LEO, quem latos diffusa per armos  
Exornet juba, cæsariem mentita comantem:  
Et geminas armis, erectasque inferre pennas.  
Verùm olli in primis fronti generosa superbæ  
Majestas insit, vivoque in lumine vultus:  
Ut credant spirare: manumque impone rapaci  
E chalybe, at gemmis textum fulgentibus ensem,  
Et subter Fidei, Passique volumina Divi,  
Quæ servet, Thracique necem, stragemque minetur.  
At capiti ex auro effinges splendente coronam  
Eois rutilam baccis, ostroque nitentem.  
Inde coronatæ depicta in vertice puppis  
Æquatas Astræa gerat justissima lances.  
Sint & divinæ pulcherrima Virginis ora,  
Atque comæ, flavoque comæ nodentur in auro.  
Plurima cæruleo vestis fucata colore,  
Et nitidas sparsim referens argentea stellas,  
Circumdet, niveique incingant crura cothurni.

Navigii structura. Sed jam veloces pelagi compingere currus,  
Vela quibus multo surgentes flamine venti  
Impellunt: fortes & sunt pro remige venti,  
Aggredior. Primæ surgat de limine spondæ  
Majori cum mole latus: superinjice tectum  
Tecta super: circumque latus succingat utrumque.  
Zona alia ex fago: sit tertia margine summo.  
Hinc fabricanda tibi magnæ sunt mœnia turris,  
Quæ Martem accipiant venientem, atque objice nautas,  
Armatusque tegant: circum spiramina muro  
Tot facies, tormenta velis quot Martia turri  
Addere, flammivomo turbent quæ sydera nimbo.  
Viginti gestare solet vectoria; sed quæ  
In belli casus veniunt, agilesque per undas

Mole

Mole levi fugiunt, prædasque ad litora vēstant,  
 Quadraginta ferunt: magni sed corporis alni  
 Sexaginta sinu comprehendunt: maxima gauli  
 Mœnia centum etiam crepitantibus æra sub auras  
 Accipiunt bombis, trifidæ Jovis æmula flammæ.  
 In puppi tormenta duo retinacula circum;  
 Æra locant alii quatuor longissima, curvo  
 Illa ministrantem clavo, clavumque tuentur:  
 At quæ terribilem belli texuntur ad usum  
 Terna tenent tabulata; pedes quæ distita denos  
 Semper erunt: geminus sit mœnibus æreus ordo?  
 Alter & in puppi superadditur: ænea binis  
 Mobilibus tormenta rotis, teretique cylindro  
 Impones: sic ore cavo dum fulmina torquent,  
 Retrò inferre pedem facilis via, neve resistat  
 Navigii pars ulla: ruant ne scissa per undas  
 Roboraque, tabulæque, intretque patentibus æquor  
 Scissuris; puppisque, freto resfluente, fatiscat.  
 Mobile quin etiam lignum compinge fenestris  
 Cardinibus super, aut concludier omnia possint  
 Spiramenta mari turbo cum venit ab alto,  
 Ingeminatque vadis tempestas atra refusis,

Sunt etiam, curvo surgunt quæ corpore, naves,  
 Quas olim dixere (1) Dromos cognomine Graii;  
 Nam velis, remoque volant. Maurusia tales  
 Gens facit, & Libyci cursat per litora regni.  
 Hæc texenda tibi fuerit si fortè carina,  
 Tot cava fagineo molire (2) foramina muro,  
 Quot longos utrinque velis super addere remos.

Dromi fabrica.

Hæc sunt præcipuæ fabricandis puppibus artes,  
 Qui sequitur facilis labor est, formare celocem.  
 Qua Surrentini gaudent; impone magister,  
 Tectâ super latus, atque humero tenus intege nautas.  
 Accipiat puppis tectum: stet vertice (3) cella;  
 Lora reget currus confidens claviger illa.

Celocis fabrica.

Cura levem cymbam, & pictos formare phascos  
 Haud equidem tibi multa: laborque facillimus illas

Cymbæ.

Tom. II.

L

Te.

(1) Celerrimæ naves à currendo sic dictæ, *Caravelle*.  
 (2) Columbaria scilicet, per quæ remi extenduntur: in antiquis navibus maxime in usu: in quibus qui in primo ordine erant remiges, dicebantur *Thranitæ*: in 2. *Zygitæ*: in 3. verò *Thalamitæ*: etsi alii velint *Thranitas* esse, qui ad puppim navigant, *Zygitas*, qui in medio. *Thalamitas* verum, qui versus proram. (3) *La Camera della poppa*.

Tenuibus è truncis compingere; transtra neque illæ  
 Accipiunt, sed firma tenent latera alta tenaci  
 Annexæ clavo tabulæ, quibus affidet æquor  
 Everfura levi remo generosa juventus.  
 Qui cymbas agitant, tonis maria alta sedentes  
 Semper arant: celeres pubes Campana phaselos  
 Per fluctus erecta vagos impellit, & omnes  
 Ad numerum remis feriunt mare, & æquora verrunt,  
 Sint costæ terno; digito vix latior uno  
 Sit tabula, & multo non surgat pondere linter,  
 Ocyus ut pelago fugiat, dextramque magistri  
 Audiat: è prora surgat tibi malus ad auras  
 Mobilis, & quadrum sustentet pertica velum.  
 Ad latus hinc, illinc sint bina sedilia puppi,  
 Et variata super protensa tapetia, & altus  
 Sit testus velo fornix, villosaque circum  
 Zona fluat, rapidos Solis quæ temperet æstus.

Semoti qui regna colunt vastissima Congi,  
 Innocui Æthiopes (1) Zaireia flumina circum.  
 Ingentesque lacus, per quos fluit amne canoro  
 E (2) Lunæ rapidus descendens vertice Nilus.

Furnerius Hydrog.  
 lib. 1. cap. 27.

Immenfos soliti truncos agitare cavatos  
 Arboris unius (licondum nomine dicunt)  
 Bis centum truncos insidunt, remisque laceffunt  
 Cæcula: lethiferas etiam vibrantia glandes  
 Æra cavo imponunt trunco, & fera prælia tentant.

Quomodo rimæ,  
 & commissuræ con-  
 cludente.

Cura dehiscences superest occludere rimas.  
 Ante mari puppes quàm miseris; imber apertis  
 Ne commissuris ruat intus, & æquora pinus  
 Accipiant: contusa rudis pars ultima lini  
 Proxima corticibus rimas implere patentes  
 Optima: quæ rimis ferro trudatur acuto.  
 Fluminei crinem calami contundere quondam  
 Consuevere humiles Batavi, rimasque patentes  
 Opplere. Eoo dispersa in gurgite, gentes,  
 Quæ tot regna tenent, truncorum cortice nectunt  
 Vulnere; sed valido primum sub pondere tundunt.

Naves pice linien-  
 dz.

Sic lino stipata rudi, linienda liquenti  
 Puppis erit cera, tædisque ungenda refusis,  
 Alta picem Phrygiis mittet de montibus Ida,

Aut

---

(1) Fluvius, & Lacus in interiore Æthiopia, Regno di  
 Congo, qui ab urbe Zaire nomen accipit. (2) Lunæ mon-  
 tes, ex quibus defluit Nilus, ut veteribus creditum.

Aut vicina dabit tibi Sila: in rupibus altis  
 Ingentes alit hæc pinus, quibus atra liquatis  
 Pix coquitur, centumque fuit fornacibus humor  
 Densus, opacus, iners, viscoque tenacior ipso.  
 Verùm alba, ut perhibent, instructas calce carinas  
 Illiniunt primo gentes Oriente repostæ.  
 Est opus accensa tabulas & inungere cera,  
 Et pice nigranti, clavisque adnectere acutis.  
 Succenduntque traves multi: picibusque liquatis,  
 Accensisque linunt alii; sic atra tenaci  
 Pix jungit nexu tabulas, & firmius hæret,  
 Pellit & æratis inimicum puppibus imbrem.  
 Alta etiam tabulata linunt, tædisque præstis  
 Incendunt, nè fortè graves cùm miserit undas  
 Juppiter, accipiant imbrem, rimisque fatiscant.

His actis, cave continuò navalibus alnum  
 Instructam pelago deducas; tempore certo  
 Compacta in ficcis opus est insistat arenis,  
 Ut nexæ partes coalescant; auctibus at si  
 Committas, casusque trahas spectare marinos,  
 Concussa compage traves, tabuleque dehiscunt,  
 Fissæque diductis solvantur vulnera rimis.  
 Celi currente rota si cùm cavus urceus exit,  
 Nec coctus fornace prius, vel Sole sub alto,  
 Accipiat lymphas, paulatim frigidus humor  
 Laxabit rimas: sensim compage soluta,  
 Urna dehiscenti, referabit vulnera, creta.

Intereà famuli antennis, malosque laborent.  
 Corticibus nudata suis longissima pinus  
 Malus erit, superis qui se rectissimus auris  
 Inferat: & nodo careat: non fissilis ille,  
 Non obliquus erit: veniatque à cespite major:  
 Inde minor sensim tenuatus acumine surgat.  
 Par (1) ille incurvæ tollat se mole carinæ,  
 In medio qui rectus erit: verùm (2) alter in ipsa  
 Curvatura insit spinæ minor: utraque pinus  
 Unus erit truncus: cuneis firmetur acutis  
 Pterna foraminibus, (3) Modioque immota quiescat  
 Ponderibus librata suis longissima sylva.  
 Navigii malos soliti formare magistri

L 2

Ar-

Calce ligantur  
 apud indos.

Compactæ naves  
 ad certum tempus  
 stare debent, ut mu-  
 tuò tabula coalescât.

Antennarum, &  
 malorum structura.

- (1) *Albero maestro* Italis appellatur, Gallis *Le gran Mast*.  
 (2) *Lo Trinchetto* Italis, Gallis *Le Brocet*.  
 (3) Foramen, cui malus imponitur, cuneisque firmatur.

Arboribus geminis, ut cum furit Æolus antro;  
Altior à summo demitti vertice possit.

Navibus in multis malis non rectus ad auras  
Ascendit: caput obliquum sed flectit in undas.

Antennas gemini annofo de robore trunci,  
Connexique dabunt: illos tu vimine torto  
Firmiter adstringe, & picibus perfunde liquatis;  
Ne pluvie noceant: quin &, Palinure, memento  
Arboribus formare pares: sed pondere major  
In medio tibi truncus erit, partesque per ambas  
Attenuatus eat, cornuque nitebit acuto.  
Antennam è medio suspendes corpore malo;  
Nam librata suo sic perstat corpore moles.

Perge, alium tollunt malum (1) de puppe Celoces,  
Turritæ geminos alios portare carinæ

Consuevere: (2) minor puppi præfigitur altæ.

Rostra per obliquus major descendit & alter:

Quot in navigiis  
antennæ,

Recta sed extremi pars tollitur ultima mali.

Maximus è medio qui sese nubibus infert,

Tres habet antennas, alatis cornibus: (3) ima

Longior & prima est (4) pterna super: (5) altera (6) collo

Addita mole minor: tandem (7) carchesia circum

Tertia (8) contractis tendit se cornibus arbor.

Antennas totidem speculator vertice malus

Sustentat: geminas proræ superadditus alter

Obliquus: major rectum premit una trachelum.

Ille unam è media surgit qui puppe tenebit,

Aurumque dabit velum venientibus Euris.

Corona Gabbia ma-  
lis imponenda.

Quot tenet antennas, totidem redimire coronis

Cura tibi malum, speculamque imponere summis

Verticibus, qua cuncta maris lata æquora cultos

Inspiciat, referatque duci quas gurgite ab alto

Adventare videt puppes, quæ puppibus undent

Vexilla, hostilesne illæ, sociæne carinæ.

Corbita quæ,

At verò in summo teneat vectoria corbem

Ver-

---

(1) Italis, *L'Albero di poppa*, vel *di Mezanìa*. Gallis *Ar-  
rimon*. (2) *L'Albero della Zevadera*, vel *Bompreso*. Gallis  
*Le Mast de Beauprè*. (3) *Antenna maestra*, Gall. *La gran-  
de Vergue*. (4) Ima pars mali. (5) *Antenna della gran  
Gabbia*, Gallis *La Vergue de Hune*. (6) Est trachelum,  
mali medium. (7) Suprema mali pars, ubi specula, Italis  
*Il Calcese*, Gallis *Hune*. (8) *L'antenna del Perrochetto*,  
Gallis *La Vergue de perroquet*.

Vertice, (1) corbitam hanc olim dixere Latini.  
 Sed Marti quæ sacra mari natat ærea (2) pinus,  
 Aut Galeam referat, pictumve cacumine scutum,  
 Et super undanti regis cum stemmate signum.  
 Vimineas etiam summis pendere coronis,  
 Atque imo scalas opus est firmarier unco.  
 In malum pubes contendet, & ultima mali  
 His animosa petet carchesia. Candida sed me  
 Poscunt vela: operis quæ pars non ultima nostri est.  
 Ergo age, pernices aptemus navibus alas.

Æolus, ut fama est, primus Neptunia regna  
 Audax velivola fugiens cum puppe cucurrit,  
 Conclusitque sinu ventos, & scelera certa  
 Aëria pepigit cum gente, & viribus usus  
 Mollit audaces animos, fregitque tumentes.  
 Cana reluctantes tunc primum carbasa ventos  
 Excepere sinu: molles audire rudentes,  
 Et parere manu, & nutu didicere magistri.  
 Dedalus hinc fugiens Dictæi regna tyranni  
 Carbasa Chalcidicas Cumarum inexit ad oras:  
 Ex quo artem egregiam nostri accepere parentes.

Principiò tortum lini de cortice filum,  
 Velocique dabit contextum pectine velum.  
 Vela etiam duplici subtexere stupea filo  
 Est opus, ut valido venientes flamine ventos  
 Accipiant, tolerantque: intorta cannabe velum  
 Subtexunt alii, geminataque flamina torquent;  
 Vimque addunt filis, ut sint fortissima vela,  
 Ardentesque ferant spumosa per æquora nimbos.

Vela Teraphæi, ut perhibent, regina Canopi  
 Serica contexto pretioso vellere fecit.  
 Verùm hos barbaricos luxus, quos sæmina vexit,  
 Non ego laudarim; nam serica texere vela  
 Barbara luxuries regum est, & sumptus inanis.  
 At nigri Æthiopes nudati pelle draconis  
 E puppi accipiunt surgentia flamina venti.  
 Arctois sed regna tenent qui cana pruinis,

Æolus primus ve-  
 dorum inventor,

Quomodo tene-  
 da.

Dedalus in Italiam  
 inexit.

Vela serica; Cleo-  
 patræ.

Ex pelle,

Ner-

(1) *Nave da carico*. (2) *Nave da guerra*, cui olim  
 aut galea, aut scutum in summo malo apponebatur: nunc  
 vexillum tantum, hoc tamen discrimine, ut Prætoria *f. Am-  
 miraglio* vexillum habeat in maximo malo; Legati verò navis  
*Viceamiraglio* in malo anteriori, sive Dolonis; Vicelegati  
*Contramiraglio* navis in malo posteriori.

Nervis vela suunt, direptaque piscibus exta  
 Suspendunt malo: duris dant pellibus Austros,  
 Diversa à nobis habitant quæ litora, gentes  
 Axe alio, quæ rara polo circumnitet Arctos.  
 Qui Magellani vertunt freta confita saxis,  
 Concludunt rapido venientes murmure ventos

Ex cortice arborum.

Vimineæ.

Corticæ in arboreo: qui regna rubentis Eoi  
 Gangaridæ, Seresque colunt, & durus Japon  
 Vimineam Zephyris tegetem spirantibus alto  
 Expandunt malo: storeisque canentibus aura  
 Obstrepat: inflatæ tegetes spumantia currunt  
 Æquora: tu foliis contexere vela caveto,  
 Nauta; sed Eoi si sit maris æquior arandum  
 Trans freta, trans Gades, gemina compingere tela  
 Carbasa præcipio, ut dirum Typhona procellis,  
 Ac Præstera sinu possint tolerare furem.

Velorum species.

Est autem duplex veli genus: alta triremis  
 Per fluctus (1) aurita Notis dat vela secundis.  
 Antennæ geminas suspendunt cornibus aures:  
 Cannabæ (2) pes imus duro religatur ab unco.  
 Atque celox etiam, lembique, liburnaque velum  
 Auritum ventis committunt: cætera (3) quadra  
 Navigia expandunt sua vela, ruentibus Euris:  
 Demittuntque pedes geminos, longoque rudente  
 Unco nauta ligat, (4) circoque rotante, revolvit,  
 Contrahere ut facilis labor, & laxare rudentes.

Præterea tibi velorum sit copia multa;  
 Nanque usus pariter varius: cum murmure leni  
 Felices surgunt auræ, tunc maxima vela,  
 (Artemones (5) nostri Grajo cognomine dicunt)  
 Dant levibus nautæ Zephyris, & cærule currunt.  
 At cum sylvisfragis agitatur Notus æra flabris,  
 Aut Euri ruit, aut Boreæ intractabilis ira,  
 Contrahit Artemonem, parvoque (6) Dolone magister

Par.

---

(1) Velum triangulare, *Vela latina*. (2) Est acutior  
 pars veli, quæ ad navis latus religatur, modoque contrahi-  
 tur, modo relaxatur, *Angolo della vela*, & *Porecchio*, Gal-  
 lis *Coin*. Suht & pedes funes, quibus huiusmodi veli partes  
 ligantur, *Scotte*, Gallis *Escoutes*. (3) Quadrangula, *Vele*  
*quadre*, Gallis *Voile quarrée*. (4) Lignum illud rotundum  
 ad modum trochleæ, quod nostri *Girella*, & *Ruzzola*,  
 Galli *Poulie* appellant. (5) *Veli mæstra*, Gallis *Voile du*  
*gran Mûst*. (6) *Trincetto*.



Parciùs ardentes gremio venti accipit auras.  
 Dat (1) Medium in ventum, iusto cum murmure Corus  
 Obstrepat. Aptandum velum spirantibus auris  
 Sunt etiam texenda tibi de cannabe vela.

Suppara (2) Romani appellant, quæ plurima ventum  
 Accipiunt gremio moriturum, atque ocyùs alnos  
 Pontigradas per falsa citant, cursusque secundant.  
 Hæc aliis alto iungenda in vertice mali,  
 Et firmandus erit curvo pes unicus unco.

Cannabe cura etiam longos torquere rudentes  
 Et facies varios, vario pro muneris usu,  
 Majores (3) illi, jacitur quibus anchora fundo,  
 Et quibus æratæ religantur ab aggere puppes,  
 Semper erunt: (4) alii verùm qui vela minores  
 Sustentant: tenuique alii de flamine scalas  
 Facturi veniant: sint stuppea vincula veli.

Præterea annofo fagi de robore (5) clavus  
 Formandus, Palinure: uno vix latior ala  
 Sit pede; & in gyrum sensim curvarier illa  
 Incipiat radice; hinc & tenuetur acutum  
 In collum, ut pandæ respondeat ille carinæ.  
 Verùm (6) lax capulo formetur acutior, (7) asser  
 Quà patet, imponi ut valeat versorius illi:  
 Et denis erit hic pedibus tibi longior asser.  
 Mox alæ in latere oblongum cum cuspidē ferrum,  
 Conjuncturæ aliud circo desige rotundo:

His clavum accipiet puppis, quæ torquet habenas  
 Ipse gubernator, tenditque per æquora cursus.  
 Sint geminæ hinc, & illinc trochleæ, versare magister  
 Queis clavum possit, quæ venti, & sydera ducunt.

Hæc præter, ferro superest cudenda Britanno  
 Anchora: & hæc binis armatur dentibus una,  
 Altera sed quatuor: capulo simul annulus insit,  
 Quo religanda, mari dum mittitur; axis & illi

Sub:

(1) Sic vocamus Epidromon velum, quod nostri dicunt  
*la mezana*, vel, *vela di Mezanìa*. (2) Sunt veluti velo-  
 rum supplementa, quibus utuntur nautæ, cum languet vis  
 venti: nostri appellant *contravele*: est & velum, quod in  
 superiori mali parte apponitur *Bonetto*. (3) *Gomene*, Gal-  
 lis *Cables*. (4) *Scotte*, Gallis *Manocure*. (5) *Timone*,  
 Gallis *Gouvernail*. (6) Superior clavi pars, ita Morisotus  
 & alii. (7) Scilicet manubrium, quod clavus hæc, illac ver-  
 titur, Italis *Aggiaccio*, Gallis *Barre*.

Suppara;

Rudentes Sarte.

Clavi struenda, &  
 partes,

Anchoræ cudendæ.

Specie variaz.

Subter acernus erit: sint bina foramina proræ  
 Per quæ funis eat, dum protinus anchora in undas  
 Projicitur: transfenna cavo religatur in unco.  
 At non una tibi duro formanda metallo  
 Anchora, sed plures, quarum quæ maxima, nautis  
 Dicta est sacra; Noti cum perfurit ira, sub æquor,  
 Descendit, navimque immenso corpore fundat.

Naves priusquam  
 in mare mittantur,  
 superis dedicandæ.

Navis tutela.

Sed jam læta vocant instructas cæcula naves,  
 Aspirantque levi in velum cita flamina cantu:  
 Nec non & vitreis ludunt Nereides undis.  
 Ergo age, purpureo textam de flore corollam  
 Puppibus impone: & serto redimita juvenus  
 Frondenti niteat, lauroque aplaustre virenti  
 Floreat, & lauro carchesia summa nitebunt:  
 Et molles sternantur humi violæque, rosæque?  
 Tempora dein sacra præcinctus fronde sacerdos,  
 Accensamque ferens tædam divina facessat.  
 Solennesque preces præfatus ab ore, carinas  
 Depictas veteri patrum de more sacrabit:  
 Nuncupet & Superis felicibus, altaque puppis  
 Præferat ex auro cælatum in vertice signum  
 Numinis, auratæ cui sit tutela carinæ.

Parasemum, sive  
 Navis oculus incie-  
 dendus, ex quo navis  
 nomenclatura, & or-  
 namentum.

Deducendæ navis  
 modus.

Qui verò ingentes turrito corpore puppes  
 Ædificant, rostro in medio sub vertice proræ  
 Imponunt Oculum, cuius de nomine naves  
 Appellant, auroque Ptychen, & murice pingunt.  
 Delphinos multi cælant, Scyllasque bifformes,  
 Centauros alii armatos, alique volentem  
 Pegasum, & armigeras Aquilas, fulvosque Leones;  
 Et Tigrem horribilem, & Pistrim, indomitamq; Chimæram;  
 Quin etiam proræ pictis variare figuris  
 Consuevere genas, ornare & floribus illas:  
 Et simul auratis navim redimire corymbis.  
 Effingunt alii Mauros, victosque Gelonos,  
 Qui magnis geminas sustentent viribus alas.

Sed deducendis quæ sint nunc navibus arma;  
 Expediam. Tibi multus erit pulvinus, & ingens  
 Ergata (1) pergrandes trochleæ, magnique (2) cameli:  
 Plurima & in gyrum verletur vestibus acta  
 Sucula, (3) perque illam æquato se corpore, vestes  
 Transjecti extendant: curvæ suppone carinæ,

Navi-

(1) *Argano*, Gallis *Faulconneau*. (2) Est & machinæ,  
 & funis tractorius. (3) *Torno*, Gallis *Tourn*.

Navita, faginos axes, solidasque phalangas;  
Et cera ungenti, pinguique bitumine trunci.

Principiò tonsilla solo figatur acuta,  
Atque alii ad litus pali figantur arenis,  
Quò versus magnæ mittendæ in cœrula naves,  
Tonsillis forti trochleas vincere rudente  
Est opus, & duris firmanda est machina palis.  
Hinc axes circum teretes, trochleasque camelus  
Multiplici spira ducendus, & insuper ille  
Non semel est circum navim volvendus in orbem.  
Mox bini incipiant vestes versare ministri:  
Nec cessent donec vitreas se puppis in undas  
Mittat, & emergens suprâ natet æquora moles.

At si quem fortè ars prorsus defecerit omnis,  
Nec, quo sylvæ, modum, pelago mittatur, habebit:

Tempus & Ortygii memoranda inventa magistri  
Pandere, quoque modo turritam mole carinam  
In mare deduxit pueri manus: altius omnem  
Expediam, antiqua revocans ab origine, famam.  
Clara Syracosii qui regni sceptrâ tenebat  
Magnanimus Hiero, & Siculos ditione premebat,  
Ingentem lecto sylvæ de robore puppim  
Jusserat artifices moliri, & murice, & ostro  
Pingere, & auratis passim cælare figuris.

Mirabile Archimedis  
inventum pro na-  
ve Hieronis dedu-  
cenda.

Quam factò, insectoque auro, gemmisque coruscis,  
Cælatisque gravem signis, pictisque tapetis,  
Atque eборе insignem multo, & nitido argento,  
Jam Pelusiaco regi donare parabat.

Ingens Hieronis  
straculani navis.

Continuò artifices datum opus navalibus altis  
Experiuntur, & assidui compingere navim  
Concertant: fabricata brevi post tempore puppis  
Assurgit cælata auro, atque in murice fulgens.

Ast ubi constructam pelago deducere fabri  
Aggrediuntur, & ingentes supponere vestes,  
Atque axes motu faciles, teretesque cylindros  
Festinant alacres: circumque revolvitur ingens  
Ergata, stridentesque rotæ versantur in orbem,  
Aspiciunt vitreas turrim demittere in undas  
Difficile esse; adeò surgebat machina mole  
Immensa: namque illa caput super altior urbem  
Extulerat, latque suos laxaverat artus.

Ergò alios poscunt socios, axesque rotundos,  
Et vestes addunt alios, ac viribus urgent:  
Attamen incassum cecidit labor omnis: & illam  
Non axes, longique valent impellere vestes:

*Ton. II.*

*M*

*Et*

Et frustra juvenes subnixi viribus urgent.  
 Ac velut in medio rupes immota quiescit  
 Æquore, quam contra Boreæ insuperabilis ira  
 Infremuit, densisque ferox diverberat undis;  
 Aut, Euro bacchante, runnt stridore procellæ,  
 Et commota ferunt spumantia cæcula nimbis.  
 Allisæ franguntur aquæ, franguntur & Euri;  
 Stat rupes immota, & cedere nescia ventis.  
 Sic & firma manet, nec vestibus ardua cedit  
 Machina, vimque omnem superat, nifusque potentes.

Hæc ubi cognovit miratus ab arce tyrannus,  
 Ortygium sub tecta senem jubet aurea duci.  
 Magnarum cui summa datum molimina rerum  
 Ingenio tentare, manumque attollere quicquid  
 Magnum mole foret, cunctasque exquirere caussas  
 Occultas rerum, & numerum subducere arenæ,  
 Fama per Ausonæ, & Siculas vulgaverat urbes.  
 Accipere senem famuli: piæque repente  
 Aulæ in medio senior stetit: excipit illum  
 Rex Siculus, dextramque viro dat pignus amoris.  
 Divinum rogat inde senem, stimulatque precando,  
 Fluctibus ut navim deducat, & aurea poscat  
 Præmia: donandum magno se munere speret.

Sic fatus rex est: placido cui talia contra  
 Ore refert senior: Faciam, rex magne, quod optas.  
 Verùm nulla mihi donari præmia posco;  
 Tangere nam dextram satis est potuisse tyranni:  
 Et satis ipsa sibi quovis pro munere facta  
 Egregia, æternùmque manet laus, & decus ortum  
 Ex illis. Mora nulla, rotas formare metallo  
 E solido jubet artifices, & dentibus illas  
 Armari obliquis; numero sex: æraque cudi  
 Hac lege, ut spatiis semper majoribus orbes  
 Se superent, primusque minor, majorque secundus.  
 Imperat & totidem pariter fabricare minores.  
 Interea quatuor præstanti robore truncos  
 Litore sustollit: totidem mox desuper addit  
 Ad latera, & clavis capita ultima nectit acutis:  
 Subter & hinc, inde, & medio sub corpore molis  
 Ingentes nectit tabulas, & multus in illis  
 Ferreus utrinque, & versatilis additur axis,  
 Quo rota versari possit: trabibusque locatur  
 Ordine quique suo: innectitur volubile ferrum  
 Extremi capulo, quo circumvolvitur axis.  
 Axibus inde rotas disponit in ordine curvas,

Atque

Machinæ, glossoco-  
 neum dictæ, mira stru-  
 ctura

Atque illas spatii omnis determinat æquis,  
 Dentibus ut cunctæ sese per mutua nexis  
 Exciperent; vertique simul, volvique vicissim  
 Unâ omnes possint: mox circumvolvit in axes  
 Ingentem funem, quo à fronte ligaverat alnum.

His actis, pueri manibus versatile ferrum  
 Imperat in gyrum verti, sensimque rotari:  
 Ut primum cæpere rotæ super axe revolvî  
 Orbibus adversis, subito (mirabile dictu)  
 Ingens paulatim deduci machina cœpit.  
 Attoniti stupere omnes: stupuitque tyrannus,  
 Dum nova tantarum spectat miracula rerum,  
 Quæ facili nisu nunquam facienda putasset;  
 Nî leve confieri paucis res ipsa doceret.

Et tandem exclamans: Quæ non miracula rerum  
 Ingenium facit acre, manusque operosa magistri!  
 Cui senior. Majora oculis spectacula rerum  
 Aspiceres, mihi si fursum subducere plantas;  
 Et fas in tenui vestigia figere nube,  
 Namque ima mundum traherem de sede superne:  
 Magna quidem: sed vera: neque his deducere multum est.  
 Tum rex: Credo equidem: nihil est molimine magnum,  
 Difficile & nihil est, docti quod dextera tandem  
 Non queat artificis superare, & vincere nisu  
 Ingenii. Sed lata subit ratis æquora: retrò  
 Subsequitur plausus populorum, & murmure festo  
 It cælo clamor: discursat læta per auras  
 Vox: reboat mare longè, & litora curva resulant:  
 Assurgunt plausu scopuli, & vaga murmurat unda.  
 Hæc igitur Siculi memoranda inventa magistri,  
 Et simul egregias artes, Palinure, secutus,  
 In mare velivolas deduces litore puppes.





# NAUTICORUM

## LIBER TERTIUS.

**H**ACTENUS æratas puppes, & linea vela;  
Nunc te, Phœbe, canam: nec non cœlestia tecum  
Sydera: te niveis etiam, Latonia, bigis  
Undosi regnata feram per cœrula ponti.

Tuque vel in primis venies pars maxima cœpti,  
Æole, inaccessosque petam, tua regna, recessus,  
Ac nava pacatos revocabo ad carmina ventos,  
Et genus, & mores, numerumque, & nomina dicam:  
Divinumque canam inventum, & data munera Divum  
Principio, Palinure, priusquàm scindimus æquor:

Ignotum per iter, varios prædiscere ventos  
Est opus, & quo quisque suo de cardine perflat:  
Quique polum nimbis contristant, quique serenant,  
Nubibus expulsi: & cœli tempore certo

Dent faciles in vela auras: qui cœrula contrâ  
Oculdant, tristesque hyemes, & nubila portant:  
Et tibi quo ventos prædicat Delia cornu,  
Aut Sol, aut Helice, aut ardenti Sirius astro.

Atque hæc in primis solerti cura magistro  
Semper erit, longè instantes prænoscere ventos,  
Ire procellosas si vult impune per undas,  
Atque iterum patriæ portus spectare reliquos.

Ipsi etiam tutis si currere classibus æquor,  
Et pugnare velint, clarosque referre triumphos,  
Nosse duces ventos opus est, variantia cœli  
Sydera, & Eoos ortus, Solemque cadentem.  
Namque olim Zancleæ memini me turribus altis,

Ventorum cogni-  
tio quam necessitia  
navarchis sit.

Et Classum duco-  
ribus.

Quâ

Quà Thetis angusti veniens à sede Pelori  
 Objectas modico terras secat ardua fluctu,  
 Evandron vidisse senem cui multa senectus;  
 Lustra decem bis jam robusta expleverat ætas.  
 Hic mihi cærulei cùm jam confedimus ambo  
 Ad molles pelagi ripas, ubi splendida lux  
 Alta theatrali surgunt palatia circo,  
 Maurolycum novisse senem narrabat, & illum  
 ( Multa viro virtus; multo sudata labore  
 Ars erat, & varii varia experientia cœli,  
 Noscere seu vellet ventos, seu dicere cursus  
 Astrorum, & longè venientia pandere Fata )  
 Austriaco donasse duci ( qui victor ad altum  
 Jonium, Eoi concussit regna tyranni,  
 Avertitque hostem Italiæ, clademque futuram )  
 Depictas minio tabulas, quæ longa per omnes  
 Scripta dies rerum series erat: ille futuras  
 Hic tempestates, ventosque, & nubila, & imbres:  
 Hic & purpureos Soles, cœlumque serenum  
 Fatidicus niveo signarat cortice Vates.  
 Cùmque has ille duci properanti ad bella dedisset,  
 Hæc illi dixisse ferunt: I, chara Tonahti  
 Progenies, Fidei, & regni spes maxima nostri;  
 Cùmque manus conferra paras, has, inclyte, primum  
 Consule; namque illæ quæ sint ventura docebunt.  
 Et sic Threicii contundes arma tyranni:  
 Et venies victor, spoliisque Orientis onustus.  
 Tu Vatem ne sperne; fidem observata merentur.  
 Mox totam Evander repetens (audire videbat  
 Me cupidum senior) memoravit origine pugnam.  
 Tempus erat, quo celsa domus stellantis Olympi  
 Panditur, Oceano tenebris, Lunaque fugatis,  
 Purpureis variata notis Aurora rubescit:  
 Cùm geminas fors una tulit propè litora classes  
 Naupacti, (1) junxitque freti discrimine parvo.  
 Est locus Aethiacis Ætolium proximus oris.  
 Flumina quæ nitidis Acheloeja miscet arenis  
 Ipse suis Neptunus aquis: hic Græcia Tellus  
 Hesperium ad Solem, & lævas se flestit ad undas;  
 Quæ mollem Zephyrum, & felices excipit auras:

Maurolyci elegiū  
 & Ephemerides ab  
 ipso Austriaco datæ.  
 Hoc postea Messianæ  
 à viris fide dignis  
 accepit.

pugna Naupacticæ  
 descriptio.

Loci hypotiposis.

Con-

(1) Lepanto, hinc victoria Naupactica: non longè ad  
 Aethium promontorium Augusti victoria ex M. Antonio,  
 & Cleopatra notissimum.

Contra elata mari stat Neritos ardua saxis.  
 Hæc geminas astu terras secat unda revulsas  
 Exiguo: sensimque patens fuit usque Corinthum,  
 Ætolium hinc regio est; illinc Pelopœia regna  
 Respondent: geminæ curvo stant litore (1) turres,  
 Quæque Rhion Grajo quondam cognomine dicta:  
 Barbara gens nomen nunc invertere vocantes.  
 Hinc verò Ætolium quæ se cava litora sœdunt  
 Cyrrhæum in pelagus, fundata virentibus arvis  
 Naupactus, statioque jacet benè fida carinis.  
 Trans Rhion objectas Achelus (2) Echinadas undis  
 Verberat. Hæc quondam (ni mendax fabula Grajùm)  
 Najades errabant fluvii, quæ numine verso,  
 Nunc scopuli riguerè mari, quibus alta trophæa  
 Contigit Austriadum, & Venetum spectare triumphos.  
 Hos inter scopulos certatum Marte cruento  
 De maris imperio: d' utinam non læva fuisset  
 Mens hominum! tota fractus cum classe tyrannus  
 Eoa nunc urbe foret, regnoque repulsus.  
 (Et concessa sequi, & Fatis felicibus uti  
 Nescia mens hominum) Hos scopulos tenere carinæ  
 Austriadum, Venetumque rates, cùm Barbara classis  
 Naupacti statione sedens dare carbasæ cœpit  
 Trans Rhion, & sensim pelago se mittere aperto.  
 Mille rates mare prætexunt, atque æra mille  
 Vela, & mille leves sũstant vexilla per auras.  
 Ipse ubi jam properare hostem audiit Austriacus dux,  
 Constitit, atque oculis plena æquora circumspexit.  
 Mox celsa in puppi circum vestatus in altum  
 Agmen agit, tenditque acies, & cornua flætit.  
 Austriadum dextram classis, Venetumque sinistram  
 Occupat: in medio puppes prætorix, & ipsæ  
 Bis septem, horrendi facturæ exordia belli,  
 Turritæ steterunt primo agmine (3) Bucentauri.  
 Jamque rubescebant radiis ardentibus undæ.  
 Eoa de sede ruens cùm sibilus Euri  
 Labitur Oceano crepitanti flamine vela

Odry-

---

(1) *Dardanelli di Lepanto* vulgus vocat, per quos in Corinthiacum sinum *Golfo di Lepanto* intramus.

(2) Insulæ ad ostia Acheloi *Crazolari* appellant.

(3) Sic non incongruè *Hepteres*, seu *Galeazze* vocamus à mole, qua reliquas superant, etsi non eadem sit apud Venetos *Galeazza*, & *Bucintoro*.

Christianorum clas-  
 sis dispositio.



Odrysium tumuere sinu; statumque secundo,  
 Jamque propinquabat primæ ad tentamina pugne  
 Barbara Threijcium sinuata in cornua classis,  
 Undantesque dabant vexilla argentea Lunas.  
 Ast ubi Christiadæ in proram descendere ventos,  
 Atque hostes ruerè adversos videre, repenti  
 Perculsi cecidere animis, trepidoque tumultu:  
 Jamque referre pedem, & retrò dare terga parabant.  
 Ipse sed Austriacus spem magnam in pectore versans.  
 Ingentesque animos, altæ ad subellia puppis  
 Imperat acciri proceres. Utque ære canoro  
 Increpuere tubæ, celeres ad jussa vocati.  
 Convenere, replentque duces subellia primi.  
 Tunc ille asseri tabulas, quis arte peritus  
 Maurolycus dederat, famulos jubet: inde recludit.  
 Quæ Vates ventura die signaverat illo.  
 Hæc autem ventura die signaverat illo:  
 Cum Sol Oceano surget, simul Euris Eoo  
 Assurget: si fortè mari sese obviis hostis.  
 Intulerit, Martemque velit tentare secundum,  
 Ne dubites conferre manus, cadet Euris, & undas  
 Affabit Zephyrus, nubesque immittet in hostes.  
 Vix hæc Austriacus, procerum stipante senatu,  
 Legerat, & classes dederat vulganda per omnes:  
 Cum subiti redire animi, strepituque canoro,  
 Arma petunt. Dædis tanta est fiducia Vatis.  
 Ipsa sed in primis læto clamore vocatur  
 Divorum Regina, maris cui cæcula parent,  
 Et cui deposito famulantur murmure venti.  
 Nec mora, continuò paribus concurrunt armis:  
 Classibus adverse classes, rostra obvia rostris  
 Ivere, ut belli signum prætoria puppis  
 Fecit, & horrendo strepuerunt cornua cantu.  
 Hinc celeres sicca servatam in teste favillam  
 Admovere nitro, conceptoque ocyus igne,  
 Emicuerè tubi, sonitumque dedere metalla.  
 Nec mora millenz fugiunt, rupto obice, glandes,  
 Vulcanò pellente: pluit latè horridus imber  
 Ferreus, & nigræ tolluntur in aëra nubes,  
 Et medias inter nubes micat ignibus æther  
 Cum tonitru: cæcis exhorruit unda tenebris,  
 Et pulsata imò fremuerunt æquora fundo.  
 Ac veluti ruptis, gremio fervente, caminis,  
 Ingentes scopulos, & grandia faxa sub auras  
 Vesbiis agglomerat, disjectaque viscera montis

Christianorum me-  
tus exauctore vélo.

Resumpti animi.

Astrix pugna.

Erigit eructans, & sydera verberat imbre  
 Saxorum: totus radicibus egeritur mons.  
 Flammaram erumpunt cunei sub nubila; & ingens  
 It caelo fumus, caelique obnubilat astra.  
 Præcipitesque ruunt pice nigra, & sulphure mixto,  
 Ardentes fluvii, rapida flammante favilla:  
 Subjectas implent valles: lætè omnia circum  
 Atque, litoraque, & villæ vastantur, & urbes.  
 Non aliter gremio, suscepto protinus igne,  
 Horrendum concussa cavo crepuere metalla:  
 Disiectæ tonitru glomerantur in aëra puppes.  
 Mille trabes, & mille volant disrupta per auras  
 Rostra, carinæque, quassataque fulmine vela:  
 Corpora mille virum: medias dispersa per undas  
 Arma fluunt, galeæque, atque altæ robora sylvæ.  
 Odrysi, velis Euro spirante secundo,  
 Audaces animos, atque irrita vota fovebant.  
 Attamen incassum gavisi Marte secundo:  
 Alternat Fortuna vices: Felicia cœpta  
 Flebilis eventus, lacrymandaque Fata sequuntur.

Jam Sol altus erat, confestim murmure fracto,  
 Eurus abit: siluere vada: & stetit utraque classis.  
 Sed concessa quies brevis est: pernicious alis  
 Allapsi Zephyri rupere silentia: festo  
 Austriaci Zephyros venientes murmure læti  
 Accipiunt: tumuere sinus, tumuere secundis  
 Auspiciis animi: læto clamore laceffunt  
 Sydera: bella iterum, & victricia signa reposeunt.

Magnanimus dux audentem in certamina pubem  
 Tum sic aggreditur: Promissi numine venti  
 En adsunt: reliquum, in manibus victoria vestris  
 Tota est: ite; præit quoniam Fortuna, sequendum est.  
 Nec plura: Austriaci invadunt, & rostra feroces  
 Vi superant: ruptoque velut ruit obijce ripæ  
 Immissis cum flumen aquis, & murmure rauco,  
 Dejectat lætè segetes, populatur & arva:  
 Christiade in classem irrumpunt, atque obvia diro  
 Ense metunt, cædesque, & passim funera miscent.  
 Ipse ubi præcella in puppi conspexit Alymum,  
 Irruit Austriades contra, & præcordia multo  
 Barbara transfigit ferro: ceciditque superbus  
 Mole gigas, strepituque iit indignatus ad umbras.  
 Qualis ubi in sylvis contorto fulmine pinus  
 Icta cadit, gemituque replet nemora alta supremo,  
 Tunc cæsi caput Austriades obruncat, & hasta

Præ-

Secundi Austriacis  
 venti.

Præfigit, tollique jubet de vertice puppis.  
 Ut cæsi de puppe caput, lacrymabile signum,  
 Threïcii ducis aspiciunt, trepidi ocyus omnes  
 Prona fugæ dant terga, ratesque ad litora vertunt:  
 Insequitur victor: ferro debellat & igne,  
 Quid plura? ardent rostra: viri sternuntur, & omnes  
 Equore dispersi vento jactantur, & armis.  
 Christiadæ læti exultant, Superùmque salutant  
 Reginam, tanti fuerat quæ causa triumphî:  
 Atque ipsos læto Zephyros clamore salutant  
 Præsentem. Aded ventos prædiscere magnum est.

Turcarum cædes.  
 & Christiadorum vi-  
 ctoria.

Hæc quondam Evandrum memini cecinisse sub altis

Turribus, angustî quâ fluctuat unda Pelori.

Sed jam me Zephyri, & felicior evocat aura:

Ite animus: felices concedite carminis æstrum,

O Musæ, & celes properate per ardua mecum:

Namque iter in nubes intendimus. Est locus ingens

Ætheris in medio, rigidis ubi plurimus horret

Aër frigoribus, volucrique impervius omni est.

Proximus huic flammis ardentibus imminet altus

Juppiter: ima tenet dulcis mortalibus ægris

Temperies, magno Superùm data munere Divùm:

Pendula se circum regio diffundit in omnes

Terrarum, pelagique plagas; sed major in axe

Arctoo, gelidisque riget stipata pruinis:

At Sol Æthiopas quâ ferventissimus urit,

Strictior illa, nimis vicino pressa calore:

Sed geminæ in medio quâ zonæ habitabilis Orbis

Temperiem, & mixtam faciunt cum frigore flammam,

Stat justis extensa locis. Hic æthere regna

Æolus alta tenet: veniunt his sedibus Euri,

Et Zephyri, Corique, & nimbiferi Aquilones.

Hic etiam nubes concresecunt, tenuior imo

Cum vapor è terræ gremio consurgit in altum:

Cæruleique cadunt, submotis nubibus, imbres.

Ergo age, nunc causas mecum tentare latentes

Aggredere, & prima revocemus origine ventos.

Tantisper, Palinure, licet divertere clivo:

Haud equidem labor incassum, nec inutilis error:

At tu, quo nostræ lætantur Apolline Musæ,

CARDENIDE generose, præi, tenuesque per auras

Sterne viam Vati facilem, inceptumque secunda.

Sol maria, & terras flammis vitalibus omnes,

Atque irradians, animantia cuncta calore,

Cunctarumque fovet caussarum exordia prima:

Aëris regionum  
 descriptio.

Ventorum genera  
 & causas.

Semina compingit rerum, concretæque vertit,  
 Atque novas cogit paulatim sumere formas;  
 Rerum quippè parens Sol est. Sic humida Tellus  
 Phœbeis sensim radiis tepefacta relaxat,  
 Expanditque sinum: tenui volat halitus aura  
 Nimborum in sedes, hic frigore pressus iniquo  
 Stipatur: ceu parva phalanx, cum fortior instat  
 Hostis ab adverso, cuneo densatur acuto;  
 Colligit & vires, atque arma, globosque ruentes  
 Objectis contra scutis, hastisque repellit.  
 Sed gravis ille venit concretus, pandere quo se  
 Confestim patrias iterum demittit ad oras:  
 Illic rursus tepefactus abit resolutus in auras,  
 Et sensim major, majorque accrescit cundo:  
 Cum tandem spatium nimium conclusus iniquis,  
 Quà via per medias nubes, perque aëra latè  
 Sese aperit, citus irrumpit, velut acta sagitta,  
 Stridulus, & circum rapidus se trudit in auras:  
 Atque auras premit obstantes, premiturque vicissim:  
 Stare loco nescit: celeri secat aëra lapsu,  
 Dum fugit, immiscetque fretum, & nemo omne tumultu.  
 Non secus admotum rapidis si fortè favillis  
 Vas fuerit, cui stricta manent, oblongaque colla,  
 Æneus & venter magnum turgescit in orbem:  
 Intrus paulatim ferverescens humor ab igne  
 Solvitur, & tennes rarus se vertit in auras:  
 Ac majora petens latè loca, it halitus alto  
 Colla per oblonga erumpens, tractimque volando  
 Attenuatus abit, sonituque effertur acuto  
 Stridulus, & multo fugiens nisi premit auras  
 Objectas, raucoque imitatur murmure Coros.  
 Non intermissi flantes sic aëra venti  
 Continuis agitant flabris, & cæcula vertunt;  
 Quippè sinu terræ semper vapor exit ab imo.

Venti olim sine  
 nomine.

Ventorum multi-  
 plex numerus, & no-  
 menclatura.

Incerti quondam perflabant marmora venti;  
 Nec numeros norat, nec nomina fecerat illis  
 Navita, nec medio spectarat ab æquore stellas.  
 Ast ubi culta Thetis, celeresque immisit in undas  
 Audax nauta rates, sua tùm (1) cognomina ventis,

Om-

(1) Non omnibus una est ventorum nomenclatura, neq;  
 omnium ventorum, juxta recentiorum divisionem apud La-  
 tinos nomina fuere, nos probatos Authores secuti sumus,  
 & aliis Græca nomina accommodavimus, aliis verò ventis no-  
 va ex Italis nomina deprompsimus.

Omnibus & sua tūm pariter data nomina stellis.  
 Primus purpureo cœli de cardine præcep  
 Eois ruit (1) Eurus equis: contrà æquore ab alto  
 Quà Sol flammiferos rubro lavat amne jugales,  
 Assurgit (2) Zephyrus. Mundi de sede nivali  
 Descendit (3) Borcas nivibus stipatus, & horrens  
 Frigoribus multis: contrà venit humidus (4) Ausfer  
 E Libya, & pluvio contristat turbine cælum.  
 Hos inter quatuor totidem generantur, & illis  
 Nomina nauta dedit. Boream strepit inter, & Eurum  
 Ventus, ab egelidis mittit quem rupibus Æmi  
 Græcia: (5) Græcum Itali jam nunc cognomine dicunt.  
 Contrà hunc nimborum densum citus explicat agmen  
 Africus, (6) & Mauris descendit ab usque præustis.  
 Hybernū propè solstitium tonat (7) Euroauster  
 Densis stipatus pluviis: contrarius Urſa  
 Alta (8) Arctozephyrus descendit, & horridus æquor  
 Asperat: illum Itali ventum dixere Magistrum.

Cardinales.

Medii.

Quisque horum dextra, lævaque armatus ab alto  
 Irruit, & gemino Tethyn liſtore flagellat.  
 Durus Hyperboreis (9) Aquilo se rupibus infert:  
 Alter ab Eois fuit (10) Hellespontius oris.  
 Ultrà Eurum immisſus roseo (11) Vulturū ab Ortu.  
 At mitis venit è tepido (12) Gangeticus Austro.

Laterales.

N 2

He.

(1) Ital. Levante, Hispanis l'Este, Gallis Est, Belgis Oost, Anglis East. (2) Ital. Ponente, Hisp. Oest, vel Oes, Gal. Ovest; Bel. Vuest, Angl. item Vuest. (3) Ital. Tramontana, Hisp. Nort, vel Norte, Gal. Nord, Bel. Noort, Angl. Noorth. (4) Ital. Ostro, vel Mezzodì, Hisp. Sur, Gal. Sud, Bel. Zuyd, Angl. South. (5) Ital. Greco, vel Grecale, Hisp. Nord Este, Gal. Nord est, Bel. Noort Oost, Angl. Noorth East. (6) Ital. Libeccia, vel Garbino, Hisp. Sud Oeste, Gal. Sud Ovest, Bel. Zuyd vuest, Angl. South west. (7) Ital. Scirocco, Hisp. Sueste, Gal. Sudest, Bel. Zuyd oost, Angl. South east. (8) Ital. Maestro, vel Maestrale, Hisp. Noroest, Gall. Nordoest, Belg. Noort vuest, Angl. Noorth west. (9) Ital. Greco Tramontana, Hisp. Nor Nordeste, Gal. Nord nordeste, Belg. Noort noort oost, Angl. Noorth noorth east. (10) Ital. Greco Levante, Hisp. Lesnordest, Gal. Est nordest, Bel. Oost noort oost, Angl. East north east. (11) It. Scirocco Levante, Hisp. L'Est sueste, Gal. Est sud est, Bel. Oost zuyd oost, Angl. East south east. (12) It. Scirocco Mezzodì, vel Ostro, Scirocco, Hisp. Sur sueste, Gal. Sud sud est, Bel. Zuyd zuyd oost, An. South south east.

Hesperia sub sede tenet dextra Africus udum  
 Libonotum : (1) è leva surgit (2) Subvelperus atrox .  
 Addit se comitem occiduo sub sole Magistro :  
 Corus, (3) ab Aufoniis cognomine dictus Japex :  
 Circius (4) Arctoa sequitur de sede nivali .

Hos præter, totidem mediis è sedibus auræ ,  
 Nothi, seu Quartæ, Turba minor, certoque mari sine nomine surgunt :

Quas etiam, Palinure, animas prædiscere cura .  
 Ut certum teneas infida per æquora cursum .  
 Hanc & rectores, uno cognomine, plebem  
 Quartas (5) ventorum nostri dixere vocantes :  
 Appellare Nothos alii voluere magistri .

His animadversis, qua nunc ratione per undas,  
 Navita, tot varios possis cognoscere ventos,  
 Expediam, Superùmque canam data munera Divùm .

At mihi vos alti Nymphæ maris, hæc vada læta  
 Quæ colitis Bajas, felicia litora, circum,  
 Vos, quæ Sirenum sedes habitatis odoras,  
 Regnaque Telebòdum, litusque tepentis Amalphis,  
 Pandite, Nereides, ( nam vos spectastis & illum ,  
 Divinique in partem operis venistis ab alto )  
 Quis Deus hanc nobis divinis extudit artem  
 Inventis . Deus ille equidem, Deus ille magister ,  
 Qui primus rerum causas penetrare latentes  
 Ausus, & obscuræ novit connubia gemmæ .  
 Magnetem quibus ipsa sibi Cynosura maritet  
 Ardescens flammis : ( Norunt jam sydera flammæ )  
 Primus, & errantes duxit, duce cuspide, nautas .

Ante mari in magno, dubia sub nocte pererrans  
 Arcadias Urſas trepidantes æquore tingi,  
 Arcturum, pluviasque Hyadas spectare solebat  
 Navita, & ardentem stellis Orionis ense,  
 Tendeatque freto in medio, duce sydere cursus .  
 Sed nigra cùm latè texebant nubila cælum,

Ac

---

(1) Ital. Libeccio, Mezzodì, vel Ostro Libeccio, Hisp. Surſudoeste, Gal. Sud sudouest, Bel. Zuyd zuyd vuest. Angl. South south west. (2) Ital. Ponente Libeccio, Hisp. Oest sudouest, Gal. Ovest Sudouest, Bel. Vuest zuyd vuest, Angl. Vuest South west. (3) Ital. Ponente Maestro, Hisp. Oest noroest, Gal. Oest nordouest, Bel. Vuest noort vuest, Angl. Vuest noorth west. (4) Ital. Maestro Tramontana, Hisp. Nor nor oest, Gal. Nord nord ovest, Bel. Noort noort vuest, Angl. North noorth west. (5) Quarte de venti, d venti baffardi. Itali dicunt ventos medios, seu laterales.

Ac Lunam obtestam nimbo nox cæca tenebat,  
Tunc, duce sublato; dubiis errabat in undis,  
Carbasia quò venti, tempestatesque trahebant.

Verùm regna tenent qui ditia Perfidis, & qui  
Æquora Nilivæ fulcant Erithræa papyris,  
Olim (1) Taprobanen, & Gangis litus adibant,  
Aëra per vacuum cursus signante columba.  
Chaoñiam ex alta mittebant puppe volucrem:  
(Nam Telluris aves, verrentes æthera pennis,  
Natura monstrante, petunt vicinia semper)  
Hinc quà missa fugam capiebat in aëra, & ipsi  
Tendebant iter Oceano: mox illa volatu  
Cum sese ex oculis subtraxerat, illicet illi  
Laxabant aliam: sic & ductoribus istis,  
Taprobanen cursu tandem, (2) Sindasque petebant.

Aufonia in magna, biferique ad marmora Pæsti,  
In medium conversa diem quà surgit Amalphis,  
Nauta fuit, magnis ausis generosus, & acer  
Ingenio, & reliquos inter solertior omnes,  
Flavius (3) (hoc illum dixerunt nomine navitæ)  
Cui nitidis formosa comis Beronia mater,  
Inter Nereidas forma non ultima Nymphas.  
Hic quondam æstate in media, dum cardine summo  
Jam rapidus Titan medios accenderat æstus,  
Dum sitiunt segetes, filet aura, & cœrulus humor  
Assultans scopulis vix rorem aspergit amarum,

Arabum navigatio  
duce columba. Mort.  
fotus in orbe maris-  
mo.

Inventæ pyxidis  
historia, fabula a-  
dumbrata,

De

(1) Est hæc Ceylanum, quæ quidem insula Cory (Capo di Comorin) promontorium objecta est. (2) Tres maximæ insulæ Eoi Oceani, Sumatra, Bornæo, Java, vulgò *Isole della Sonda*. (3) Flavius natione Italus, patria Amalphitanus, qui anno MCCC. mirabile sanè, ac navigationi opportunum inventum nauticæ pyxidis (*La Bussola*, Gallis *Bouffole*) adinvenit, atque illius usum posteris tradidit; unde meritò illum Snellius in Epistola ad Lectorem Tiphys Batavi, & ex eo Morisotus in Orbe maritimo lib. 2. cap. 41. vocant *Sagacissimum Naturæ Mythen*, cujus industria à secretioribus ejus adytis id erutum sit. Hujus enim fiducia Itali primùm, inde etiam Hispani externa maria tentare instituerunt. Huic sententiæ se subscribunt Ortelius, Blondus, Crescentius, Ferrarius, Philander, alique quamplurimi, ut citrà invidiam non sit hæc laus Italis deneganda. Panormitanus autem sic cecinit:

*Prima dedit nobis usum Magnetis Amalphis.*

Defessus vacuum secreti ad marginis oram  
 Venerat ex alto, gremio quâ scrupæ rupes  
 Dat placidas somno sedes: hic ille sub antro  
 Sternitur egelido, mûsco super, & sua somno  
 Lumina concedit: primos laxaverat artus  
 Vix optata quies, & lumina somnus habebat,  
 Cùm, tremulas Zephyris lenè impellentibus undas,  
 Scinditur Oceanus, vitreisque sedilibus omnes  
 Nereïdes, Nymphæque assurrexere marinæ:  
 Flava comas Ephyre, Lepytheque, & candida Clio,  
 Plachra genas Panopæa soror, quæque ubere læto  
 Tunc geminos primùm pueros enixa fovebat  
 Leucothoë, & vultu venit placidissima Micle,  
 Euplæe, Prochyteque, Cleoque, & cærulea Nefis:  
 Purpureum quibus os, placidum decus oris: & illis  
 Versicolor niveas cingebat tænia mammæ.

Et tandem formosa mari Beronia mater  
 Astitit, & diu nato diffudit odorem.  
 Ut multo præsentem afflatus numine sensit  
 Nauta deam, & vultus genitricis novit amatos;  
 Currit in amplexus: teneros per colla lacertos  
 Injicit; & charæ delibat dulcia matri  
 Oscula: (Nereides plausu infremuere marino)  
 Terque, quaterque iterat: matri mox talia fatur:

O mater dea, Nereïdum pulcherrima Nympha;  
 Sirenum quæ regna colis, & gurgitis hujus  
 Ima tenes, ubi testâ tibi pellucida vitro,  
 Cæruleasque inter Divas spatiaris in undis,  
 Qui te nunc pelago, testisque accivit ab imis;  
 Teque dedit gnato divina in luce videndam?  
 O Genitrix, magno natum dignaris honore.

Flavius hæc: illi contra placidissima Nympha  
 Hæc dedit, & roseo placidè simul ore locuta est.

Magna tui semper dilectæ cura parenti,  
 Nate, fuit, matrisque animum timor anxius urget,  
 Ne quando, rapido deprensus turbine venti  
 Jacteris pelago in medio, quo tendere cursus  
 Inscius, ardenti cum se subduxit Orion  
 Sydere, & Arcadium texit nox atra Bootem.  
 Quare æge, quam mihi nunc lacrymis dedit, & prece multa  
 Fatidicus Proteus, nitidam cape pyxida, nate.  
 Hac duce, cæruleum carpes iter, & vada salsa  
 Tutius hac dubia cœli sub nocte secabis.  
 Ipsa polum nimto oblectum tibi ferrea cuspis  
 Ostendet, Mundique plagas, & sydera dicet:

Et



Et tibi per fluctus, quâ sit, monstrabit, eundum;  
 Qui spirent venti, rigidâ qua rupe procellâ  
 Descendant. Quid plura? tibi pro sydere ferrum  
 Dux erit, & reducem patrias te sistet ad oras.  
 Hæc illa, & lætâ porrexit pyxida nato.  
 Tornatâ quæ cura hinc sit, qui pydixis usus,  
 Illa docet: cupidus genitricem Flavius audit  
 Dicentem, & memori sub mente audita recondit.

Argento insignem multo, niveoque elephanto,  
 Ipse suis manibus tornavit pyxida ferro  
 Cæruleus Proteus: medio stat circulus aureus.  
 Nomina ventorum multo cælavit in auro  
 Hoc circo Proteus; nam æqualibus intervallis  
 In totidem partes fecit, quot flamine venti  
 Spirant; cælavitque suis in sedibus omnes.  
 Lilia, quæ rutilo præfulgent plurima in auro,  
 Arctoo Boream venientem ab sydere monstrant,  
 At reliquos alii ventos dant vertice ab uno  
 Extensi in gyrum radii, minioque rubentes.  
 Inde stylum è chalybe in medio præfixit acutum:  
 E chalybe huic etiam super addidit ille sagittam,  
 Quam nigro admovit lapidi, ((1) Magnesia fertur  
 Gemma) è contactu multo mælesana veneno  
 Cuspis abit, calidasque hausit de marmore flammæ.  
 Mira quidem sunt, nate, meæ pars altera vitæ,  
 Quæ mihi narravit Proteus commercia gemmæ.  
 Marmor amat ferrum, dulcesque in pectore flammæ  
 Nurrit dura silex: chalybis durissima corda  
 Allicit illecebris: molliet sua viscera ferrum  
 Illecebra, & rigidum quamvis respondet amori,  
 Atque agitur flammis. Quid non cedamus amori?  
 Molliet amor ferrum, & durissima marmora molliet.  
 Mobilis illa stylo superadditur: irrequieta  
 Vertitur hæc, illâ: donec præfulgida cælo  
 Quâ Cynosura micat, se sistat, & æthere ab alto  
 Hauriat obtutu flammæ acus acta veneno.  
 (Nam velut ipsa poli sectatur sydera gemma,

*Pyxidis descriptio,  
 & illam formandi  
 modus.*

Sic

---

(1) A Magnesia Macedoniæ regione Magnetis feraci: qui  
 & Heraclius ab Heraclia urbe etiam appellatur. Alii sideri-  
 tem vocant, scilicet ferreum; nam in eadem fodina cum  
 ferro nascitur. Hinc ferunt excoctum ferrum habere partes  
 Boreales, & Australes, vigorem magneticum, verticitatem,  
 & vertices, seu polos destinatos.

Sic nigræ dulci gemmæ correptus amore,  
 Astra chalybs amat, atque obtutu fallit amorem )  
 Hinc ille ex nivea crystallo pyxida textit :  
 Bracteola & circum clausit strictissimus illam ;  
 Ne maris unda nocens, aut æris aura marini

Cepe, & allia, adam-  
 masque Magnetici  
 vim infringunt.

Quomodo locan-  
 da in navi pyxis ad  
 ventos, & mundi  
 partes dignoscendas,

Inficiat, nigraque terat rubigine ferrum.  
 Cepe timendum etiam, graveolentiaque allia Vates,  
 Vimque adamantis; acum visu nam fascinat ipso,  
 Admonuit. Tu, nate, maris cum gurgite vasto  
 Errabis, dubiusque viæ sine sydere cœli,  
 Hanc fidam media comitem sub puppe locabis  
 Libratam lævi in tabula, quod ferrea cuspis  
 Volvier in gyrum possit: sed pyxida tantum  
 Verte manu hæc, illæc, donec se concita cuspis  
 Sistat, & inscriptæ respondeat illa sagittæ,  
 Aut medium feriat tornatæ pyxididis orbem  
 Axis ad Arctoi partem: mox inspicere & illam.  
 Illa tibi ventos, cursusque & sydera dicet.

Hæc dedit; & circum Nymphis stipata marinis;  
 Oceano caput immerisit, natoque relicto,  
 Humida spumose venit sub Doridos antra.

Ille autem charæ genitricis munere latus,  
 Pyxida cælatam signis miratur eburnam,  
 Miraturque orbem argento, & murice pictos  
 Lilliaque Arcadii monstrantia sydera Plaustrî,  
 Ac minio inscriptum ventorum nomina circum:  
 Hinc stupet in gyrum hæc, illæc trepidare sagittam:  
 Et sensim arcana ferri virtute sub Uras.  
 Nec non & prima perquirat origine caussas  
 Occultas rerum, & tacitus præcepta revolvit,  
 Quæ dederat mater; ventosque, & sydera discit.

Pyxide duce primùm  
 in Oceanum, & ex-  
 terna matia naviga-  
 tum.

Pyxididis hinc primùm fuit usus, & æquora primùm  
 Audaces ausi, duce cuspide, currere nautæ.  
 Nec solum conclusa Thetis fulcata carinis  
 Omnis, & Ægæi spumantia marmora ponti:  
 Ipse sed Oceanus noti trans litora Mundi  
 Tentatus magnis ausis, Fatisque secundis.  
 Hac duce jam noti Æthiopes, atque ultima Castri  
 Regna pharetrati, Mundique impervius axis.  
 Quin & inaccessi tot jam per sæcula (1) Seres,  
 Ac penitus toti terrarum incognitus Orbi  
 Nunc tandem Auroræ sub sede est visus Japon:

Ac

(1) Idem, ac Sinæ, serico lanificio nobiles.

Ac novus Ammericæ lustratus navibus Orbis.

Sic & divinum inventum, pyxisque per omnes  
Delata est populos, quos decolor inficit Eos,  
Aut rapido Sol torret equo, aut premit Urſa pruinis:  
Quos & in Occasum Atlantæum submovet æquor.  
Sed qui (1) Cathygaren, extremaque litora Mundi  
Soli habitant Seres, diverso pyxidibus usu,  
Terrarumque plagas, ventosque, & sydera norunt.  
Circuitu effingunt curvum cratera capaci,  
Et fluvio undantem multo sub puppe reponunt.  
Subere suffultus parvo natat ære tricuspide  
In medio Rhombus versatilis, altaque signat  
Astra, polumque: regitque vagos per marmor (2) Ioncos.  
Non secus Arctoi faciunt, qui Balthica nautæ  
Cærule, Hyperboreumque cava trabe Nerea currunt.

At quia Nautarum posita est spes omnis in una  
Pyxide, mira quidem, atque usu comperta docebo,  
Egregiam tibi quò valeas compingere buxum.  
Stat geminus Magnete polus, quorum alter in Arcton,  
Alter in adversum Mundi se dirigit axem.  
Hos autem quo ritè modo perquirere pollis,  
Expeditam: Illicea in media nec cymbula pelui,  
Quæ gremio inclusam sustentet flumine gemmam.  
Hæc circum incipiet sensim irrequieta moveri:  
Non tamen integrum describet motibus orbem,  
At septem versus se conciet illa Triones,  
Quò tandem directus eat polus alter in Urſas,  
Inque diem vergat medium polus alter: at illos  
Sedulus advertes, radioque notabis acuto.  
Hinc & acus si forte tibi fucanda veneno,  
Cuspis Hyperboreum tendet quæ mota sub axem,  
Austrinum complexa polum, lapidi oscula libet:  
Nam secus Arctoum si contigit, illicet Austro  
Se vertet, ventosque alios monstrabit, & oras.  
Admiranda quidem, quorum cognoscere causas  
Nobis, in parvo ludens, Natura negavit.  
Si Magnus generosus erit, sat cuspis in uno  
Contactu bibit arcani malefana veneni.  
At cum languescit gemmæ vis, sæpè fricandus  
Est illi Rhombus, certa sed lege, modoque,  
E medio super incipias deducere saxum

Tom. II.

O

Leni-

Ufus pyxidibus apud  
Seres per acum in  
vasculo inarantem.  
Furniculus Hydr. lib.  
11. c. 6.

Item apud Septen-  
trionale,  
Ricciolus Geogr. lib.  
10. c. 8.

Duplex in Magnete  
polus.

Quomodo acus vi  
magnetica imbuen-  
da.

(1) Sinarum emporium, *Canton*. (2) Navigiorum ge-  
nus apud Sinas, quibus plurimum utuntur.

Leniter alternum in punctum, ferroque fricabis,  
 Huc ubi jam ventum, sustolles desuper illud  
 Actutum, propè nec redeat vis nigra metallo:  
 Ni facias, reditu immutabitur indita virtus  
 Jam chalybi: in medio fuerit cum gemma reposta,  
 Duc illam rursus ferrum super, ut calor intus  
 Plurimus ardeat venas diffusus in omnes.

Præterea, quoniam languescit tempore longo  
 Herculeus vigor, ære tibi stipandus acuto.

Ferro armatus Ma-  
 gnes vim suam fer-  
 vat.

Plurima sive inter chalybis ramenta locandus;

Vivida sic vis, amplexuque fovetur amico.

Scilicet armari quæcunque potentia ferro

Indiget, ut longos possit durare per annos.

Sed jam naturas, ventis quas Jupiter ipse

Addidit, expediam: Zephyri felicibus auris

Zephyri natura, &  
 mors.

Aspirant, placidoque intendunt carbasa flatu.

Rarè manè ruunt: sed Vespere sæpius afflant.

Interdum Zephyris cursus spirabilis auræ

Est brevis: interdum nitido sub lumine plures

Duravere dies, Phæboque cadente, filescunt:

Incipiunt æstate nova, placidissima quando

Tempestas pelago: rarè brumalibus afflant

Temporibus: Palinure, sinus inflare secundis

Da Zephyris, Zephyrisque citis in vela vocatis

Tutids infidum lento pede currimus æquor.

Eoo cum Sole leves de fluctibus Euri

Euri.

Attolluntur, aquas majori & flamine verrunt,

Quàm Zephyri, tepidumque colunt ver: bruma nec illos

Respuit, aut nimis ardens fervoribus æstas.

Crebrescunt multi in noctem; sed cardine cum jam

Adverso Manes lustrat Sol, murmura ponunt.

Bis quinos persæpè dies vasti æquora Nerei

Lata cient: ad menscm etiam protendere cursum

Sæpè solent: tu carpe iter adventantibus Euris.

Borea.

Dum nostrum Titan devexior aspicit Orbem.

Exoritur Boreas, gelidisque è rupibus ardens

Labitur, ac rigido Neptunia regna flagello

Quassat: & annosas sub montibus atterit alnos,

Ac strepitu latè miscet pemora alta canoro.

Pulsatæ plangunt valles, & magnus Olympus.

Paulatim murmur ponit, mollitque feroces

Sensim animos: longo languescunt tempore vires.

Vix agitat tandem tenui maria uda flabello.

Donec & halitibus cum jam sua pabula defunt,

Attenuatus abit. Veluti fornacibus altis

Cum

Cùm subito siccis è truncis arida messis  
 Suggestur, concepta statim de fomite flamma  
 Murmure confurgit multo, rapidosque repentè  
 Altiùs attollit cuneos, & sydera lambit.  
 Mox ut materies sensim consumpta recessit,  
 Flamma cadit, circumque levi vix sibilat aura.  
 Dissolvit nubes Boreas, cœlumque serenat  
 Luce nova: interdum densatis nubibus astrâ  
 Obteggit, & dextro dimittit ab axe pruinas.  
 In terras si nocte vaga descendit ab Urâ,  
 Tertia lux illum nunquam perficere videbit:  
 Sin minùs, ad fenos Aquilo, denosque rigebit  
 Sæpè dies: viginti etiam pulsabit Olympi  
 Sacra Jovi nemora, & maria alta à gurgite vertet.  
 Tu cave, ne primis Aquilonibus in mare puppim  
 Deducas: statione sedens sine flamina prima,  
 Paulatim contusa cadant; tunc strata per alta  
 Tende iter, & fessis Aquilonibus utere tandem.

Humidus ex imo, pluviisque, nigerrimus Ausfer  
 Axe ruit, creberque, hyeme adventante, procaci  
 Imbre tonant, nimboque, & plurimus obruit arva.  
 Verùm pleni amnes cùm cessavere, serena  
 Luce aperit cœlum, & simul æquora leniùs urget.  
 Non & certa illi vitæ data tempora; sæpè  
 Vita brevis, totusque leves se solvit in imbres:  
 Sæpè sed alatis investus in æthere bigis  
 Murmurat, & multo latè ciet aëra flabro.

Aulæ.

Principiò levis hyberno de Sole sub undas  
 Labitur Euroauster, & æquora molliter afflat:  
 Mox densat cœlo nubes, atque occulit astrâ:  
 Sensimque assumit vires, & crescit eundo:  
 Donec se totum campo commisit aperto.  
 Tunc cœlo tollit spumantia marmora, & altis  
 Fluctibus insultat ratibus: ceu nubibus imbres  
 Cùm ruptis veniunt: primùm de montibus undæ  
 Exiguo torrente cadunt, crescuntque fluendo:  
 Cùm tandem fluvii, multis jam fluctibus auctæ  
 Insultant magno venientes gurgite campis,  
 Ingentesque imis vellunt radicibus alnos.  
 Æquor agit fundo, rapidosque per aëra nimbos  
 Agglomerat; pluviisque cadit venientibus aura.  
 Sæpiùs autumno ruit imo à cardine Mundi  
 Horridus, at bruma magis horridus asperat undas,  
 Longiùs extendit cursum; nam sæpè reflectit  
 Exactum ad mensem pluvios temone jugales.

Euroauster.

Principiò, dum crispas aquas, da fluctibus alnum,  
 Nec sine, paulatim vires acquirit eundo.  
 Nam si post quartum vento tua vela furenti  
 Laxabis, non tutus erit per cœrula cursus:  
 Tempestas te dira manet, durique labores.  
 Principiò dum blanda vocat Fortuna, vocantem  
 I, sequere: è manibus fors labitur aurea pigris.

*Supernas (Greco)*  
 qui sic dictus est,  
 quia à supero mari  
 petitas.

Præceps Arctoa veniens à sede Supernas  
 Frigidus hyberno crebescit tempore, & æquor  
 Altiùs attollit, scopulosque superjacet undas:  
 Dissolvit nubes, nivibusque incandet, & alma  
 Cœlum luce aperit, lenique adfibilat aura,  
 Et longè pulsus sequitur lux aurea nimbis.  
 Mollior æstate in media felicia mulcet  
 Æquora; nec Zephyris tunc lenior invidet aura?  
 Tu sine, surgentis languescant murmura venti,  
 Ut celeri tutus percurras Nerea puppi.

*Africi item natu-  
 ra describitur.*

Densus turbinibus Libyca de sede feroces  
 Africus urget equos, crebrisque per aëra nimbis  
 Invehitur, flatuque ciet strepitante tumultus:  
 Asperat Oceanum, fluctusque ad sydera tollit.  
 Laxat aquis nunc lora: mari nunc murmure raucò  
 Stridulus incumbit: subitis modò nubibus astra  
 Obteguit, & noctem terris inducit, & umbras:  
 Mox pulsus aperit nimbis, Solemque reducit.  
 Totus & interdum cadit, & filet æquor, & aër.  
 Sed brevis illa quies; nam sinibus usque præntis  
 Mox redit è Libycis inopinus, & acrior instat:  
 Frangit aquas, tollitque vadum, miscetque tumultus.  
 Qualis ubi vacuum spectavit Persa pharetram,  
 Ora, fugam simulans, avertit, & æquore cedit.  
 Hinc ubi jam vacuum telis complevit acutis,  
 Impavida cum fronte redit, Martemque laceffit.  
 Acrior instat equis: rapidas vibrare sagittas  
 Non cessat: transfigit equos, transfigit equorum  
 Sessores unà, & crudeli funere mergit:  
 Per cædes, stragesque ruit: Fuge cautus iniqui,  
 Nauta, dolos venti: cœlo ne crede sereno;  
 Namque dolos etiam norunt, & fallere venti:  
 Principiò tres ille dies scédare procellis  
 Affolet; at senos si tres transcenderit ultrà:  
 Sæpè novem: quos si superaverit, ille profundum  
 Viginti torquere dies solet imbris atris.  
 Tu Libyco ne crede ratem, Palinure, furenti.

Durus Hyperboreis, Boreæque similimus, oris

Cir-

Circius incumbit, glaciesque indurat acutas,  
 Et cursu in medio fugientia flumina sistit:  
 Nec non & summas pelagi diverberat undas,  
 Et nemora alta jugis horrendo murmure quatit.  
 Hinc ut sylvisfragi cecidit gravis ira flagelli,  
 Vela vocat: velum vento committe vocanti.

Hos mores, sibi quisque suos, discrimine certo,  
 Majores ventorum animæ coluere volentes.  
 At quæ consurgunt dextra, lævæque minores  
 Majorum leges etiam, moresque sequuntur.  
 Sunt & multa, dies quæ longa, & plurimus usus,  
 Atque acti pelago cursus te, nauta, docebunt:

Post hinc digressus, jubeo spectare locorum

Naturam; pelagi qui nobis æquora venti  
 Ardentes claudunt, aliis felicia pandunt.  
 Certa tenent & regna; suisque in sedibus illi  
 Exercent iras vehementius: arbiter undæ  
 Adriacæ Boreas, & proximus urit Japix:  
 Sæpè & ab Odrysiis flat lenior Orithyja.

Jonio magno fluctus regit Euroauster:

Et quoque Tyrrenum mare concutit, atque patentes

Sardoi campos, & Galli cærule ponti.

Sed nullus Libyco furit acrior: ille sub astra

Jonium, Siculumque rapit. Subvesperus at se

Crebæ Tyrrenho nimboris explicat alis,

Et passim freta naufragiis infamia reddit.

Sæpè & Barbaricis crebrescit fluctibus Auster,

Et Nothus, è roseo qui turbidus instat Eoo.

Virgineo (1) in pelago spirat felicius Eurus,

Ac simul, hyberno surgit qui proximus Ortu.

At venti Ægæis variis dominantur in undis;

Tot propter medio dispersæ gurgite terras.

Sic conclusa ruunt multi per cærule venti,

Et variis è variis terræ regionibus afflant.

At verò Oceano in magno, quæ torrida cœli

Zona rubet, paribus sese explicat alis

Eurus, (2) & Eoa surgunt qui sede canori.

Varie diversis in  
 locis ventorum na-  
 turæ. Et certi in cer-  
 tis regionibus re-  
 gnant.

Cut in Mediterra-  
 neo, & Ægeæ varie-  
 tas tanta ventorum.

In Oceano sub tor-  
 rida Zona flant Eu-  
 rus, & Zephyrus.

Hi

(1) Sic appellata est ea pars Mediterranci, quæ inter  
 Asiam minorem, Syriam, & Ægyptum interfuit: vulgo  
*Mare di Levante*, quod per eam Europa in Cretam devecta  
 est. Brietius in *Parallelis Geogr. to. 1. lib. 6. c. 7.* (2) Hos  
 generales, seu fixos nautæ vocant. Indi verò *Brysar*, qui  
 ab Ortu in Occasum sequuntur motum Primi Mobilis.

Hi Solem cursu sectantur; & aura volantes  
 Fert æquata rates: totoque extenditur anno.  
 Contrà ex Occasu (1) Zephyri in contraria flantes  
 Æquor agunt: illis sed vis non fortior Euris;  
 Hinc & sæpè silent, visticque fugantur ab Euris.  
 Trans verò Ægocerum violento à Vespere flabro  
 Assurgunt Zephyri, Libycique, & cærula turbant.

Ultra Tropicum  
 Capricorni Libycus.

Hinc facilis via, Atlantei trans æquora ponti  
 Cùm longè alterius lustrant ditissima Mundi  
 Litora ab Europa, aut semoti è finibus Euri  
 In Libyam veniunt, Solisque cubilia gauli;  
 Sive (2) Philippinas lævo de litore terras  
 Ammerices adeunt, & odoriferas Moluccas.  
 Longa sed Eoum cùm quærimus, atque remotam  
 Taprobanam, atque Indum, & Gangetidis ostia ripæ:  
 Idcirco Auroræ inquirunt cùm regna magistri,  
 Ægoceri in circum, transversa ruentibus Euris,  
 Obliqua se puppe ferunt: hinc inde sub Ortum  
 Percurrunt lævum spumanti in gurgite Rhombum:  
 Atque Eurum evitant, Libycoque afflante feruntur.

In Oceano Indico,  
 ubi tot Insulæ varie-  
 tas mira ventorum.

Magnus ubi terris tot latè confitus undat.  
 Oceanus, non semper aquas, nec tempore eodem  
 Eurus habet: multi circum per litora venti  
 Temporibus spirant certis: & sæpius undas  
 Nocte regunt quidam, quos inde Aurora resurgens  
 Non videt, & secum diversos invehit ortu:  
 Hos & quarta sitim cùm jam collegerit hora,  
 Fervidus in tenues dissolvit Cynthus auras:  
 At media cœli zona, quæ vergit ad Arcton,  
 Græcus Atlanteo spirat felicibus auris  
 Tempore sub certo, & quinis se mensibus alnis  
 Dat facilem: Notus adverso crebrescit in Orbe.  
 Circius Eoo sex flabro linea menses  
 Vela implet læto, totidemque impervius ille est.  
 Sunt & Etesiæ, æstivo qui tempore surgunt,  
 Solstitio torrente Indos, veniuntque nivosa  
 Et Arcto, atque auris mulecent maria alta diurnis.

Dudæus in Maris  
 Arcano.

Etesia quæ.

Sed

(1) Hos Indi *Vendavalos* nuncupant, qui contrà motum  
 Primi Mobilis feruntur intrà Tropicos.

(2) Hæ à Philippo Secundo Hispaniarum Rege sic appel-  
 latæ, illius enim auspiciis detectæ à Ferdinando Magellano,  
 anno 1520. sunt numero plusquam 120, ac præcipua est  
 Manilla: olim Barusiæ dictæ.



Sed cùm bruma rigens dirumpit frigore saxa,  
Tunc & Etesiae humenti labuntur ab Austro.

Nunc age, divinas artes, & si qua futuri  
Cognitio, instantes possis quæ noscere ventos,  
Et tempestatum variarum ediscere signa  
Expediam. Tibi Sol primùm certissima signa  
Ventorum dabit exoriens: dabit æquore currum  
Cùm Tartessiacò lavat aureus: ille furens  
Excitat & ventos, & tempora mobilis anni  
Alternat vicibus, signisque futura relatis,  
Nunciat: eventus sequitur certissimus illum:  
Occasus nunquam, nunquam Sol fallit in ortu.  
Ille ubi fulgentem referet de gurgite vultum,  
Ac nitidum sparget jubar oris, ab æthere nimbos  
Submovet, & ventos cohibet sub rupe silentes.  
Discolor Oceano cùm surgit, & ore rubores  
Ardentes mediis jaculatur nubibus, Euris  
Laxat equos: rigidas dat pallidus ore procellas.  
Eoem gemino si videris orbe rubentem,  
Nemo tibi madidam à terra convellere funem  
Suadeat; alatis tempestas horrida nimbis  
Incumbet pelago: verùm si fulserit orbe  
Dividuo, da vela Noto, Palinure, vocanti.  
At si purpureæ fuerint sub Vespere nubes,  
Aura serenato vix obstrepet humida cælo.  
Cæruleæ pluviam, mixta nigredine ventos  
Imbribus admiscet: at si præverterit ortum  
Igneus erumpens radiis Sol, Dorida fundo  
Attollit, gelidasque ciet de rupe procellas,  
Sin ortu in primo obtusus sinè nubibus ibit,  
Collige, nauta, sinus; præceps ruet imber ab alto.  
At si per cælum stipatus nubibus ibit  
Igneus, & radios medio de corpore vibret  
Exiguus, metuenda ruet sinè more procella.

At mihi jam nitidum cæli decus, aurea Phœbe  
Offert se varia vultus sub luce notanda.  
Illa tibi in primis spectanda in litore, nauta,  
Ante coronatas quàm solvis ab aggere puppes.  
Illa regit fluctus: illi vaga cærule parent;  
Et ventos ditione premit: nunc illa quætos  
Irritat; flabris nunc mirigat illa feroces.  
Ergo ubi confurgens argentea cornibus ibit,  
Purpureum sinè nube diem, Solemque serenum,  
Et pacata maris denunciat æquora, læti  
Tunc vada Campani per litora nota phæcelis

Ventorum præ-  
gia.

Ex Sole primùm.

Æ Luna Præfigia.

Solicitant; luditque hilaris per transtra juvenus.  
 Pallida dat pluvias: rutilat si flammea, ventos:  
 Si nigrae incipiant nubes miscerier igni,  
 Undique tunc Tethyn, cœlumque ardere videbis  
 Fulminibus, Nereusque furet, strepitante procella.  
 Heu male deprensus longè trans litora nautis!  
 Bis ego jactatus nigra sub nocte procellis  
 Ionio in vasto, Siculique in gurgite ponti,  
 Semianimis lacera in terras cum puppe redivi;  
 Votaque servatus vix tandem in litore solvi  
 SABERIDÆ, & LOIOLE, & PARTHENIÆ GENITRICI:  
 At si per cœlum gemino Latonia circo  
 Fulgeat, horrendo pelagus quassabitur imbre.  
 Tertius obscuro rutillet si circulus orbe,  
 Improvisa cadet tempestas horrida cœlo,  
 Puppibus, arboribusque truce[m] latura ruinam:

Id quoque non cura nautis leviorè notandum:

Si cùm Luna jugo se subtrahit, æthere ab alto  
 Ante diem quartum non fulserit humida terris,  
 Mense dabit toto pluvias, ventosque ciebit.  
 Candida si fuerit, cornuque nitebit acuto,  
 Tende iter: exactum ad mensem maria uda filebunt.  
 Sed te, quod pauci norunt, adverte, docebo.  
 Cùm filet illa, mari quæ murmuret aura, notato:  
 Si tribus aspiret venientibus (1) illa diebus,  
 Vix tandem ponet sua murmura, cùm vaga Phœbe  
 Assurgens gibbum monstraverit æthere dorsum.  
 Si pluvii fuerint illi, pluviique sequuntur  
 Mox alii: rosei, rosea si luce nitebunt.  
 Sic etiam pleno cùm surget ab æquore cornu;  
 Quales tres alii, tales nascentur ab illis  
 Exactum ad mensem reliqui: spirare diebus  
 Si geminos illis spectabis in aëre ventos,  
 Illos tu pariter toto sub mense videbis,  
 Alternò tremulum verrentes flamine pontum.  
 Tandem (2) vere novo quali se Delia vultu  
 Ostendet, talem mediis fervoribus æstas

Aspi-

---

(1) Autumant multi ex toties repetito experimento illum ventum spiraturum per totum Lunæ mensem, qui à novilunio usque ad tertium diem spiraverit, immò tales futuros reliquos mensis dies, quales tres primi post Lunæ silentium fuerint. (2) Qualis fuerit verna lunatio, tales reliquæ per totum ver, & æstatem.

Aspiciet: talem squalens quoque bruma videbit;  
 Qualis (1) in autumnum primo spectabitur ortu.  
 Quin (2) ortu in quinto, si quarta fulserit hora  
 Candida, per totum fulgebit candida mensē.  
 Si contrā, rigidis tristabit cœrula nimbis.  
 At si fortē truncem convenerit illa Gradivum  
 Obtusa, aut mediū curret nigra Virginis orbem,  
 Tutos quare sinus, & amicos, navita, portus:  
 Formidandus aquis descendet ab æthere turbo.

Quin etiam Superimque domos, Titanaque astra  
 Contemplant; vices rerum, maturaque vertunt  
 Tempora, continuo labentia sydera motu.  
 Contemplator item, quo cœli sydera vultu  
 Aspiciat Sol ipse pater, qui singula lustrans,  
 Et duodena suum percurrrens signa per orbem,  
 Aspectu astrorum vario diversa per annum  
 Tempora, diversasque vices moderatur, & ortus.  
 Ille Cleonæo cum jam descenderit astro,  
 Felices stabunt Zephyri, tepidique Favoni  
 Multos aura dies crispabit molliter undas.  
 Si verò æquatis surgat cum Lancibus, imbres  
 Descendent, rabidique invertent marmora nimbis.  
 Eo rutilant cum Plejades Atlantæ,  
 Da Pelago, Palinure, rates, auctoribus istis;  
 Nunquam Taygete, nunquam te candida Maja  
 Fallet, & insidiis nunquam capiere Celœnus;  
 Ni forsan lacrymis vultum madefacta decorum,  
 Taygete pluvios cœlo demiserit imbres.  
 At si unā cum Sole cadant, fuge gurgitis altum  
 Navita; tunc crebris Aquilonibus æquora turbant  
 Plejades. Arcturo si Sol comitante resurgit,  
 Præque illum Arcadium summo venit æthere Plaustrum,  
 Cautè, nauta, fretum, dubia nec nocte secandum;  
 Nubigena Aegypto Notus irruet, aut vada tollet  
 Africus è Libya irrumpens: si Phœbus Afellis  
 Cum rudibus surgat, summoque incedat Olympe,  
 Aut mediam Andromadam, aut Neptunia monstra secutus,  
 Tom. II. P In-

(1) Qualis verò autumnalis, tales & aliæ per totum autumnum, & hyemem, quod quidem certo experimento est comprobatum. (2) Exultant plerique certum indicem, autoremq; futuræ serenitatis, vel tempestatis esse diem quartum post interlunium, sed falluntur: certus auctor est quarta hora diei quintæ, ut cruditis placet.

Ex Astris.

Indignatus aquas mixta cum grandine mittet :  
 Turbabit maria, & tonitru cœlum omne ciebit.  
 Verùm cœruleas si duxerit orbe choreas,  
 Et niveus placido assultaverit æquore Delphin,  
 Lenitèr afflantes Zephyros, Caurosque movebit.  
 At si stellatum mergat caput ille sub undas,  
 Albescet cœlum nivibus, ventique sequentur.  
 Candidus aurato rutilat cui baltheus ense,  
 Cùm cœlo ardentem circumspicis Oriona,  
 Nauta, hyemes fuge nimbiferas, fuge cœrula, nec te,  
 Nec tibi commissos in certa pericula mitte.  
 Horridus ille armis, magis horridus ille procellis:  
 Horridus exorians, & cùm se condit in undas  
 Horridus Orion, rapidisque impervia reddit  
 Æquora turbinibus, & non tractabile cœlum,  
 Ipsa procellosos etiam Jovis armiger ales  
 Irritat nimbos. Nemæœo sydere ab amne  
 Cùm Sol Oceani furgit, dat nubila, & imbres,  
 Et Boream ciet: ardent, sed Sirius astro,  
 Vel ruat, aut nitidum caput exerat igneus undis,  
 Densos turbinibus, Libycumque, Austrumque movebit,  
 Atque Eurum, atque Notos, atque imbriferos Aquilones.  
 Hesperias Hyadas cùm videris æquore tingi,  
 Gnosstique ardentis descendere signa coronæ,  
 Et mare sollicitum, & crebris Aquilonibus imbres  
 Sint certi, Palinure, tibi. Si (1) lucida Tauri  
 Exorians rutillet, vel diri (2) filia Phorci,  
 Longinquas iter in terras instare caveto.  
 Cùm matutinus cœlo vaga Plaustra Bootes  
 Inscit, pastumque boves præsepibus urget,  
 Temperiem, Zephyrosque, & molles nunciat auras.  
 I, Palinure, ferent placidi tua carbasa venti.  
 Ipsa tibi pariter picto Thaumantias arcu  
 Signa dabit. Pluviam cœlo si fulserit ante,  
 Fundet aquas: lætos si post curvabitur imbres,  
 Auricomos aperit Soles, cœlumque serenat.  
 Purpureis si tineta notis nimis illa rubebit,  
 Æoliæ flabunt animæ: dare vela per altum  
 Ne dubites: tua vela canent felicia Coris.  
 Verùm cœruleo si fulserit illa colore,  
 E cœlo largos demittet Juppiter imbres.

Ex Iride.

Si

---

(2) Oculus Tauri, Palilicium Romani vocabant; nam in illius ortu Palilia sacra fiebat. (2) Medusæ caput.

Si geminæ geminos latè curventur in arcus,  
 Ingenti torrente cadent de nubibus amnes.  
 Versicolor tepidum cùm se diffundit in Austrum  
 Iris, aquas, tonitruque, & concita fulmina mittet:  
 Si verb in Boream, fulgebit candida summo  
 Lux cœlo, cœlique simul convexa nitebunt.

Hinc & digressus, tetras quibus ipse procellas  
 Juppiter ostendat signis, jam carmina dicam.  
 Si noctu plures diverso à cardine cœli,  
 Ardentesque cadant stellæ: si fulgura, & ignes  
 Crebra micent, seseque vago in contraria cursu  
 Excipiant: subitæque, greges velut, aère nubes.  
 Aut ceu detonæ, concurrant ordine, lanæ,  
 Vel ratibus properent; montesque obtexere certent,  
 Magna mari vasto incubet stridore procella.

Si summo antennæ vivaci lumine cornu  
 Sola Helena insidat, Divos, Palinure, vocato  
 Supplicibus votis; ventorum prælia, & iras  
 Accendat dea sæva, omnemque gurgite pontum  
 Quassabit nimbis, & tempestatibus atris;

Ut quondam bellis Asiam vastavit, & armis.  
 At si (1) Tyndaridæ gemino splendore corusci  
 Navibus ex imis surgant (quia navibus imis  
 Sulphurei erumpunt piceo nidore, vapores)  
 Et gemino antennæ pacati in vertice sidant.

Pone metum; rapidos turbato ex aère ventos  
 Pullabunt, tetras & amica luce procellas.

Cæruleum quoque signa dabit mare, & ipse futura  
 Prædicet Proteus, mendax si cætera Proteus.

Quin & aves pelagi, fulicæque per antra repostæ,  
 Halcyones scopulis, udoque in litore mergi  
 Signa dabunt, mediisque vagi delphines in undis;

(Illis quippè mali mens est prælagi futuri)  
 Cùm scopulis spectas pendentes ponere nidos  
 Dilectas Thetidi Halcyones, simul ipse videbis  
 Ire serenatos innubi lumine Soles.

Verùm cùm fulicæ, celeresque per æquora mergi  
 In turmas, aciesque ruunt, cursantque sonando,  
 Aut choreas cœli ducunt sub luce serena  
 Cærulei delphines, & undivagæ Sirenes,

Ex aère.

Helena tempestatis signum.

Tyndaridæ gemini serenitatis signum.

Ex mari ipsorum signa.

(1) Castor, & Pollux si gemini sint ignes serenitatis signum: si una tantùm fax Helena dicitur, & naufragium prælagit, nautæ vocant *Fuoco di S. Elmo*.

Seu turpes vituli, & summo naut gurgite cete,  
 Et longo navim spatio comitantur euntem,  
 Suspecti tibi sint nimbi: nimbique timendi,  
 Cum transversa citi fugiunt per falsa, lapillis  
 Ora saburrati, stipent vel se undique cancri;  
 Ostrea seu scopulis affixa tenacius hærent.  
 Dum mare tranquillum trans litora, murmure raucò  
 Obstrepat, & longè responsant concava saxa,  
 Tempestas sylvis, pelagoque parabitur ingens.  
 Si lanæ videas albescere vellera ponto,  
 Fervere pacato varias in gurgite bullas,  
 Adventare hyemem, & longum durare procellas  
 Aspicias, Palinure. Noto cum surgere nullo  
 Jactante incipiunt maria alta, & nigra repentè  
 Spectatur Nerei facies, scæda æthere ab alto  
 Tempestas descendet, & æquora spumea tollet.  
 Murmura si dederint cæutes, penitusque sonarint  
 Turriti scopuli, aut portu increbescere murmur  
 Cœperit, & longè strepitus reboare sonantes,  
 Marmora ventus aget: sed cum mutata repentè  
 Cæcula subsidunt, passimque nigrescere fluctus  
 Incipiunt, levesque mari subternier undæ,  
 Et longos undæ tractus imitantur arenæ,  
 Pacatos alto diffundet Juppiter amnes.  
 At cum cæruleas substernet leniter undas  
 Tranquillus Nereus, longosque in gurgite tractus  
 Luce colorati varia, sparsimque videbis  
 Undarum seriem nitido splendescere ponto,  
 Solve ratem: nunquam nam te pellacia fallit,  
 Nauta, nec insidiis Thetidos capiere serenæ.  
 At color Oceano multus si cæculus ille  
 Fulgeat, Auster erit; verum si mixta nigredo,  
 Descendet Boreas nivibus stipatus ab Urâ.  
 Cum tempestivè se conciet æstus, iniqua  
 Tempestas tonitru veniet comitata sonanti.  
 Demum quæ cœli facies, quæ tempora Titan  
 Luce vchat; qui ventus erit, quid cogitet Auster;  
 Ipsa tibi ostendet facies maris. Æquora nunquam  
 Fallent. Illa etiam populorum instare tumultus  
 Sæpè monent, cædesque, infandaque bella per Orbem:  
 Illa etiam motus Sicularum, atque horrida bella  
 Gallorum monuere, sacro cum sædere rupto,  
 Heu malè discordes! moverunt prælia gentes.  
 Longa quies nocuit, bellumque licentia movit.  
 Vidimus undantes longè trans litora fluctus.

Tyrrhenumque vadum scopulos super ire refusum:  
 Fervere Leucopetram, Vulcania regna cavernis  
 Horrendum mugire, freto resonante procellis.  
 Vidimus immanem canibus latrare marinis  
 Scyllæa sub rupe deam, sævamque Charybdim,  
 Heu miseros! vasto disperdere gurgite nautas.

Tempore quamquam illo cælum quoque & arida Tellus

Mamertini temul-  
 tus prælegis.

Signa dabant: quoties Liparæ sub rupibus altis  
 Dira laborantes fabricare audivimus arma  
 Cyclopes, rupto quoties & vertice montis  
 Vidimus undantem flammis liquentibus Ætnam  
 Latè arva, & villas, urbesque ardere Sicanas.  
 Arduus ipse etiam liquentia saxa sub auras  
 Vesbius eructans glomeravit, & ignibus arsit  
 Proxima, disruptis fornacibus, horrida Phlegra.  
 Diffindi montes, terrasque dehiscere passim  
 Vidimus: excussa timuerunt motibus urbes.  
 Quin præter solitum per litora curva dedere  
 Halcyones lamenta; altoque in vertice mergi,  
 Et fulicæ in scopulis, & per deserta latentes,  
 Infandum, visæ nigris ululare sub umbris.  
 Numquam tot stellæ in terras cecidere sereno  
 Æthere, & in partem visæ transcurrere sævam:  
 Ex alto toties nec (1) descendere minaces  
 Dicturi cædes, atque horrida bella Cometæ.

Ergo iterùm placuit bellis ardere Pelorum,  
 Sanguine & Jonium, Siculumque rubescere pontum.  
 Scilicet Ausoniam toties hostilibus armis,  
 Non satis everfam, vastataque regna tyrannis.  
 Tempus erit, magno resonans cum turbine Nereus,  
 Litoribus tormenta, pilas, distractaque rostra  
 Egeret: auratas puppes, resonantiaque æra,  
 Et galeas sicco spectabit litore nauta.

Dii Superi, veneranda Trias, tuque aurea Mater,  
 Et vos indigetes Divi, Sacrique (2) Cruores,  
 AUSTRIACUM saltem juvenem succurrere rebus

Ne

---

(1) Juxta Senecæ sententiam, quam & nos secuti sumus in Cometa in anni 1681. qui lib. 7. cap. 22. sic habet: *Ego nostris non assentior: non enim existimo Cometam subitanæum ignem, sed inter æterna opera naturæ.* Permeant igitur per altissima cæli loca, statisque temporibus ad nos descendunt, seque videndos mortalibus tanquam ferales nuncios præbent; inde, ut recessere, evanescunt. (2) D. Januarii, Jo: Baptiste.

Ne prohibete: satis commissa piacula nostro  
Sanguine jam luimus: nostri pars maxima regni  
CAROLUS. Hic patris lapsum virtutibus Orbem  
Restituet; Martemque, & tristia bella fugabit:  
Et pacem terris, atque aurea secula condet.  
Quippè ubi præcipites egit furor, iraque mentes,  
Fœderaque, legesque, & fas abrumpitur omne.  
Hinc movet Oceanus, movet illinc Sequana bellum:  
Hic furit immanis Sicula sub rupe Charybdis.  
Ut cum tempestas pelago descendit ab alto,  
Ipsa per abruptum trahitur, quò turbine multo  
Eurus agit, ne curva audit retinacula puppis.







# NAUTICORUM

## LIBER QUARTUS.

**I**NTACTOS tentare sinus, fluctusque tumentes  
 Jam tempus: me regna vocant Neptunia, & udi-  
 Tritones, Zephyrique venit spirantibus aura  
 Cyrrha de rupe cadens, sylvisque relictis,  
 Nec mecum invitus per cœrula fertur Apollo.

At tu tot regum de sanguine clarus avito,

CARDENIDE, mecum vento da vela vocanti:

Et juvet undosi percurrere cœrula ponti:

Non aliena petes tu regna: tot illa per annos

Majores tenuere tui, qui classibus altum

Tyrrheni campum: & fluctus spumantis Iberi

Sulcarunt, clari bello, partisque triumphis.

Quare age, regnatas pelagi descende sub undas.

Et sine cœruleam tua tempora cingere myrtum.

Forſitan alter eis Deus æquoris. En age, segnes

Rumpe moras: læti pulſant cita marmora cornu

Tritones, curſantque vagi delphines in undis.

Quod ſi (1) aliquis forſan, ruris qui nuper amore

Captus, odoratis halantes floribus hortos,

Et nemora, & fontes cecinit: croceisque corollam

Floribus æternam ſibi texuit, alta Maronis

Renati Rapini elo-  
 gium.

Ten-

(1) Est hic *Renatus Rapinus* Turonensis Soc. Jeſu: qui ſcripſit elegantiffimum carmen de cultu hortorum, ſummo plaufu tota Europa exceptum, & ſtyli candore, & mira facilitate dicendi inter aurei ſeculi poetas facile aſcribendus.

Tendentis cœlo vestigia ponē secutus,  
 Atque per ora virū plausu volat undique victor:  
 Jam nunc bella parat, Magnique illustria Regis  
 Facta, & victrices etiam contexere palmas,  
 Carmine Mœonio. Felix cui numine multo  
 Se penitus totū inspirat per pectora Phoebus:  
 Atque opus in tantum properat Deus: at mihi fluctus  
 Tentare intactos satis est, & litora circum  
 Errando è scopulis humilem decerpere muscum.

Quo tempore in-  
 stituenda navigatio.

Martio, incunte  
 Vere.

Ergo age, securos cœli quo sydera portus  
 Linquere conveniat, ventosque in vela ruentes  
 Accipere, & longos per marmora tendere cursus:  
 Et clavi quæ cura prior sit habenda magistro,  
 Quanta & Aëus, picti quanta experientia Mundi:  
 Jam canere aggredior. Pelagi dum gurgite ab alto  
 Oleniæ assurgit sydus glaciale Capellæ,  
 Et simul adverso cedens Olor occidit astro,  
 Cū primū rosei cœlo splendescere Soles  
 Incipiunt, lenisque mari substernitur unda,  
 Tunc patrios nautæ festinent linquere portus,  
 Carpere iter velis, longisque insistere remis.  
 Quales purpureos cœlo dum surgere Soles  
 Aligeræ volucres spectarunt, candida cū lux  
 Perlustrat medium nitidis splendoribus Orbem,  
 Ardentes Libyæ colles, sylvasque relinquunt  
 Depastas: iter arripiunt, fugiuntque per undas  
 Remigio alarum, & cursu maria alta pererrant:  
 Cū tandem vada falsa fuga, camposque liquentes;  
 Italiam emensæ veniunt, sylvasque revifunt;  
 Et notos latè colles populantur odoros.

Tutior sub Maii  
 finem.

Verū Neptuni per cœrula tutis ibis,  
 Si terris funem abrumpas, cū fluctibus altis  
 Jam matutinæ Atlantides attolluntur  
 Sub Maii finem, placidas cū carbasus auras  
 Evocat, & Zephyri veniunt in vela vocati.  
 Namque sub Aprilem, varique exordia Maii  
 Sæpè die in medio, & cœli sub luce serena  
 Texitur extemplò densatis nubibus omnis  
 Æther, & Libyæ strepitans Notus irruit oris,  
 Et mare subvertit fundo: longūque procellæ  
 Durabunt, tumidisque furet Neptunus in undis.

Quando ocludens  
 di portus.

At verò ut terris fugiens os condit honestum  
 Plejas, & Oceani vitreos pede concitat amnes,  
 Occlusi tibi tunc portus, tibi cœrula clausa  
 Semper erunt: longè spectabis, navita, pontum,

Et

Et tuta statione hyemes durabis aquosas.  
 Nam tentare sinus, & equis dare lora marinis  
 Jura vetant: nec faustus aquis comitabitur altis  
 Ipse coronatam puppim Portunus euntem.  
 Haud equidem Superi temeraria vota secundant:  
 Tunc gelidæ terris hyemes, pelagoque rigescunt,  
 Et furit Odrysius Boreas, atque humidus Austro.

Nemo mihi postquam subiit maris æquora Pleias,  
 Octobre exacto, jubeat violare sonantes  
 Tyrrheni fluctus pelagi, pontique Sicani,  
 Seu fuerint Calabri, vel proxima Regna petenda  
 Trinacriæ, aut longè fuerit lustrandus Iberus.  
 O fugite, ò focii, Calabros, portusque Sicanos,  
 Nec vada Tyrrheni medio tentate Novembri;  
 Namque ego bis dicto parens (parere necesse est,  
 Æqua licet duri non sint mandata magistri)  
 Parthenope procul è patria mea vela sub ipsum  
 Invitus per falsa dedi nimboſa Novembrem,  
 Visurus Calabros, cognataque regna Sicanum;  
 Bis etiam tumidis periissem merſus in undis,  
 Ni Pater ipse manu magna SÆBERUS ab alto  
 Traxisset pelagi rorantem aspergine multa.  
 Nam cùm (1) Præſtani legerem cava litora Ponti,  
 Et (2) Silari circum patrio vada flava phæſelo  
 Soliciti urgerent nautæ, rectore (3) Melanθο,  
 Fortior aſurgens mediis è vallibus aura  
 Irruit improvifa: latus dedit acta sub undas  
 Transverſum ratis, & medio penè obruta fluctu eſt:  
 Sed quid plura? (juvat cauſas reticere malorum,  
 Ne vix ſopiti conſurgant corde dolores)  
 Me pater è pelago ſervatum ad litora vexit  
 SÆBERIDES, cui Muſa chelyn pro munere vovit;  
 Quæ rea nunc voti quæcumque hæc carmina ſolvit.

Verùm ſi cœlo noctes fullere ſerenæ,  
 Vos ſemper, nautæ, noctes optate ſerenas,  
 Cùm jam luce nova, & ſalcatis cornibus errat  
 Aurea per cœlum Phœbe, & novus incipit annus,  
 Carpere iter velis trans æquora, non tibi durus  
 Ipſe vero, ſi falſa maris freta ſindere puppi

Tom. II.

Q

Urget

Variis penè naufragi-  
 um ex intempeſti-  
 va navigatione.

Serenæ noctes Ja-  
 nuario incunte, na-  
 vigationi opportuna.

(1) Præſtannus Sinus à Præſto, roſarij nobili, dictus, nunc  
 ab urbe Salerno, *Golfo di Salerno*. (2) Fluvius Picentino-  
 rum, *Stelo*. (3) Archinavarchus Neapolitanus maris, & ven-  
 torum notitia, vel in paucis egregius.

Urget opus, terrasque alias penetrare necesse est.  
 I securus aquis; illo nam mense serenus  
 Fulgebit cœlo Titan, pelagusque filebit.

Et Alcedonia quies.

Est etiam tranquilla suis non mensibus (1) æstas,  
 Halcyonem dixere dies, quibus aurea cœlo  
 Lux nitet, & tacita venti sub rupe filescunt,  
 Et fluctus pelago torpent: emitte sub illam  
 Carceribus curram, terrasque inquire latentes.

Præterea numquam committes puppibus Austros,  
 Ni prius incipiat cœlo jam Luna videri,  
 Postquam fraternas convenerit æmula bigas,  
 Aut librata jugo pleno jam lucida cornu,  
 Egerit alatos iuda sub nocte jugales:

Priusquam à litore solvant, Lunam consulere nausæ opus est.

Aut prius in medio fulgens sublimis Olympo  
 Dividuum terris, pelagoque ostenderit orbem.  
 Nam tunc Oceanum, noctis nitor, aurea Luna  
 Concitat, Æolioque ciet de carcere ventos:  
 Vel fugat, & ponti jam turgida marmora placat:  
 Ipsa vices etiam dominæ maria alta sequuntur,  
 Omnis & humor aquæ, & terræ circumfluius aër.  
 Numquam inconsulta ponti per cœnola Luna,  
 Incertum tentabis iter, Palinure, relictos  
 Si salva cum puppe velis spectare penates.

Et cœli rotas, marisque prospectus.

Insuper his, alto cumuli de vertice primam  
 Sub noctem tacito labentia sydera cœlo  
 Inspicias, fluctusque vagos, auramque patentem:  
 Si constet cœli facies, & lumine puro  
 Astra micent: extrema salis si muta quiescant:  
 Si gelidæ spirent auræ, si montibus atræ  
 Insidant sparsum nubes: vigil undique circum  
 Cuncta oculis lustra tacitis: aure aëra capta  
 Sollicitus, ne fortè dolo capiare sereni  
 Ætheris, aut blandi fallat pellacia ponti.  
 Qualis ubi densum ductor movet agmen in hostem,  
 Explorat loca cœca prius, circum omnia lustrat  
 Attentus, ne sylvæ dolum struat inter opaca  
 Denforum nemorum, atque hostes nigra integat umbra.  
 An duri occurrant saltus, montesque nivales,  
 Aut vallis veniat superanda, aut flumina lata  
 Longarum cursus interruptura viarum.  
 Prudentis sic cura ducis: sua munera cauti

Hæc

---

(1) Alcedonia quies, *Essà di S. Martino*, Itali vocant, quæ sæpe Novembri, vel Decembri contingit.

Hæc etiam rectoris erunt; instantia rerum,  
Momenta, & causas simul inspexisse malorum:  
Ac vigili lustrasse oculo mare, sydera, terram,  
Ante procellosas quàm det sua vela per undas.

Verùm ubi marmoreo religatam ex aggere ripæ  
Solvere jam puppim, portuque emittere certum est;  
Litoribus geminas tendens ad sydera palmas,  
Principiò venerare Deos, quorum æquora curris,  
Et quibus imperium ventorum. Sic freta cœca  
Audaci fines cum puppe; volentibus & Diis  
Quo te cumque vocet Fortuna, per æquora tutus  
Ibis, & incolumem advertes ad litora proram,  
Navita, funde preces, Divosque in vota vocato;  
Semper & è Superis exordia fausta petantur  
Inceptorum operum: Diis semper agentibus ipsis,  
Lætæque principia aspicias, cursusque secundos:  
Et nihil invitis Superis sperare licebit.

Principiò veneranda Trias, atque aurea Mater,  
Diique, Deæque omnes veniant in vota vocati:  
Et placido intendent canentia suppara statu.  
Imbriferos Cœlo nimbos, pelagoque procellas  
Discludent toto rigidas, atque alstra malignæ  
Tyndaridis nymphae procul de puppe fugabunt.  
Ipse etiam in primis placida in statione vocatus  
SABERIDES, magni rector maris, æthere ab alto  
Descendat, vultuque hilari, quo sydera placat,  
Quo fluctus, ventosque truces, cœlumque serenat,  
Aspiciat trepidam venturam in cœrula puppim.

His actis, lenes quoniam cita carbasis auras  
Matura jam nocte, vocat, cum lumina tollit  
Pura mari, socioque choro micat aurea Phœbe,  
Cornibus ex altis læto jam murmure nautæ  
Carbasa demittant, ventosque à puppe ruentes  
Accipiant, faciantque pedem, cunctique sinistros.  
Indè sinus solvant dextros: unâ ardua flectant  
Cornua, desistantque: ferent cita flamina pinus.

Sedulius intercæ confidens puppe Magister  
Intentus clavo, clavoque immobilis hærens,  
Stet promptus torquere manu retinacula, quæ se  
Ventus agit veniens, cursusque, & sydera ducunt.  
Omnis & in clavo docti stet cura Magistri.  
Ac veluti loris currus auriga volantes  
Hæc, illæc, quæ possit iter, cursusque viarum  
Insest, varioque volans gyro, arva recurrit.  
Non aliter curvo Rector temone carinas,

Superi, ut cursus  
fortunæ, principie  
colendi.

Clavi moderamen  
Rectori quàm acue-  
runt retinendum.

Quà ventus, cursusque vocat, reget æquore vasto.  
 Si dextra errandum pelago, de puppe Magister  
 Impiger ad dextram inflectet (1) cita lora: sed illa,  
 Si plaga terrarum fuerit lustranda sinistra,  
 Torqueat ad lævam: si rectus gurgite cursus  
 In medio, Palinure, loca retinacula puppis;  
 Nam sic directò celeri vada concita lapsu  
 Alnus arat. Tortas veluti quà flexit habenas  
 Excelso insidens curru moderator equorum,  
 Quadrupedes docti strictis parere lupatis,

Cur tantum in clavo  
vices.

Incedunt, promptique terunt iter: ærea puppis  
 Haud secus, incurvum quà flexerit ipse Magister  
 Temonem, cita carpet iter, fluctusque secabit.  
 Exigua nam mole licet stet puppe sub alta  
 Adnissus gemino circum versatilis unco,  
 Attamen æratas magna cum mole carinas  
 Hæc, illæ contrà, pelago obluſtante, retorquet,  
 Quà ventus, cursusque vocat, quàque ipsa petit res.  
 Ferreus ipse velut parvo cum corpore vestis  
 Marmoraque, lapidesque, atque alta mole columnas  
 Submovet, & grandes scopulos, rupesque revellit.

Mensa deinde super lævi, puppique sub ipsa,  
 Nauta, coloratos (2) orbes, pictasque tabellas  
 Extendas, pariterque plicata volumina volves,  
 Tota quibus terræ facies, pelagique sonantis  
 Cæruleis distincta notis, minioque rubescit.  
 Ardua conantis magnus labor artis, & altum  
 Ingenii solertis opus, quo surgere majus  
 Haud equidem quid posse reor; namque ultima rerum  
 Jam doctæ tetigere artes fastigia, & ipsum  
 Se super ingenium, atque hominum solertia vexit.

Picti Orbis, seu  
Mapparum descri-  
ptio.

Ipse colorata totus sub imagine mundus  
 Cernitur, & justis spatiis distincta locorum  
 Intervalla jacent: quicquid spectabile rerum  
 Orbis habet, totum tenui tu cortice pictum  
 Aspicias. Celsò tolluntur vertice montes.  
 Atque coloratis circum nemora alta vireſcunt  
 Arboribus: medio valles umbrantur opacæ.  
 Appictæ ludunt pecudes, luduntque capellæ

Pra-

(1) De ipso clavo accipiendum; qui in oppositam par-  
tem vertitur, non verò de manubrio, quod ad eam partem  
convertitur, quà navis dirigenda est. (2) Mappas scilicet  
hydrographicas, la carta di navigare appellant Itali.

Prata per, & pictos colles, & Tityrus illas  
 Pictus agit: mentita procul viret herbida scena:  
 Et fera mentitis sylvarum ambagibus errat:  
 Hic urbes etiam vallantur, & oppida muris  
 Exiguïs, surguntque jugis castella sub altis.  
 In breve contracti spatium cernuntur & ipsi  
 Ingentes fluvii, strictisque anfractibus errant;  
 Depictasque inter ripas labuntur in æquor,  
 Ingens circuitu parvo se colligit alveo  
 Verticibus Lunæ Nilus devexus ab altis:  
 Exiguïs fluit Indus aquis, & maximus Ister.  
 Vix tabula Rhodanum cernes, Hypanimque sonantem,  
 Eridanumque, vagumque Tagum, Mysumque Caicum,  
 Et vix appicto Sebethus in orbe pererrat.  
 Magnus in angusto riparum margine clausus  
 Fluctuat Oceanus: pictis crispantur in undis  
 Æquora, & exiguo trepidant circumdata limbo.  
 Tollere se simulant miniato in gurgite fluctus,  
 Advolvique vadum, scopulosaque litora propter  
 Allidi, & fracta rorare aspergine cautes.  
 Æoliæque animæ nifu conantur inani  
 Flaminibus turbare salum, cælumque procellis:  
 Appictæque fremunt muto stridore procellæ.  
 Hic plana in pictum Tellus se porrigit æquor,  
 Et longum excurrit, cuneoque simillima acuto.  
 Deficit in punctum, & tremulis vix fluctibus extat.  
 Altior hic digito simulat se tollere cælo  
 Verticibus summis, sensimque asperrima duras  
 Scinditur in cautes: curvata hic brachia tendit,  
 Atque sinus gremio complectitur, Iridis instar  
 In medio sensim longos curvantur in arcus.  
 Litora: turriti surgunt, cœu cuspis, ad auras  
 Hic scopuli, cautesque, fretoque interlita saxa.  
 Præterea quæcumque Thetis, circumfluit, ipse  
 Descripta in parvo spectabis singula mundo.  
 Pontus ubi cæcas tumido tegat æquore syrtes,  
 Occulat & breviam; & scopulis ubi dura rigeant  
 Marmora, & horrendæ surgant ad sydera rupes.  
 Infames cæco signantur gurgite syrtes  
 Cuspidibus nigris: brevis & breviam invia punctus  
 Præsignat: curvis statio quæ fida carinis,  
 Atque si nus tacitis in sedibus abscondantur,  
 Et placi dos inscripta tibi notat anchora portus,  
 Pictus & ipse tibi monstrabit cortice mundus,  
 Insula ubi mediis pelagi tollatur ab undis,

Quæ laterum objectu tutos det litore portus,  
 Cum freta Neptunus rigido quatit alta tridente.  
 Quâ fluat Oceanus, refluatque citissimus inde:  
 Et quas ille plagas cursu petat incitus, & quas  
 In se dum resilit spumantia lora retorquens.  
 Singula quos servant mores maria humida, vel qui  
 Sit cunctis genius suus unus, & ipsa locorum  
 Quid natura ferat, quid respuat: una nec illis  
 Conditio est, habitusque suus non omnibus unus.

*Diversa maxime  
 conditio.*

Namque hæc sollicitis sunt hospita cæcula nautis,  
 Invitantque ratem: hæc sed inhospita puppibus: illa  
 Nunc placidum sternunt salis æquor, & aurea rident:  
 Nunc tollunt sublime caput, cælumque lacescunt.  
 Hæc Zephyro gaudent, atque hæc spirantibus Euris:  
 Illa Notis pulsata fremunt: hæc humidus Auster  
 Verberat, hæc Libycus: verum hæc Aquilone tumescunt.  
 Cuncta suis, Palinure, locis signata videbis  
 Membrana in picta, & radio bicolore notata.  
 Hæc sit & in primis tibi maxima cura, priusquam  
 Expandas tua vela Notis, in cortice pictum  
 Doctè orbem legisse, dies quem multa notavit.  
 Tutius hoc ibis medias, Palinure, per undas:

Insuper inscripti visuntur vertice ab uno  
 Per gyrum radii, referuntque coloribus aureis  
 Spirantes vario Mundi de cardine ventos.  
 Lilia cuspidibus quæ summis linea præfert,  
 Arctoo Boream venientem ab sydere monstrant.  
 Et reliquos alii ventos tibi, nauta, rubentes  
 Ostendunt radii: nostro quos carmine doctum  
 Te meminisse decet. Sed jam tibi versibus opto,  
 Qui primo in cursu ventorum maximus usus,  
 Et fortunati quæ sint exordia cursus,

*Qui Rhombi.*

Dicere. Depicto ponatur eburnea pyxis  
 Orbe super, quæ mota polum monstrabit, & astra,  
 Quæque diem referat Titan, condatque relatum,  
 Et ventus quo quisque suo de cardine spiret:  
 Atque plagas omnes ostendet cusptide Rhombus;  
 Namque etiam in Rhombi speciem jam nautica multis  
 Informatur acus: nostri hinc cognomine Rhombos  
 Terrarum dixerè plagas, numerumque sequuntur  
 Ventorum, pariterque tenent cognomina venti  
 Quisque sui, qui parte illa se fluctibus infert.

*Quomodo in-  
 tuenda navigatio in  
 ætæ portus.*

His actis, Palinure, plagam, quod gurgite cursum  
 Instituis, perquire: modum non carmine multo  
 Expediam. In parvo primum vigil inspicere mundo

In



In portum, quò tendis iter, quæ linea ducta est  
 Litore ab adverso, quod deseris; illa notabit.  
 Quæ plaga terrarum fuerit, quam puppe requiris.  
 Hanc etiam explora tornata in pyxide: Rhombus  
 Cuspibus dabit auratis: mox dirige clavum,  
 Inque plagam rectâ quæsitam per mare magnum  
 Perge, nec & dextram pete clavo, neve sinistram,  
 Atque gubernaculum radiis in pyxide semper  
 Congruat inventis adamussim; fluctibus altis  
 Sic iter in terras rectum, portusque tenebis,  
 Quos petis. At venti qui sit tibi maximus usus,  
 Accipe. Si recto descendat flamine ventus,  
 Inque plagam tua vela ferat, quam cuspide picta  
 Monstrat acus, recta ventis da vela secundis.  
 Si verò obliquè feriat navim: aura volentem,  
 Obliqua velum in ventum, clavumque, magister:  
 Tende hos in proram, atque illes in puppe rudentes  
 Ferreus accipiat duplicatis nexibus uncus.  
 Quæsitis quantum à terris spirantis oberrat  
 In latas aura Noti, tantum obliquare memento,  
 Ipse gubernaculum: & vento obluere, secundo  
 Transversum salis ære vadum: sed nitere semper  
 Illac per spumosa maris freta flectere cursum,  
 Quà quæsitâ jacet terræ plaga, quam tibi primum  
 Depicta in parvo signavit linea mundo.

Verùm age, qui melior tibi sit per cæcula ventus  
 In velum optandus, quò puppibus ocyus altis  
 Turbida fluctivagi diffundas cæcula ponti,  
 Dicamus: Celeres si per freta vasta celoces,  
 Sive leves agitas lembos, pictasque triremes,  
 Quæ gemina in ventum dant vela aurita secundum,  
 Posticos pete, nauta, Notos è puppe ruentes:  
 Inque crucem extende antennas: sic carbasa ventum  
 Accipiunt omnem, & cita dissecat æquora pinus.

At si navigium, atque ingenti corpore gaulum  
 Per fluctus auriga regis, tu mitte secundas  
 Exoptare auras; nam currus tardius illis  
 Incedit pelago: felici carbasa vento  
 Cuncta nec inflantur, primi sed linea mali  
 Vela auram accipiunt, & cætera muta quiescunt.  
 Obliquos pete, nauta, Notos de rupe cadentes;  
 Nam sic aura sinus omnes cita flamine complet,  
 Ac multa pellit vi navim: fluctibus illa  
 Prona volat, rostroque maris lata æquora findit.

His animadversis, magnæ labor improbus artis

Ventorum usus.

Recta navigatio.

Obliqui & ut Gal-  
 li dicunt, de Ventis.

Qui ventus felicior  
 sit.

Sub-

Quid cum ventis  
mutantur.

Subsequitur, cursu in medio cum flaminis auræ  
Mutavere loca, & sedes liquere priores:  
Ut, Borea cessante, loco qui proximus ardet,  
Circius Oceano pernicious irruat alis.  
Restorem exemplo clavo torquere carinam,  
Tunc opus; Oceanique plagam, quam linea primum  
Lustrandam ostendit perquirere, perque tumentis  
Cœrula Neptuni, cursus intendere in illam.  
Illa sed in primis, vento variante, magister,  
Cura tibi spectare mari, qui cardine verso,  
In velum ventus subita spiraverit aura.  
An ne Nothi fuerint flatus, animæque minores  
Ventorum; nam sæpè mari, spe falsus inani,  
Non bene perspectis hæstatur navita ventis.  
Ac velut in bivium pressus cum fasce viator  
Venerit, ignarus nescit carpenda duarum  
Semita quæ sit, & alta secum in mente volutat;  
Quà maturet iter, veniat quo tutus ad urbem.  
At quoniam, seu pressa hominis formidine cœca,  
Seu Fato pellente ruit mens nescia rerum,  
In dubiis anceps animus pejora sequetur,  
Inscius obliquum per inhospita lustra viator  
Carpit iter, sensimque viæ de tramite recto  
Flectitur, & spatiis semper majoribus errat.  
Principio qui parvus erat, fit maximus error;  
Sub finem, crescitque malum currentibus horis.  
Sic ubi purpureo processit Vesper Olympo,  
Defessus torquere retrò jam lora viator  
Cogitur, & nigra sylvarum errare sub umbra.  
Non secus, ignarus venti cum vela magister  
Obliquo temone dedit spirantibus auris,  
A recto sensim discedit tramite, vastis  
Transversum propulsus aquis, cum denique longè  
Quæsitæ Tellure alias se vertit in oras  
Ignarus, cursumque retrò instaurare necesse est.

Pericula ex ven-  
torum inscitia, &  
Britannici navarchi  
casus.

Me quondam Ænariæ memini sub rupibus altis,  
Quà latus obvertit Prochyte, collesque Dicharchi  
Aspicit apricos, ubi puppibus hospita tendit  
Litora, pacatosque sinus in valle reducta,  
Quassata cum puppe Lycam vidisse Britannum;  
Ænariæ ad portum venientem à gurgite vasto.  
Ut primum è puppi sociis comitatus in actam  
Descendit, quæ causa mali, qui bella tulisset  
Perquiro, nam notus erat: respondit & ille:  
Hæc tibi de multis (prohibet nam dicere plura

Altus

Altus corde dolor ) Drepanum, cùm Delia cœlo  
 Luceret, lenique afflaret flamine Caurus,  
 Deservi, velumque dedi, quâ diruta saxis  
 Vix propriis Carthago jacet visenda ruinis.  
 Ast ego dum tennes auras, atque aëra capto,  
 Credideram spirare Nothum de litore Caurum.  
 Inscius hæc: non ille Nothus mea carbasa Caurus,  
 Ipse sed è Siculo tendebat litore Caurus,  
 Qui procul in Leptim, scelerataque litora vexit,  
 Quâ mare, quâ terras prædatur barbarus Afer.  
 Ignari ut primùm portus intravimus, ecce  
 Armatas quatuor Mauris prædonibus alnos  
 Aspicimus: retrò subducta in valle latebant.  
 Ut me delapsum sceleratæ ad litora terræ  
 Conspectere, ruunt: subitò crepuere metalla,  
 Atque explosa cavo pila ferrea verberat altam  
 Ære ratem, crebròque sonat Vulcanus ad auras.  
 Bellum horrendum, atrox, nigraque in nube procella  
 Subsequitur: crebris ardet latè ignibus æer,  
 Omnia & ex imo reboant freta cœrula fundo.  
 Jamque ego disparibus cedebam victus ab armis,  
 Tempestas cùm dira mari se sustulit alto,  
 Quæ tonitru, nimbisque, & fulmine bella diremit.  
 Sæpè novi casus vicibus nos ordine versis  
 Calibus eripiunt, & Fatum Fata morantur.  
 Hinc ego vix tandem pelago jactatus, & armis,  
 Hinc veni incolumis. Ventos captate, magistri,  
 Qui sint, quo certo mundi de cardine spirent;  
 Ne tandem ignari in discrimina certa ruatis.  
 Hæc tunc ille: tibi quæ nunc meminisse juvabit.

Sed Major, Palinure, labor, durusque paratur;  
 Cùm proræ incumbit ventus, retròque repellit  
 Litore ab optato spumosa per æquora puppim:  
 Tunc ea sollicitum pressabit cura magistrum  
 Obliquare sinus, & turgida frangere multo  
 Æquora circuitu, ac vento transversa furenti  
 Obniti, sensimque anfractu vincere longo.  
 Ac veluti miles cùm Martia mœnia turris  
 Fulminibus crebris, tonitruque horrentia multo  
 Aggreditur: non ille audax ruit ignea contra  
 Fulmina confestim, strepitantiaque æra lacescit,  
 Nam se præcipitem certo objectare periclo,  
 Vincere cùm possit, Martem & superare morando,  
 Non virtus hæc, sed temeraria, cœcæque mentis  
 Consilia, insanusque animi furor. Ergo ubi prudens

Tom. II.

R

Ac-

Quid cùm ventus  
 è proœa fiat, & quæ  
 obliqua navigatio  
 per accessus, quod  
 nostri *volteggiare* di-  
 cunt, Galli *aller sur les*  
*vallées*.

Accessum videt in muros prohibere metalla  
 Concava terrificis latè exhorrentia bombis,  
 Non contrà miles procedit, & æquore aperto  
 Excipit ardentem nudato pectore Martem.  
 Sed priùs obliquum tuto munimine vallum  
 Impiger in latus attollit, palisque revincit:  
 Vimineæque struit lorica, & fortibus illam  
 Turriculis munit, stipato & milite complet.  
 Transversum molitur opus, dextraque, sinistraque  
 Obliquè extendit: sic sensim mœnia contrà  
 Urget opus, flexoque tegit circùm aggere corpus.  
 Cùm tandem sese vicino ex aggere muris  
 Obiectat, telisque premit jam proximus arcem.  
 Qualis in Ægæum centum cum flexibus errans,  
 Et centum aggeribus riparum se arduus infert  
 Mæandrus, tortoque volumine verberat undas.  
 Non secùs adverso ventus cùm flamine perflat.  
 Obliqua in ventum nitatur puppe magister.  
 Nunc dextram temone petat, subitoque relicta,  
 Discedat: rursusque volans petat ille sinistram:  
 Transversumque vadum frangat, perque æquora circùm  
 Multiplici flexu, atque iteratis cursibus erret.  
 Cùm tandem adversi superato flamine venti,  
 Defessas cursu puppes ad litora vertat.

Maximus at nobis labor hic, cùm puppe volantes

Difficilis navigatio  
 adverso vento intra  
 angusta loca, & cir-  
 ca promontoria.

Nititur exesas retrò transmittere rupes,  
 In longùm pelago vel procurentia saxa,  
 Ac simul in proram Boreas ruat horridus Urfa:  
 Aut inter freta terrarum discrimine parvo  
 Cùm petimus portus, urbesque in valle repostas,  
 Sæpè dies multos cursu trivere morando  
 Rectores vento oblucentes viribus, altum  
 Ut latus exesi montis, portumque subirent.  
 Attamen incassum cecidit labor: ostia portus  
 Cùm jam lunati petcret ratis, impete multo  
 Fortior affurgens vicinis vallibus aura  
 Longinquùm optato pepulit de litore puppim.  
 Sæpè piger laxare pedes, velumque miniser,  
 Et citò velifera: summo demittere malo  
 Antennas, geminoque obvertere vela cerucho,  
 Cùm ventus, cursusque, gubernatorque petebat,  
 Non iustis in vela modis cita flamina Cori  
 Accepit, cessitque ratis vi pulsa repenti.  
 Ut cùm præruptum ruit alto à vertice saxum,  
 Ni latus averiant subitò, cedantque ruenti

Agri-

Agricolæ, magno dejecti pondere molis  
 Præcipiti de rupe cadent per devia lapsu.  
 Ergo ubi velivolis errandum navibus inter  
 Angustis conclusa locis vada cæca profundi,  
 Et simul adversa ventus spiravit ab ora,  
 Centum in vela manus intendant, brachia centum  
 Solertes famuli, & cantus stet puppe magister.

Cum me Rhegini colles, & dulcis alebat  
 Cænys (1) odoratis inter juga læta salictis,  
 Centum ubi purpureis halantes floribus horti  
 Aurea Medorum felicia citria fundunt,  
 Arcanas rerum causas penetrare, Minervæ  
 Addictus studiis, iam festus, in otia ruris  
 Agrestes inter Nymphas concesseram, & omnes  
 Depuleram curas animo: me Phæbus habebat,  
 Me Musæ tantum, & dulces antè omnia Musæ:  
 Valle sub umbrosa, vitreique ad fluminis undas  
 Est nemus, & circum placidis loca sæta salictis,  
 Deliciæ Vatum, & statio gratissima Musis:  
 Hic inter salices, placidique ad murmura fontis,  
 Quà circum grata viret alta jacentibus umbra  
 Populus, & patulis tendit sua brachia ramis,  
 Nobilis æstivo quondam sub Sole (2) Meralcus  
 Splendida regali struxit convivia luxu.  
 Ille hic Parthenias herbose in gramine Musas,  
 Una & Parthenium jussit discumbere Vatem:  
 Partheniis gratus Musis, Vatique Meralcus.  
 Dum primos dulci Baccho libamus honores  
 Chrystallo in nivea, subitus conclamat agrestes  
 Vicina è specula custos: ruit agmine facto  
 Sylvestrum numerosa manus: citò litora complent  
 Armati agricolæ, sudibusque, & salce recurva.

R. 2

Haud

Ville Rheginæ ad  
 Cænym descriptio,  
 & Josephi Marescalci  
 elogium.

(1) Promontorium Calabriæ supra Columnam Rheginam, ex quo brevis in Siciliam transitus est, Peloro objectum (Capo della Volpe) incolæ vocant; ex hoc enim Siculi freti æstus (la rema Itali nautæ dicunt) exordium sumit. Non longè ex hoc promontorio, amœnissima villa est, & pagus Collegii Rhegini, cui (Cannatello) à proximo Arundineti nomen factum est. (2) Josephus Marescalcus nobilis Rheginus Saliceti Dominus, qui sæpè in amœnissimam Saliceti sui villam, ac nemus Vatem, cui vel in primis charus erat, excipiebat læto, & pereleganti convivio. Vir comis, & eruditus, & ad animos sibi officiis promerendos unice factus.

Haud mora, semotis epulis, confurgimus omnes;  
Tela citi capimus, celeresque ad litora gressus  
Tendimus, & circum densis stipamur in armis,  
Ignari quæ causa viros civisset agrestes.

Ast ego (quandoquidem ventura præscia Vatum  
Mens est) Trinacriæ properare ad litora classem  
Gallorum ingentem, pacis quæ fœdere rupto

Gallicæ Classis Mef-  
sanam venientis de-  
scriptio.

Horrida Zancleis tunc arcibus arma ferebant,  
Admonui: haud Phæbi Vatem cortina fefellit.

Cænys ad litus dum venimus, omnia circum  
Æquora turritis spectamus operta carinis.

Qualis Taygetus, vel Menalus, aut Erimanthus

Arboribus tegitur densis, & fydæra pulsat.

Velivolas inter sylvas, pinusque natantes

Ingens turris erat (turrim si dicere fas est,

Quæ se mole mari tollebat Cycladis instar)

Hæc alias inter tantum surgebat Olympo,

Quantum turriti scopuli demissa cacumen

Saxa super cælo tollunt, nubesque laceffunt:

Aut Siculos quantum colles supereminet Ætna.

Navis erat multo regali splendida luxu

Conformata ducis studio, quo panderet Orbi

Quàm sint divitiæ ingentes, Gallique superbæ

Regis opes. Surgebat aquis tota aurea moles:

Ex auro puppis, nitido splendebat in auro

Prora, coronatæ turres, atque aurea cuspis.

Ipsa etiam fulvo radiabant rostra metallo,

Et geminum latus ardebat fulgoribus aureis,

Et mali, & speculæ, & veligeræ antennæ.

Ipsa Pharos summo fulgebat vertice puppis

Aurea, nocturnas cælo pulsura tenebras.

Verùm materiem, pretiosaque dona metalli

Artificum superabat opus; namque inclyta centum

Magnanimùm simulacra virum, spirantia centum

Signa ducum, & fulvo series longissima regum

Artifici cælata manu spirabat in auro.

Incisæ stabant acies, fusique tyranni,

Devistæque mari classes: spumabat in auro

Oceanus, flavi fluctus, & vertice fulvo

Aureus auratis Delphin saliebat in undis.

Auratæ centum speculæ latera omnia circum

Multiplici serie totidem tormenta sub alto

Condebant gremio: tandem placidissima visu;

Aurea spuma velut, fulvum quam despuit aurum;

Tota coruscabat radianti lumine Cyclas.

Et prætoris, omnis  
hac ætate celeberrimæ,  
quàm à Ludovico Magno  
Ludovicum Galli ap-  
pellarunt.

Aspe-

Aspera cælati tot floribus, aspera signis:  
 Ac, veluti speculum, fulgebat lucida circum,  
 Cùm radiis illam splendentibus æthere Titan  
 Lustrabat, rutiloque ardebat lumen in auro.  
 Tota repercussis radiis cava litora circum,  
 Et Calabri ardebant colles, collesque Sicani:  
 Subter, & in tremulo splendebat gurgite pontus.  
 Quingenti puppem juvenes fulgentibus armis  
 Marte tuebantur, totidemque in vela ministri  
 Prompti assurgebant vi multa, & corpore forti.  
 Illam dixerunt Magni cognomine Regis  
 Magnam Ludovicum, & tali nomine digna  
 Puppis erat: talis Siculum visenda per æquor  
 Errabat, trepidi undosam cùm venimus actam.  
 Ut primum alatham spectavimus æquore sylvam,  
 Hæsimus, auratamque, oculis mirantibus alnum  
 Attoniti ingentem lustravimus: aurea pectus,  
 Atque oculos misto tenuit terrore voluptas.  
 Aurum oculos, captumque animum, sensusque tenchat:  
 Martia sed centum terrebant fulmina mentem,  
 Usque adeo tutum nihil est; terremur ab auro:  
 Sævior & fulvo Mars est armatus in auro.  
 Litoribus nostris, Dii, talem avertite puppim,  
 Ne pacem Italiæ turbet, pacataque regna  
 Regibus AUSTRIACIS tot jam dominata per annos,  
 Aurea pax vigeat: quantum est in fluctibus auri  
 Dispereat, pereatque auri insatiabilis ardor;  
 Hostes ne nobis fulvo insidientur in auro:  
 Insidiosa dolos auri vis prodiga tendit.  
 Æquore, post cursus varios, cœloque remenso,  
 Jam (1) Zancles portum classes, & longa theatri  
 Brachia se summo tollentia vertice coelo,  
 Intrabant, in vela Noto spirante secundo,  
 Longudus extemplo cecidit Notus, & citus alis  
 Labitur angusti Boreas de sede Pelori:  
 Atque sinus auras venientes murmure læto  
 Accipere, retròque recessit concita classis  
 Vi multa Boreæ venientis nec mora, cunctæ  
 Tunc vento obniti contrâ cœpere carinæ;

Et

---

(1) Messana, sic dicta, quia ibi Saturnus falcem, qua patris  
 pudenda præsecuerat, abscondit; falcem enim Zancleon Sici-  
 li vocant: vel potius quia urbs curvitate sua falcem refert:  
 totam autem portus curvam oram superbissimo ædium thea-  
 tro cives adornarunt, quo nihil in tota Europa præstantius est.

*Galli navarchi mira  
peritro.*

Et ventum sensim vento superare sequendo.  
Ante alias Boreæ obluſtariæ aurea Cyclas  
Cœpit, & obliquè in ventum dare vela: sub alta  
Sedulus affidens puppi molitur habenas  
Longo usu, multaque exercitus arte magister.  
Nunc hæc, nunc illæc currus retinacula fleſcit:  
Nunc petit Hesperiam curſu: & jam proximus oræ  
Torquet iter, Siculæque levi ſuccedere terræ  
Feſtinat curſu: propius mox flamine multo  
Huc ubi iam venit, celeri fugit ocyſ Euro,  
Obvertique jubet velum: promptique miniſtri,  
Haud mora, conſurgunt omnes, atque ardua torquent  
Cornua, detorquentque, citi & data juſſa facceſſunt.  
E prora hic tendit; dat & ille è puppe rudentes:  
Pervigil hic ſcalas celeri pede preſſat, & alto  
Contendit malo, & carcheſia ſumma manu jam  
Arripit, & læus circo ſedeꝝ inde coronæ,  
Et facit ille pedes, & veli cornua fleſcit  
Impiger, obliquatque ſinus; nunc contrahit alter;  
Nunc pandit: tunc juſta truci dat carbafa vento;  
Aſſurguntque alacres opera ad navalia nautæ  
Unà omnes, ſtudioque unum, & cura omnibus una eſt.  
Intereà regit ipſe ratem Palinurus in undis:  
Ruſus in Italiam fleſcit remone carinam,  
Obliquatque mari curſus, ſenſimque ſub Arcton  
Scandere conatur puppi, Cænymque virentem  
Exuperare. Fluit pelagus de litore Cænys  
Zancleum in portum, curſusque citiſſimus. Acri  
Non opus hic eſt (mira quidem, nec credita vulgo)  
Remigio, ventoque ferunt ipſa æquora puppes.  
Quin etiam Boreas ſpirat de puppe ſecundus,  
Cum Cænym legere rates. Propè litora claiſſis  
Cænynos, obluſtante freto, pervenerat, & jam  
Audiri ſtrepitus nautarum in litore cœpit,  
Velorumque fragor: piſtis terrebat ab armis.  
Nos Gallus: noſtris & terrebat ab armis.

*Marini Carafa: clo-  
gium.*

Parthenopæus erat miles, cuſtodia collis  
Cui fortè obtigerat, generoſus, & impiger armis,  
Dux illi Marti charus, Vatiqꝛue (1) Marinus

Ca-

---

(1) *Marinus Carafa, Martii Carafa* Excellentiſſimi Ma-  
daluneniſum Ducis germanus, qui tunc Rhégi Neapolita-  
norum militum legionem Tribunus regebat. Vir animo pe-  
nè regio, & ad maxima quæque natura comparatus, Vati-  
que perquam familiaris.



Carafidum de gente satus, tot clarus avorum  
 Nominibus, primæ quot sunt ab origine gentis:  
 Magnanimi heroes cuncti, gestisque superbi,  
 Illustres centum titulis, & laude decori,  
 Quos inter claros heroes, & ipse videndus  
 Egregia incedit laude, & virtutibus heros:  
 Acer equis, promptusque manu, promptusque sagittis,  
 Promptus consilio, quo non felicior alter.  
 Hoc duce jam fretus miles tentare parabat  
 Principium pugnæ, rigidisque emittere cannis  
 Fulmineas per inane pilas; crebroque rotatu  
 Torpentem sicca excutiebat recte favillam.  
 Et jam admota truci radiabat Vesta metallo,  
 Cum subito lapsus crepitanti murmure ventus  
 In Siculum puppes iterum latus ire coëgit.  
 Haud animis læta cecidit cum pube magister:  
 Rursus tentat iter, serpitque per æquora gyro  
 Multiplici, & ventum conatur vincere vento.  
 Cum tandem magnis, & viribus usus, & arte,  
 Cænycos aprici superato colle sequendo,  
 (Nil durum est nobis, & ineluctabile semper)  
 Dat velum in ventum, & celeri subit ostia cursu.  
 Non secus (1) accipiter cum vidit ab ære summo  
 Arborco ex nido, vel agresti ex arce columbam  
 Egressam celeri lapsu petere arva volando,  
 Ungue rapax, crudelis, hians prædæque, rapinæque,  
 Advolat, & pavidam contrà ruit arduus ales.  
 Non tamen ille prius contrà citò tramite recto  
 Adventat, ne fortè volet dilapsa columba;  
 Insidias struit ille fuga, meditatur & artes.  
 Ingeniosa fames, prædæque innata cupido.  
 Nunc dextra simulat cursus, nunc illa sinistra:  
 Nunc medio librat sese, atque immobilis hæret;  
 Nunc volat, & tortos designat in æthere gyros:  
 Mille per ambages ruit ære, mille per orbes.  
 Itque, reditque frequens, properatque, urgetque morando;  
 Transversumque loco cedit, ferturque propinquus.  
 Dum fugere insinuat, contrà venit, & propè cursu  
 Cum fuerit, pavidamque premit jam proximus ungue,  
 Irruit, & celeri prædam petit ære lapsu:  
 Æratis explosa velut ruit ignea cannis,  
 Et liquidum per inane volat pila: qualis & aren

Accipitris colum-  
 bam insectantis de-  
 scriptio.

Evi-

(1) Nimirum Falco, qui ex accipitrum genere est.

Evivrata fugit cædem latura sagitta.

Has, Palinure, artes, atque hæc exempla secutus,  
(Nam licet egregias artes, verumque laborem,  
Et si quæ fuerint virtutes discere ab hoste)  
Adversos superare Notos, fluctusque valebis,  
Et tandem optatæ puppes advertere ripæ.

Quid cum lenè in  
velum venti spirant.

Est etiam ille labor properandis cursibus alter,  
Cum sensim tenuis moritura sibilus auræ  
Languet, & in lento currit pigra gurgite puppis:  
Quid tibi solerti studio tunc, rector, agendum est;  
Expédiam. Si vela Notis aurita dedisti,

Cum antenna ele-  
vata ad Carchesium ve-  
locius navis fertur.

Et Lembos agitas, vel pictas puppe triremes.  
Attolle è medio antennas carchesia circum;  
Languida sic navim propellit fortitùs aura,  
Vela implens: curfatque citus per cæcula currus.  
Non secus ac vectem, si cum longissimus exit,  
Exigua faber impellens vi, protinus imis  
Attollit lapide, & grandia marmora terris.

supparorum usus.

At si per canos spumanti flumine campos  
Turritas, auriga, rates moderaris, ab alto  
Vertice malorum crepitantia suppara pande:  
Illa sinu tenues perituri flaminis auras  
Accipient: fugientque trabes tranquilla per alta.  
At verò immoriens velo cum deperit omnis  
Ventus, & in patriam fessas vocat Æolus auras;  
Tunc latos nudata humeros generosa juvenus  
Remigio insistat, pacataque marmora verrat.  
Vel, si remigio careat ratus, illa silentes  
Remulco (1), Palinure, tibi ducenda per undas.

Dum mari malacia  
est, cantu frangenda  
otia.

Hic sed præcipiam queis artibus otia pubes  
Interea vitet: semper vitanda Magistro,  
Et vitanda mari in medio sunt otia Nautis:  
Quippè animi robur frangunt, viresque remittunt.  
Ergo ubi pacato ridet pellacìa ponto,  
Lentaque sub rostris vix scissa remurmurat unda,  
Indulgere juvet cantu, fidibusque canoris.  
Thermaico Nautæ de litore, qui freta primùm  
Tentarunt, pulchræ succensi laudis amore,  
Secum una in Graja duxerunt Orpheæ puppi,  
Qui cantu egregius, citharaque insignis eburna

Hyginus Fab. 4.

Lude-

---

(1) Remulco navim trahere, est illam è scapha remis an-  
trorsum agere, undè meritò cum Scaligero primam produ-  
ximus: *Rimorchiare*, Gallis *Remolquer*.

Luderet, & longi fastidia falleret oti.

Ægæi sanctus fulcabat Theſſala pinus

Argolica cum pube: lyram sed candidus Orpheus

Alta puppe sedens animabat, & æthera cantu

Mulcebat: velut albus olor dum flava Caystri

Ad vada, Mæandrive sedet sub margine ripæ.

Cantu, quo scœpuli, & Tellus pulsata sonabat:

Et rauca attoniti ponebant murmura fluctus.

At focii intereà leniti carmine mentem,

Non maris errores, tempestatesque sonantes

Formidant, dubiosque dies, vel inhospita Ponti

Non patriæ Telluris amor, non chara parentum

Cura movet: dulcis citharæ sonus occupat aures,

Pierioque silent sopitæ carmine curæ.

Ipsa etiam cantu discat lenire laborem,

Remigio inficiens pubes, dumque æquora remis

Verrit, & ad numerum cantando sydera pulset,

Ut sævas pelagi possit mulcere procellas.

Qui Sindas circum, & per odoríferas Moluccas,

Oceani vada læta secant, ut cærula tonlis,

Sic paribus pulsare modis sua cymbala certant.

Quin matutino cum jam subtermicat igne

Phosphorus, & primi rubuere cubilia Solis,

Præcipio flatu lituos inflare canoros,

Et quassare manu cava tympana, lætaque sinistra,

Murmure quo cuncta è transtris excita juvenus

Surgat, & Auroram concordi voce salutet.

Non secus, Oceano facies cum Phœbus Ibero

Conditur, & fuscas vestiat nox uda tenebras.

Insuper optatis eum jam delaberis oris,

Increpitent magno nervi clangore, tubæque,

Æraque festivo disrumpant æra bombo,

Lætitiæ indicium: festoque celestinate cuncti

Acclament læti Nautæ, portumque salutent,

Portum exoptatum: tum è puppe in litus amicum

Ingressi, Diis vota piis pro munere solvant.

Attamen illud erit cura majore cavendum,

Nè studio pejore modos, & inania cantet

Carmina, quæ sensim mollem per viscera pestem

Insinuent, blandoque accendant murmure flammæ.

Nec vos è puppi illecebrosa fascinet aura

Mellitas inter voces mollissima Circe:

Non & Sirenes, medio quæ gurgite nantes,

Spumofum niveo diffundunt pectore pontum,

Et maria, & dulci complent modulamine cælum.

Tom. II.

S

Vir-

Argonautæ, Orphæo  
canente curas leva-  
bant.

In Indico Oceano  
remiges ut remos im-  
pellunt, sic & cymba-  
la pulsant, *Furnerius*  
*Hyd. lib. 19. c. 38.*

Non inutiles can-  
tilenæ decantandæ.

Circe, & Sirenes  
devitantæ.

Virgineo ne crede choro, ne crede canoris  
 Vocibus: in summo quæ cernitur æquore virgo,  
 Inferius fera sæva latet, caudaque bifirmi  
 Incautos feriet pellectos carmine Nautas.  
 Sic multi periere viri: sic dius Ulysses,  
 Quo non mortalis vixit prudentior alter.  
 Insidiis quandoque boni capiuntur: & heu! quot  
 Mendaci vitium sub imagine sæpè fefellit.  
 Incertus quicumque mari se credit, in una  
 Spem certam pietate, & amico Numine ponat,  
 Nevè pudicitæ leges, & jura resolvat:  
 Sic aderit Deus, & felici carbasa vento  
 Intendet, facilesque dabit per cæcula cursus.  
 Nam si vela Venus perflabit mollibus auris,  
 Atque pedes, clavumque regat malè sana voluptas,  
 Iratum miser ille Deum experietur, & ipsos  
 Ultiores ventos, ultrices sentiet undas:  
 Et gemino infelix, atque illacrymabilis ibit  
 Naufragio, stygias meritò detrusus in umbras.

Sed cita jam tempus pelagi vitare fluenta  
 Clavum in transversum, celeresque ferentia puppes:  
 Atque venenati chalybis perquirere mores,  
 Erroresque vagos, & vestigare locorum  
 Falsus ubi in plecto, & varius situs orbe notatur.

At mihi vos, Musæ, superi quæ vertice Olympi  
 Cælestes habitare domos, & rura soletis,  
 (Namque Deæ vos estis, & omnia vos quoque nostris:  
 Vix famam obscuram, nomenque audivimus ipsi)  
 Dicite qui maris errores, cœlique retexit  
 Primus, & optato potuit succedere portu,  
 Atque ostensa Deum auxilia, & lata munera nautis.  
 Nam nisi, Olympiades Musæ, Jovis aurea proles  
 Ægiochi, vestro inspiretis numine Vatem,  
 Haud equidem dicam tantarum exordia rerum.  
 Ergo agite, & veterem revocate ab origine famam,

Nisi Fabula, & man-  
 sis errores detecti.

Vir fuit, ut fama est, Beroë Sebethide Nympha  
 Cretus, Neptuno puerum quæ juncta sub antro  
 Herculeæ rupis concepit, & intulit auris.  
 Niso nomen erat, qui patria regna secutus,  
 Conclusum ratibus sulcabat Nerea, & altum  
 Ægæum: sed sæpè alias dilapsus in oras,  
 Quam rate quas primùm clavoque petiverat, & se  
 Inscius incautum, & socios culpabat inertes,  
 Ac malè perspecto fallacia sydera cœlo.  
 Hic quondam vitrei Sebethi ad fluminis undas

Sederat, & tristes solvebat pectore curas,  
 Cum gnatum miserata parens Dea, fluminis alveo  
 Affuit auxilium Niso latura; sed omnem  
 Divinam occultuit speciem, vultusque verendos.  
 Mortalem in formam sese induit: aurea virgo  
 Emergit fluvio, viridique crepidine ripæ  
 Astitit, & forma Niso pulcherrima visa est.  
 Qualis pulchra Hyale cœtu comitata fororum,  
 Cum Prochyten cursu, maternaque regna pererrat  
 Ænariæ, gaudetque fuga prævertere cervum  
 Venatrix, jaculoque leves transfigere damas.  
 Namque Dea ex humero pictum suspenderat arcum,  
 Et flavos dederat vento diffundere crines,  
 Purpureis formosa genis, & candida mammas.  
 Ut tristem aspexit natum Dea, voce locuta,  
 Sic ait: O juvenis, quænam tibi causa doloris?  
 Fare age: quandoquidem demisso pallidus ore  
 Tristitiæ indicium color est: cui talia contra  
 Nisus ait: Fortuna mihi contraria semper,  
 O Dea (tu certe sacri Dea fluminis una es:  
 Nam neque mortalis tantum se tollere forma  
 Ulla potest: tanta nec majestate videri)  
 Quæsitos numquam veniunt mea carbasa portus:  
 Fallaces mihi stellæ sunt, & cortice pictus  
 Ipse etiam mundus fallax: mare, cursus, & auræ  
 Fallaces: ars nulla mihi, experientia nulla  
 Profuit: indeprensus aquis latet error in altis.  
 Tunc Dea sic Niso, & curas solatur amaras:  
 Est, hic, antiquum quæ servat ab Hercule nomen  
 Insula, quod Glaucus recipit se fessus ab undis  
 Cum venit, & stratus recubat per litora pastor;  
 Namque senex Nerei pascit vastissima cete,  
 Squamigerosque greges sub gurgite: & omnia ponti  
 Per liquidos campos pastorem armenta sequuntur,  
 Hic causas rerum arcanas, venturaque novit;  
 Nam Deus, & Vates. Glaucus tibi, nauta, rogandus  
 Supplicibus donis: mitis nam numine Glaucus.  
 Ille nec insidiis capiendus, ut horridus ore  
 Proteus immani, qui se in miracula rerum  
 Omnia transformat, ferus, hispidus: ille tibi rem  
 Pandet, & errorum causas monstrabit, & omnes  
 Occultas maris ambages canet. Ergo ubi Titan  
 Egerit in medium currus sublimis Olympi,  
 Cum nigrum Æthiopem, & Garamantem fervor adurit.  
 Et sitiunt campis segetes, & florea in hortis

Nisus à Boroë ma-  
 tre ad Glaucum, ora-  
 cula sciatum misit-  
 cur.

Gens squallet, tenuesque fluunt per flumina lymphæ,  
 I tu, nauta, duo spumanti pocula lacte,  
 Et Surrentino duo pocula plena Lyæo,  
 Dona ferens; nam mitis amat sibi talia Glaucus  
 Dona geri: vacuo fessis tunc ille sub antro  
 Dat placidum membris somnum. Neptunia monstra  
 Litoribus passim prostrata, & fusa per herbam  
 ( Nam cùm sopitus somno jacet ille per antrum,  
 Sopitæque jacent passim per litora Phocæ )  
 Ne timeas. Hæc illa dedit, liquidasque sub undas  
 Descendit, diaque simul sub luce reluxit,  
 Et circum suaves spiravit vertice odores:  
 Veraque descendens patuit Dea; ille ubi matrem  
 Aspexit Beroen descendere fluminis, alveo,  
 Hac voce insequitur, questusque ad sydera jactat;  
 Tu quoque crudelis falsa ab imagine formæ  
 Me ludis, dulcesque negas mihi cernere vultus?  
 Cur prohibes gnatum dextræ conjungere dextram?  
 Et te complecti, & teneris dare dulcia labris  
 Oscula? te ne tui cæpere oblivia Nisi?

Talibus inculcat genitricem, & litora gressu  
 Nota petit. Medium cœli conscenderat axem  
 Phœbus, & arebant nemora, & sitientia prata,  
 Et pelago fluctus torpebant, cùm sua Nifus  
 Dona ferens Glaucæ celeri vada falsa phælo  
 Scindit, & Herculeæ vicina in litora rupis  
 Flestit iter: scopulo Nifus jam proximus ibat,  
 Undique cùm vidit prostratas litore Phocas,  
 Immanesque Orcas dulcem captare quietem.  
 At Glaucus gelido rupis resupinus in antro  
 Serpentem primum per mollia membra soporem  
 Carpebat; prostrata solo Neptunia monstra  
 Ut propè conspexit, stetit, horruit: & quid agendum  
 Inscius inquit secum. Dea flumine ab alto  
 Affluit, & medio visa est in gurgite, qualis  
 Nerine Galatea, Thoëque, aut cærulea Clotho,  
 Cæsariem diffusa levem per candida colla,  
 Et niveos nudata humeros, nudata papillas.  
 Atque hæc Niso effata dedit: Neptunia monstra  
 Ne timeas, ò nauta, vides quæ litore in illo;  
 Nam somno sopita jacent; mox illa carinam  
 Impulit in litus; casuque audacior ipso  
 Egreditur Nifus, tacitusque incedit in antrum.  
 Utque antro propius succedit, conspicit ipsum  
 Tollere se Glaucum: supplex citò munera Nifus

Obtulit, & multa pastorem voce precatur.

Glauce pater, qui monstra regis Neptunia, & udos  
Per vada lata greges, tibi sunt mississima quando  
Pectora; non humilesque preces, non munera spernis,  
Tu nostri miserere: mihi da noscere causas  
Errorum, pelagi quò tutius invia lustrum  
Æquora, & optatum teneant mea carbala litus.  
Tunc ille: ò juvenis confidentissime nostri  
Quæ Dea te jussit properare ad litora regni,  
Arcana in dubiis quæsitum oracula rebus,  
Novi equidem: formosa mihi jam cognita Nympha est.  
Accipe nunc, penitusque animo mea dicta reconde,  
Pauca tibi è multis: series longissima, longæ  
Ambages, variusque error: fastigia rerum  
Summa sequar, ratibus quo tutius ire per altum  
Possis, quæsitosque sinus, portusque subintres.

Herculis irumpens angusta per ostia pontus  
Vi magna Libyæ trans litora concitus undis  
Fertur in Eoum, terrasque interfuit omnes.  
Hinc ubi palmiferæ in litus defluxit Idumes,  
Phœnices petit ascendens, ferturque sub Arcton.  
Inde iterum saliens undantia lora retorquet  
Occiduum in Solem, cursumque per Asida tendit,  
Hinc secat Europam; fracto jam mitior æstu.  
Ut resilit, luctante solo, pila concita retrò;  
Atque repercussum liquido volat aëre telum  
Lentius. Herculeas tandem se sistit ad oras.  
Hinc vagus (1) error aquis: veniens vi pontus aquarum  
Transversum puppes agit incitus: inde carinæ  
Atque alium in portum, atque aliam vertuntur ad oram.  
Præterea est etiam (2) fallax acus ipsa, nivalém

Primus error, è  
motu maris in Orid-  
tem, & inde in Ocel-  
dentem.

Non

Secundus à Magnē-  
tis vertigine.

(1) Primus error navigationis ortus ex motu maris ex  
Gaditano freto irruentis (*la Corrente*, Itali appellant) qui  
sensim naves in transversum agit. (2) Error alter oritur ex  
declinatione Magnetis, qui non semper in Boreum Mundi  
polum vergit; alibi enim in Græcum desceſcit, *Grecoeggia*  
nostri dicunt; alibi verò in Magistram sese agit *Macſtra-  
leggia*. Hoc autem plus, minus pro varietate locorum: in  
paucis verò Mundi partibus nullam habet declinationem:  
celeberrima loca sunt, Insulæ, quas *Terzeras* Hispani di-  
cunt, Africæ promontorium, quod ultra Bonæſpei pro-  
montorium est, illudque vocant *Capo dell'Aguglie*. Tertius  
locus est apud Seres in urbem, quam *Cantonem* indigitant.

Non semper tremula cum cuspide respicit Arcton.  
 Syderis illa vago nimium torquetur amore:  
 Diversisque locis varia est fallacia gemmæ.  
 Hic petit illa polos, & cuspide figit acuta:  
 Hic celerans iter ad dextram ruit incita partem:  
 Hic verò ad levam: minus hic fugit, at magis illic,  
 Nec certis errat spatiis, nec legibus iisdem  
 In lævam, dextramque plagam se vertit in orbem;  
 Fluctuat incertis erroribus, & loca mutat  
 Sæpè. Aded longo variari tempore possunt  
 Res cunctæ, versæque alium servare tenorem.  
 Mira hæc, Nise, vagus forsan furor inditus astris,  
 Et vagus est lapidi suus ardor: & inter amantes  
 An quia nil firmum, nihil est durabile semper;  
 Aut occulta latet gremio vis abdita terræ,  
 Quæ sociam flectat mentem, retrahatque, feratque.  
 Hæc tu dum vacuo deprensus litore nimbis,  
 Non optata trahes alto procul otia ponto,  
 Vestigia, & causas rerum meditare latentes.

Quomodo inquit.  
 rendæ Magnæ ver-  
 ugo.

Sed varium nigræ errorem perquirere gemmæ  
 Difficile est: hac arte tamen venaberis illum.  
 E ligno facies, aut cupro, Nise, tabellam,  
 Et planam, & lævem, mediæque in nave locabis  
 Libratam in longo tripoda, quæ vertice summo  
 Sic Finitori respondeat, undique ab illo  
 Æquali ut distet spatio: mox circinus orbem  
 Describat tabula in media, centroque rotundum  
 Fige stylum; superis qui se rectissimus auris  
 Inferat è centro, tabulæque impone politæ  
 Pyxidis orbiculum: summo cum proximus ibit  
 Vertice Sol, orbemque styli lustraverit umbra,  
 Punctum, Nise, nota in circo: post tempore longo,  
 Ardenti Phæbus cum jam descendit Olympo,  
 Rursus & umbra styli circum perlustrat eundem,  
 Tunc opus extremos apices signariet umbræ.  
 Hinc postquam in partes geminas divideris arcum,  
 Linea per centrum, & medium quæ ducitur arcus,  
 Illa erit, immoto Mundi quæ congruit axi:  
 Atque erit hæc medii tibi linea vera diei.  
 Quantum ex hac acus effugiet, dextraque, sinistraque,  
 Illius tunc tantus erit tibi cognitus error.  
 Sed quia difficile est medio consistere ponto  
 Libratam fulcro tabulam tibi dextera filum  
 Suspensum teneat, rectà quod tendat ad inum  
 Ære grave; & puro obiectum cum pyxide Soli

Modus alter.

Sic



Sic moveas circū dextra, levaque ferendo,  
 Projecta ut medium vaga dissecet umbra rotundæ  
 Pyxidis: atque umbræ punctum signare memento  
 Extremo in circo: partes ubi Phœbus easdem  
 Attigerit, (partes radio, aut sextante notabis)  
 Sedulus hoc itera, punctumque in margine signa.  
 Divide mox arcum: mediæ tibi cognita lucis  
 Linea, & hinc trepidæ rursus vertigo sagittæ.  
 At si purpureo cuspis se vertit Eoo,  
 Illam gemma plagam spectabit, & agnitus error:  
 At verò occiduum in Solem si cuspis abibit,  
 Tunc ille Hesperiam in partem, Caurumque recedet.

Insper his, (1) fallax situs ipse, habitusq; locorum est  
 Orbe in picto: hominum quamquam solertia summa  
 Astra notare polo, radioque notata referre,  
 Altior hinc Creta, & longè promotâ sub Arcton,  
 Et Rhodos, & Cyprus jacet altior, atque Cythera:  
 Ipsa etiam surgit Pharos altior, altus & ipse  
 Flumine septeno Nilus, divesque Canopus.  
 Quæ cū sic habeant sese: (tibi dicere pauca  
 E multis cupio) curvo de litore funem  
 Cū (2) Galatæ solves longè venturus ad urbem,  
 Cui (3) Sabathræ nomen fecerunt, elige dextram  
 Puppe plagam, & rectâ tepidum ne curre sub Austrum.  
 At si Sardoo venias de litore tutos  
 In Drepani portus, partem percurrere sinistram;  
 Si redeas, lævam pete, Nisæ, & gurgitis æstus  
 Non tua quæsito propellet carbasa portu.  
 Cū Melita ex humili centum petis urbibus olim  
 Insignem Cretam, lævas desceſtere ad undas  
 Cura tibi multa. At Veneri dilecta (4) Cythera  
 Si Iustranda mari in magno, ne cortice mundus,  
 Ne tendas, quâ monstrat iter, sed Solis ad Ortum  
 Rectâ cæruleum fulcabis Nerea roſtro.  
 Si Cypro querenda Pharos, litusque Canopi,  
 Bis scnas læva partes desceſte carinam.

Tertius error ex  
 falso seu locorum in  
 Mappis descripto.

Quomodò inter na-  
 vigandum corrigenda  
 errores.

Ve-

(1) Tertius error ex vitio Mapperum Geographicarum,  
 in quibus non sunt veræ latitudines, ac longitudines loco-  
 rum notatæ: modus autem inveniendæ veræ latitudinis, lon-  
 gitudinisque, tradetur Libro 7. (2) Insula Africi maris Ga-  
 lata. (3) Tripolis vetus, cujus vix ruinæ extant: est ta-  
 men opportuna navibus statio. (4) Insula inter Peloponne-  
 sum, & Cretam, Cerigo.

Verum si cursum celeras, cum ditia Nilus  
 Rura beat, latèque optato mergitur omnis  
 Diluvio Ægyptus, (1) plus læva flectere puppes  
 Nitere: sub dextram verò tu dirige cursum,  
 Si Tyrios Cypro contendis, & altus (2) Orontes,  
 Aut Tripolis lustranda tibi, Cythereja regna  
 Litore ab (3) Attalico si sint tibi, Nise, petenda,  
 Tende iter ad dextram, sic & cum gurgite vasto  
 Aptalam petis è Cypro: verum omnia longum est  
 Percensere; tibi experientia multa locorum,  
 Verus & è cælo situs agnitus, & maris usus,  
 Atque æsti toties monstrabant cætera cursus.

Hæc dedit, & concham inflavit, qua protinus omnes  
 Exilvere feræ, tumidumque ivere sub æquor.  
 Ultimus ipse caput liquido Deus æquore merfit;  
 Et vitreas egit spumosa armenta per undas.



NAU-

(1) Nam propter velocem exonerantis se fluvii motum fortior est maris impetus, ac violentius puppes agit in transversum. (2) Attalia urbs Pamphyliæ, *Satalia*.

(3) Fluvius Syriæ juxta Antiochiam; non longè est Alexandria Syriæ *Alesundretta*, celebre nunc eihporium.



# NAUTICORUM

## LIBER QUINTUS.

**S**ED jam me patrii per litora nota phaseli,  
 Tyrrhenique vocant fluctus, fluctusque Sicani,  
 Ac longè applaudunt Ligures: juvat ire per undas  
 Euboicos ultra fines, & amœna secundùm  
 Litora, & ingenio paulùm indulgere paterno.

Hic patriæ debetur honos: nec erit labor iste  
 Non gratus nautis, nec Vati inglorius. At tu,  
 O decus, ò nostræ meritò tutela carinæ,  
 CARDENIDE, hos etiam tenues ne despice lusus;  
 Quandoquidem exiguis sæpè est sua gratia rebus.  
 Non semper magnis fulcandum navibus æquor  
 Trans terras, mare quâ patet undique, & undique cœlum,  
 Arbitrio ventorum, & agentis singula Sortis.  
 Interdùm licet & piëtis vada findere lembis,  
 Ac lætos celeri colles transmittere cursu.

Litoralis navigatio  
 quam sit amœna.

Salsa pererranti semper fuit illa voluptas  
 Blanda mihi, ut molles una hinc cita pascula ripas  
 Stringeret, & placidos hinc scinderet altera fluctus,  
 Ergo age, velocem mecum conscende phaselum,  
 Dum puri fulgent Soles, & leniter undas  
 Optatæ intendunt auræ, procul en vaga Lai  
 Flumina te nunc compellant, sceptrisque superba  
 Regna tuis: læto responsant murmure fontes,  
 Et plausum ingeminant valles, collesque supini:  
 Nereidasque inter tibi jam præit æmula Doris.  
 In primis quicumque levi fulcare phaselo.

Principio Publi de  
 fluctus habendus est.

Aut Tyrrhena paras felicia cœrula ponti,

Tom. II.

T

Aut

Qui praestantiores  
sunt.

Aut longè Ligures, Hærusque litora quæris,  
Cura tibi insignem, fortissima robora, pubem  
Eligere: egregiam sed quæ det terra juventam,  
Accipe. Robustos primùm tibi patria Siren  
Sufficiet juvenes fulcandis fluctibus aptos,  
Quos timidos numquam, numquam experieris inertes;  
In casus quoscumque vocet Fortuna sinistros;  
Audaces veniunt, & dura pericula temunt.  
Ipsa etiam mittet pubem tibi Lubra valentem,  
Quæ fluctus secet, atque ingenti quæ pede lembum  
Presset ovans, cursumque citet generosa per undas.  
Hisque pares etiam juvenes tibi molle ministrat  
Surrentum: melior sed quæ (1) campestris pubes  
Rura tenet: paribus vidi certare lacertis.  
Surrenti egregiam pubem, pubemque Minervæ,  
Cum Surrentino de litore forè (2) redibam  
Parthenopen. Prochytae fortes ne despice, rector,  
Nec quos Eupitæ juvenes, & Olympia nutrit:  
Ac qui clara tenent Romano Consule (3) saxa.  
Non multùm Ænarie gentem, gentemque Dicarchi  
Laudarim: non ipsa suos mihi jactet Amalphis,  
Sint quamquam magnis ducendis navibus apti,  
Et mores norint ventorum, & sydera cæli.  
Æquensis neque det Vicus, Stabiæque vetustæ:  
Nec Tellus Sicana suos, nec Brettia mittat;  
Quippe apti remo non sunt, velisque regendis.  
Rheginos tamen haud ausim contemnere nautas,  
Nec duri vicina colunt qui litora (4) Orestis;  
Solertes quondam expertus, cum flava Simethi  
Flumina, & apricis legerem sub collibus Hyblam,  
Ortygiæ (5) sedem, & Siculi monumenta magistri,  
Ac vitreos rauci fontes visurus (6) Anapi.  
Hinc ubi legisti generosam ab litore pubem,

Et

(1) Vicus Surrenti, vulgò *il Piano di Sorrento*.

(2) Post autumnale otium ex *Villa Josephi Guardati* viri ornatissimi, qui domi suæ, quæ amœno in colle ad mare sita est, unde pulcherrimus Crateris totius Neapolim usque prospectus patet, me lauto, ac geniali convivio exhilaraverat. (3) Capreae Tiberii intemperantia celebres.

(4) Ubi nunc oppida (*Palma, & Baginara*).

(5) Insula, olim Syracusarum, nunc illam urbs occupat.

(6) Fluvius, qui in magnum portum se exonerat, olim per urbem, nunc altero ab urbe lapide interfluit.

Et jam clara dies nitido surrexit olympo,  
 Postquam Luna novo per cælum lucida cornu  
 Fulserit, & lenes crepitanti murmure venti  
 Vela vocant, Palinure, cavam da fluctibus alnum,  
 Nec sine purpureos frustra decedere Soles:  
 I celer, & causas ne longum innecte morandi;  
 Ne te sollicitus comprehendat turbine nimbus.

At verò ex udīs cūm solvis vincula ripis.  
 Et jam Sirenis de litore strata per alta  
 Carpis iter lato magnam clamore saluta  
 Reginam Superūm, curvo cui plurima portu  
 Assurgunt delubra, piis solemnia votis,  
 Ac veteri sacra cultu, & religione parentum;  
 Quæque regit ventos, & vastis præsidet undis:  
 Illa dabit faciles auras, cursusque secundos.

Virgo parens pel-  
 lum colenda.

Mox ubi Sithonī felici fiamine vela  
 Implerunt Boreæ, volitatque per æquora puppis,  
 Invigilet velo pubes, versetque rudentes:  
 Ipse gubernaculum solers moderare, magister,  
 Quis cœpti cursus, oprataque flamina ducunt:  
 Obsecrante vocant viridi de vertice colles;  
 Namque tibi nec opus tornatæ pyxidis usus,  
 Nec nivea pictum membrana ediscere mundum:  
 Litus ama, & bibulas tibi palmula radat arenas.  
 Vitiferi colles, & summa cacumina montis  
 Pyxis erunt, propriaque tibi sub imagine Mundus.  
 Quas fugias cautes, quæ saxa latentia fluctu  
 Evites, quæ fida petas & litora dicet.  
 Non tibi suadebo longè tentare profundum,  
 Ac fragili immensum pelagi percurrere lembo  
 Æquer in abruptum. Sed si fiducia tantā  
 Pectus habet, pontique altum fulcare necesse est,  
 Pyxida tunc, Palinure, & pictum consule mundum.

Vidi ego, qui regis jussu, dum bella negabant  
 Gallica veloci transmittere litora lembo,  
 Ausus per medias conclusæ Tethyos undas  
 Litore ab Hesperio sepositos quærere Iberos,  
 Exiguo fretus ligno; fluctusque sonantes,  
 Atque æstus pelagi, rapidosque laceßere ventos.  
 Felici hinc lætus successu, ausoque potitus,  
 Ausus in Jonium descendere, & ire per undas  
 Ægæas: tenuitque mari, cœloque remenso,  
 Litora Minois quondam regnata tyrannis  
 Victor, & Eoi lustravit regna rubentis.

Audax Navarchus  
 qui per Jonium ad  
 Cœtam navigabat.

Talia quid memoro? levis hæc audacia nautæ

Audacissimum Bo-  
telli factum, qui ex  
India in Europam lem-  
bo navigavit.

Euboici. Quondam confidentissimus unus,  
Atque homines inter fortunatissimus omnes  
Lyriadum satus antiqua de gente (1) Magister  
Ut captæ (2) Baraces Europam nuncius iret  
Lyriadum ad regem, & meritò sibi quæreret uni  
Egregias laudes, & munera divitiis auri,  
Exiguo ingentes ausus submittere lembo  
Oceani fluctus, montesque irrumpere aquarum:  
Atque altum Acronoton, crebrisque impervia nimbis  
Æquora Casrorum, & diras superare procellas.  
Certa fides facti, quamquam vix ipsa meretur  
Fama fidem. Pulchræ sed quid non laudis amore  
Mortales audent, aurique cupidine cæca?  
Sed favit fortuna viro: favere quieti  
Oceani fluctus, ventique in vela secundi;  
Seu generosa hominis mirati pectora, & ausa:  
Sive illos animi, fastique audacia fregit.  
Ipsa sed alatum jactet non amplius Argo,  
Nec mihi magnanimum commendet Græcia Tiphyn,  
Et socios canat heroas, tollatque sub astra.  
Hic meritò lembus cælo donandus, & ipsam  
Supra Argo, Mundique patet quâ plurimus axis,  
Fulgeat, alterius semper Cynosura Profundi.  
At te ne audacis stimulet Fortuna magistri,  
Et nunquam tanti teneat fiducia facti;  
Nam rari casus; rara hinc exempla petantur.  
Sunt multi, quorum minor est audacia, & arti  
Confidunt magis, & magnis est viribus usus:  
Hi sæpè æstate in media, dum cærule passim,  
Aut tranquilla silent, aut leni murmure aguntur,  
Teleboùm de rupe, dies dum candida cælo  
Emicat, aut primam sub noctem lucida cornu  
Cum surgit nova Luna, mari se mittere aperto

Au-

(1) Fuit hic *Jacobus Botellius* vir strenuus, & maritimæ scientiæ laude florentissimus, qui ut apud Joannem Regem insigni documento fidem suam probaret, facinus omnium, quotquot fuere, memorabilissimum ausus est: parva biremi pedes octodecim longa, lata verò sex, per Oceanum iter in Europam aggressus, ut conditæ ad Diu arcis (quam Insulam mox totam Lusitani occuparunt) nuncium regi optatissimum ferret. (2) Insula, & urbs in India intra Gangem, sita in sinu Barygazeno, *Golfo di Cambaya*, ab Indis *Diu* appellata.

Audent : & celeri cursu , velut aëta sagitta ,  
 Tyrrheni fulcant medium , cursuque secundo  
 Nota Panormæ contingunt litora terræ .  
 Hos ego non ausim audaces damnare magistros :  
 Sed neque laudari , infidas nam currimus undas :  
 Tuta nec .est nobis , Zephyris spirantibus , æstas .  
 Sæpè ferenato dum lumine fulget Olympus ,  
 Et Doris pacata silet , sese illicet atræ  
 Effundunt cælo nubes , & sydera texunt ;  
 Ac subito rapidi incumbunt stridore (1) Tropæi ,  
 Momento quibus è fundo subvertitur imo  
 Occanus : fluctusque ruunt transversa furentes .  
 Verùm age , non id te lateat , si fortè per altum  
 Carpis itèr , rectoque petis temone Panormum ;  
 Vicinam pete tu primùm Nesida phaselo ,  
 Vel juga Miseni , Prochyteque virentia saxa :  
 Libonotum hinc versus contende , & flantibus auris ,  
 Remigioque vola : dextramque secare memento  
 Puppe plagam , sensimque undas superare ruentes ;  
 Ne te transversum venientum cursus aquarum  
 Paulatim abripiat , pellatque (2) Soluntis ad oras ,  
 Aut ubi dividuo se miscet flumine ponto  
 Himeræ (3) , & hinc perdit , hinc & tenet unda saporem .  
 Ipsa sed ad lævam longè deserta colonis  
 Ustica (4) prætereat , quàm tu transmittere cursu  
 Nocte sub obscura semper , Palinure , memento ;  
 Nam se piratæ deserto in litore condunt ,  
 Et sæpè incautos deprendunt gurgite nautas .  
 Cùm verò è Sicula remeas Tellure , repostos  
 Trans (5) Erestam perquire sinus : hinc inde sub Arcton ,  
 Qui

Quid cum per Tyrrhenum recta in Siciliam igitur intenditur.

(1) Venti , qui sæpè æstate è terra repentino turbine exurgunt , & tunc apogæi vocantur : mox è mari in terram iterum redeunt , & tropæi appellantur : violenti sunt , & mare momento subvertunt , vix in occasum durant : qui quidem frequentes in Tyrrhenio mari bacchantur .

(2) Promontorium inter Himeram , & Panormum , ubi olim urbs erat , vulgò *Solanto* . (3) Fluvius . & urbs in Septentrionali Siciliæ latere Panormo dissita orientem versus xxiv. mil. pass. *Termini* . (4) Insula Tyrrheni maris propè Siciliæ litora : est & mons Italiæ cùm penultimam producit , *Ustica* . (5) Mons quarto lapide Panormo dissitus , in quo olim Castellum , vulgò *Monte Pellegrino* ad radices opportuna navibus statio est : Siculi *Mondello* indigitant .

Quâ gelidis spirat ventus de rupibus Æmi,  
 Fleste viam velis, remoque, & cœrula sulca.  
 At sensum in septem clavum torquere Triones  
 Contendas, humiles donec rarefcere montes  
 Telebolûm spectas, hinc & sacra culmina Lubræ.

At si me cursum dubias auctore per undas  
 Institus, patriasque velis remeare sub oras,  
 Ne maris exiguo tentare pericula ligno,  
 Ne cupias: medios currant ingentia fluctus  
 Navigia, & vento credant vela ampla furenti;  
 Tu numquam è noto discedas litore: & illud  
 Neve oculos fugiat: tuta hæc Cynosura secundum  
 Visa regat cursum, & surgentia flamina monstret.

Torior in Scilliam  
 cursat.

Per quomodo insti-  
 tuendus.

Ergo, Panormæas cursu cum tendis ad oras;  
 Leucosiam (1) primum Pæstana per æquora quære:  
 Perque sinum cœlo medium percurrere sereno.  
 Nam tibi si dubio pendet sub sydere, tutum  
 Litus ama, & longo gyro lege litoris oram.  
 Lentus in ancipiti festina, navita, cursu.  
 Hinc sale (2) Buxenti superato, dirige clavum  
 In (3) Patricum, quò cum perveneris, aspice cœlum  
 Si constat, si certa mari pellacia ridet:  
 Quæ cum sic habeant sese, canentia pande  
 Carbasa, & Æoliis surgit quâ (4) Strongyle ab undis,  
 Carpe fugam pelago, lævaque relinquere montem  
 Festina, & Liparæ tandem te vertere ad oram.  
 Hinc (5) Agathyrna suo venientem in litore cymbam  
 Accipiet: mox & transmittet ad usque Panormum.

Et in Melitam.

Verùm si Melitam, & terras tentare repostas  
 Fortè velis, litus primum tu rade Sicanum,  
 Eoum ad Solem quod spectat, & alta Pachini  
 Saxa, sinumque cavum, sedemque immitis Ulyssæi.  
 Donec pacato accipiat te (6) Caucana portu,  
 Unde iter in Melitam breve panditur: aureus altos

Cum

(1) Insula ad extremum Pæstani sinus, *Golfo di Salerno*, sic dicta de nomine unius ex tribus Sirenibus, quæ ex Græcia in Italiam navigarunt, vulgò dicitur *La Licosa*.

(2) *Policaastro*, sic dictum à copia Buxi.

(3) Oppidum Calabriae maritimum *Paola*, nota phaselis statio. (4) Una ex Æoliis à figura sic appellata, est enim rotundus mons exiguae magnitudinis, *Strongoli*.

(5) *Capo d'Orlando*, ubi quondam Agathyrna urbs.

(6) Olim portus, nunc ora, *Mulinazzo* incolæ appellant.



Cum surgens rosei postes jam pulsat Olympi  
 Vesper, & occiduos vertit se Phœbus ad Indos,  
 Tende iter in noctem: & remis, ventisque vocatis,  
 In Libycum curvo flectas temone carinam;  
 Quippe sub Auroram Melitæ laberis ad oras.

Quod si Sardoo circum resonantia fluctu  
 Litora, Cynæasque petas trans Dorida Terras,  
 Expediam paucis. Tyrreni litoris oram  
 Principio releges, ventisque in vela vocatis  
 Herculeum in portum venies: hinc inde per altum  
 Si tranquilla silent maria, aut felicitibus auris  
 Arridet crispata Thetis, securus ad oras  
 Sardoas recto flectes temone carinam.

At dubii pendent si nimbi, hyemesque nivosa,  
 Iluam puppe pete, & vicinæ litora Cyni.

Sunt qui, dum Cancræ fervet sub sydere Titan,  
 In Prochyten primum generoso remige puppim  
 Impellunt: mox uda mari cum surgit ab alto  
 Nox, & sublustres inducit Luna tenebras,  
 In libycum velo carpunt iter, aut vada tonsis  
 Sollicitant, Calarisque petunt trans Nereæ portum.  
 Hanc curtam si fortè viam, Palinure, secabis,  
 Obniti in Pelagus contrà, dextraque memento.

Verùm age, quæ studia alatos agitare phaselos  
 Arva per, & colles, & litora propter amœna,  
 Expediam, cursusque juvat meminisse peractos;  
 Nam sic Italiæ felicia litora quondam,  
 Sicaniæque oram legi, rectore Melantho,  
 Ventorum, & cœli, tempestatumque peritus  
 Qui fuit, atque usu longo versatus in undis:  
 Incipiam: verum exemplo tu discas laborem,

Jam cœlo Domitor præfulserat Orionis,  
 Cum (1) Brettii populos iterum lustrare coactus,  
 Parthenopen linquo, & patriis feror exul ab oris  
 Quò Vati, & Musis fatalia jussa vocabant.  
 Oceani croceum linquens Aurora cubile,  
 Purpurea cum luce diem referebat Olympo,  
 Cum celerare moras magno clamore Melanthus  
 Jussit, & invitis properare ad litora Musis.  
 Haud mora, compositis rebus, jam fasces parato,  
 Me socii ad litus deducunt: huc ubi ventum est,  
 Cum lacrymis multis amplector, & ultima dico.

Quomodò 'in Sardiniam iustitruenda navigatio.

Vatis per Meridionalem Italiæ oram navigatio.

Vi-

(1) Fuit Hercules filii, à quo Brettii, quos alii Brutios appellant.

Amicis vale dicit.

Vivite felices gremio Sirenis amatæ,  
 O focii, nullum pelagi quibus æquor arandum:  
 Læta domi sed parta quies, atque otia vobis:  
 Vos natale solum, vos cæli mollior aura  
 Dulcè foveat, Zephyrique canoro murmure mulcent:  
 Vos & Leucopetre, vos regum cognita (1) sedes  
 Accipit interdum, vitreus quæ fontibus humor  
 Labitur, & centum ludunt per culta Napææ:  
 Et vagus umbroso veniens Sebethus ab antro  
 Allicit, & placidus ludit deus amne fluenti.  
 Hinc & Pausilypi colles mollissima præbent  
 Vobis hospitia, & felicibus otia Divis.  
 Vos Nefis, Prochyteque, & Olympia detinet ora;  
 Ora meis quondam statio gratissima Musis.  
 Otia, Pierides Musæ, & mihi culta tot annis  
 Partenope dilecta vale, fociique valete:  
 Me Calabri invitum rapiunt. Nec plura: vicissim  
 Antiquum focii lacrymis testantur amorem,  
 Et mihi felices auras, cursusque precantur:  
 Quos inter primo pubescens flore juventæ,  
 Et virtute potens, & sanguine clarus avito,  
 Flavius Alexander, mihi quo non charior alter:  
 Nec fuit, & Musis, & Phœbo gratior alter:  
 Dignus Alexander Musis, & Apolline dignus,  
 Rore madens multo geminas ad sydera palmas  
 Sustulit, & Superos humili cum voce precatus,  
 Hæc dedit: O Superi, si quicquam optare precando  
 Possumus, & multa vestrum prece flectere Numen,  
 Sternite molle fretum, placidosque in carbasa ventos  
 Mittite, & ardentes nimbis arcete procellas:  
 Ut tandem nullis per cærula casibus acta,  
 Litoris extremi vertat se puppis ad oram.  
 At vos, Nereides, vos cætera turba Dearum,  
 Vitrea quæ colitis spumosa Doridos antra,  
 Felices, precor, ite duces, placidoque natatu  
 Pandite iter, vestrumque, Deæ, servatæ poëtam,  
 Qui vestra Oceani cantavit munera primus,  
 Primus & audaces duxit per cærula nautas.

Alumni ad Superos  
 pro Vate prece.

Sed

---

(1) Nobilissima Neapolitanorum Regum Villa altero ab urbe lapide Orientem sita: locus antiquitus Doliolum vocabatur, nunc *Poggio reale* ab Alphonso Calabriae Duce Ferdinandi Primi filio amœnissimis fontibus, hortisque, & superbissimis ædificiis primum exornatus.

Sed doctus cymbæ retinacula curva Melanthus  
 Immisit, terrisque abduxit fune soluto:  
 Arripiunt nautæ remos, atque æquora verrunt.  
 Mox, longè à terra ut ventum, fortissima pubes  
 Vela stetit factura: mari sed currit aperto  
 Puppis, & impressus fert impetus ipse volantem.  
 Ceu per inane volat fugiens lethalis arundo,  
 Quam Cressus duro ex arcu, vel barbarus egit  
 Threïcius. Verùm nautæ clamore secundo  
 Dant sensim velum in ventum, nè fortè ruentes  
 Obvertant subitæ latus auræ, & cærule puppis  
 Accipiat: tumuere sinus, volat incita velis  
 Prona petens maria, & cita dissecat æquora pinus.  
 Confestim velut è nido sublapso columba  
 Radit iter liquidum, cœloque excurrit aperto.

Jam mihi spectanti longè Crateris ab alto  
 Urbs augusta, ingens, variis placidissima scenis  
 Panditur, & magno circum curvata theatro  
 Versicolor, Phœbo primum radiante, patescit:  
 Phæbeos velut ipsa linu cùm roscida nubes  
 Accepit radios, circumque remisit in arcum;  
 Extemplo curvata polo micat aurea summo  
 Thaumantis soboles, centumque coloribus ardet.  
 Omnis in obtutum nobis cadit aurea Siren  
 Parthenope, & latè colles qui rura coronant.  
 Læva Pausilypus, pulchris juga læta puellis,  
 Cernitur, & dextrà qui proximus (1) Antinianus  
 Undique lætam urbem lætis cum collibus ambît.  
 Herculeæ hinc cautes, & dictus ab Hercule (2) vicus,  
 Vicus odoriferis sylvarum cognitus umbris:  
 Et (3) Pompejanum, felicia litora Baccho,  
 Osci quæ quondam, & veteres tenuere Pelasgi.  
 Apparent & rura, vago quæ flumine (4) Sarnus  
 Irrigat, & viridi prætexit arundine ripas.  
 Et veteres Stabiæ, & crebris juga consita sylvis,  
 Ac Surrentini colles, quibus invidet altus  
 Massicus, & dulci Bromio lætissima Creta.  
 Quin, & Oliviferæ apparent delubra Minervæ.

Tom. II.

V

Re-

(1) Collis, qui proximè urbem ambit vulgò *Il Vomero*,  
 in quo pagus est ab antiquo montis nomine dictus *Anti-*  
*gnano*. (2) Herculanium, incolis *Torre del Greco*.

(3) *Torre della Nautiata*.

(4) *Scafati*.

Crateris per hypo-  
 tispion descriptio.

Regnaque (1) Teleboùm felicia : longius inde  
 Parte alia surgens turrito vertice Nelis  
 Spectatur mediis in fluctibus, atque Dicarchi  
 Aprici colles, atque ignibus horrida (2) Phlegra,  
 Miseni juga celsa, & olentes sulphure Baje,  
 Atque humilis dirum Prochyte fortita Mymantha:  
 Et quæ subiectum premittit alta Typhoea monte  
 Inarime (3) & circum colles felicia læto  
 Uber alit centum vineta madentia Baccho.

Capreas transmittit,  
 & Navarchi fortia.

At ratis interea, Borea spirante, secabat  
 Æquor, olivifero cum jam de colle Minervæ  
 Delubra, & nobis paulatim claustra patebant.  
 Hic vigil intendit velo, clavoque magister;  
 Improvisus enim medio de cardine sæpè  
 Irruit Euroauster, & æquora turbine vertit:  
 Et vertit velum irrumpens: tu, navita, cautus  
 Collige vela manu, cum turbidus insonat Auster:  
 Nec ventum superare, & spumea cærule remis  
 Contendas: cursu vel proxima litora Lubræ,  
 Aut (4) Polli statio vicina in valle petatur.

At freta transvectus celeri cum puppe Melanthus,  
 Jani virides dextra Capreas, lævaque Minervæ  
 Saxa relinquebat, roscò cum Phœbus Olympo  
 Pronus agebat iter, currumque urgebat ad Indos;  
 Tunc cecidit Boreas: demitti vela magister  
 Imperat, & molli luctari in gurgite tonsas.  
 Haud mora, demisso velo, maloque repostò  
 Ad latus arborea in furca, confurgere remis  
 Incipiunt nautæ, & celeres freta cærule fulcant.  
 Commisit puero clavum mox ipse Melanthus,  
 Arripuitque manu remum, sociosque laceffens  
 Diffundit maria: & socii superare magistrum

Con-

(1) Caprea à Teleboò Pterelæ Regis filio, qui primus  
 è Græcia in hanc Insulam navigavit. (2) Mons ignivo-  
 mus non longè à Puteolis, *la Solfatara*: subiecti visuntur  
 Phlegræi campi, ubi Hercules Gigantes domuit: hic olim  
 Liborinus ager, cujus mira fertilitas ab antiquis commen-  
 datur. (3) *Ischia*, in qua altissimus mons Epopeus, cui  
 Typhocus subiectus est: hæc autem Insula una cum Pro-  
 chyte, *Procita*, *Pithecusæ* dictæ fuerunt. (4) Sinus inter  
 Surrentum, & Massam Lubrensem, in quo olim ad mare  
 celeberrima fuit Pollii Felicis Villa: locum hunc corrupto  
 vocabulo *Paolo* nautæ dicunt.

Contendunt: magnis, & cæcula viribus urgent.  
 Ceu luctatores nudati corpora quando  
 Gramineis alacres exercent membra palæstris;  
 Vel quales, naſti caprum, cervumque bicornem,  
 Exuperant deſerta, fame ſtimulante, leones.  
 Continuo adductis ſpumant freta verſa ſacertis,  
 Et cani apparent convulſo in gurgite fulci.

Et jam Sirenium (1) ſcopulos proveſtus adibam,  
 Cum roſeas Titan nubes, aurumque relinquens,  
 Conditur Oceano; & bigis inveſta ſerenis  
 Nox venit, humentique polos involuit in umbra.  
 Tunc reſtor: Quia blanda mari nox ſe intulit alto,  
 Remigio inſtemus, ſocii, curſuque petamus  
 Leucoſiam: nobiſque dati nunc temporis uſus.  
 Turpe ſerenatas pro ſomno perdere noctes.  
 Sic ait; & nautæ faciunt mandata magiſtri.

Serenis nodibus na-  
 vigandum.

Proſcindunt remis vada lenta; fugitque per undas,  
 Ceu fulmen, pelago ſubter ſpumaute, phæſelus.

Hinc, prima jam nocte polo conſtare ſereno  
 Omnia cum vidit, placidasque à collibus auras.  
 Allapſas ſenſim increbreſcere, vela ſecundum  
 Expandi in venum citò juſſit: & ipſe virentem  
 Leucoſiam contra proram temone tetendit.

Interea ſeſſi placidam per tranſtra quietem  
 Carpebant ſparſi nautæ: vigil ipſe magiſter  
 Nocturnas agit excubias; Nam cura ſalutis  
 Cui commiſſa hominum, & vitæ ſpes dirigit unus,  
 Non decet in dubiis concedere lumina ſomno:  
 Semper & in dubio res eſt, dum currimus æquor.  
 Jam (2) Silari, Zephyris ſpirantibus, ora legebat  
 Lembus, ubi multus gelido de flumine ventus  
 Sub noctem ſpirat, magna cum voce Melanthus  
 Conclamat, Socii, ò vos, hic, velumque, rudentesque  
 Arripite: hic locus eſt (nec me ſententia fallit,  
 Atque aſti curſus, ſervataque ſydera cælo)  
 Creber ubi ſurgit Silari de flumine ventus.  
 Hæc ubi diſta: gravi increbreſcere murmure ventus  
 Incœpit: nautæ ſurgunt clamore vocati:  
 Arripiunt, ſolvuntque citi, laxantque rudentes.  
 Ceu cum ſub noctem ſpecula conclamat ab alta

At reſtori maxime  
 tunc vigilandum eſt.

(1) Tres Inſulæ Peſtani ſinus, *li Galli*.

(2) Fluvius Picentinorum *Selo* ab incolis dictus, in hunc  
 ſe exonerat Tanager, cujus meminit Virgilius.

Custos arma vocans, dum primum conspicit hostem  
Mœnibus instantem, vallo & propiora tenentem.  
Extemplo commissa quibus custodia turris,  
Arma citi rapiunt, stipati & mœnia complent.

Vigilare Nautas noctu opus est; cum fluviorum ora, vel concava Vallium præter-navigant.

Sic vigilem te, nauta, velim dum noctis in umbra  
Puppibus ora legis fluviorum, aut concava vallis,  
Quâ subita in velum descendit fortior aura,  
Quæ, nisi confestim velo des pronus habenam,  
Invertet latus, & navis ruet acta sub æquor.

Miserabile juvenis naufragium.

Vidi ego, Tyrrhenis quâ se vagus inferit undis,  
Et molles viridi convellit gramine ripas  
Ocinarus, cœcæ noctis periisse sub umbra  
Egregium forma juvenum, quo pulchrior alter  
Non fuit, atque atavis, opibusque potentior alter  
Et gratus Musis, & Phœbo gratior ipsi.  
Hic puer in sylvis primos transegerat annos  
Agrestes inter divas, & Oreadas inter.  
Hic modò per nemorum saltus, & confraga vallis  
Veloce crebris agitabat curlibus apros;  
Et modò per colles, sylvosque culmina damas;  
Atque agilis cursu fuit, indomitusque labore;  
Acer equis: & sæpè per campestria circum  
Exercebat equos, pictisque ardebat in armis.  
Illum & Hamadryades sylvis, & Oreades illum  
Montibus, & comitem vitreis in fontibus illum  
Najades optavere, & dilexere puellæ,  
At puer infelix cum jam pubescere cœpit  
Major, & ingentes animos, & grandia facta  
Concepit, jam laudis amans, læta otia ruris,  
Et nemora alta Jovis liquit, saltusque beatos:  
Atque deas sprexit nemorum, rurisque puellas.  
Felix ille deas si non sprevisset agrestes;  
Nam non irato sensisset numine Divos.  
Ergo ubi tranquillo sub sydere navigat æquor,  
Ac desis clavo sedet, incautusque magister,  
Ocinari (1) demissus adest de flumine ventus:  
Obvertitque ratem: pro Numina! mergitur undis  
Infelix puer, & fato decedit acerbo.  
Illum ipsæ cantes: illum vaga cœcula sterunt;  
Et Thetis, & Doris, cunctæ & flevire puellæ  
Nereides; gemitusque cavo Deus edidit antro

Oci-

(1) Fluvius Bruciorum, qui propè Terinam interfuit,  
vulgò *Savato*.

Ocinarus, Manesque etiam ingemere (1) Ligeæ.

Hic neque transferim, quod non levior notabis

Cura. Sæpè, cavis spirare è vallibus, aura,

Aut quam vicino descendere ducis ab amne,

Aut venit Illyricis è montibus, aut flat Eoo.

Quam tempestivè nisi tu deprenderis, illa

Paulatim in pelagus puppim propellet apertum.

Ut detur mox nulla tibi remeare potestas

In terram, quamvis frangatur remus in unda.

Sic olim medio periissem gurgite merfus,

Ni cautus senior dixisset nauta magistro;

(Vosque senes semper faciles audite, magistri)

Quid tardamus adhuc nos ò, lege vela; propinquo

Non hæc è fluvio ruit aura, aut Eurus ab Ortu

Vela implet veniens, aut Hellepontius hic est,

Nonne vides, ut cætra micent vaga sydera cælo?

Montibus & summis strepitu nemora alta canoro

Quassa gemant, mediasque laceffant cæcula cautes?

(Quæ venti spirantis erunt certissima signa)

Hæc ille: & velum collegimus ilicet: Euroque

Obluctari unà nautæ cæpere lacertis.

Et multo tandem conatu, & tempore longo

Vix notam attigimus vicini litoris oram.

At nos interea ventus provexerat altos

Trans Silari lucos, & odora rosaria Pæsti,

Cùm matutino surgente à gurgite Phæbo,

Leucosiam spectamus; & alta cacumina longè

Alburni (1) apparent croccis ardentia flammis.

Hic ventus velo immoritur: mora nulla, juvenus

Vela legit: muto luctantur gurgite consæ.

Proxima Leucosiæ transmittitur ora phaselo:

Lucanumque solum legimus, collesque Velinos;

Hinc cautes, Palinure, tuas, portusque repositos,

Velocique fuga tranavimus ardua montis.

Et vix prærupto projecta è culmine faxa

Fugimus. Hic senior specula (2) Palinurus ab alta

Saxa manu jacet implacabilis: æquora longè

Veni qui sint, ac-  
curatè notandum.

Vatis periculum ex  
ventorum ignorantia.

Palinuri fabella.

### Puppe

(1) Altera ex Sirenibus, quæ in Italiam devescæ ex Græcia fuisse (tertia Parthenope est) quæ ad Ocinarum obiit, & sepulta est in Insula ad fluvii ostia sita, dicta Terinæus scopulus, *Pietra della nave*. (2) Mons iter Silarum, & Tanagrum, vulgò *Monte di Postiglione*.

(3) Prominens in mari mons, à Palinuro sic appellatus.

Puppe pete, & læva scopulos fuge, nauta, rigentes,  
Ne te sublimi petat ille à vertice saxi.  
At legere alta velis si duri culmina montis;  
Redde seni naulum, & supplex venerare magistrum.

Sed jam prærupti superato vertice montis

Cùm plausu, fremituque: finitras rector ad undas  
Circumspectit iter, vicinaque litora cursu

Puppe petit: ( melior quoniam pars acta diei )  
Tunc lembo egredior primus, sociique sequuntur  
Omnes florentes ætate, atque artibus omnes  
Ingenius: grati Phœbo, gratique Camœnis.

Mox unà ad fontem contendimus. Est specus altum

Scruposa sub rupe patens, cui myrtea sylvæ  
Desuper incumbit: medio de pumice manat  
Mollis aqua, & nitidos inter fluit unda lapillos.

Hic hilares cuncti in molli discumbimus herba;  
Et mensam tenui cultu, dapibusque paramus  
Litoreis: primum erumpentem flore novello  
Cauliculus pingui succo, laridoque vetusto,  
Et tenera elixum vitula libamus: & inde

Ingentem pipere, & conditum nectare capum,  
Quem tenui Cerere incrustaverat ante Britannus  
Pistor, odorato perfundens pulvere crustas.

Hinc geminos barba mullos, ostroque nitentes,  
Et rutilam auratam, & scombrum, sargumque salignis  
Assatum verubus, quos tunc de gurgite nostri  
Captarant juvenes, pelago dum retia mittunt.

Sed natus adhuc color assis, & sua forma,  
Atque odor halabat scopulorum dulcis, ut ipsis  
Dixisses etiam spirare in lancibus illos.

Inde pyrum læti, mitemque comedimus uvam.

Sed largis sæpè in pateris festi inter edendum

Campanum dulci Baccho libamus honorem.

Hinc omnes, postquam, mensæque, epulæque remotæ;

Fronde super viridi, & sub tegmine rupis opaco

Sternimur, & placida curamus membra quiete.

Mox brevis ut membris sopor insitus, illicet omnes

Surgimus, & celerem conscendimus inde phaselum.

Proxima Lucanæ perstringit palmula terræ

Litora: Projectas cautes, scopulosque sonantes

Radimus, & (1) Melphis transmittimus ora fluentis.

Jam-

per Lucaniam na-  
vigatio.

(1) Fluvius Lucanorum inter Palinurum, & Buxen-  
tum, accolis etiam nunc *Melfa*, & *Melpa* dicitur.



Jamque humiles subeunt medias (1) Oenotrides undas,  
 Et sensim retrò fugiens Palinurus opaco  
 Vertice decedit: collesque, urbesque propinquæ  
 Prætereunt, celerique fugit vaga scena theatro.

Remigio interea provecti (2) cærula Lai  
 Intramus: muris torpebat fluctibus æquor,  
 Et longè vix saxa, freto refluxente, sonabant.  
 Ergo altas violamus aquas, & remige multo  
 Cærula Buxenti præter sinuosa volamus.

At tibi quid, Palinure, cava si ventus ab ora  
 In proram gelidis descendat plurimus auris,  
 Non ego præteream tacitus. Resonantia propter  
 Litora, sub colles, umbrosæque culmina sylvis  
 Stringe oram remis, & nisu flamina vince;  
 Subter enim colles crebescit mitior aura.  
 Sed durare opus est ventum, multoque labore  
 Est tibi cærulea lentandus remus in unda.

Quid cum ventus  
 à sinu perflat.

At si succrescat violento murmure, retrò  
 Fleste viam velis, rapidoque obfislere vento  
 Ne certes; labor incassum cadet omnis, & ipsa  
 Nequequam remo insudat generosa juvenus.  
 Ergo tibi primum cura majore notandum,  
 Si levis aura sinu submurmuret, an vada surgant  
 Spumea, & alati discendant aëra venti;  
 Quippè quies pelagi sæpè est tranquilla per oram,  
 Flamina ventorum quando latè acrius altum  
 Invertunt violenta sinum, tolluntque sub astra.  
 Hoc quibus, & certis valeas cognoscere signis,  
 Accipe. Si nimio scintillant lumine stellæ,  
 Ventosæque alto densentur vertice nubes,  
 Aut penitus summo crebrescant murmura ponto,  
 Tranquillo ne crede mari, cæloque sereno;  
 Namque sinu in medio ventus strepit, & vada spumant.

Sed me jam raucus venientis sibilus Austri.  
 Inceptique vocant per opaca silentia cursus.  
 Sylvarum, cœlique decus Latonia Virgo  
 Assurgens nivea lustrabat lampade terras,  
 Confestim gelidæ vicinis collibus aura  
 Descendunt velumque vocant: dant carbasa nautæ:

Im-

(1) Insulæ duæ Pontia, & Isehia ad ostia Haletis, vulgò  
*Haleno*, & *Fiume di Pisciotta*, est autem *Pisciotta* anti-  
 qua Vellia, quæ & Elia dicta est, Patria Parmenidis, &  
 Zenonis Pythagoreorum.

(2) Talaus sinus, *Golfo di Policastro*.

Implent & flabra sinus: fertur cita gurgite puppis.

Jam retrò viridem gemmato in vertice Aitam

Liquimus, & clari pariter monumenta (1) Draconis:

Hinc (2) Talai fontes, & aprico in colle (3) Carillas,  
Muscolamque (4) Adamanta lego, (5) Blandamq; virentem,

Plurima lætus ubi sua munera jactat Jacchus.

Inde (6) urbem impostam scopuloso in vertice saxi,

Citria cui nomen fecere, atque ære potentem

Prætereo (7) Temesam, & delubrum in colle (8) Politæ.

Fortior hic ventus spirare è vallibus altis

Incipit, & scissi spuma incandescere fluctus:

Nos tunc in lævam iussit succedere rector,

Quà ventus pulsabat aquas: sic pondere iusto

Stat ratis obliqua, & facilis freta carula sulcat.

Sic ego per dubias errare frequentius undas

Optarem: obliquas auras optate, magistri;

Rectum carpit iter obliqua per æquora puppis.

Nam cum postico descendit murmure ventus

Et librata maris diffundit marmora pinus,

Improvisa latus vertit sæpè aura sub undas.

Tunc vigil in puppi retinacula curva gubernet

Rector, & intortus pertractet nauta rudentes.

Sed jam purpureos currus Aurora vehebat;

Cum tandem Patici ventus nos vexit ad oras.

Hic fidos noto complexi litore amicos,

Numina (9) magna loci proni veneramur: & inde

Magnanimum viso (10) Heroem, prolemque beatam

Tot Spinelliadum cretorum à sanguine regum:

Et te, Diva, meis (11) nunquam reticenda Camœnis;

O Iſa-

Pet Calabria litor-  
alia navigatio.

Obliquior aura fe-  
licior.

(1) Sacellum unius ex Sociis Ulyssis. (2) Idem ac Laus,  
*Laino*. (3) *Cirella*, ex qua lætissima deferuntur vina.

(4) *Diamante*. (5) *Belvedere*, ex qua optima prove-  
nit uva passa: perque omnem Europam devehitur.

(6) *Cetraro*. (7) *Torre Loppa* vetustissimum oppidum, ex  
quo optimum æs, ut habet Homerus.

(8) Unius ex sociis Ulyssis. (9) Divum Franciscum Mi-  
nimorum Parentem, cujus hoc in oppido, ex quo fuit  
oriundus, superbissimum extat Templum cum peramplio Cœ-  
nobio. (10) Joannem Baptistam Spinellum Fuscaldi Mar-  
chionem, Patique Dominum, virum animo penè Regio,  
& gestis belli, domique clarissimum. (11) Marchionis filia,  
magniq; Comitissæ Altavillæ conjux, Matrona literis suprâ sexum  
erudita, pietate verò, & moribus integerrima. Ab his sæpè  
Poëta humanissimè exceptus fuit, cum Thyrrenum navigaret.

O Isabella: sed, ah! diro quo turbine rerum  
 Te properè è nostris mors abstulit invida terris?  
 Certè equidem (nec vana fides) invidit Olympus  
 Te nobis: numerumque volens augere Dearum,  
 E terris tulit, & cœli super astra locavit.  
 Ergo poli quacumque sedes de parte fereni,  
 Aspice nos, Isabella, ratemque per alta gubernæ,  
 Atque meæ semper sis tu Cynosura carinæ.  
 Hinc postquam Dominos invisi, & numen amicum,  
 Digredior. Celsi legimus vada falsa (1) Lyciti,  
 Et gelidum retrò puppi tranavimus (2) amnem.  
 Hinc altis imposta jugis (3) Nepetia surgit,  
 Quondam Nympha maris, quæ Najadas inter oberrans  
 Infelix perit, Satyros dum casta petulcos,  
 Lascivumque fugit Panem: fluvioque sepulta est.  
 Nunc urbs antiquæ servat cognomina Nymphæ,  
 Vati dulce solum: primos hic ille sub annos  
 Excoluit Musas, tenerosque instruxit ephebos.  
 Apricos læto colles clamore saluto:  
 Ingeminant nautæ plausus: ceu gurgite ab alto  
 Cùm puro aspiciunt venientem lumine Solem  
 Vocales modulantur aves: longè affonat Echo:  
 Plausuque assurgunt valles, collesque supini.  
 Hinc viridum (4) Linum, & (5) Tyllisia faxa relinquo,  
 Et Baccho lætam gemmato in colle (6) Terinam;  
 Ostiaque Ocinarì legimus, tumultumque Ligæ.  
 Hinc & vitiferos colles, & rura (7) Lameti,

Nepetiz fabula,  
 unde urbs, Vati olim  
 sedes perquam cha-  
 ra.

Tom. II.

X

An-

(1) Maritimum in colle oppidum *S. Lucito*. (2) Fuvius, & oppidum *Fiume freddo*. (3) Quæ & Clamptia; vetustissimum, ac nobile oppidum in colle situm ad Olivæ fluvii ripas, incolæ *Catocastro* vocant, eo quod subter castrum, quod urbi imminet, interfluat, urbs *Amantea* vulgò appellatur. (4) Promontorium ad Olivam amnem *Canolo*.

(5) Promontorium alterum, in quo urbs, & sylva eiusdem nominis *Capo di Corica* Calabri vocant. (6) Antiquum oppidum, cuius laudatissima sunt vina, est autem in amœnissimo colle vitibus consito extructum, *Nocera di Calabria*. (7) Fuvius, vernaculo sermone, *l' Amato*: est & promontorium *Lametes*, vulgò *Capo Savaro*: inter promontorium, & fluvium oppidum est *Lametus*, sive *Lamettia*, à fluvio dictum *Santa Eufemia*. Hæc autem urbs tota penitus absorpta est in ultimo Calabriae terræmotu: à prædicto fluvio appellatur ingens sinus *Lametinus*, *Golfo di S. Eufemia*.

Angitulaque (1) cito cursu vada flava secamus,  
 Mox (2) Laërtiadæ speculam superamus Ulyssis,  
 Dives ubi quondam turritis mœnibus (3) Hippo,  
 Quam fortes coluere Locri: nunc tota ruinis  
 Mersa jacet, congesta jacent simul horrida saxa.  
 Fata urbes, & regna trahunt: sub mole caduca  
 Quid mirum miseri si Fatis ducimur ipsi.

Prona coloratos jam lux vergebat ad Indos,  
 Cum subitis tegitur densatis nubibus ær,  
 Atque imo sensim è fundo maria atra tumescunt:  
 Igneus ipse etiam flagrabat proximus alto  
 Sol pelago, instantis certissima signa procellæ:  
 Quo visu puppim detorquet rector ad oram,  
 Proxima quæ tuta nobis statione patebat.  
 Agmine remorum celeri freta turgida verrunt,  
 Sollicitique fugam capiunt ad litora nautæ.  
 Ut, cum terribilem descendere monte leonem  
 Aspexere, fugam arripiunt per rura, coloni,  
 Et sua vix summo vestigia pulvere ponunt.  
 Alipedes facit ipse timor: nec currere cillant,  
 Ni jam securi procul evasere periculum.

Serilis hesterno postquam de fluctibus ortu  
 Emersit veniens attrito Delia cornu,  
 Surgere nec ventos, discludi aut nubila cœlo  
 Aspicimus: pendent nubes: silet æquor, & altum  
 Sylvani nemus, & cœlo intempesta ruit nox.  
 Tunc rector pelago deduci è litore cymbam  
 Imperat: incipiunt nautæ parere parati.  
 Tunc sic ingressus: Non si mihi Juppiter ipse  
 Spondeat, hoc fluctus ausim percurrere cœlo.  
 Hic sinus infamis, refugisque exæluat undis  
 Brettius (3) & duris densatur. cantibus ora.  
 Prætercæ (avertant destro Dii numine casum)  
 Si nocte ruat è cœlo sine more procella,  
 Quantus aget tum corda timor? majora pericla  
 Impendent noctu, & terrorem plurimus horror  
 Accumulat: pendent animi; & mens nescia nutat.  
 Quid facias, cursuque petas quæ litora, nescis.

Difficilis per Bret-  
 tium sinum naviga-  
 tio nocte intempe-  
 sta.

Qua-

- 
- (1) *Angitola* fluvius. (2) *Parvæ Insulæ* contra *Vibonem*.  
 (3) Sive *Hipponium* à *Locris* conditum: *Romani Vibonem* *Valentiam* appellant, *Monteleone*.  
 (4) Sive *Brutius*, qui à *Brutio* promontorio, *Capo Vaticano* *Scyllæum* usque extenditur, *Golfo di Gioja*.

Qualis ubi nemorum per inhospita lustra viator,  
 Cum Lunam obtexit nimbus, pluviaeque refusæ  
 Descendere, viæ spatii deprensus iniquis,  
 Quæ vitet prærupta, petat quæ tegmina, nescit.  
 Rector ad hæc: cautum toties servata Melanthum  
 Sydera non fallent, nec quæ tot cursibus ætis  
 Nota mihi, crevitque usu experientia longo.  
 Quot similes vidi noctes, quibus æquore vasto,  
 Inter & horrores, atque alta silentia cœli  
 Erravi. Dedit ipsa vias audacia primum:  
 Successu tutas inde experientia fecit.  
 Ire igitur placeat: tutus, mihi crede, poeta,  
 Cursus erit: verum si pigri hac nocte taberna  
 Brettiorum infami; tetroque manebimus antro,  
 Heu miseros! quot fœda dies domus ista tenebit.  
 Nam cum Phœbus equos aget æthere, concita nimbis  
 Spectabis maria, & longum durare procillas.  
 Crede seni, multi florent cui vertice cani.

His dictis commotus, iter per cœnula carpo.  
 Tunc rector cymbam dat fluctibus: illicet omnes  
 Ex acta in puppim conscendimus: haud mora, nautæ  
 Corripiunt mare solliciti: freta versa lacertis  
 Despumant: medio prætervolat æquore linter.  
 Ipse æstum fugiens clavum deflexit ad oram  
 Trinacriæ rector: mediusque silentibus umbris  
 Brettius ære sinus proscinditur. Acta phaselus  
 Jam propè Sicaniam nitidas radebat arenas,  
 Cautus ab excelsa tunc clamat puppe magister:  
 O, inhibete citi tonfas: mora nulla, juvenus  
 Cursum inhibet remis, vertitque ad litora puppim.

Ipse mihi tum rector ovans: Ars multa Melanthum,  
 Illum nec cœli experientia nota fefellit.  
 Hæc animis conde, ut venturos carmine nautas  
 Edoceas; (nostræ nam te fecere poetam  
 Nereides, viridi velantes tempora myrto)  
 Cum Sol Oceano demergitur, aut vaga Phœbe  
 Nocte intempesta tacitas agit æthere bigas  
 Exoricens, nec flare levi Notus incipit aura,  
 Nec mare raucifonos urgere ad litora fluctus,  
 Tende iter in noctem: nullus ruet ære nimbus:  
 At nunc in molli corpus sternamus arena:  
 Nec tentemus aquas cæca sub nocte Pelori.

Jam ferrugineos Aurora invexerat ortus,  
 Cum tandem angusti spectamus claustra Pelori.  
 Arripiunt nautæ remos: pelagoque volamus.

Quando nocte in  
 dubia tutus sit cur-  
 sus,

Mamertini Freti  
descriptio.

Ætus Siculus.

Et quo tempore  
incipiat.

Heliotropii descen-  
dit.

At m'hi cernenti Siculi miracula ponti,  
Panditur insuetum scena in resfluente theatrum:  
Et majora quidem, quàm quæ vulgaverat olim  
Fama patrum. Freta cæca maris fervere videmus,  
Et bullire salum, & latè incandescere spumis.  
Fervidus incandet curvo velut humor ahenò,  
Cum subter virgis stridet crepitantibus ignis.  
Sed certis fervere locis vehementius æquor  
Aspicio, longoque albescere cærule tractu.  
At læves medio fluctus, tractimque fluentes  
Ocyth ire: rateique simul trahere æquora cerno.  
Obstupui primum: mox explorare latentes  
Aggredior caussas: quas & meminisse juvabit.  
Hesperia finem juxta, Siculumque Pelorum,  
Quà modico terras æstu secat unda revulsas,  
(Nam, si vera canunt, quondam fuit utraque Tellus  
Una, sed ingenti mox terræ conceita motu  
Disiluit: vapor è gremio Telluris ad auras  
Erumpens tantam potuit fecisse ruinam)  
Itque, reditque mare, & Lunaribus æstuat horis.  
Cum Luna Oceano emergit, turgescere pontus  
Incipit, & magna fertur vi percitus, ipsa  
Ascendens quò Luna trahit; nam fluctibus ille,  
Seu genius, seu dirus amor, vel conceita vis est,  
Ut Luna veniente fluant, resfluantque vicissim,  
Dum fugit. In pratis veluti flos roscidus ille,  
Helio quem Graii Tropium cognomine dicunt,  
Ut Solem mediis venientem aspexit ab undis,  
Incipit inflecti in Solem, gyroque sequaci  
Currentem cursu sequitur: mox inde reverti  
Ut vidit, retrò devexo vertice cedit,  
Orbibus assimilans Solaribus æmulus orbem.  
Floribus ingenium est, virtutis & æmula virtus:  
Nì veteres forsan Phœbi suspiret amores  
Infelix Clytie, durumque sequatur amantem:  
Oceano assurgens Phœbe vim concitat undis:  
Agglomerantur aquæ paulatim; & gurgite pleno,  
Jam mare turgescens ascendit ab usque Pachino:  
Plemmyrium (1) secat undosum, (2) Tapsumque jacentem,  
Fla-

(1) Syracusarum promontorium contra Ortygiam, *Massa d'Olivero*.

(2) *Isola delli Magniti*.

Flavaque prorumpens prætervolat ora Simethi.

Ast ubi (1) Cyclopum scopulos, (2) Acimque fluentem,

Præterit, rapida vi fertur, & impete multo

Angusti saliens irrumpit claustra Pelori.

Hinc Scyllæa fluens per litora, perque (3) Metaurum

Irruit in (4) portum, qui servat ab Hercule nomen:

Sed sensim fugiens æstus languescit aquarum.

At postquam medii circum jam Luna diei

Descendens secuit, confestim concita retrò

Vertuntur maria, & refuga Thetis æstuat unda.

Cùm verò ad Manes descendit, cærule rursus

Ascendunt, refluantque hinc & conversa sub Ortum

Dum properat, posito subsidunt gurgitis æstu.

Verùm quâ Siculum Tellus Rhægina Pelorum

Spectat, & hinc Cænys surgit, (5) Neptunius illinc;

Est rapidus maris æstus, & ocybis unda recurat.

Has inter terras ferveſcit gurgite passim,

Diversisque locis Nereus ebullit aquosus.

Est & Trinacriæ propè litus in æquore vortex

Horrendus, Graii quondam dixere Carybdim

Nomine, Cariophyllum appellavere Sicani;

Quippe illum gyro florem maris unda quieti

Exprimit: alato cùm turbine fervet Japex,

In gyrum glomerantur aquæ: velut incita fertur

Axe super longo rota mobilis, & citus orbis

Vertitur in medio: per vorticis ora rotantur

Veloces cursu fluctus: ruit unda sub imum

Oceanum præceps, rapiturque voragine tetra.

Nam subtus terram, ut perhibent, Manesque profundos

Tenditur immensus per concava saxa meatus:

Illum trans Libyæ fines erumpere fundo

Oceani voluere, viasque secare latentes

Oceanum Eoum, fluctusque haurire Sicanos.

Æstuantis Freti  
cursus.

Charybdis quæ.

Æstus Mamertini  
varia caussa.

Sub.

(1) *Li Sparagliuni.* (2) *Jaci.*

(3) Geminus fluvius alter per Turianum *Seminara* fluit,  
accolis dictus *Fiume Marro*, alter per Medamam *Rosarno*,  
& a, pellatur *Mesuma*, & *Metrami*: in hoc, ajunt se lavisse  
Orestem, & sanam iterum mentem accepisse.

(4) Herculis portus, qui & *Tropæa*, sic vocatus, quia  
ubi ad illum pervenit Siculi maris æstus, revertitur, nec  
ultrâ excurrit.

(5) Mons *Messanæ* imminens, *Colle de' Rizzi*.

Subter aquis (1) alii vastam confurgere rupem,  
 Rupis & in medio horrendum curvamine lato  
 Esse antrum dixere, sinuque patere capaci:  
 At verò rapidum contra prorumpere flumen  
 Litore ab adverso, ex ipsis radicibus Ætæ  
 Immissum cæco loca per conclusa meatu:  
 Inque specus celeri cursu devolvier amnem.  
 Quò cum spumoso venerunt impete fluctus,  
 Merguntur scissis in rupibus: inde retrorsum  
 Allili redeunt vi multa, & protinus imo  
 Vorticibus circum rapidis tolluntur in altum.  
 Seu quoniam terræ cum dissiluisse revulsæ,  
 Altus ad infernos vi per loca concava Manes  
 Latè aditus circum patuit, multusque dehiscit.  
 Hinc restus pelagi, hinc immanis & illa Charybdis  
 Cum Notus, aut Euri furit ira, aut sibilat atrox  
 Africus, horrendo implacabilis ore Charybdis  
 Æquor agit circum, rapidosque voragine fluctus  
 Sorbet, & eructans iterum jaculatur ad astra:  
 Pontus at immenso jactatus turbine venti  
 Irruit, & crebros fert longè ad litora fluctus.  
 Verùm ubi vorticibus venit jam proximus, intus  
 Præcipiti lapsu descendit, & omnia circum  
 Sorbet agens: veluti montano à vertice torrens  
 Veloci veniens devexa per avia cursu,  
 Obvius ut vasto occurrit Telluris hiatu,  
 Mergitur, & præceps Manes ruit ætus ad imos  
 Cum sonitu, latèque strepunt per confraga fluctus:  
 Si tibi chara salus, rapidam fuge, nauta, Charybdim:  
 Nam si sublapsus venies ubi vortice fervent  
 Æquora, nulla tibi dabitur fuga, nulla salutis  
 Spes ultrà: abreptam vortex trahet illicet alnum.  
 Vidi ego (Dii Superi nautis arcete periculum)  
 Hisce oculis, inquam, torrentia flumina vidi,  
 Et monstrum horrendum Sicula sub rupe Charybdim  
 Ore dehiscentem, fluctusque sub ima trahentem.  
 At latus Italiæ dextrum, maris horrida virgo

Cur Charybdis  
 æstuat.

Athanasius Kircher-  
 tius Mundi subter-  
 raneorum. l. lib. 2. c. 15.

Scylla

(1) Ita observatum ferunt ab egregio quodam Urinato-  
 re, dum Federici Regis jussu prope Carybdim urinat, ut  
 auream pateram ab ipso Rege projectam è fundo educeret:  
 huic Nicolao nomen erat à Prochyte oriundus, verum ob  
 insignem urinandi artem cognomento Piscis vocabatur, De  
 hoc plura in Halienticis.



Scylla tenet, canibusque latrat succincta marinis.  
 Litore densantur cautes, penithsque cavernis  
 Unda fremit, vocem sævorum imitata luporum.  
 Cùm pelago jactantur aquæ, tu cautus in altum  
 Carpe fugam: nam Scylla sinu complexa profundo  
 Discerpt, monstribusque dabit tua membra marinis.

Scylla quæ.

Præterea, mare dum refluit Sicana secundum  
 Litora, præcipiti cursu tunc scandit ad oras  
 Italiæ pronum, ferturque rapacibus undis.  
 Est & Rhegino prætenta in litore villa  
 Nacaris (1) antiquo Nymphæ de nomine dicta,  
 Læta situ aprico, & pulchris spatiosa viretis,  
 Mollemque ad Zephyrum, & Solem conversa cadentem:  
 Palladio è ludo quæ fessi sæpè solemus  
 Querere secessum Musis, atque otia læta.  
 Hinc æstus molitur aquæ primordia cursus,  
 Et Mamertini contendit in ostia portus:

Mira de æstu.

Villa Rheginæ descriptio.

Ut venit, allisus retrò ruit inde citato  
 Torrente, & medio despumant gurgite sulci:  
 Alter at interea per litora profluit æstus  
 In Cænym; hinc lævam tendit, litusque Sicantum.  
 Cùm fluit unda, brevis pelago via: nullus & alnos  
 Pontivagas agitare labor: cita cærula puppes  
 Ipsa ferunt; non remo opus est, non flamine. Collem  
 Qui viridem Cænys, spatiosaque rura Saliæti,  
 Et Scyllæa (2) colunt qui litora, lentre cavata  
 Trinacriam nullis pulsantibus æquora remis,  
 Descendente mari, veniunt, redeuntque retrorsum,  
 Dum salit: imbelles pueri, innuptæque puellæ  
 Veloces agitant cymbas, fugiuntque per undas.  
 Non vada, nec rapidi formidant fluminis æstus,  
 Aspera quæque dies, longusque emolliit usus.  
 At si cùm refluit maris æstus, & unda recurvat,  
 Obvius ire velis, frustra conabere tonfis,  
 Incassumque Noti descendunt puppe secundi.  
 Sæpè rates medio hærentes in gurgite vidi,  
 Cùm venti velum inflarent, velut aspera saxis  
 Stat rupes immota mari, ventosque laceffit:

Æstus multiplex.

Sæpè hærent in æstu naves; &amp; quid tunc agendum?

Ceu

(1) Suburbanum rus Collegii Rhegini, *Nacaren* vulgus vocat. (2) *Lo Sciglio*, oppidum serico lanificio nobile: ex quo in Siciliam vel ipsæ mulieres sine remo, sed fluxu ferente veniunt, redeuntque.

Ceu stetit extemplo mediis in fluctibus alnus,  
Cum trabibus subter curvis Echeneis adhæsit.

Si fortè in rapidos spumosa Doridos æstus  
Turritæ inciderint naves, tunc ære canoro  
Dant longè signum: Scyllæo ab litore rector  
Accitus venit extemplo, immotasque carinas  
Vorticibus trahit è mediis, pellitque periculum:  
Multo illum nautæ servati munere donant.

Britanni, in Bel-  
gicum æstu ferente  
navigant.

Non secus è patria veniunt Tel'ure Britanni:

Æstus ut Oceani refuit, dant puppibus undas,  
Descenduntque mari refugo: mox concita retrò  
Ut saliant maria, è puppi demittitur alto  
Anchora, & in medio feriati gurgite sidunt.  
Rursus & ex imo deducitur anchora fundo,  
Cum cedit, longèque petunt sine remige Belgas.

Calli milicis audax  
facinus.

Tempestate illa, Zanclem qua Galus habebat,  
Sicaniamque omnem bello vertebat opimam,  
Cænyos aprici memini me litore curvo  
Allobrogem vidisse virum, cui nomen Jopas,  
Hunc rigidi falsa sub proditione Sicani  
Infonsem fisto indicio: quia scilicet igni  
Aggessus totam clam noctu incendere classen,  
Atque urbem simul, atque omnem subvertere gentem;  
Damnavere neci, mortemque inferre parabant.  
Ille ubi cognovit se certæ occumbere morti,  
Incœpit versare modum, quo tristia Fata,  
Et necis infandæ sortem vitaret iniquam,  
Moliturque fugam (justis Deus adfuit ausis).  
Cum prima ex alto rueret nox humida cœlo,  
In mare se nudum demittit, & æquore nando  
Incipit Italiæ celeri contendere cursu.  
At miser hæc, illac quâ fervidus ipse trahebat  
Æstus, oberravit dubius, vitæque, viæque.  
Cum tandem (infonates cœlo pia numina spectant)  
Cænyos undosâ venit jactatus ad oras  
Sarmianimis, gelidoque jacebat litore nudus.

Fortè pererrabat per proxima litora Tarchon.  
Excubias qui forte datæ tunc noctis habebat:  
Hic ubi conspexit Lunæ sub luce maligna  
Advenisse virum in litus per cœrula nando,  
Fit propior misero, & novitatis imagine captus,  
Dicere qui sit, quidve agitet, quo sanguine cretus;  
Hortatur, dextramque viro dat pignus amoris.  
Ille algore rigens vix hæc dedit ore trementi:

Gal-

Gallus (1) ego, Siculos, invisaque litora fugi;  
 At tu, si qua animo pietas, si tangeris & tot  
 Ærumnis, mea membra fove: nec plura profatus;  
 His dictis, Fatoque viri commotus acerbo  
 Magnanimus Tarchon, gelido de litore nudum  
 Sustulit, & lætus cervici imponit inertem.  
 Ut vicina subit sociorum castra, rigentes  
 Ignibus admovit sublatis militis artus.  
 Hic, ubi vitali recreatus membra calore,  
 Et solitæ vires animo rediere, profatur:  
 Et causas omnes referens ab origine dicit:

Hic mihi, vinctus equo dum florea rura Salicti  
 Propter aquas, jubare exorto, litusque pererro,  
 Hæc dedit: explevitque animum novitatis amantem.  
 Me primùm pelagus cæco sub sydere nantem  
 Trinacriæ ad litus, quâ fluctuat unda (2) Pelori,  
 Egit: & hinc refluens retrò maris æstus ad oram  
 Italiæ vestravit, aquis ducentibus ipsis.

Mirus, & in a-  
 cando casus.

Hic me conantem vicina tenere natatu  
 Litora, transversum veniens vi pontus abegit  
 E terra, & Siculas iterum perduxit in oras.  
 Hinc, cum jam portum, desertaque claustra subirem,  
 (Seu Divum pietas fuit illa, & credere par est;  
 Seu sic nostra tulit Fortuna, aut gurgitis æstus)  
 Descendens pelagus rapuit, duxitque, benignus  
 Quam me semianimum accepit de litore Tarchon.  
 Sed quod tunc animo mirum, indictumque putabam;  
 Accipe. Triginta conspexi in fluctibus æstus  
 Fervere, & totidem rapidis torrentibus æquor  
 Desfluere, Herculeo dum currit ab usque recessu.  
 Qualis per campum multis delabitur amnis  
 Austus aquis, cursuque fluit devexus in æquor.  
 Alter & in Boream currebat, & alter in Austrum:  
 Egelidis erat alter aquis; sed fervidus alter  
 Amnis erat: vix nudus aquas tolerare rigentes,  
 Vix calidas recreatus aquas perferre valebam.  
 Mira quidem, sed vera: malisque exercitus ista  
 Ipse meis vidi; & doctum experientia fecit.

Triginta in Siculo  
 freto æstus, quorum  
 unus calidus, frigidus  
 alter.

Tom. II.

Y

In-

(1) Accidit audacissimum istuc transfugæ factum hyeme  
 nocte rigidissima, ut instar portenti visum sit: illum pluri-  
 bus aureis donatum ad suos remisit *Theodorus Comes Bar-*  
*bovius*. (2) Unum ex tribus Siciliæ promontoriis, quod  
 Orientem spectat, *il Faro*.

Morganæ Rhegi-  
norum descriptio.

Interea canos septeno impulsus phælus  
Remige sulcabat fluctus Rhegina secundum  
Litora: pulchra modis cum se (1) spectacula miris  
In pelagi medio nobis visenda dedere.  
Invenient vix dicta fidem: majora Sicano  
Occuluit Natura freto miracula rerum,  
Quam veniunt alto glomerati ad litora fluctus:  
Illa sed ardemus narrare, & dicere causas.

Principio tenui crispantur cæcula vento,  
Postquam multa quies risit tranquilla per alta:  
Hinc miranda vago pandit se scena theatro,  
Et gratus mentem stupor occupat: æquore centum  
Arboribus latè densis frondescere sylvas  
Montibus in summis, & per florentia rura  
Innumeros errare greges, errare capellas:  
Pastores & mille greges post ire sequaces,  
Aspicio, & tenui deducere carmen avena.  
Parte alia centum juvenes percurrere sylvas,  
Atque altos video montes, avidisque Molossis  
Umbrosos nemorum latè circumdare saltus,  
Venatuque feras agere, & vibrare sagittas  
Ex arcu, & leporem, & timidam transfigere damam.  
Flumina & ex altis devoluere rupibus undas  
Electro similes, viridique crepidine ripas  
Floribus intextas hyali splendere colore.  
Attalico veluti variata tapetia luxu,  
Aut quæ divisi texunt aulae Britanni.  
Unum ego sed pulchrum visu, mirumque putabam:  
Cærulei passim montes, auroque nitebant;  
Et fulvæ pariter sylvæ, saltusque, feræque.  
Et venatorum croceis lita corpora guttis.  
Innocuis longè ardebant trepida arva favillis:  
Vernabant nemora, & fata rura rubentia flammis.  
Ut cum purpureus mediis in nubibus arcus

Emi-

---

(1) Mirabile hoc refractæ post repercussionem lucis spectrum ( Non enim in Athanasii Kircherii sententiam eo, qui nescio ex quibus sulphureis halitibus, lapillisque in Mamertini freti fundo relucens evenire id putat ) Rhagini patrio sermone, *la Fata Morgana*, appellant. Est autem adeo mirum Naturæ phasma, ut vix fidem inveniret, ni tot essent oculati testes, quot sunt ferè Rhegii incolæ. Contingit autem æstate, vel autumno, cum post summam malaciam leviter undæ crispari incipiunt.

Emicat, & centum trahit alto à Sole colores.  
 Pastores, mixtimque greges in collibus aureis  
 Errabant, rutiloque ardebat Tityrus auro;  
 Aurea & auratæ tondebant prata capellæ:  
 Et fulvæ Serum referebant vellera lanæ.  
 Alta coloratis fulgebat frondibus arbos:  
 Fulgebant nova poma, novisque coloribus arva.  
 Qualis Alcinoi Eois in finibus horti,  
 Hesperidumque velut trans longè Atlanta reposti:  
 Qui (si vera sacri cecinerunt carmine Vates)  
 Purpureis ardent flammis, auroque nitescent.  
 Cæruleis passim intermixta coloribus arva  
 Culta micant, virides truncis imitata smaragdos:  
 Aurea poma rubent: sed flos argenteus exit.

Hæc dum prospicio: pendentes aëre sylvæ,  
 Atque feræ, atque homines, atque aurea flumina, & arva,  
 Ut venit levis aura, mari non amplius alto  
 Visa mihi, & dicto citius fugere sub auras.  
 At facies nova sese oculis tulit obvia nostris:  
 Altâ velut versis discessit frontibus olim  
 Scena theatri circo: nova visa repente,  
 Et miranda quidem pulchris spectacula rebus.  
 Penfile conspectum suprâ mare; & æquore fluctus  
 Purpureos pendere procul de puppe videbam,  
 Curvaque depicto protendi litora gyro.  
 Ad cautes fulvum spargebant cærulea rorem  
 Allisa, & fulvo splendebant murice cautes.  
 Mille rates vitreis errabant fluctibus, auro  
 Ardentes: varioque interdistincta colore.  
 Roboraque, tabulæque cavæ, remique micabant.  
 Ex auro mali turrato vertice in auras  
 Surgebant; pictis, & per carchesia signis  
 Undabant vexilla; velut tenuissima tela,  
 Vellere Seriadum intertexta, & murice tincta.  
 Candida vela, notis sed per confinia rubris  
 Texta videbantur, pictisque undantia villis:  
 Et villi multa saturi Sidone rubeant.  
 Mille Phari nivea ex crystallo, ostroque nitentes  
 Per puppes rutilo cælatas desuper auro,  
 Sole re percusso radiabant undique circum:  
 Sol velut ipse nitens medio splendescit Olympo.

Parte alia magno circum curvata theatro  
 Urbs angusta polo tollebat mœnia, & altis  
 Circuita longo surgebant molibus ædes.  
 Mille coronato spatiosa palatia circo

Cæruleis depicta notis, mixtoque smaragdo,  
 Et minio ardebant, rutilæque simillima flammæ,  
 Alta videbantur succendi culmina, & omnes  
 Igne domos flagrare; coloribus & lita centum  
 Testa coruscabant, gemmisque urbs tota nitebat.  
 Undantes vidi fontes vibrare favillas,  
 Et liquidum argentum: vibrata canalibus unda  
 Purior electro, mixtimque argentea guttas,  
 Et croceas fundebat aquas: pictoque sub arcu  
 Curvata in varios sparsim distincta colores  
 Se pulchram visu præbebat: ut Iris aquosas  
 Per nubes nitida cingit ferrugine cælum.  
 Ingens turba virum per compita, perque plateas  
 Errabant, quos picta humeros nova purpura, fulvique  
 Auratos petali crines, mitræque tegebant.  
 Et currus auro insignes, ostroque corufci:  
 Ardebant & equi flammis, fulgentiaque auro  
 Mandebant fræna, & nitidum simul ungula campum  
 Pulsabat nitida, & flammis auriga rubebat.  
 Quales Solis equi, cùm primo Oriente resurgunt  
 Oceano ardentes auro, & fræna aurea mandunt.  
 Hic ubi jam cœpit venti increbrescere murmur,  
 Extemplò dispersa leves abiere per auras.  
 (Seu mihi visa mari fuerint miracula in alto,  
 Aut subter pelagus, sive ære pendula summo)  
 Nam breve (proh dolor!) effulsit decus, & vaga lucis  
 Pompa mihi visa, & levium spectacula rerum.  
 At mihi rimanti causas, sententia menti  
 Hæc potior visa est: Sicana scilicet ora  
 Luce repercussos Rhëgina in litora longè,  
 Inque levi primùm crispatis flamine fluctus,  
 Nativa immitti radios sub imagine rerum;  
 Hinc quicquid medio natat æquore, quicquid apricis  
 Collibus adverso frondescit litore, & ipsam  
 Ingentem procul apparere à vertice (1) Falcem  
 Saturni, & magno curvata palatia circo.  
 Verùm crispatis quia, lenè afflantibus auris,  
 Fluctibus incurvant radii latera inter aquosa,  
 In diversa ruunt diffracti; hinc gurgite in alto  
 Millenæ rerum species visuntur, & igne  
 Ardere, & vario mixtim fulgere colore.  
 Ceu cùm luminibus nitidissima lumine vitra

Morgana causas quæ  
 sunt.

Obii-

(1) Messana, de qua lib. 4.

Obiicimus (1) polyedra (vocant sic nomine docti  
 Grajugenæ) variata modis spectacula miris  
 Illicet aspiciamus: vario depicta colore  
 Apparent quæcumque oculis sunt obvia nostris.  
 Tum diversa ruens nam lux pellucida vitri  
 Per latera, in varios miscet se docta colores,  
 Pubentes imitata rosas, casiamque rubentem,  
 Narcissumque, crocumque, & vivaces amaranthos:  
 Purpureos, & picta refert Thaumantidis arcus,  
 Atque ostrum, atque aurum, radiisque rubentibus astra,  
 Et centum geminas pulchra sub imagine formas.

Sed Rhegina vaga jam ventum ad litora puppi,  
 Accipiunt ubi me focii, atque in testa reducunt.

Hi læti propter felicia litora cursus,  
 Et nobis via per dubios tutissima fluctus.  
 Sic ego longinqui lustrarem regna Canopi,  
 Et Tartesiacas irem securus ad oras,  
 Si celeres mihi Parthenope daret alma phaeelos,  
 Mitteret & fortes juvenes, rectore Melantho.  
 Sed jam me, trepidis turbato in gurgite rebus,  
 Cura vocat, pectusque premit fragor altus aquarum:  
 Atque truci veniunt superandi turbine venti.



NAU.

---

(1) Vitra multis lateribus lavigata, quæ res spectabiles, pro numero laterum replicatas, visendas præbent.



# NAUTICORUM

## LIBER SEXTUS.

**N**UNC age, turbati quæ prima pericula ponti  
Exuperanda tibi, & solertia quanta adhibenda  
Ventorum adversus rabiem, fluctusque sonantes;  
Nec non & quæ cura truces defendere Syrtes

Puppibus, & longè scopulos transmittere acutos,  
Atque æstus vitare, sinusque inquirere, dicam.

Tu magni regina maris, Jesseia virgo,  
Dextra veni, trepidisque præi tu, diva, carinis:  
Tu vastas aperi Syrtes, & marmora placa:  
Collektasque fuga nubes, cælumque serena.

In primis ea cura animo tibi multa recurset;  
Pendentes dubio in cælo vitare procellas.

*Ingruente tempe-  
state portusqueendi.*

Ergo ubi jam longo nigrescere cæcula tractu  
Aspicias, montesque atras obtexere nubes,  
Vel nigrum Aurorâ latè transcurrere nimbum;  
Fleste iter in portus, & proxima litora cursu  
Tuta pete, atque moras omnes celerare memento:  
Ut cùm sublimi spectavit vertice pastor  
Ingratam pecori descendere rupe procellam,  
Ac penitus sylvas reboare procacibus Austris,  
Lanigerum vocat ore pecus: sparsumque repentè  
Colligit, & tutis pressans agit agmina caulis.

*Ut duces urbium  
contra aggressores,  
iâ se nautæ contra  
tempestates insteant.*

Verùm si subito incumbant stridore procellæ;  
Et loca tuta fuga, & portus penetrare negatur,  
Tunc opus est arte, & magnis tunc viribus usus.  
Ac velut, armatus vallo cùm se intulit hostis,  
Dux ubi terribilem cristis, atque ære nitentem

*Apta-*



Aptavit capiti galeam, & lateri addidit ensem,  
 Fertur in arma ferox, aciesque, & moenia lustrat.  
 Fortibus imponit primæ tutamina portæ,  
 In muros alios, & propugnacula mittit.  
 Hos ignes jubet in vallum, atque immittere saxa:  
 Hos tormenta: cavas alios explodere cannas:  
 Illos murorum subitas farcire ruinas  
 Aggeribus plenis, lunataque cornua primis  
 Obiectare locis: interritus ipse per omnes  
 It partes, distisque animos incendit, & iras.  
 Haud secus & rector faciet, cùm turbine spectat  
 Densari cœlum, tollique à gurgite fluctus:  
 Impiger & ventis, & motis impiger undis  
 Obvius occurret. Subitis cùm calibus imus  
 Obvii, & impavida obiectamus fronte sinistris  
 Infractos animos, superatum ex parte periculum est.  
 Hos jubeat rigidos manibus versare rudentes  
 Solicitos, alios demittere carbasa summis  
 Cornibus, atque sinus auris prohibere tumentes,  
 Aut citò colligere, ardenti cùm turbine ventus  
 Descendit, rectorque jubet, cùmque ipsa petit res.  
 Demittant alii antennas, alique coronis  
 Ut sidant; maloque alii, velisque ministrent:  
 Egerat hic fluctus, æquorque refundat in æquor:  
 Ipse sedens clavum turrata in puppe magister  
 Arte regat, clavoque maris spumantia frangat  
 Æquora: nunc rectum venientem à vertice pontum,  
 Nunc verò obliquum accipiat, vitetque ruentem.  
 Sic ad opus cuncti magnis conatibus unum  
 Intenti, rigidas superabunt arte procellas:  
 Urgebitque cavas assultibus irritus alnos  
 Nereus, & duro venientes turbine Cori.

Ergo ubi nautarum confestim munera quisque  
 Arripuit sua, turbatoque in gurgite venti  
 Ingeminant sese, magnum de vertice mali  
 Artemonem demitte, Notoque dolona furenti  
 Expande: at tibi tunc solertia multa adhibenda,  
 Ne mora sit, fluctusque agitent sine pondere puppes.  
 Verùm si rauco succrescat murmure ventus,  
 Antennas demitte humiles à vertice summo:  
 Et velum in latus obliqua, madidosque rudentes  
 Contrahere hinc solers, hinc & laxare memento.  
 Languida sed rigidi cùm turbinis aura remittit  
 Paulatim sese, celeres tunc brachia velis  
 Extemplo famuli intendant; iterumque repente

Cum fortius fiat  
 ventus demittendus  
 statim artemon est,  
 dolonque faciendus.

Mox & demitten-  
 da antenna.

Demit-

Demittant; cùm vela, Noto redeunte, tumescunt.

Interea (quæ cura tibi vel maxima semper,

Reſtor, erit) pictas media ſub puppe tabellas

Conſule, ventorumque ferentem nomina buxum.

Quære & qui ventus ſpiret, quo turbine ducat

Mappæ, & pyxis  
conſulenda.

Tempeſtas: quantumque tuo de tramite Rhombus

In levam, dextramque cadat: pariterque neceſſe eſt

Depreſſi erroris certas perquirere partes;

Quippè viam incertum non per vada cœca ſecabis.

Nam fuerit ſi certa tibi plaga cognita cœli,

Et ventus ſimul, atque ſuis cum partibus error,

Certum iter inſtitues: quin & freta dura triſulcis

Effugies ſaxis, pelagoque errabis aperto.

At quoniam crebrò ſe hæc, illac concita fluctu

Verſat, & in latus obliquat ſe plurima puppis,

Idcirco è medio pendeſcit Amalphica pyxis,

Libera ut in gyrum ſemper ruat incita cuſpis.

At quanta in dubiis ars ſit nunc rebus habenda,

Quando pedes la-  
xandi.

Proſequar. In velum ſi dirus ab æquore turbo

Ocyis irruerit, ſubito det pronus habenas,

Et levum, dextrumque pedem laxare miniſter

Conetur; diſſuſa cadet ſic turbine ira;

Ac velo cedente, perit: ceu cùm pila molle

Incidit in linum; vix impete pulſa retrorſum

Exiliet: tenui in lino vis deperit omnis.

Impiger ipſe etiam intorquens temone carinam,

Ventorum infringet vires de puppe magiſter.

Sed quid, ſi gemini diverſo à cardine venti

Deſcendant, rapiantque leve in contraria velum,

Dicam equidem, Palinure: labor, ſed maximus ille eſt.

Parte ruens gemina geminum evitare periculum,

Hoc opus, hic labor eſt, altum tu deprime velum.

Quid cum gemini  
ex adverſo ingruunt  
venti,

Ventorum cùm luſta mari fremit horrida vaſto.

Nunc raucum accipias contractis cornibus Auſtrum;

Nunc Boream; ſed fronte petas cave flaminis iſtus:

Da latus: obliquus velo ruat impetus Auſtri.

Ceu gladiator, ubi incipit certare duello,

Atque hoſtem adverſa venientem cuſpide vidit,

Extemplo avertit pectus, rigidumque cruento

Hoſti dat latus, atque eludit cuſpidis iſtum.

Si, cedente Noto, diras Aquilone procellas

Vento ſeviente,  
non obvertendum  
velum, ſed demitten-  
dum prius eſt.

Arctox mittent rupes, cave vela repentè

Obvertas: geminis primùm demitte ceruchis:

Inde dabis Borex venienti vela, magiſter.

Nam ſi continuò ſtridet cùm turbine ventus,

Cornua veligerarum obvertimus antennarum,  
 Prona dabit latus, & subter ruet æquora pinus:  
 Cura etiam, ne dira ruens vis ipsa procellæ  
 Obvertat velum: cum videris aëre ventos  
 Adventare, cito conatu collige velum.  
 Tædia nec magni capiant te multa laboris;  
 Namque optata salus multo speranda labore est.  
 Verum si leni descendant flamine venti,  
 Haud veto; nam crebrò memini fecisse Thoantem:

Nec minor ille labor fluctus haurire refusus  
 Sentina ex humili: rimas laxare patentes  
 Plurima cum cœpit pelago concussa carina.  
 Sed quibus epotos valeas educere fluctus  
 Artibus, expediam, compertaque mira docebo.  
 In primis facili torno, duraque cavandus  
 Ex ulmo tibi modiolus, pedibusque carinam  
 Ter quinis super ascendat: sic antlia fluctus  
 Evomere alta potest, æquorque remittere in æquor.  
 Hinc septum in medio transversum impone canali  
 Ex ære, aut ligno è solido: foris arctaque circo  
 Insit aperta: cuproque illi mox insuper adde,  
 Aut durum è corio tegmen, clavoque refige,  
 Concludi ut pariter possit, pariterque recludi.  
 Sive editus sit dandus aquæ, aut prohibendus ab illa est.  
 His actis, valido de robore nocte canali  
 Embolum, & ære illum circum vestire necesse est.  
 Equè & modiolò insertus respondeat imo;  
 Ne quà per latera intromissus permeet aër.  
 Est cavus ipse etiam formandus & ante cylindrus,  
 Cui septum, medioque foramen: & insuper olli  
 E corio tegmen sit mobile, quo fluat unda  
 Intromissa tubo, & clauso, non effluat illo.  
 Ferrea firmandus manica mox embolus axi  
 Ferreus, & solidis insit versatilis axis  
 Cardinibus super, ut possit cavus embolus alto  
 Nunc facili attolli nifu, rursusque deorsum  
 Demitti, & potos sentina reddere fluctus.  
 At verò ut valeas axem versare rotundum,  
 Prælongam capulo virgam duro inferere ferro.  
 Hæc fuerit constructa tibi cum machina, ab ipsa  
 Momento poteris fluctus haurire carina;  
 Nam si demittas virgam, tollasque vicissim,  
 Continuo exhaustum ex imo dabit antlia pontum.  
 Non hic Ortygii [miranda inventa magistri  
 Præteream, quibus ille olim de nave Sicani

Antliæ descriptio,  
 & structura, qua è  
 sentina hauritur aqua.

Item Cylindri At-  
 chimedæi.

Tom. II.

Z

Epo-

Quos potuit fontes haurire tyranni.

Faginus, & longa tendatur mole cylindrus:

Cardine & in gemino, teretique, volubilis ille

Nectitur obliquus, cui longum ex ære canalem

Inque helicis circum formam, strictusque revolve.

Immergatur aquis pars ima: sed alta carinam,

Et tabulata super sese efferat: inde cylindrus

Assidue contrâ fluctus versetur in orbem.

Quo & Nautæ  
egitur.

Namque imo quos haurit helix, alto evomet amnes.

Non secus ex imo sentinæ (1) nautæ in æquor

Egeritur: putris semper purganda carina est.

Ne nautas intus conclusus pestifer humor

Inficiat, generetque graves per corpus achores.

Interea famuli rimas opplere patentès

Solliciti certent, & stupea trudere ferro

Vincula, quæ veniens fundit se plurimus imber.

Et super accensamque picem, ceramque tenacem

Effundant. Pelagi sed me fragor altus, & atrox

Ad majora vocat rauco stridore procella.

Naufragio impen-  
dente, proiciendæ  
opes, impedimenta  
que omnia.

Ergo ubi tempestas vertit sinè more profundum;

Spumeum, & elatis puppes mare contegit undis,

Tunc opus ingentes gazas, & inutile pondus

Altos proicere in fluctus (potiatur & illis

Doris avara sinu in vasso, & Neptunus avarus:

Tu verò optate potiaris munere vitæ)

Tunc levis extemplo surget de gurgite puppis:

Et facilis vento adverso, pelagoque ruenti

Delectare labor: nec te auri dira cupido

Alliciat, nectatque moras spes credula longas:

Chara magis sit vita tibi: præstantior omni

Illa auro, regumque opibus, sceptrisque superbis.

Quin, Fato variante, fluunt, resiliuntque vicissim

Nescia stare loco mortalibus addita dona:

Si supereff nobis animus, nec dextera cesset.

Quæ modò Fata ferunt, referent citò divite censu.

Præterea si fortè rapax de vertice summo

Dejecit turbo malum, velumque per auras

Abrupit, vel dira Noto jactata feroci

Gubernaculi ja-  
citur statim repasan-  
da, & mali.

Unda gubernaculum rapuit, sparsitque per æquor;

Tunc rector certet citus infrenare solutam

Immisso temone ratem; nam cætera pendent

Hoc uno: Ruptis periit ceu currus habenis;

Sic

(1) Putris aqua, quæ in sentinam per navis cola defluit.

Sic scisso temone ratis: retinacula puppi  
 Mittere cura olli sit prima, & maxima semper,  
 At fortes studeant nautæ sustollere malum:  
 Et prona in proram canentia carbasa pandant.  
 Nemo piger, vel lentus erit, timidusque periclo.  
 Casibus audaces nautas decet esse finistris:  
 Frangimus audaces, timidi sed frangimur undis.  
 Ipse sed ante alios audacior ibit in omnes  
 Fortunæ casus rector, cui cætera curæ.  
 Qui non præque ferat demisso lumine vultum,  
 Pectore & ignavos animos, turpemque timorem.  
 Semper lætus erit, quicumque per æquora casus  
 Pendeat, & læto vultu spes ipse serenet.  
 Ac veluti, Fortuna vices dum mutat iniqua,  
 Verso Mæste, duces opus est prævertere Fata  
 Impavidè, & læta mentiri gaudia fronte:  
 Rectorem haud aliter cùm spes jam deperit omnis,  
 Naufragio pendente truci, simulare necesse est;  
 Namque omnes uno pendent rectoris ab ore,  
 Illius inque oculos cuncti sua lumina figent:  
 Unus erit vitæ, & mortis simul auctor, & index.  
 Audebit si fronte fera occurrere periculis;  
 Audebunt socii pariter: si fortiter ibit  
 In casus omnes; eadem in discrimina rerum  
 Illi etiam prompti venient: si lentus aget rem;  
 Viribus illi etiam languescent. Denique rector  
 Qualis erit; talem geret & se quisque minister.  
 Sic Surrentinum memini fecisse Thoantem,  
 Cùm lætam Ægyptum peterem, & felicia Nilo  
 Arva. Per Jonii fugiebat marmora puppis,  
 Undique cùm cælum spissæ texere tenebræ,  
 Eripuere diem, & nigra fluctibus incubuit nox.  
 Extemplo cecidit Boreas, atque alta quierunt  
 Æquora: nec lævis pelago submurmurat unda.  
 Mox sensim tolli, non dum spirantibus Austris,  
 Incipiunt fluctus, venturæ signa procellæ.  
 Tempestas sinè more ruet, si cæcula nullo  
 Confurgunt jactante Noto: tunc ore profari  
 Cœpit puppe Thoas: Quoniam sæva imminet alto  
 Tempestas, totusque in nubem cogitur ær,  
 Colligite arma citi, solitasque intendite vires,  
 O socii, ventisque acres occurrite, & undis.  
 Hæc ille: & dicto citius generosa juventus  
 Armamenta capit, nervosque, & brachia tendit.  
 Procinus effusus reboans ruit imbribus Auster,

Z 2

Audaces in dubiis  
 nautæ sunt, & maxi-  
 me rector.

Vatis perè nau-  
 fragium, & surrenti-  
 ni navarchi peccitia.

Thoantis ad suos  
 oratio.

Hor-

# NAUTICORUM

Nautarum mira  
solertia.

Horrendique micant ignes, tonitruque tremiscunt  
Subter aquæ, & scopuli, pulsataque litora longè  
Tunc nautæ in partes vertunt sese ocyûs omnes,  
Invigilare malo intenti, & vitare periculum.  
Demittunt subiti velum, tenduntque rudentes:  
Et velis acres animis, manibusque ministrant  
Unâ omnes, nifu unanimi, & clamore secundo:  
Horridus adverso cœli de cardine turbo  
Improvissus adest, scissumque à vertice summo  
Dejectat malum: nautæ tunc ilicet omnes  
Arboris incumbunt lapsæ sarcire ruinam:  
Erexere alium, parvumque dolona dedere:  
Sed vento jactante fretum, jam gurgite cæco  
Instar montis aquæ surgebant: undique circùm  
Obruitur latus, & rimis ruit æquor apertis.  
Sævâ gubernaculum rapit unda, & vortice mergit.  
Non animis fractus forti cum pube magister:  
Ilicet immittunt curvæ retinacula puppi;  
Quoque modo possunt venientia cœrula vitant.  
Ast ubi diffindi trifidis latè aëra flammis,  
Et sœvire Notos, montesque attollere aquarum  
Aspexit rector, collabi jam penitis rem  
Sensit: at audaci socios cum fronte ferenus  
Hortatur, conditque altum sub corde dolorem:

Altera Thoantis  
oratio.

O mihi forte dati, magnas nunc promite vires,  
Nunc animos, quibus alta olim Acroceraunia, & undis  
Dispersas Cycladas, dirumque Capharea puppi  
Legimus incolumes, Maleæque sequacibus undis,  
Ægæoque mari, Siculisque erravimus oris:  
Et duras toties hyemes, nimbosque sonantes  
Vicimus, & mediis toties evasimus undis.  
Non mala vos vincant: non vos hæc terreat atrox  
Tempestas, socii: fumus iidem, & vivimus ipsi.

Audete, ò magni; Audendo sibi quisque facit spem.

Spem vultu simulans dedit hæc: tum fortiter illi

Et superare Notum, & spumantem Nerea certant.

Ast ego naufragium quoniam impendere videbam,

Et jam sublapsis horrendo in turbine rebus,

Spem frustra accendi, geminas ad fydera palmas

Intendo, & supplex humili clamore precando,

Talibus exorsus: Si quid peccavimus ipsi

O Superi, & noxis sacras temeravimus aras,

Parcite: si qua polo pietas, & fluctibus atris

Eripite hanc animam: ò, dextram proferite, benigni

Cœlicolæ: at tu, SABERIDE, Deus æquoris, alto

Vasis ad Superos,  
& Saberiden precor.

Axe veni, ventosque fuga, & freta turgida placa.

Vix hæc: extemplo fummis splendoribus æthra  
Effulgere mihi visa, & nigra undique circum  
Nubila discludi, roseaque è nube refulgens  
Est mihi SABERIDES spectatus in aëre, qualis  
Alta peregrinus fulcabat marmora Nerei,  
Aut pedes Eoo vestigia certa premebat.  
Quo viso fugere Noti, fugere procellæ,  
Et mare pacatum, & summo lux reddita cælo,  
Et data tunc vitæ nobis simul aurea lux est.

A quo servatus.

Olli tunc ego: Quis grates persolvere dignas,  
Dive, tibi valeat tanto pro munere vitæ  
Concessæ, quæ merfa mari periisset in alto,  
Ni tempestatem pelago, ventosque fugasses.  
Quicquid & ingenium, & quicquid mea carmina possunt,  
Cuncta tibi voyco; & te carmine, Dive, canendo  
Implebo promissa memor: mihi fronte serena  
Annuit ille; poloque volans sese intulit alto,

Etgo, tibi cùm nulla datur spes, & ferus Auster,  
Et duræ superant animos, artemque procellæ,  
Auxilio tum, nauta, Deos clamore vocato.  
Nam tibi contrà undas, tempestatesque sonantes,  
Nil facilem præter lacrymam, & pia vota relictum est.  
Ipse etiam navis rector, qui cuncta gubernat,  
Concipiat pia vota: piis & munera Divis  
Spondeat: Ipsi etiam placantur munere Divi.

Superi in exitu  
mis exorandi.

Postquam vota Diis concepta, & crimina multis  
Cum lacrymis, precibusque piis, Palinure, piasti,  
Acrior ingeminet si ventus, & æquora surgant,  
Te primum ferro sublimi à vertice malum  
Præcipio medium succidere ad usque trachelum;  
Proicere atque illum in fluctus: tibi cura sed illa,  
Hinc ne fortè ruens socios, puppimque flagellet.  
Mox si nec vento modus est, crescitque periculum,  
A pterna totum celeri succide bipenni.  
Funibus & duris clavus tibi puppe ligandus,  
Ne transversa ferat maris unda; ratemque furenti  
Da vento: docto quoniam spes nulla magistro,  
Nulla arti superest: rapiunt quo turbine Cori,  
Tendendum, si fortè cadat Fortuna, vel ipsi  
Supplicibus tandem placentur Numina votis.

Quando cedendus  
sit malus.

Et pavli ventorum  
arbitrio committenda.

Prætèrea in pelago nimbis comprehensus iniquis,  
Angustis conclusa vadis loca, duraque saxa  
Marmora, & horrendas longè fuge, nàvita, syrtes.  
Namque acti ventis cùm currimus æquor apertum,

Angusta loca vi-  
tanda.

Et

Et si nimbiferi strepitent per Nerea Cori,  
 Quoque modo licet, & ventos duramus, & undas.  
 Verùm si nautis errandi nulla potestas  
 Oceano datur, in scopulos, in saxa necesse est  
 Allidi puppem, aut siccis impingere arenis.

At procurva rates in litora si Notus egit,  
 Nullus ubi portus venienti brachia tendit,  
 Nec sinus in tuta pandit se valle reductus,  
 Anchora de proa jacitur, quæ dente trifulco  
 Navim firmet aquis: verùm si fortior Eurus  
 Sibilet, & tumidi veniant à gurgite fluctus,  
 Mitte etiam (1) sacram, multo quæ corpore præstet;  
 Firmius illa ratem fundabit in æquore: ceu cùm  
 In gyrum vacuæ fluitant sine pondere lances,  
 Et vento, hæc, illæ jaçantur, & aëre nutant:  
 Verùm iusta cavis si pondera lancibus addas,  
 Confestim medio librantur in aëre: nec jam  
 Dant latus in ventum, aut circum versantur in orbem.

Cum ventus è ma-  
 ri fiat, fugienda lito-  
 ra.

Quin & turbato cùm stridet ab æquore ventus  
 Acror, alta pete, & fractas fuge litoris undas.  
 Ast ubi navigiis vicino à litore Caurus  
 Incidit, aut Boreæ implacabilis ira sonantis,  
 Litus ama, & longè Tethyn trans mitte tumentem.  
 Nam si oram fugies, transversa ruentibus Austris,  
 Pelletur longè pinus: nec tendere tantùm  
 In ventum curvo poterit temone magister:  
 Vincet vi ventus; ratis & per aperta trahetur.  
 Quò tandem objectum ad litus frangatur, acutos  
 Illis in scopulos, cumlove impingat arenæ.

Sic nostræ periere rates, & Ibera juvenus  
 Ad Scyllæ cautes, & Orestis proxima saxa,  
 Portus ubi quondam steterat: nunc rupibus horret  
 Infelix statio. Mauræ vastator arenæ  
 Africus imbriferis pelago insultaverat alis.

Andrea Avali clo-  
 gium, & qua se arte  
 servaverit.

Avalus (2) antiquo regum de sanguine cretus  
 Austriacæ dux classis erat, geminosque per Orbes  
 Egrediis clarus palmis, clarusque triumphis:  
 Qui magnis olim sulcarat classibus æquor

Atlan-

(1) Ancora della Speranza. (2) Andreas Avalas è Marchionibus Aterni Pescara, & Histonii Vasto, Montis Sarchii Princeps, Indicæ primum, mox Siculæ classis summus Praetor, vir & animi magnitudine penè regia, ac factis late clarissimis meritò immortalitate donandus.



Atlantis, latèque novum lustraverat Orbem,  
 Missus in imperium magnum, quem mille secutæ  
 Sunt acies: domuitque ingenti clade tyrannos  
 Oceani, & rigida piratas cuspide fregit:  
 At tunc Zancleos dura obsidione premebat.  
 Hic, quem multa maris dudum experientia doctum  
 Fecerat, & cœli pariter, ventique peritum,  
 Ut densò vidit venientem turbine nimbum,  
 Impiger hæc classem ferri mandata per omnem  
 Imperat: Italiæ cautes, ubi Scylla remugit,  
 Et maria alta citi fugiant, vicinæque rostro  
 Litora Sicanæ stringant, humilemque Pelorum:  
 Quod demùm servata mari se classis aperto  
 Mittat, & ad tutas vertat se navibus oras.  
 Ipse latus stringit Siculum, raditque Pelorum:  
 Hinc in (1) Leucopetram contendit, & æquor apertum  
 Puppe petit, senique alii petiere, secuti  
 Rectorem, tutique sinum tenere Tarenti.  
 At reliqui magni temnentes iussa magistri,  
 Protinus in scopulos allisi, animamque dedere  
 Indecores. Aded data iussa capeffere multum est.  
 Sed tibi non cura, rector, levioze cavendum,  
 In terras cum ventus agit te plurimus, & jam  
 Naufragium Fortuna tibi crudele minatur,  
 Concita ne vento in rupes ruat alnus: apertum  
 Quæ litus patet, & brevis æstuat unda, carinam  
 Dirige; sic gens incolumis servabitur omnis.  
 Verùm hic difficilis labor est, latè undique circum  
 Cum rigidæ assurgunt rupes, & vix brevis inter.  
 Ora patet cautes, rarisque albescit arenis;  
 Quatenus angustæ veniens ratis incidat oræ.  
 Sollicitus certam stationem in litore signa,  
 Atque iterum explora: vento mox pronus habenas  
 Committe: optatas puppis continget arenas.  
 Ut cum venator certam sub frondè latentem  
 Egregius signavit avem, emisitque sagittam  
 Ex arcu: volat illa leves impulsæ per auras  
 Recta petens volucrem, volucrique infixæ residit.  
 Nunc age, qui tuti portus, quæ fida carinis  
 Sit statio, dicamus. Aquis jactatus iniquis,  
 Doris ubi Oceano sese conclusa maritat  
 Herculeam ad metam, vicinas, navita, (2) Gades,

Cavendum nec in  
 scopulos incidat na-  
 vis, cum vitari nau-  
 fragium non potest.

Portuum cathalogus.

Vel

(1) Ultimum Italiæ promontorium, *Capo dell'armi*.

(2) Insula, & urbs *Cadice*.

Hispaniæ portus,

Galliæ,

Italici,

Vel (1) Tingitanæ venies Telluris ad oram.  
 Hinc Malacæ, portusque novæ (2) Carthaginiis alnos  
 Quassatas pelago, ventisque furentibus ætas  
 Servabit placido in gremio: sua brachia pandet  
 Dives (3) Alone, & quo se jactat (4) Delia, portus.  
 At si te ventus Gallis admoverit oris,  
 Massiliæ loca tuta vagis inquire carinis,  
 Lunatosve sinus, tibi quos in valle reducta  
 Ipse (5) Telo ex alto venienti Martius offert;  
 Et quos objectu laterum dant (6) Stæchades, & quos  
 Antipolis (7) præbet curvato in litore portus.  
 Ausoniam circum si striderit atra procella,  
 Trans Varum Herculeum portum, portumque (8) Monæci  
 Intrabis, tutaque Savo te sede reponet.  
 Ipsa tibi pariter regalem in gurgite molem  
 Magnifico extructam luxu, sumptuque superbam,  
 Dives opum Genua, & pictæ vestis, & auri,  
 Offeret, & firmis defendet turribus alnos.  
 Hinc (9) & Delphini statio curvata patebit:  
 Lunatas & amica dabit tibi (10) Cynthia sedes.  
 Euris jactatus freta per Tyrrhena, Liburnum  
 Contende in portum, aut turritas Herculis arces:  
 Pandet (11) & Argoum chalybum generosa metallis  
 Ilua sinum: nec longè alium (12) Populonia præbet.  
 Inde procellosis ferimur cum gurgite nimbis,  
 Nos (14) Centum accipient pacato in marmore Cellæ:  
 Tu quoque velivolis dextram, Cajeta, dedisti  
 Puppibus, Arctoa caderet cum rupe procella.  
 Quassato mihi sæpè mari Crateris ad oras  
 Hospitium dedit Inarime, gremioque recepit.  
 Ipse etiam me sæpè jugo Misenus ab alto  
 Compellavit, aquas cælo dum Corus agebat:  
 Et tepidæ Bajæ, Nefisque, sinusque Dicarchi.  
 Te placido condet gremio gratissima Siren  
 Parthenope; (14) Stabiæque reducta sede patebunt.

Præ-

- 
- (1) *Tanger* in ipso freto Herculeo sita statio.  
 (2) *Cartagena*. (3) *Alicante* Valentiniæ urbs, & portus.  
 (4) *Danium* promontorium, ubi portus vulgò *Denia*.  
 (5) *Tolone* ingens Provinciæ Portus, ac totius Galliæ  
 navale. (6) *Gallis Isles d'or*, seu *Hierres*. (7) *Antibo*.  
 (8) *Monaco* Liguriæ Portus. (9) *Portofino*.  
 (10) *Porto Venere*. (11) *Portoferrato*. (12) *Porto Ba-*  
*ratto*. (13) Centum cellæ, vulgò *Civita vecchia*. (14) *Ca-*  
*stell à mare*, exiguum antiquarum Stabiarum monumentum

Præterea pelago in medio venientibus offert  
 Artemidos (1) sedem Cynos, mox valle reposta  
 Titanum: (2) fractamque (3) Philonius accipit alnum,  
 Nymphæum pete Sardois comprehensus in undis;  
 Et Claris navim objecti teget obice saxi.  
 Sunt Drepani; portus (4) Lilybæa gurgite clauso  
 Sunt vada: sunt tutæ sedes statione (5) Pachini.

Infularum.

Jonio in magno cum se turbatus ab alto  
 Juppiter effudit totum nimbisque, procellisque,  
 Et spumam elisam, pulsataque videris astra,  
 Plemmyrium pete litus, & Ortygias Syracusas;  
 Sive (6) Ziphoni penetrabis in ostia portus;  
 Vel te (7) Zanclei compellat pompa theatri  
 Lunatos intrare sinus; mihi sæpè ubi fracto  
 Perfugium conclusa cavo dedit unda recessu.  
 Vel (8) Pylus adversa Pelopis Tellure petenda,  
 Aut (9) Samos, & tutæ (10) Buthroti navibus arces.

Jonii.

Illyris, Adriaci si spumea cærulea cures,  
 Innumeros secura sinus dabit ora repostos.  
 Italia extendet quoque dextram, & litore tuto  
 Brundusii excipiet quassatam fluctibus alnum,  
 Aut (11) Trajanopolis, vicino in litore quæ se  
 Falcato ostentat gremio, quod nulla furentis  
 Adriaci vis, aut Boreæ gravis ira lacescit.  
 At verò incolumis Barium si fortè tenebis  
 Reliquias magni supplex venerare (12) Myræi  
 Pontificis, dio semper quæ nectare manant.

Adriaci.

Tom. II.

A a

Hinc

(1) Antiquus portus non longè ab urbe Valeria, *Alesia*,  
 dicitur nunc *Stagno di Diana*. (2) *Golfo Talano*.

(3) *Porto Favone*. (4) *Marsala* urbs, & portus, dictus  
 etiam Austriacus. (5) *Porto Longobardo*. (6) *Agosta*, urbs  
 Siciliæ capacissimo portu celebris. (7) *Messina*, ubi quot-  
 quot sunt in toto terrarum ambitu celeberrimus portus est,  
 ad quem efformandum plurimum defudasse Naturam dixeris,  
 cui tamen emula semper ars non cessit, nec civium indu-  
 stria, quippe superbissimo ædificiorum theatro egregiè muni-  
 vere simul, atq; exornare. (8) Portus Peleponnesi, *Nar-  
 varino*. (9) Eadem, ac Cephallenia, in qua *Porto Guiscardo*.

(10) *Barrinò*. (11) Urbs Apuliæ Peccutiæ à Trajano  
 condita, quæ & Tranium, *Trani*, olim civibus frequens,  
 nobilis, atque elegans, celebrique Italiæ Emporium.

(12) D. Nicolai Myræ Episcopi, cujus reliquiæ Barii, quæ  
 Metropolis est Apuliæ Peccutiæ, asservantur, & perpetuo  
 manna scatent.

Hinc portus Ancona suos, atque Iſtria contrā  
Tendet, & æratis pandet ſe navibus (1) Edron.

Cūm verò Ægæi ſulcamus marmora, portus  
Pacatos aperit tibi centum Græcia Tellus.

Ægæi.

Quippè ubi crebra ruit ſubito ſtridore procella,  
Ac venti ſinè more truces bacchantur, amicos

Innumeros Natura ſinus, portusque benigna,  
Perfugium miſeris poſuit per cærula nautis.

Solicitis tendent divinæ Palladis arces

Cecropios (2) portus, (3) Pirææque tuta Magiſtris:

Et gremium pendent: mediis ceu nubibus Iris

Curvatur, pacemque refert mortalibus almam.

Et me grata (4) Chios, cūm Nereus obſtrepit undis

Accipiat: noto facundos litore amicos

Inviſam: ò, qui me ventus felicibus oris

ſiſtat, & ingenti Telluris protegat arcu:

Ingenium me mite ſoli, me collis aprici

Proſpectus, dulcesque cavis in vallibus umbræ,

Ac tepidæ invitant auræ, Solesque benigni:

Nec non & placidi mores, & amica virtum vis,

Docta animos capere officiis: ò, ſi mihi vitæ,

Ducere, quod ſupereſt, alta hîc ſub pace liceret!

Et (5) Paros, & (6) Scyros, Vulcano & maxima (7) Lemnos

Sacra dabit portus, atque Alcæo inclyta (8) Lesbos,

Et Smyrna, & Sciathos, (9) Phocæaq; (10) Delos, & Andros.

Offeret (11) Amphimalum Creta, & tuta æquora (12) Mylæ,

Aſiæ, & ſiriæ.

Aſt ubi Virgineo jaſtaberis æquore curru,

Quà Phœbo dilecta Rhodos curvatur in arcum,

Tende iter; & pleno ſubeat ratis oſtia velo.

Et Cypros (13) Salamina aperit, portuque ſilenti

Accipit ingenti quaſſatam turbine pinum:

Pellæum (14) & ſyriæ portum, (15) Tyriosque ſubito.

Cumque Palæſtinas curſu laberis ad oras,

Cæ-

(1) *Porto di Chioggia*, ò *Porto Sablone*.

(2) *Phalerus*, & *Hiphormus Athenarum portus*.

(3) *Porto Leone*. (4) *Scio* una ex *Sporadibus urbe*, & portu celeberrima. Eſt & feraciſſima, & amœniſſima ſuper reliquas Ægæi maris: viros alit ingenioſos, & comes, nec in Græcia gens eſt adeo urbana, & culta quàm ſunt Chii.

(5) *Paris*. (6) *Sciro*. (7) *Stalimeni*. (8) *Metelino*.

(9) *Foechia*, cum portu capaci, & amplo. (10) *Sdille*.

(11) *Porto della Suda*. (12) *Porto delle Carabuse*.

(13) *Famagoſta*. (14) *Antiochetta*. (15) *Sax*.

Cæsar (1) aut arcem, aut vicinam intrabis (2) Joppen.

Quà septingeminus prorumpit in æquora Nilus,

In (3) Pelusiacam contendas ilicet oram:

Sive urbem (4) Lagi, quam dat Pharos aurea luce

Nocte sub obscura, fortunatumve (5) Canopum.

*Ægypti.*

Hinc tibi Marmoricum Tellus Barcæ (6) Selinum:

Usta (7) Philænum præbebit & Africa portum:

Utica (8) & hinc, ficcas ubi Bragada lentus arenas

Humectat, lævaque patent (9) Carthaginis arces:

Julia (10) servatum tandem mox Alba fovebit.

Atque alii: nec ego cunctos comprehendere portus

Verbis hic opto, nec possem, in carmina centum

*Lybie.*

Ora licet Phæbus stimulans præcordia Thyrsò

Solveret, & dio furerem lymphatus ab æstro.

Ipse tibi piclo mundus monstrabit in orbe

Curvæ ubi secura sedes statione locentur.

At quæ cura mari in magno perquirere portus,

Accipe, quisque ades hoc carmine ritè docendus.

Membranam tabula in quadra, lævique revolves,

Ac juxta statues tornatæ pyxidis orbem:

Hinc qui ventus aquas vertat, quo turbine ducat,

Cognosces: portumque, plaga qui panditur illa,

Sedulus inquire (& propior tibi, nauta, legendus

Semper erit) velumque Noto tendente canorum,

Illum puppe petes, & litus adibis amicum.

At si nulla patet vicino in litore sedes,

Tunc aliam, transversa notat quam pagina, quæres.

Et valido obniti in ventum temone memento.

Insuper ipsa tibi securos insula portus

Offeret objectu laterum, trans cæcula sedes

Non semper, Palinure, datur penetrare repostas.

Sæpè etiam montes in ethya exporrecti,

Et curvata sinu Tellus sua brachia pandet.

Præterea situs, & varia est natura locorum

Exploranda prius. Quisquis nec portus ab omni

Securus vento: semper nec fida carinis

Quaque cavis statio; Nam nulla immunis ab omni

Res vitio est: & nulla vacat secura periclo.

Quippe alii frangunt Boream; franguntur ab Austro:

*Situs locorum investigandus.*

A a 2

Au-

- 
- (1) Tholemais Claudii Cæsaris Colonia Acrid. (2) Jassa.  
 (3) Damiat. (4) Alessandria. (5) Rosetto, vel Bocchir.  
 (6) Salona. (7) Porto Sabia, vel Hérnich. (8) Porto  
 Farina, vel Biserta. (9) Marcia, Carthaginis portus.  
 (10) Algeri.

Austrum alii expellunt; at non Aquilonis iniqui  
 Effugiunt iras: Cauro bacchante, quieti  
 Subsidunt alii, at Libyco veniente tumescunt.  
 Hæc membrana tibi, pyxisque, & sydera dicent:  
 Ac varii ostendent usus, habitusque locorum.

Sed jam quæ loca naufragiis infamia vites,  
 Expediam. Capreas longè, si nubilus Auster,  
 Aut Notus insultet pelago, transmittite carinis,  
 Hinc freta Trinacriæ, & stricti fuge saxa Pelori,  
 Cùm Libyci furit aura: vagi vada flava (1) Simethi  
 Linque procul, gelida Boreas dum perfurit Urfa,  
 Atque Noti, atque Euris, atque Aëtiæ Orithyia.  
 Hinc immota tibi longè (2) Camarina legenda,  
 Horridus Oceano stridet si ventus ab alto.  
 Herculei suspecta tibi fræta cœca Tarenti  
 Semper erunt, (3) Strophadesq; & navisfragum (4) Scylaceum.  
 Haud piger Jonii spumantia marmora ventis,  
 Nec cœlo trifidis disiecta (5) Ceraunia flammis,  
 Nec superum mare, non & litora Liburnorum,  
 Aut latus adversum, rector, temone secabis.  
 Mitte procul Ligures, nudataque saxa relinque,  
 Cùm ponto strepit Auster, & Africus asperat undas.  
 Gallum etiam litus, roseum quæ respicit ortum,  
 Vitato, si vela tument surgentibus Euris.

Præterea maris in medio freta (6) Gallica nimbis  
 Horrendum quassata fremunt, & sydera lambunt.  
 Auditur mugire yadum, penitusque sonare  
 Pulsati vento fluctus: ceu dira leonum  
 Turba fremit, fremituque procul nemus omne remugit;  
 Cùm sese contrà exercent fera prælia; vel cùm  
 Amissos quærunt catulos, quos rupibus attris  
 Furtim Getuli juvenes rapuere. Leonem  
 Hinc nostri dixere sinum, quæ gurgite in alto  
 Innumeræ periere rates, doctique magistri.  
 Tu cave puppe fretum tentare, tumentia surgunt  
 Cùm maria, & dubio pendent sub sydere nimbi.

Canrus & Ægææ fines trabe Tethyos arva;  
 Passim navisfragis horrent nam consista saxis.  
 Si superandus (7) Athos, dextra descecte carinam;  
 Et tempestatem fugies, nimbosque sonantes.

Con-

- 
- (1) *La Giarretta*, qui inter Catanam, & Leontinos fluit.  
 (2) *Camarana*. (3) *Li Stivali*. (4) *Golfo di Squillaci*.  
 (5) *Monti di Chimera*. (6) *Golfo di Leone*. (7) *Monte Santo*.

Qua sunt loca nau-  
 fragiis suspecta in Me-  
 diterraneo.

Id. Egæo.

Concava (1) Bœotum vitato, & (2) Chalcidîs oras,  
 Quâ fluit Euripus, refluitque rapacibus undis.  
 Et vada vorticibus circum irrequieta recurfant.  
 Nec propè (3) Symplegadas, durumq; (4) capharea puppim  
 Admoveas, (5) Maleamque procul transmittite sequacem.

Dum nostris Helle, dum finditur alta Propontis,  
 Sive procellosi per inhospita litora Ponti  
 Errandum, tunc lentus iter per cœrula carpes.  
 Semper & oram Asiæ lege puppe: nivosa rigentum  
 Neve Boristennidum pete litora, neve nigrantum  
 Cimmerium sedem, & (6) Mæotidis ora paludis:  
 Et duros scopulos, & saxa sonantia nimbis,  
 Tollit ubi cœlo sese (7) Marpesia rupes.  
 Litus, & Europæ fugias, ubi lata per ora;  
 Atque humilem irrorans spumosa gurgite (8) Peuceon;  
 Euxinum in pontum se devchit arduus Ister.

In Ponto.

Ister, purpureas qui nunc revoluta per undas  
 Barbara Threjiùm tot millia turbidus altum  
 Corpora in Euxinum devolvit, & æquore mergit,  
 Quæ sacra Christiadum sociatæ in fœdera dextræ  
 Demisere neci; dum CÆSAR in agmine victor,  
 Tot regna, & trepida gentes formidine solvit.  
 Barbara castra Polonus & hinc ferus ense tremendo  
 Fulminat, irrupitque, manuque à vertice signum  
 Evellit, domiti monumentum insigne tyranni:  
 Hinc & magnanimus Thracesque, Arabesque solutos  
 Prostermit Lotharus, cædesque, & funera passim  
 Aggerat, & rigidum rotat implacabilis enssem:  
 Parte alia Bavarus pietis ardescit in armis,  
 Spumantique investus equo, tonat undique ferro;  
 Intermitque Scythas, & funere mergit acerbo.  
 O magnum Fidei columen, regnique Latini,  
 AUSTRIADE CÆSAR, vos & salvete beati,  
 Dilectique Deo Reges, quos laudibus omnes  
 Servatæ attollunt gentes, plauduntque receptæ,  
 Ite sub Auroræ solio pulsare tyrannum:  
 Nunc tempus: nunc Fata vocant: dum clade recenti  
 Nutant regna: retrò & pavidus ruit Othomannus  
 Regnator; mixtimque duces formidine cæca  
 Præcipites unâ, signis, fugere, relictis,

Vienæ liberatæ,  
 & barbarorum cæli  
 exercitus epifodum.

Per

(1) Stretto di Negroponte. (2) Negroponte. (3) Eadem,  
 ac Canea. (4) Capo dell'oro. (5) Capo Malio. (6) Mare  
 delle Zabacche. (7) Caucasî pars ad Euxinum, aliis mons  
 in Pæro. (8) Insula Danubii ostiis objecta, Pizina.

Per saltus, & lustra vagi: dumque æthere ab alto  
 Jam vobis Superi aspirant, & Numen agit rem.  
 Tunc ego, vos Reges, si quid mea carmina possunt,  
 Et mihi si tantum concedent Numina vitæ,  
 Lætus in astra feram: læti vos ibitis astris,  
 Addita Cælicolis nova Numina. Sed vagus ardor  
 Quò me nunc rapuit? quæ puppim ad litora vexit  
 Oceano ex alto? vos ò procul ite Camœnæ  
 Pierides, ponti me nunc per cærulea quando  
 Nereides ducunt, humili mea tempora musco  
 Nectentes: lauro vos tum redimire potestis.

Syrtes declinandæ,  
 & scopuli.

Ergo age, qua nunc arte secunda pericula ponti  
 Effugias, dicam; repleta est Numine quando  
 Mens propiore Dei, Musisque errare per undas  
 Cæruleas ardor novus incidit. Est labor ingens  
 Declinare fuga syrtes, scopulosque trifurcos:  
 Syrtibus Oceanus, scopulisque armatur acutis.  
 Ac veluti cæcus baculo subnixus acerno  
 Ignotum prætentat iter, tractusque viarum  
 Explorat, dumis si fortè, aut sentibus horrent;  
 Et caveam, & longo rimatur saxa bacillo,  
 Quæ vitet, casusque procul depellat iniquos.  
 Haud secus, ignari quoniam versamur in undis,  
 Sedulus ipse sua faciet de puppe magister:  
 Quæ brevia, & cæcæ lateant in gurgite Syrtes,  
 Fluctibus & mediis interlita saxa notabit:  
 Omnia quæ in picti cognoscet cortice mundi.

Quæ præcipuas sine  
 syrtes, scopulique.

Ast ego præcipuas, fugies quas per vada Syrtes;  
 Expediam. Libyæ litus quæ barbara (1) Leptis  
 Infestat mare piratis, fuge semper, & oras  
 Barcæas; duris æquor quæ Syrtibus horret.  
 Hinc sunt Sardois vitandæ in fluctibus (2) Aræ;  
 Saxa vocant Itali; Phrygiæ fregere carinas,  
 Cum pius Æneas fulcabat classibus æquor,  
 Ilum in Italiam portans, magnosque Penates.  
 Syrtibus Ægyptus, brevibusque latentibus omnis  
 Armatur: Syriæque fretum, Cilicumque trifurcis  
 Ora riget scopulis: latè maris asperat undas  
 Clara Rhodos: saxis, & acuto murice Creta  
 Cingitur, & scopulis passim surgentibus omne

Ægæum

---

(1) *Leptis*, vel *Lepedus* urbs in Regno Tripolitano, ex  
 cuius ruinis fortasse Tripolis crevit. (2) Scopuli duo, ubi  
 pæcta inter Romanos, & Carthagenenses primum pax est.



Ægeum stipatur; aquis circumlita saxa  
 Naufragium intentant: nemorosam puppe Zacynthum,  
 Atque Samum, & te etiam cautus, Corcyra, cavebo,  
 Lencadiam, (1) Strophadesque, & fluctifragam Cephalenen.  
 Cautus & Illyricos, & lapidis ora Timavi  
 Puppe legam: crebris spumant freta conlita terris.  
 Tusca etiam rigidis densatur cautibus ora,  
 Asperaque è duris sunt Gallica litora saxis:  
 Et demum alata fugiam (2) Balearidas alno.

Surgunt præterea sine re, sine nomine cautes  
 Oceano in medio, quas & vitare necesse est.

Illas in parvi signatas cortice mundi,  
 Inque suis, Palinure, locis spectabis; & inde  
 Deprendes alto in pelago, duce pyxide, & astris.  
 Sunt etiam multæ indeprensæ in gurgite Syrtes,  
 Quas & nullus adhuc inscripsit in orbe magister:  
 (Omnia quis novit, quæ condit in æquore Nereus?)

At tu si solers cum Doridos alta pererras,  
 Vel casu, aut undis, & tempestatibus actus,  
 Deprendes nova saxa mari, evadesque periculum,  
 Illa orbe in picto describe, locumque notato  
 Certis distantem spatiis à litore noto:  
 Sic alios facient tua dira pericula cautos.

At non Tellures spumosa per æquora nantes  
 Præteream, scopulosque vagos: Latonia qualis  
 Ægæo quondam Delos, conspecta moveri,  
 Quam (3) Myconæ tandem, (4) Gyaroque revinxit Apollo.  
 Tales (5) Cyanæ Ponti de fluctibus ortæ  
 Errabant Thraces oras, & littora circum.

Est lacus Ægypti sub fines, herbida Chemnis  
 Quam rivo, & nemorum felicibus occupat umbris.  
 Magna sibi hic pius Arcitenens delubra sacrare  
 Æthyopes iussit: crispatis fluctibus illa  
 Enatat, & delubra vchit, sylvasque sequentes:  
 Perque lacum vaga velificat, quæ flamine venti  
 Impellunt: similisque natat per stagna (6) Salusæ,  
 Plurima quæ gremio effosso fert insula pisces.  
 Præterea Atlante in magno fuit insula nuper  
 Spectata, antiquis olim non cognita nautis.

Novi scopuli in  
 Mæppis signandi.

Insulæ nantes.

Chemnis in lacu  
 Danaus.

Pomp. Mela l.b. i.  
 cap. 9.

Insula in Oceano  
 Atlantico, quæ casu  
 cognita, numquam  
 deinde visa est.

Quæ

(1) *Santa Maura*. (2) *Majorca, & Minorca*.  
 (3) *Micoli*. (4) *Jero*, aliis *Calairo*. (5) Insulæ duæ  
 ad os Bosphori Thracii, Italici le Paonare, incolis Jercæzes.  
 (6) *Lago di Salces*.

Quæ Fortunatas inter non ultima terras  
 Surgebat, circum densis visenda viretis.  
 Fortè illam ventis, pelagique erroribus acti  
 Lyfiadæ tenuere, cavisque è puppibus oram  
 Egredi petiere omnem, lucosque virentes.  
 Verùm non multis post hinc labentibus annis,  
 Ceu ratis è portu crepitantia vela per undas  
 Fecit, & incertum Nereo devecta profundo,  
 Haud visa Hispanis illam quærentibus usquam est.  
 Sunt alia Oceano in vasto currentia laxa,  
 Quæ subito motu gremio Telluris in altum  
 Avulsa emergunt; quoniam cava pumice multâ,  
 Aut quia multa leves radices egit arundo  
 Subter, & hinc levior Tellus superenatat undis.  
 Ergo ea solerti sit semper habenda magistro  
 Cura, per ignotum dum currimus abiete pontum  
 Alata, incerto fulcantes marmora cursu  
 Velivolos noctu cautes vitare per undas.

Furnocius Hydros.  
 lib. 19. c. 31.

Cur Insulæ nacentur

Quibus artibus è  
 Syrtibus educendæ  
 naves.

Dicendum & quæ sint nautis solertibus artes;  
 Hærentes quibus à mediis subducere naves  
 Syrtibus, aut brevibus possint, si fortè procella  
 Illis impulsæ, atque undis spumantibus actæ,  
 Inciderint: primum merces educere puppi  
 Atque onera, ingentesque trabes, gravitantiaque æra;  
 Festina: hinc contis urgendæ, & vectibus illæ.  
 Aut funes circum scopulos, cautesque revolve;  
 Mox magno famuli nisu propellere certent.  
 Aut æstum pelagi resluentis, & æquora plena  
 Expecta, ut sese, fluctu veniente, carinæ  
 Syrtibus educant, vel circum robora plures  
 Subter aquas duris religandi pellibus utres;  
 Utribus intus enim conclusus inanibus aër  
 Nititur in summum semper, vique allevat alnos.

Noctu maximè è  
 Syrtibus cavendum.

Nocturnum dum carpis iter, densataque saxis  
 Æquora transmittis, perquire, ubi gurgite syrtes  
 Insidias tendant, & acuto murice rupes.  
 Ne deses somno, aut nimio frangere labore.  
 Quippè salus agitur vitæ: quot nocte serena  
 Saxa rates, pigrosque simul frangere magistros.  
 Me quondam, dives quâ mergitur Hимера ponto  
 Æolio, memini juvenem vidisse Sicanum,  
 Quem patriæ ad litus gelidum maris egerat unda.  
 Oceani (infelix!) præter vada, vectus Eoum  
 Supra Indum, & Gangem, Serum pervenit ad oras:  
 Lætus ubi æstates transegerat advena multas,

Jam-

Jamque novos doctus mores, cœloque sœtus  
 Externo: verùm patriæ compulsus amore  
 ( Dulcis amor patriæ: Tellus nec gravior ulla est,  
 Quàm quæ nascenti primas dedit ætheris auras )  
 Europam remeat trans litora, transque sonantem  
 Oceanum, atque Italis tandem delabitur oris.  
 Hinc lembo in patriam vehitur, rectore Sicano,  
 Tyrrhenumque auris relegit felicibus æquor.  
 Non procul à patria pura sub nocte secabat  
 Lembus aquas, vento numquam laxante rudentes.  
 At victi somno nautæ per transstra jacebant,  
 Et puer obscura clavum sub nocte regebat.  
 Funditur hic etiam somno: temone relicto,  
 Impegit faxis & procurentibus alnus.  
 Commotæ cautes, & acuto in murice rostrum  
 Obnixum crepuit, collisæque prora pependit.  
 Extemplò nautæ somno, vinoque sepulti  
 Demerguntur aquis. Adcò vigilare per undas,  
 Infamesque rati scopulos defendere multum est.  
 Ille sed optatas patriæ Telluris ad oras  
 Mergitur infelix, mortique occumbit acerbæ;  
 Cùm nullæ purum velarent aëra nubes,  
 Et nulli tristes turbarent marmora nimbi.  
 Qui toties vasti sulcaverat æquor Atlantis,  
 Et rapidos undis toties Typhones Eois  
 Fregerat, & centum vitaverat impiger Aras.  
 Heu Vatum ignaræ mentes! qui sœdulus unquam  
 Talia Fata viro è cœlo cecinisset haruspex?  
 Fidentes animis majora pericula sæpè,  
 Ah miseri! superamus: at hinc vitare minora  
 Fata negant. Obstat rerum irrevocabilis ordo.  
 Ignarus scopulis si fortè occurris, ab alto  
 Confestim nautæ demittant vertice velum,  
 Aut cursum certent remis inhibere morando.  
 Si longè cautes aspexeris, atque potestas  
 Evitare datur, clavum torquere, magister,  
 Festina, longos & circumflectere cursus.  
 Quà mare inoffensum, nec fracta remurmurat unda,  
 Carpe fugam: vacuum dabitur via tuta per altum.  
 Qualis ubi currus solers auriga volantes  
 Egit, & euripedes campo commisit aperto;  
 Utque via saxum, foveamquæ advertit iniquam,  
 Inflexit temone rotam, evaditque periculum.  
 Verùm signa tibi cœcas prodentia Syrtes  
 Accipe. Cùm pelago surgit levis unda quieto,  
 Volvunturque locis densata volumina certis,

Miserandum Sicu-  
 li hominis, indidum-  
 que naufragium.

Quid cùm in sco-  
 pulos incidimus?

Syrtes signa,

Tom. II.

Bb

Illic

Illic infames deprendes, navita, rupes,  
 Et vada ubi ponto brevis æstuat unda refuso.  
 At si turbatus fremit imo à gurgite Nereus,  
 Quà fracti nimium spuma incandescere fluctus  
 Aspectantur, tibi cumuli, cautesque rigescunt.

Hæc super, Ignotas cum te devexit in oras

Bolide altitudo aquarum investiganda,

Ventus, ne pronas illis appellere puppes  
 Festinus, Palinure, finas, demissa priusquam  
 Linea rimetur fundum; si surgat aquarum  
 Tanta imo moles de gurgite, quanta carinas  
 Ferre potest: medio pariter tibi (1) linea fundum  
 Oceano exploret, cum jam vicina patefcunt  
 Æquora, ubi subter cumuli densantur arenæ.

Et an statio navibus apta.

Vestiget tibi præterea gravis ære (2) Molorthus,  
 Commoda si ratibus statio: quæ subter arenis  
 Sternitur, apta: nigro verum quæ plurima limo  
 Aut scatet, aut latè duris riget aspera saxis,  
 Firmandis semper censetur iniqua carinis;  
 Nam malè cænoso firmabitur anchora fundo,  
 Nec benè præruptis cum dente hærebit adunco  
 In scopulis; & acuta revulso marmora funes  
 Disrumpent: priùs ergo mari demitte Molorthum;  
 Illum autem visco, aut molli circumline cera.  
 Hinc cum deduces, referet si multus arenam,  
 Apta ratì statio, si cænium, incommoda: duras  
 Si verò in cautes impegert; illicet ipse  
 Infidum fuge litus, & æquora rupibus aspera.

Nocte intempesta cautè pharos perquirenda.

Insuper his, portus nigra dum nocte subintrat,  
 Quæ sit vera Pharos, quæ lumine litora pandit,  
 Impiger explora, & certis cognoscere signis  
 Nitere: sæpè rates mediis periere sub umbris.  
 Indeprensæ errore Phari, dum litore multæ  
 Irradiant flammæ, agricolæ cum collibus altas  
 Accendere pyras, vel cum de nocte per urbes  
 Festivi radiant passim de mœnibus ignes.

At tibi nunc, Siculis quod classibus (3) accidit olim  
 Nar-

(1) Hoc est bolis, *Il Piombino*, & *Scandaglio* Itali appellant. (2) Idem, ac bolis, à plumbo rectè descendente dictus. (3) Siciliam pro Rege Catholico moderante Ursinis *Offuna* Duce, Classis Siculæ septem instructa triremibus, prætorè Octavio Aragonio in Orientem solvit, & cum septem Turcharum triremibus occurrisset, pugnam iniit, brevique prælio captæ omnes: vitrix mox cum rediret nocte, & tempestate superveniente, errore Phari magna ex parte naufragium fecit in portu.

Narrabo; Palinure: (juvat meminisse malorum,  
 Quæ caveas) Victrix remeabat classis Eo,  
 Exuviasque ducum, captumque insigne tyranni  
 Threſcii, & victas referebat in agmine puppes.  
 Jam multo exhaustos cursu demerserat undis  
 Phœbus equos, primo volvi cùm sydera motu  
 Incipiunt, trepidis & scintillare videntur  
 Luminibus, spectata mari descendere ab alto  
 Arcibus è summis tunc est, & mœnibus urbis  
 Classis, & Austriacis vexilla undantia signis.  
 Captivæ bello puppes, monumenta triumphî,  
 Pone sequebantur: longè trans litora classem  
 Protinus ut videre, canoro murmure cives  
 Conveniunt, omnisque ruit sensata Panormus  
 Visendi studio, plaususque ad sydera jactant:  
 Accenduntque faces, lætosque in mœnibus ignes.  
 Extemplò dira Boreas comitante procella,  
 Ex Urſa ruit improvisus: in æquore fluctus  
 Incandens, raucoque fremunt stridore sub auras.  
 Densatur cælum nimbis, tonitruque remugit,  
 Quo campi, & valles, atque ardua pulsa tremiscunt.  
 Tunc velum in ventum dat concita classis, & auris  
 In portum contendit: at inscia quæ Pharos igne  
 Luceret fido: crebræ per litora quando  
 Ardebant flammæ, mediis pars syrtibus hæsit,  
 Pars scopulos inter prona incidit: haud mora, cunctæ  
 Illisæ crepuere rates, sonitumque dedere.  
 Victores, victosque trahit fors una vicissim.  
 Heu miseros! per saxa animam, fluctusque rapaces  
 Effudere inter sociorum murmura læta.  
 Sæpè insperatos felicia gaudia luctus,  
 Et lacrymas verso pepererunt ordine risus.  
 At vos foliciti portum explorete, magistri,  
 Et fidæ vobis radiant quo litore flammæ.

Solerti nec cura minor Restori adhibenda,  
 Ut pelagi fugiat prædones, qui freta passim  
 Cædibus infestant, execrandisque rapinis.  
 Ergo tibi assiduus malo speculator ab alto  
 Nunciât, alatæ violentæ quæ Dorida pinus:  
 Invigiletque mari semper; sed prima rubescit  
 Cùm fuscis Aurora rotis, solertior omnes  
 Perlustret tractus oculis, ne forte tibi hostes  
 Se se improvisi obsecant, atque ære laceffant.  
 Non secus alta cito cùm promontoria cursu,  
 Præruptosque legis scopulos, aut fluminis ora,

Siculi Classis nau-  
 fragium ex errore  
 Phari.

Qua Industriæ pi-  
 ratæ eludendi.

Sollicitus facies; quoniam convulle reducta,  
 Et sæpè infames latuere crepidine Mauri.  
 Præterea, fugiens si curris, nitere semper  
 Ne ventum tibi præripiant; sic tutus aperto  
 Errabis pelago, donec te contegat atra  
 Nox veniens, & opem ferrugine mittat amica;  
 Quare cælum humentes, cum obduxere tenebræ,  
 Tende iter obliquum, quod non fert aura carinas:  
 Aut flecte; atque Afros sic ipse latebis iniquos.

Ingeniosum Ligu-  
 ris navarchi inven-  
 tum.

Quorundam inventum est, celsa de puppe resectum  
 Doliolum, cui clara Pharos suspensa coruscet,  
 In fluctus sensim demittere, quod tamen undis  
 Enatet in mediis rectum: sic stare carinas  
 Immotas placido piratæ in gurgite credent:  
 Ast illæ interea securæ Nerea currunt:  
 Sed ridet festiva dolum instruxisse juventus,  
 Piratas cælo qui frustraturus aperto est.  
 Sic quondam fecisse Ligur narravit Jolcus,  
 Cum Sardoia gravi fulcaret cæcula pinu:  
 Et (1) Rhodii fecere duces, dum classibus Hellen  
 Prætereunt, nigræ per amica silentia noctis.

Matis æstus,

At nunc, quo fervent æstu maria alta refuso;  
 Quæ loca, qui cursus, quibus & Lunaribus horis,  
 Vestigemus, & à scopulis diversa petamus.  
 Concitus alterno procurrens gurgite pontus,  
 Nunc celeri in terras cursu ruit, atque refusis  
 Fluctibus infundit, scopulosque superjacet undas.  
 Spumeus at retrò nunc cedit, & humida falsi  
 Purgamenta maris, revolutaque saxa reforbet;  
 Nudatumque solum, fluctu labente, relinquit:  
 Ac veluti geminæ cohere in prælia quando  
 Mixtæ acies, & se longis hastilibus urgent.  
 Fortior illa premit, subnixaque viribus instat:  
 Hæc cedit, retròque fugit: subitumque sub auras  
 Clamorem attollit, flammantiaque ora reflectit:  
 Illa fugit, penitusque datis se mandat habenis.  
 Haud secus in terras irrumpit fervidus undis  
 Oceanus, refugisque iterum se fluctibus aufert.

Sed quæ causa fretum confestim gurgite ab alto  
 Tempore sub certo tollat, rursusque remittat,  
 Non facilis quæsit, omnique incognita vulgo est.

Ardua

---

(1) Equites Hierosolymitani, qui à Rhodo Rhodii, à Me-  
 lite nunc Melitenfes vocantur.

Ardæa mens hominum explorandis rebus, & acre  
 Ingenium has pelagi refugas impigit in undas.  
 Usque adeo verum est, certas perquirere causas,  
 Et sita principia, & cunctarum exordia rerum  
 Difficile esse: tamen varia est sententia multis.  
 Namque alii vastos forberi in Tartara fluctus  
 Rentur, & occulto subter tranare meatu;  
 Inde vomî rursus, subitosque ad litora ferri:  
 Esse alii Mundo vitales ætheris haustus,  
 Et partem superæ mentis dixere; tumentes  
 Sic & anhelus aquas, cum naribus accipit auras,  
 Contrahit absorbens, illas, cum reddit, in altum  
 Attollit, terrasque, vado exundante, refundit:  
 Sunt quibus hæc melior risit sententia menti:  
 Scilicet è cælo vertigine raptâ diurna  
 Surgere nunc æstu maria, & resluentibus undis  
 Demitti: vasto multis sub gurgite visum est  
 Ebullire fretum, latèque assurgere fluctus;  
 Quippè putant vacuis magnæ Telluris in antris  
 Conclusos ignes cæcis ardere caminis.  
 Verùm alii mira novitatis imagine capti  
 (Non levis hic stimulus: suus incidit omnibus ardor  
 Vestigare nova, & rerum confingere causas)  
 In mundi medio Phœbi torpere jugales,  
 Ac circum immenso terras versarier orbe:  
 Cunctaque præcipiti pariter vertigine ferri,  
 Ætheraque, tractusque maris, nubesque volantes,  
 Audaces dixere. Adèd demerita mentes  
 Mortales vexat: certas inquirere causas  
 Non hic verus amor, rerumque exordia nosse;  
 Sed nova fingendi genius, seu dira cupido est.  
 Hinc terræ trepidare sinu maria acta putarunt;  
 Alternaque fuga tumidos fervere fluctus.  
 Ipse sed Oceani spumantia cærula duco  
 Reginæ arbitrio Lunæ, imperioque cieri,  
 Vimque illi arcanam, motu quæ concitet undas;  
 Esse puto: parent Lunæ freta turgida; quando  
 Illa abeunte cadunt maria, & veniente tumescunt.  
 Non tamen Oceani terrarum est unus ubique  
 Æstus, & in certis non semper tollitur horis.  
 Sive id aquæ vitio eveniat, vitiove locorum;  
 Vel quoniam (nec fallor) erit non una marini  
 Causa æstus: interdum aliæ in contraria causæ  
 Res agitant, viresque aliarum sæpè morantur.  
 Hinc per conclusæ Thetidos vada parciùs undæ

Vacius in mari  
æstus.

Affurgunt, refugoque iterum vix gurgite fidunt.  
Verùm in secessu superi maris altus ab Ortu  
Adria turgescit, longèque infundit arenas.

Sed magis Oceanus perfusus æstuat undis

In Oceano vehemētor.

Ultra Abylam, & Calpen; magno quia scilicet illic  
Corpore per cunctas latè diffunditur oras;  
Fluctuat & magis: aurato quæ flumine ripas  
Humectat virides Tagus auriter; altius aquor  
Tollitur, & campos; & rura virentia fluctu  
Longè operit, totamque oram perfundit Iberam  
Verùm quæ cælo se saxa (1) Gobeja tollunt

Armonicum propter litus, quando unda resedit,  
Ingenti circum tractu nudata patefcunt,  
Litora, nudatque etiam per litora pisces,  
Ceteque, Vitulique, & fluctivagæ Balænae.  
Sæpè etiam & siccis puppes spectantur arenis:

Major ubi gelidis semper riget Urfa pruinis;  
Bacchatur terris maris æstus, & unda tumescens  
Latè humiles sorbet Batavos, humilesque Britannos:  
Norvagos (2), Cymbrosque simul, Gortosque nivales.

At Libyæ ad litus, quæ (3) Gis vagus altuit, & quæ  
Contra elata mari spectatur maxima (4) Cerne,  
Perque Arabum fines, Erythiæque litora circum  
Fervescit pelagus vehementior, & tumet altus.

At maximus ad  
Africæ litora.

Verùm Eoa per æquora lata, per Afida longè  
Et quæ gemmiferæ vicinia Perfidis Indum  
Accipit, & nitidis circum (5) Carmana lapillis  
Litora læta, modum supra furit æstus, & ingens.

Præcurrens tantum Nereus Telluris inundat,  
Quantum vix uno peragit sub Sole viator.  
Non tam præcípites effusi è carcere currus  
Corripuere viam, & laxis agitantur habenis:

Ut cum perumpit, tumido jam gurgite, pontus  
In terram, refugus vel cum delabitur inde.

Non fuga servaret gentes per litora Eoas,  
Ni custos fumo daret alto à vertice signum,

Cum terram aggreditur curru Neptunus aquoso.  
Hæc loca, Tethys ubi Lunaribus æstuat horis,

Nauta, fuge, & celeres infida ad litora prorasas.

Ne

(1) Promontorium Galliæ in lora Britannica *S. Mado*.

(2) *Norvegi*. (3) Idem ac Nigr, Nilò par fluvius, *Pinnæ Negro*. (4) Quæ & Menuthias, maxima Africæ Insula, *Madagascar*. (5) *Kirman* Perfidis regio.



Ne vertas, transversâ ferat ne fervidus illas,  
Dum ruit, Oceanus, nudo vel litore, retrò  
Deferat aufugiens. Foveas fecere cavatas  
Litoribus passim, tutæ consistere ut illis,  
Subsidente, rates possent, trans litora Nereo.  
Quin opus est, ut missa mari gravis anchora puppim  
Fundet aquis; nam sæpè graves violentior ætus  
Secum unâ abripuit, refluxu gurgite naves.


Præterea sit cura tibi cognoscere, fervens  
Tempore quo surgit, vel quo delabitur unda.  
Ne patriam, Palinure, relinquo puppibus oram,  
Oceano veniente; cita sed destua cursu  
Cum jam litoribus subsidunt æquora siccis:  
Unde coronatis advertas ostia sylvis,  
Cum surget veniens, non cum subducitur æquor.

Dum vaga confurgit radianti Delia cornu,  
Atque orbem sextæ fugiens intersecat horæ,  
Paulatim surgens crescit mare: vertice summi  
Illa sed in medio cum jam libratur Olympi,  
Consistit salis ætus; aquæ non amplius ultrâ  
Ascendunt: refugæ sed retrò fræna retorquent.  
Hinc ubi descendens orbem lustravit eundem,  
Invadunt iterum spumantia marmora terras,  
Quo tandem Manes descendat Cynthia ad imos,  
Hinc ut candelentes agit alto à cardine cervos,  
Vertuntur maria, & retrò sublabitur unda.  
Tarda maris quoniam de gurgite Luna refurgit,  
Semper (amat somnos & amica silentia Luna)  
Tardiùs hinc (dominæ mores imitatur) & ipse  
Oceanus sumit violenti exordia motus.  
Quotque dies abiere retrò crescentis ab ortu,  
Tot cedant momenta vagi primordia cursus.

Præterea cum Luna novos jam colligit ignes,  
Tunc minùs ex imo tolluntur gurgite fluctus:  
Sed cum per cælum pleno jam lucida cornu  
Incedit, magno tum Nereus intumet æstu,  
Namque etiam dominæ novit dispendia Lunæ  
Oceanus: simul & crescentia cornua sentit.

Quo tempore in-  
cipit æstus.

Minor in Lunæ G-  
lentic, major in ple-  
antiano.





# NAUTICORUM

## LIBER SEPTIMUS.

**S**ED jam nunc puppes animosior impulit aura  
 Trans Abylæ metam, Oceanoque immisit aperto;  
 Creber & Eoo veniens immurmurat Eurus:  
 Conclusæque retrò cesserunt Thetyos undæ.  
 Ergo animus, dum ventus agit, dum spirat Apollo;  
 Oceani fluctus audaci currere pinu.

At tu, quæ vitreo subvecta per æquora curru;  
 Cæruleum metiris iter, cœtuque beato  
 Nereidum sociata volas, Vati, aurea Dori,  
 Pande viam, tecumque feras, precor, ò Dea, magnum  
 CARDENIDEN curru sublimem, Euroque secundo,  
 Hoc duce perpetuis sulcābimus æquora velis,  
 Felici intendent semper quæ flamine Cori.  
 Ergo age, CARDENIDE, & quò te vocat æmula Doris;  
 I, sequere: & mecum juvet ire, & quærere sedem  
 Purpuream Eoi: & primi confinia Mundi,  
 Suprà Indos, Seresque suprà, (1) Chrysenque repostam,  
 Solis, & Auroræ in thalamos Titanidis usque:  
 Nec non & nova regna, novasque inquirere gentes  
 Axe alio, quā nulla polum decircinat Arctos:  
 Et nova monstra maris, nova sydera: trans & Atlantem  
 Externum lustrare Orbem, nova litora, & urbes,

Atque

---

(1) *Giappone* ut Briëttio, & aliis placet, etiamfi Japoniam alii Jabadji Insulam putent. Marcus Polus Venetus Zypangrin vocat, celeberrima in Oceano Sinico Insula ad Orientem posita.

Atque alios portus, quò per tot secula nullæ  
 Ire rates ausæ, & curvis fulcare carinis  
 Fluctibus horrendum Oceanum, horrendumque procellis.  
 Magnum equidem tentamus opus: sed magna sequetur  
 Gloria, læva sinunt si Numina, & audit Apollo:  
 Et qui me facili toties per cœrula nutu  
 Magnus SABERIDES servavit. Age, æthere ab alto  
 Dive veni, & ventos immitte in vela secundos,  
 Ac tumidum pavidis substerne Atlanta carinis;  
 Namque potens pelagi Deus es: via nulla per undas  
 Te sine tuta patet, trepidatque in gurgite pinus.  
 Ergo adis, cœptique operis hanc perface partem.

O mihi, si liceat, cœlo, pelagoque remisso,  
 Litus in Eoum servatam advertere puppim!  
 Hic tibi Carmano templum de marmore ponam  
 Propter aquas, multo Ganges quàm turbidus auro  
 Per septena vago devolvitur ostia cursu.  
 In medio templi stabis mihi Numen, & aram  
 Purpureis textam gemmis, auroque tenebis.  
 Hùc tibi servati spumosa è Doride nautæ  
 Dona ferent, fundentque preces, & vota resolvent.  
 Primus ego (si tanto unquam dignabor honore)  
 Romulidum de more sacro velatus amictu,  
 Et nitida chlamyde, & Tyrio conspectus in ostro  
 Dona feram, sacroque incendam altaria thure.  
 Sanctam libabo Cererem, sanctumque Lyæum  
 Cernuus; æque manu mittetur victima nostra  
 Multa Patri. Sed jam festas indicere pompas  
 Ad delubra juvat, cælique insigne Tonantis,  
 Ac pictas auro tabulas, & figere dona  
 Parietibus latè circum, contextaque Serum  
 Vellera, purpurcosque tholo suspendere honores.  
 In foribus pugnam ex ebore, & nitido argento  
 Gangaridum faciam, fractumque peritus in auro  
 Cælabo (1) Badagem, & victricia signa Quirini.  
 Atque hic Romanis ascriptum legibus Indum  
 Ac rutilum sacro lustratum in flumine Gangem:  
 Addam urbes Asiæ, servataque regna rubentis  
 Auroræ, sacris tot & addita scepra Latinis:  
 Bisque triumphatas (2) Chrysaë in litore gentes,

Tom. II.

Cc

Ta-

Vatis votum pro  
 Indica professione.

(1) Barbari, qui Indicæ peninsula montana colunt.  
 (2) Scilicet Japonico; sunt. & Chrysi aureæ. Cherfon-  
 nesi populi.

Taprobanem, Sindasque, & odoriferas (1) Moluccas:  
 Et capræ stabunt puppes, & victus (2) Achenus.  
 Sub pedibus pingam Furias, amnemque severum  
 Cocyti, & dira fustum cum gente Tyrannum.  
 E niveo sculpam saxo, spirantia signa,  
 Lustratos reges, ascriptaque nomina cœlo.  
 Interea magnum Oceanum, fluctusque sequamur  
 Intactos, tua, SABERIDE, non ultima dona.  
 Ergo age: rumpe moras: vocat alto à vertice pontus,  
 Indusque, Gangesque, & divitis æquor Erythræ:  
 Et vocat Hesperio sub Sole (3) Argenteus amnis,  
 Virginei (4) fontes, auroque insignis (5) Amazon:  
 Et vox assensu marium ingeminata resulat.  
 Mox ego vistrices accingar dicere palmas,  
 Æternumque tuum proferre in secula nomen.

Oceanum navigan-  
 tibus: quid prius opus  
 sit.

Oceani cum Me-  
 diterraneo per fre-  
 tum Herculeum fa-  
 ctum commercium.  
 Nam olim secundus  
 Libyæ isthmus: ita  
 antiqui apud Strabo-  
 nem lib. 10.

Seu quis odoriferas Eoa per æquora terras  
 Puppe petit, crocei seu quis sub Vesperis ora  
 Ammerices quærit populos, hic cortice pictum  
 Oceanum primum, & vastissima cœcula noscat;  
 Ac maris ambages varias, cursusque viarum.

Trans Gades magnum spumosis fluctibus æquor  
 Panditur (Oceanum Graii dixere vocantes)  
 Cum quo clausa Thetis (cecinit si vera vetustas)  
 Nulla olim immisso junxit commercia Nereo.  
 Isthmus erat medius, terræ discrimine parvo  
 Qui Libyam Europæ jungebat, & utraque Tellus  
 Una erat: at crebrò veniens vi pontus, & undis  
 Paulatim exedit terras, medioque refusus  
 Europam tandem à Libyâ dimovit, & alta  
 Diducta ex (6) Abyla tunc (6) Calpe, & litora, & urbes:  
 Ac primum Thetis Oceano dignata marito est.  
 Tantum pontus edax, & edacia secula possunt!  
 Fluviorum pater Oceanus, rex magnus aquarum;

Qui-

(1) Insulæ Eoi maris, ex quibus ingens aromatum co-  
 pia provenit, suntque sub ipso Æquatore sitæ.

(2) Populi Sumatræ in ora Boreali *Achén*.

(3) Ingens Americæ Meridionalis fluvius ab arenis Ar-  
 genteis sic dictus *Rio de la Plata*. (4) Qui sunt in Vir-  
 ginia Septentrionalis Americæ Provincia. (5) *Rio de las*  
*Amazones* Hispani vocant, perhibent enim hujus fluvii ri-  
 pas *Amazones* incolere. (6) Gemini montes, qui & Her-  
 culis columnæ dictæ, Abyla Africæ, vulgò *Almina* appella-  
 tur: etsi alii aliter autement: Calpe Europæ *Gibraltar*.

Quique flans centum, centum fuit æquora circum,  
 Atque plagas omnes terrarum fluctibus ambit.  
 Quin subitus terras & præterlabitur omnes  
 Per cæcos aditus, perque horrida Tartara Ditis.  
 Ceu toto in tenues diffusus corpore venas  
 Insinuat se sanguis, agitque per omnia vitam.  
 Stagna, lacus, perhibent, hinc, & vaga flumina, fontes,  
 Equæ cavis quicquid faxis distillat aquarum;  
 Oceano ex alto consurgere; namque ubi pontus  
 Descendit magnæ per crebra foramina terre,  
 Quà via cæca patet, superas se rursus in auras  
 Emitterit saliens; nam quantum vertice ab alto  
 Descendit maris unda, salit de gurgite tantum.  
 Hinc Tagus auratam volvens cum flumine arenam  
 Erumpit. Bætisque alba præcinctus oliva:  
 Et qui tot terris, tot nomina gentibus Indus  
 Caucasæ de rupe fluens imponit, & ipse  
 Purpurea Ganges unda, (1) Tanaisque nivalis:  
 Ac gelidis venit (2) Oxus aquis, & dives Hydaspes,  
 Et Lycus, atque Hermus, fontesque binominis Istri:  
 Nilus & Ægyptum nigra qui ditat arena,  
 Usque cacuminibus Lunæ devexus ab altis,  
 Et Gis Æthiopum fama notissimus, & qui  
 Spumeus Alpino Vesuli de vertice currit  
 Eridanus, sceptrisque potens Tyberinus, & ipse  
 Pauper aqua, at multo dives Sebethus honore.  
 Orbe sub occiduo Panucus, & alta fluente  
 Amnis Amazonidum, centum qui flexibus errat,  
 Et fata rura rigat latè felicia centum:  
 Cæruleisque (3) Canada vadis, flavusque Siopis,  
 Quique mari magno fuit ore Argenteus amnis,  
 Et gemmas secum, & nitidas subvehat arenas.  
 Hic freta trans Abylæ geminis se cornibus ingens,  
 Porrigit Oceanus: dextrâ petit arduus Orbem  
 Ammericæ, latèque omnem complectitur undis:  
 At læva Libyam præterluit usque remotum  
 Acronoton, Manesque fluens descendit ad imos.  
 Eoum hinc saliens latus alluit: & vagus inde  
 Supra Arabem, Persâmque suprà circumfluit Indos.  
 Mox iterum ascendens gelidas iter urget ad Arctos:

Ex Oceano flumi-  
 na emanare. Vasis o-  
 pinio.

Varia fluviorum  
 nomina.

Oceani circuitus.

(1) Don. (2) *Ithun*, & *Gbion*, qui in Caspium se exo-  
 nerat. (3) *Canada* fluvius, seu potius ingens lacus Se-  
 pentrionalis Americæ.

Lanigerosque lavat Seres, Chrysenque rubentem  
Hinc & regna petens Boreæ damnata sub axe,  
Sarmatiam, Scythiamque rigat, rigidoque relicto  
Axe iterum, niveos cursu fecat ille Britannos:  
Moribus & niveam fluctu circumdat Hybernen:

Oceani quondam antiquis impervia nautis

Oceanus olim in-  
tactus.

Æquora: turritæ nec sulcavere catinæ  
Id pelagi, ad Solem quod se diffundit Eoum,  
Et quod in Hesperium procurrit, & omnia cingit  
Ammericæ nova regna: cava trabe currere fluctus  
Oceani tumidos, montesque irrumpere aquarum.

Superiori seculo  
tandem tentatus.

Non ausi, ignotumque fretum tentare magistri.  
Proxima majorum Fatis melioribus ætas  
Id tandem aggressa est: potuitque ingentibus ausis  
Oceanum superare, rubrosque venire sub Indos!  
Multa sed ante tamen cesserunt irrita vota  
Rectorum, multusque labor profusus inanis.

Sed primum in-  
cassum.

Agmine nimborum metuendus, & ignibus Atlas  
Terrebat nautarum animos, qui sæpè furentem  
Tentavere sinum, & cautes superare rigentes:  
Arduus ipse etiam præruptis montibus alnos  
Oceanus retrò pepulit, nautasque cœgit  
Vertere terga fuga, & magnis desistere cœptis.

Mox felicitet Ve-  
lai Ducis Auspiciis,

At non conatus animorum, audaciaque ausa  
Omnino cecidere: per invia cœrula Atlantis,  
Perque hyemes iterum rigidas, nimbosque sonantes  
Sternere iter tentarunt, magnum & sub iuga pontum  
Mittere: sed pulsi laceris abiere carinis  
Retrò iterum: ceciditque animis spes omnis, & altus  
Non dictus (1) Mons est, & dicta innabilis ora.  
Sic intactus Atlas, multosque inarata per annos  
Amphitrite est. Cum tandem felicibus ausis,  
Henrici (2) Ducis auspicio, ducentibus & Diis,  
Lysidæ petiere duces: non horrida nimbis  
Æquora, non pelagi montes timuere tumentes.  
Ac velut in tergum si quando pulsa recessit

(1) Atlantis jugum, *Capo Non.* (2) Joannes I. Lusita-  
niæ Regis filius, qui primus in Africam iter aperuit dua-  
bus Lusitanis navibus missis anno 1240. mox Atlantis præ-  
montorium superatum est anno 1430. postremò Vasco Du-  
ce trans ultimum Africæ promontorium in Indiam penetra-  
tum est anno 1497.

Mœnibus ex altis acies, quæ scandere primum  
 Ausa fuit, mixtimque abiit formidine cœca;  
 Spemque omnem belli deponit, & arce potiri.  
 Ast ubi conspexit specula sublimis ab alta  
 Contusas acies, fufosque redire maniplos  
 Magnanimus Dux, ingentique incanduit ira,  
 Urget equum impatiens, tortasque relaxat habenas;  
 Ocyus & ventò, ut versum pervenit in agmen.  
 Increpitât primum dictis, fiffitque ruentes:  
 Addit & hinc stimulos animis, & laudis honores.  
 Extemplo commotæ acies ad mœnia vertunt  
 Sese præcípites, Martemque, hostemque laceffunt.  
 Tela per, & glandes, & Martia flumina, & ignes  
 Irrumpunt; muros scandunt, & turribus altis  
 Vi potiuntur: Honor stimulis præcordia pulsat.  
 Non secus Oceanum superarunt, & vada cœca  
 Lysidæ; postquam stimulis generosus adegit  
 Dux altos animos, laudisque adiecit honores.  
 Non formidandi vertex sublimis Atlantis,  
 Nec trifidis disiecta polo Acroceraunia flammis  
 Audaces fregere animos: Nec terruit ingens  
 Fluctibus Oceanus: sed itum est in litus Eoam  
 Per maris abruptum. Rerum discrimina nulla  
 Altæ laudis amor formidat, & invia nulla  
 Semita virtuti; nam sentibus aspera mollit  
 Gloria. Neptuni præter vada fervida vexit  
 Idæas animosa virum solertia puppes.

Verum age, & Oceani tumidos quo sydere fluctus  
 Vertere conveniat, terras & adire repostas,  
 Accipe. Cùm pelagus candenti corpore Cýgnus  
 Pronus adit, nitidis Arcturus & emicat astris,  
 Herculeos fines, & amicos, navita, portus,  
 Quà Tagus Oceano rutilus se miscet arenis,  
 Deferre; blanda novo sub sydere scindere pontum  
 Tempestas aperit tunc se veniuntque secundi  
 In velum Zephyrei, verum si carcere cartus  
 Scrius emittas, cœlo cùm lucida Tauri:  
 Occidit, ardentesque pedes examat Orion,  
 Haud equidem Phœbi sedem lustrabis Eoam  
 Incolumis: retrò puppes aget Auster ab axe  
 Austrino veniens, vel si contendere contra  
 Audebis, Libyæ infames frangeris ad oras;  
 Aut alium tandem venies jactatus in Orbem;  
 Brasilia ad, cautes, aut barbara litora terræ  
 Caribæ: Thetidi quâ se vagus addit Amazon.

Cœta tempestate in  
 Orientem per Liby-  
 ticum navigandum.

At (1) portum, Arctoam quā Dorida verberat undis  
 Sequana, Pegaseum nitido cū sydus Olympo  
 Tendit iter pennis; & jam novus incipit annus,  
 Deserit, & Phœbi Gallus petit arva rubentis.  
 Mense sed exacto solvunt de (2) Veste Britannī  
 Gangaridū in regna: at gelida vada tuta relinquunt  
 Texeliæ (3) dices Batavi, charosque Penates.  
 • Cū Tauri medium Titan fecat aureus orbem.

Nullæ profectio-  
 moræ inactendæ.

At quicumque petis trans æquora litus Eoum  
 Ocyūs infestas cursu, Zephyrisque secundis,  
 Abrumpasque moras opus est; Namque omnis in alto  
 Prospera Fortuna, & felix stat meta viarum  
 Concessis ventis, & tempestatibus uti.

Ex Europa in for-  
 tunatas insulas prin-  
 cipio cursus inten-  
 dendus.

Sed postquam cæli certo sub sydere ventos  
 Accipere sinus, celeres, Palinure, carinas  
 Dirige, Fortunæ præfert quā plurima nomen  
 Insula: prima tui sit & hæc data meta laboris.  
 At tibi quæ magno metuenda pericula ponto  
 Intendent, canere aggredior. Vitare memento  
 Navisfragum Libyæ litus, penitusque sonantes  
 Atlantis scopulos: furit hic spumantibus undis  
 Arduus Oceanus, strepitatque procacibus Austris.  
 Stringe rati dextram: & nimbos ridebis, & undas.

Contrā maris mo-  
 tum ab Occu in Oc-  
 casum enī opus est,  
 & undā hic Oceani  
 motus.

Ille sed in primis vasti per cæcula Atlantis  
 Est labor exuperandus: Aquæ nam præpete cursu  
 Semper in Occasum, Solisque cubilia tendunt,  
 Seu quoniam summi vertex dum fertur Olympi  
 Pronus ad Occasum, retrōque relinquit Eoum,  
 Inclusos Orbes, & sydera, & ætra, & undas  
 Oceani rapit, & celeri trahit omnia gyro.  
 Qualis ubi magna rapitur vi fervidus axis  
 Ingenti cum mole rotas, currusque volantes  
 Abripit; & summa retrō vi raptā sequuntur.  
 Sive quia (hæc melior sententia vīsā magistris  
 Namque aliis) cæli per culmina cū rapidus Sol  
 Volvitur, immensis fervoribus excoquit alti  
 Oceani fluctus, tenuesque resolvit in auras,  
 Ergo ubi jam multus mediis è fluctibus humor  
 Attenuatus abit, subsidunt æquora fundo:  
 Hinc loca vicinæ succedunt protinus undæ  
 In devexa: vagus quoniam se semper in orbem

Alia ejusdem mo-  
 tus causā.

Ver-

(1) *L'Haure de Grasse*, Galli vocant. (2) Insula Britan-  
 niæ, *Vaught*. (3) *Texel*, insula, & portus Batavorum.



Verſat, agens cùm luce diem Sol almus Olympo,  
 In declive ſluit mare ſemper, & orbe rotatur.  
 Longior ideirò curſus, cùm Solis ad Ortum  
 Tendimus: objectum puppes mare tardat euntes.  
 At verò Occaſum, brevior, cùm quæris, & oras  
 Ammericæ; nam prona ferunt ipſa æquora puppes.  
 Eſt major tamen hic motus, quâ torrida Mundi  
 Zona rubet; veloci & aguntur cæcula curſu.  
 Attenuat quoniam Sol ferventiſſimus undas  
 Oceani magis; aut quia ſe velocius ipſe  
 In medio verſat cælo vaſtiſſimus orbis.  
 Eſt pariter varius variis in partibus altæ  
 Curſus aquæ, & varias etiam deſcendit ad oras,  
 Auroræ hinc docti quærant cùm regna magiſtri,  
 Lentus ubi motus; deſcendunt: deinde ſub Ortum  
 Veloces recto ducunt temone carinæ.  
 Major ubi, veniunt, cùm longè Atlante reſpoſtos  
 Veſpere ſub nigro inquireunt per cæcula portus.

Eſt etiam labor ille tibi, luſtare fluentis  
 Oceani, fluctus & declinare ruentes.  
 Nam vaga in Occaſum cùm perfluat Amphitrite  
 Litora in adverſa, atque in præcurrentia ſaxa  
 Incurſat violenta, nec ultra excurrit inundans,  
 Spumæ conſeſſim reſſuit ſed pulſa retrorſum.  
 Qualis ubi ripis devexior incidit amnis,  
 Alliuſ reſſit, retròque reverberat undas.  
 At quoniam in terras objectas ſæpiùs unda  
 Obliquè incurſat, pariterque impulſa retrorſum  
 Obliquè in partes alias ſluit, & vâga curſat  
 Ingentesque unâ abreptas trahit æquore puppes.  
 Quin etiam fluviis è magnis ſæpè fluentia  
 Prona ruunt, multoque cient maris impete fluctus.  
 Sic ſluit Euxinum, & mediam perlabitur Hellen  
 Auſtum fluminibus: ſic pulſum à gurgite Nili  
 It mare Virgineum: ſic clauſtra ſonantia præter  
 Oceanum currunt devexa fluentia per altum:  
 Quâ Giſ lata ſubit maris æquora, quâque rubentes  
 Indus aquas auro devolvit, & aureus ipſe  
 Quâ Ganges ſluit, & Seres quâ ſindit (1) Hoanges:  
 Et quâ ſe magno ciet ore Argenteus amnis,

Longior in Orientem curſus, brevior verò in Occidentem.

Vicendi item Oceani ſunt obliqui aquarum fluxus. Et horum cauſæ.

Ac

(1) *Hoang* maximus Serum fluvijs crocei, ſeu lutei coloris, unde vernaculo Serum vocabulo *Hoang* dictus: illius tamen aqua nitida ſit injecto alumine.

Ac fecat occipitios undis felicibus Indos: Annis Amazonidum sed quâ rapidissimus undas, Torquet agens, celerâ currunt cita cœrula cursu.

Qua arte torrentes  
contra niti opus sit.

Hæc igitur tibi cura, silent cum carbasa, in altum Anchora descendat, multo quæ pondere curvas Firmabit pinus, pelagoque obhsitet eunti. At si ventus agit crepitanti flamine vela, Contende in proram venientibus impiger undis, Obnitique vado semper, Palinure, memento, Nec te decipiat, fluctu labente, profundis, Vicinam temone plagam, veloque require, Quâ venit æstus aquar, & fluctus conare ruentes Vincere, ne sensim pelagi dexera fluente Veloces alid impellant per marmora puppes, Tardior Oceanus quâ se fert, obuius, ipse Fleste ratem clavo: quin & superate fluente, Nauta, potes, si proram omnis petat impetus: alni Nec transversa latus feriat. Thetis incita cursa, Nam sic prora vadum rostro proscindit acuto, Eludetque simul rapidam venientis aquæ vim, Non secus ac cuneus diffindit scissile robur, Et facile in partes acie disjungit acuta.

Motus magis à Se-  
prensione in Au-  
strum, & hujus caus-  
sa.

Quin & Hiperboræa glaciæ, fluxusque nivali Ex axe in medium tibi sunt vitanda, sub Uras Dum tendis. Cum longa dies illuxit in Orbe, Arctoo, solvitque nives Sol fervidus igne, Et duras scindit glaciæ, maris unda refusa Imbribus è Septem cursu revoluta Trione In medium dexera diem descendit, & altas Fert secum glaciæ, tepidumque revolvit in Austrum. Latè hinc concretos Atlanticus invehit amnes, Oceanus: Libyco sensim qui Sole liqueunt, At quâ perpetuis candet densata pruinis Zona poli, & nimio durefcit frigore pontus, Crystalli veluti montes, longo agmine duræ, Volvuntur glaciæ, mittunt quas flumina, & ipse Interdum gelida stipatæ Nalade cautes, Cum nivibus sub nocte hyemes rigueret profunda, Per glaciale (1) fretum Scythiæ, (2) Zemîæque nivales

Immensæ glaciæ,  
quæ in Austrum de-  
scendunt.

In

(1) *Stretto di Vaigast*. (2) *Nova Zembla*, quasi nova xia, sic à nautis appellata, qui per hanc in Sinas breviori cursu pervenire posse putarant. Furnerius in *Geographica Orbis notitia* par. 1. lib. 1. c. 12.

In transversa nives dum currunt, seque ruentes  
 Per densata petunt latera, incursantque frequentes,  
 Horrendus fragor exoritur, quo littora, & omnes  
 Pulsati longè montes, cœlumque resultat.  
 Se velut ex alto cum Nilus Atlante refundit  
 Subjectos latè in campos, plangitque profundas  
 Ingenti valle sonitu, quo tota remugit  
 Thebais, Ægyptusque, atque æstiferi Garamantes.

At non transibo indictas caligine densa,  
 Quæ per Hyperboreum se fundunt aëra nubes,  
 Arctophylax stellata retrò cum plaustra reducit,  
 Atque Ariadnæ conduntur signa coronæ.

Polis caligines.

Insuper Oceano in magno, quâ semper ab igni  
 Incandet plaga terrarum, densissima cœlo

Et Maris Atlantici.

Caligo interdum pelago, & nox incubat atra.

Non polus apparet supra, non subter & undæ:

Nec se etiam per lata vident agearia nautæ.

Qua arte glacies,  
ac nebula evitandæ.

Tunc Rector, ne se incurserent per mutua puppes,

Da signum procul ære cavo, sic tutius illæ

Incurfus fugient venientum, & gurgite nantes

Vitabunt duros amnes: at si fragor ingens

Currenti late è glacie, occursumque ciatur,

Horresco majora strepant tormenta boatu.  
 Sed quâ torrentes descendant, cortice picto

Aspicias, & nostra etiam te plura docebunt

Carmina, & exacti toties per cœrula cursus.

Consule & in primis arcana oracula docti

Dudæi, quæ multa notat tibi pagina. Sed jam

Me falsa longè pulsata aspergine puppes,

Immensoque vocant venientia monstra fragore.

Ergo per Oceanum velis dum curris apertum,

Ignoti nova monstra maris, Cycladesque natantes

Evitanda tibi, lato quæ gurgite Proteus

Pastor agit: centum pelago vastissima Cete,

Et centum mediis errant in fluctibus Orcæ,

Ac Phocæ turpes, & turrigeræ Balenæ.

Quin & Atlantæis in fluctibus axe sub alto

Agmina densa ruunt passim, latèque vagantur.

Sæpè cavæ magnis impingunt piscibus alni:

Densatosque globos inter, turbasque natantum

Vix sese medias aperit via tuta per undas.

Ergo tibi vasto fugienda hæc monstra profundo.

Nam sæpè, insandum, miseræ periere carinæ

Demersæ mediis in fluctibus. Hæc vaga magno

Errant Oceano, rostroque armantur acuto.

Quæ si ferratis incurserint dentibus altum

Tom. II.

Dd

Ex-

Extemplò, velut in scopulos allisa fragorem  
 Emittet, rostroque abies pulsata dehiscet.  
 Illa ingens caput, atque horrentia lumina tollunt  
 Suprà undas, puppimque suprà, latèque revolvunt  
 Corpora per navim, tortoque volumine caudæ  
 Rostra super, proramque assurgunt, & mare subter  
 Vi magna ingenti cum mole invertere gaulum  
 Adnituntur: aquas illa, & plena æquora vasto  
 Ore vomunt, fusoque replent torrente carinas.  
 Nonnulla horrifico per cæcula vasta natatu  
 Velificant, magnisque movent plangoribus alas.

Est etiam Oceano in magno malus ille carinis;

Physeteria descri-  
 ptio.

Physeter (patrio sic Graii nomine dicunt)  
 Monstrum horrendum, ingens, cui quot sunt vertice nares,  
 Tot patuli ex illo tolluntur in astra canales  
 Ore cavo: immensum stridens quibus æquor in altum  
 Se jacit: & latè circum diffunditur imber:  
 Cuncta in conspectu simul occulit: omnia miscet  
 Stridore: ingentes quot acuta cuspidè spinæ  
 Aptantur lateri, tot sunt hastilia ferro  
 Dura magis: nitidæ splendent quo tergo squamæ,  
 Scuta tot, horrendum quibus impenetrabile dorsum est.  
 Instar montis, aquas supra caput eminet: antrum  
 Os immane refert: subter, mirabile dictu,  
 Quot dentes, dextra totidem, lævaque secures  
 Horrent. Dii talem nautis avertite pestem.  
 Hæc tu monstra maris cum videris: ocyùs omnes  
 Inclamare tubas, magnumque ciere fragorem  
 Æra jube, lituosque, & raucum cornua cantum:  
 Nam sic confestim perterrita sub murmure monstra  
 Descendunt, subterque imis conduntur arepis.  
 Quin etiam persæpè juvat (michi rettulit Ægon,  
 Ægon Oceani vidit qui monstra profundi)  
 Horrida terrificis tormenta explodere bombis,  
 Et capiti vibrare pilas; nam fulminis ictu  
 Merguntur concussa mari; nec cominus unquam  
 Spectantur: Divosque etiam, Palinure, vocato.  
 Sæpè salutiferæ longè discedere signo  
 Visa Crucis: jactu lustralis protinus undæ  
 Interdum petiere suas sub gurgite sedes.

Injustitiæ, quas  
 adhibere nautæ con-  
 tra maris monstra  
 debent.

At vicina cavis cum se admovere carinis,  
 Et bifido circum plicuere volumine caudam,  
 Est præsens medicina malo, si cominus ipse  
 Castoreum (1) è pelui diffundas desuper amnem;

Cete Castoris aqua  
 fugantur.

Auctu-

(1) Aquam scilicet cui castor diu immerfus stetit: *Furnerius*.

Auctutum fera castoreo pellitur odore.

Præterea, id non te lateat, vastissima Cete,  
Ut perhibent nidore picis capiuntur adusta.

Hinc amor ille, rates toto se corpore circum  
Extendi, trabibusque suas advertere nares.

Quorumdam inventum est, piceo luctata veneno

Plurima dispersim demittere dolia ponto,

Quæ piceo perlecta petant medicamine Cete:

Alatæ interea sulcant vada Tethyos alni.

Sed neque te aspectus Telluris fallat inanis;

Nam sæpè in medio quæ creditur insula ponto,

Est sese undoso tollentis ab æquore monstri

Dorsum immane, leves cui substernuntur arenæ,

Ac molle assurgit fabulum, & se subjicit alga.

Non semel undivagæ puppes appellere ripæ

Gavisi nautæ, celeresque in litus inane

Delapsi, virgis subitum crepitantibus ignem

Accendunt, letisque parant convivia mensis.

Ast ubi paulatim senserunt monstra calorem,

In mare descendunt: tunc credita se pede Tellus

Subtrahit extemplo: miserique in gurgite nautæ,

Infandum pereunt, monstris data præda nefandis,

Anchora sæpè etiam fabuloso credita dorso,

Et duris unco squamis infixæ tenaci,

Cùm monstro, & fundo se proripit, & ratis unâ

(Arcete ò Superi casum!) demergitur undis.

Nonnulli in Cete mittunt scopulosa rudentes

E navi: hinc illos, cùm se vastissima monstra

Subducunt, dextra arripiunt, Fatumque morantur.

Nec minus interea funes generosa juvenus,

Ex ala suspensa manet quibus anchora prora,

Haud mora præcidunt ferro, vel solvere certant.

Sed quid monstra maris refero, mediasque per undas

Errantes Cycladas; nat parvus in æquore piscis

(Romani Remoram appellant, Echeneida Graji)

Qui (si vera fides) turritam dente tenaci

Apprendit navim è prora, sistitque volentem.

Nec valido profunt spirantes flamina Cori;

Nequicquam & remis diverberat æquora pubes:

Turritæ veluti cautes: in fluctibus illa

Cùm vento, & velis, remisque immobilis hæret.

Vis tanta exiguis Natura est indita rebus.

At verò ut casum effugias, quid tunc tibi agendum est,

Accipe. Subter aquas descendat nare peritus,

Atque omnem circum cursat, visatque carinam,

Dd 2

Quò

Monstra pice ob-  
lectantur, & quomo-  
do id cavendum, ne  
naves subvertant.

Ingentia Cete in-  
sula creditur, & ab h  
cavendum qua soler-  
tia.

Echeneis quæ.

Et quomodo amo-  
venda.

Quò tandem monstrum inveniat, dextraque prehensum  
 Amoveat, victorque mari confurgat ab alto.  
 Sic mihi se quondam dixit fecisse Cloanthus,  
 Qui mare, qui terras, qui barbara litora gaulis  
 Lustravit toties, quà Sol utrumque recurrens  
 Aspicit Oceanum, & victor remeavit ab Indis.

Nunc age, quæ cœli ratio sit habenda magistro,  
 Ut varias Mundi partes exploret, & oras

Quàm cœli peritus  
 esse debeat Navar-  
 chus, ut locorum fi-  
 tus inquirat.

Occano in magno, quà terræ, & litora nulla  
 Apparent: sed cœlum est undique, & undique pontus;  
 Expediam, cœpti quæ pars non parva laboris.

Hæc rectoris erit semper solertia major.

Vestigare plagam cœli, terræque, marisque,

Quò ventus, cursusque, gubernatorque revexit.

Sive per ignotas pelagi quà naviget undas;

Nam sic optatos poterit contingere portus,

Quaque rigent scopuli, & cœcæ, deprendere, Syrtes:

Atque hinc exactos etiam deducere cursus.

Quas igitur zonas, quas vento accesseris oras

Contemplare: tibi cursus vaga sydera dicent,

Et Sol cliyosi dum culmina scandit Olympi.

Ergo ubi jam medio librabitur æthere curru,

Quot partes Sextante nota Sol altus Olympo est:

Altitudo Solis, &  
 Equatoris primum.

Hinc Finitorem quot se super effera Arctos,

Explorare opus est: id tu quo, navita, possis

Vestigare modo, paucis, adverte, docebo.

A cœli medio quot partibus aureus orbe

Sol distet, perquire: illas tibi pagina dicet,

Obliquos quæ Solis habet duodena rotatus

Per loca Signiferi: numerumque deinde repertum

Partibus inventus radio super adde, volantes

Si Sol in tepidum bigas deflexerit Austrum,

Cùm brevis est lux, & nostrum depressior Orbem

Aspicit: at Cancro propior si curribus ibit,

Longinquas cœlo cùm protrahit altior horas,

Subtrahe ab inventis, numerus, qui proximus exit.

Ostendet quantum è vitreis se circulus undis

Æquator tollat, medium qui dividit orbem

Signorum: quantum sed se super evehat Ursa,

Monstrabunt partes, quæ pro quadrante supersunt:

Hinc quæ zona poli, qui sit locus ille, carinæ

Quò, Palinure, tuæ cursu venere sub Austrum:

Et quantum à Septem jam descendere Trione,

Cognosces; pelago nam quot se partibus axis

Admovit propior, tantum per cœrula puppis

Et hinc latitudo  
 quomodo investi-  
 ganda, & zona.

In medium se prona diem devexit ab Arcto.

At si diversum cœlo, & majoribus astris

Trans Æquatorem perlustras, navita, Mundum.

Hæc eadem peragenda tibi; sed tollitur alter

Axe polus, rerumque exit contrarius ordo.

At levis hic labor est nobis, ubi fecerit horas

Nocturnas bis æqua pares Astræa diurnis;

Ipse tibi medio in cursu Sol aureus, altus

Quot super Æquator confurgat partibus amnes

Oceani dicet: sed si tunc fervidus igne

Vertice in extremo Titan libretur Olympi,

In cœli medium pervenit cœrula puppis.

Alter & hinc tibi jam venienti panditur Orbis,

Alter & assurgit Mundi polus: aurea circum

Rara & inexhausto volvuntur, sydera motu.

Quærendum & quantum cursu tua pinus in Ortum

A Fortunata fugiens Tellure recessit.

Verum hoc difficile est: fertur pernicibus alis

Hesperiam in partem cœlum, nec fixa sub astris

Meta manet: cursus hinc & deducere multum est.

Auri multa viro Batavi donare talenta

Promiscere, modum in mediis qui sedulus undis

Traderet, ut certò possent cognoscere quantum

Curva sub Eoum spumosa per æquora puppis

Provesta est, cœlique simul qui circulus alti

Tunc noctesque, diesque pares partitur in horas:

Rem multi aggressi magno mercedis amore:

Verum alii laudum stimulis post irrita vota,

Nullus adhuc tanto pretio donatus abivit:

Et nullus tantam meruit pro munere laudem.

Attamen, angustis quoniam solertia rebus

Summa hominum est, crescitque usu experientia longo,

Acre quid ingenium, multusque invenerit usus,

Expediam. E vitro tibi clepsidra magna paretur,

Bis senas quæ tota fluens semel indicet horas.

Cum primum das vela Noto, Palinure, vocanti,

Hanc tu pendentem media sub puppe locato:

Verum ubi jam totus spiramine depluit humor;

Verte illam, ressuat conclusa ut molliet unda

Subiectam in partem: cautusque notare memento;

Quot tota illa vices spiramine decidit arcto;

Temporis exactas nam sic cognoveris horas,

Ex quò deserto solvisti ab litore funem.

Sed prius, è portu pelagi cùm tendis in altum;

Quære quot ascendens jam partes egerit orbis

In Æquinoxii id  
facillimum.

Longitudo diffi-  
lis investigatur, & cur

Exponitur tamen  
modus illam perqui-  
tendi.

Delius, atque vagi quæ fluxerit ora dei:  
 Atque illam in primis memori sub mente reconde.  
 Hinc cum vestigas quæ te plaga lucida cœli  
 Ambiat Oceano in medio, qui circulus ille,  
 Et quantum Occasu è primo se vertat Eoo,  
 Principiò perquire, cavo pellucidus humor  
 E vitro quoties defluxit; & inde peractas  
 Deduces horas, ex quò de litore primùm  
 Se dedit Oceano, ventis spirantibus, alius.  
 Hinc & si solidos valeas subducere Soles,  
 Invenies horam, momento quæ ruit illo  
 Litore in adverso; & tabula signare memento.  
 His actis, Sextante nota, radiove quot altus  
 Sol partes fuerit: mox quæ sublapſa diei  
 Hora sit, hinc certis poteris deprendere signis.  
 Horarum & numerum è signato subtrahe primo.  
 Hinc tibi qui reliquus tandem quæſita locorum  
 Intervals dabit, sese quibus alter in Ortum  
 Submovet: horarum numerum si ritè resolves  
 In partes, quarum ter quinas continet hora,  
 Sic quantum mediū tunc cœli circulus abſit  
 Ex alio, aut primo poteris prædiscere (1) Circo.

Sed puros quoniam servari tempore longo  
 Difficile est amnes, partem subtiles arenæ  
 Includunt vitris alii, & vaga tempora signant.  
 At multi flammam accipiunt, plumbumque liquatum,  
 Et vivum admiscunt argentum, atque igne subactam  
 Materiem in cinerem solvunt, tunduntque minutim:  
 Secernuntque illam cribro: decussaque vitro  
 Pars subtilis, aqua pro molli clauditur: inde  
 Non interruptus currit spiramine pulvis.  
 Sunt qui cæruleam Tethyn pro Nalade dulci  
 Immittunt; conclusa cavo Thetis humida vitro  
 In multum sincera manet falsugine tempus.  
 Ast aliis visum est, varia experimenta secutis,  
 Ut vivum sensim argentum descenderet alta  
 Ampulla; multo quoniam non deficit usu  
 Attritum, & longo nunquam corrumpitur ævo.  
 Hoc sed præcipio cura majore notandum,  
 Mobilis ex alto depictæ clepsydra puppis  
 Pendeat, in partes ut cum se verterit ambas

Exactæ Clepsydræ  
 constructio,

Na-

(1) A primo nimirum Meridiano, qui per Insulam Pal-  
 mam, quæ fortasse est Ptol: Casperia, transit,



Navigium, aut vento, aut spumosis fluctibus actum,

Hæc sese medio libret: sic leniter humor

Non intermissus spiramine defluit arcto.

At si nocte locum perquiris, pulsa secundis

Quo tua pervenit ventis per cœrula pinus,

Astra tibi dicent transacti temporis horas,

Scilicet aut Cephæus, vel proxima Cassiopea,

Aut Cynosura, polo quæ se nocturna revolvens

Tarda diem integra peragit vertigine totum.

Hæc cum nota tibi fuerint, spectare licebit

Qui locus ille, tuæ quem jam tenere carinæ;

Et quâ continues velis iter, ut tua portus

Optatos tandem subeat trans Tethya puppis.

His etiam emensos facile est comprehendere cursus,

Et quantum navis spatium promota cucurrit,

Si tibi lustrati multa experientia cœli,

Et metiri etiam numerum, & subducere calles.

Nauta vias Solis, numerosque, & sidera disce.

Est etiam modus alter, aquas sulcante carina,

Quo valeas pelago exactos cognoscere cursus.

Assere quadruplici capsam compinge quadratam,

Cui geminus circum ex ulmo versatilis axis

Insit, uterque suprâ longo se corpore capsam

Efferat: instructam pennis impone recurvis

Mox uni, Palinure, rotam: super illa quadratam

Affurgat capsam, & capulo versatilis axis

Insistat: pennas albi tibi bractea ferri

Secta dabit; partemque omnes vertantur in unam,

Ut rota continua possit vertigine volvi,

Impulsa à vento, in pennas cum spirat ab alto.

Ceu puer intentus ludo, cum fixit acerno,

Subtilique crucem ligno, niveaque papyro

Inde cruci inseruit pennas, ventoque ruenti

Obiectat currens: vento propulsa papyrus

Se cita versat agens, & mobilis orbe rotatur.

At tu, nauta, rotam capulo subnecte quadrato,

Ut cum decurrit vento rota concita, & unâ

In gyrum sese axis agat: mox fila revolve

Alterius medio longissima, quæ tibi fila

Semper erunt gemino lini de stamine torta.

Alter & accipiat fili caput, orbe revolvi

Circa illum ut longo valeat, cum plurima versat

Aura rotam. Hinc summa capsam sub puppe locato,

Ut rota devolvi semper vento incita possit.

His actis, Palinure locum, portumve notato,

Modus, quo metiri  
cursus exactos possit  
musæ rota mobili.

Illius èque tuo pariter distantia portu  
 Sit tibi nota: ratem mox tu cùm litore solvis  
 Felicem in Zephyrum, incipiet rota flamine verti;  
 Inque alium sensum filum devolvier axem.  
 Hinc cùm te notam ventus devexit in oram,  
 Quæ se multiplici vertere volumine, fila  
 Extende, atque pares in tot mox divide partes,  
 Millenos quot nota tenet distantia passus,  
 Atque pares alias poteris super addere primis,  
 Ut longo valeat devolvi tempore filum:  
 Singulæ & accipiant positis discrimina nodis.  
 Sic certam semper mensuram, rector, habebis,  
 Qua cursum pelago exactum, ambagesque viarum,  
 Quærere non multum est. Auris de puppe secundis  
 Cùm rota se circum versat, versatque rotundum  
 Unà axem in gyrum, quot fili conspice partes  
 Interea currant, alioque plicentur in axe;  
 Quippè ratis totidem freta per spumantia passus  
 Mille, in vela Noto semper spirante, cucurrit.  
 At si jam totus fuerit revolutus in axem  
 Alternum funis, vacuo, Palinure volentem  
 Tunc impone rotam: certos cognoscere cursus  
 Sic dabitur semper: nam cùm vehementior Euris  
 Incidit in velum, & cita dissecat æquora pinus,  
 Tunc etiam celeri fertur rota percita motu.  
 Verùm si leni canentia carbasa statu  
 Intendant Zephyri, pariter rota molliter axem  
 Circumagit, & lentè filum se versat in orbem.  
 Utcunque his tandem spatiis digressus iniquis;  
 Jam tibi quàm varius sit per vada cæcula magni  
 Oceani cursus, non multo carmine dicam.  
 Primus, (1) cùm picta sestimur pyxide Rhombum  
 Austrinum, & medii sub cæli circulo eodem  
 Currimus: hic certus, nec (si vigil ipse magister  
 Lora regat) transversa ratem feret: (2) alter, Eoum  
 Cùm sequimur, magno cæli sub tramite, Rhombum  
 Aut alium quemvis medium percurrimus orbem:  
 Certus & hic: verùm superest qui (3) tertius, ille est,  
 Obli-

Quotuplex sit na-  
 vigatio.

Recta, quæ navis  
 per rectum circum  
 velificat.

(1) Prima navigatio recta in Austrum per eundem Meridianum, quam Orthodromicam vocant. (2) Secunda item recta in Ortum, vel Occasum per eundem parallelum.

(3) Tertia obliqua, quæ & Loxodromica appellatur, est autem cùm alios Rhombos petimus.

Obliquus, reliquosque petit per Nerea Rhombos:  
 Ut cum puppe plagam Vulturini querimus, aut cum  
 Leuconoti in sedem contendimus. Hic vagus error  
 Navis erit: non illa maris dum marmora fulcat,  
 Describet rectum spumanti in gurgite circum:  
 Sed vento fugiens spirali tramite curret.  
 Ergo inclinatum cum querimus æquore Rhombum,  
 Haud equidem, Palinure, plagam veniemus ad illam,  
 Quam prima egressi statione petivimus: at si  
 Arctos celeri cursu contendimus oras  
 Seu Mundi adversum nobis properamus ad axem,  
 Curva polis propior succedet puppis: at illis  
 Acta per obliquos felici flamine cursus  
 Perveniet numquam: & circum versabitur Urfas,  
 Ast ab utroque polo dedimus si carbasa ventis,  
 Inque Æquatorem descendimus, ire sub illum,  
 Optatosque rati portus penetrare negatur.

His animadversis, docti solertia nautæ  
 Illa erit, obliquos ut cum per cæcula Rhombos  
 Percurrit, proram semper deslestat ad illum,  
 Qui propior situs, atque à primo longius ibit:  
 Sic quem non curvo querit temone, videbit  
 Litore in optato portum. Sed flectere partes  
 Quot clavum solers dextra, lævaque magister  
 Debeat, in geminos seu navim dirigat axes,  
 Sive Æquatorem gemino perquirat ab axe,  
 Vestiget numeris Geometres. Me vada magni  
 Oceani jam læta vocant, & plausibus horti  
 Hesperidum acclamant, viridique è vertice montis  
 Vocibus assultat festis (1) Arfinaris altus:  
 Inceptique petunt felici flamine cursus.

Ergo ut præterit retrò celsissimus Atlas,  
 Ardentem medii Zonam spectabis Olympi,  
 Æstifer Æthiopus torret quæ circulus alti  
 Solstitii, Solemque sinu bibit alta (2) Syene:  
 Cæli ubi tres spatium patet, & non amplius, ulnas:  
 Mox celeri Hesperidum terras, nemora aurea, cursu  
 Contendas petere, & portus intrare repositos,  
 Quæ læva Libyæ respondit barbara Tellus;  
 Lætus ubi, atque ingens septena per ostia fertur

Tom. II.

Ec

In

Obliqua, quæ spi-  
 rali ductu navis cur-  
 rit.

Quid cum per obli-  
 quos Rhombos na-  
 vigatur.

In Hesperides cur-  
 rit.

(1) *Capo verde*, Ptol. Arfinarium.

(2) *Afua* urbs Ægypti in confiniis Æthiopiæ, olim Ro-  
 mani Imperii terminus

In mare Gis, Libyamque nigra sæcundat arena:  
Unde hinc & nomen fluvio imposuere coloni;  
Et Nigrum fluvium, & se appellavere Nigritas.  
Has circum terras rapido sub sydere Cancrī  
Perpetuò placidè solet aspirare Supernas,  
Vela vocans; celerem sed cursum tendere in Ortum  
Adverso torrente negat Thetis incita puppes.

Hic sed mira tibi rerum spectacula dicam:

Ex Inda Tellure redux cum puppibus aureos  
Hesperidum reegis lucos, circumque pererras  
Viginti à magno distantem partibus orbe,  
Florentes pelagi fluctus, atque herbida passim  
Cæcula prospecties, apioque intesta marino.  
Ceu cum vere novo se mollibus integit herbis,  
Luxuriatque tener viridi sub gramine campus:  
Non liquidum fulcare vadum; verum inter amēnos  
Hortorum textus credas errare carinas:  
Sic etiam Ammerices oras, & litora circum,  
Qua crebris angusta sonant freta confita saxis:  
Et (1) Chilen quā flava Thetis circumfluit, & quā  
Auroque, argentoque rigat ditissima regna.  
Quin & ubi Tellus è florenti Florida ponto  
Dicitur, herbosis passim testa æquora campis.

Verum, solstitii candet quā circulus alti,  
Herbida spectantur latè florescere aperto  
Prata mari, & virides motare cacumina plantæ;  
Quæ spissos hederæ textus imitantur, & inter  
Intestas variis serpunt anfractibus undas.  
Hæc per læta maris plantis florentibus arva  
Non ipsi possunt turriti irrumpere gauli,  
Ni valido è puppi descendant murmure Cori.  
Nullæ radices illis, frondesque palustri  
Perfimiles rutæ nascuntur, & humida corna  
Juniperi baccam referunt, sed livet in ipsa  
Fronde color, veluti sænum, quod trivit agrestis:  
Usque adèò sæcunda parens Natura marinis  
Arbusta in campis gignit, scenamque virentem.  
Seu quoniam multa pinguent uligine fluctus,  
Plurimaque erumpunt genitalia semina fundo,  
E quibus æquoreas radiis Sol educat herbas:  
Aut quia torpentes putrescunt gurgitis undæ  
Titanis nimia sub luce: hinc indè tenellæ

Maria florentia ve-  
luti prata, Lusitanis  
dicta Sargeffa.

Cur in Oceano na-  
scentur herbæ.

Li-

(1) Americæ regnum, Chile.

Limoso surgunt de semine protinus herbæ.  
 Non secus ac stagnis nascuntur, & uda secundum  
 Flumina, quæ rauco vix pulsant murmure ripas,  
 Forsitan in medio plantavit Iuppiter hortos  
 Oceano, & viridi contexit germine campos,  
 Ut fessos nautarum animos per tædia longa  
 Prospectu herbarum vario, miroque levaret.  
 Ergo ubi prospicies apio vada tecta virenti,  
 Ne timeas rostro depicta coloribus arva  
 Scindere: florentes pandet se tuta per agros  
 Semita, & insuetæ fugient per rura carinæ.

Hinc ubi digressus propius descendis in Austrum,  
 Horrendum fuge, nauta, signum: fuge litus (1) Equarum:  
 Aëre non sanò, & nimboris Iuppiter auris  
 Sævit, & Oceano trucibus fremit unda procellis.  
 Dum cælo, ut perhibent, descendit pestifer imber,  
 Excitat, infandum, putres in corpore bullas:  
 Attactuque vadi membris diffunditur humor  
 Lethifer, & venis bacchatur morbida tabes.  
 Non secus, ac olææ si quando fervida membris  
 Gutta cadit: subitæ malefano in corpore bullæ  
 Erumpunt, dirusque dolor per membra recurrit.  
 Ergo rati tectum cerata imponere tela  
 Præcipio tibi, ne cælo dum pestifer imber  
 Decidit, immisso serpat per membra veneno.  
 Sic Solis radios etiam vitabis, & æstum,  
 Plurimum in medio Mundi qui persurit axe.

Præterea infames cæco sub gurgite Syctes,  
 Ingentesque latent: dextra tibi marmora pinus  
 Proscindat: longos & circumflectere cursus  
 Convenit Ammericen versùs: sed litus (2) Olindæ  
 Tu cave ne specula cernas sublimis ab alta;  
 Nam si te ventus semotam advexit in oram  
 Ammerices, scelerataque litora Brasiliorum,  
 Flectere iter velis opus est, portusque relictos  
 Quærere: nimboris nam tunc maria invia ventis.  
 At si Fortunam audebis tentare sequendo,  
 Et certum tibi naufragium, immanemque ruinam  
 Prædico: infami jactatus in æquore (3) Castrum

Ee 2

Præ-

(1) *Mor delle Cavalle* ab undis sic dictum.

(2) *Brasiliæ* urbs propè promontorium D. Augustini.

(3) *Ultimi* *Africæ* populi, qui litoralia colunt moribus  
 super reliquos longè inhumanis, ac barbaris.

Naves in torrida  
 zona cerata tela coo-  
 periantur. *Euræus*  
*Hydr. lib. p. 28.*

Præcepſ conſilium, infelix, damnabis, & auſa.

At poſtquam Oceani rorantem aſpergine multa  
Parrhaſiam ſecuit Finitor circulus Urfam,  
In medio jam puppis erit, terræque, polique,  
Reſtus ubi ſurgens Æquator circulus orbem  
Signorum ſecat, & ſummo rapit omnia cœlo,  
Dividuum & paribus cælum ſecat intervallis.

Quomodo cognoscitur navim ad medium terræ, cœlique perveſſiſſe.

Indicio Æquatoris erit placidiſſima ponti  
Temperies: nulli hic contriſtant cœrula venti,  
Prætereà durata Ceres, ſiccique juvenci,  
Naladis & dulcis pariter corrumpitur humor.  
Hic tibi cum Jove non ſano, pelagoque ſilenti  
Certandum, Palinure: calet ſub cardine Tiran,  
Et furit aſſenſu radiorum, fortior æſtus.

Torridæ Zonæ in temperies.

Sol ipſe attenuans undam trahit igne vapores  
Non ſavos, circumque leves latè inſicit auras:  
Immotique gravem exhalat maris unda Mephitim.  
Corpora & ipſe etiam cœli ſpirabilis æther  
Inſicit inſinuans ſeſe: nocet artubus ægris,  
Qui mare, qui terras, Sol ferventiſſimus urit:  
Atque aër gravis, immotique malacia ponti.  
Sævior Æthiopum per litora, perque calentiſ

Mitior in Oceano, & Aprili menſe.

Infames Guinææ terras: ſed mitior æſtus  
Oceano in medio, mitiſſimus inſuper alto  
Cum cœlo rutilis ſplendent palearia ſetis  
Stellati minio Tauri, Phœboque propinquo,  
Aurati rutilant Oculi, & majoribus aſtris.  
Nam tunc aſpirant auris felicibus Euri,  
Ac læti veniunt ruptis de nubibus imbres.  
Hoc igitur cœli ſub ſydere, nauta, ſecato  
Oceani fluctus; facilis via gurgite vaſto  
Tunc tibi; nec medium rapidus Sol excoquit æquor;

Poſtquam ſervatus puppi devexus in Auſtrum  
Veneris, alteriusque Orbis conſpexeris axem,  
Conare in lævos curſum deſceſtere fluctus,  
Quà ſacra conſurgit Triadi medio (1) inſula ponto.  
At cava ſemotis remeat dum pinus ab Indis  
Sepoſtos (2) Helenæ colles, portusque ſubintret:  
Quà virides circum ſylvæ venatibus aptæ  
Aſſurgunt, vitreosque vagantur Nalades amne.  
Hic fractas curſu vires, animumque juventus

In-

---

(1) *Iſola della Trinità.* (2) *Iſola di S. Helena* in medio Oceani ſita, quam rarè redeuntes gauli vident.

Instauret: magno pressus ceu fasce viator  
 Æstivo sub Sole, cavo cum venit ad antrum,  
 Et gelidos circa fontes prostratus in umbra  
 Quæsitam captat summis fervoribus auram;  
 Solaturque alta recubans sub rupe laborem.  
 Jure sibi optatam poscunt membra ægra quietem,  
 Atque operæ pretium est animum revocare parumper  
 A curis, inceptum hinc possit ut acrior ille  
 Continuare opus, inque datam pertingere metam.

Hinc geminos pelagi dimensio gurgite (1) Picos.  
 Cum cernes, fluctusque avibus resonare marinis,  
 Arduus Ægoceri venientem circulus alnum  
 Accipiet: fessos recreabit & altera cæli  
 Temperies. Palinure, sinum obliquare memento,  
 Transversumque Notum (namque est Notus arbiter oræ)  
 Accipe, & obliquos nimboſa per æquora cursus  
 Dirige, pinguis ubi, & nemorosa aſurgit (2) Acuña,  
 Insula ab Ægoceri quæ distat partibus orbe  
 Bissenis læva, Solisque cubilia præter,  
 Viginti Auroram tendit. Sed maximus hæc jam  
 Insequitur labor, horrendis superare procellis  
 Extremum Libyæ latus invium, & æquora summo  
 Fluctibus alternis sese tollentia cælo.

Ægoceri fines ultra se fundit ad Austrum  
 Africa, & adversam cuneata erumpit in altum.  
 Hesperius venit hinc: illinc descendit Eous  
 Oceanus: geminique adversa fronte ruentes  
 Concurſant, liquidoque exercent prælia campo.  
 Præcipiti impulſi cursu, venientibus undis  
 In transversa citis, ventis & agentibus ipsis.  
 Despumant rabie, & duplici torrente reſuſo,  
 Ingeminantur aquæ, & magno se vertice tollunt;  
 Allisæque fremunt magnis clangoribus undæ.  
 Auditur longè strepitus: cavo litora longè  
 Reſponſant, fractos sonitus imitata tubarum,  
 Non ſecus, ac geminæ cum Martis in æquore sese  
 Implicuere acies: præmit hæc, præmit illa: sub astra  
 Et galeæ, & magno diffracta hastilia niſu  
 Agglomerata volant, magnusque it clamor ad auras;  
 Horrendoque cavæ reſponſant murmure valles.  
 Quin & uterque ruens prærupto à vertice pontus

Sublevandus in  
 terdum quicquid ani  
 mus.

Promontorii Bo-  
 nazpei descriptio,

Flu-

(1) Geminæ Insulæ *Los dos Picos*, Hispani vocant.

(2) *Isla di Tristan d' Acuña*.

Fluctibus adversis, & magna concitus ira,  
 Ad latus extremum cumulos humentis arenæ  
 Egerit ingentes, limumque, algasque fluentes,  
 Et fluctus, fundique ejectiones marini.  
 Arabiæ deserta velut, Libyæ & loca circum,  
 Cum gemini adverso spirant flamine venti:  
 Hinc Notus abreptas magna vi voluit arenas,  
 Inde levem Boreas nubem ciet horridus: ingens  
 In medio cumulus sustollitur; atque ubi quondam  
 Campus erat, magnus congesti pulveris extat  
 Confestim mons, & miseros premit altus euntes.

Quod cum trans-  
 mitterent Navarchi, se  
 contra tempestates  
 instruere debent,

Ergo pererrato venies cum denique ponto,  
 Acronoton, tu magna alacrem ad certamina pubem  
 Instrue; luctandum vento, & cum fluctibus atris.  
 Qualis ubi in mediam durus luctator arenam  
 Ire parat, magnis luctæ se viribus aptat,  
 Atque animos revocat priscos, solitumque vigorem:  
 Intendit nervos, & fortia brachia, & omne  
 Denudat corpus: mox grandia crura, lacertosque,  
 Et latus humeros pingui perfundit olivo,  
 Ut tandem è dubio veniat certamine victor.  
 Spiramenta ratis, cunctasque occlude fenestras:  
 Atque imis tormenta locis, tabulataque subter  
 Ænea descendant, pariterque ignobile vulgus.  
 Nudati tabulata super stent corpora nautæ;  
 Præsentique animo cuncti luctare parati  
 Oceano, & ventis, validasque expromere vires?  
 Quin etiam forti ad malos cum fune ligentur;  
 Ut cum prærupti veniunt à gurgite fluctus,  
 Absorbentque ratem (namque hic turgentia subter  
 Æquora descendant, cumuloque teguntur aquarum  
 Ipsi etiam magno præstantes corpore gauli)  
 Obluctentur aquis medio torrente, nec ingens  
 Transversum abreptos pelagi ferat unda ministros;  
 Austrinum latus, & longo maria alta petantur  
 Circuitu; lævum Libyæ fuge litus, & arces.  
 Non tibi rarefiant dubio sub lumine montes  
 Solorum Æthiopum, scelerataque litora terræ;  
 Nam ruet in brevia, & cumulos premet alnus arenæ;  
 Prædaque reliquæ Casiris immanibus ibunt.  
 Indicio Telluris erunt per salsa volantes

Et quæ illius sunt  
 signa, non longè à  
 promontorio navi-  
 gandum,

Aligeræ volucres niveo cum pectore: quales  
 Mæandri circum volitant per flumina cygni,  
 Pyxidjs ipsa etiam tornatæ ferrea cuspis  
 Signa dabit; namque, ut perhibent, acus acta veneno.

Recta



Recta polum, lydsque ferit, cùm venit ad altum  
Acronoton, Libyæque ratis legit ultima regna.

Mox ubi transmissus fuerit retrò arduus alnis  
Acronotos: Tellusque simul scelerata refugit,  
Flecte viam velis, cursusque intende sub Urfas.  
Inter & Eoum, sedesque Aquilonis iniqui,  
Quò te pyxis agit, cœli quò sydera ducunt,  
Carpe fugam, & pictum membrana consule mundum.

Nunc age, quæ tibi non cura leuiore cavenda,  
Expediam (non finis adhuc, requiesque labori est)

Proxima (1) Nathalis venit ora, Eoque Castrum  
Litora, naufragiis, scelerataque litora Cafris.

Hic centum meris perierunt gurgite gauli  
Naufragio infando, & totidem periere magistri,  
Et clari virtute duces, quos fluctibus hausit  
Oceanus, vel quos ad barbara litora volvit;  
Concessitque feris prædam, Cafrisque nefandis.

Nobilis ante alios, & avito à sanguine regum

Naufragio cjectus sceleratæ ad litora terræ,

Cum sociâ, & natis crudeli funere Sosa

Interiit, pariterque viri interiire trecenti.

Quassatum & totidem ventis immitibus æquor

Spumosa absorbsit sub gurgite. Per fracta vasti

Dum miser Oceani nigris deuestus ab Indis

Lyriadum peteret fines, sua regna, Penatum,

Hic prope terribilem ventis, & fluctibus oram

Lucidus extemplo densatis nubibus ær

Texitur, & toto nigrescit gurgite pontus.

Nec mora, ab Occasu ruit atra, sonantibus alis,

Tempestat, ventis comitata, & fulmine, & imbri.

Tolluntur ventis undæ, tonitruque tremiscunt

Sylvosi montes, & campi, & maximus æther.

Velorum fragor insequitur, clamorque virorum

Extemplo, & pavido miscentur cuncta tumultu:

Terror ubique viris, & plurima mortis imago

Obiicitur; certamque intentant omnia mortem.

Ipse gubernator puppi proclamat ab alta:

Ponite corde metum, ô focii, quid pectora pulsat

Vestra pavor? redeat solita in præcordia virtus.

O mihi forte dati, vasti quibus æquor Atlantis

Ter jam velivolis sulcavi puppibus, & ter

Formidanda maris superavi cœrula Eoi.

Nathalis ora pro-  
cellis, naufragisque  
infamis.

Miserabile Sosa  
cum suis naufragiis  
Maffei lib. 16.

Gubernatoris ora,  
tio.

Eja

(1) La Costa di Natale, Naufragiis memoranda,

Eja animos revocate; trucique occurrere nimbo  
 Unâ alacres cuncti, & melius confidite rebus.  
 O passi graviora, (aderit modò Numen amicum)  
 Fortunam, & casus etiam superabimus istos.

Horrendæ tempe-  
 statis descriptio.

Hæc ille. At sævi diverso à litore venti  
 Ingeminant stridore: furens ruit Eurus Eoo,  
 Antennæque immugit, & horridus intonat alis  
 Africus imbriferis: fluctusque ad sydera jactant.  
 Protinus ingentes cœlo tolluntur aquarum,  
 Et super horrendo pendent curvamine montes:  
 Hinc & deducto subsidunt gurgite valles,  
 Non fortes nautarum animi, non ipsa magistri  
 In dubiis sæpè explorata industria rebus,  
 Nec quicquam valet ars: superant artemque, animumque  
 In diversa vago venti clangore ruentes;  
 Et fracti horrendo ventorum verberè fluctus.  
 Ecce ruens Boreas à finibus ulque nivosis  
 Incidit obliquus; malumque à vertice summo  
 Dejicit; & frustra pelago obluetante magistro,  
 Ipsa gubernaculum veniens rapit unda; revulsamque  
 Abripit Oceanus, longèque ad litora volvit.  
 Tunc spes incisæ: prærepta puppis habena  
 Oceano jactata ruit, quâ turbine venti  
 Abripiunt: rupto veluti temone quadriga  
 Fertur in abruptum præceps, perque invia, quâ illam  
 Quadrupedes agitant, cursu properante, feroces.  
 Ad litus allisi quatiant cava mœnia fluctus:  
 Concussæque trabes fluctu, tabulæque fatiscunt:  
 Armamenta rapit turbo, rapit omnia præceps  
 Æthiopum de rupe cadens stridore procella.

Sosæ arumnæ, &  
 magnanimitas.

At Sosæ intereà casu turbatus acerbo  
 Uritur, & magno percussus corda dolore,  
 Infelicem animam vix ægro in corpore versat:  
 Non sua perterrent Heroa pericula; nec se,  
 Nec vitæ quicquam curat mortalis honorem:  
 Verùm aliena timet; scinditque potentiùs altum  
 Pectus amor natorum, & charæ conjugis ardor.  
 Ille & crudeli toties occumbere morti  
 Se spectat, quoties miserans, sua pignora, natos  
 Exhorrere metu, & sua conjugis aspicit ora.  
 Ante oculos, ante ora patris cum conjuge natos  
 Fluctibus oppetere, & crudeli funere mergi  
 Tristiùs est morte, & tormento duriùs omni est:  
 Attamen ingentes condens sub corde dolores,  
 Dissimulat, pellitque metum, & spem fronte serenat:

Atque

Et efficax ad suos  
oratio.

Atque his ingreditur dictis: Non omnis, amici,  
Spes nobis prærepta: manet via certa salutis,  
Si soliti vobis animi, & fiducia cordi  
Restat adhuc. Tantum quemquam sperare licebit  
Casibus adversis, quantum fidentior ibit.  
Transversi quoniam ferimur per litora Castrum;  
Nec datur adversum vento luctare potestas,  
Cedamus: geminæque cadant latus inter utrumque  
Anchoræ Oceanum in magnum: quæ dente tenaci  
(Spero equidem) vasto fundabunt gurgite puppim.  
Interea cuncti lembo scelerata petamus  
Litora; nam Castris & vim pulsabimus armis.  
Verum (præsenti avertant Dii numine casum)  
Si victi ferro non æquo in Marte cadamus;  
Non moriemur aquis: terris periisse juvabit.

Dixerat: & dictis paret manus omnis: & ingens  
Exemplum è puppi demittitur anchora in undas,  
Altera & è prora jacitur: ratis ilicet alto  
Sistitur in pelago librata, Notoque resistit.  
Efferus ut quondam sonipes, cui fræna magister  
Vi multa iniecit, fregitque tumentia colla,  
Constitit eluctans, injectæque lora momordit.  
Haud mora, conscendunt lembum, scinduntque sonantem  
Remigio pontum, & diram vertuntur ad oram.  
Attamen, heu miseros! tercentum fluctibus hausit  
Oceanus: cuncti monstros data præda marinis.  
Verum non reliquos melior Fortuna secuta est:  
Æthiopum manibus crudelia funera passi  
Infandum periere. Viis urgemur iniquis  
Mortales: semperque hominum lacrymabile fatum est.

Lembo terram pe-  
tit.

Miserè inter æthio-  
pes perire.

Tu, Socræ casus si te docuere sinistra,  
Cautus in infido moderaberis æquore puppim:  
Ne cælo credas, aut fluctibus. Ergo ubi longè  
Barbara Castrorum curvantem litora pontum  
Aspicias, celerem dextris da fluctibus alnum:  
Canaque solliciti circumstent vela ministri.  
At tu cuncta mari, & cælo, Palinure, notatò,  
Et suspecta tibi læva de rupe procella  
Semper erit: diro venientem turbine nimbum  
Sic facile effugies. Melius prævisa feremus,  
Quæ nostris veniunt adversa pericula votis.  
Casibus his tandem servatus, & æquore iniquo  
Dilapsus, Diis vota piis, tu navita, primum  
Solve genu supplex: tibi mox, quid restat agendum,  
Quætere opus; præsensque petit quæ tempus eundem est.

Quando conti-  
nuandus in Indiam  
cursus per Oceanum  
ultra Cernem Insu-  
lam.

Tom. II.

Ff

Ergo

Ergo ubi velivolis superasti navibus altum  
 Acronoton, nitido lumen cùm spargit Olympo  
 Erigone, fluctusque subit cum Matre Cupido,  
 Altum puppe seca, & Libyci fuge litoris oram.  
 Illum depicta festare in pyxide Rhombum,  
 Eurum inter medius qui stat, Septemque Triones:  
 Ut tandem advertas Colchorum ad litora puppim,  
 Namque hæc meta viæ: non tempestate repostas  
 Illa concessum (1) Barigasæ appellere ad oras;  
 Serius Acronoton nam cùm transmisimus, auræ  
 Adversæ spirant, rapiuntque fluenta sub Austrum.

At formidandi retrò si cesserit altus

Quando verò in  
 Prassum eundem, &  
 hinc in Indiam.

Acronoti vertex, cùm Bacchi à gurgite vector  
 Surgit, & obscurum Titan (2) Præsepe subintrat,  
 Litus ama, & Libyæ stringat tibi litora puppis,  
 Æthiopas, Cernenque inter, quâ semita ducit  
 In (3) Prassum; at pelago, fyrtes vitare latentes,  
 Atque æstus tibi cura; ruit violentibus undis  
 In Libyæ, & vario serpit Thetys incita cursu.  
 Si Prassum, extremis cedit dum mensibus annus,  
 Veneris, & Cancro propior Sol aureus ibit,  
 Sydera cùm nimbis, cùm sunt maria aspera ventis,  
 Imbriferas durare hyemes, cursusque morando  
 Differre incæptos opus est, cùm ventus in altum  
 Vela vocat rediens, & jam vagus incipit annus  
 Tempestate nova: verùm si cærulea ponti  
 E cælo immixtis non dum fremuere procellis,  
 Instaurare licet cursus, atque aurea tandem  
 Auroræ regna, & portus penetrare repostos.

Augusto mense in-  
 stauranda è Prassu in  
 Eoum navigatio per  
 Africæ, & Perfidis  
 oras.

Ergo sub Augustum vento da vela vocanti.  
 Proxima (4) Barbariæ radat tibi litora puppis.  
 Hinc altas cautes, & saxa sonantia (5) Rhapti  
 Longius ære seca, & diras fuge, navita, fyrtes.  
 Inde sinus lege (6) Barbaricos, & mœnia parvæ  
 Melindæ, & curvam Lami lege puppibus urbem.  
 Cùm procul Oceano colles spectabis apricos.

Bar-

---

(1) Insula, & urbs Indiæ, Lusitanorum Colonia, Goa.  
 (2) Stella nebulosa propè Asellos. (3) Promontorium, in-  
 sula, & urbs Africæ in ora Orientali, Lusitanorum Colo-  
 nia, Mozambique. (4) Regio Africæ in Æthiopia sub Æ-  
 gypto, Regio di Quiloa, aliis Zanguebar. (5) Rhapta urbs,  
 Quiloa, Rhaptum promontorium, Capo del Gado.  
 (6) Mare di Zanguebar.

Barbara ubi Tellus roseo prorumpit Eoo,  
 Partibus & denis Finitor circulus Urfam  
 Elatam spectat, proram, Palinure, sub Ortum  
 Dirige ad Eoos (1) Erythræa per æquora portus.  
 Quò facilis cursus cùm jam sua tempora donat  
 Lancibus æquatis cœli mitissima Virgo;  
 Namque ubi postremis decedit Solibus æstas,  
 Immenso cœlo demittit Juppiter imbres,  
 Et crebrè alata turbant maria alta procellæ.

At si Rubra Thetis, Nabathæaque regna petenda,  
 Ad lævam torquebis iter, quà vertice summo  
 Ardua odoriferis tolluntur (2) Aromata sylvis.  
 Hinc &, Erythræas fauces provectus, iniquum  
 Adverso torrente fretum tentabis, acutis  
 Cautus & armatum scopulis mare puppe fecabis.

In Arabicum sinum

At lustranda tibi si sint felicia regna  
 Persidos, & rutilis passim freta turgida gemmis,  
 Lævà (3) Dioscoridis transmittitur insula, & inde  
 Sunt juga sylvosi cursu lustranda (4) Syagri.  
 Hinc quâ se (5) Melani sustollit in æthera vertex,  
 Intrabis rutilis felicia cœrula gemmis.  
 Mox læva duris fugiat (6) Tylos aspera faxis:  
 Inde (7) Tharos, (8) sacrique sinus; retroque relictis  
 Scenitis (9), magni subeat ratis ostia Tigris.  
 Sed dextra ante aditum falcato in litore tutos  
 Ipsa tibi pandet venienti (10) Armusia portus,  
 Insula dives opum variarum, dives & auri,  
 Opportuna situ facili, & statione reducta.

Et in Persicum navigatio.

At nos immensum Oceani tranavimus æquor:  
 Tempus & in tuto puppes considere portu.

Ff 2

NAU-

(1) Non solum Arabicus sinus Erithræum, & Rubrum  
 mare appellatus est, sed etiam tota illa Indici Oceani pars,  
 quæ inter Arabiam, & Indiam interjacet. (2) *Capo del*  
*Guardafuy*. (3) Insula contra Aromata, ad fauces sinus  
 Arabici, *Zacotorà*. (4) *Capo Sachalat*, alii *Fartach*.

(5) Sinai pars, *Gebel Tor* Arabibus. (6) Insula sinus Per-  
 fici, fortasse *Babaren*. (7) Altera sinus Persici Insula.

(8) Pars sinus Persici circa Arabiam.

(9) Populi Arabiæ à scenis, in quibus habitabant, dicti.

(10) Insula in faucibus Persici sinus, qui nunc dicitur *Gol-  
 so di Balserà*, Emporio celebris, *Ormaz*.



# NAUTICORUM

## LIBER OCTAVUS.

**P**ROTINUS Auroræ cursum surgentis ad oras  
 Prosequar: Eoi jam se felicia pandunt  
 Litotæ, & umbræ (1) Bepyrri à vertice Nymphæ  
 Agarides, (2) rutileque vocant (3) Chryseides auro,  
 Omnes Aurora genitæ, Titanides omnes.

Quin & Nereides, præsentia Numina nautis,  
 Jamque præire cavis certant per marmora cursu  
 Puppibus, & placidis intendere carbasa Coris.

Ergo ubi stellati liquit palearia Tauri,  
 Et pulchros Ledaë pueros invisit Apollo,  
 Mitte ratem pelago, & tepidum descende sub Austrum;  
 Nauta, vel Eois ditissima litora gemmis,

Quo tempore in ex-  
 tremos Orientis po-  
 pulos navigandum.

Taprobanes, (4) Ophyresque petas uberrima regna:

Aut Seres longè cupias penetrare repostos:

Sive Asiam, notique suprâ confinia Mundi

Divisos toto perquiris Japonas Orbe.

At si Gangaridæ lustrandi, & proxima (5) Gange,

Tende sub Aprilem velis iter, aurea cœlo

Tunc se lux aperit, veniuntque è puppe secundi

Carbasa tendentes festivo murmure Cauri,

Sæpè sub Aprilem poteris tentare sonantes

Agarici fluctus pelagi, si Gangis ad ora

Ten-

---

(1) Mons Indiæ extrâ Gangem. (2) Ab Agarico sinu, qui Gangetici pars est. (3) A sinu Magno, qui & Chryse dicitur. (4) Aurea Chersonesus, vel, ut aliis placet, *Sumatra*. (5) Urbs Indiæ ad Gangem sita, *Bengala*.

Tendis, ubi ripa surgit viridante (1) Palura,  
 Aut (2) Tindum petis, & flavas (3) Adamantis Arenas.  
 Rumpe moras, Palinure; die si serius uno  
 Solveris, adversa jam tempestate sonante,  
 Non tua Gangaridum continget litora puppis.  
 Flectere iter velis opus est, pelagoque relicto,  
 Imbriferas durare hyemes (4) Meliaporis urbe.

Verum age, quæ, vento in velum spirante, pericla  
 Declines (nec pauca tibi, & leviora supersunt)  
 Exequar. Aërio surgunt quæ vertice cœlo  
 Apocopi (5) montes, & (6) Vindius inferit astris  
 Nimbiferum caput, & vento quassatur, & imbri,  
 Descendens longo tractu procurrit in æquor  
 Eoum Tellus, quam litore cingit utroque  
 Oceanus, sensimque caput tenuatur in unum,  
 Calligiis extensa jugis (sic nomine prisci  
 Dixere, ut prehibent, quæ nunc Comorina minores  
 Appellant.) præcelsa mari jacet insula contra  
 Agarico, parvo Nereus quam dividit æstu.  
 Humanæ in speciem linguæ se terra sub Austrum  
 Porrigit, (7) Adisathrus mediam diffundit opacus.  
 Antiquam velut Hesperiam pater Apenninus  
 Dividit, Alpe vagus dum currit ab usque nivosa.  
 Ad latus Hesperium, Zephyroque objecta salubri  
 Insula parva jacet; Barygasam nomine Graii,  
 Sed patrio sermone Goam vocat Indus uterque.  
 Hanc longè Europa, per Atlantis cœrula vestî,  
 Et magnis animorum ausis, & milite multo,  
 Lyssiadæ (8) cepere duces, pulsisque tyrannis,  
 Æternam hic regni sedem posuere, quod ultrâ  
 Cathygaren, atque Auroræ Titanidis ultrâ  
 Extendere sinus, latèque per æquora magni  
 Oceani vexere Patris sacra signa Latini:  
 Insignes bello populos, regesque potentes  
 Edomuerunt armis victricibus, atque superbos  
 Egerunt toties victo ex Oriente triumphos:  
 At latere adverso, quâ primo aspergit Eoo

Indicæ peninsulae  
 descriptio.

Goa à Lusitanis ca-  
 pia, & illorum elo-  
 gium.

De

(1) Urbs Indiæ intra Gangem. (2) (3) Indiæ fluvii:  
 Adamas fortasse erit, qui nunc *Gwenga* ab indigenis appel-  
 latur. (4) *Meliapor*, vel *S. Tomaso*.

(5) (6) Caucasii pars, quæ longo jugo latè per In-  
 diam excurrit. (7) *Gate*. (8) Lusitani, à Lyssio Bac-  
 chi comite sic dicti.

Delius Adisathrum, stat campo imposita (1) Milispar,  
 Quæ sacra servat adhuc, & Religionis avitæ  
 Reliquias, quas nulla unquam delere vetustas,  
 Perdere & immanes numquam potuere tyranni.  
 Hic olim saxum (namque est certissima fama)  
 Ad mare conlitterat, nimio quâ fessus ab æstu  
 Infedit quondam Didymus sub sydere Cancrî:  
 Tunc Vatem divino asslatum numine mentem,  
 Hæc niveo scripsisse ferunt, oracula saxo:

D. Thomæ vati-  
 cium.

Ut Thetis hoc saxum circumfluat, alba sub Ortum  
 Gens veniet, quæ sacra Dei, ritusque Latinos  
 Instauret, cœloque errantes dirigat Indos:  
 Aurea tum largis decurrent secula rivis.

D. Saverii adventu  
 jam adimpletum, cu-  
 jus gesta se canere  
 optat, spondique  
 poëta,

Certa fides. Nerei trans turgida vinctus Eoi  
 Regna, coronatis ut puppibus appulit Indis  
 SABERIDES, vitreas festivo murmure læta  
 Jam Thetis ad saxum undas egerat. O mihi tanti  
 Facta viri liceat celebrare, & carmine digno  
 Egregiam palmam, & clari monumenta triumphî  
 Pieria ad virides umbras subtexere lauro.  
 Spero equidem pelago servatam ad litore puppim  
 Vertere, lætus ubi descendit in æquora molli  
 Pausilypus clivo, & sub tegmine rupis opaco  
 Stant Vatis sedes, & cognita rura Camœnis.  
 Hic ego, dum tremuli vicino ab litore ponti  
 Aspirant lenes Zephyri, & vaga murmuris aura  
 Aoniam motat sylvam, sacro incitus œstro  
 Alta trophæa viri, atque illustra facta sub Ortu;  
 Et victos dicam populos, regesque subactos.

Et Bellica contex-  
 turum.

Si tamen infirmæ  
 vires obtulerint ad  
 Pausilypum citati  
 cupit,

Quin etiam, si Parca mihi non invidet annos;  
 Firmaque proveniet spatiis vivacibus ætas,  
 Difficiles artes, & duri munera belli  
 Expediam, magnoque accendam prælia cantu.  
 Sin, has ne valeam Musarum accedere sedes,  
 Infirmæ obstitierint malefano in corpore vires,  
 Antra mihi, & vitrei placeant in litore fontes;  
 Æquora amem, scopulosque inglorius: ò ubi Nefis;  
 Pausilypusque, & Olympiacis lustrata puellis  
 Mergelline! ò, qui gelidæ me rupis in antro  
 Sistat, & optata Zephyrorum recreet aura?  
 Felix qui potuit famam protendere factis,  
 Æternùmque virum victor volitare per ora:

Et

(1) Eadem, ac Meliapor.



Et potuit rores Musarum haurire beatos.  
 Fortunatus & ille, maris qui Numina novit,  
 Nerea, Neptunumque senem, Divasque sorores:  
 Quique peroptata scopuli pendentis in umbra  
 Ducere felicem tranquilla per otia vitam,  
 Infansque Urbis valuit vitæ tumultus.  
 Ille, coloratis dum vincta Aurora quadrigis  
 Oceano redit ex alto, felicia lustrat  
 Rura per apricos colles, aut divitis horti  
 Delicias consuetus adit, fontesque revisit.  
 Hic per pulvinos, & per segmenta viarum,  
 Quæ lætæ arcolæ multo se flore coronant,  
 Multo & odore fragrant, it creber, & aurea lustrat  
 Dona Deum: nunc buxus ubi variata figuris  
 Assurgit media, aut murum prætexit, & arcus,  
 Assidet, & dulces volucrum bibit aure susurrus.  
 Hinc ubi jam saturas implevit cantibus aures  
 Garrula turba avium, surgit festivus, & umbram  
 Pinguis ubi gestit ramis felicibus arbos,  
 Arbuteas inter sylvas, & amœna vireta  
 Perquirat, cursatque cito pomaria gressu.  
 Exploratque, suum si duxerit uva colorem,  
 Si lixent ficus, si multo persica Sole  
 Mala rubent, curventque graves pomaria ramos:  
 Et juvat interdum felici ex arbore poma  
 Carpere, mellitos hinc & libare saporos.  
 Cum verò tenui rupere silentia flabro  
 Jam Zephyri, & leni crispantur verberæ fluctus,  
 Litus adit, scopulosque, & saxa virentia musco.  
 Hic celeres spectat cymbas cursare per undas,  
 Et pueros inter delphinas ludere cursu:  
 Nec non & pelagi Divas, tenerasque puellas  
 Concélébrare choros per litora, perque beatam  
 Pausilypi sedem, & passim indulcere choreis.  
 Audit & umbroso stratum Corydona sub antro  
 Litoreum gracili carmen deducere avena,  
 Et simul ingrata meditari Phyllidis ignes:  
 Interdum picto sulcat tranquilla phaselo  
 Cærula, & Euphræam cursu, viridemque revisit  
 Nesida, & longè Bajas, collesque Dicarchi,  
 Et te de navi aspectans, Misene, salutat.  
 At nunc quæ placidè sonat aura, & plurimus halat  
 Muscus odoratis è cautis, & vaga rorem  
 Ad scopulos veniens aspergit Doris amarum,  
 Cærulca infidit super alga, aut vertice in udo:

Amœna, felicisque  
 ad Pausilypum viarum  
 descriptio.

Hic

Hic piscatores solventes retia in undas  
 Aspicit, & captas properare ad litora prædas:  
 Cernit & inclusos resiliare indagine pisces,  
 Ac nitido squamas argento, auroque nitere,  
 Atque ostro, minioque, coruscantique smaragdo:  
 Hanc olim vetêres vitam coluisse putarim,  
 Qui validi centum spatiis felicibus annos  
 A morbis procul expertes, curisque trahebant.  
 At nunc (ò læti colles, scopulique valete)  
 Quò me Fata vocant per Eoi cœrula, cursus  
 Incœptos, quantum tenuis fert aura, sequamur.

Mirabiles Naturæ  
 vices circa Comori-  
 ni promontorium.

Mons ubi Calligius vitreas descendit in undas,  
 Ac bifidos findit tractus (1) Comorinus aquarum,  
 Alternas Naturæ vices sortitur, & uno  
 Admiranda loco rerum spectacula præbet,  
 Nec terris spectata aliis; nam tempore eodem  
 Hinc lævâ, vitreos quâ Sol petit aureus amnes  
 Oceani, rigidis contristat Dorida nimbis  
 Juppiter, & nigra perturbat sydera nûbe.  
 Arva rigent crebris Aquilonibus alta pruinis  
 Piniferum incandens juga montium, & horrida passim  
 Omnia frigoris densis concreta rigescunt.  
 At dextrâ interea montis discrimine parvo,  
 Purpurei fulgent Soles, cœlumque serena  
 Luce micat, Zephyrique maris læta æquora perflant?  
 Versicolor pratis ver purpurat: aurea rident  
 Culta, novæque nitent viridi de palmitis gemmæ.  
 At cum dextra hyems pelago, & nox incubat atra,  
 Tunc læva Zephyris ridet spirantibus æstas.

Admirandæ arbo-  
 ris, quæ & æstatem,  
 & hyemem refert de-  
 scriptio.

Qualis in Americæ sylvis felicibus arbos,  
 Quæ simul, ut fama est, & trunco, & mensibus iisdem,  
 Informem præfert hyemem, foliisque comantem  
 Æstatem, sentitque vices, mirabile dictu,  
 Adversas: hinc læta comis frondentibus umbram  
 Subtexit viridem, teneroque è cortice gemmas  
 Fundit odoratas, suavemque exhalat odorem:  
 Parte alia ramos foliis nudata rigentes  
 Horret, & amisso squallescit honore comarum.  
 Ergo ubi trans (2) Colchos molles te ventus in Austrum  
 Vexit, & horrendæ Comorini admoverit oræ,

Ne

(1) Ultimum Indicæ peninsulæ intra Gangem promonto-  
 rium, *Capo di Comorin*.

(2) Celebre Indiæ citerioris emporium, *Cochin*.

Ne te decipiat blandi pellacia ponti,  
 Atque leves Zephyri venientes murmure læto;  
 Instrue solertem magna ad certamina pubem  
 Solicitus: vix puppe latus transmiseris, ecce  
 Horrida tempestas cælo ruet, & freta cœca  
 Subverti rapido spectabis turbine venti.  
 Arte truces supera nimbos, Palinure: latentes  
 Et Syrtis etiam, & scopulos vitabis acutos.  
 Hinc si regalem Gangem petis, atque Peluram,  
 Flecte viam velis, tardamque ascende sub Arcton.  
 Hinc & Taprobranen linquens, (1) Corynque jacentem,  
 Gemmiferum juxta litus vada spumea sulca.

Comotini hyemes  
 præcavendæ.

At si purpureis passim baccata lapillis  
 Sit Chryseque, Ophyreque vagis lustranda carinis,  
 Tunc lavâ velis transmittitur insula, quâ se  
 Arboribus tollunt densis nemora avia centum,  
 Quæ calidum piper, & felicia cinnama fundunt.

Hic tibi prærupto venienti à vertice pontus  
 Ingens ante oculos aperitur, & insonat; illum  
 Angaricum dixere sinum, cui nomina Gangæ  
 Ipse etiam rutilo prolapsus flumine fecit.  
 Hic furit immanis violento turbine Typhon,  
 Barbarus Oceani regnator, & arbiter undæ  
 Eorû, centum puppes qui fluctibus hausit;  
 Et totidem per saxa tulit, totidemque sub auras  
 Abripuit, summoque iterum de vertice misit  
 In scopulos, in saxa, aut vortice merfit aquarum,  
 Et miseros nautas quoque funere merfit acerbo.

Typhon qui,

Vis Typhon violenta, procacibus horrida nimbis;  
 Et latè horriferis stridens animata procellis:  
 Improvisa ruit nigro de Vespere, nube  
 Discissa, & longè fugiens assibilat auris.  
 It citus orbe vago, cursatque per aëra circum  
 Cum sonitu, cœlumque ingenti murmure miscet:  
 Conclusum nubis gremio ceu fulmen apertum  
 Cùm molitur iter, medium per nubila raucò  
 Excursat fremitu, & cœli loca concava lustrat,  
 Si qua via in terras pateat: summaque repentè  
 Scindit vi nubem objectam, lapsumque per auras  
 It præceps, circumque vago fecat aëra cursu:  
 Incandetque ardens flammis, & murmurat alto

Et ejus descriptio.

Torn. II.

G g

Cum

(1) Insula inter Taprobranen, & Indicam peninsulam,  
 Manâr, Margaritarum piscatu celeberrima.

Cum sonitu, latèque poli convexa resultant.

Principiò lenes infernit in æquore fluctus

Cæruleus Typhon: mox imo turgida fundo

Alta ciet, frangitque, auris stridentibus, undas.

Non altæ in summis tutantur montibus ornos

Radices: forti vellit de cespite truncos,

Ac penitus diro populatur turbine sylvas.

Non & litoribus defendunt mœnia turres:

Tecta, domosque trahit, vastasque à culmine turres.

Sævior Oceani in medio furit æthere Typhon,

Horrendum stridens, magnasque à gurgite puppes

Abripit, & longè in scopulos, in saxa repentè

Dejicit, & mille in partes cava frangitur alnus,

Nunc gaulos circum ingentes immurmurat, & se

Per gyros flectit varios, atque orbibus orbes

Implicat, & celeri secum rapit aëra motu.

Ceu rota, nitrato quæ pulvere fulminis instar

Armatur, festisque solet flagrare diebus.

Utque ignem in sicca servatum recte minister

Admoveret; exemplò correpto è fomite velox

Igne circumsepta ruit vis; & cita fertur

Ignem rota, & sparsas jaculatur vertice flammæ:

Ingeminatque vagos, intus vi pulsa, rotatus

Cum strepitu, & rapido circum rapit aëra gyro.

Dat motus vento vires: tollitque sub auras

Vis ingens puppes: medio stant pendula cœlo

Navigia (horrendum dictu, & mirabile visu)

Hinc, aura fugiente, cadunt, demersaque ponto

Infandum pereunt. Dii talem avertite casum

Puppibus, & toto rapidos Typhonas Eoo,

Oceano & toto pariter removete benigni.

Æquator cœli medium quâ desuper orbem

Subligat, & medio præterluit Amphitrite

Ammerices oras inter, Lybiæque præusta

Non vada dissimili tempestas turbine miscet.

Dum ventis tranquilla filet Thetis, illicet ingens,

Atque inopina tonans magno clangore procella

Decidit, & disto citius tumida æquora tollit:

Agglomeratque simul nubes, atque aëra plangit,

Horrendo reboans strepitu, latèque remugit;

Ut moto credas dissolvi cardine mundum.

Et faceret; cita deficeret ni dira procella;

Nam tenuis vapor, eductus vi Solis in ignem

Vertitur extemplò, subitaque resolvitur aura.

Turbinis ut, magnus cecidit fragor, alta repentè

Tempestates hor-  
rendæ, torridæ Zonar,  
& casum descriptio.

Cæ.

Cœrula subsidunt, iterumque malacia ridet  
 Blanda mari; ut numquam gremio tumuisse furenti,  
 Et numquam cœlum tenebras texisse putares.  
 Rectores Galli, qui jam felicibus ausis  
 (Id quondam è Gallo memini accepisse magistro,  
 Dum me multa super ventis, pelagoque doceret)  
 Latè omnem magnis perlustrant classibus Orbem,  
 Ut propitius Mundi rectum venerè sub axem,  
 Adversumque polum aspiciunt, demissa reponunt  
 Æra rotis, navi in media, pubemque ferocem  
 Invigilare jubent velis: utque æthere (1) nubem  
 Exiguam spectant rarefcere (turbinis illa  
 Et secunda parens simul, & prænuntia surgit)  
 Omnia confestim ex alto demittere vela  
 Præcipiunt: secus invertet citus impete turbo  
 Navigium, subito veniens plangore per auras.  
 Nec dubium, quin dirus aquas ad sydera turbo  
 Attollet, circum Lunam si fulserit orbis  
 Subniger, aut sublustris, Halo cognomine dictus:  
 Aut curto Solem gyro præcinxerit Iris.

Est etiam ille malus per Eoi cœrula turbo,  
 (Quem Graii Præstera vocant) immanis, & atrox.  
 Ventus ab Æolia quo non violentior alter  
 Post Typhona venit, nimbisque, & fulmine septus.  
 Horrendum reboans disrupta è nube supernè  
 In terras ruit impacatus, & igne cornuscat.  
 Ac velut horrifico erumpit globus ære sub auras,  
 Pulvis ut exarsit, dira flammante favilla,  
 Fertur vi magna, atque ignito turbine fervens  
 Aëraque, nubesque, atque altas verberat urbes  
 Cum sonitu, tonitruque, & mœnia disijcit ictu.  
 Non secus accenso incandescens fulgure Præster,  
 Et violentus aquis descendit, & omnia flammis  
 Involuit, miserasque rates sub Tartara mittit;  
 Terrifico & longè complet maria alta tumultu.

Sunt genere ex hoc, quos nostri cognomine Nautæ

Aëris immanes appellavere Dracones:  
 Horrendique ferique, cavis qui desuper alnis  
 Protinus effundant si se, ratis illicet omnis  
 Scindetur, mediasque ibit dispersa per undas.  
 Cum longè infames cursu adventare Dracones  
 Aspicias, & trepidas perstringit sibilus aures,

G g 2

Præ-

Et has contes qua  
 se solertia Galli in-  
 situant.

Illarum signa.

Præster qui, & ejus  
 descriptio.

Qui sint Dracones.

(1) Nubecula isthæc alba appellatur à Nautis Bovis oculus.

Et quomodò fu-  
gandi.

Præcipio è rostris, aut quâ se turbidus infert  
Horrendo clamore Draco, te protinus æra,  
Ferratosque simul vèctes, atque ensibus enses  
Percutere adversùm, & belli simulacra ciere:  
Sic procul è puppi transibit territus ille.  
Non secus, ac densis obductus nimbis Æther  
Cum tonat, & latè reboans micat igne trifulco,  
In terris trepidæ gentes campana flagellant  
Assiduè æra, sono totus quo percitus aër  
E nubis gremio prohibet se mittere fulmen.

Præsteris igna.

Cùm spectas torpente mari, cœloque sereno,  
Exiguam summo dispergiæ æthere nubem,  
Immanem ex alto Ecnephiam properare videbis.  
Hoc etiam Præstera vocant cognomine Graii.

Quæ sit contra Ty-  
phonicus fulgentia.

Principiò, tumidos pelagi ne findere fluctus  
Incipias, operitur ager dum fronde caduca,  
Autumno squalente, vel igneus ardet Olympo  
Sol rapidis invehctus equis sub sydere Cancri;  
Lunaque fraternas cùm jam petit æmula bigas;  
Nam tunc Eoo crebescit in æquore Typhon,  
Et reddit fluctus, & non tractabile cœlum.  
At si te medio (vitare pericula cuncta  
Non opis est nostræ) comprehendit gurgite Typhon,  
Armatus longè scopulos & saxa caveto,  
Navigium nè fortè feroci turbine Typhon  
Abreptum ad cautes allidat; & æquore mergat.  
Est cava præterea trans litora, gurgite vasto  
Mitior ira: rates nec sæpius obruit altas.  
Illa sed in primis animo tibi cura recurset  
Sydera adire prece, & bona Numina poscere cœlo.

Ergo ubi terribilem descendere nubibus attris  
Typhonem aspicias, geminas ad sydera palmas  
Tende genu supplex, Divosque in vota vocato:  
Incipe tu: sociique iterent tua verba precantes.

Publicæ supplica-  
tiones pro Typhoni-  
bus, ac tempestatibus  
omnibus arcendis.

Principiò clamore Pater, Genitusque vocetur  
Æqualis Patri, & qui pectore spirat utroque  
Igne sacro, Deus ipse, & amoris amabile pignus.  
Et te, Virgo, vocent, quæ astatu numinis aucta,  
Servatorem hominum peperisti, & gaudia Mundo.  
Hinc &, syderios orbes qui præpete gyro  
Devolvunt, summique ferunt mandata Tonantis:  
Quique Deum nostræ contextum carnis amictu  
Jordanem ad fontem lustralibus abluit undis,  
Et magni Patres, & qui cecinere futura  
Fatidici multo repleti numine Vates.

Mox

Mox regni decus ætherii, columnque vocetur  
 Grandævus senior, supero & qui raptus Olympo est,  
 Atque alii, divina Dei qui dicta per omnem  
 Missi Orbem in populos, in barbara regna tulere,  
 Atque illi qui ignominias, & tristia passi  
 Servitia, æternam meruerunt laude coronam,  
 Et cælo regnare; suo & qui sanguine fuso  
 Firmavere fidem dictis, animamque volentes  
 Pro re divina, pro Religione dedere.  
 Inde pio magni pariter clamore Magistri,  
 Qui sacra nos docuere Dei, ritusque, vocentur;  
 Quique altum tenere nemus, quique auspice cælo,  
 Virginios primi cœtus coluere Parentes.  
 Teque vocent summo dilecta, Ancilla, Tonanti,  
 Quæ vitam in melius referens, luxusque profani,  
 Et Veneris pertæsa, Deum, & meliora sequuta es.  
 Ac Divæ palma insignes, castæque puellæ,  
 Desponsata Deo felicia pectora: & illæ  
 Quæ tot magnanimæ tormenta, & barbara iussa,  
 Et gentem immanem, & reges sprevere superbos,  
 Proque pudicitia, & pro cæsi Numinis igne.  
 Ac demum Oceani præsentia Numina magni  
 SABERIDÆ, Palinure, voca: premit ille potenti  
 Dextra Typhones, animosque, & pectora mulcet.  
 Mille rates, pulsus Typhonibus, æquore vasto  
 Servavit, totidemque alias sub Tartara missas  
 Restituit, nigroque potens avexit ab Orco  
 Magnus SABERIDÆ, Deus ætheris, Oceanique  
 Regnator: centum delubra per aurea Divi  
 Dependent passim tabulæ, cæлатаque in auro  
 Dona virum, mediis quos merfos traxit ab undis;  
 Syrtibus & quos, & scopulis eduxit acutis.

Sunt tibi præterea fugiendæ in gurgite Eoo  
 Maniæ (1), duri montes Magnete rigescunt  
 Latè ubi, qui pelago puppes vel tardat cuntes,  
 Vel rapiat arcana sensim virtute, propinquæ  
 Si vada dum fulcant, animatis rupibus ibunt.  
 Quippè silex ferrum trahit æmula; fertur & ipse  
 Spontè sua chalybis furor insitus, atque rigentes  
 Amplexus petit, & nexu sociantur eodem,  
 Ac velut emissam longo post tempore matrem  
 Ut puer aspexit venientem, se ocyus Euro

Maniæ Insula, ubi;  
 Adamantini montes  
 longe transmittenda.

Vi-

(1) *Isole di Præcl.*

Vibrat in amplexus, illum quò ducit amoris  
 Infita vis: citus ut tenuit, stringitque, fovetque,  
 Nec charo è gremio patitur divellier ardor,  
 Non secus arcana raptæ virtute carinæ,  
 Incassum contrà remis, & agentibus Austris,  
 Spontè ruunt in saxa, illisque tenacius hærent.  
 Quippè calent etiam durissima viscera, & intùs  
 Præduras lapidis, chalybisque est flamma medullas.  
 Sic sæpè Oceani proscindere segnès undas  
 Lyfiadæ puppes mirati: & flantibus auris,  
 Nequicquam validis impleri lintea flabris.  
 Sæpè rates etiam (multi cecinere magistri)  
 Abreptæ in scopulos, in saxa ruere repentè,  
 Creber ubi cælo, sustollitur Hercules mons.  
 Hinc nativa legunt qui litora puppibus, alnos  
 Fagineis nectunt radiis, truncove cavato  
 Nota secant patrii maris æquora: nec secus Arcto  
 Sub gelida faciunt nautæ, qui pellibus undas  
 Sæpè etiam fulcant; nam fundo plurimus imo  
 Occulitur Nerci Magnes, ferrumque, trabesque  
 Vi rapit: abreptæ subeunt freta cærula puppes,  
 Et miseri pariter merguntur in æquore nautæ.  
 Quin etiam (1) si vera fides, nec vana locuti)  
 Magna jacet medio rupes, surgitque sub ipso  
 Alta polo: circum nimbique atræque procellæ  
 Perpetuis ardent flammis, & cærula ventis  
 Aëta fremunt, totumque tegunt aspergine montem.  
 Mons ipse è rigido totus Magnete nigrescit.  
 Postquam servata tandem cum puppe Malacam  
 Veneris, in placida pinus statione reconde.  
 Hic nota instauret vires per litora pubes:  
 Quassatasque etiam præstat sarcire carinas,  
 Et commissuras, rimasque opplere patentes;  
 Perfusaque pice, & molli simul ungere cera.  
 Chryforum (2) extrema sedet in Tellure reposta  
 Urbs, Indi patrio appellant sermone Malacam.  
 Hæc placidas nautis sedes, & commoda præbet.  
 Seu sint extremo lustrandi in litore Seres,

Naves connexa Fa-  
 gincis clavīs.

Aurea Cherisop-  
 sus.

UL-

(1) Ferunt enim visam ab Oxoniensi quodam rupem sub  
 polo levatum 33. Magnetis, quam quatuor Euripi inter-  
 fluebant, perpetuò undarum fremitu. *Kircherius Artis ma-  
 gicae lib. 2. p. 5. c. 5.* (2) Chrysi; populi sunt Auræ  
 Chersonesi.



Ultima vel Chryse rosea sub sede petenda:  
 Sive tot Oceano passim perquirere regna  
 Sparsa vago, ignotumque velint penetrare sub Orbem.  
 Contrà elata mari, & medio sub vertice cœli  
 Maxima (1) Sindarum jacet æquore perlita Eoo  
 Insula, odoriferis sylvarum ditior umbris,  
 Et nigro sæcunda ebena, niveoque Elephantio.

Hinc interruptos roseum, Palinure, sub Ortum  
 Instaurare tibi liceat quo sydere cursus,  
 Expediam. Gemini vario pro tempore Soles  
 Dant faciles vento cursus, si dives Eoo  
 Cathygare quærenda sinu, ditiesque (2) Cyambes  
 Sylvæ ebena, & multo felices munere sylvæ.  
 Tethyos ex amne ardenti cùm Syrius astro  
 Surgit, & adversùm cedens Jovis armiger ales  
 Occidit, & rostro tumidas premit arduus undas,  
 Carpe fugam: tibi nulla datis mora cursibus obstat.  
 Altera tempestas sulcandis fluctibus apta est,  
 Cùm Sol Ægoceri lustrat jam proximus orbem,  
 Oleniæque cadit sydus glaciale capellæ.  
 Chryseæ ut primùm solvisti à litore funem,  
 Oceano cùm Luna novo venit aurea cornu,  
 Austrinum pete puppe latus, cautusque (3) Palandæ  
 Naufragio infames scopulos, fyrtesque dolosas  
 Vitabis: geminas inter freta concita terras  
 Horrendis passim scopulis, & fyrtibus horrent.

Sed postquam retrò saxis vada dura Palandæ  
 Liquisti velis: remisque, & protinus Arctos  
 Incipit apparere, viam tui flecte, relictoque  
 Ichorio (4), dextrâ violet tibi Dorida pinus,  
 Mitis ubi Oceani, & superabilis unda recurvat.  
 Nam quæ cæruleos diffundit ab aëre nimbos  
 Africus improvisus, & æquora turbine vertit,  
 Ingens æstus aquæ, & veloci flumina cursu  
 Transversùm recto rapiunt de tramite puppes:  
 Aurea ut Eoi legisti & litora longo  
 Circuitu, Seres, tandem, gentemque togatam;  
 Atque oras Asiæ extremas servatus adibis.

At superatâ maris post cæcula, quæ tibi in ipso  
 Sint nunc externo fugienda pericula portu,

Que tempestate in-  
 æstmissa navigatio in  
 ultimum Orientem  
 instauranda.

Ex quâ continuân-  
 da sit.

Ex-

(1) *Sumatra*. (2) *Sinarum Provincia Ptol.* fortasse erit,  
*Crambâ*. (3) *Urbs Auræ Cherlonesi, quæ est Pari ut Ca-*  
*staldo placet.* (4) *Ichor*.

Seres qui, & illorum Imperii descriptio.

Exsequar, & paucis rem totam ab origine dicam.  
Imperium Seres magnum, atque uberrima regna  
Oceano Eoo, & magno circumdata muro  
Soli habitant, vastasque colunt cum mœnibus urbes.  
Jura, magistratusque tenent, & sacra Deorum  
Antiquo cultu, alta & religione parentum,  
Officiis gens tota vacat, cultuque decoro;  
Acris & ingenio, inveniendis artibus acris.  
Attamen externos nimium sprevere superbi,  
Seu potius gentes armis timuere potentes  
Externas, nimia pressi formidine regni:  
Vincere ne quis eos, neu quis submittere possit.  
Namque animæ imbelles, piæstis splendore sub armis,  
Nec celeres arcu gaudent vibrare sagittas:  
Non acri exercèntur equo, nec Martia curant.  
Barbaricas hinc gens indixit barbara leges:  
Ausus inaccessis si Serum appellere terras  
Advena quis fuerit, tanto pro crimine pœnas  
Supplicio luet, atque infami morte piabit.  
Crimen & intactas Serum est contingere terras:  
Ausu nefas tantum servandi regna cupido est  
Commerci tandem causa, post secula sera,  
Ausu Lyfiadæ gentes penetrare repostas.  
Sed tamen Oceano primum consistere iussi  
In medio; super alta habita & commercia navi:  
Insulam & hinc pretio mercati, ut litore tuto  
Imbriferas durare hyemes, & frigora possent.  
(Tandem regna aurum irrupit, legesque refixit)  
Hic furtim jactis fundarunt mœnibus urbem;  
Atque etiam turres, & propugnacula muro  
Imposuere: Jovisque imitantia ahena fulmen  
Æra tenent altæ turres, urbemque tuentur.  
Ergo ubi Sinarum ventus te vexit ad oras,  
Portus tutus adi socios, urbemque (1) Macai:  
At si te portus, urbemque intrare negabit  
E prora assurgens ventus, dabit insula portus  
Plurima, quam circum mitis Natura locavit,  
Nec tibi vicina Seres de sede timendi;  
Nam rara Oceani percurrunt abiete campos:  
Magna coronatis sed flumina navigat alnis  
Gens illa, & toto jungit commercia regno?

Mille

---

(1) Insula, & urbs cum celebri portu, Lusitanorum emporium, & arx.

Mille rates fluviiis visuntur: & ordine longo  
Ire aliæ adverso, atque aliæ descendere prono  
Torrente, & magnas per flumina ducere merces.  
Undique recti amnes sunt puppibus, undique remis:

Ingens Sinarum  
navium per flumina  
multitudo, miro or-  
dine navigantium.

Ut vastas urbes vectari flumine credas.  
Namque domus ratibus fabricata, & moenia parva;  
Et res imperio unius rectoris aguntur.  
Oram solvendi cunctis hic tempora dicit,  
Quæque fugam primæ capiant, quæ deinde sequantur:  
Quæ dextram teneant ripam, quæ litora propter  
Læva secant fluvios: ubi Vespere figere castra  
Conveniat, pluviosque imbres sufferre morando;  
Ac fluvio interdum, atque adverso cedere vento.  
Legibus hinc omnes certis per maxima currunt  
Flumina: nec primæ venientes ordine tardant;  
Nec segnes istæ primas velocius urgent:  
Nec magnas inter naves, numeroque frequentes,  
Exiguo, & spatio fluviorum cernitur unquam,  
Aut levis incursum venientum, aut inter euntes  
Fit fragor, & parvo gliscit discordia motu.  
Quid non lex, hominumque potest prudentia major!

Præterea (miranda tibi spectacula dicam)  
Per latos regni campos, perque æquora circum  
Curribus alatis fugiunt, ventosque laceffunt.  
Ingentes ratibus similes de robore currus  
Ædificant, geminasque rotas utrinque reponunt.  
Attolluntque altum medio de corpore malum:  
Antennam, & malo sociant, ac linea pandunt  
Vela Notis; lætoque instantur carbasa vento.  
Et ceu puppis aquas, sic findunt æra currus,  
Ut ventum acceperere sinus: atque æquora tranant.  
Vis tantum valet ingenii, atque ars æmula tantum.  
Tales velivolos spectantur æquora currus  
Campana, & summo miratus colle (1) Tifata,  
Cum nuper Serum mores imitatus, & artes.  
Alata fugi per rura yrentia puppi.  
Et Batavi tales agitant per litora currus:  
Et ventum sæpe increpitant clamore morantem.

Curvus velivoli  
per campestria apud  
Seres.

Et apud Batavos,  
quos & auctor in  
campania exhibuit.

Sed tandem populos jam tempus adire repostos  
Oceanii fines ultra, quæ terminus Orbis  
Eoi. Titanis ubi sub sede rubentis

Japonia, ejus de-  
scripito, & gentium  
mores.

Tcm. II.

Hh

Pur-

(1) Mons Campaniæ propè Capuam, ubi Annibal ca-  
stra posuit.

Purpureas Aurora domos, croceumque cubile,  
 Tithoni tenet, & radiis micat aurea primis:  
 Oceano lita cœruleo jacet ultima Chryse,  
 Infula dives opum, & tot regibus inclita, & armis,  
 Eoo semota mari, divulsæque Mundi  
 Litore ab extremo tot seclis abdita quondam  
 Terrarum latuit dominos, gentemque togatam;  
 Nec Latios vidit fasces, timuitve secures.  
 Barbara gens habitu est, & diris barbarâ sacris:  
 Alta tamen mens olî, atque altum spirat honorem:  
 Fortunæ perferre vices, casusque finistros  
 Impatiens, vitamque petit pro laude pacisci.  
 E cœlo traxisse genus, Divisque beatis  
 Jactat, & innumeræ series numerantur avorum,  
 Progenitos quos ante putat primordia Mundi,  
 Et rerum coluisse chaos: per secula mille  
 Mentitur genus antiquum, deliria centum  
 Barbara gens fingit, quæ numquam, fabula Græcum,  
 Numquam indulgentes genio finxere poëtæ.  
 Mortales adeo vanus tumor, altaque mentis  
 Ambitio insanos fecit: commercia quondam  
 Nulla mari nobis habuere: sed impia leges  
 Illas gens posuit: pereat quicumque per altum  
 Jactatus ventis, & fluctibus appulit oris,  
 Quas miseris Natura dedit, statuitque benigna  
 Perfugium, rabidi fugientibus æquora ponti.  
 O genus invifum mortalibus, & fera corda  
 Nescia crudeli miserorum funere flecti!  
 Sic immanis, atrox, & moribus effera gens est;  
 Quæ nequit hospitii, & fœdere jungere dextras,  
 Heu! fuge crudeles populos, fuge litus iniquum,  
 Te nudi accipiant scopuli; periisse juvabit  
 Desertas inter cautes, quàm funere acerbo  
 Exaturare avidas miserorum in sanguine gentes.  
 Nunc age, quo cœli sub fydere puppibus æquor  
 Sulcandum Eoi, & ferus inquirendus Japon,  
 (Nam tali patrio se gens cognomine dicit)  
 Accipe. Ut ardentem stellis fulgentibus ensem  
 Exerit Oceanq; surgens armatus Orion,  
 Mitte ratem pelago; Divisque in vota vocatis,  
 Carbasa da Zephyris felicibus: æquora verrunt  
 Eoi lenes Zephyri, dum candida cœlo  
 Lux nitet, & radiis lustrat Sol aureus orbem;  
 At pelago immersus cùm noctem induxit, & umbram,  
 Austro agit fluctus, strepitatque sonantibus auris.

Sæpe

Quo tempore in  
 Japoniam navigan-  
 dum.

Sæpè etiam Boreas felici carbasa statu  
 Noctes, atque dies intendit, proximus Urfam  
 Cùm petis, & longè incipiunt crebescere terræ.  
 Solvere sæpè oram fas est, dum contrahit orbem  
 Fervidus exactum cancer, decrescere cùm jam  
 Incipiunt lucès, sensimque extendier. umbræ,  
 Ocyus è noto verum si litore funem  
 Ruperis, & stantes cursu præveneris auras,  
 Vitabis, Palinure, truce[m] Typhona procellis,  
 Et tandem Auroræ venies servatus ad axem.

Hic ego ni fractus curis sub fine laborum,  
 Jam spumantis equi festinem solvere colla,  
 Forsitan arctos irem cum puppe sub oras  
 Primus, & ærato gelidi per inhospita Mundi  
 Sulcarem rostro glacialis marmora ponti;  
 Unde iter Eoum, cursusque brevissimus undis.  
 Necnon & Manes alios, atque abdita regna  
 Adversa sub sede poli, quò navita nullus  
 Ivit adhuc, & nullæ unquam venere carinæ,  
 Lustrarem impavidus; non me concreta pruinis  
 Terrent vada, non glacies, noctesque profunda.  
 Nunc quoniam me Fata vetant petere abdita Mundi  
 Litora, & argentes cœli penetrare sub axes,  
 Fessus ad Hesperium sœctam mea carbasa litus;  
 Ammericæque novas quæram sub Vespere terras:  
 Puppibus illa aliis post me lustranda relinquo.

At mihi, vos clarum pelagi decus, ite per undas  
 Ite duces, Nymphæ Oceanitides: ite Camæntes  
 Vos unâ comites; quoniam sine munere vestro  
 Incastrum sulcamus aquas, nec vertice Pindi  
 Vocales Vati aspirant Zephyritides auræ.  
 Vos mihi quisnam hominum confidentissimus ille,  
 Sive aliquis fuerit satis alto à sanguine Divum,  
 (Namque ita censendum, mortalis enim haud homo tantum  
 Ausus opus tentare) canenti pandite, Muse:  
 Pandite quandoquidem, Divæ spectastis & illum,  
 Et meministis adhuc, vasti qui cœrula Atlantis  
 Remigio audaci, & Fatis ducentibus ipsis,  
 Sulcavit primus, domuitque incognita Nerei  
 Æquora, & alterius petiit felicia Mundi  
 Regna, novos populos, vastissima flumina & urbes;  
 Atque novo imposuit leges, & nomine Mundo  
 Ingentes animi, generosam pectus, & ingens  
 Olli robur erat, mentisque interrita virtus:  
 Acce erat ingenium; Superisque similimus ille.

Quo duce, terrarum non ampliùs ultima Thule  
Non intractus Atlas tumidus manet ampliùs undis.  
Plus ultra Oceanum licet ire; tumentia quando  
Pervia sunt maria, atque alter jam pervius Orbis.

Novi Orbis inventi  
fabula.

Vir fuit Aufonia in magna de sanguine Divum  
Progenitus, magnisque animis, & corpore pulchro.  
Illum Italæ gentes appellaverunt Columbum  
Nomine, Diva parens cui formosissima Nympha  
Uranie fuit, astringere quam sydera cœli  
Divino attollunt plausu, dum currit Olympi  
Stellati metam, atque orbes metitur, & ignes.

Columbus cele-  
stium rerum studio  
eruditus.

Hæc puerum teneris annis nemora avia circum  
Nutrit: & fotum gremio Dea sepe sub altis  
Aetheris immensi tractus, & concava cœli  
Sustulit, & dulces animo inspiravit amores  
Magnarum laudum, stimulosque incendit honoris.  
Nam juvat à teneris annis uti gloria pectus  
Spe dulci lætet, foveatque cupidine laudis;  
Ut magnos animos, & spem capiamus adulti;  
Et clara in decora, atque illustria facta gerenda  
Instimulet nos laudis amor, plaususque cupido.  
Major ubi lûstro crevit puer, aurea mater  
Syderis illum studiis, & Palladis arte  
Erudit, cœlique vias, & sydera dixit.  
Cur medio librata loco vastissima Tellus  
Stet firma, & trepidum numquam latus incita mutet:  
Et vastis conclusa fluant maria alta cavernis  
Fluctibus alternis: cur latè mobilis æther  
Per mare, per terras circum diffunditur omnes;  
Scilicet ut dulces vitæ mortalibus auras  
Præbeat insinuans sese per corpora ubique:  
Unde & tot variis versentur motibus orbes  
Ætherii: sed certa vagis data viarum  
Syderibus: spatiis & per sua tempora certis  
Quodque ruat, loca & inter tot perplexa vagetur:  
At cœli convexa super cur segniùs astra  
Fixa orbi incedant, una & sub lege ciantur.  
Præterea tantum cur sese tingere ponto  
Hyberni properent Soles, vel quæ mora tantum  
Æstivos tardet; cœli quia cardine summo  
Scilicet obliquus Signorum volvitur orbis.  
Et quid se in varios Virgo Latonia vultus  
Induat, & rutilos alternet frontis honores:  
Vel cur interdum media sub nocte repenti  
Occulat amissis totum splendoribus orbem;

Nimirum quia luce sua non illa coruscat:  
 Sed nitet accepto fraterna è luce nitore:  
 Ut reliqui radiant ignes: nam luminis unus  
 Sol pater, & Solis sunt omnia lumine plena.  
 Dixit &, obductis fulgoribus, unde laboret  
 Sol ipse; ante oculos quia scilicet invida nostros  
 Sese Luna tulit; ceu cum velamen apertam  
 Scenam in conspectu subito occu'it interjectum.

Insuper his, nigro quà se sub Vespere condit  
 Sol ultrà Oceanum, alterius felicia Mundi  
 Regna etiam abscondi, gentesque, & flumina, & urbes,  
 Edocuit: promissis quæ jam volventibus annis,  
 Ipse per immensum velis audacibus æquor  
 Attinget primus, populosque in fœdera nostra,  
 In leges, in sacra Deum, moresque vocabit:  
 Nominaque imponet Mundo: seque æthere ab alto  
 Ignotis monstrare viam promissit in undis.

Ille in spem tantam primis nutritus ab annis,  
 Utque ætate nova pubescere cœpit adultus,  
 Cum vigor accrescit membris, & vivida virtus  
 Irritat laudis stimulos, viresque ministrat  
 Ingentes animo, & mens altum affectat honorem,  
 Hoc opus, hoc imis versabat sensibus: ingens  
 Et laudis studium, & lustrandi gloria Mundi  
 Incessit pectus, stimulisque accensa cupido  
 Urgebat damnare moras, per somnia lætus,  
 Aut videt, aut vidisse putat nova litora terræ:  
 Nam quæ sæpè diu meditamur sensibus imis,  
 Ac penitus menti insidunt, cupimusque futura,  
 Illa eadem somni sub imagine sæpè videmus.  
 Ardua non illum magnarum exordia rerum,  
 Non varii terrent casus, cursumque retardat  
 Dulcis amor patriæ, studiumque ignobilis otii.  
 Sufficit ipsa animis ingentes gloria vires.  
 Ergo moras ultrà differre, ruentibus annis,  
 Impatiens, jam carpit iter, quà terminus olim  
 Herculeæ noti Orbis erant, rerumque columnæ.

Hic quondam Libyam juxtà, quà maximus Atlas  
 Alto cœlum humero, & flammantia sydera torquet,  
 Insula magna fuit medio sita gurgite, prisci  
 Dista est, ut perhibent, Atlantia nomine regis;  
 Quæ magno terræ motu concussa repente  
 Corruit absorpta Oceano: sententia multis  
 Hæc alia est; primo submersam scilicet illam  
 Diluvio periisse: sed alta cacumina montium

Et de novi Orbis  
 detegendi noticia in-  
 Arcus.

Ingens illius ardor  
 novum Orbem per-  
 quirendi.

Atlantia insula sub-  
 mersa: unde & For-  
 tunarum insulæ.

Emer-

Emergere mari, Fortunatæque vocantur  
 Insulae Oceano in vasto, quas lustrat Apollo  
 Dum caput immergit pelago defessus Ibero.  
 Ultimus hic Phæbi labor est, & meta diei;  
 Et Libyæ præter fines olim ultima rerum  
 Meta fuit: circum mare fluctuat Atlanteum.  
 Primus & hæc cæli percurrit circulus alti  
 Quique diem, noctemque secans, duo tempora signat,  
 Quo Sol in medio micat axe altissimus, & quo  
 Sub pedibus Manes lustrat, Ditemque profundum.

At Fortunatas inter celeberrima Tellus,

Junonis insula,  
*Teneriffa*, ubi ingens  
 mons Picus appella-  
 tus.

Quæ Superum sacra Reginæ, cognomina jactat  
 Junonis magnæ, centum cui templa sacrarunt  
 Æthiopes passim per litora. Tollitur hic mons  
 Æmulus Atlanti, cælumque cacumine pulsat  
 Extremo: sentitque vices, mirabile dictu,  
 Adversas: centum dorso nemora avia densis  
 Arboribus furgent, latèque virentia centum  
 Prata coloratis cum floribus undique spirant:  
 Fluctibus & vitreis medius fuit irriguus fons,  
 Murmura blanda ciens: sed candida colla pruinis  
 Incandens, nivibusque riget senis horrida barba.  
 Ardescit flamma vertex; nam proximus urget  
 Ætheriam flammam, atque Elementi simplicis ignem.

Columbi sollicitudo,  
 curæque de novo  
 Orbe detegendo.

Hûc ubi Tartessi præter vada fervida venit,  
 Immensum molitur opus, crebræque recursant  
 Curæ animo: monstrante Dea, quò Tethya possit  
 Tutus adire, novumque Orbem lustrare latentem:  
 Et matrem expectat cælo, incusatque morantem.  
 Altas Oceano puppes, jam certus eundi  
 Mittit ovans: dat vela Notis: sed vertere retrò  
 Cogitur inde iter, & magnis abstinere cœptis.  
 Nam dubius nescit quo sydere naviget æquor,  
 Quasve plagas cursu primum petat, & freta primum:  
 Quæ turbet, qua parte poli ruat incita classis:  
 An Boream, an lævâ tepidum descendat in Austrum  
 Quas & inaccessas tandem se vertat in oras.  
 His animum pressus curis subit ardua montis  
 Culmina; si matrem forsân juga celsa colentem  
 Uraniam inveniat miser, & promissa reposcat.  
 Verticibus fessus summis jam proximus ibat,  
 Cùm videt ingentem molli descendere clivo  
 Planitiem, & circum gemmantia floribus arva;  
 Amnis ubi placidus, nitidisque argenteus undis  
 Pnnice muscoso manabat, & anrea propter

Cul-



Culta canorus aquis, & molliter ibat in herbas,  
Hic sedet, & tristi diffundit ab ore querelas.

Quid juvat, ò Mater, præclaro à sanguine Divum

Ætherium traxisse genus, si pulcher Apollo,  
Ut mihi narrabas, pater est, & montibus altum

Agrestes inter Divas, & Oreadas inter:

Et me natum in laudem, & facta illustra natum;

Si te nunc nostræ ceperunt tædia laudis.

Non servas promissa memor: non æthere summo

Pandis iter, trepidamque ratem per cæcula ducis,

I, perge, & totam nigris tege nubibus æthram,

Irrita ventos: fluctusque ad sydera tolle,

Quin age, & ipsa manu nostris jace classibus ignem.

Sic pereant naves, & spes simul excidat omnis.

Non procul auratis quæ floribus arva rubebant,

Argutum nemus, & crebris loca confita sylvis

Gratam præbebant mediis fervoribus umbram,

Deliciæ Superum, & statio placidissima Divum,

Huc fortè Uranie cœtu stipata Dearum

Venerat ex alto nimio defessa labore:

Ac memora inter sacra Jovis, sedesque beatas

Felicem Zephyrum, & frigus captabat opacum.

Quam circum Divæ centum, teneræque puellæ

Suavi ludebant cantu, placidisque choreis.

Purpureis formosa comis, & candida mammas

Andromede, & roseis Helice succincta cothurnis,

Nectebant primæ choreas: Cynosura sororem

Ponè sequebatur, dulci placidissima visu

Cæleriæque effusa levem per candida colla.

Ægleque, & soror Amphichrysis, Olympides ambæ,

Ambæ auro, & stellis redimitæ ardentibus ambæ,

Parte alia celeres jungebant orbibus orbes:

Erigoneque, & flava Pelorias (altera virgo,

Altera tum primùm thalamo dotata jugali)

Et Berenice, Ephyreque, atque aurea Cassiopeja;

Ac demum niveas Erato nudata papillas.

Illæ dum choreas ducebant, candida Clio

Pulchros Belidæ cantabat Agenoris hortos,

Dulciâ purpureis subreptaque pignora ab hortis,

Dum choreas inter ludit chorus omnis, & almi

Furta Jovis, toto & mutatas corpore formas,

Ac pavidam Europam Tauro super æquora nantem.

Quo blando Nymphæ mulcebant carmine mentem.

Divarum luctus tum sebilis impulit aures,

Ac simul audiri gemitus cœpere Columbi.

Et ad Matrem Ura-  
niam querelæ.

Cælestium diva-  
rum, & Uranie lu-  
sus. Qui Columbi  
quæstibus intercedi-  
tur.

Extremplò Nymphæ choreis, cantuque relicto;  
 Obstupere: sed ante alias Cynosura fores  
 Egreditur nemore, & nitidum caput extulit umbris:  
 Et procul: ò soror Uranie, tua cura, Columbus  
 Tristis ad irriguas muscoli marginis undas  
 Stat lacrymans, altisque replet nemus omne querelis,  
 Te crebrò vocat, & crudelem nomine dicit.

Hic iterum percussa parens formidine mentem:

Duc, ait, ò Cynosura soror, duc alta Columbus  
 In nemora, & sacros liceat penetrare recessus.  
 Tunc illum solata, jubet Cynosura sub umbras  
 Sacra nemoris succedere: protinus ille

Columbus in nemus  
 introductur,  
 mensæque affidet.

Exequitur data iussa Deæ, graditurque per arva.  
 Utque nemus subire, viro venit obuius omnis  
 Nympharum chorus: ante alias procedit ovari  
 Uranie gnato, & sacra in penetralia ducit.

Postquam est in nemus argutum, saltusque beatos  
 Perventum, & nati questus audit inanes  
 Uranie, manibus dant vitrea flumina Nymphæ,  
 Canaque detonsis tendunt mantilia villis.  
 Mox dulces mensis epulas, & pocula ponunt,  
 Pocula felici spumantia nestare Divum.  
 Accubere Deæ mensis, seditque Columbus  
 Uranen inter genitricem, Opimque forem.

Hinc epulis postquam expleti, mensæque remotæ;

Uranie affari natum jubet: incipit ille:  
 Uranie mater, cœli pulcherrima Nympha,  
 Unum oro (quando Superum mihi munere Divum  
 Ingentes aperire datur mortalibus Orbes)

Materem orat.

Ire novum in Mundum trans longè Atlanta repostum  
 Contingat: doceas iter: & maria invia pandas.

Cui contrà roseo mater sic ore locuta est:

Nulla tui me unquam cepere oblivia, nate:  
 Obstabant sed Fata: suis nec vellera fufis,  
 Sollicitæ quanquam, explerant felicia Parcæ.  
 Et nobis nihil invitis fas querere Divis.

Matri Uranie ad  
 Columbum sermo.

Nunc promissa, sinunt dum Fata, & Juppiter æquus,  
 Implebo. Superi jam te per concava cœli  
 Supra undas, montesque supra, & vaga nubila ducam;  
 Cernere quò terras omnes, maria omnia possis,  
 Et novus, intactis præter freta cœrula Atlantis  
 Orbis ubi nigro sese sub Vespere condit;  
 Et cæpenda tibi quâ sit via tuta per undas,  
 Expediam. Mora nulla, velut vada flava Caystri.  
 Aut cum Mæandri, vel Minci flumina linqunt

Can-

Candentes cygni, celerique per aëra lapsu  
 Sydera summa petunt; niveum volat agmen in auras:  
 Arripere fugam Divæ, & pernicibus alis  
 Alta secant, cœlumque petunt: præit agmina prima  
 Uranie, & gnatum secum Dea tollit in altum  
 Purpureæ innixum nubi: volat ille per auras  
 Lætus, & ætherios gaudet contingere honores.  
 Jam super aërias sedes, camposque liquentes  
 Divarum pennata cohors conscenderat: & jam  
 Incipiunt sensim sonitus audire beatos,  
 Et tractim resonare: novo modulamine captus  
 Constitit extemplo Diva satus, & bibit aure  
 Concentum, pascitque avidos dulcedine sensus  
 Insueta: longumque oculis mirantibus hæsit.  
 Mox charam alloquitur genitricem, & talia dicit:  
 Quisne hic concentus, genitrix, dulcisque susurrus,  
 Qui nunc exoritur, sensimque accrescit eundo?  
 An est hæc Superum sedes, ubi sydera cantu  
 Mota sonant, placidisque ruunt concentibus orbes?

Sic gnatus: sic orsa refert contrâ aurea mater;  
 Non longè hinc radiat stellati regia cœli,  
 Mota ubi concentu Superis vaga sydera plaudunt.  
 Mens sua syderibus, vastos quæ perciet orbes;  
 Et paribus numeris, paribus rotat intervallis.  
 Intus agit molem: concepto machina motu  
 Labitur, & motis concursant orbibus orbes,  
 Fit sonus, & certis modulantur pulsibus astra.  
 Percurrit numeros mens illa, & lege sequuntur  
 Disparibus, paribusque modis vocalibus orbes.  
 Subsultat, modulante polo, concentibus æther:  
 Et vario cœlum replet modulamine cantus.

Jamque propinquabat venientibus aurea Phœbe;  
 Et major gemino splendebat lucida cornu.  
 Inde jugis quondam cupressiferæ Cyllenes  
 Patre Jove, & Maja genitus, summusque Deorum  
 Nuncius, ardenti mortalibus igne videri  
 Difficilis: quem ponè Venus fulgentibus astris,  
 Orbis amor, placidique parens gratissima risus,  
 Insequitur, blandoque oblectat lumine Divos:  
 Proximus & Titan fulvo circumdatus auro  
 Divarum ante oculos magnum dabat igneus orbem:  
 Grandior apparet Mavors, latèque coruscat,  
 Cui lateri gemma intertextum baltheus ensẽ  
 Sustinet, & capiti cristis micat aurea cassis.  
 Juppiter hinc sociis radians argenteus astris,

Tom. II.

li

Pura-

Astrum petens.

Astrorum concentus.

Illius causa, &amp; descriptio.

Septem errantia sydera describuntur.

Puraque diffundens sua lumina: proximus ibat  
 Huic genitor, longo sed proximus intervallo.  
 Attonitus stetit Uranie satus, aurea cœli  
 Sydera dum spectat rutilis ardentia flammis.  
 Miratur molem ingentem, celeresque rotatus  
 Astrorum, & magnis se volvere cursibus orbes.  
 Miraturque vagi suspendier ætheris ignes,  
 Luminaque ardentis radiis imitata pyropos.  
 Hic stetit Uranie, & cœtus stetit omnis ovantum  
 Nympharum, & niveis librat se pendulus alis,  
 Ipsa fugam veluti cùm cepit ab arce columba,  
 Et super aérias sedes se sustulit alis,  
 Figit iter liquidum, & simul aëre tuta quieto,  
 Pennarum iusto libratur pondere, nec se,  
 Nec circum nutans candentes commovet alas.

Ipsa sed interea Tellus minor æthere ab alto,  
 Sub pedibusque Deæ, roseaque è nube videtur:  
 Et simul antè oculos sensim curvata patescit,  
 Apparent demissus Atlas, demissa Pyrene;  
 Multùm piniferis nec se cum montibus Alpes  
 Attollunt; humiles quantum consurgere clivi  
 Cernuntur, tantùm se tollere cernitur Atlas,  
 Et (1) jura, atque Alpes, & montibus alta Pyrene.  
 Contractus fertur spatiis Gis fertilis alveo,  
 Et Tagus aurifera longè rarefcit arena:  
 Contrahit Oceanus sua cornua, contrahit undas:  
 Et placidè fluitant contracto cœrula limbo.  
 Qualis ubi picto spectatur scena theatro,  
 In breve collecti spatium, montesque, lacusque,  
 Ac fluvii, sylvæque, arcesque videntur, & urbes.  
 Magna sub Occasum Oceani trans æquora vasti  
 Terrarum moles dubia sub luce patescit:  
 Ceu cùm prima aperit ferrugine lutea cœlum  
 Aurora, & Solem terris prænuncia pandit,  
 Eminùs apparent lustrati lumine montes  
 Cærulei, & fusca cœli ferrugine tinèti.

Has longè in terras sua lumina flectere natum,  
 Protinus Uranie Dea jussit: & ore profari  
 Incipit: ille Deæ pendet dicentis ab ore,  
 Terra, procul vasto quam cernis Atlante repostam,  
 Et longè à nostris via dividit invia terris,

Est

---

(1) Gallie mons Sequanos ab Helvetiis discludens, *Monte di S. Claud*, & *Jurat*.

Est novus Orbis, aquis latè circumfluus udis.  
 (Ammericen dicent) quem noscere Fata negarunt  
 Antiquis: intactus adhuc manet abditus ultra  
 Oceani fines: sed nunc post secula fera  
 Jam visum est Superis aperire, & jungere tandem  
 Noto Orbi, gentesque alias in fœdere nostra,  
 In leges, & sacra Deum, moresque vocari.  
 Teque opus in tantum felicia Fata reposcunt  
 Auctoremque, ducemque: inventi gloria Mundi.  
 Et uni concessa tibi: tu fœdera junges:  
 Tu leges, & sacra dabis: tu nomina nostra  
 Gentibus impones. Sed jam tibi singula paucis  
 Expediam, nate; & quæ sint ventura, docebo.

Terra potens regnis, & gentibus inclita mille,  
 In geminos Orbes se dividit: alter in Austrum,  
 Alter in Arctos latè se porrigit oras.  
 Quos geminos Orbes hinc inde interlitus Isthmus  
 Adnexit, maria alta secans discrimine parvo.  
 Sed circum tota Oceano vastissima Tellus  
 Cingitur. Æquator medius quam dividit orbis.  
 E læva secat Ægoceros, quâ strictior Austro  
 Irrumpit: contrâ præter freta confita saxis  
 Insula (1) respondet flagrantibus horrida flammis.  
 At dextra Cancer rutilantibus igneus astris  
 Percurrit mediam; longèque extensa sub Urfas  
 Clauditur Arctoo gyro, glacieque rigescit.  
 Dives opum, dives gemmarum, dives & auri:  
 Et cultu parens, & fertilis ubere glebæ.  
 Flava Ceres campis: nascuntur collibus uvæ;  
 Et nemora alta tegunt montes, vallesque per imas  
 Irriguis centum labuntur fluvibus amnes,  
 Ac loca læta rigant. Venientibus Insula magno  
 Quæ prima Oceano occurrit (cognomine (2) Haytim  
 Gens vocat) æratas tuta in statione carinas  
 Accipiet, concessa tibi quæ prima laboris  
 Meta est: purpureis, illam, cùm fulserit astris  
 Candida Taygete, vectorque Athamantidos Helles  
 Jam caput extulerit stellato in vellere fulgens:  
 Aut longos cùm Libra dies æquaverit umbris;  
 (Nam fortunatos faciunt duo tempora cursus)  
 Nate, petes; auris nam tunc felicitibus Euri

Americen descri-  
 ptio.

Quo tempore adeun-  
 da à matre docetur  
 Columbus.

(1) Terra del Fuoco ab ignivomis montibus dicta.

(2) Hispaniola.

Aspirant, præbetque viam quoque prævius Atlas,  
Tende iter in Noton, & quâ circulus imminet alti  
Solstitii, quod cùm perveneris, agmen opacum  
Dirige in Occasum, quâ se currentibus undis  
Pronus agit pelagus; nam sic, ducentibus ipsis  
Fluctibus, Oceanum celeri cum puppe secabis.

Dii primum liba-  
mine placandi.

Antè sed Oceanus placandus, & humida Doris;  
Nate, tibi; facilisque simul Dea divitis Orbis  
Ammerice: per vasta dabunt tibi cæula cursus  
Felices illi; hæc felicia litora pandet.

Monstra maris magni vitulos in litore septem  
Oceano mactabis, & æquoris insuper Orcam  
Cæde ante aras; Oceanoque hæc munera mittes.  
Dorida sed geminis ovibus venerabere cæsis  
Inde Deam: dicesque: Tibi, pulcherrima Dori,  
Has geminas mactamus oves; tu gurgite puppes  
Læta præi, & vitreas mecum, Dea, curre per undas.  
At Divam, cui cura remoti contingit Orbis,  
Ammericen, fuso vitulæ venerare cruore,  
Effundesque preces, Numenque vocabis amicum:

Hæc dedit Uranie: & subito pernicipibus alis  
In terras delapsa volat, natumque reducit:  
Et circum comites Nymphæque, Deæque sequuntur?  
Ut sacrum venere nemus, sedesque beatas;  
Natum iterum Uranie assatur, Dea syderis alti.

Et labores exan-  
tlandi.

Te, nunc qui casus variis, durique labores,  
Nate, manent, salvis venias quàm puppibus antè  
Litus in ignotum, & dulci potiaris arena;  
(Quippe ferunt secum magnarum exordia rerum  
Difficiles casus, exudandosque labores)  
Expeditam. Indomiti per inhospita cæula venti,  
Et tempestates duræ, nimbique ferendi,  
Et maris intoleranda quies, crudelior ipsa  
Ventorum rabie; magnarum & longa viarum  
Tædia, & ardentes Cancri sub sydere Soles.  
Sæpius ambesas coget consumere quadras  
Dira fames: sæpè & vestras discordia puppes  
Invadet, Stygiisque furet stipata manipulis:  
Exacuetque iras, socios & in arma vocabit.  
His ne cede malis, nec retrò vertere cursum  
Inceptum tentes, superisque obfistere Fatis.  
Cuncta feres animosè, & durando omnia vinctes;  
Finis erit: finem tandem properasse malorum  
Indicio tibi erunt volucres: tibi mittet & illas  
Conciliata tuis precibus, vitulaque litata

Am:

Ammerice: festo volucres clamore saluta,  
 Et socii festo volucres clamore saluent:  
 Quippè novo optatos ostendent litore portus.  
 Perge modo: & quâ te magnum via ducit in Orbem  
 I, sequere: & tandem felicibus utere Fatis:  
 Dux adero ipsa tibi, & præsentî Numine ducam.

Hæc ubi confestim rosea cervice refulsi  
 Avertens vultum; & cætu comitata sororum  
 Se dedit in nubem: natumque reliquit. At ille,  
 Matre Dea monstrante vias, init æquore cursum,  
 Atque novi gentes, urbesque, & litora Mundi  
 Lætus adit, jungitque aliis commercia terris.

Hoc nobis auctore novum (1) monstrata sub Orbem  
 Solis ad Occasum, intactique per æquora Atlantis  
 Est via, difficilis primùm, & vallata periclis:  
 Quam tandem crebri errores, ac tempora longa,  
 Et facilem solers hominum experientia fecit.

Sed quamquam vicina ratem jam litora poscant:  
 Ipse & amem merita puppim redimire corolla,  
 Quam mihi (2) materna subtexit Olympia myrto:  
 Et formosa sinu venientî Nefis, & omnis  
 Cætus Olympiadum plausu gratetur ovanti:  
 Et nassas, & retia rara: novumque (3) laborem,  
 Et novaserta paret viridi florentia musco.  
 Quamvis Heroam prætendant & mihi laurum  
 Pierides, fremituque sonans Europa secundo  
 Fortunata in bella vocet, quibus aurea laudum  
 Proh quanta affurget Vati seges. Hinc furor, iræque,  
 Indomitique animi, & superata ferocia Thracum,  
 Et tandem AUSTRIACO deviستا (4) Sicambria MARTE,  
 Et Spes Regnorum ingentes: hinc celsa (5) Methone,  
 Et Pylus Ausoniis celsit quæ capta triumphis,  
 Deditaque Odrysiùm bis fractis (6) Nauplia signis;  
 Hinc & Sarmaticis concussa bipennibus horrens  
 Taurica, (7) Cimmeriumque nemus, Tanaisque subæctus,  
 Jam veniunt majore tuba celebranda per omnes

Æta-

---

(1) Anno 1491. quo Kal. Aug. in novum Orbem solvit Columbus. (2) Natus enim poeta est ex matre Olympica.

(3) Halieutica scilicet, quæ nunc parantur. (4) *Buda* Hungarici Regni caput, capta ab Austriacis Lotharingio, & Bavaro Ducibus anno 1686. 1v. Non. Septemb.

(5) *Modone* Peloponnesi, *Morea* quæ nunc dicitur, Urbs.

(6) *Napoli di Romania*. (7) Barbaris *Krim*, & *Krimea*.

Ætates, merita in terris quò fama perennet  
 Magnanimùm Heroum, primi qui fortibus ausis  
 Res (1) Othomaniddùm conati evertere fundo,  
 Infamisque (2) Arabi ritus abolere profanos,  
 (Quæ laus, ò LEOPOLDE, tua est: est & tua, Magne  
 CAROLE (3), Threicio nomen fatale Tyranno,  
 At Latio semper felix, & amabile Regno;  
 Est tua &, (4) EMMANUEL, primis qui magnus ab annis  
 Magna paras rerum molimina, te quoque possis  
 Victor ut æternis Divorum ascribere fastis:  
 Est tua Sarmaticæ (5), REX invictissime, gentis,  
 Cui jam pronus aquis se subjicit omnibus Ister:  
 Et vestra, ò VENERI Proceres, qui Numine dextro  
 Jam Byzantinis infertis turribus arma,  
 Turpejosque iterum fasces) ipsique nepotes  
 Egregiis discant majorum insistere cœptis.  
 Non tamen Atlante, in magno, quæ cura magistro,  
 Cum petit externas fusco sub Vespere gentes,  
 Dicere præteream. Bætis trans ostia gaulos,  
 Aut Gaditano mittes de litore in altum,  
 Non propria sub veste nitens dum Juppiter Ammon,  
 Aut geminæ surgunt æquato lumine Chelæ:  
 Et Tartessiæ præter vada fervida ponti,  
 In Fortunatas cursu contende citato.  
 Hinc fugiens mediæ propter confinia Zonæ,  
 In virides pleno laberis mense (6) Caribas.  
 Tunc & Lyfiadæ aurato de flumine solvant,  
 Brasiliæ si regna petant, vel divitis oræ  
 Litora, quæ nitidis subtermicat amnis arenis.  
 At novus occiduo si fors quærendus in Orbe  
 Sit tibi Iber, seno cùm cœtu (7) Eudora sororum  
 Exilit Oceano, & rorantibus emicat astris,  
 Oram solve citus; nam si tardabis iniqui  
 In proram venient commixta grandine nimbi.  
 At verò Austrinos terra in (8) Chryseide portus  
 Si quæras, da vela, madent cùm præla Falerno,

Aut

---

(1) Turcæ ab Othomanno primo Imperii duce sic dicti.

(2) Mahometes nefariæ Sæctæ terribilissimus Parens.

(3) V. hoc nomine Lotharingæ Dux, Austriaci exercitus Summus Imperator. (4) Maximilianus Emmanuel Dux Bavaricæ. (5) JOANNES III. Rex Poloniæ. (6) Insulæ Americæ, quæ primæ occurrunt. (7) Una ex Hyadibus.

(8) *Castiglia dell'oro*, Provincia meridionalis Americæ.

Ex Europæ Americæ  
 navigatio, quomodo,  
 & quo tempore instituta.



Aut gravis ira Canis dùm faucibus ardet hiulcis;  
 Nam tunc Eoi stato flant tempore venti,  
 Occiduam leni crispantes Tethya flabro.

Verùm (1) Rupellæ è portu, portuque (2) Dieppes  
 Rectores Galli solvant, (3) Aravana petenda  
 Si fuerint nova regna, mari cùm protinus lo  
 Assurgit dilecta Jovi, stellisque cornuscat.  
 At si semotæ lustrent Arctoa (4) Canadæ  
 Regna, coronatis committant puppibus Euros,  
 Cùm nitidæ pronom se subtrahit Ilidis astrum,  
 Et face Tyndaridæ lustrantur Solis amici.

Nunc age, quæ reditu via sit, quo sydere cœli,  
 Dicamus. Medio properat quæ classis ab (5) Isthmo,  
 Et Mexicano veniunt qui litore gauli,  
 Quique ingens aurum terra è Chryseide vèstant,  
 Havanæ (6) in portum contendant: hinc ubi cœlo  
 Emicat Alcidiæ invifus Junonius ignis,  
 Dent placidos classî Zephyros, & sine relicto  
 Ardentis Zonæ, dulcem mortalibus ægris  
 Temperiem quærant, fulcantes cœca (7) Bahamæ  
 Cærula, & egelidas certent properare sub Urfas,  
 Arctous Mundi tandem quod partibus altus  
 Jam quadragenis confurgat ab æquore vertex:  
 Nam sic occidui surgentia flamina Cauti  
 Intendent vela, & venti vitantur Eoi.

Mox iter arripiant, quâ matutina reducit  
 Assurgens primum nobis Aurora laborem;  
 Namque sub exactum cernent de gurgite signum  
 Azoridas (8) tolli, & tutos rarefcere portus;  
 Unde iter Europam ter quino absolvitur orbe.  
 At Galli redeant, cùm Pampincus Autumnus  
 Dat pingues nobis uvas, & mitia poma.

At dextro quicumque novi de litore Mundi  
 Parthenias (9) quæris terras, sparsasque (10) Baruffas  
 Per (11) mare pacis amans, venientes Solis ab ortu

Et ex America in  
 Europam,

Et tandem ex Ame-  
 rica in Philippinas.

Ac-

---

(1) Roccella. (2) Dieppe. (3) Aravari in America,  
 inter Pariam amnem, & Amazonum. (4) Provincia Ame-  
 ricæ Septentrionalis à fluvio dicta Canadâ, quæ & nova  
 Francia. (5) Panamá. (6) Urbs Insulæ Cubæ. (7) Insu-  
 la contra Floridam. (8) Insulæ Azores, è Tercere, vulgò  
 dictæ. (9) Insulæ Marianæ, Hispanis de los Ladrones.  
 (10) Eadem, ac Philippinæ. (11) Mare Pacificum, vul-  
 gò del Sur.

Accipies quocumque libet sub fydere ventos:  
 Et prono curres pelago, quâ semper ab igni  
 Cingulus incandet medius. Sed cùm micat astrum  
 Ledæum, aut nimio fervescit Carcinus æstu,  
 Eeos tunc linque sinus, Zephyroque secundo  
 Crede graves ebena, & felici merce carinas.  
 Eque Noto fugiens, æstus vitabis, & Euros:  
 Hinc fines ultrâ Cancri proveetus adibis  
 Magdalios (1) portus, vel (2) Apollinis alta nivosi  
 Culmina: velivolis quæ cùm transiferis alnis,  
 Ditis (3) Acapulci venies servatus ad oras.

Puppibus hæc super, & Velis, Ventisque canebam,  
 Et super Oceano, CÆSAR dum magnus ad Istrum  
 Fulminat Odryfios bello, victorque Tyrannum  
 Auroræ pulsat, populosque avertit iniquos:  
 Atque illum submissi Avaræ, Hunnique rebelles,  
 Depositisque vagi venerantur lazyges armis.  
 Illo Parthenium me tempore patria Siren  
 Pausilypi ad colles, & Olympia dulcis alebat,  
 Uraniæ studiis florentem, & Palladis arte;  
 Alter qui patria lusi piscator in acta:  
 Tityre, te vitreas cecini Crateris ad undas.

# FINIS.



PAR.

- 
- (1) *Porto della Madalena* in Insula California.  
 (2) *Capo di S. Apollinare*, in eadem Insula.  
 (3) *Urbs, & portus Americæ* in Mexicano Regno.

PARTHENII  
HALIEUTICA.

EDITIO TERTIA.

Tom. II.

Kk

PHARMACEUTICAL  
PART II  
EDITED BY  
J. H. COLEMAN





# HALIEUTICORUM

## LIBER PRIMUS.

**Q**Uæ cursent vada squamiferi, quæ læta frequent  
Pascua, qui mores gentis, quæ prælia, & ignes;  
Necnon & variæ quot sint piscantibus artes,  
Sive hamos versent, sibi retia: sive tridente  
Monstra petant; vel fixa cavis conchylia saxis,  
Aut duro ramosa legant corallia trunco,

Hinc canere: & cæptis aderit si Musa, sub Ortum  
Gemmiferas Indo quæsitum gurgite conchas  
Ibo alacer. Zephyris, vos ò, mulcete serenis  
Æquora, Nereides; vestro sub numine quando  
Innumeri spumosa natant per cærula pisces,  
Et fortunato conerescunt ostrea succo:

Nec minus ò Cœli Decus, & spes unica Mundi,  
Virgo, fave, Vatiq; tuo da nobile carmen,  
Auspiciis qui, Diva, tuis, jam rara tument  
Credat lina mari, prædamque affectat opimam;  
Nam tu materni Dea litoris; aspice, ut omnis  
Hic te ubi barbarico surgunt de marmore templa,  
Supplicibus votis veneratur Olympica pubes:  
Atque tuo ex undis servati numine nautæ,  
Et promissa ferunt tibi munera, vota que solvunt,  
Huc tibi primitias Tyrrhena è Doride conchas,  
Vulsaque de duris virgulta rubentia saxis  
Ipse & agam, magnisque onerabo altaria donis.  
Ergo age, squamiferas piscosa in retia prædas  
Immitte, & nubes disclude, & marmora placa.

Tu verò, ò nostræ Decus immortale carinæ,

Et nova, CARDENIDE, piscantis gloria Musæ,  
 Huc adhs: frondosa vocat te Nefis, & alti  
 Miseni rupes, & aprici saxa Dicarchi,  
 Quò Vatem tu Phœbus agis, quò pulcher & ipse  
 Ire comes Vati non dedignatur Apollo,  
 Et versare hamos, & arundine fallere pisces.  
 I pelagi Deus alter, & altera eat Dea Phyllis.  
 Non tennes calamos, non retia despice; namque his  
 Fors erit, ut magnum referas in secula nomen:  
 Magnus & Euboica semper celebreris in æta,  
 Lina sub umbroso dum texet Olympicus antro.  
 Quin &, si faciles venient ad cœpta Camœnæ,  
 Te puer Hesperius, & te cantabit Eous:  
 Ille Tago, patrioque redit cum dives Ibero,  
 Hic nitidas unda cum fert Chryseide gemmas.  
 At mihi, si quondam victrici Nereæ puppi  
 Auspiciis lustrasse tuis, quâ roscida surgit  
 Aurora, & quâ se fuscus vehit æquore Vesper,  
 Possè datum, & merita proram redimire corolla:  
 Nunc liceat reduci materno in litore prædas  
 Venari, & conchis per saxa vacare legendis,  
 Dum me Pausilypus, dum proxima Mergilline,  
 Atque in blanda vocant felices oria Musæ.  
 Mox ego, si plures addet mihi Juppiter annos,  
 Arma gravi numero, & Bellantum prælia dicam:  
 Quare age, si tua, quæcânimus, non mollia iussa,  
 Patria piscantem per cœrula dirige cymbam,  
 Aëtias in velum dum sibilat aura canenti.

Principio piscosa prius, quam retia in æquor  
 Solvimus, aut dextrâ ferrum torquemus acutum,  
 Quæ nitidi spumosa greges loca, quæque frequentent  
 Pascua læta maris, quæ saxa virentia, vel quæ  
 Flumina ament, rivosque libentius, & genus omne,  
 Et studia, & mores, & quæ sua nomina cuique  
 Est, piscator, opus prædiscere: quique dolosi  
 Sint astus, rixæque, & vastræ prælia gentis;  
 Nam quo se possint tutari, piscibus acre  
 Ingenium Natura dedit, viresque, dolosque.  
 Quare agere, & proprias cunctorum discite formas,  
 Nominaque, & mores. Primi cervice rubentes  
 Litora curva secant (1) Cuculi, atque humiles per arenas  
 Cæru-

Qui pisces litora  
 incolant.

(1) Nostri, & Siculis *Cocco*, Romanis *Capone*, Galli à  
 Mullis non distinguentes *Rouget* vocant, Provinciales verò  
*Gallire*, Santonis *Perloa*.

Cæruleos carpunt frutices: quos inter in alga  
 Squamigeri pascuntur (1) Equi, flavique (2) Erythini,  
 Vocalesque (3) Lyræ, volucrisque per æquor (4) Hirundo,  
 Flaventesque auro, & saturi violâ (5) Melanuri.  
 Ipsi etiam cursant cristati spumea (6) Pagri  
 Litora, quæque auri referunt nomenque, decusque  
 Auratæ (7), & roseo (8) Mullus qui fulget ab ostro.  
 His (9) Smarino, his (10) Sargos, & versico'oribus adde  
 Ardentes squamis, rutiloque (11) Synagridas auro:  
 Et litus (12) Synodontes amant, ferratus & (13) Orphus,  
 Quique diu in sicca dissectus vivit arenâ.  
 Salpa (14) supercilio virides imitata smaragdos,  
 Et virgis variata, & læsti concolor: & (15) qui  
 Attalico clarus textu natat æquore Rubro,  
 Campanisque pererât aquis, & noxius ictu  
 Scorpis (16), & vivax (17) Scorpæna, & (18) Blennus, & omnes  
 Imbellés (19) Aphyarum acies, (20) Hepsetus, & udus.

En-

(1) Nostris *Caval Marino*, Gallis *Cheval*, Hispanis *Caulinbo marino*, Draconem etiam Veneti dicunt. (2) Nostris *Luvato*, Romanis *Fragolino*, Siculis *Carosano*, Hispanis, & Gallis *Pagel*, Venetis *Arboro*, plerumque cum Pagro confunditur. (3) Cum Cuculo passim confundunt, appellatur item *Organo* à sono, à Gallis *Groan* à grunnitu, insuper *pesce Malearmato*. (4) *Rondine di mare*, Gallis *Arondelle de mer*, Hispanis *Valador*. (5) Italis passim *Oëchiata*, Gallis *Oblada*, & *Nigr'oil*. (6) Pagro passim audit apud Italos, Gallis verò *Pagre*, Hispanis *Bezogo* indigetatur. (7) Nostris *Orata*, Hisp. & Gallis *Dorada*. (8) *Triglia*, & *Treglia* à nostris, Gall. verò *Rouget*: *Barbeau* vocitant etiam Massilienses, & Ligures *Triga*, Hisp. *Barro de la mar*. (9) Nostris *Cerre*, Romani *Spigaro*, Veneti *Giroli*, Narbonenses, & Hisp. *Pigarel*, at Massilienses *Gerrers*. (10) Ferè omnibus *Sargo*. (11) Neap. *Ricciola*, alibi passim pro *Dentice* accipitur ob similitud. (12) à Nostris *Dentice* appellatur & *Dentale*, Gall. *Dentè*. (13) Nostratibus dicitur *Cernia*. (14) Ital. Hisp. Gall. *Salpa*, Massiliæ verò *Sopi*. (15) Callichthys & Stromateus dictus *Fiatola*, Hispanis *Pampano*. (16) Nostris, & Romanis *Scorsano*, passim verò *Scorpio*. (17) *Scorsanello*, & passim etiam *Scorpio*. (18) Nostris *Cepolla*, Romanis *Messore*, Hispanis *Cacador*, Gall. *Lebre de mer*, muscosus piscis: propter quod, & Blennus dictus est. (19) Neapolitanis *Cicinielli*, Liguribus *Nonnati*, Roman. *Pesci novi*. (20) Gall. *Ivoil*. Nobis inter piculos ponitur, quos dicimus *Fragoglie*, Gall. *Petit Poisons*.

Engraulis (1), (2) Atherina, (3) Thrichisq; & canus (4) Acarnas, Quæque Hyeme incanæ, nigrescunt tempore. (5) Menæ Æstivo, resonoque (6) Boops, qui gutture mugit.

Sed qui (7) Plittacei, freta quæ felicia cursent, Dicamus: Dulci (8) Soleæ pinguedine fucci

Occurrunt primæ cantanti, quas mihi malim Apponi, quoties Divorum Sacra preimus. Supplicibus votis, vel tempora quattuor anni Primitiis frugum oblati, precibusque sacramus. Concolor & Soleæ (9) Passer, (10) Rhombique trilibres; Et (11) Citharus algas amat, (12) Ammodytesq; Britannus, Et (13) Coraces cervice nigri, viridesque (14) Lacerti, Auratique oculis (15) Sauri, (16) Milvique rapaces, Quique venenato piscantes sæpe fecellit Ore (17) Draco, & (18) pulcher speculator syderis alti, Trachurumque (19) greges nitidi, maculosus & alas

Mor-

(1) Nostri *Alice*, Hisp. Gall. *Anchovy*. (2) *Laterina* nostri, Gallis verò *Melet*. (3) *Sarde*, & *Sardelle*, Gall. *Celerius*. (4) Inter Erythinos accensetur *Fragolino*.

(5) Italis passim *Menola*, Adriaci verò incolis *Menola Sclava*, Gall. *Mendole*, & *Cagarel*: Nobis haud dubio sunt *Rotundi*. (6) *Boga*, & *Rotondetto*, Gall. & Hisp. *Bogue*, Nostribus; ut vox ipsa ostendit *Vope* appellantur.

(7) Sic à Græcis cum Arist. nuncupantur, qui non in ventrem, aut dorsum, sed in latera compressi, & inque tenuem extremitatem desinentes procreantur. Plinius planos vocat, horum autem duo sunt genera, spinosum unum, cartilagineum alterum, quia nimirum pro spina cartilaginem habent. (8) Neapolitanis *Palaja*, Ital. *Linguata*, Gall. *Sole*, Hispan. *Linguado*. (9) Ital. *Passaro*, Gall. *Phye*.

(10) *Rombo*. Gall. *Roub*, & *Tarbot*, Hisp. *Rodovallo*.

(11) Rhombi species Romæ *Foglio*. (12) Anglice *Sardil*. (13) Romæ *Gallina*, Gall. *Cabote*. (14) Ital. *Lacerto* dicitur, Gallis verò *Sævereau*. (15) *Sauro*, similis est cum superiore genere, Gallis *Aiguile* indigetatur.

(16) Multi cum Hirundine confundunt, cum Corace alii, alique cum Cuculo: Italis *Nebio*. (17) Nostri, Siculi, Liguresque *Tragina* appellant, Veneti verò *Pesce Ragno*, Galli *Vive*, Massilienses verò *Areigues*.

(18) *Pesce Prete*, *Bocca in capo*, Romæ *Messoro*, dicitur etiam *Lucerna*, Gall. *Tapecon*, & *Rascasse blanche*.

(19) Generale nomen *Lacerto*.



Mormylus (1), atq; teres qui diffeat equora (2) Scombrus.

At ruber aprici fectator litoris oram

Carcinus (3), alget Hyems dum frigida; cumque perurit

Æstate in mediâ Sol litora, tunc & aperti

Gurgitis alta petit, frigusque inquirat opacum

Æquoreas inter sylvas, & aquosa virota

At nigro sæcunda luto, qui cærula pisces

Degere ament, seseque imis in sordibus abiant,

Accipe: (4) Torpedo primum diversa figuris,

Altera nam lævis, crebrisque interlita punctis,

Hæc maculosa oculos, hæc lucida fulgurat astris:

Et magni canosa (5) Boves tenere frequentes,

Et (6) Pholis mucosa, capique per æquora semper

Difficiles (7) Pastinacæ, atrum quæ ore venenum

Effundunt rabidæ, radioque armantur acuto.

Et quæ virosa diffundunt Nerea cauda

Veloces (8) Aquilæ, (9) Squatinæque, & nomina lato

Qui (10) meruit gibbo, & visu turpissima (11) Rana,

Nigraque (12) Loligo, & stellatæ tergora (13) Rajæ:

In-

(1) *Mormillo*, *Marmore*: Liguribus, & Provincialibus *Mormo*, Hisp. *Marmo*, Neapoli frequentissimus.

(2) Nostri *Scombro* nuncupatur, Romanis *Macavello*, Gallis, & Liguribus *Auriol*, *Oreol* ab Aprili mense, quo capitur, vel ab aureis oculis. (3) Ital. *Grancio*, Gall. *Cancro*.

(4) Italis *Oechiatella*, Venetis verò *Tremolo*, Gall. *Torpille*, Hisp. *Tremielgo*. (5) E Rajarum genere sic dicti à magnitudine, Liguribus *Vacca*, Romanis *Raja Bubosa*, Venetis *Stramazzo*, nostris verò *Raja grossa*, Gallis *Flassade*, Hisp. *Hugo*. (6) Italis, & Gall. *Bavosa*. (7) Romæ *Bruchio*, Venetis *Pesce Palombo*, Siciliae *Bastonaga* nuncupatur. Nobis verò, Liguribus, & Massiliensibus *Ferrassa*: Lutetiae cum Ranis venditur. (8) Nostri, & Romani *Aquila*, passim *Pesce Russo*, Galli *Tare Franke*, & *Falcone*.

(9) *Pesce Squarro*, sed Veneti *Squaia*: Galli *Angèle*, & *Prange*: At Aquitani *Creac de buch*, Hispani *Lira*, at Lusitani *Lamio*. (10) In Oceano Balthico reperitur, Anglis *Lump* appellatur. (11) Nostri *La Pescatrice*, Romanis *Pesce Pescadore*, Galli Provinciales *Bofrey*, Aquitani *Pescheteau*, Hisp. *Xarcho*, Epidaurii (Ragusini) *Diavolo Marino*. (12) Cum major est nostris *Calamario*, Hisp. & Gall. *Calamar*, Romani, & Veneti, nec non & Provinciales *Totera*, cum Minor est *Sepiola* latine: Nostri *Calamarelli*. (13) Italis, & Hispanis *Raja*, Gallis *Raye*.

Cancer hyeme litus, æstate alii frequentat.

Qui excocti in locis veniunt.

Intectas quibus adde levi lanugine (1) Squillas,  
Flaventemque oculos, & succo (2) Cantharon acri.

Qui saxatiles.

Muscosos inter scopulos, atque herbida propter  
Incolit Oceani gens plurima: tecta virenti  
Quæ musco exhalant cava saxa, & plurima ab imo  
Assurgens tegit alga mari, tenere coruscæ  
Phycides (3), & (4) Percæ molles, & (5) Julides, & quæ  
Pinguis odoratum detondet (6) Hiatula muscum,  
Et grati semper, regalia munera, (7) Turdi.

Ast humiles, scabræque sonant, quæ gurgite petræ,  
Has (8) Basiliscus habet, (9) Milvusq; & flavus (10) Adonis,  
Qui sepe, ut perhibent, è fluctibus insilit ætam,  
Et placidos carpit muscoso in litore somnos,  
Dum tranquilla Thetis premit æquora: sed Notus alis  
Cum tonat imbriferis, resiliuntque ad litora fluctus,  
In ponti secreta fugit. Certamina dura  
Cum Mergis olli semper, Fulicisque parantur:  
Hos è longinquo ut vidit properare feroces,  
Saltanti similis sese devoluit in undas,  
Tuta petens, fundique imis caput addit arenis.

Qui litoreos inter  
scopulos.

Verum sparsa super cautes quas cœcula vestit  
Herba, colit punctis (11) Sargusque insignis, & alis,  
Et (12) Plorus, & celeri fugiens quæ Dorida cursu  
Umbra (13) secat, rutilatque auro, & nitido argento.

Hæc,

---

(1) Ital. & Gall. *Schille*, & *Squille*, & *Cambari*.

(2) Ital. *Canthara*; alii *Tanada* à colore pullo: Hisp. & Provinciales *Cantheno*, Lutetiæ *Brenna*. (3) Nostri *Leptæ*, Rom. *Fico* & *Perchia*, Gall. *Mole*, Hisp. *Molere*.

(4) *Perchia*, quæ passim cum Phycide venditur, cui simillima est: Hisp. *Percha*, Gall. *Perche de mer*.

(5) Veneti & Provinciales *Donselle*: Nostri, & Romani haud decenti vocabolo *Menchia di Re* vocant, Rhegini *Viola*.

(6) Romæ *Sopraciolo*, Nobis *Orcanna*, & *Ajata*: Liguri- bus, & Hisp. *Serran*, quo nomine, & Galli indigent: Veneti verò, & Græci nostri temporis *Channo*: ab antiquo vocabulo *Channe*, ab hiano dicta est. (7) Omnibus *Turdoi*.

(8) Quæ & *Alauda cristata*, *Pavone*, Gall. *Perceperre*.

(9) *Milvo*, *Nibio*, *Pesce Rondine*, Gall. *Aronnelle*, & *Falcon*. (10) Cum Turdis venditur, eodemque nomine indigetatur. (11) Omnibus *Sargo* dicitur, Nostri tamen *Saraco*: (12) Athenæo *Melanderinus* à nigredine, ignobilis est: Nobis, ut parvi *Coraces*, appellatur *Quarracino*.

(13) Itali, & Massilienses *Umbrina*, & *Ombrina* dicunt: Veneti *Nembrella*, Parisinis *Maigre*.

Hæc, dum se circum freta per chrySTALLINA voluit,  
 Irim picta refert, non uno errore colorum  
 Pulchra micans oculis, niger & (1) Coracinus ab ipsa;  
 Qua rutilat nitida piscis nigredine dictus.  
 Hæc quoque saxa rosas imitati corpore (2) Mulli,  
 Ac nitido insignes villos frondosa recurrunt.  
 Et (3) Scarus ambrosiâ Divorum dulcior ipsa,  
 Quem procul Ægæo quondam de gurgite vectum,  
 Tyrrhenis donavit aquis Optatus, & Urbe:  
 Namque olim rari nabant, quos horrida nimbis  
 Carpathiis egisset Hyems è fluctibus, aut quos  
 Conclusos magni vivaria Regis alebant.  
 Solus & hic visus, mendax ni fama, loquaci,  
 Ore greges inter mutos, cantare per undas,  
 Pallentesque sonans, veluti bos, ruminat herbas.  
 Hepatus (4) accedit rubicundus, & ore voraces,  
 Nigrantesque ruunt (5) Fabri, fuscique (6) Cinædi,  
 Gobius (7) herbosus in cautibus, albus, & ater  
 Enatat: & vario mernit, qui nomina flore  
 Anthias (8) hos sequitur: squamis argenteus (9) unus,  
 Purpureisque oculis subluet: grandior (10) alter  
 Pluttaceum attollit dorsum, sed circulus Irim

Unde scarus ad nos  
 devectus.

Est vocalis, & ru-  
 minat.

Tom. II.

L1

Au-

(1) *Pesce Corvo*, Gall. *Corbeau*. (2) Nostris *Treglia*, & *Triglia*, Liguribus *Triga*, Hisp. *Salmoneto*, Gall. *Rouget*, & *Barbeau*, qui Intarii insipidi, ac molles, *Sapovara*.

(3) Nostris non planè Notus, aliqui *Pesce Saffro* vocari putant, cum Auratis, & Sargis confunditur, qui Fortunatas Insulas incolunt *Brenchos* appellant: Græci veteri nomenclatura *Scaron* dicunt. (4) Innominatus est, aliqui malè *Figo*, 'à *Fegato*, Venetiæ est fortè *Sacheto*.

(5) Romæ *Cirola*, & *Pesce di San Pietro*; ajunt enim hunc piscem fuisse, quem jubente Domino, accepit, ut in ejus ore numisma pro tributo reperiret. Hinc & Græci nostri temporis *Petrosparo* nominant: Ligures *Rotulo*, Gall. Narbonenses, & Hisp. *Gal*, & Provinciales *Trucie* à voracitate: nostris *Gallo*. (6) A Provincialibus *Sanut*, nostris innominatus. (7) Venetis *Gò*, Liguribus *Zolero*, Gall. *Gorion*, Nostris *Mazzone*: Maximus flavescens *Paganello*.

(8) Quo nomine apud nostrates appellatur non liquido constat: multi cum Auratis confundunt.

(9) Primi generis Anthias, Gallis *Barbier*.

(10) Secundi generis pelagius est ad Ascllorum genus accedens: Gall. *Capelan*.

Aureus incingit, totus cervice nigranti:  
Tertius (1) è viola subtermicat: Iris & (2) illi  
Sanguineis ardet maculis, nitidoque Amethysto,  
Lumina pulcher, & ora, supercilioque superbus.

Qui scabras inter  
petras inhabitent.

Littoreos inter scopulos, scabroaque molles  
Saxa latent (3) Polypi, & candenti (4) Sepia laeti  
Concolor, octipedesque frequentant saxa (5) Paguri,  
Atque (6) Leo, atque (7) Elephas, Palatinæque; (8) Locustæ,  
Et (9) Merulæ scopulos, & qui formosior omnes  
Squamigeros (10) Pavo superat, coluere: neque illos  
Deserit ardenti flavens (11) Sphyræna colore:  
Cui similes glomerantur (12) Aci, qui lata frequenter  
Densatis fuisse globis errare per alta.  
Postremas acies geminæ comitantur, (13) Alaudæ,  
Altera, quæ sparim punctis micat, altera cristis  
Troglodytæque (14) ruunt mediis, qui gutture rando  
Mænorum per saxa cavas petiere latebras:

Echeneis.

At non tu nostram felici murmure pùppim  
Perflatam sisles, (15) Echenei, tumentia quando

Pic-

(1) Anthias tertii generis Turdo similis, cum quo venditur. (2) Anthias quartii generis Græcis Evopus, & Aulopus, propter superciliorum speciem dictus: erit fortasse, qui nostratibus *Aulopena* nuncupatur. (3) Nostris Polpo, Venetis Folpo, Hisp. Pulpo, Gall. Pulpe, & Purpe.

(4) Seccia, & Sepia, Venet. Seppa, Hisp. Xibia, Gallis Secbe, at Ligures Sopi, ut & Malitientes.

(5) Granchio, qui in scopulis versatur fuscæ coloris, Gall. Chabre, & Crabe, Hisp. Aranha. (6) E Locustarum genere, sic dictus à flavo colore. (7) Item è Locustis, est viridantis coloris à mole appellatus circa Capreas, & Pausyllum plurimi capiuntur. (8) Nostris Ragosta, & Alagosta, Hisp. Logusta, Gall. Languste. (9) Merula, Merlo, & Penca di mare, Hisp. etiam Merula, Gall. Merle, plurimi à Turdis non distinguunt. (10) Pavone, Romæ Pappagallo, Hisp. Bodina, & Bayo. (11) Itali, & Hispani passim Spermio, idest verni à figura, Galli Spermio: Romæ Lucio Marino, hanc verò puto esse quam nostrates vocant *Aguglia Imperiale*. (12) Primi generis, ac nobiliores nostris *Aguglie*, Romæ *Accella*, Hisp. *Aguilla*, & *Aguia pescada*, Gall. *Orphies*: Ignobiles verò nostri vocant *Castandelli*.

(13) (14) Omnes uno nomine *Perciapietra*.

(15) *Remora* nulli non nota, quam *Lampetram* plurimi esse volunt.

Pieridum vada fulcamus melioribus auris.  
 At te ne fallat species, piscator, aperta  
 Signa dabo. Cubito piscis non longior uno  
 Sit licet, alatis, mirum, mora turribus ingens.  
 Argentum lateri, medioque smaragdina dorso  
 Linea, cæruleus caudæ color ardet acutæ:  
 At violæ in reliquis subluet purpura membris.  
 Exiguos, veluti Polypus, cervicæ supina  
 Fert calyces, rostrumque canis, seseque per undas  
 Sex agitat pinnis, & corpore tortilis ille est.  
 Cum cirris hæret, multoque tenacia fustu  
 (Ceu defixa cutem si quando apprehendit hirudo)  
 Saxa tenet: quibus ipse cavis hæcere carinis  
 Crediderim, celeresque fugas inhibere tenaci  
 Confestim fustu Remoram. (Sic dicta Latinis  
 Nomine, quæ Græcis Echeheis) Aquosa per alta  
 Remigio juvenum valido, veloque volantes  
 Piscis ut apprehendit puppes, mora nulla, repente  
 Immotæ steterunt spumoso in marmore: ceu cum  
 In brevia, & syrtes occurrere latentes;  
 Sive angusta inter spumosi claustra Pelori  
 In rapidos venire, Notis spirantibus, æstus.  
 Et quamvis toto in velum ruat Æolus antro  
 Eurosque, Zephyrosque ferens, magnoque rudentes  
 Extenti stridore fremant, & lina secundis  
 Pulsa Notis, omnem comprehendant cornibus auram;  
 Jam scindenda: rates impellat & ipse morantes  
 E puppi prono descendens flumine Nereus:  
 Ipsi & remigio quamvis, hortante Magistro  
 Insilant alacres Nautæ, & clamore secundo  
 Obnixi remis seriant mare: stant tamen alni,  
 Ut patriis steterant defixæ in montibus olim.  
 Usque ad eò in parvis magna est Natura: sub alta  
 Rupe velut celeri fugiens agitata Molosso  
 Cerva volat, saltusque fuga prætervolat omnes:  
 Ocyor & sese, atque alatis ocyor Euris,  
 Conspicienda solo sua vix vestigia linquit:  
 At si forte canis comprænderit, & tenet aures,  
 Stat tunc fixa, pedes frustra eluctata fugaces,  
 Sic & veloces consistunt Doride puppes,  
 Ut curvas Echeneis habet cervice carinas;  
 Quamvis Rector adest, ventusque adsibilat idem,  
 Vela tument, Nautæ insurgunt, patet æquor apertum.  
 At nos, nulla tenet quoniam mara, per mare cursus  
 Inceptos, Euro in velum spirante, sequamur:

Ejus descriptio.

Qua vi naves fi-  
nat.

Qui Piscis Pelagi.  
 Quisque altum tenere greges, dicamus: (1) Afelli  
 Quanquam ventre pigri cœnoso è gurgite primi  
 Illicet attolluntur, ubi latnere repositi  
 Sexaginta dies, freta dum Canis arida multo  
 Componit latratu, & circum litora torret.  
 Hos (2) Claria insignis lacte, (3) Arcidesque sequuntur,  
 Ac similes Baccho (4) Tincæ, (5) Liparisque, ferique  
 Armati fetis, & duris dentibus (6) Apti,  
 Et (7) Scolopax ferrâ metuendus, quique profundo  
 Sole sub æstivo conduntur marmore (8) Glauci,  
 Cyaneo ardentes fuco, radiisque rigentes;  
 Hyppurusque (9) fugax, & gurgite clarus Ibero,  
 Et qui (10) Monoceros cornu mare dividit Indum:  
 Sunt alii, nullis intesti tergora squamis,  
 Pelagii non squa-  
 mosi.  
 Qui salis alta fecant: tales (11) Cordyla, (12) Cybiæ,  
 Pelamides (13), (14) Thynnique leves, (15) Orcynus & ingens,  
 Et qui sæpe gerunt cum piscibus horrida bella

Pu-

(1) Quorum variæ species, Nostreis, & Romanis *Merluzo*, quasi *Lucius Marinus*: Gall. *Merle*, Hisp. *Merluza*, dicitur etiam *Pesce Asino*, & *Nasello*. Afellorum ingens copia in Oceano Septentrionali, unde ad nos exiccati devehuntur, & vulgato nomine *Baccalà* appellantur.

(2) Nobilior inter Afellos, nobis *Fico*, Romæ *Tenca marina*, & *Pesce Fico*, Gall. *Mole*, & *Molere*, ob carnis teneritudinem. (3) *Harenga*, Germana voce, unde ad nos exiccati asportantur. (4) *Tenca*, Hisp. *Tinca*, Gall. *Tenche*.

(5) A pinguedine dicta, cum enim in craticula assatur pinguedo, velut oleum stillat, fortasse erit, qui nostratibus dicitur *Boccegrasso*, ad Herculaneum capitur in loco, qui vulgò dicitur *Granatiello*. (6) *Italis*, Gallis, & Siculis, *Pesce Porco*, Romæ tamen *Pesce Balestra*, quod in dorso aculei robustissimi, membranisque junctis, si recondantur statim eriguntur. (7) Nobis *Pesce Vallone*, & *Pesce Serra*.

(8) Nobis *Ricciola*, nam *Synagris* est *Prajo* (irrepsit error inter cudendum) Romæ *Lechia*, minor verò vulgò *Pesce Stella*, Gallis *Derbio*, & *Biche*. (9) Hisp. *Lampugo*.

(10) *Monocerate*. (11) Thynni recenter nati à capitis magnitudine dicti, *Tunnacchi*. (12) Thynni majores.

(13) Veteri vocabulo *Palamida*. (14) Nostreis *Tonno*, Hisp. *Atun*, Gall. *Ton*, & *Athon*, Thynnium membratim, & in assulas dissectum *Tonnine* vocamus, pinguiore verò circa ventrem partes *Tarantello*. (15) Thynnus cum in magnam corporis molem excrevit.

Pugnaces (1) Ziphiaë (2), Congrique (3) Amiaëque feroces,  
 Squameus his (4) Coluber succedit, & hispidus (5) Hydrus,  
 Hydrus, qui Libycis, gelidæque in fluctibus Ursa  
 Immenso in sese revolutus colligit orbe:

Tuque ò verficolor mensis celebranda Deorum,

Muræna, (6) & mollis falcato (7) Tænia ductu,

Et (8) Myrus unicolor, picæque similimus. At te in

Carminibus nostris numquam, (9) Pompile, tacebo,

Qui quondam Piscator eras, sed pulcher Apollo

Ocyrhoë magno correptus amore puellæ,

Cum te Mileto fugientem virgine vidit,

In piscem iratus vertit, saxumque carinam.

Ah miser! evictus precibus, lacrymisque decoris,

Illam ferre sua pro virginitate parabas,

Sed frustra fugimus: vanus labor omnis, ubi obstant

Ferrea fata Deum, legesque adamante rigescunt.

Hinc amor ille tibi, celeri fociare natatu

Alatas vastum fulcantes Nerea pinus:

Inceptumque ostendis iter, nec deseris unquam,

Ni jam vicinæ præsentis litora terræ:

Quam fugis infelix, pelagusque recurris in altum;

Quin & felices auras, & læta serena

Indici nautis, certo prædicis: & illi

Te comitem venientem, & te venerantur euntem.

Sed procul irrumpens in litora gurgite ab alto

Carcharias (10) fremit ore, ducem quem mille sequuntur

Hor-

Pompili Metamor-  
 phosis.

Ue naves societ  
 serenitatemque piz  
 sagiat.

(1) *Pesce Spada*, Genuensibus, & Narbonensibus *Impe-  
 ratore*, Aquitanis *Grand Espadas*, Armoricis *Heron de mer*.

(2) Ferè omnes gentes antiquo vocabulo *Grongo*: Provin-  
 ciales verò *Filat*, quia instar retis pisces involuit, & im-  
 plicat. (3) Gall. & Hisp. *Byza*. Nostris à feracia appella-  
 tur *Ferone*, aliis *Lamia*. (4) (5) *Serpe Marina*.

(6) Ubique gentium *Murena*, & *Morena*, Lusitani tamen  
*Moreia*. (7) Nostris *Cepolla Rossa*, Gall. *Flambo*, quia to-  
 ta rubet, & instar flammæ inter natandum serpit, & ruti-  
 lat. (8) Murænam marem multi putant, negant alii, cum  
 Murænis exponitur; à Gall. serpens dicitur. (9) Ab Ho-  
 mero Sacer piscis dictus, plerumque cum Thynnus confun-  
 ditur, à Gall. *Pampale* appellatur. Græci penultimam corri-  
 piunt, nos iterum cum Ovidio produximus, nostri hunc  
 vocant, *Pesce Letterato*, quod veluti literis sit tessellatus.

(10) Sic dictus, quod acutos, asperos, validosque dentes  
 habeat: in Italia passim *Lamia*: etsi vera *Amia* non sit *Car-  
 charias*, Nostris *Canesca*.

Canes marini, co-  
rumque species.

Horrendæ (1) Galeorum acies, & dira (2) Canum visus  
O Piscatores, arcetè è retibus illos; (3) Vulpes;  
Nam secus ereptis discerpent retia prædis  
At non se nostro subducet carmine  
Non & (4) Centrinus radio, non asper (5) Acanthias,  
Et (6) Sus in caput accrescens, qui litora grunnit  
Dum captivus adit, visuque horrenda (7) Zygaræ,  
Cui serræ veluti, dentes armantur acuti,  
Frons falcata iugo similis, sed lumina subter  
Prona micant, minio rubet os, rictuque supinum est.

Qui mare, & flu-  
mina colant.

His animadversis, qui sint, qui mutua ponto,  
Fluminibusque vagi faciant commercia pisces;  
Protinus expeditam Glaciali è litore primus  
Occurrit (8) Salmo, qui cum annis nomina mutat  
Parvulus est Salar: est Fario cum grandior ævo  
Venit: & hinc Salmo jam plenus dicitur annis.  
Niliacusque (9) Latus præstans candore, (10) Lupusque  
E (11) Caper, & (12) Capito, & convivia plebis (13) Alofæ:  
Quique peregrinis (14) Acipenser fertur ab undis

Ad

(1) Galei vocantur longi omnes, & cartilaginei, qui ab habitu corporis Musteli etiam nuncupantur, nostri uno omnes nomine *Pesci Cani*, Gall. *Chien de mer*. (2) *Pesci Cani*, quorum plurimæ species sunt, & sic à mordendo dicti. (3) Ex eanum genere *Volpe*, Gall. *Banart*. (4) *Porco Marino*, Gall. *Benard*, Provinc. *Porc*. (5) Ital. *Pesce Palombo*, Hisp. *Musole*, Gall. *Aguillat*: & passim omnes *Pesce Cane*. (6) A Lacedæmonis Orthagoriscus appellatur. Rotam Plinii nonnulli putant. Mola etiam dicitur. Nostri *Botta*, *Mola*, & Lubrensisbus *Trepestillo*, Gall. etiam *Mola*, Hisp. *Bout*. (7) Ital. *Pesce Martello*, *Cambetta*, & *Pesce Balestra*, Lubrensisbus, & Neap. *Magnosa* à iugo, cuidam muliebri capitis ornameto perisimili, quod nostri ita appellant, Hisp. *Limada*, & *Poilandolo*, Gall. *Jouzion*, & *Cagnole* à dentium sevitie. (8) *Salmon*, Gall. *Saulmon*, parvos Salmones, Aquitani *Tacons* indigetant, marem à rostris *Beccard*, fœminam à ferendis ovibus *Bortier*. (9) Nostri maris non est. (10) Venetis *Varolo*, Rom. *Spigola*, Neap. *Spinola*, Hisp. *Lobo Robalo*, Gall. *Lupazzon*, & *Lubin*.

(11) *Porco*, aliis est *Pesce Balestra*, plerisque innominatus, vel Nili Porcus. (12) Nostri *Capidone*, & *Squaglio*, Hisp. *Cavedo*, Gall. *Munier*, & *Vilain*. (13) Exdemque *Alaufe*, & *Thrillæ Alofa*, & *Chiepa*, Hisp. *Saboga*, Gall. *Alofæ*. (14) Italici majores *Sturioni*, minores *Porcellette*, Gall. *Eflargeon*, & *Creac*, Hisp. *Sullo*, & *Sollo*.



Ad Palatinas prima interstercida mensationes. (1) *ad abba*  
 Hos Rhodius sequitur (1) Galeus, & Ponticus (2) Hulo, A  
 Pinguis ab argilla qui venit: & oris hiatu *ad* (3) *intra* A  
 Ingenti (3) Viola, & fragranti candida succo. *ad* (4) *intra* A  
 Non te prateram, (4) Lampetra, virentia propter *ad* (5) *intra* A  
 Quæ flax, & pifas florenti gramina ripas, *ad* (6) *intra* A  
 Lata fugis, non uno oculis errore colorum: mihi color *ad* (7) *intra* A  
 Aspicienda, notisque indiguis, & Iride fusca: *ad* (8) *intra* A  
 Lubricaque & manibus sublaberis, & petis undas: *ad* (9) *intra* A  
 At pingues verò (5) Cephalis, squamisque nitentes;  
 Tethyos undivaga iustum genus, & Cephonis ardens totus  
 Ora per, & ripas fluviorum, & stagna, ubi dulces *ad* (10) *intra* A  
 Decurrunt lymphæ, & rostantibus aucta fluentis, *ad* (11) *intra* A  
 Doris amara suum perdit commissa saporem, piper, *ad* (12) *intra* A  
 Degere amant. Numquam sed amicos (6) Lucius amnes *ad* (13) *intra* A  
 Deserit: assiduo circum fugit ora iustatim *ad* (14) *intra* A  
 Interdum pelago mediis & fluminibus seferens *ad* (15) *intra* A  
 Insnuant agiles (7) Anguille, & peritoca limo *ad* (16) *intra* A  
 Obsita, cæruleis lætæ pascuntur in herbis, *ad* (17) *intra* A  
 Quod superest, siavola secant hi flumina pisces, *ad* (18) *intra* A  
 Seque mati numquam committunt: Incola magni *ad* (19) *intra* A  
 Attilus (8) Eridani tollit seclarus ab alvo, *ad* (20) *intra* A  
 Cui capit vis tota, Borysthenisque coruscis, *ad* (21) *intra* A  
 Antæcus (9) stellis rutilans, & corpore molli, *ad* (22) *intra* A  
 Ichthyocolla (10), cæterum sublutea, (11) Glanis & ingens,  
 Purpureisque notis ardens, & lucidus auro  
 Phoxinus (12), & festiva inter convivia (13) Trutta,  
 Quæ nitidas sectantur aquas, rivosque sonantes.

Qui circa Euvio-  
rur. omnia veniuntur

Qui fluviales.

Adde

(1) *Copso* quem pro *Acipensere* Rhodani, et *Padis* accolæ  
 exponunt. (2) *Gall. Barbote*. (3) *Gall. Eperlan*.

(4) *Ital. Lampreda*, *Hisp. Lamprea*, *Gall. Lamproye*, et  
*Lamprèze*. (5) *Latinis Mugil*, nobis Græca voce *Cefalo*,  
*Gall. Mulet*, et *Gabrot*. (6) *Ital. Luzzo*, *Hisp. Sollo*, *Gall.*  
*Luez*, et *Brochet*. (7) *Anguille* veteri apud omnes voca-  
 bulo. (8) *Adello*, et *Adeno*. (9) *Germanis Tick*, *Istrianis*  
*Tock*. (10) Etiam hic *Barbotta*, quia è superiore maxilla,  
 quatuor carnosæ appendices, veluti barba, dependent.

(11) A Pannonibus *Harcha*, Germani *Schaden*, *Illyrie*.  
*Sum*, Græcis *Clagron*, qui in *Strymone* *Glanidem* capiunt,  
 qui hodie *Glanon* appellatur. (12) Romæ *Morello*, Flo-  
 rentiæ *Pardello*, Mediolani *Eibrevon*, *Gall. Veron*.

(13) *Trutta*, et *Trutta*, *Gall. Troutte*, et *Truite*.

Adde his (1) Leuciscos, & (2) Squalos, adde (3) Thymallos, & Acridites gemmis, & amantes uda (4) Cyprinos: modus. Et Alburni (5) hos inter nivei (6), Tincaeque feruntur, Et Rhætis, quæ Tinca foret; nunc tergora fuscus (7) incipit Inficeret color, & dulcis pinguedine (7). Farra. et. 97. nob.

Qui stagna cœcant.

Insuper his, undis currit stagnantibus (8) Umbra. Et Dorfa rosas imitata, latusque argentea candens. Et fluctus, Thrasymene, tuos, qui circuit (9) Albus, Albulaque; (10), & (11) Sarachus, (12) Pignusque; & (13) Simus, & (14) A-

Carponis meta-  
morphosis:

Et tu, qui quondam fueras Benacidos undæ. Portitor, d. (15) Carpo, sed piscem fecit avarum. Auri sacra fames; quia nautum, scilicet à Diis. Quæsieras, sociisque tuis vim inferre parabas. Saturno, regique hominum, patrique Deorum. Tantum mortales agere infatigatus cupido. Numina ut immemores Divum intemerata lacestant. Qui mare, qui terram nobis; dulcemque benigni Auram largiti, & quorum de munere vita est. Auso quo summus pater indignatus iniquo, Extempli in piscem mutari iussit, avarum.

Qui pisces gregatini vagantur.

Quo duro semper stimulo torquere: neque unquam Infelix voto, aut uitro potiere fugaci.

Nunc age, non id te lateat; pericæcula multi In turmas, aciesque ruunt, socioque natatu Spumantes findunt campos, ceu (16) Mugil, & auri Chrysophrys (17) imitata decus, Mullusque, rosetis.

(18) Æmu-

(1) Primi generis Romæ, *Rovillano*, Insu-  
bribus *Oladi-  
ga*, et *Orada* ab aureo capitis splendore, Gall. *Gardon*, se-  
cundi generis Ital. *Streja*, et *Strigio*, Gall. *Vandoise*, et  
*Dard*. (2) Ital. *Stretta*. (3) Ital. *Temolo*, Gall. *Umbra*.

(4) *Barbaro*, et *Carpano*, Hisp. *Carpa*, Gall. *Carpe*.

(5) *Albette*, *Alborino*, et *Pasquarel*, Gall. *Ballere*, Ger-  
man. *Abblen*. (6) *Tenca*. (7) *Farra*, *Ferra*, et *Pala*.

(8) *Umble*, et *Rubetto*, Salmo Lemani lacus (*Lago di  
Gayda*) cum Salmoni similis sit. (9) *Albo* frequens in  
Thrasymeno (*Lago di Perugia*). (10) *Albele*.

(11) Ita Græcis, nostrisque, Insu-  
bribus *Acone*, et *Aquo-  
ne*, quia aquis pascitur. (12) *Pic*, et *Pigo* in Verbanco  
(*Lago Maggiore*), larioque lacu (*Lago di Como*) capitur.

(13) *Naso* à naso nimis crasso. Helvetiis *Naszen*. (14) A  
maxillarum asperitate dictus, Gall. *Apron*. (15) *Carpione*.  
Olim ferunt dictum *Pione*, sed cum quidam, qui illum  
carius emerat, dixisset se emisit *Car Pione*, dictus deinde  
piscis est *Carpione*. (16) *Cephalus*. (17) *Aurata*.

Æmulus, & nitidi Synodontes: & agmen in unum  
 Agglomerantur Aci, atque Aphyæ, metuendus & ictu  
 Scorpis, & Scorpena, Amæque, & floribus ardens  
 Anthias, & nigri Coræces, Thynnique fugaces:  
 Atque Lyræ, atque (1) Sudes, & flaventes Erythini.  
 Ipsæ etiam timidæ jungunt focia agmina Salpæ,  
 Trachurique leves, & picti tergora Turdi.  
 Tu quoque turmatim cursas, Melanure, per undas;  
 Et mollem sequeris Percam, Scombrique (2), Chromisque  
 Et vos Pelamydes densatis Nerea turmis.

Verum alii socios odere, & marmora soli  
 Cana secant: tales nant fluctibus Iride pulchra  
 Picti Pavones, Citharique, Fabrique voraces,  
 Atque Cuculus edax, & Julides, atque (3) Scyæna,  
 Rajæque, Squatinæque; & Ranæ, & cæruleus Bos.  
 Solus & æquoreas per cautes flavus Adonis  
 Fusus humi carpit placidissima munera, somnos:  
 Rhombique, Sargusque, & viscere pauper Afellus,  
 Atque Draco, atque Canes, & picto Marmylos ore.

Solivagus quoque falsa secat ferus (4) Hemierocætus,  
 Cui ventris furit atra fames: nec finis edendi,  
 Pingua ni saturo rumpantur viscera, & ipsam  
 Cum pastu vitam revomat: hinc discite quod vos  
 Ingluvies vesana feret, quoscumque per omnem  
 Ire juvat luxum, & ventri indulgere voraci.

At vero (5) Accipiter, volucrique similissima Hirundo  
 Soli habitant litus, sed cum pernicipibus alis  
 Corripiunt maria alta, globum densantur in unum;  
 Inque ruunt hostes glomeratis orbe catervis.  
 Quos ubi prospectant imo de gurgite in altum  
 Adventare, super fluctus se protinus omnes  
 Emittunt, celeresque volant per inania branchis,  
 At verò è pelago se stridula tollit Hirundo  
 Altius: ast humilis primam radit maris undam  
 Accipiter, nanti similis, similisque volanti.

Sed quot diversæ species, formæque natantum,  
 Nominaque, & mores quot sint, comprehendere versu  
 Si quis fortè velit, magni velit ætheris idem  
 Dicere, quot tremulo scintillant Sydera noctu;

Tom. II.

Mm

Aut

(1) Sphyræna, quæ & *Alazzo Imperiale*.(2) Ital. & Gal. *Castagnola* à colore dicta.(3) Græcè, latinè verò *Umbra*. (4) *Uranoscopus*, sic etiam appellatus, quia interdum dormit. (5) Idem qui *Milvus*.

Qui solitarii.

Uranoscopi indoles.

Milui, &amp; Hirundinis.

Aut ubi flaventem collegerit area messem,

Quærere quot vento paleæ jactentur inanes.

Nec verò gignunt omnes maria omnia pisces.

Angustum longo Ziphie mucrone Pelorum

Armati tenere: Scarus Myrtoa frequentat

Æquora, & Jonii nonnumquam vestus aquosi

Cærula trans, fines decurrit ad usque Sicanos.

Plurimus Euxina generatur Thynnaus in unda:

Orbis (1) in Ægypto, Rhegini ad litoris oram

Regales nascuntur (2) Aci, (3) Muresque rubentes.

Herculeum (4) juxta portum: Conchylia fluctus

Nigra Tarentini lactant, Lumbumque Britannii.

Alpice & ignotum lustratum navibus æquor,

Eosque sinus Ophyrae, Chrysenque repostam.

Divisæ patriæ sunt piscibus, una canoras

India Sirenes gignit, pharetrataque gemmas

Persis habet, niveos Gangetis & unda lapillos.

Simia Chrysaë natat æquore: sola (5) Manates

Ammerice, & miros hæc educat una (6) Reversos.

Arcidem Germana Thetis, Tyrhenaque rubrum

Coralium, generatque truces Arctoa Colubros.

Quid tibi odoriferis referam rorantia faxis

Succina, Najadum lacrymis, casuque decora?

Quid maria Æthyopum niveis canentia (7) Cynis?

Velleraque Oebalii ut depestant Byssina. (8) Pinnis?

Aut propiora polo quæ cærula despicit Ursa,

Orbis inaccessi metas? ubi dura ferarum

Tergora vix rigidi possunt penetrare tridentes;

Et gens illa quidem torquendo aptissima ferro.

Insignes auro Conchas fert æquor Erythræ,

Nil quibus est terris præstantius, aurea Regum

Quo possint pretiosa magis splendescere ferta,

Et torques rutilare: neque his præsentius ullum,

Pectora si quando pervasit lethifer ignis,

Auxilium venit: efferventem gemmeus æstum

Tem-

(1) Vulgus Græcorum *Flascoparon*, idest lagenam dicit, ob molem rotundam, duroque corio contestam, Nobis *Pesce Mondo*. (2) *Cicirelli*, de quibus infra.

(3) *Sorei*, quibus roseus color, caro candida, & solida.

(4) *Tropea*, Brutiorum oppidum.

(5), (6) De his lib. 7. (7) Pisces Cynis similes, alique volantes circa ultimum Africæ promontorium.

(8) *Lana Penna*, de qua plura lib. VIII.

Temperat humor, agitque omnem de pectore pestem.

Sed neque Erythræi fluctus, ditissima gemmis  
Æquora, non (1) Chryse, aut felices Persidos undæ  
Laudibus Euboici certent Crateris: & Aetæ  
Non se Campanæ æquiparent Mavortia Rhæfi  
Litora, nec Siculis Tellus regnata Tyrannis,  
Non molles Arabum tractus, nec in Orbe reposito  
Tota coloratis Peruvia dives arenis.

Hæc vada non Phocæ spirantes naribus imbrem  
Sulcavere, aut formidandæ piscibus Orcæ,  
Nec Balænarum rigidis mare dentibus horret.

Sed rosei Mulli, & Murænæ lacteus humor  
Percurrere; secant Solæque, rubrique Erythini.

Hic niveus sese vitreis è fluctibus effert  
Delphinus, puerosque inter festivus oberrat.

Hic nitidi semper Soles, & aprica serena;

Et petra Conchis, & Piscibus utilis unda.

At colubri tristes absunt, & dira Luporum

Semina, nec miseros discerpit Scylla natantes;

Non tantum radiis Torpedo nocet, neque tantum

Scorpius irato diffundit ab ore venenum.

Adde maris prospectum omnem, & Telluris amenum,

Et montes sacros, & utroque ab litore colles,

Nunquam non gratos umbris, & mollibus herbis:

Depictasque inter currentia flumina ripas:

Totque altis imposita jugis castella, domosque;

Atque theatri fabricata palatia circo;

Pausilypi propter litus, clivosque sequentes;

Regum opus, atque opere egregio, luxurique superbo?

Adde Urbem lætam populis, opibusque potentem,

Et claro augustam sceptris, ingenuisque vigentem

Artibus, & studio florentem nobilis otii,

Cui Regina suo fecit de nomine nomen

Parthenope, mitesque dedit blandissima ritus.

An virides memorem scopulos, piscosæque saxa;

Et tot muscosis excisa in rupibus antra?

An ne sinus tantos, te (2) Polli, teque beato

Cum portu, Misene, tuo, & te, molle Dicarchum?

An quæ felicem memorem Cratera coronant?

Hinc ditem Baccho Inarimen, montesque Tiphoei;

Et Prochyten pomis vernantem, & pinguibus uvis;

(1) Vide lib. 7. Naut. (2) Sinus inter Massam ad delubrum, & Surrentum, ubi Pollii villa.

Piscolas illinc Carpreas, Fanumque Minervæ,  
 Et Vici colles, & pampineum Surrentum?  
 Hæc eadem Musas, & doctas extudit artes,  
 Campanoque sonum dedit ære: & pixida Nautis  
 Protulit, & tenui telas intexuit auro.  
 Hæc Vates lauro insignes, rubroque galero  
 Romuleos Patres, clarosque Heroas in armis,  
 Et tot Pontifices tulit, & te maxime Patrum,  
 ANTONI (1), throno, qui mox sublimis ab alto  
 (Regnatorem Orbis nam te, collisque Quirini  
 Concordi plausu Divique, hominesque repossunt)  
 Omnia sub pedibus volui, vertique videbis.

Salve magna Patens rerum Campania Tellus,  
 Læta mari, secunda solo, mitissima Cælo,  
 Alma viris, medio quam Dii posuere benigni,  
 Gemma velut, circo media est quæ lucida fulvo,  
 Egredias tibi nunc laudes percurrere, & artes  
 Incipio, Aëtiacos ausus tractare cothurnos,  
 Coryciumque (2) cano Tyrithena per æquora carmen.

Quibus in locis me-  
 liores nascantur pi-  
 sceo.

Nunc vada squamiferum ingenii, quæ læta cuique  
 Pascua, quæque magis sint piscibus apta ferendis.  
 Herbosæ primum cautes, scopulique virentes,  
 Muscos ubi, & frutices passim nascuntur odori,  
 Fragrantes generant pisces, succoque salubres.  
 Tales Hercules (3) rupes, & saxa beati  
 Pausilypi muscosa ferunt, rupesque Dicarchi,  
 Et Capræ, & quæ (4) Sirenium cognomina servant:  
 At quæ sub tenero se gramine sternit arena  
 Lætior, illa gregi squamoso grata ministrat  
 Pabula, quæ constans veniat caro, succus & uber.  
 Qualem, Nesi, tuo sub gurgite sæpè solemus  
 Despicere: ast ubi cæruleis obducitur algis,  
 Haud caro felici tantum pinguedine præstat:  
 Estque salutifero tamen ubere, grataque gustu.  
 Talia Leucosæ sunt cæcula, talis & omnis

Adria-

(1) ANTONIUS Pignatellus à Minorbini Principibus S. R. E. Card. & generis splendore, & virtutibus egregiis Summo Sacrorum principatu dignissimus.

(2) Oppiani scilicet, qui Corycius fuit, floruitque sub Severo, & Antonio pio, cui gratissimus fuit ob carminis elegantiam, fertur ab eo tot stateres aureos dono accepisse, quot illi versus dedicaverat. (3) Massa ad Delubrum.

(4) Sirenusæ insulæ, *Li Galli*:

Adriaci tractus, & Etrusci litoris ora.

Præterea quæ salta sonantes æquora rivos  
Accipiunt, multa pinguent uligine fluctus;  
Namque è præruptis felicem rupibus undam,  
Pœcundumque trahunt limum, quibus humida ponti  
Luxuriat gens multa: velut Cephalique, (1) Tragique,  
Atque Lupi, atque Smaris, atque Anthias, atq; Atherina.  
At verò steriles fundi qui carpit arenas,  
Gignitur exuccus, quamvis innoxius; at qui  
Cœnosis gaudet, pinguis licet, utilis ille  
Non ægris; Rajæ veluti, Rhombique, Bovesque.  
Onique altum tenere Canes, & grandia Cere,  
Non homini Natura dedit: sed pinguior alter,  
Gratior aut nobis, succoque salubrior ipso  
Non illo est, reslua Tethys quem læstat in unda.  
Tales angusti producunt claustra Pelori,  
Et Capræ, Euripusque, & lætior ora Tarenti,  
Quosque Propontis alit, quos educat Hellepontus:  
Et quos Oceanus per Gallica, perque Britanna,  
Et per Ibera fluens, alterno perluit æstu  
Litora, quique Rubri diffundunt marmoris undas.

Refuo in mari opti-  
mi.

Quin diversa licet pisces det Tethys eosdem,  
Non tamen est cunctis eadem caro, nec sapor idem:  
Sed varii veniunt pro-conditione locorum,  
Seu quod non æquo descendant semina Cœlo.  
Aut cunctis eadem non pabula; sive marini  
Non omnes uno lætentur ab ubere fluctus.  
Insignes dat Creta Scaros, dat Carpathos, & quæ  
Perpetuò Libyca pulsantur Doride Syrtes.  
Egregios aprica creat Synodontas Amalphis,  
Illyricique maris scopuli: dat Julida dives,  
Et Chromin Antipolis, Gaditanaque litora Fabrum,  
Palladiæ (2) Mullum rupes, Pagrumque Dicarchum:  
Et Rhombos Sinvesta, fugaces Thracia Thynnos.  
Pulcher Erythræa pinguet Calliæthys in unda,  
Tyrrena Melanurus, Amyclæaque Lacertus:  
Adriacæ Sargus per Daunia litora: perque  
Pausilypi collem, & viridem Nesida creantur  
Exosses Congri: fertique insigne ferentes

Varii pro varia lo-  
corum conditione.

Qui magis laudan-  
di.

Dat

(1) Mustela, Hircus, Ital. Grillo, & Pesce Galea, Gal.  
Donzelle, Nostris *Musdela*.

(2) Massa ad Delubrum.

Dat Tethys Rhegina (1) Scaros, divesque Pelorus,  
 Umbrasque, Cytharosque, & lactifluas Anguillas.  
 Has & Mæandri vada læta, & lentus Anapus  
 Prognunt, Capræque Sudes, magnumque Elephantum.  
 Engraulis Prochyle, cognataque corpora, Sardas  
 Jactat: Japyges & Polypos, Pinnaeque Tarentum.  
 Murænas Siculi exosses, (2) Egnatia Squillas.  
 Scyllæa Zyphæ lætantur glande, levesque  
 In doctis Aphyæ semper celebrantur Athenis.  
 Passer in Oceano felix, & per vada dura  
 Sauromatum; gaudentque suo Salmone Britanni,  
 Et Germanus edax, magno sed Glanide Pannon,  
 Ægyptusque Latis; Acipensere lætior Ister.

Infuper his magni latitant sub gurgite pisces,  
 Quos nunquam è gremio prodit Neptunus avaro.  
 Retia non omnes unquam tenuere: neque omnes,  
 Audaces quanquam, pelagi lustravimus undas.  
 Multa latent homines, solis quæ cognita Diis sunt.  
 Argumenta tamen pauci venere, reclusit  
 Quos casus, & non imitanda audacia Piscis.

Nicolaï, cognomen-  
 to Piscis, historia.

Vir fuit Ocyrhoë genitus Crateride Nympha  
 Muscosa Prochytes sub rupe, peritior alter,  
 Quo non Delphinæ, celeresque lacessere Thynnos  
 Per spumosa maris fuit æquora, non & in alto  
 Oceani durare sinu, vel fortior alter,  
 Qui vitæ cohibere haustum potuisset anhelum.  
 Admiranda ferunt super hoc: nam creber ab acta  
 Euboica solvens, Siculæ Telluris ad oram  
 Per Tyrrhena natans ibat freta, perque Sicana.  
 Vix saltu in pontum sese demiserat: Ecce  
 Jam Capreas, Lubramque fuga jam præterit; & jam  
 Præstanus niveo spumat sub pectore Pontus:  
 Hinc te, (3) Leucosia, & te mox, Palinure, relinquit;  
 Et (4) Blandam, (5) Patiumque secat: jam litora stringit  
 Brettia: jam clausi prospectat claustra Pelori.

Ipsi

(1) Hic apud Siculos, & Rheginos appellatur *Pauro coronato* ob callosam appendicem capitis instar coronæ, & sine dubio Scarus antiquorum est: qui, ut ait Athenæus, in Siculum fretum non raro excurrit: quique cum delicatissimus sit, & Scaro similis, pro Scaro habendus; etsi unus me scrupulus angat, quod nimirum de coronæ capitis antiqui reticuerint. (2) Urbs Apuliæ, ex qua Monopolis.

(3) *Licosia*. (4) *Belvedere*. (5) *Paola*. Vide V. Naut.



Ipsi mirantur pisces, mirantur & Euri,  
 Attonitæque retrò fugiunt, quas dividit, undæ.  
 Intercæ volat ille, optataque litora tandem  
 Lætus adit: victor Siculas & jam tenet oras,  
 Qualis ab Euxina lapsus trans Bosphoron unda  
 Ægæum secat, & Cycladas prætervolat omnes  
 Delphinus celeri cursu, & vix deserit actam  
 Retro spumam, ipsos habilis prævertere ventos.

Quin etiam cæco subter diffindere cursu  
 Cæruleas consuetus aquas, velut æquora piscis.  
 Sic Mamertino è portu non visus adibat  
 Taurominum, Catinamque, & trans vada flava Symethi  
 Victor ad Ortygiam caput attollebat ab undis,  
 Hinc illum Euboici Piscem cognomine Nautæ  
 Dicebant, & talis erat: quia plurimus usus  
 Nativum potis est genium in contraria, & ipsam  
 Naturam mutare, novosque inducere mores.

Quæ cum Trinacrius memorari facta (1) Tyrannus  
 Audisset, majora fide, ad sese ilicet illum  
 Acciri, magnumque unâ deferre ministros  
 Cælatur argento, & miris cratera figuris  
 Imperat. Intercæ lunatæ Falcis in ipso  
 Litore quæ contra fluctus insana Carybdis  
 Perpetuò torquet gyro, Manesque refundit,  
 Centum inter Procerum primos expectat ovantes.  
 Extemplo magna populi comitante caterva  
 Regem Piscis adit: cui protinus ore Tyrannus:  
 Experiamur, ait, de te si vera feruntur.  
 Hic opus est factò famam firmare: nec ultra.  
 Confestim rapidam propter cratera Carybdim  
 Projicit in fluctus, simul hæc: Argenteus ille,  
 Et testis virtutis erit, & præmia discus.  
 Vix ea, cum magno laudis succensus amore  
 Corpora candenti lino citus exuit; ille &  
 Obsequii tibi testis erit, Rex maxime, discus,  
 Et testis famæ certissimus, inquit; & actam  
 Deserit, & pelago simul inilit, & subit undas:  
 Qualis ubi Proteus jactu se librat in æquor.  
 At non extemplo rediit de gurgite in auras.  
 Sed longam traxisse moram, mirantur in acta  
 Cum procerum cœtu, & tota cum plebe Tyrannus.

Scin-

---

(1) Federicus Siciliæ Rex: vide quæ adnotavimus ad V.  
 Nauticorum.

Scinditur interea vulgus pro more: ferocis  
 Pars ausum damnare viri; pars altera Regis  
 Barbata iussa: Deos, & ineluctabile Fatum  
 Accusare alios: sed frustra: quisque malorum  
 Est sibi molitor Deus ipse, est & sibi Fatum.  
 Hæc inter sese vario rumore ferebant  
 Vulgus iners, medio cum Piscis ab æquore victor  
 Emersit, discum referens insigne Trophæi.  
 Vix conspectus aquis assurgere, lætus ad astra  
 Illicet exoritur clamor, victorque vocatur  
 Piscis: io victor geminatur terque; quaterque:  
 Lætitiaque timor concedit: & ordine verso,  
 Omnia plausus habet, plausu sonat omnis ovantum.  
 Turba virum, & læto plaudit clamore Theatrum.  
 Qualiter incertus vulgi cùm rumor ad aures  
 Eventu belli trepidas pervenit, & ipsos  
 Non æquo sub Marte canit vicisse Gelonos.  
 Turbati nutant animi, pallentiaque ora  
 Confestim vanus timor occupat: ast ubi certus  
 Nuncius ad Patres venit, fusosque pudenda  
 Narrat cæde Scythas, positis & Jazygas armis  
 Permississe duci, pacemque orasse Latinos,  
 Actutum pulsâ acclamant formidine gentes  
 Victorem, festisque læcessunt aëra bombis,  
 Atque insperato replentur mœnia plausu.  
 Unus at Ocyrhoë genitus tot munera plebis  
 Læta inter, plaususque ducum pleno ore faventum;  
 Constitit attonito similis, nec murmura ovantum,  
 Nec quicquam magni curat simulacra triumphi.  
 Ceu quis, totus ubi defecit spiritus, aut cùm  
 Infami eximitur laqueo periturus, & in se  
 Servatus redit, attonitus vix lumina torquet:  
 Vixque suis trepidans insistit cruribus; & vix  
 Ora movet stupefacta, metuque exterrita multo.  
 Hinc Regem tremefactus adit, cui talia: Discus  
 Hic ille obsequii tibi testis: At ò mihi quantum  
 Hoc stetit obsequium, laudisque incensa cupido.  
 Si vivo: fateor, vestro, Dii, munere vivo,  
 Ex Acheronte pii, qui me rapuistis: & ultra  
 Nil dedit. At mira captus novitate Tyrannus,  
 Hortatur fari quæ sint, quæ gurgite in alto  
 Vidisset portenta, ferisque horrenda Charybdis  
 Quæis incincta minas intenderit. Incipit ille.

Admiranda quidem tibi, Rex, miracula rerum  
 Narrabo, trepido quanquam vix ore profari

Multa

Multa queam: nam totus adhuc præcordia circum  
 Purpureus terrore coit mihi sanguis, & omnes  
 Horrescunt cervice comæ, & vox faucibus hæret.  
 Ut fluctus subii, Siculo de littore vidi  
 Spumofum rapidis venientem fluctibus amnem.  
 Ut vidi, ut perii, ut me citus abstulit amnis.  
 Illicet abreptus medio torrente sub altam,  
 Incurvamque feror rupem, quæ concava subter  
 Horrendum gremio patet antrum: plurima & antrum  
 Perfundit cæco prorumpens unda meatu.  
 Hic dea sæva lupis, canibusque incincta marinis,  
 Confidit vivo in saxo: spumantia propter  
 Æquora vorticibus centum irrequieta recurfant.  
 Si vultum spectes, niveis si pectora mammis,  
 Si læves humeros, non despicienda decoro  
 Aspectu Virgo est, dirum, si cætera monstrum.

Undique sed rupem dextra, levaque tenentes  
 Immenfos vidi Polypos, nova monstra Profundi,  
 Ingentesque latrare Canes. Proh Numina! quantus  
 Hic me me timor invasit, cum tendere chelas  
 Hinc inde immanes, avidoque dehiscere rictu,  
 Horresco referens, prospexi: vix calor hæsit  
 Ossibus, & subito poteram petiisse, benigni  
 Ni me tunc Superi servassent: vertere sed quæ  
 Me tutò possem, superasque evadere ad auras  
 Haud noram: hæc illac, trepido per concava cursu  
 Ibam, forte viam si Sors, aut Fata dedissent.  
 Cum rediens maris æstus (& hæc tum prima salutis  
 Assulsit mihi spes) vada trans conclusa reflexo  
 Eduxit torrente, marique immisit aperto.  
 Egressus casus omnes evaseram, & alto  
 Tendebam Cælo victor, cum vortice in ipso  
 Candentem celeri gyro se volvere discum  
 Aspicio, me laudis amor pervasit: ibi omnis  
 Immemor, heu! casus rerum, oblitusque pericli;  
 Atque mei (stimulis furor hic mortalia corda  
 Proh quantis violentus agit) vento ocyus ipso  
 Invitus rapior: favitque ingentibus ausis  
 Fortuna, è medio sublegi gurgite peluim.  
 Ast iterum in præceps jam me violentus agebat  
 Immissis novus æstus aquis, cum numina supplex  
 Qua poteram voce appello, nifuque valenti  
 Currenti obluëtor pelago, & me lucis in auras  
 Emitto. Dis vota piis nunc pronus ad aram  
 Persolvam, ac possi figam hunc pro munere discum:

Term. II.

N n

At

At non expletus tanta novitate Tyrannus,  
 Et majora putans se posse occulta sub alto  
 Nosse mari, famulos aliam deducere pelvim  
 Argento è solido grandem jubet: haud mora magnum  
 Adducunt cratera: viro mox talia fatur  
 Rex Siculus: Tentanda tibi nova gloria palmæ,  
 Cunctaque Scyllæo sunt exploranda sub antro.  
 Si tantum favere, dabunt nunc Fata secundò  
 Fortunam, atque viam rapidi per vorticis æstum.  
 Hæc ubi dicta, mari pateram projecit: & ille  
 Sic contra. Non ista quidem, Rex magne, iubeto.  
 Nec faciam: Sat erit semel evasisse periculum:  
 Nam benè Divorum non utitur ille favore,  
 Oblitus qui prima, novo temerarius auso  
 Se fidens Fatis in aperta pericula mittit.  
 Contra Rex urgere virum, dictisque precari,  
 Ut benè Divorum concessæ fidere forti  
 Audeat; Audaces, quorum fiducia magna est,  
 Conciliant, dum posse putant, sibi Numina: quique  
 Non audent, positâ malè spe, victique timore;  
 Aut non posse putare Deos, aut nolle videntur:  
 Addit; & id tandem sese jam velle fateetur.  
 His satus Ocyrhoe verbis non motus, iniquo  
 Attamen imperio, precibusque instante Tyranno,  
 Cogitur invitus non æqua facessere jussa.  
 Oranti quanquam res non parere Tyranno  
 Difficilis, cui jura preces, ratioque voluntas  
 Ipsa est, Immotumque manet quodcumque jubetur:  
 Ergo amens animi, Fatoque impulsus acerbo  
 (Raro hominum rerum Fato prudentia major)  
 In freta prorumpit: miser, ah! non lucis in auram  
 Promeruit rediisse: mari tumulatus in imo est.





# HALIEUTICORUM

## LIBER SECUNDUS.

**P**ROTINUS undosi leges, & fœdera regni  
Exequar: inceptum mecum percurrere laborem,  
CARDENIDE, miranda tibi spectacula rerum,  
Udaque cœruleæ gentis connubia, & ignes,  
Atque odia, atque iras, & spumea prælia dicam.

Qui primus vasti discordia femina Mundi,  
Diversasque uno conjunxit federe partes,  
Ille Deum regnator Amor, qui singula sacro  
Strinxit amicitia nexu primordia rerum:  
Divisitque informe Chaos, litemque diremit  
Æternam: cæco qua carcere mixta vicissim  
Frigida cum calidis certabant, humida siccis:  
Perpetuumque novo firmavit lumine fœdus.  
Ille & pugnantem discordi numine Divos  
Conciliat, dulcemque ferit super æthera pacem:  
Et pacem terris largitur; & horrida pulsat  
Bella hominum, jungitque animos, & pectora dura,  
Hic volucres, hic bruta nigris errantia sylvis,  
Et pecudes, sociatque boves, armenta que equorum.  
Omnia nescit Amor, vinculisque tenacibus arctat:  
Mortalesque potens inter, gentesque Deorum est.

At miranda quidem dulcis sunt fœdera amoris,  
Quæ muti servant pisces, turbæque natantum.  
Certa fides thalami, sunt & connubia curæ:  
Et proles studium, & servandæ industria gentis:  
Acribus & stimulis agitantur: & ignea in undis  
Pectora zelus habet, durus Deus: & fera miscet

Amoris nexu om-  
nia copulati.

Prælia, & ingentes animorum fuscitat iras.  
Singula, quæ nostro jam nunc percurrere versu  
Aggrediar: nec vanus erit labor iste canenti,  
Nec tibi, piscator; namque hoc comprehendere prædam,  
Inque suo poteris pisces disperdere amore.

Aceris in piscibus  
amoris stimuli.

Ceruleæ quamvis omnes commercia gentes  
Lætæ incant, nexuque alacres jungantur amico:  
Sunt tamen, ingenti studio quas proles habendæ  
Fortius extimulat, viresque valentior addit  
Ignea vis: Muræna velut, Cephalique petulci,  
Et Scarus, & Polypus, atque ardens floribus (1) Evops  
Non sectus insano Galei torquentur ab æstu;  
Ac Ziphis, Thynnique: tremor ceu magnus equorum  
Corpora pertentat, notas cum detulit auras  
Improvisus odor: sic & tremor omnia versat  
Membra Canum, totoque agitât sub pectore flammæ,  
Cum noti vultus, Verque excitât ossibus ignem.

Meruli ardor, &  
studium in conju-  
gcs.

Acrius est (2) Merulum sacer ardor: & unica Nympha  
Non satis est olli: plures uxorius optat.  
Per scopulos, per saxa, tenet quæ plurima conjux,  
Assiduè multo succensus obambulat æstro:  
Nec potis est animo dulces avertere curas.  
Hunc modo perlustrat scopulum, modo fertur ad illum;  
Dulcia ubi charæ posuere cubilia sponæ.  
Non illi victus cura est; requiesque labori  
Nulla, sed immenso suspirans deperit æstu.  
Decolor ut nigrâ Cælum ferrugine Vesper  
Inficit, & primo labuntur sydera motu,  
Solicitus multâ pro conjuge circuit aquor,  
Et glaucos carpit frutices, muscumque virentem,  
Devescatque domum, & tota vix nocte quiescit,  
Verùm cum gravidæ sætus deponere matres  
Incipiunt; uterique gravi sub mole laborant:  
Tunc ille insueto pectus percussus amore  
Anxius accurrit, thalamisque jugalibus adstat

Per-

(1) Anthias, sic dictus, ab oculorum pulchritudine, floribusque, quos æmulatur. (2) Oppianus Merulam, & Turdum ejusdem generis facit, Merulam marem, feminam verò Turdum. (uterque vulgò nostratium quemadmodum & Turdus avis, appellatur *Makizzo*), idque nonnullis ipsa formæ similitudo persuasit; ob quam horum piscium nomina faciliè permutantur; alii duas species faciunt, quod mihi vero similis videtur.

Pervigil, & trepidus nunc hanc, nunc visit & illam:  
 Cumque dolente dolet miser, & pariente laborat.  
 Hanc Medos vitam fama est, mollesque Sabæos,  
 Et Persas coluisse, sagittiferosque Gelonos,  
 Quique Indum, Gangemque bibunt: quibus aurea tædam  
 Non unam Venus accendit, nec pronuba Juno.  
 Sed malè concordēs urit sæpè æmulus ardor.

At verò thalamum servat (1) Scorpæna pudicum?  
 Atque uni conjuncta viro, spe prolis habendæ,  
 Legitimum fovet amplexum, castosque Hymenæos.

Non hic præteream, quæ passim credita vulgo  
 Fama refert serpente super, cui cæcula nubet  
 Muræna: & siccis Hymen celebratur arenis.  
 Mira fides facti; sed quæ discordia tantum  
 Fortis uti non nectat Amor? (quis credere possit?)  
 Non tamen optatos poscit per mutua nexus,  
 Quam lethale prius deponat cautè venenum,  
 Usque adeo sincera fides debetur amanti:  
 Et si verus amor, nullum est in amante venenum,  
 Ergo ubi tempus adest tædas celebrare jugales,  
 Arcanis coluber stimulis volat actus ab umbris  
 Litus in undosum: totumque è pectore virus  
 Ore vomens, saxo bilem concedit amaram:  
 Hinc caput attollit quatiens, & sibilat colla,  
 Equæ suo Nympham tecto vocat: illicet illa,  
 Ut feriit vox nota, & amicus sibilus aurem,  
 Exilit in litus vitreis è fluctibus, & se  
 Vibrat in amplexus, & lubrica circuit anguem.  
 Mox hæc in pelagus gravis insilit: ille repostum  
 In saxum repens se devehit, atque venenum  
 Ebibit, & lucos rediens invisit opacos.  
 Ast illud mirum est, virus si fortè viator  
 Abstulit, aut siccâ ignarus pede pressit arenâ,  
 Amisâ perit infelix tunc vipera bile.  
 Scilicet ingenium cui primum læva malignum,  
 Et virus natura dedit, fraudemque nocendi,  
 Haud sine nativo poterit durare veneno.

Hinc & digressus, Rajæ, Squatinæque furores;  
 Et vetitos dicam thalamos, prolemque biformem.

Scorpænae pudici-  
 tia. D. Ambros.

Viperæ, & Muræ-  
 nae conjugium. Orus  
 Apella, in Hiero. &  
 lianus, alii que.

Rajæ, Squatinæque  
 permixtio: ex qua  
 Rhinobatos, Aristot.  
 velis.

In-

(1) Scorpheus, & Scorpæna sint ne ejusdem speciei, du-  
 bitat Athenæus, sed differre, ut & succo, coloreque, cen-  
 set nostri, quibus suffragatur Aristot. Oppianus, Plinius;  
 quare fallitur Eustathius, qui sexu tantum differre arbitratur.

Interdum Raja, ut perhibent, maleficus adulter,  
 Alterius thalamos, inconcessosque Hymenæos  
 Affectat generis: stimulis & agentibus ipsis,  
 In Squatinam ruit, & nullâ vi spontè volentem  
 Supprimat: hinc proles educitur illa biformis:  
 Rhinobaton (1) docti quondam dixere Pelasgi.  
 Diversum quæ mixta refert genus; ora supernè,  
 Atque humeros Rajæ similis, pellemque, coloremque:  
 At verò in reliquis Squatinæ par omnia membris.  
 Non aliter Libyâ in vastâ, quâ corniger Ammon  
 Regna tenet siccis sitientia semper arenis,  
 Et Meroë's deserta jacent, saltusque (2) Syenes,  
 Cum stimulante siti sub stagna, & flumina rara  
 Convenere feræ, Tigresque, Urisque rapaces,  
 Pardalis, atque Læna, venenatique Ceraistæ;  
 Plurima per densas nutrit quas Africa sylvas.  
 Hic ubi jam rivos potarunt gutture anhele,  
 Permixtim rabie impulsæ, cæcoque furore  
 Miscentur, variumque genus non debita poscit.  
 Hinc illæ insueta generantur imagine formæ  
 Monstrorum, visu turpes, rictuque tremendæ.

Quate in Lybia va-  
 riæ monstrorum for-  
 mæ. *Plinius.*

Sed non unus amor, non piscibus una medullas  
 Est flamma, aut generis nativi sola cupido.  
 Caprarum infano Sargi capiuntur amore,  
 Et pastoris amant velamina: Palladis ardet  
 Florentem Polypus oleam: spumosa per alta  
 Quæ fluitant fragmenta ratum, quas ira procellæ  
 Disperlit violenta, marique immergit aquosq,  
 Hippuri affectant alacres, circumque residunt:  
 Et lætos celebrant ludos, nectuntque choreas.  
 Quique comes rapidis it puppibus, atque nitentes  
 Insequitur spumas, tractosque per æquora sulcos,  
 Lætus arundineâ gestit Pompilus in umbrâ.  
 Vespæ illecebris (3) Mænæ captantur: & udos  
 Non spernunt Thygni (4) Cephros, quibus humida præbent  
 Nutrimenta; leves illi dum pone sequuntur  
 Prædantes ipsos, piscesque impunè trahentes.  
 Salmones Accipenser amat: cœtuque frequenti

Varia Piscium Ru-  
 dia.

Sal-

---

(1) Rarissimus piscis est, cumque Squatina confunditur:  
*Cetola*, quasi *Cythara*, nostri vocant: Græci verò hujus tem-  
 poris *Rhinon*. (2) Vide lib. VII. Naut. (3) Nostri pisca-  
 tores *Menne* etiam vocant. (4) Aves aquaticæ, è lutrarum  
 genere: quidam *Fulicas* interpretantur.



Salmones illum sectantur: ovantia propter  
Ceum glomerata suum procedunt agmina regem.

Sunt quos delectant numeris animata canoris  
Carmina, valesque fides, sonitusque metalli.  
Utraque (1) Thrissa velut, currit quæ cæcula falsa,  
Quæque colit dulces rivos, & amœna fluenta.  
Idcirco in medio piscantes flumine (2) nolum  
Suspendunt, strepituque vocant ad retia Thrissas  
Et gaudent Thrichides tinnitibus: est & opimis  
Murenis etiam, ut perhibent, aurita voluptas.  
Argolicis (3) Galeota modis mulcetur: & ipse  
Ad cantum niveus vitreo salit æquore Delphin.

Qui pisces cantu,  
sonosque delectentur.

Ast alii reddunt vocali è gutture voces,  
Castorides (5) veluti, quæque alta volucris Hirundo  
Summa secat, Rhodii que rubens Scarus incola ponti,  
Atque Lyrae, atque Chromis, (5) Caprique & flumineus (6) Sus.  
Mus (7) quoque grunnitus Acheloi edit: & olli,  
Sit licet exiguus, vis est sub dentibus ingens:  
Queis audax telis, & duro tergo fidens,  
Bella inferre viris, & magnis piscibus audet.

Qui vocales.

At non squamigerum mutum genus edere voces  
Crediderim veras; quia cuncta sonantia desunt  
Instrumenta: velut pulmo, gutturque repandum,  
Et quæ vocales arteria devehit auras.

Non tamen veras  
reddunt voces, &  
quare?

At voci similes creduntur fingere vulgò  
Alarum stridore sonos: seu plurimus ipsa  
Scilicet inclusus teritur dum spiritus alvo,  
Collisus latè reboat vocalis ad auras.

Cur vocales di-  
cantur.

Non tamen Oceani prolem, Thetidisque marinæ,  
Semiferumque (8) genus Nerei vaga cæcula cantu  
Mulcere, & blandè numeris resonare negandum est.  
Nam Surrentino nuper sub litore vidi  
Cantantes Pelagi Divas, dum lucida Phœbe  
Fulgeret tremuli pacata per æquora ponti.

Nereidas, & Sire-  
nes vocales esse.

#### Cantu

(1) Alofa, & marina, & flu: (2) Campanum æs, seu  
tintinnabulum, à Nola Urbe, ubi primum inventum.

(3) Sic etiam appellatur Ziphias, qui latinè Gladius est.

(4) Castor animal amphibium quadrupes, dictus etiam  
canis Ponticus; Italis *Bivaro*, Gallis *Brise*, & *Brieve*.

(5) Aper. (6) Aper fluvia: (7) Aper Acheloi, *Pesce Ra-  
to*, & *Porcello*. (8) Nereidum, ac Sirenum Historiam lege  
apud Alexandrum ab Alexandro lib. 3. cap. 8. & Nierem-  
bergium hist. Natur. lib. 5. cap. 13.

Cantu quo rupes longè pullata sonabat,  
 Muscosæque levi surgebant murmure cautes;  
 Atque ipsi pariter saliebant gurgite pisces.  
 Audiit intonso prospectans colle Minerva,  
 Altaque (1) Telebois, iussitque edificere nautas.

Quis novus, ò Musæ, cantanti sibilus aurem  
 Perculit? an Zephyrus submurmurat? ane canoræ  
 Sub paribus repetita modis dant carmina Nymphæ?

Haud ignara quidem Vatis mens fallitur. Ipsæ  
 Ægæi procul è fluctu me dulce canentes

Syrenes revocant (2) Acheloides. Est nemus altum  
 Gythæi (3) propter litus, quà murmure rauco

Sirenium meta-  
 morphosis.

E (4) Chronio lapsus summo sinuosus oberrat  
 Eurotas (5), pictæque intexit jaspide ripas,

Hic olim cœtus inter Diana sororum

Virgineos de more choros agitabat in umbris:

Quam circum denso glomeratæ Najades orbe

Inlignes arcu errabant, nitidaque pharetrâ:

Perque humeros nivæ diffuso crine Napæ

Centum ibant, Dryadesque, & Oreades: inter & illas

Syrenes comites aderant, cantuque beato

Implebant latè nemus omne, & sydera Cœli.

Fortè ex adverso (6) Cranaës de litore Glauci,

Phorcique adstabant, & amicam rupibus umbram

Carpebant, nullo armentis custode relictis:

Qui sensim nimia capti dulcedine cantus,

In sylvas citi contendunt litora: Nymphas

Hic ubi prospiciunt, insano protinus igne

Correpti, fraudem meditantur: & inter opacas

Se condunt rupes: ubi densis plurima sylvis

Opportuna dolis florebat cæcula myrtus.

Jam ludo defessa nemus Diana repositum

Naladum, Dryadumque choro stipata petebat:

Apricos verò colles, & litora amantes

Eurotæ celeres ibant Syrenes ad ora.

Huc ubi trans saltus Nymphæ venere, latentes

Aspexere Deos; subita formidine captæ,

Jamque referre pedem, & nigris se condere lucis,

Ac celeri ardebant sociis se reddere gressu.

Ve-

---

(1) Capræ Telebois olim habitatæ. (2) Quia Acheloo,  
 & Terpsichore genitæ perhibentur. (3) Oppidum Laco-  
 niæ, Colochina. (4) Mons Peloponnesi Crevenos.

(5) Basilipotamo. (6) Insula contra Gythæum.

Verūm cœrulei cum Dii, nil fraudis inesse:  
Sed tantum se velle Deas audire canentes  
Dixere: & voces laudare, & mollia verba,  
Ac risu lenire animum cœpere petulco,  
Amisum tandem miseræ doliare pudorem.

Sed postquam scelus è vultu Diana pudendum  
Casta recognovit (sceleris certissimus index  
Ipse sui vultus: taceas licet, ora loquuntur)  
Justa ardens irâ pro virginitatis honore  
Amisso, monitisque suis, & numine spretis.  
(Hos etenim monitus dederat; ne litora, neve  
Apricos peterent colles, aut fluminis ora:  
Et nunquam æquoreis auderent fidere Divis.)  
Pube tenus jubet esse feras, & crura, pedesque  
In duplicem vertit caudam, Glaucisque marinis  
Assimilat Divas, redditque informia monstra.  
Discite virgineum moniti servare pudorem.  
Illæ nequicquam lacrymis, precibusque Dianam  
Poscentes veniam: nec tantum ferre valentes  
Deductus, in medium se demisere profundum.  
Scilicet ingenuis quocumque occumbere Fato  
Præstat, quam turpem per turpia ducere vitam.  
Auxilio venere Deæ Nereides, & quæ  
Eurotæ fluctus Nymphæ tenere beati:  
Assuit & Tethys, casumque miserta Dearum,  
Æquoris esse dedit Divas: Nereja qualis  
Cymmodoce, Galatea, Thaliaque, Phylodoceque  
Pectore quæ niveo spumantem Dorida sulcant:  
Et dulci placare Deos modulamine, & ipsos.  
Auritos etiam pisces, & cœrula monstra.  
Tu cave ne cantu capiaris, & ore dolofo:  
Namque unum hoc illis solamen, & unâ voluptas  
Restat adhuc, blando nimirum fallere cantu  
Incautos Nerei currentes æquora nautas.

Insuper undosæ gentis non prolis alendæ  
Cura levis. Cæli cum primum emissa sub auras  
Devenere, sovent extensis pignora palmis:  
Et per spumosos se circum ludere campos,  
Cernleisque innare vadis, cursusque per altum,  
Obliquare docent: tenerisque alimenta ministrant.  
Hostiles arcent incursum, se seque parentes  
Obsecrant, proprioque tuentur corpore natos.

At Galei, Glaucique, timor cum proximus urget,  
Insultantque ferre jam dentibus, ore tenellos  
Accipiunt fœtus, tutaque in fauce recondunt.

Tom. II.

Oo

Sed

fiscium industria  
in alendâ, & cœrulaque  
prole.

Galei, Glauci, &  
Canes parvos intra se  
condunt, &c.

Sed pietas miranda Canum: de gutture in ipsum  
Immittunt uterum, medioque in viscere condunt,  
Descendunt illi faciles, iterumque recurrunt,  
Quod prius emissi Solem videre supernum,  
Perfugiumque petunt vitæ, vita unde profecta est.  
Verum cum pisces jam discessere feroces,  
Atque animos pulsa capiunt formidine matres,  
Lætæ iterum pariunt sua pignora, seque timore  
Exonerant, agilesque fecant salis humida regna,  
Festivo matrum lusu post terga sequuntur:  
Et rursus gaudent conspecto lumine nati.

Maxima sollicitos curandæ industria prolis

Phocæ solertia.  
Oppianus.

Exercent Phocas: medio non æquore sætus,  
Sed siccâ pariunt Tellure: cavisque sub antris;  
Diffusos circum distenta per ubera lactant:  
E mammis niveum quoniam lac effluit: ore  
Certant catuli potant, luduntque petulci.  
At post bisseños revolutos ordine Soles,  
Roscida cum nitidis surgens Aurora quadrigis  
Contextit terram radiis, Cælumque coruscis,  
Spumea paulatim sætus ad litora portant,  
Et crurum tenus aspergi gaudentque, sinuntque.  
Sæpius id peragunt, quod tandem nare periti  
Cæruleas habiles percurrant Tethyos undas:  
Ac velut externis gnatum connixa sub oris,  
In patriam longo rediens post tempore mater,  
Ostendit puero genus unde, & nomina ducat,  
Antiquosque Lares, & avitæ insignia gentis:  
Fortunamque domus dicit, ritusque parentum.  
Sic teneros Phocæ vitulos in salsa reportant:  
Æquora, nativosque Lares, & vitrea monstrant  
Tectâ domus, tremuloque undantia marmora fluctu:  
Atque vias pelagi varias, cæcosque meatus,  
Diversumque docent populum, & genus omne natantum  
Ingenium mirum Salmonibus indidit ipse

Salmonum ingenium, & quo tempore nidos parituri faciant: Ofsuus.

Juppiter, & partu solertes fecit habendo.  
Aurea stellati cum Sol palearia Tauri  
Occuluit, lætæ florent quo tempore sylvæ,  
Pulcher & apricis vernat prospectus in agris,  
Ut primum Oceano fluvios petiere relicto,  
Prima illis est cura, locum captare repostum,  
Mollis ubi sabulo, rapidusque revolvitur amnis:  
Hic altas de more scrobes, quibus ova reponant,  
Effodiunt: quæ rore suo mas irrigat ova.  
Inde tegunt nidos, & multo vimine firmant.

Egre-

Egregia simul arte latus tutantur utrumque,  
 Aggeribus circum impositis, atque arbore vallant:  
 Ne fortè arripiant devexo flumine fontes,  
 At quæ Solstitio mandantur plurima nidis  
 Ova, vel Autumno pingui, cum mitia passim  
 Poma jacent, gravibusque gemit vindemia prælis;  
 Exacto jam, Vere novo, se tempore rumpunt:  
 At teneros liquido catulos dant ludere rivo.

Ipsa etiam, ut perhibent, è piscibus uda marinis  
 Lentisco è tenui cubas, muscoque virenti  
 Compingit medio Phycis paritura profundo,  
 Salpaque litoribus ponit vilissima nidos,  
 Et tempestates contra, fluctusque tuetur,  
 Aut algæ è viridi, sive aggere mollis arenæ.  
 At nitidos inter lapides, scopulosque propter  
 Litora connixus deponit Gobius ova.

Quæ subeunt, miranda magis: sine feminis haustu  
 Nonnulli ex se concipiunt: cæu Phœnix auro  
 Effulgens nitido, & felici summe dives,  
 Perdixque (1), (2) Channæque, & purpurei Erythini,  
 Hæc multis menti sedit sententia, at ipse  
 Naturam, rerumque nova observata secutus,  
 Aversum maribus, ventoque afflante putarim  
 Fœmineum potare genus primordia fetus.  
 Cæu traduntur equæ, cum perfurit ignis, Iberæ  
 Conversæ in Zephyrum genitales flamine rores  
 Accipere, extemploque graves turgescere vento.

At vero imbelles Aphyæ non semine jacto,  
 Proveniunt, lætæ nec læstant ubera matris;  
 Sed spumante mari, pluvisque cadentibus, ultro  
 Sese vitales emittunt lucis in auras.  
 Quales, Nola, tuos imber cum plenus in agros  
 Decidit Æstate in mediâ, de pulvere natæ  
 Assurgunt madido, crocitantque per herbida ranæ.  
 Cæruleo interdum è limo, putrique palude  
 Sponte sua veniunt: idcirco cærulea nantes  
 Læpta secant agiles, pontoque licentius errant.  
 At mira est Aphyis prudentia: turbidus instat  
 Cum Notus, & nigri contextunt aëra nimbi,  
 In transversa vagæ ne fortè ferantur ab æstu,

Qui ex se concipiunt  
 ex aliorum placitis.

Authoris opinio.

Aphyæ ultro pro-  
 veniunt, ut Ranæ.

Aphyarum proden-  
 tia, ut Ranæ.

O o 2

Per

(1) Maris perdix ob succi suavitatem, salubritatemque So-  
 lea dicta est, hic verò Arist. de Perdice, non verò Solea  
 loquitur. (2) Græcis, quæ Lat. Hiattula.

Perfugium sub caute petunt, saxoque reposito,  
Inque latebroſi ſe conduunt muricis antro  
Aſt Aphyis (1) delatus honor. Jamque aurea Vatem  
Invitat, nūtuque favet Lucina benigno.

Sit quanquam ſœcunda maris genus ſquamea, certas  
Conceſſit Natura vices, & tempora, partus

Quoties in anno  
ſaxatiliū quique  
paſias. *Ariſt.*

Quisque ſuos, Cœli ſuperis quibus inferat auris.  
Qui ſcopulos, & ſaxa tenent viridiſſima muſco,  
Bis anno gaudent felices cernere fœtus:

Cyano velut ore Scarus, Turdusque ſmaragdo  
Concolor, & ſocios inter velocior omnes:

Raptoreſque Lupi, Percæque. At Scorpius alvo  
Dat quater è tumida ſœcundo ſemine natos,

Ante vagus totum quam Sol luſtraverit orbem.

Terque utero Coracinus habet: ter nititur: & ter

Purpureus ſupplex Lucinam Mullus in anno

Invocat: hinc Grajo Trigle cognomine dictus:

Sive (2) ſacer quoniam fuerit tibi, diva Triformis;

Quoties, qui ova  
emittunt.

Qui primo non viva ferunt animantia niſu,

Ova ſed emittunt, longo quæ tempore pullos

Dant matura, ſemel pariunt: ceu Salpa ſub algis;

Atque inter frutices, & cautes Gobius udas.

Quoties Plani.

Verum Plittacei, veluti Soleæque, Boveſque,

Rhombique, Rajæque, & ſeva cuspide (3) Trigon:

Veloces Aquilæ, & Torpedinis enthea virtus,

Vix anno ſemel enixæ dant pignora. Mænx

Exonerant ſeſe Brumâ: ſed Verè laborat

Hippurus, violæque Smaris, qui concolor ardet:

Et candens Atherina, cui Lucina maligno

Atherinx in parien-  
tæ dolos. *Ariſt.*

Aſſulget radio parituræ: è viſcere fœtum

Non prius educit, quam molli plurima arenæ,

Uſque reluctantem pandi, ſæpè affricet alvum.

Ipli

(1) Alluſum ad proverbium, Aphyarum honos: dicitur  
quoties humilibus, exiguis licet, ſuus contingit honos, hinc  
& illud aliud: Aphyæ honos oleum. Aphyas autem è ſpu-  
ma naſci cum Oppiano conſentit Aldrovandus, eſſi recla-  
met Ariſt. argumentum verò eſt; quia quolibet anni tem-  
pore reperiantur, ex Aphyis quæ albæ ſunt Cobites dicun-  
tur, teneriores, & exoſſes: & nos has *Cicinielli*, Ligures  
*Bianchetti*: reliquas verò cum cæteris piſciculis *Fragaglie*  
dicimus. (2) Mullus Dianæ Hecati dicatus à veteribus  
fuit. Jovius. (3) Eadem ac Paſtinaca, cujus radius ve-  
neuat,.

Ipsi etiam virides nituntur verè Lacerti,  
 Salmonesque vagi: totum sed læta per annum  
 Fert prolem Muræna. Polo cum Cypridis astrum  
 Præfulsit medio, genitalia femina Scombrus  
 Accipit: æstifero Cancris reddenda sub astro:  
 Tempore quo dives progignit Lucius, & quo  
 Deponunt faciles (1) Erythini pondera ab alvo,  
 Fœcundum semper ponti genus, ubera pingui  
 Ova ferunt utero, sparsimque per æquora pubem  
 Innumeram læti fundunt, sed stagna, lacusque  
 Quino implent partu, & numerosa prole Cyprini,

Dum nitidis claram stellis Puer aureus urnam  
 Versat, & ambrosio perfundit sydera rore,  
 Accendant Polypi tædas sub caute jugales.  
 At verò ut raris effulserit ignibus Helles  
 Portitor, & toto perquirat vellera Cælo,  
 Ova racematim nituntur pingua centum:  
 Quæ, gallina velut, postquam, mirabile dictu;  
 Quinquaginta dies amplexu sæmina fovit,  
 Multipedes excusa maris dant plurima gentes.

At quia difficillè mittuntur pignora, acerbo  
 Corrupti interdum Polypi periere dolore:  
 Atque infelices lucem flevit supremam,  
 Edere dum sobolem conati lucis in auram.

Tempore non alio progignit Sepia, Soles  
 Terquinos tamen illa suis super incubat ovis.  
 At verò ex illis redduntur singula tantum  
 Corpora, quot pariter reddunt Loliginis ova.  
 Ast hæc in medio parit æquore: litus at illa  
 Saxosum connixa tenet, quæ plurima circum  
 Alga viret, fruticesque udi & fluvialis arando.  
 Idcirco virides piscator in æquora fasces  
 Projicit: inque illis cum nidos Sepia fixit,  
 Extrahit in siccum, & feliçia subripit ova.  
 At pifeis quanquam, tamen album novit, & atrum  
 Sepia, nonnumquam fraudem declinat iniquam.

Inque utero fert ova suo peregrina (2) Lagois,  
 Quæ Lepus est nostris, quo non feritate veneni  
 Neptuni turbat vada falsa nocentior alter.

Quo Polyptem-  
 pore passunt utque  
 ovincubent.

Ut inter partus do-  
 lores sæpè pereant.

Sepia, & Loliginis  
 sacra, & ubi ova  
 exponant.

Leporis item,

Im-

(1) Appulis *Lutino*. (2) Plinius ossam informem vocat,  
 nobis est *Fongo marino* à materia fungi simillima, Gallis est  
*Pota du mer*, aliis *Imériago*, Hisp. *Lebre de la mar*, aliis est  
 Pulmo Marinus.

Imbellis tamen est primùm natalibus undis  
 Ut crevit, trepidus se (1) Teuthidos abdit in antro,  
 Ex illa veluti genitus: non hospida Teuthis  
 Respuat, & propria nutrit cum prole Lagoum.

Quo tempore Locustæ, crustaceique alii pariunt.

Aprico roseæ copulantur Vere Locustæ:  
 Dant partus Æstate: riget dum frigore Bruma,  
 Astacus (2) amplexum sub caute requirit odora:  
 Ova sed, Arcturo primùm surgente, recudit.  
 Non alio rufi quem verno tempore Cancrī  
 Lucinam, Squillæque vocant, fuscique Paguri,  
 Et magna hirsuti gestantes corpora (3). Majæ;  
 Verum byssiferæ venit ipse putamine (4). Pernæ  
 Scyllarus (5), & socius manet indivisus in illa.

Cur Canes sepe pariunt,

Disce puer, Mustela, Canes versutaque Vulpes,  
 Et cur Carcharias, Galéumque exercitus omnis  
 Sæpè suos edant prægnanti viscere fœtus.  
 Plurima paulatim circum præcordia crescunt  
 Ova, levi succo quæ mox concreta, sub alvum  
 Singula quæque suo descendunt ordine: & illi  
 Ut perfecta animam cepere, recluditur alvo  
 Hædus, & actutum ludit per cæcula vivus.

Barbi sicciora. Gesneri.

Et Thymallus, ejusque descriptio.

At tu, populeæ qui laberis amne Mosellæ  
 Liberior, prolem sub Cancro, Barbe, rubenti  
 Florentes inter ripas exponis, & ipse  
 Viscere sis quanquam pingui cum major, ab atro  
 Attamen ora tuo defendam sedulus ovo:  
 Quippè venenatum condit sub cortice succum.  
 At Athesis qui stagna colit piscosa Thymallus,  
 Et qui dulce thymum, vel flavum demetit aurum:  
 Fontis honor vitrei, & nitidus flos ille natantum,  
 Pæstaniisque rosis, & floribus æmulus Hyblæ:  
 Quique ipsum spirans Aethæum vincit Hymettum,  
 Lenæo spumante, furit: sed Vere tepenti

In

(1) Sic Græcè, quæ latinis Loligo est.

(2) Italis *Gammaro*; Venetis temen *Astasc* antiquo nomine, ut vocant Adriaci maris accollæ *Astaco*, Hisp. *Camardn*, Gallis *Ligumbault*, *Langout*, & *Eservice de mer*.

(3) Majores Cancrī, nostris *Granci-Folloni*: aliis *Specchio*, Hisp. *Chabro*, Gallis *Trainge de mer*: at Provinciali *Squinade*. (4) Eadem, ac *Pinna*, sic dicta, quia suillo cruri similis.

(5) Parvus Cancellus conchis adnatus, nostris *Grancinello*, Tarentinis *Canro*; Liguribus *Brancho*, Hisp. *Granceio*, Gallis *Bernard*, & *Bioe Cambe*.



In ripis sobolem, & flaventibus educat undis.

His jam digressus spatiis, dicenda canenti  
Ingenium superest varium, moresque natautum,  
Quique animi, & dubiis quæ sit solertia rebus.

In primis te mira, puer, natura Draconis  
Ne lateat: dextra si fors comprehendere tentas,  
Adnissus totis tunc viribus ille resistit:  
Moliturque fugam: sed si captare sinistra  
Aggredi, citus cedit, mirabile dictu.  
Præterea, si vera canunt, cum sanguine fibra  
Vere novo turgent, Cypriusque exæstuat ignis,  
Piscanti si fortè viro sua spicula fixit,  
Persimiles ipso confestim ex vulnere nati,  
Assurgunt vivi pisces, luduntque per æquor.  
Nimirum quia fecundum quoque vulnus amantum est.

Est & magna Lupi solertia: nescius inter  
Cum labyrinthi descendit carceris antrum:  
Namque ferox licet ille, tamen vitare (1) Panagrum  
Ingenio solers, multoque enititur astu.  
Subter arat pinnis, & duro retia rostro:  
Vique viam facit, implexoque recurrit ab orbe,  
Hac vaser interdum, perhibetur Mormylus arte  
Subter ab effosso perlabi (2) Dyctia sulco.  
Mixa furore minor non est audacia cæci  
Labracis (3), inflexo pendet dum fixus ab unco.  
In rabiem furit æstus, & æquore saltat, acutum  
Si fortè excutiat ferrum: scinditque dolorem;  
Et majora aperit sibi vulnura: sed tamen urget  
Quo lacero tandem de gutture disfluat hamus.  
Nam perissem juvat, percat si liber ab hoste.

Jamque Scari dicenda subit prudentia: nassam  
Ingressus, totam postquam consumpserit escam,  
Ut cæco advertit conclusus vimine fraudem,  
Et jam Fata sibi timet anxius, inter iniquos  
Non caput intrudit radios, nec fronte supina  
Obnixus meditatur inter: ne lædat acuta  
Vimen acu frontem, tenerosque exulceret ignes,  
Sed crebrò maculis insultat verbere caudæ  
Aversus veniens, quo tandem liber in æquor  
Disrupto nassæ textu, nodisve recurrat.  
Interea propter nassam secat humida si quis

Mira piscium in-  
genia, & mores.

Et primum Dra-  
conis

Ælianus,

Gilvus,

Lupi astus, ut re-  
tibus effugiat.  
Oppianus.

Mormylitem,

Lupi audacia, ut  
que ab hamo se libe-  
ret.

Scari solertia, & ut  
aversus è nassis dila-  
batur.

Cæ-

(1), (2) Retium species, de quibus infra.

(3) Labrax Græcis, qui lat. Lupus.

Ut à sociis juvetur. Carula fortè Scarus, volat ocyor, atqueprehendit

Captivi caudam ristu, nifuque valenti  
Luctantem inviso retrahit de carcere captum.

Idcirco Natra Scarus, si credere dignum est,

Dicitur averfas fecisse in tergore squamas.

Quin etiam ferro si fors Scarus incidit unco,

Auxilio socij properant, atque acribus atras

Dentibus adrodunt fetas, vinctumque reducunt,

Usque aded fraternus amor, generisque tuendi

Extimulat pietas ipsos vel in æquore pisces.

Julidis calliditas. Callida se curvo defendit Julis ab hamo:

Non impunè tamen furatur sæpius escam.

Imbellis, timidisque licet Melanurus: at illi

Et Melanuri, qua Ingenium mirum, & Fato prudentia major,  
caves ab hamo. Qua vimen cavet implexum, citus & fugit hamum.

Nam miserum licet usque fames hesternia fatiget,

Non tamen oblatas audet contingere menfas:

Novit enim vaser, ut lateat molli hamus in esca,

Quin etiam tremulo ridet dum marmore Tethys,

Saxa frequens securus habet, penitusque sub imum

Descendit sabulum, & piscantis retia vitat.

Ast ubi turbantur vada cæca, fremuntque procellæ,

Tutus adit spumas, & pisces gutture mandit.

Mirus Polyppi astus, At verò è linis, vel arundine callidus hamum

Quidius. Pendentem ut præda Polypus videt, hic quoque multa

Decipit arte: levi circum populatur opimam

Suctu escam, ridetque dolum piscantis avari,

Et puer ut calamum superelevat, ille reflexis

E cirris præda vacuum citus expuit uncum.

Iteu solertia in Insuper, ut Nereus circumstrepit, & tumet æquor

tempestate. In transversa ruens, se cirris pumice firmat,

Grandia vel stringit complexu saxa, tenaci.

At se Loligo, & scruposæ Sepia rupi

Ex Loliginis, & Sepiæ. Applicat, & fixa promulsæ fundat arenis.

Anchora spumoso veluti sub gurgite jacta:

Consistit secura mari, temnitque procellas.

Sed jam velivola contestus ab æquore concha

Nautilus (1) affurgit visu jucunda daturus

Flu-

(1) Nostri *Moscardino*, & *Moscarolo*. Sunt multæ Nau-  
tili species: quidam habent concham acatii modo carinatum  
inflexa puppe, prora rostrata. Præterea conchæ Veneriæ,  
ut Plinius tradit, etiam nautili modo navigant, de his con-  
chis lib. VIII.

Fluctivagas inter scenas spectacula nautis.  
 Ingenium mirum est piscis, freta cœrula, vento  
 Plante, secat, pinusque velut cava navigat altum:  
 Nautilon hinc illum Graii dixere vocantes.  
 Cum Zephyri summas impellunt leniter undas,  
 Pronus ab Oceano confurgit, concava multum  
 Accipiat ne testa vadum: subitusque supino  
 Pectore conversus, geminas ad sidera chelas,  
 Antennas velut atollit, parvosque rudentes:  
 Quos inter tenuem membranam expandit: & illa,  
 Ceu puppis velo, venientes accipit auras:  
 Et canum lento fugiens trahit æquore sulcum.  
 Pro curvo temone pedes demittit, & illis  
 Sese per fluctus, cursumque ratemque gubernat.  
 Sed pacata silet cum Doris, & Æolus antro  
 Frœnat in Æolio ventos, tuño crure remisso.  
 Hinc illinc gemino, cœu remis dividit undas.  
 Estque sibi navis, vectorque, idemque Magister:  
 Verùm ubi jam scopulis assultat crebrius unda  
 Rauca sonans, sensimque Notis persitata tumescunt  
 Marmora, confestim demittit tenuia vela,  
 Colligit & funes intus, clavumque reponit,  
 Et gravis epota reddit se Doride fundo.  
 Ceu ratis in portum se, dum collissa reclamatione  
 Saxa vadis, cœlique tonat domus alta, reducit.  
 Hinc ego crediderim, nec me sententia fallit,  
 Qui primus seculo compegit robore puppes  
 (Sive aliquis fuerit Deus ille, & credere par est)  
 Scù mortalis homo, vastum tranare profundum  
 Ausus, & ignotis commercia jungere terris  
 Accepisse modum formandæ navis, & artem  
 Tollere quâ malos, linumque expandere Coris,  
 Quaque gubernaculo potuisset flectere cursus.  
 Nam primum è cœlo Divorùm munere puppin  
 In medium cecidisse salvin, ventisque secundis  
 Insuetum fulcasse, viris mirantibus, æquor  
 Inque novam gentes artem, atque inventa vocasse,  
 Aut veteres Graii, vel confixere Poëtæ.  
 Quandoquidem fuisse Dii mortalibus artes  
 Bruta per, & casus, ipsosque aperire per usus.  
 At mirum, quod fama canit de Labrace summa  
 Egclidum quoniam tenet in cervice lapillum,  
 Atque Hyemem patitur duram, frigusque malignum,  
 Ut, formosa dies sub lumine, rfit aprico,  
 In Solem caput obvertit, frigusque tepore

Mirum Natrilis ingenium.

Ut velo secundis aulis naviget.

At remis tranquillo mari.

E Nautilo navigandi artem primi didicerunt.

Anguillæ sibi à so-  
le-Austroque cavent,  
figus verò amant.

Centipedarum, &  
Vulpis ais mira, qua  
hæc hæc expiunt.

Umbra fluctis.  
Opponunt.

Mitigat; at penitus, fuerint si nubila, condit  
Sese subter humum, Brumamque evitat iniquam,  
Ut Paster, Soleæque, Scarique, Umbraque fugaces,  
Mænæque, doctusque pati jejunia (1) Nestis,  
Et Coraces unâ nigri, &, rude vulgus, Afelli:  
Et quotquot, riget atra quibus sub vertice gemma  
At contra radios Anguillæ odere corusci  
Solis, & interdum nimio periere calore:  
Et pereunt Austro persfatæ: at frigore vitam  
Dulcè foveat placido cum sternitur æquore Tethys,  
Aspirantque leves Zephyri, Induntque loquaci  
Murmure, tum tenues auras è gurgite persfant:  
Et super apparent ferventes marmore bullæ.  
Quo puer indicio deprendes lubrica subter  
Agmina cœnosis, stabulari in fluctibus? At quæ  
Centipedæ (2) faciunt vatræ, quæ callida Vulpes,  
Mira quidem, sed vera, trucè confringere morsu  
Ut feras potuere, hamumque hausere tenacem,  
Intestina vomunt imo de viscere, durum  
Quo ferrum sine cæde spuant: votisque potitæ  
Confestim patulis sua faucibus extra resorbent,  
Idcirco bifidus cudadur longior uncus,  
Ut fera non uno pereat cruciata dolore:  
Nec potis hærentem penitus, pulsare sagittam.  
Perge, puer: nec te dementia nobilis Umbra  
Fallat: ut attenta primum bibit aure fragorem,  
Præsentique virum, aut fatalia conspicit arma,  
Actutum fugit in scopulos, vel scrupea saxa,  
Et caput ignavum latebris insana recondit,  
Aut subter frutices, vel densas abdit in algas:  
Persugiumque putat certum tenuisse: nec ultra  
Piscantis timet arma: cavo quia murice credit  
Se penitus totam, glaucisque latere sub algis.  
Qualis ut immanem properare à fronte Leonem  
Sylvestris vidit bos eminus; inter opaca  
Lustra caput fugiens, vel cæcas occulit umbras,  
Sic testâ cervice, putat celarier omne  
Corpus, & incursum fulvi vitare Leonis.  
Interea nemorum rex advolat: inque patentem

Irrum.

(1) Mugil: sic dictus, quia semper jejuno est ventre.

(2) Scolopendræ, sic dictæ à multitudine pedum, qui  
verò pedes vocantur, sunt appendices, quibus tanquam re-  
mis corpus impellunt, Nostratibus Centopiede.

Irrumpit caudam, laceratque immanior ungue.  
 Sic pariter sola scopulis cervice latentem  
 Vel palma, puer, accipies è caute Scîenam.  
 Sic stolidus capitur Strutio, sic Phasidis ales,  
 Dum sepes inter caput, atque arbuſta reponunt.

Aſt inimica Sudis ſi retia forte ſubivit,  
 Undique lethiferum percurrit ſedula caſſem:  
 Si quâ per maculas via latior, inſpiciť, & quâ  
 Ruptus hiat caſſis: viſoque, fugacia dorſa  
 Intrudens vi per maculas evadit in æquor.  
 Quam ſociæ retrò mox, quâ via facta, ſequuntur.  
 Non aliter fati ſortem Muræna repellit;  
 Anguſtos adigeus per textus lubrica terga,  
 Serpentum in morem prolabitur: haud ſecus atrox  
 Ipſe fugam molitur Acus de carcere, cum ſe  
 Incluſum vidit. Verùm quiſnam ille ſupinus  
 Lina ſecat radio, fixumque intercipit hamum?  
 Anthias, haud fallor quî quantum poſſit acutâ,  
 Quæ ſurgit dorſo, ſpina, non immemor, illam  
 Cum cadit in ferrum, obverſo de corpore tollit;  
 Et gladio veluti filum præcidit equinum:  
 Evaditque alacer. Nonnunquam litore in ipſo  
 Captivus fertur lacrymis depoſcere vitam.  
 Interdum velut infames ſi forte latrones  
 Proſpexit, retro conſeſtim tuta viator  
 In loca contendit fugiens: ſic retibus ille  
 Incluſum molitur iter, ſaltuque frequenti  
 Inſultat maculis, & lina tenaciâ rumpit.

Nec te multa, puer, teneat fiducia, lætas  
 Viſcere Murænas dum perſcrutaris opimo:  
 Maxima namque illis audacia, ſæpè cruentis  
 Piſcantes furioſa petit, ceditque ſagittis:  
 Eque rati trahit in fluſtus, mergitque profundo.  
 Magna quidem, ſed magna ſeram facit ira potentem.  
 Nonnunquam ſetas denſato plurima dente  
 Diſſecat, & fraudem reddit piſcantis inanem.  
 At licet illa ferox, poterit miſcere cultu,  
 Et cicur humanis palpari molliter ulnis,  
 Nec non & domini voces audire vocantis.  
 Talem Roma virum domitrix, domitrixque ferarum  
 Eſt olim mirata, ſuâs cui Cræſſus inaures  
 Dicitur inſignes gemma impoſuiſſe ſuperbus.  
 Illa Palatini, quò conſulis ore vocata,  
 Ocyor ad nutum veniebat, ſequè teneri,  
 Palparique manu domini manſueta ſinebat.

Sudis ſolertia.

Item Muræna.

Et Acus, quæ macu-  
lis dilabuntur, ædem  
autbor.Anthias lineam,  
& lina rumpit.

Plinius.

Muræne audacia  
& vis.Ut cicur reddatur.  
Alacribus.

Usque adeo cicures per lenia sæpè feroces  
Redduntur, cultuque feræ miscere discunt.

Congri cicures.

Tales Jonia Congros (1) Epidamnus in unda  
Dives alit, doctæ surgit quæ sacra Minervæ  
Insula: piscantes ludunt ubi litore Congris  
Grateque sufficiunt alimenta: vicesque rependunt.

Officii contra memores, piscosa trahentes  
Innumeros ponti populos ad retia Congri  
Ipsi etiam dociles perhibentur (2) Eloride lymphæ,  
Equè Lupi manibus piscantum sumere prædam.  
Qualiter obscuris circum Mæotida lucis.

Lupi terrestris cicures.

Terrestres fœvere Lupi, qui gurgitis altæ  
E Scythicis prædam venantibus ore reposcunt  
Retia contra ipsi vigilantes in litore servant  
Si renuant de more Scythæ, tum protinus omnes  
Fœdus amicitie rumpunt, extensaque Soli  
Dyctia dilacerant: lacerisque, umbrosa revivunt  
Lustra levi cursu, sylvisque abduntur opacis.

Lupi terrestris cicures.

Singula sed cantu dum prosequor, æstus, & ipse  
Implexus per opaca labor succedere ripis  
Et placidum hortatur frigus captare sub umbra,  
Doris ubi raucus subsultans murmure plaudit  
Et nivei plaudunt (3) Delphines, lubrica, propter  
Litores lascivo jactantes corpora saltu:

Et variis circum pingentes Tethya formis.  
Huc age, CARDENIOE, mecum descende sub undas  
Delphinum choreas inter, jactusque petulcos:  
Quandoquidem tanti lus, te Principe digni.

Et licet æquoreis paulum indulgere choreis,  
Dum Sol jam prono descendit vertice curru.

Mitior, & læti surgunt à Vespere venti  
Forfan, festivo cui saltu, & murmure plaudant,

Alter eris curvos inter Delphinas Arion  
Aprici quondam per (4) Cænyos alta phaselo.

Er.

(1) Darazzo. (2) Fluvius Sicilia *Acellaro*, in valle Neatina, *Val di Noto*. (3) Notissimus inter cæte Italis *Delphinus*, Nostris *la Fera*, Siculis, & Calabris *Tomaziello*, Hisp. *el Delfin de la mar*, Gallis *Dauphin*, *Oyede de mer*, quasi *Anser marinus*, ab Oceani incolis *Mursovini* & *Mersovin*, quasi *sus maris*, sic & Angli, & Armorici *Morbuch*, Barbaræ gentes variis nominibus suam significantibus vocant: pinguisimum enim animal est. (4) Calabriae promontorium *Capo della Volpe*. Vide IV. Naut.

Errabam, socii Lycidas, flavusque Lycormas,  
 Alter ab Euboicis, Siculis è sinibus alter  
 Venerat: insignis cantu, cytharaque Lycormas,  
 At lepidas cantu Lycidas sociare choreas.  
 Cùm celeri video properare sub herbida cursu  
 Litora Delphinias, longèque sonare natatu,  
 Ac totum vitreo conspergi Nerea rore.  
 Ut puppim propius venere, examine bino  
 Hinc, inde effusi, circum sparguntur, & udos  
 Incipiunt hilares crispata per æquora ludos.  
 Nunc agiles per summa levi nant cæcula cursu,  
 Ad numerum bifidis pulsantes marmora caudis;  
 Alternis quò pulsa modis sonet unda canorum,  
 Nunc vero prona subeunt cervice Profundum:  
 Eque imo actutum redeuntes gurgite, jactu  
 Summa citi repetunt, iploque sub aère pendent.  
 At modo per vitreos molli curvamine campos  
 Incedunt, saltuque brevi, saliuntque, ruuntque.  
 Sed nunc implexi per mutua Dorida currunt  
 Per gyros varios, obliquatosque natatus:  
 Insultantque vadis, innectuntque orbibus orbes:  
 Et labyrinthis erroribus æquora pingunt.  
 Corpore mox toto erecti vibrantur, & ipsam  
 Transiliunt saltu cymbam, & cervice reflexa  
 Nos, pro mirus amor! qua possunt voce salutant:  
 Festaque lætitiæ nutu dant signa loquaci.  
 Atque iterum è tremula vario discrimine cymba  
 Spectantur longè eluci, rursusque reduci,  
 Inque fugas omnes, & in omnes ire figuras.  
 Ut cum Pieridum sedes crinitus Apollo  
 Invisit, toto consurgunt agmine Musæ,  
 Carmina festivis jungentes læta choreis,  
 Et circumfusæ Numen, plausuque coronant:  
 Virgineosque choros iterant, luduntque per agros.

Tunc ego sic fusco Lycidæ, flavoque Lycormæ:  
 En quæ formosi nobis spectacula pisces  
 Exhibuere, vago librantès corpora jactu,  
 Inque chori speciem tremulis plausere choreis,  
 Circum cæcula spargentes Najaðe cymbam.  
 Spondeo, læva sinant modo Numina, & auctor Apollo,  
 Parthenio dignas acturum carmine grates.  
 Hæc olim: nunc tempus amica rependere versu  
 Obsequia: & nostræ fuerit quodcumque Camœnæ  
 Actiades meditantur opus: Delphines habebunt  
 Partem opere in nostro, semperque ea gratia facti;

Mirus Delphino-  
 rum lusus, ejusque  
 descriptio.

Par-

Partheniis detur Mulsis modo vita, manebit.

Delphinos inter vitreas lufure per undas

Delphini descri-  
ptio.

Disce, puer, sacris species quæ piscibus, & qui  
Sint mores, geniusque. Ollis micat ardua cervix,

Augustumque caput, magnoque nitentia gyro

Lumina, per quæ confurgens, juxtaque cerebrum

Epotos pelago reddit cava fistula fluctus,

Vitalesque unâ revomit, quas ebibit auras.

Longior oris hiat scissura, rigentque sub ipso

Serrati dentes, & acuti: simaque rostra.

Mobilis atque brevis lingua est, latique patescunt

Rictus: at geminæ presso curvamine spinæ

Stant alvo, quibus alta secat: stat & altera dorso;

Definit inque duas falcata novissima cauda:

Qualis dividuo sinuatur lumine Luna:

Est subcæruleus dorso color, inque reflexa

Cervice, at subtus tenera sublucidus alvo est.

Non tantum Euxino, & gelida Meotide Delphin

Quibus in locis ge-  
neretur.

Labitur: Ægæi pariter volat æquora juxta,

Partheniosque (1) sinus, Tyrrenaque salta superbus,

Obsidet, Jonique vorat vada fervida, & omnem

Inclusum mediis populatur Nerea terris.

Quin etiam adverso magni Delphines in Orbe

Ethiopum spumosa secant freta, perque tumentes

Oceani campos latè dominantur: & illi

Oceani Delphines,  
& ex illis Galli ce-  
dunt. Tachardus.

Membra sui similes, quæis multo fervidus æstu

Intima perpetuò refluit per viscera sanguis.

Hos, qui purpuream Auroræ Titanidis oram

Trans Libyam, Atlantea petunt per cæcula Galli,

Alato figunt jaculo, mirabile visu.

Robustus spondæ insilit venator, ab alto

Utque propinquantem celeri Delphina natatu

Prospectat, manibus confestim missile ferrum

Intorquet, certoque volantem corripit ictu,

Interdum tanta jaculum vi fertur, ut omne

Ærata corpus transiectum cuspide rumpat,

At mihi laudandi numquam, qui prælia sacris

Piscibus intendunt, & iniquo funere plestunt.

Idcirco immanes oderunt Numina Thraces,

Impii quod sociis ferrent Delphinibus arma.

Tu cave, piscator Tyrrhene, laceffere bello

Del.

(1) Vide quæ adnotavimus III. Naut. de Virginio mari,  
quod & Parthenium Græcis dictum est.



Delphinus, dextramque sacro temerare cruore.  
 In reliquos fer bella greges: servatus amico  
 Foedere, perpetuū ludat Delphinus in unda.  
 Illius & mores jam nunc dicamus. Aquosus  
 Per campos cursu celer, & pernicious alis  
 Antevolat pisces, volucresque citissimus omnes.  
 Non sic cornipedes effusi carcere Iberi  
 Addunt se in spatia, & laxis agitantur habenis,  
 Ut freta corripunt Delphines, & ocyus ipsos  
 Alato superant volitantes flamine ventos.

Mira Delphini ce-  
 lestias.

Præterea, stimulante fame, cum præpete pisces  
 Sectantur cursu fugientes usque profundum,  
 Et cito vitales affectat anhelitus auras,  
 Ex arcu velut excussi, se rursus in altum  
 Emittunt, telo velocius: inque suprema  
 Interdum sese jactu carchedia vibrant,  
 Cum propè turritas consurrexere carinas.  
 Sæpè etiam prædis inhians, dum lubrica ponti  
 Agmina persequitur, tanto ruit impete Delphin,  
 Ut cæptos nequeat cursus inhibere: sed ipsa  
 Spontè sua in scopulos cervice allisus acutus  
 Frangitur, aut siccis hæret moriturus arenis.

Ex arcu veluti ex-  
 cussi in altum exi-  
 unt. *Arist. & Alia.*  
 nni.

Sæpè ad litus alli-  
 duntur.

Insuper his, mirum rex Juppiter indidit illis  
 Ingenium; vasti spumantia marmora Nerei  
 Instructa legione terunt: ceu magnus aperto  
 Incedit campo, paribusque exercitus alis  
 Signa movet, bellum jamjam laturus in hostem.

Ut quadrata acie,  
 microque ordine na-  
 tent, idem Auth.

Imberbes primo pueri stant ordine: retro  
 Æquatis spatiis florenti ætate juventus  
 Insequitur, certis sua per discrimina signis,  
 Divisa in strictos cuneos, inque agmina quadra.  
 In medio veluti lixarum ignobile vulgus,  
 Fæminæ properant numerofo examine turmæ.  
 Imbelles post inde choros, extrema tenentes  
 Agmina, succedunt grandæva ætate parentes:  
 Hique duces nutu incessus moderantur agnosos.  
 In dextram nunc castra movent: nunc ire sinistra  
 Præcipiunt: recto nunc latos ordine campos,  
 Nunc verò obliquo malunt proscindere sulcos.  
 Nunc scopulos, nunc saxa, recurvaque litora vitant.  
 Hos cuneo densari, illos in cornua flecti:  
 Inque latus alios, alios succedere primam  
 In frontem, geminamque iubet hos ire sub alam.  
 Omnibus una tamen cura est, salis æquora junctis  
 Ordinibus, strictisque acie sulcare quadrata,

Acrius

Acrius ut pugnent sociatis agmina signis  
Non sic ipse Argivæ Gereneus agmina Nestor  
Instrueret, Phrygiis dum miscēt prælia campis  
Argolica cum pube duces Menelaus, & Ajax:  
Nec (1) Pyrrhus fama notissimus, omnis in arma  
Litus ad Oebalum, Calabrumque Epirus ad oras  
Dum coit, auxilium socio latura Phalanto.

Matrum solertia  
in tuendis catulis,  
Oppianus.

Est & mirus amor prolis, servantque; foveantque  
Solicite matres gnatorum corpora, & illos  
Faucibus interdum accipiunt, tutoque reponunt,  
Cum timor est Amias properare in bella, ferasque  
Infestas teneris Delphinibus, aut citus instat  
Thrax venator ubi, stridetque volatile ferrum,  
Verum, proh miram pietatem! fixus ab ære  
Natorum è geminis si fors fuit alter; iniquum  
Tunc misera parens venantem pone sequetur;  
Et mæstis natum lachrymis, precibusque reposcet,  
Interea leni servatum verberè caudæ  
Impellit retrò studiosa, arcetque periculo.  
Ipsi sed matrem sectantur, & ubera circum  
Diffundunt sese catuli, stipantque frequentes.

Junio:um in Pa-  
rentes pictas, Joann.  
Tertius.

A fido veluti numquam pastore bidentes  
Discedunt, sylvas quāquam, saltusque peragrent:  
Longævus summa nati pietate parentes,  
Ut jam majores creverunt corpore, & armis,  
Soliciti contra curant, densique tuentur,  
Atque senum victu invigilant, escamque ministrant;  
Quin etiam tardo quoniam fræta cœrula gressu  
Proscindunt ætate graves, urgere natatus  
Ipsa sui pubes adnissu corporis ardet.

Amore in suos Ra-  
gran, & ut tueatur.

Est quoque sancta fides thalami: pro conjuge certant  
Acrius, & vitam posuerunt sæpè volentes:  
Nec minor est generis servandæ gloria, si quem  
Fortè vident jaculo confossum ad litora duci,  
Confestim celeres irrupunt agmine denso,  
Cumque viris adstant bello certare parati,  
Ni focum reddant captivum, undisque remittant.  
Agglomerant & se cymbas, & litora propter,  
Ac b'fida scindunt cauda salis æquor, & ipsos  
Attollunt fluctus, trepidosque immergere lintres,  
Eque viris meritas nituntur sumere pœnas.

At

(1) Epiri Rex, qui primus acies intruxit, atque inter  
primos duces ab Annibale positus.

At si victores socium tenuere receptum,  
Festivum læti redeunt Pæana canentes:  
Incolumique unâ plausu gratantur ovanti.

Quin & divini fortiti syderis auram,  
Extremum præscire diem perhibentur: in actam  
Quo sese patriam morituri tempore vectant:  
Scilicet ut tumulto corpus mandetur avito.  
Non secus ac Nabathæus, & ut Mæandrius ales  
Fatorum gnari faciunt divinitus: amnem

Hic vitreum propter recinit moriturus: & ille  
Assyria de fruge pyram sibi ponit odorem.  
Interdum, fama est, spumoso è gurgite visos  
Sublata in siccum deferre cadavera litus.

Non etenim patiuntur aquis inhumata marinis  
Stare diu, prædam vel monstros ire nefandis.  
Visa & cæruleum circum gens tota feretrum  
Flebilibus innare modis, & ritè supremum,  
Magna quidem pietas! casto persolvere honorem.

At non ista tibi debent miranda videri;  
Nam celeri quondam Delphines Dorida cymba  
Sulcabant nautæ, Tyrrheni nomine dicti.  
Qui cum trajicerent in Naxia litora Bacchum  
Argento ditem, gemmisque, cupidine prædæ  
Correpti, è viridi cursum descedere Naxo,  
Atque aliud taciti puppim torquere parabant.  
At cum divino sensisset numine fraudem  
Tyrrhenum Liber, socios cantare, fidesque  
Aurato jussit plectro pulsare canoras.  
Tunc nautæ mira cantus dulcedine capti,  
In saltum exiliere, levesque agitare choreas  
Bacchanti similes cæperunt: lætaque miris  
Dum jactare modis affectant corpora, ponto  
Immemores sese mittunt: sed Liber ovantes  
Delphinas dedit esse, marique innare profundo,  
Et liquidos celebrare choros, lususque per undas.  
At verò ut facti semper monumenta manerent,  
Unum cæruleis è fluctibus intulit astris,  
Et magni (1) volucrum Jovis inter, Equumque locavit.

Idcirco nostro quoniam de sanguine creti  
Ingenuos ardent pueros Delphines, & udis  
Accipiunt humeris, & per vada vitrea portant.

Tom. II.

Q 9

Egre-

(1) Est enim syderius Delphin juxta lacteum orbem situs  
inter Aquilam, & Pegasum.

Mortem præfigunt,  
Ogrynus.

Mortuos sepeliunt.  
Subleant.

Amici hominum,  
& pueros amant.

Egregio fuit ore puer, sed paupere testro  
 Bajano è Licyda satus, & Lucrinide Nympha:  
 Hic patrii quondam Lucrini marmora juxta  
 Dum ludit, nitidasque legit de gurgite testas:  
 Fortè Dicarchæa veniens Delphinus ab ora  
 Formosum vultu puerum conspexit ovanti,  
 Atque coloratas versantem litore conchas,  
 Ut vidit, nimio pueri correptus amore est,  
 Ergo cæruleis blandiri cæpit amanti  
 Saltibus, & tacitis testari nutibus ignem.  
 At puer insuetum non dedignatus amantem,  
 Edomitam saxo Cererem, quam fortè ferebat,  
 Delphino tradit, sœdusque hoc munere sancit.  
 Blandus & ore vocans, Simonem nomine dicit.  
 Nomine Delphinus quo cùm foret inde vocatus,  
 Illicet Oceano veniebat ab usque profundo.  
 Ausus & hinc puer est niveo considere dorso  
 Delphini, & latè tremulas equitare per undas.  
 Non invitus onus dorso accipiebat amicum,  
 (Esse tamen quis onus dilectum dicat amanti?)  
 Et tendebat iter spumosa per æquora Delphin,  
 Quà frænum insidens humeris auriga dedisser.  
 Sic puerum Bais vestabat ad usque Dicarchum:  
 Palladium puer in ludum quò sæpè solebat  
 Ire rubescens cum jam temone jugales  
 Egerat elato Titan, coeloque ruebat.  
 Inde Dicarchæo, currus cum flexerat aureos,  
 Acceptum Bajas de litore vëctor agebat.  
 Qualiter in Taurum conversus Juppiter ibat  
 Parthenios ultrà fluctus, dorsoque ferebat  
 Europam lætus, Diçtæaque regna petebat.  
 Sic & Thelemachum genus armipotentis Ulyssæi  
 Delphinus Fato eripuit, tergoque receptum  
 E pelago patriis servatum reddidit oris:  
 Nam propè Dulichias dum ludit parvulus undas,  
 Quà rapidum mare vorticibus, ventoque fremebat,  
 Sublapsus puer, & refluxo citòmersus in alto est:  
 Quique dolo fuerat vëctorum ejectionis in æquor,  
 Ténaron invexit Delphinus Ariona, cantu  
 Accitus vitreis è fluctibus: inque choreas  
 Dum salit Oceani gens lubrica, tergora Delphin  
 Supponit blandè numeris, nervoque canenti.  
 Mira Dicharchæo sed de Delphine feruntur:  
 Scilicet in dorsum puer ut saliebat, acutam  
 Vagina veluti spinam condebat, amicum

Ulyssis filium Del-  
 phinus servavit.  
*Plutarchus.*

Item Arionem,  
*Hierodotus.*

Ne fortè indigno lacerasset vulnere corpus.

Italia latè ex omni, dominaque ruebant

Urbe viri, & matrum primæ, mixtimque juvenus;

Litus in Euboicum, placidas Delphina per undas

Visuri puerum vestantem, ipsumque equitantem,

Qua vellet mare per latum dare lora natanti.

Mira quidem, fateor, rerum miracula canto:

At si vera, Deos, ipsumque obtestor Amorem.

At miser insueto periit Delphinus ab igne:

Namque puer Cœli (1) vitio correptus, in ipsa

Flore juventutis Fato sublatu acerbo est.

Illum omnes Prochytaque Dææ, Inarimæque puellæ

Fleverunt, actæque Dææ, pelagique puellæ,

Nefisque, Euplæque, & (2) Olympia Mergilline.

Ut tempestivo de caudice cum rutilus flos

Erupit, subitòque gelu contactu acuto

Decolor expallet foliis moriturus, & illum

Fleunt mæstæ Dryades, fleunt numina fontis amici.

Naiades, raucoque piger flet murmure rivus:

Quæque rigens Cœli florem demessuit aura.

At verò in litus consueto tempore Delphin

Ut venit, puerumque diu expectasset: ubi illum

Nusquam apparentem circumspicit, ictus ab acri

Ignè est, & toto confestim expalluit ore.

Utque sibi Fatis ereptum sensit amantem,

Protinus in lacrymas, & cæruleos ululatus

Solvitur, & mæstis latè freta quæstibus implet.

Hinc lucis pertæsus aquis egressus in actam

Insilit infelix, animamque in litore ponit.

Qualis arundineis Alcædo mæsta sub umbris

Amissi flet Fata viri; quem sæva procella

Eripuit, raptumque mari disperfit: at illa

Cum cava nequicquam pulsasset litora quæstu;

Dat sese in fluctus moritura, virumque requirit.

At nos æquoreo, è ludo, plausuque canoro

Atque præoptata scopuli pendentis ab umbra,

Spumosis tractanda vocant fera prælia campis.

Q9 2

HA-

Delphinus puero  
mortuo præ metore  
occumbit.

(1) Sunt qui narrent puerum à Delphino casu spina transverberatum. Oppianus verò aliam de Lesbio puero texit historiam: aliam item Ælianus de lasensi puero refert, quam tamen aliter Egesidemus apud Plinium narrat.

(2) Ab ora Olympia (Chiaja) de qua consule Piscatoria nostra. Ecl. 1.



# HALIEUTICORUM

## LIBER TERTIUS.

**S**ED jam bella vadis agitata, astusque natantum  
Sunt dicenda: mihi vos ò quæcumque beati  
Aurea Crateris fulcatis cærula, Nymphæ,  
Ferte animos, placidæque auris spirate secundis:  
Vos & præsentès, Acheloides, ore favete,

Et vos Aëtiades, sacrumque intendite cantum,

Si patriæ Telluris amor, si gloria tangit,

Si vestros, Divæ, pro more foveitis alumnos.

*Amor pacis idem,  
& belli author.*

Ignipotens, cui cuncta, Deus, sociare potenti

Fœdere permissum, pacemque inducere Mundo;

Ille etiam fera bella movet, nexusque resolvit.

Idem pacis Amor, bellicque asperrimus author:

Quaque sacra jungit vi pectora, dividit illa.

Nonne vides, mixtimque homines, volucresque, ferasque

Pro natis, victuque, & pulchræ lucis amore,

Armaque præcepta pro conjuge sæpè ciere?

Non secus & pisces Fato versantur eodem.

Ille studens victu, vitæque, Penatibus alter,

Hic dulci pro luce, suo hic pro pignore, & ille

Pro thalami nexu, charæque cupidine prolis,

Una omnes sese telis, astuque laceflunt:

Inque neces adigunt: quæ jam feralia bella

Ordiant. Undosum primus descendit in æquor

Invisus Polypo Dentex, qui robore major

*Pugna Dentis  
cum Polypo. Liber  
III.*

Bellum fert Polypo, & terrorem dentibus insert;

Ille laceflitus cursu se proripit, & se

Occulit in latebris scopulorum, & caute reposta,

At

At vaser in solitos tum Dentex confugit astus:  
 Se similem casto simulat, fluitatque per undas  
 Incertum: Polypus spoliatum lumine credit,  
 Educitque specu, prædam comprehendere, cirros.  
 Illicet ore manum tenet ille, & victor ab udo  
 Educit saxo captum: cæu callida vulpes  
 Decipit ignaras, Fatum mentita, volucres.

Non ærumna manet Polypum minor, horrida quando

*Muræna cum eo-  
dem mirabilis lucta,  
Oppianus.*

Bella movet Muræna. Cavo de pumice in anras  
 Cùm prodit Polypus, escamque inquirat amidam,  
 Tunc tacito, celerique volat Muræna flagello,  
 Læta super præda, bellumque agitare parata.  
 Ille sed ut propius venientem conspiciit hostem,  
 Mandat terga fugæ: sed tardo marmora cursu  
 Sulcantem lapsu insequitur Muræna citato:  
 Cogit & invitum morsu pugnare feroci.  
 Ille coactus init certamina, longaue jactat  
 Brachia multiplici gyro, voluitque, plicatque  
 Hæc illac, si fortè trucem depellere pestem  
 Detur, & elapsum tuto se reddere saxo.  
 Incassum tamen infelix, nam lubrica serpens  
 Membra per, & chelas Muræna relabitur: ille  
 Contrà nunc caudam, nunc tergora, duraque prendit  
 Colla, per atque ipsum nunc os, irrumpit apertum,  
 Ac veluti multa defessi membra palæstra,  
 Vix luctatores undantia brachia jactant:  
 Non aliter Polypus chelas defessus inanes  
 Vix movet: & victus tandem se subiicit hosti.  
 Continud prædam radiis discindit acutis  
 Muræna, & totum dispergit gurgite corpus.

Non secus in vitreo debellant æquore Congri  
 Ignavas Polyporum acies, & funere plestunt.

At non successu pugnat Muræna secundo,  
 Crustatæ intendunt olli cùm bella Locustæ.  
 Cervicem de caute trucem ferus Astacus uda  
 Exerit, & geminis irritat cornibus hostem.  
 Hæc odio irritata ruit, morsuque feroci  
 Impetit: at duro collisi cortice dentes  
 E rigido veluti saxo, ferroque retusi  
 Exiliunt, hebetesque magis redduntur ab ictu.  
 Colla sed illa suis apprehendit mollia chelis,  
 Forcipibus velut æratis, stringitque, secatque,  
 Quo tandem effuso reddat cum sanguine vitam.  
 Infelix sic ipse perit pugnante Locusta,  
 Cancer, & astrictis invisit faucibus Orcum:

*Muræna infelici-  
ter pugnat cum Lo-  
custa, Idem Antioch.*

At-

Polypus Locustam  
expugnat. *Pintarellus*.

Attamen id mirum est, armatam forcipe dura;  
Et dura pariter testa, celeremque Locustam  
Osmylus (1) expugnat victor: licet ille per undas  
Tardus eat, teneroque incingat corpus amictu.  
Muscosa scopuli Polypus in sede morantem  
Desuper invadit tacitus, pronusque Locustæ  
Incubit dorso, circumque tenacia collum  
Vincla jacit subitus, faucesque astringit hiulcas:  
Atque aditum vitæ simul occupat: illa dolore  
Astitutum furit icta, manusque, & corpora quassat:  
Et roseam in scopulos allidit plurima caudam.  
Nunc tandem defessa filet, vix palpitat: & jam  
Exanimata jacet: tamen ille tenacius arctat  
Vincula, candentesque artus, & mollia fectu  
Guttatim membra educit: velut ore tenaci  
Lac pleno pueri nutricis ab ubere fugunt.  
Indidit idcirco magnum Natura timorem:  
Et viso tantum Polypo periisse Locustam  
Nonnunquam, fama est. Pinnis sed callidus astu  
Dissimiles struit insidias, cum sæva latratus  
Accendit, stimulumque fames irritat edendi.  
Namque ubi Perna fores reseravit, ut ætheris auram  
Ebibat, & dulcem (2) villis sibi colligat escam;  
Et custos ignarus abest, tunc illicet ille  
Apprensus chelis saxum demittit hiantem  
Desuper in Pinnam: gremio quo Perna recepto;  
Haud potis extemplo patulas ocludere valvas.  
Advolat ille, citusque fores irrumpit apertas:  
Ignaramque doli Pinnam, & nil tale timentem  
Expoliat, prædaque rapax lætatur opima.  
Quid non dira fames, hominesque docebit egestas,  
Si ingenium dedit & brutis, artemque nocendi?  
Non secus insidias molitur, callidus arce  
Interdum ut miles potiatur: ubi rediens Sol  
Luce aperit Cælum & montes tegit aureus altus;  
Clausaque cum primùm panduntur mœnia, onustos  
Præmittit palea currus, conditque sub illa  
Armatum ferro peditem: vix limina currus

Ingens Locustæ de  
Polypo timor.

Polypiasus, quo  
Pinnæ depopulatur.  
*Oppianus*.

Tar-

---

(1) Polypus, sic dictus ab odore: vocatur etiam Bolitæna, & Ozæna. (2) Villis enim purgamenta maris, sæcesque, quibus nutritur, haurit: hi verò villi sunt, ex quibus byssum Tarentini texunt: laudatissimæ Chirotheecæ, & velamina, quibus se puellæ amiciunt.



Tardigradis tenuere rotis, auriga repente  
Sistit equos, casum mentitus: quique latebant  
Districto mucrone ruunt, & murmure facto  
Dant sociis signum: mora nulla è valle reposita  
Protinus occurrunt illi, portasque patentes,  
Quas interposito subiti concludere curru,  
Haud cives potuere, tenent, densaque caterva  
Irrumpunt, captaque dolo dominantur in arce.  
Ergo ne ignare paterentur talia Pinnæ,  
Custodem Natura dedit, qui pervigil ipsas  
Excubat ante fores: & cum properare natando  
Aspiciat Polypum Cancer (qui cautus opimi  
Visceris, & byssi custos manet, inque corusca  
Adnatus Perna est) dat signum: comprimit illa  
Continuò testas, astusque eludit inanes.

Pinnæ custos Squilla.

Hac etiam Polypus depascitur Ostrea fraude:  
Callidus & Cancer. Pugnans sed viribus æquis  
Murænæ, Congrigue. Dicharchi ad litora quondam  
Murænâ memini Congro vidisse duello  
Certantem Marte ancipiti: sed lubrica tandem,  
Non impunè tamen Congrum vertisse ferocem  
Terga cruentatum plagis, namque ille vicissim  
Murænâ rabido caudam præciderat ore.

Murænæ cum Congro  
anceps pugna.  
*Petronius.*

Seque olim caudam Cephalo vidisse Lycotam  
Ore Lupum rapido secuisse, virentia propter  
Litora cum mediis nassam demitteret undis,  
Jam memini dixisse, mihi dum bella natantum,  
Et morem varium, & versutos diceret astus.

Mugilem superat  
lupus. *Petronius.*

Attamen infelix cæso de Mugile victor  
Exili Lupus à Squilla nece plestitur atra.  
Scilicet imbelli nonnunquam Fata potentes  
Dejecere manu, & collum fregere superbum.  
Ergo ubi inexplèto ruit ore, cupidine prædæ  
Incensus, Squillasque petit, quas ille voraci  
Ventre, fameque inhiat, comprensa protinus illæ,  
Quod capiti assurgit rostrum, celi ferra, recurvum  
Infestunt, gyroque leves saliantque, ruuntque  
In pugnas alacri nisu: mox viribus haustas  
Comprendit dulci gavissus munere Labrax.  
Squilla levi primùm prælato in gutture saltu  
Subsilit: hinc cornu venantem figit acuto:  
Victæque victorem transverberat: ille voracis  
Ingluviem ventris saturat: nec vulnera quidquam  
Sentit hians: prædæ tanta est innata cupido.  
Sed cum diffuso tumuerunt sanguine fauces,

At neci à Squilla  
deditur. *Alianus.*

Et

Et creber stimulo miserum dolor urit acerbo,  
Cum præda occumbit fato venator eodem.

Quo æstu Ziphix  
Balænam vitent. *Æ-*  
*lignus.*

Sint longo quanquam Ziphix mucrone potentes;  
Balænam trepidi metuunt, nec cominus audent  
Ire hostem contra, sortemque expendere belli:  
Sed tantum vitare dolo conantur: in imis  
Obversa gladium defigunt cuspidè arenis:  
Immotique manent: nec quam sint ense valentes  
Prospiciunt, stolidasque tenet dementia mentes.  
Usque adedò nihil æra, sonoraque fulmina profunt;  
Ni fortes pariterque animi, pectusque virile  
Accedant, tenui caligans lumine truncos  
Hos rata cæreulos Balæna impunè relinquit.

Frua Mænis tot  
quæcuntur.

At multa in Gladios accensa (1) Mænides ira  
Approperant, teneram morsu discindere pellem;  
Et qui monstra maris vitaverat horrida, Cete,  
Infelix perit, exiguo data victima pisci.

Audaces in Thyn-  
nos arma movent.

Attamen audaces velocibus aspera Thynnis  
Bella movent, telisque petunt fulgentibus hostes;  
Ausoniæ relegunt dem litora, perque sonantes  
Trinacriæ fluctus, Sardoque cæcula currunt.  
Idcirco, mentem quando Natura sagacem  
Indidit, ordinibus densis, acieque quadrata  
Spumantem celeres Orcyni Nerea findunt.  
Sic & solivagum spectant si gurgite ab alto  
In pugnam rigida Gladium properare securi,  
Confissi numero venientem cominus hostem  
Excipiunt: illi sociis in bella vocatis,  
Castra movent: pavidì contra dant terga, ruuntque  
In diversa, vagique natant toto æquore Thynni.  
Instat terga premens Gladiorum exercitus omnis,  
Euxinumque fugat resecutus ad usque profundum.  
Non secus è vasto Tritonas (2) Atlante fugaces  
In clausam Ziphix victores Dorida pellunt  
Per Calpes, Abylæque fretum: diversa ruentes  
In loca diffugiunt illi, pars litus Iberum  
Una tenet læva, Libyam premit altera dextra.  
Incandent vada pulsa, furit clangoribus aër

Con-

---

(1) Eadem quæ Mænx, quibus similes sunt Membrades, quas etiam Galli vocant *Celerins*, nobis haud dubio sunt *Spigari* sec. generis. (2) Ferunt ingentem Gladiorum copiam esse in Atlantico Oceano, ex quo nonnunquam per Herculeum fretum irrumpunt.

Concussus, scopulique, & circum litora plangunt.

Non minus invisi Thynnus Delphines, & omnis  
Vis violenta Canum, Galeique, horrendaque Cete:

Hos contra veniunt animosius, & fera Thynni  
Miscunt bella, odiisque acuunt ferventibus iram.

Verùm Pelamydes perdunt impunè feroces  
Delphini, & toto fugientes æquore turbant.

Vidi ego Scyllæa non longè à rupe, canoro  
Flumine quâ fallas descendit (1) Cænys ad undas,

Trinacrium contra litus, viridemque Pelorum,  
Plurima Pelamýdum velocibus agmina pinnis

Delphinas fugere, & Delphines præpete cursu  
Ponè sequi: toto fervebat gurgite Nereus.

At quoniam pelago refluente, æstuque feruntur,  
In procurva ruunt inviti litora, ubi omnis

Stat manus agrestum raptis stipata sub armis,  
Quos magno puer accivit clamore, propinquos

Ut pisces vidit, latèque albescere pontum.  
Hand mora, vibrantur conti, curvique tridentes

Fuscinaque, & celeres unci; sitque illicet ingens  
Pelamýdum cædes, fusoque cruore rubescunt

Spumantes latè fluctus: proh casus! & illi  
Unâ infelices pereunt, ubi litore amico

Perfugium vitæ certum, pacemque petebant.  
Usque aded loca nulla patent secuta saluti,

Cum miseros Sors atra premit, urgentque potentes:  
Interdum tanto exiliunt è marmore saltu,

Ut sæpè in sicca manibus captentur arena.  
Et binos dextra tum me prendisse recorde,

Urbe procul ruri liberrimus otia captans.  
Non secus Ægæis in fluctibus (1) Aulida contra

Argolici prædam venantur, ut aëra Vesper  
Temperat, & rores jam colligit humida Luna.

Armati telis, & multa lampade curvas  
Stipantur juxta ripas: Delphines ab alto

Pelamydas, pavidosque fugant ad litora Thynnos:  
Attoniti hinc face, Delphinis & agentibus illinc,

Spontè ruunt in terram, invisaque saxa Cybiæ,  
Inque manus piscantum, & vitam in litore ponunt:

Non secus, ac timidi lepores, damæque fugaces  
Tom. II. R r In

Delphini, & Thynni pugna.

Delphini in Pelamydes, qui fugientes in litus exiliunt.

Fugiant, & Thynni, & à piscantibus facibus cæriti capiuntur. Oppianni.

(1) Calabriae promontorium contra Pelorum, *la coda della Volpe*. Vide IV. Naut. (2) Boeotiae Urbs in Euripo sita contra Chalcidem (*Negroponte*), quæ tota interiit.

In prædam cessere, truces cum tergi Molossi  
 Hinc sua dente premunt, illinc clamore secundo  
 Summa catervatim venantes sydera pulsant.  
 Confestim citò piscantes hastilia torquent,  
 Atque neci dedunt: cæsi mox piscis opimam  
 Dant partem sociis Delphinibus, æquore summo  
 Qui prædam intenti expectant mercede laboris.  
 Nè faciant, illi disrupto fœdere nunquam  
 Amplius Eubææ cogent ad litora pisces.

At non Delphinis, quanquam per salsa superbi  
 Æquora se dominos jactent, regesque natantum,  
 Ceu Leo per saltus sylvarum, umbrosoque regna,  
 Exiguus labor est, Amicæ cum servida fortes  
 Bella ferunt, campis & congregiuntur apertis.  
 Ergo ubi conspiciunt lato Delphina profundo,  
 Agminibus procul à sociis, castrisque vagantem,  
 Dant signum: subitæ veniunt ad signa cohortes.  
 Stipaturque atrox Amiarum exercitus: & ceu  
 Arduus in turrim densa testudine miles  
 Irrumpit, glandesque jactat, & missile fulmen.  
 Non aliter contra Delphinum examine multo  
 Audaces currunt Amicæ, pugnantque feroces.  
 Principio Delphin interritus excipit agmen,  
 Nec numerum quidquam curat: ceditque, fugatque  
 Nunc hanc, nunc illam: sed cum videt undique circum  
 Denfari hostiles acies, cingique corona,  
 Seque unum innumeras contra pugnare catervas,  
 Segnitiam pellit de pectore, sitque periculo  
 Fortior: intendit vires, & duplicat iram.  
 At Amicæ circum glomeratæ moribus illum  
 Discerpunt, durisque affixæ dentibus hærent.  
 Hæc caput arreptum tenet acrior, illa tenaci  
 Stat rictu defixa genis: vorat aspera lumbos  
 Altera; & hæc pinnis superincumbat: illa bifulcam  
 Apprendit candam violenta, fugamque retardat:  
 Hæc subtus ventrem depascitur: illa superne  
 Molle vorat dorsum, fusoque in sanguine gaudet:  
 Eque júbis pendent istæ, cervicibus illæ:  
 Ira omnes, rabieque, atrisque furoribus actæ,  
 Qualiter, ingenti procerum spectante theatro,  
 Emissi in taurum pugnaces agmine denso  
 Ore canes ineunt certamina: fervidus ille  
 Aurem dente petit, prensamque tenacius ipsa  
 Forcipe multus habet: saltu velocior alter  
 Subsilat in collum, mediusque in cornua fidit:

Alter

Mira, atque acer-  
 rima Delphini, &  
 Amiarum ludæ.  
 Idem Author,

Alter & in dorso subsedit, & ore cruentat:

Subter & hic rabido lacerat palearia morfu.

Fervet pugna: strepitque favens pleno ore theatrum.

Multiplaci interea discissus vulnere Delphin,

Efflat anhelus aquam vehementius, & vada turbat

Ore fremens, fibrisque furens exæstuat imis.

Nunc infanda gemens salit æquore, nunc freta rursus

Ima petit: medioque ruens cœu gurgite turbo

Voluitur, ingentemque ciet clangore procellam.

Subsilit interdum è spuma, si forte feroces

Excutiat cervice feras, & liber in altum

Antevolet, focilisque fuga se reddat: at illæ

Ore tenent stricto, nec vi captiva remittunt

Membra, veneratis at dentibus acrius hærent.

Et subeunt, subeunte fretum, rursusque sub auras

Dum resilit, simul exiliunt: mirabile visu,

Desuper apparet monstrum de marmore tolli:

Scilicet è niveo Delphino, Amisique creatum.

Difficiles aded adnexæ, rictuque tenaci.

Et cœu multa cutem si fortè apprehendit Hirudo,

Ægris impurum membris hauktura cruorem,

Nonnisi cum fuerit toto exaturata relinquit.

Haud secus immanes Amiæ, ni parte revulsa,

Quam prius apprensam morfu tenere potuæ,

Demittent captum: qui mox certamine tanto

Defessus, primùm ut vires, animumque recepit,

Insana incensus rabie, cœu ventus in hostem

Irruit, horrendamque ciet ferus undique stragem.

Illæ diffugiunt trepidæ: premit istæ fugaces:

Et meritas Amis poenas, eademque reponit.

Cuncta vorat, satiatque iram, ventremque saginat.

Sed me victoris vocat altera palma: Feroci

Est cum Niliaco Crocodilo nobile bellum

Delphino, & casu surgit victoria major.

Est Delphin Nili regi infestissimus hostis:

Hostis ut hic hominum durissimus. Horrida visu

Bellua, quâ Libyco non turpior altera campos,

Vasta nec Ægypti per stagna voracior errat.

Nam campos, & stagna ferax terroribus implet.

Olli vis ingens, & non superabile robur:

Nec minor est animis audacia: lataque duris

Terga rigent squamis, est & durissima cervix,

At totum latè ferro impenetrabile corpus.

Unguibus incurvis, & dente armatur adunca,

Horrendamque movet caudam, rictuque tremendo

Delphini victoria.

Ejusdem cum Cro-  
codilo pugna, & ut  
illum equat.

Infandam miseris stragem, cædemque minatur.  
 Hanc tamen ingentes animos, & pectora versans  
 Non prædæ incensus studio, sed laudis amore,  
 Aggreditur Nilo Delphin generosus in ipso:  
 Sit prono invalidus licet ore, levique recinctus  
 Thorace, & levibus pariter circumdatus armis.  
 Ergo maris magni fluctus egressus, in altum  
 Irrumpit Nilum, conspectoque eminens hoste;  
 Ingenti fertur cursu, celi fulmen: & olli  
 Ut propior, sese pronum submittit, aquosi  
 Gurgitis ima petens, faucesque evitat hiantes.  
 Atque fugam simulans primo se subtrahit ictu.  
 Persa velut, patriis cum jam Romanus in armis  
 Acer ad Euphratem movet agmina, se citus abdit  
 Lustra inter fugiens: latus hinc petit inde reversus;  
 Incautumque ferit jaculis, latèque cruentat.  
 Ergo imo rediens fundo confurgit, & alvum  
 Invehitur contra veniens inopinus: acutumque  
 Erigit è tergo spinam, qua mollia ventris  
 Protinus incidit: reliquo nam corpore monstrum  
 Ipse vel incassum pulsaret acinace Maurus,  
 Aut immortalis facta ex adamante securi.  
 Vertitur extemplo præciso bellua ventre,  
 Horrendum stridens, refugitque in vorticis undam.  
 At Delphin medio gestit sub flumine victor.  
 Mox redit in pontum festivus. At æquor apertum  
 Qui timidi contra fugiunt, cæcisque sub antris  
 Se se abdunt? signata pedum vestigia nosco.  
 Nec fallor: turpes dant terga fugacia Phocæ,  
 Cæruleus quibus est (1) Aries inimicus: anhelos  
 Aëris immensi molem qui sorbet hiatu.  
 Quæ mox lethiferis emissa è naribus aura  
 Ocyus ingenti flatu, velut acta sagitta  
 E nervo contorta, volat; quo bellua telo  
 Imbelles cedit Vitulos, atque aëre perdit.  
 Aëre quo vitam mortales vivimus omnes:  
 Fitque eadem lethi, fuerat quæ causa salutis.  
 Namque ubi conspecto fugere è fluctibus hoste,  
 Inque latebroso se celavere recessu  
 Imbelles vituli, tunc retrò impunè sequutus

Aries Phocam aëris  
 afflatu effugas.

In-

---

(1) Qui, qualisque sit non liquidò constat: Bellonius ex  
 Afellorum genere facit: alii monstrum inter cete statuunt:  
 historiam verò Ælianus narrat.

Instat, terga premens Aries, juxtaque repostum  
 Stat specus, hostis ubi latet abditus, atque tenet se.  
 Hic intermedium bibit auribus aëra longis:  
 Aspiratque iterum, & Phocas transverberat aura.  
 Icti fulmineo Nepodes velut ære, fugaces  
 Se cito proripiunt, & inania spicula vitant.  
 Antra sed egressi, dulcem sub lumine vitam  
 Deponunt miseri: nam dentibus advolat uncis  
 Continud, tenerosque Aries petit, & vorat artus.

At non se, magnæ quanquam, tutantur ab Orcis  
 Balanæ: miseris spes una evadere cursu,  
 Atque profunda maris loca tuta inquirere, quæ se  
 Vertere, & immenso possint defendere ponto.  
 At contra rigidis occurrunt dentibus Orca:  
 Seque fugæ celeri certant opponere saltu,  
 Inque vada impellunt, syrtesque, & sicubi densæ;  
 Angustæque rigent cautes: hic pondere segnes,  
 Invalidasque petunt alacres, & cæde cruentant:  
 Seminecesque viris prædam sub litore linqunt.  
 Interdum insanæ catulos ante ora parentum  
 Dilaniant, rabidove recidunt gutture mammas.  
 Interea velut irato sibi prælia ponto  
 Spectantur: nullis & agentibus æquora ventis,  
 Tot violenti ictus, & creber anhelitus undas  
 Evoluunt, quot nullæ unquam movere procellæ.

Orca Balanæ vi  
 superat.

Sed jam terribili prorumpit fronte Zygæna,  
 Spumosasque acies fera devorat ore bifulco.  
 Ah! pestem miseris Di piscatoribus illam,  
 Si qua, precor, pietas, defendite: namque per omnes  
 Bacchatur fera sæva, nihilque impunè relinquit.  
 Ac velut iratus prætendit cornua taurus,  
 Vi quibus ingenti pollet, cædemque minatur:  
 Sic obnixa furit bijuga cervice Zygæna.

Zygæna furor, &  
 vis.

Est & fluminea Glanis bellator in unda  
 Maximus, inque omnes fert horrida bella natantes:  
 Serratoque ipsos piscantes dente laceffit.  
 Non secus in pisces furit audacissimus omnes  
 Lucius, & Pagrum (1) Brinthus necat: inque voraces  
 Bacchantur Mulli Lepores, & funere plectunt.  
 Nobilis Antaceum, rostroque Acipenser acuto  
 Germanum insequitur, totoque expellit ab Istro.

Et Glanidis.

Et

---

(1) Qui & Brenthus, è Mergorum genere: illius autem  
 in Pagrum odium Philes tradit.

Et Zigam celeri cursu infectatur in (1) Albi:  
Antevolat fugiens tamen illa citissima pinnis.  
Cerulei Anguillis intendunt prælia Corvi,  
Atque leves Lutræ, & stellatis Ardea pinnis.

Lampetra Salmo-  
nes vexat.

Quos & Hirudo  
perdit.

Lubrica veloces rostro Lampetra bifulco.  
Salmones impunè secat, cum, Doride falsa,  
In dulces fluviorum undas rediere, relicta.  
Parvula quin etiam Salmones vexat Hirudo,  
Dum fluvios Æstate vagi fervente recurrunt.  
Hæc nimio, ut perhibent, calefacto sanguine motu,  
In penitis malefana lues progignitur extis.  
Interdum totas qua depascente medullas,  
Magna dolent, stimulisque intus mordacibus acti  
Stagna per, & fluvios errant sine lege furentes:  
Et quatunt sese pinnis: saliantque, ruuntque,  
Eruçantque undas, spumasque in gurgite voluunt.  
Seque petunt iterum, & medio bacchantur in alveo;  
Quò tandem totis exhausti viribus omnes  
Dispercunt, cassique appellant lumine ripis.

Oestrus Ziphiar,  
Thynnus, & Delphi-  
nos exagitat.

Est etiam ille malus Ziphiis pugnacibus hostis;  
Quique leves Thynnus depascitur, inque feroces  
Delphinus grassatur, (2) Asilum nomine dicunt  
Romani, veteres Oestron dixere Pelasgi.  
Qui licet exiguo sit corpore, mollis & instar  
Crescat Araneoli, stimulo tamen horrida magnis  
Piscibus arma ciet, vexatque impunè sub alis.  
Inque necem vel spontè trahit violentus ad unum:  
Dum torrens Canis exoritur (Canis acrior ortu  
Pestis acerba furit, spargitque immane venenum)  
Thynnida (3) cum Gladiis, & cum Delphine laceffit:  
Inque latus spina subter quæ cærulea pellis  
Mollior, intorquet furibundo ex ore sagittam:  
Infixaque hæret lateri crudellis Asilus:  
Ac teneros artus exugit ab usque medullis.  
Ast illi jaculis, & duris moribus icti,  
Exacuant iras, rabieque armantur in hostes.  
Nam frustra mucrone petent, vel dentibus Oestron,  
Ergo acti furiis, irritatique dolore

Cæ.

(1) Germaniæ fluvius *Elba*. (2) Vermiculus hic est, in-  
quit Arist. qui historiam narrat, effigie Scorpionis, magni-  
tudine Aranei, qui tanto illos infestat dolore, ut sæpè sese  
interimant. (3) Thynnus; accipitur tamen pro Thynno  
scemina, ut habet Athenæus.



Cæruleas quatiunt alas, & corpora jactant:  
 Turbatasque movent undas, latèque per æquor  
 Bacchantur, tanto possint si sortè tumultu  
 Affixam stimulo lateri depellere pestem.  
 Incassum tamen ira: latus tenet asper Asilus,  
 Et tantum radiis torquet mordacibus artus,  
 Ut perdant sese miseri, impulsisque dolore  
 Ad scopulos caput allidant, vel præpetè jactu  
 In molle insiliunt perituri litus, ubi ipsa  
 Præstat cum vita citius finire dolorem.  
 Non secus ac Silari ripas, & flumina circum  
 Oestros agit armenta, & acutis ictibus instat  
 Acrius atra lues: totis exterrita sylvis  
 Illa ruunt percussa: sonat mugitus ad auras  
 Plurimus, horrendoque assurgunt murmure valles;  
 Plangit & Alburnus, sylvæque, & ripa Tanagri.  
 Mugilibus stimulo pariter metuendus acerbo  
 Ater Asilus erit, cum surgens Ildis astrum  
 Incipit orbe vagos ipso cum Sole labores:  
 Nam tunc insequitur victor, fixusque sub ala  
 Mordet acu, & dulces morsu depascitur artus.  
 Verum lethiferis jam me pugnata sagittis  
 Bella vocant, mirumque latens in cuspide robur.  
 Sunt qui torpore armantur, pugnantque veneno,  
 Insignique dolo fallunt impunè natantes.  
 Veloces veluti Parthi, Medique fugaces  
 Prima leves ineunt virosis prælia telis:  
 Atque dolis, ferro nequeunt si vincere, fallunt:  
 Prima venenatis Torpedo armata sagittis  
 Aggreditur pisces audax, quoscumque per æquor  
 Aspicit ire vagos, radiisque emittit ab ipsis  
 Turpe veneficium, turbatasque insicit undas:  
 Insicit & pisces torpore, fugamque retardat.  
 Protinus amittunt solitum stupefacta vigorem  
 Membra, rigentque omnes concreto sanguine nervi:  
 Immotique greges steterunt: velut invida si quem  
 Thessala corripuit cantu: stetit illicet ille  
 Attonitus: subito nec se subducere cursu:  
 Nec vi, nec telis potis est insurgere in hostem;  
 Successu tum læta, morantem plurima rictu  
 Occupat, & multa torpentem cæde cruentat.  
 Sæpius alato potitur sic Mugile victrix,  
 Quamvis per vitreos repat lentissima fluctus.  
 Nonnunquam casto similis distendit arena  
 Corpus, & optatos simulat se carpere somnos:

Torpedinis vis stu-  
 pefaciens. Plinius, &  
 Gildius.

Quo pisces astu  
 occupat.

Ignari

Ignari verùm ut subeunt vicinia pisces,  
Infandum toto diffundit pectore virus,

Ut mirè torpor  
infinetur.

Torpentesque necat morfu, ventremque saginat.  
Præterea, mirum, per retia rara, levesque  
Insinuat citò per nassas, ferrumque venenum:  
Inque manus piscantis agit, vincitque rigore.  
Non sic per stipulas veloci murmure flamma  
Serpit, vasta trahens latis incendia campis:  
Ut circumfuso dispergitur aëre virus  
Omnia pervadens, & frigore perdit acuto.

Sed jam, quò Trojæ periit vastator Ulysses,

Trigonis virus.  
Plinius, Elianus.

Trigonis horrendæ subit immedicabile telum.  
Lethiferæ in caudæ medio confurgit acutus,  
Serra velut, radius, dura qua cuspide Trigon  
Impetit, atque ictu jacit irreparabile virus.

Quod è spina pi-  
scei necat.

Ergo occulta latens scabro sub pumice nantes  
Dum spectat propiora greges, jacit arma, simulque  
Pestiferum emittit virus, prædaque potitur.  
Non sic Parthorum diro fucata veneno  
Spicula, nec Cressæ tantum nocuere sagittæ:  
Nec quæ fumosis Liparæ distenta caminis,  
Cyclopum venere manu, & Styge perlicita tela.  
Non pisces tantum, piscatoresque cruentat  
Virosum è viva contortum Trigone ferrum,  
Sed cæsa pariter, fama est, è matre revulsam  
Duritie indomita, & diri virtute veneni  
Æs durum, galeasque, ipsumque incidere marmor:  
Illius & virides tactu marcescere ramos,  
Delabique comas, solidosque arescere truncos.

È pisce avulsa spi-  
na adhuc lethalis.

Hac rigida memorant virosæ Trigonis hasta  
Telegonum quondam instruxisse in prælia Circen.  
Ah miser! egregium sævo mucrone parentem  
Inscius occidit, dum sparsa armenta per agros,  
Et lætos Ithacæ colles, & pascua lustrat.  
Proh miras rerum fortes, & Fata Deorum!  
Quem maris, & terræ, sævique pericula Martis,  
Totque minæ, & tanti numquam fregere labores,  
Una Laertiadem Trigon confecit Ulyssem.

Ille Ulysses intecit.  
Enstatius.

Ergo tibi, piscator, erit non ultima cura,  
Ne te lethiferis transverberet illa sagittis.  
Verùm (cuncta datum vitare pericula non est)  
Incautum si fortè petat te cuspide Trigon,  
Quæ præsens adhibenda malo medicina, docebo.  
Vulcano in cinerem redigens ardente sagittam  
Trigonis: ipsa luem quæ detulit, ipsa salutem

Re.

Restituet: pulvisque acri confusus aceto  
Expellet virus, vulnusque obducet apertum.  
Interea ramus dum lethifer igne crematur,  
Avulsus moriente jecur de pisce dolore  
Liniet: atque tumor subsidet: sæpè columbæ  
Stercora Naladis reddent perfusa salutem.  
Proderit & multo fursur decoctus aceto.

Præterea Lupus, atque Leo, piscique Dracones,  
Atque graves Aquilæ, Squatinæque, & callida Vulpes  
Dura venenatis exercent prælia telis:  
Et stimulis Centrina, fugaxque armatur Hirundo,  
Virofusque furit fruposo Scorpius antro.  
Et nigræ nocet (1) Accipiter, (2) Coccyxque liquore.  
At verò Gobii, & Sphyrænæ mitior ira est.

Idcirco tibi solerti stat mente cavendum,  
Ne molli capias (3) pro Perca Scorpion: at si  
Percussus (4) sapiens, piscator, idonea dicam  
Quæ medicina malo: disseci viscera Mulli  
Admoveas citus, aut illotum ad vulnera plumbum;  
Indomitumque igni, vel acetum, vivaque sulphura,  
Et tantum prodit lentisci imponere vimen:

Magna quibus morbo lenimina. Sed vaser instat  
Bos tergo, magnaue premit sub mole natantem.  
Ut piscatorem vigil aspicit, illicet imo  
Enatat è fundo, totoque incurvus inhæret  
Corpore piscantis dorso, chelisque reflexis  
Apprimit, astringitque tenacior: ille gravatus  
Mole Bovis, refluus emergere protinus undis,  
Neve haurire valet vitales ætheris auras.  
Ergo vitæ aditu intercluso, deperit æstu  
Piscator medio, & præda Bos ubere gaudet.

Verùm incredibilis vastræ solertia Ranæ,  
Quam Piscatricem nostri cognomine dicunt.  
Ante oculos gemini fallendis piscibus extant

Tom. II.

Sf

Ex-

Quæ contrailius  
venenum sibi medi-  
camina, ex Plinio,  
Tarentine, & Egin-  
ta.

Quæque ad leon-  
gii, Gobiique istum.

Bovis astus, quo  
natantes occupat.  
Oppianus.

(1) Olympici piscatores Milvum vocant *Rondenone*, Hi-  
rundinem verò *Rodene*. (2) Coccyx Græcis, qui Lat. Cu-  
culus, nostri *Cocco*, & *Cuoccio*. (3) Allusum ad prover-  
bium, quod de eo dicitur, qui optima captans, pessima  
eligit. (4) Item adagium olim in Græcia celeberrimum:  
hujusmodi casu natum: cum piscator conclusis reti pisci-  
bus manum admoveans à Scorpio feriretur: ictus, inquit,  
sapiam.

Extensisque (1) pili in longum, quibus illa natantes  
Decipit, & victu tribuit Natura parando.

Rana mirum in-  
genium ad fallendos  
piscis. Tullius, Plutar-  
chus.

Ergo, ubi turbato nigrescunt æquora limo,  
Occultat se Rana luto, & pendentia fila  
Attollit, piscesque data velut illicit escam.  
Accurrunt illi celeres: trahit ipsa dolosos  
Paulatim radios: ignari fraudis in ipsum  
Os Ranae properant pisces, dum pone sequuntur  
Lacti escam: pressio tunc Rana citissima rictu  
Apprimat, atque avido confestim gutture mandit.  
Non secus ante fores fraudem molitur optam  
Ingenius puer extremo sub limine portæ  
Intendit latè casses, & plurima circum  
Grana jactat, pellesta quibus dum plumea turba  
Appropinquat prædæ studio, tunc ille reducit  
Ad sese casses: subit hæc tunc inscia textum,  
Et dulcem mensis escam captiva ministrat.  
Sic etiam volucres, si vera est fama, Cerales  
Decipit, atque dolo ventrem feliciter explet.  
Hæc ipsa, ut perhibent, prædatur Sepia fraude,  
Et Pulcher Cæli dictus de numine piscis.

Sepia, Polyptique  
astutia.

Non hic præteream quo Sepia sæpius astu  
Piscantium ex oculis subducitur: impiger adstat  
Cum puer, & ferrum jam jam missurus acutum est,  
Confestim nigrum diffundit ab ore venenum,  
Quo nitidas perurbat aquas, vitatque natantes.  
Nativum interdum variat mutata colorem,  
Osmylus ut, similisque jacet firmissima saxo:  
Et lapidis ficta pueros sub imagine fallit.

At si squamiferum cunctas percurrere fraudes,  
Præliaque, & dulces voluissim dicere amores,  
Immensum crevisset opus, nec vos mihi, Musæ,  
Carmina tot faciles, authorque dedisset Apollo.  
At precor hoc unum saltem memorate canenti.  
Quis Deus hæc nobis primus monstravit, & alti  
Oceanus vix nota Diis arcana rexit?

Namque hominum non hæc inventa fuisse putandum est.

Vir fuit Euboica genitus Colomelide Nympha,  
Quæ dulci insignis cantu, fidibusque canoris,

Quæ-

---

(1) Sic Arist. vocat appendices quasdam, quarum extre-  
ma crassis globulis præpilantur, surguntque ante oculos.  
At Plinius cornicula appellat; ait enim: eminentia sub ocu-  
lis cornicula turbato limo exierit.

Idæ Fábula . &  
qua primum ratione  
piscium mores dece-  
rit.

Quæque inter reliquas Acheloidas una superbo  
Præstabat formæ cultu , flavoque capillo .  
Ast illam Oceani conjux Saturnia Tethys ,  
Oderat , & toto conata expellere ponto est ;  
Oceano quoniam conjuncta sub Anxio alto  
Sanguine divino puerum susceperat Idam .  
Quem Dea per virides ætas Crateris , & inter  
Muscosos aluit scopulos , & scrupea saxa .  
Hic illum cantu , cytharaque instruxit eburna :  
Quæque forent piscosa magis freta , quæque regendis  
Opportuna dolis statio : quibus ostrea saxis  
Plurima , quaque uda corallia rupe venirent :  
Et Sinuessano nassas compingere junco ,  
Ac lentum calamo docuit subtexere linum .  
Sed cum jam puer undecimum transegerat annum ,  
Et poterat remis agitare per æquora cymbam ,  
Ac versare hamos , & retia , sedula mater  
Artes piscandi varias , durumque laborem  
Erudit , multoque insignem reddidit astu ,  
Quò pelagi posset versutam fallere gentem .  
Illa sed in primis charæ stat cura parenti ,  
Scilicet ut mores , fraudesque , & prælia , & arma ,  
Et dulces nexus animorum , & fœdera certa  
Disceret undosæ gentis puer ; unus ut omnem  
Victor Olympiacam posset superare juventam .  
Ergo illum chari ducit genitoris ad ora ,  
Naturam ut doceat gnatum , ingeniumque natantum .

Trans Gades Libyam contra , quæ cœlifer Atlas  
Immensos humero Stellarum sustinet orbes ,  
Stat domus Oceani nitido pellucida vitro ,  
Et centum geminis surgit subnixa columnis .  
Fulgurat ex hyalo testum , niveaque coruscat  
Crystallo paries , cardoque adamante renidet  
Plurimus , & fulva radiant ab iaspide postes :  
Marmore strata nitent Pario : sed cœsa columna  
Marmarica de rupe , nigrisque interlita punctis ,  
Et sparsim minio , & ferrugine splendet Eoa .  
Desuper apparent tectò depicta supremo  
Æquoraque , scopulique , sonoraque litora fluctu :  
Et quæcumque vago pascit sub gurgite Proteus :  
Educat & vallis in fluctibus Amphitrite :  
Omnia nativis rerum spirantia signis .  
Flumina crystallo in solida cœlata cornicis  
Parietibus latè apparent , rivique sonantes .  
Hic Licus , hic Phasis redimiti cornua musco

Oceani domus de-  
scibitur.

Undosa sub rupe sedent, versantque fluenta:  
 Populeasque inter decurrit lætior umbras  
 Eridanus, flavoque sonans it flumine Crathis,  
 Vulturisque, Hypanisque, & magno turbidus alveo  
 Ausidus, avulsasque ferens cum gurgite quercus.  
 Mirum opus, atque Deo dignum, Nereoque Magistro:  
 Nerea nam perhibent fabricasse immania templa,  
 Cunctaque crystallo miris cœlasse figuris.

Huc Dea cœruleis investa per æquora bigis,  
 Tyrrheno procul è ponto cita transtulit Idam.  
 Ut vitreo puer è curru delapsus, & alta  
 Oceani ingressus palatia, constitit ipso  
 Limine in undoso, patrisque nitentia templa  
 Miratur, magnamque domum, solidasque columnas.  
 Atque ingens miratur opus, operisque laborem,  
 Et picturatum viva sub imagine tectum.

Ut stetit aulai in medio Dea, cernua magnum  
 Fluviorum patrem Oceanum, regemque natantum  
 Confestim unâ cum puero veneratur. Amicam  
 Excipit Oceanus Divam, blandisque profatur  
 His orsus dictis: Quis te, pulcherrima Nympha,  
 Finibus è patriis per tot freta cœrula vexit,  
 Et procul Herculeas deduxit ad usque columnas  
 In mea tecta? sinus emensa interrita tantos  
 Tethyos undivagæ, puero quidnam petis isto?

Colomelidis ad  
 Oceanum Oratio.

Fare age: fixus adhuc amor est. Cui talia contra  
 Diva refert: Hic ille tuo Rex magnus aquarum  
 Sanguine conceptus puer est pulcherrimus Idas.  
 Conjugioque tuo quondam dignata superbo,  
 Quem postquam Ænariæ peperit sub rupe reposita;  
 Ipsa ego per virides ætas Crateris & undas  
 Nutrivi, & numeros, & carmina blanda, fidesque;  
 Et varia edocui, piscantis munera, & astus.  
 Verùm ne patriis fraudem virtutibus, illum  
 Ad tua tecta tuli; doceas quæcumque natantum  
 Sit natura, genus, connubia; prælia, & iræ.  
 Si qua tibi restant monumenta, & gratia facti.  
 Quin decet & Divis genitum majora doceri,  
 Atque humiles hominum se supra attollere sortes.

Oceani ad illam  
 responso.

Hæc dedit: & Regni contra Rex magnus aquosi  
 Hæc responsa refert: Faciam, formosa, quod optas,  
 Et regnatorem decet æquoris: omnia discet  
 Egregius puer undosi secreta Profundi.

Dixit: & extemplò pastorem Protea jussit  
 Acciri, sparsumque mari compellere in unum

Squa-

Squamigerum genus omne. Throno mox Divus eburno  
 Descendit, Diamque unâ, puerumque reducit  
 In mille intertextâ nitentibus atria conchis,  
 Turbinibusque (1), (2) Aulisque, & purpureis (3) Neritis.  
 Hic ubi cœruleo conspergit limina rore,  
 Crebraque subsiliens placido sonat unda susurro,  
 Constitit ante aditum Nymphâ Deus, & puer Idas.  
 Hinc, atque hinc denso glomeratâ Najades Orbe,  
 Et circumfusâ Nereides, & Thetis ipsa  
 Adstarunt, lætaque Deos cinxere corona.

Et jam turrato scopuli de vertice pastor  
 Ingenti Proteus inflabat murmure concham,  
 Cœrulei spumosa vocans ad tecta tyranni  
 Dispersas pelago gentes. Vix murice ab alto  
 Infonuit cantu cava buccina: protinus omnia  
 In turmas, aciesque ruunt squamosa natantum  
 Agmina diversis è fluctibus: ultima mundi  
 Qui vada Hyperboreo currunt subiecta Trioni:  
 Quique secant Indi maris æquora, quique repostæ  
 Ammerices lustrant pisces freta ditia gemmis:  
 Quique Erythræa colunt flaventibus æquora baccis:  
 Et fluctus qui, Persi, tuos tenuere rubentes:  
 Quos & clausa Thetis gremio fovet, Joniumque,  
 Adriæque, & Pontus cum turrigero Egæo.  
 Haud mora fit, densis cœunt examina signis,  
 Moscososque tenent scopulos, & Protea circum  
 Agglomerantur: aquis candent spumantibus undæ.  
 Ac fremitu immenso venientum totus ab imo  
 Gurgite fervescit pelagus, latèque remugit.  
 Non secus ac rauco strepuere ut Martia cantu  
 Classica, confestim sonitu pulsata moventur  
 Castra, ruunt acies, ardentesque ære manipuli:  
 Magnaque densati stipant tentoria regis.

Aspectu puer insolito conterritus hæsit,  
 Atque pedem, secura petens, referebat in arcem;  
 Cum divina parens, his orsa morata timentem est:  
 Ne timeas, Tyrrhene puer, quæ maxima ponti  
 Monstra vides, Patris imperio, nutuque reguntur:  
 Neve Diis inferre malum permissa potestas.  
 Siste gradum, Vati que animos adverte docenti:  
 Mira quidem populi discas arcana marini  
 Hæc ignota tenus, legesque, & prælia gentis:

Proteus in unum  
 pisces cogit.

Quæ

(1) (2) (3) Concharum species, de quibus lib. VIII. agemus.

Quæ te scire decet, quondam & meminisse juvabit.

Et jam diversas acies, atque agmina Proteus  
Ordine quæque suo vitreis procedere campis  
Jusserat: ipse cavo despectat singula laxo.  
Ac velut, hybernis primo cum Vere relictis,  
Magnanimus campo Lotharus sese intulit, & se  
Accingit bello, sociosque in prælia poscit:  
Stat sublimis equo, cumuloque aspectat ab alto  
Agmina, dum pulchro procedunt ordine campis.  
Quæque suas legio fulgentes ære catervas  
Explicat, & densis latè micat horrida cristis.  
Itque suis distincta notis: vexillaque certis  
Intertexta nitent signis: nitet omnis in armis  
Gens patriis, cunctique ducum post terga sequentes  
Æquato incedunt sua per discrimina passu:  
Helvetii, Cymbrique, bipenniferique Sicambri,  
Saxones, & fortes Boii, Illyricique nivosi,  
Germanique, Italique, & pictis Pannonibus armis.  
Haud secus æquorei veniebant ordine cætus:  
Quique suis ardent squamis, & præpete penna.

Piscium omnium  
per suas species, tur-  
masque recensio.

Prima colorati ducebant agmina Mulli:  
Pone Scari, densoque ibant examine Perceæ.  
Hinc dextra Synodontes aquam, Fabrique sinistra  
Findebant cursu celeres: hos inter, & illos  
Tollebant medio Pagri capita ardua cristis,  
Et (1) Sparus aurata fulgens cervice, rubræque  
Phycides (2), atque Sudes, mixtique (3) Synagrides Orphis.  
Indè sequebantur Sargi, Blennique, (4) Lyræque:  
Et fulvo ardenres auro, squamisque coruscis  
Umbræque, Auratæque, & julides, atque (5) Cinædi:  
Et Melanuri, alique tenentes ultima signa  
Squamigerum, totumque Aphyarum ignobile vulgus.

Jam læves acies properabant: prima nitentes  
Agmina Trachuri implebant, Rhombique, Bovesque,  
Ac nigris Coraces fulgentes tergora signis,

Et

---

(1) Neap. *Sparaglione*, Romæ cum Sargis, & Auratis confunditur, Massiliæ, & in Liguria *Sparlo*, & *Sparallon*, Hisp. *Sparguil*. (2) Ab Olympicis piscatoribus audio vocari *Cannusa*. (3) *Prajo* nostris, est autem capite duriore, & latiore, corpore verò veluti circino circumducto.

(4) Dicitur etiam Romæ *Pesce Forca*, nobis *Forcato*, Squamis veluti cataphractus, & hinc per antiphrasim *Mastrato*. (5) Fortasse erit, quem Olympicis vocant *Mafrone*.



Et (1) Clarias incana, (2) dicataque turba Lyco.  
 Post pingues ibant Soleæ, Milvique rapaces,  
 Et Cithari, Rajæque, voracique ore Dracones:  
 Quos inter teretes fidebant marmora Scombri:  
 Ranæque, & variis Torpedo plurima punctis,  
 Atque nitens maculis, & verficoloribus astris.  
 Jamque secunda greges claudebant agmina læves,  
 Cum gravibus subeunt armati protinus armis,  
 Ac sua cœruleæ festantur signa cohortes:  
 Ardentes minio Cancri, fulcique Paguri,  
 Et Squillæ insignes villo, rosæque Locustæ,  
 Stipatusque ibat Leo plurimus, atque Elephanti.  
 Hic sonus exoritur magnus, fremit omnis aquarum  
 Campus, & in tractis canescunt æquora sulcis:  
 Ingentes acies, ingentia corpora densis  
 Ordinibus glomerata, vado spumante, ruebant.  
 Hi nivei Delphines erant, Thynnique fugaces,  
 Orcynique graves, spissoque examina cœtu  
 Pelamydum, rapidique Canes, turpesque Zygæhæ:  
 Quas inter longo Ziphia mucrone sequuntur,  
 Hastatumque cient agmen: discrimine parvo  
 Turpes immenso veniebant corpore Phocæ,  
 Et Vaccæ maris Æthyopum, Ammericique Manates:  
 Pistresque, Serræque, & duræ dentibus Orcæ:  
 Epotumque vomunt patulis è naribus æquor,  
 Ingentemque cient spumam: postremaque claudunt  
 Agmina Physfether cum turrigeris Balænis.

Interea longo dum vadunt ordine turmæ  
 Squamiferum, varioque sonant discissa natatu  
 Marmora, muscoso scopuli de vertice Pastor  
 Et studia, & mores cunctorum, & prælia, & iras,  
 Ingeniumque, dolosque, & dulces dicit amores.  
 Auribus illa puer spumoso in margine fidens  
 Attentis bibit, & memori sub mente recondit.

Verum ubi postremis abierunt agmina signis,  
 Dicendique Deus finem dedit: illicet alto  
 Exiliit saxo, & vitreis caput abdidit undis,  
 Post armenta cito festinans ire natatu.  
 At Dea cum dignas submisso pectore grates  
 Cæruleo egisset tanto pro munere Regi,

Con-

Quidam per Ie-  
 giones iaccedunt, il-  
 lorum mores Pro-  
 teus, legesque docet.

---

(1) Pro Callatias metri causa. (2) Bacchus piscis Bac-  
 cho Sacer: ex Afellorum genere est; non verò Mugilum,  
 ut vult Plinius.

Confestim celeres spumosa ad frana jugales  
Ire jubet, Calpeque retro: Atque Atlante relicto;  
Europam propter puero comitata recurrit.

Inque sinus ingressa legit quæ ditia (1) Pœni  
Rura tenent: Malacæque urbem transmittit: & altum  
Ostendit puero (2) Caridemi culmen opaci.  
Et quæ (3) Carthago fuerit, quibus illa Latinis  
Expugnata armis memorat, terraque, marique:  
Perconsiletque duces, & quo sub Consule capta.  
Quæ dum comemorat, dices transvestus (4) Alonas  
Jam raucum currus (5) Sucronem præterit, & jam  
Litus adit, steterat quondam quæ celsa Sagunthus,  
Quam Tyria cecidisse manu Dea dicit, in Urbe  
Dum lentos diversa tenet sententia Patres,  
Hinc & prætervesta, secat spumantis Iberi  
Læva amnem, (6) Lunæque altas in montibus arces:  
Et geminas dextra Balearidas ante relinquit.  
Mox (7) Veneris delubra videt, celsamque Pyrenen,  
Atque sinum scindit spumosa per æquora Gallum:  
Quæque docet puerum Rhodanus delabitur, & quæ  
Massiliæ magno sese curvamine portus  
Pandit, inaccesas & vertice deregit arces.

Et jam litoreæ procul advenientibus Alpes  
Apparent, surguntque jugis super astra nivolis.  
Hic lævum Dea pulchra latus perstringit, & inde  
Præterit (8) Augusti, biga properante, Throphæa.  
Hesperiam petit inde, sonoraque flumina Vari  
Niccæque retrò fugiente, atque arce (9) Monæci,  
Divitibus claram populis, luxuque superbam  
Ostendens urbem Ligurum sic fatur: Apricis  
Collibus hanc (10) Genuus posuit Saturnius urbem,  
Imperiumque dedit magnum: nam classibus illa  
Vestæ mari magno fines pervenit Eoos:  
Atque Palæstinos, & Cypri regna subegit,  
Et Chion, & Lesbos: supraque Propontida signa  
Invexit, Tanaimque jugo submisit, & ipsos

Cym-

(1) Qui circa fretum in Hispania habitant.

(2) Hisp. promontorium *Capo de Gata*. (3) *Cartagena*.

(4) *Alicante* (5) Hisp. flu: *Xucar*. (6) Lunarium promontorium, & Scalæ Annibalis *Capo Tosa*. (7) *Aphrodisium Capo Cruz*. (8) *Torbis* urbs in Nicæ (*Nizza*) ditione. (9) *Monaco* Urbs Liguriæ. (10) Saturni filius, à quo Genuam conditam ferunt.

Cymmerios: nunc sola tenet tua litora, (1) Cyrene,  
Proxima Sardoo quæ cingeris undique fluctu.

Sic mutat Fortuna vices, perituraque regnâ.

Intereâ jam currus equis pernicious actus

Hetruscos præter fines vicina legebat.

Ostia, Tibri, tua, & felices (2) Anxuris arces:

Inque Dicarcheas tandem perlabitur oras.

Sic dulces thalami nexus, & prælia, rixæque;

Et studia, & mores primum patuere natantum.

Sed jam lina mari, textosque immittere casses

Tempus, & æquoreæ venando insistere prædæ.





# HALIEUTICORUM

## LIBER QUARTUS.

**H**ACTENUS undivagæ mores, & nomina gentis:  
Nunc artes, Neptune, tuas, tua, maxime Nereu  
Dona canam; primi nam vos demittere nallas,  
Et medias linum docuistis solvere in undas.

Quare agite, & certum spirate in pectora carmen,  
Ut piscandi artes, quæ sint, quæ cura adhibenda,  
Quique dolus, quo falsâ cadat gens squamea ponti,  
Discat Olympiaca solers piscator in æta.

Inprimis multæ sunt piscatoribus artes;  
*Variæ piscandi artes.* Infidæque, dolique, vagas quibus æquore prædas  
Venentur, duicemque ferant mortalibus escam.

Ac veluti in sylvis non venatoribus unus,  
Sed varius labor est, intricatusque Profundos  
Hi circum longâ saltus indagine cingunt,  
Includuntque feras: alii loca pervia, quâ se  
*Ut venandi variz* Sollicitis agiles impellunt cursibus apri,  
*funz.* Obiectu armati claudunt, stipantque corona:  
Insistunt alii cursu, & præeunte canum vi,  
Per montana leves, & per sylvas locorum  
Veloce agitant lepores: hic retia summis  
Applicat arboribus subter frondosa, vel inter  
Herbosos tendit campos: hic caste volantes  
Captat aves: lentum spargit per gramina viscum  
Alter, & optatam gaudet se fallere prædam.  
Non secus æquoreas inter piscantibus undas  
Est varius, multusque labor, fugientia semper  
Per longas maris ambages, caecosque meatus

Lubrica Squamigerum sectari examina cursu,  
 Et captare dolis, sparsoque includere lino.  
 Hic calamo, insidens scopulo piscator aprico,  
 Quæritas avidis immittit piscibus escas,  
 Incautosque hamo venientes fallit acuto.  
 At piscosa alii per litora, perque sonantes  
 Fluviorum ripas, mediove in gurgite solvunt  
 Cæreuleos casses, onerataque retia plumbo:  
 Equæ mari pisces quæ mox ducentia ducunt.  
 Hi pelagi virgulta inter frondosa recondunt  
 E (1) Sinuessano contextas vimine nassas.  
 Arma illi, & duris exercent prælia monstis:  
 Hi noctu nitidis perlustrant litora flammis,  
 Explorantque freti loca cæca, & subdola ponti  
 Decipiunt armenta, feruntque ad litora prædæ.  
 Sunt diversæ simul pisces fallentibus arma:  
 Quæ solers prius expedit piscator, & illa  
 Quo formanda modo paucis, adverte, docebo:  
 Qui prædæ tremula perquirat arundine, tortum  
 Multiplici è pilo radium subtexat equino:  
 Ast alii è spartho faciunt, restivè retorta,  
 Qui grandes cupiunt hamis comprehendere pisces:  
 Quique agitare gravi sueverunt agmina ferro,  
 Hi bifido armentur celo, duove (2) tridente,  
 Et longum capulo, lentumque hastile reponant;  
 Ocyus ut dextra vibretur fuscina, & ipsos  
 Veloces certo pisces transverberet ictu.  
 At labyrinthis si fortè erroribus udam  
 Prendere amas prædæ, facilemque impendere curam,  
 E junco casses, & vimineos labyrinthos  
 Intexes cono simile, cui vertice summo,  
 Intus ut imponas escam sit circulus, utque  
 E nassa inclusum valeas educere Mullum,  
 Aut nitidum squama Pagrum, Liparimve, Lyræmve,  
 Et fundo ex imo pariter tibi conus in auras  
 Assurget medius, medioque in vertice coni  
 Os etiam spissis intexes undique juncis,  
 Qui proni interius spectantur, ab æquore pisces  
 Cum cœcum, illectus prædæ, se trudit in antrum:  
 Inde fugam prohibere queant, cum pastus in altum

Varia piscandi ar-  
 mamenta.

Flammis.

Fuscina.

Nassa.

T t. 2

L'ber

(1) Sinuessa Sessa, unde optimum deportatur v. men ad  
 nassas texendas. (2) Lo Lanzararo, Gallis, Tridens, &  
 Lan/queret.

Retia, & quàm va-  
ria.

Liber adire parat. Verùm quibus humida lina  
 Versandi studium, non est labor omnibus idem,  
 Hi (1) Jacula expediunt manibus, pars altera (2) Gryphis  
 Æquora circumdant: alii (3) Sphæronas aquosis  
 Extendunt latè campis, divesque (4) Panagrum:  
 Ingentique trahunt conatu ad litora pisces.  
 Ast (5) Hypochas illi medio de lintre remittunt.  
 Gangama (6) & his trahitur, piscosum (7) Diçtyon illis;  
 Quæ diversa tibi subtextet arundine conjux  
 Retia, casta domum dum servat, & ubera circum,  
 Et circum dulces dependent oscula naçi.  
 Tu vel, Olympiaco dum litore lentus ad umbram  
 Confidis, Solemque tibi defendis, & æstum:  
 Aut rigidam duras Hyemem, ventosque malignos.  
 Præterea robustus erit piscator, & olli  
 Non vigor emoriens, non sint torpentia tristi  
 Membra lue, vel obesa, aut pingui tarda sagina,  
 Sed levia, & volucris veniant aptissima cursu;  
 Nam fortes acies, & dura laceffere monstra,

Qualis esse debeat  
piscator.

Cor-

(1) Expeditissimum retis genus, quod unus piscator jacu-  
 li instar jacet: nostri *Iacchio* indigitant, illius autem usus  
 circa ostia fluviorum maximus est, & ubi vadum breve est.

(2) Alterum retis genus longum passus quadraginta, al-  
 tum verò sex: hoc verò passus triginta a terris extenditur.  
 Nostratibus appellatur *Rezzolla*. (3) Sic dicti, quia in or-  
 bem circumducuntur, & fortasse erunt ea retia, quæ stata-  
 ria dicuntur, nostris *Rezze di Posta*, longa passus centum  
 quinquaginta: solvuntur in altum quingentos à terra pas-  
 sus. Vespere autem jacitur, & per totam noctem stat mari,  
 cum verò prima erumpit diei lux educitur. (4) Inter retia  
 maximum, dicitur etiam *Sagena*, Nostris *Sciabica*, quo  
 omnia piscium genera capiuntur. Longum passus quingen-  
 tos, ad mille verò à terris jacitur: nec nisi à litore denis  
 piscatoribus educi potest. (5) An sit quod nostri vocant  
*Tartana*, non aulim affirmare, verisimile mihi tamen vide-  
 tur: est autem rete longum passus sexaginta, omne piscium  
 genus concludit, etiam qui intra limum latent, radit enim  
 limum, & arenas: illius usus præcipuus matutino tempore  
 est. (6) Nostris Græco vocabulo etiam *Gangama* nuncupa-  
 tur. (7) Erit fortasse quam Nostrates indigitant *Tartarone*,  
 longum passus ducentos medio in mari solvitur, & à qua-  
 tuor piscatoribus extrahitur secundo maris fluxu, & die il-  
 lucescente.

Corpore magna quibus vis est, animique feroces,  
 Nativi spumosa tenent dum cœrula ponti:  
 Interdumque leves opus est æquare sequendo.  
 Nunc verò in medios scabro de pumice fluctus  
 Mittere se, pelagoque diù durare profundo,  
 Ingentesque secare vias: ac sub sale vasto,  
 Ceu terris habitare, graves & adire labores.  
 At nunc ex imo rursus se reddere ponto  
 Saxa super saltu, prædamque inferre canistris.

Quin etiam rerum sit solertissimus usu,  
 Ingenioque sagax multo piscator, ut omnes  
 Conjectare queat, fraudesque, dolosque natantum;  
 Retia cum subeunt, atque irremediabile textum.  
 Sitque manu promptus, casuque interritus omni:  
 Vividus, ac somni patiens, patiensque laboris:  
 Atque Hyemem, rigidumque Jovem, ventosque malignos,  
 Et rapidos tolerare æstus condiscat, & imbres.  
 Æquor amet, nullumque recuset inire laborem:  
 Mercurio sic charus erit, sic divite semper  
 Lætus erit præda. Sed jam quo tempore felix,  
 Expediam, captura. Fores cum Vesper Olympi  
 Pulsat, vel primo cum Lucifer emicat ortu  
 Autumnum sub pampineum venabere pisces,  
 At si Bruma riget, sparso dum lumine Mundus  
 Panditur, incipies ipso cum Sole laborem:  
 Sed si Ver nitidum, laxandis commoda linis  
 Tota dies: summo ludunt nam gurgite pisces  
 Vere novo, & circum cautes, & litora cursant,  
 Conjugii studio, charæque cupidine prolis.  
 At verò ut Zephyris ridet vocalibus Ætas,  
 Lina prius pelago, quam ros fluat æthere, mittes.

Nec minor, alato spiret qui flamine ventus  
 Cernere cura: levis si sit, placidoque flabello  
 Oceani vitreas impellat leniter undas;  
 Horrida namque greges oderunt murmura muti:  
 Nec super albentes spumis, strepituque sonantes  
 Ludere amant fluctus, scopulosque, & litora propter  
 Errare. At vento felix captura salubri  
 Semper erit; placidos optant examina ventos.

Insuper, id non te lateat, gens squamea fluxum  
 Advenientis aquæ, & spirantia flamma contra  
 Tendit iter, facillique secat strata æquora cursu.  
 Quales adverso percurrunt aëra rostro  
 Obnixæ sub vento volucres, curruntque citatæ:  
 Nam secus à tergo premit aura, fugamque retardat.

Ergo

Et quam solers, &  
 sagax,

Et laboris patiens,

Quò tempore ca-  
 pta felicior,

Ventorum ratio  
 habenda,

pisces adversus  
 aquis, ventoque na-  
 tant,

Hinc quò situ sol-  
 venda retia.

Ergo ubi Sythonio Boreas de litore spirat,  
 In medium piscosa diem jace lina: nivofum  
 Sed contrà in Boream, rauco si murmure stridens  
 Finibus è Mauris Notus irruat: inque rubentem  
 Auroram, sonat è nigro si Vespere ventus:  
 Inque demos Zephyri, roseo dum creber ab Ortu  
 Veloces citat Eurus equos, cælumque serenat.  
 Nam sic innumeri venient ad retia pisces  
 Sponte suâ, gratoque gement sub pondere cistæ

His animadversis, instat jam tempus aperto  
 Ire mari, & molles captare indagine prædas.

*piscandi primus  
 labor per nassas.*

At primus, facilisque labor demittere in altum  
 Vimineos casses, escamque includere junco.  
 Principiò nassas pelago detrude profundo,  
 Atque ubi cæca dolum sylvarum protegit umbra:  
 Nam secus undosæ detecta fraude cohortes

*Quibus in locis  
 demittendæ.*

Effugient; illis quando mens callida, & acre  
 Ingenium vitare dolum piscantis, & altum.  
 Nonnumquam refert nassam saxosa secundum  
 Litora, ubi densis frondent arbuscula viretis,  
 Condere; namque illuc correptæ frondis amore

*Quo tempore, &  
 quando educendæ.*

Sæpè ruunt acies, circumque frequentius errant.  
 Quas veniente die demittis in æquora nassas,  
 Hos tu ventura pariter surgente reduces.  
 Vespere si jacias, sero jam Vespere tolles.  
 Profuat interdum geminos sub Doride Soles  
 Deservisse; graves nam sic venere sub auras,  
 Et longam captura moram pensavit opima.  
 Nonnumquam quæ Sole vadum petiere cadente,  
 Illo etiam surgente, graves de gurgite surgant.

*Quibus esse oner-  
 andæ.*

Sed quibus illecebris escarum, atque ubere succo  
 Coniferos oneres casses dicamus. In igne  
 Carabon (1) edomitum, Pólypumve, Chrominve dolofo,  
 Piscator, junco impones: nam piscibus illa  
 Esca placet, gratoque simul nidore trahuntur.  
 Et sale perdomitas multo detrudere Sardas;  
 Engraulisque potes: nihil est jucundius istis,  
 Fragranti quorum pisces capiuntur odore.  
 At si muscoso mittes de vertice filum,  
 Ipse tibi figendus erit (2) lumbricus in hamo.  
 Quem prius undosa subter, venator, arena

*Et quibus arma-  
 dus sit hamus.*

Per-

(1) Cancræ genus. (2) Vermis, quæ sub arenâ nasci-  
 tur, *Vermis del mare*.



Perquires scopulosve inter, scabrosaque propter  
Saxa, frequens ubi cæruleo de semine surgit,  
Quin etiam molles Aphyas, Squillasque rubentes  
Pro dulci impones esca, illecebrisque dolosis.

Præterea cunctis non una est piscibus esca

Gratior, in prædam quamvis ruat ore voraci

Squamiferum genus omne. Trahit sua quemque voluptas.

Diversis piscibus  
variz sunt escaz.

Loligo Caperis capitur, (1) Carideque Labrax:

At Thynnus Coracinus agit, Callychthida Thynnus,

Mænides Auratam: minio qui fulgurat Orphum

Dat miserum fato Mullus, dat Hiattula Sargum.

Infano in Polypos currit Muræna furore;

Anthias inque Lupum, mollemque Orcinus Asellum:

Et socium, perdit Melanurum, & (2) Cyrrhida Perca.

Dat (3) Phagrum fato Channis, dat Carcinus illam.

At (4) Bocas Synodontes amant, Hippurus lulum:

Hippurum Ziphia, Glaucumque ad flumina Mugil

Sponte trahit. Sic quisque suo se perdit amore.

Nunc age diversas fallendis piscibus artes

Varii piscandi  
artus.

Præcipiam tibi, Piscator, fraudesque, dolosque:

Mugilis & primum quæ sit captura docebo.

Ante tibi Mugil medio quærenda profundo

Fœmina, cui tenui lignum transfige labello,

Et primum quo  
Mugil fallendus.

Quo spartho religata trahi per marmora possit.

Sed cave ne morti dedas, namque aptius illa

Tendet viva dolos, sociosque in funera pellet.

Hinc postquam in pelagus deduxisti è litore cymbam,

Remigio bini insistant, solertior alter

Captivam de puppe trahat per cærulea filo:

Proximus huic alter ferro venator acuto

Stet vigil, atque data promptus re fortiter uti

Eminus ut sociam spumosa è Doride Nestes

Aspexere, ruunt stimulis, æstroque furentes,

Collectique una circumstant undique, frandis

Mugilis nimia fa-  
lacias... Oppianns, &  
Silianns.

Ignari, luduptque hilares, blandisque morantur

Illecebris, majorque obtutu exæstuat ignis.

Interea, qui puppe sedet piscator in ætam

Imperet urgeri lintrem citus, atque ubi pontus

Sub nitidis splendet aquis, ut & agmina possit

Con-

(1) Parvæ Squillæ. (2) Idem qui Adonis à flavo colore sic dictus. (3) Idem ac Pagrus. (4) Eadem ac Boopes à boando dictæ. Box scribitur per o magnum, Boos per o parvum. Lumbrici nobis etiam Iscoli.

Conspicere, & certo ferrum intorquere rotatu.  
 Ut ventum est, remos inhibete: atque ilicet unus  
 Vimineam adducat restim: mora nulla, sequuntur.  
 Igne mares acti sociam, densaque caterva  
 Deproperare illis amor est, dominamque tueri.  
 Tu jaculum citus interea, venator, acutum  
 Expedies, multamque feres de gurgite prædam.  
 Nam rigidus, quamvis iteres in vulnere vulnus;  
 Ac totum rubeat mare sanguine, non tamen illi  
 Saucia terga dabunt, nimio sed amore furentes  
 Sponte ruent, pulchramque petent per vulnera mortem.  
 Sævus amor, quid non hominum mollissima coges  
 Pectora, si tantum torques prædura ferarum!

Ob quam nec ple-  
 stitur.

Animadverso quo  
 facilius pisces secian-  
 tur.

Astus non diffimi-  
 lis, quo scari capian-  
 tur.

Qui & maximè  
 salaces: idem An-  
 thores.

Fraus altera quo  
 decipiantur.

At non præteream, quo certius agmina ferro  
 Assequerere: sudem puppi defigere longum  
 Cura tibi, circus capiti cui ferreus insit:  
 Quo restis transmissa simul cum pisce trahatur  
 Longius è pinu: nam si stipata natantum  
 Turba peti certo poterit felicibus ictu.  
 Si secus, ipsa teget squamosas cymba cohortes.  
 Non tu dissimili, Piscator, callidus arte  
 Per spumosa Scaros venaberis æquora pictos,  
 Dum captiva tibi candenti fœmina vinclo  
 Ore tenus raptatur aquis, non longius alter  
 Gibbosam juxta nassam ferat, ilicet ingens  
 Turba Scarum properabit opem latura forori;  
 Insanæ Veneris stimulis agitata malignis.  
 Ast ubi jam densa puppim cinxere coronæ,  
 Vimineam in fraudem captivam protinus infer.  
 Fatiferum subter dominam descendere cassem,  
 Ut videre, dolorum ignari, actique furore  
 In labyrinthos contexti viminis orbes  
 Sponte mares adigent sese: cœtuque frequenti  
 Captorum impletur latè irremeabile textum:  
 Difficilesque aditus, portæque arctantur hiantes.  
 Quin etiam affectat socium prævertere cursu  
 Quisque suum, & cæco primum detrudier Orco:  
 Utque adeo miseros dementia torquet amantes.  
 Ergo adeunt latebras, maculosaque texta volentes;  
 Et charam densi circum glomerantur amicam:  
 Sic & amore juvat periisse. Dolosus & alter  
 En modus: æquorea nassam superintenge myrto  
 Plurimus, aut musco: captiva hic fœmina plexis  
 Libratur juncis, scopulosque absconditur inter,  
 Quos celeri fœvere Scari percurrere cursu,

Ut

Ut lætos carpant frutices. Hic illa frequentes  
 Advocat ad nassam socios, quos Cypridis aura  
 Mollè agit, & teneros sub pectore ventilat ignes.  
 Assiduè circum perlustrant undique nassam,  
 Ignarique dolum perquirunt, & sua Fata.  
 Ut tenere aditus, & ineluctabile septum,  
 Illicet insiliunt omnes, ceu cardine rupto,  
 Obsessam miles ruit interfusus in arcem.  
 Ac veluti solers si quando texuit auceps  
 Alitibus fraudem, densaque in sepe canoram  
 Occuluit volucrem, quæ cantibus aëra complens  
 Dulce melos iterat, sociosque in frondea texta  
 Allicit, inque dolos: accurrunt illicet illi  
 Fœmineo acciti cantu: rapidoque volatu  
 Spontè dolos subeunt, vitamque in vineis ponunt.  
 Haud aliter maculosa Scari ut venere sub antra.  
 E quibus ignari superas se mittere ad auras,  
 Venanti stant præda: cavo qui lætus ab alveo  
 Educet dextra pisces, cistamque replebit.  
 Quin etiam vel musca Scarum trahit una: tenaci  
 Illam fige hamo, & pelago jace, namque reducet  
 Captivum tibi capta Scarum. Sed candida lacte  
 Sepia deproperat, quam non tibi vimina septi,  
 Ut capias oneranda, mari nec lina profundo  
 Demittenda; suo quoniam capiendi furore,  
 Quo flagrat infelix, ultro venit obvia. In undas  
 Devincta è curva laxetur fœmina puppi.  
 Haud mora, conspecta properabunt cominus, & se  
 Implicitæ circum gyris glomerantur amicam.  
 Ac veluti innuptæ longo post tempore quando  
 Absentem rediisse patrem videre puellæ,  
 Occurrunt lætæ venienti, & brachia tendunt  
 Colla per, & charos humeros, & mollia libant  
 Oscula; sic teneris illæ complexibus hærent,  
 Quas tu vel dextra capies, piscator, amica.  
 At quia difficile est, medias ut viva per undas  
 Sepia de puppi filo devincta trahatur:  
 Populea idcirco mirâ confingitur arte,  
 Quæ veram forma referat, niveoque colore,  
 Innoctuntque duo vitri fragmenta corusci,  
 Clarior ut tremulo splendeat lumine Lunæ:  
 Utque mari credunt, chrystalli lucida fundo  
 Obvertunt fragmenta: procul quo lumine viso,  
 Accelerant sponsi cursum: vicina tenentes  
 Piscator circo citus apprimat: excita vitro

Tom. II.

Vu

Nam

Ut aves ad ferream  
 cistam.

Capiuntur etiam  
 musca in hæta hamo.

Qua arce Sepia tal.  
 latur,

Cujus mirus in  
 conjugem amor.

Animadversio ne  
 felicior alius succe-  
 dat. Accipit à Taren-  
 tinis.

Nam si populeam conspēctet Sepia fraudem,  
Continuò fugiet numquam capiēda. Sed illa  
Inprimis sit cura tibi, venator, habēda,  
Nimirū Luna venatum exire nitenti,  
Certius ut nitido discernas lumine veram.

Quo tempore Se-  
piam piscatio.

At quo Signiferi veniat sub sydere major  
Captura, expēdiam paucis: cū portitor Helles  
Surgit ab Oceano stellato in vellere fulgens,  
Et cū vicinus prætendit cornua Taurus,  
Vere novo (nam vere ineunt connubia) prædam  
Quæsitum venies tranquilla per æquora: verno  
Vimineis illas venari tempore nassis

Alus aliter illas de-  
cipiendi.

Sæpè potes, viridi nassas si fronde myricæ  
Aut crebri frutices, densusque oleaster obumbret;  
Namque dolos subeunt virides, & fronde sub ipsa  
Mutua connubia, & dulces celebrant Hymenæos.  
Donec captivæ in siccam ducantur arenam;  
Vitæ ubi jam miseræ, cessantque cupidinis. O! qui  
E patriis egressus aquis per litora repit;  
Inque oleas inter intendit? vestigia nosco,  
Cirratasque manus. Mira natura sagaci  
Indidit ingenium Polypo, qui litora saxis  
Dura tenet, Cæloque interdum gaudet aperto.

Mirus illius in oleæ  
amor. Aliant, &  
Uppianus.

Ardet amans oleam, glaucæque cupidine frondis  
E patriis periturus aquis emergit ad anras,  
Arboris infano (mirūm) torquerier igne,  
Et desiderio rami, cui pectore nullus  
Sensus inest, dulci nec responsurus amor est.  
Sed quæ non miseros cogit malefana cupido!  
Frigida sæpè, fera, & quæ non pateremur, amamus.

E mari egressus in  
oleam ascendit.

Quà refluos juxta fluctus, & litora propter,  
Palladiæ surgunt oleæ, baccisque renident,  
Osmylus arcano ruit irritatus ab æstro.  
Ac velut obliquos gressus, & lustra ferarum  
Per juga vestigant rapidi sylvestra Molossi  
Nativis acti stimulis, & naris odoræ  
Indicio, & damam, cum jam tenuere propinqui,  
Dentibus appendunt subiti, stringuntque tenaces.  
Non aliter glaucam Polypus deprendit olivam,  
Quoque loco vireat: vitroque è Tethyos alvo  
Emergit lætus, siccisque obrepit arenis,  
Dives ubi baccis splendet ramus olivæ.  
Et cū jam truncum propior successit, amicâ  
Ingenti exultat studio radice potitus:  
Et tenet, & circum sese convolvit in orbem.

Par-

Parvus uti puer advenientem rure paterno  
Nutricem petit, expansisque amplectitur ulnis.  
Hinc sursum prætendit iter, ferturque sub auras:  
Calyculis fixusque tenacibus herbida serpit.

*Perque ramos læ-  
tus obrepit.*

Perque comas oleæ, viridique in termitè gaudet:  
Atque hunc nunc ramum, nunc & complectitur illum.  
Ceu quis ab externa in patriam Tellure reversus  
Una omnes ipso collectos limine amicos

Excipit, inque ruens gremium circumfovet omnes,  
Ac velut implicitæ, crebroque volumine quercus  
Per medias serpunt hederæ, lætæque per omnes  
Extensæ ramos ima ab radice plicantur:

Sic glaucam Polypus oleam strictissimus ambit:  
Lætaturque sacro sub palmite. Tardus ad undas

Hinc se deducit patrias expletus ubi omnis  
Palladiæ jam frondis amor, pelagoque quiescit.

Hunc morem Polypi edoctus, piscator, olivæ  
Innectes ramo plumbum, mittesque sub æquor.

*Hinc olea capitur.*

Affurget sacræ conspecta fronde Minervæ  
Confestum ex imo Polypus, sustuque tenaci  
Apprendet prædam lætus, mox præda futurus:  
Scilicet è medio tolles si gurgite ramum:

Quem non dimittet, pereat licet, usque canistro  
Quo positus, charo linquet sub termitè vitam,

Non aliter peregrinus agit trans æquora Sargos,  
Seù sit amor, mentisve furor. Verum est amor omnis  
Vel dulcis furor, aut captæ fallacia mentis.

Hi teneras miro sectantur amore capellas.

*Mirus Sargorum  
amor. Idem Anthores.*

Quis credat? socio discordes fœdere gentes

Jungit amor, surdosque vocat ad litora pisces.

Ergo ubi sylvo descendit vertice montis,

Inque sinus, & curva greges ad litora Pastor

Pressat agens, vitreo loturus flumine Capras,

Sol inclinato cum jam temone rubentes

Pingit aquas, nimiusque Canis deserbuit æstus.

Ut simas rancæ balantes voce capellas,

Acepiuntque sonum pastorum, sive cicutam

Aure bibunt, medio properantes gurgite Sargi,

Ad litus denso festinant agmine cursum.

Exiliuntque mari celeres, fusique per actam,

In teneras miscentur oves, saltuque petulco

Lascivos agitant lusus, festasque choreas.

Interea non visa stupet miracula pastor:

Piscis & ingenium, & mirum miratur amorem.

*Ad litus narrant  
caprasque excipiunt.*

At non invitæ excipiunt squamosa capellæ

Agmina, nec vitreas sentiunt spectare choreas.  
Sed non lætitiæ Sargis modus: humida jactant  
Corpora ludenti similes, risuque petulco  
Oscula lanigeris libant furtiva capellis.  
Non tantum caulis inclusi matribus hædi  
Assiliunt, circum distenta per ubera fusi,  
Cum pingues sero redeuntes Vespere pastu,  
Accipiunt gestu læti, plausuque coronant.

Verum cæruleo lotas de sumine capras

Abeuntibus mox  
capris, dolent.

Pastor ubi jam serus agit, pro mira cupido!  
Lugentes denso capras tum pone sequuntur  
Agmine, quæque valent mæsti dant signa doloris,  
Ut calido pisces rorari sumine credas.  
Neve sequi cessant, ni cum venere natatu,  
Litus ubi placido ludentem Tethya risu  
Accipit, & refluxo cautes à rore madescunt.  
Ceu cum mæsta virum patria Tellure per altum  
Insequitur conjux abeuntem, atque ultima dicit,  
Multa gemens, largoque humectat lumina rivo.

At miseros tamen hæc Sargos insana cupido  
In fraudem trahit, & nimius nece plectitur ignis.  
Ergo peregrino pisces in amore furentes

Hinc quo astu ca-  
pianant, & cæca.

Hoc tu decipies astu, piscator: ovilla  
Pelle tuos operi, mos ut pastoribus, artus:  
Et gemina in geminis mox tempora cornibus apta?  
At prius è Cerere, & caprino viscere pultem  
Conficies, cui gratus erit pinguedine nidor.  
His æstis, viridi florentes germine cautes,  
Et quæ turrito consurgunt vertice juxta  
Litus, & aurato splendescunt lumine Solis,  
Quasque inter medio Tethys perlabitur æstu:  
(His etenim Sargi scopulis, & lumine gaudent)  
Nudus crura pete, apricoque cacumine sive,  
Hinc hamo affixam duro da piscibus offam.  
Confestim pelago revocabit ab usque profundo  
Gratus odor Sargos, mentitaque signa capellæ.  
Qui vitreo circum lusu, festoque natatu  
Ignari accipiunt hostem, plauduntque rapinæ.  
Assultantque alacres, & amicæ viscera capræ,  
Ore petunt, avidique bibunt cum fraude venenum?  
Atque infelices transixi guttura, tandem  
Pro Pastore lupum pellita in veste latentem,  
Pro tenero durum deprendunt viscere ferrum.  
Ocyus abducto tremulis è fluctibus hamo,  
Divite tum præda gaudebis Olympice: & omnes

Fortu-

Fortunata tuos scindet captura canistros;  
 Si velox operi incumbas, fraudesque dolosæ  
 Ignaros lateant pisces; si forte dolum quis  
 Percipiet, cuncti fugient, nec saxa, neque ulla  
 Amplius affectant elcas: odere capellas,  
 Atque cibos odere, & aprici litoris oram.  
 Usque adeo violata fides se vertit in iram,  
 Inque odium desceſcit amor: sed jam dolus alter  
 Insequitur, cautos possis quo fallere Sargos:  
 Et miseris amor ipse doli fabricator. Aperto  
 Lumine dum verno splendent tempore Soles;  
 Purpureusque calet sanguis per viscera, & omne  
 Alituum, pecudumque genus, turbæque natantum  
 Nativis intus stimulis, atque ignibus actæ,  
 Et desiderio prolis connubia quærunt,  
 Tunc non æqua mares exercent prælia Sargi.  
 Quique alios vitreo confregerit æquore victor,  
 Gallus uti, cunctis hic vir præponitur unus:  
 Fœmineoque præest cœtu, quem caute reposita  
 Occulit, æquoreis circum qua frondibus ingens  
 Lentiscus floret, vel odoro germine muscus.  
 Quæ cum sic habeant sese: de vimine textam  
 Has inter petras florentes occule nassam,  
 Atque aditum viridi myrto, laurove corona.  
 Nam postquam bello victor, prædaque potitus,  
 In scabrosa gregem compellit saxa, dolosa  
 Conspiciens sub fronde domum viridante cavatam,  
 Illuc fœmineum deducet nescius agmen.  
 Hoc subit: ipse fores custodit, & inter amicas  
 Non aliam sinit ire marem, sed territat omnes  
 Horridus aspectu: cum jam tentoria Nymphæ,  
 Implexosque dolos petierunt, ultimus ipse  
 Ingreditur, visitque specus lacrymabile Ditis.  
 Ac velut ad caulas, cum deserit Hesperus Octam;  
 Lanigeri rediere greges: stat limine pastor,  
 Et numerum censet venientum, & singula lustrat:  
 At postquam immisiss plenum est præsepe capellis,  
 Ultimus ipse subit caulas, atque ostia claudit:  
 Sic ubi fœminæ nassam subire cohortes,  
 Insilit ille, suo infelix periturus amore.

Nunc age, jam pernix hamo fallendus, & astu  
 Hippurum properat chorus omnis. Inania ponto,  
 Quæ fluitant fragmenta ratum, quas horrida nimbis  
 Tempestas disjecit, & æquore sparſit aperto,  
 Hippuri inquirunt alacres: inventaque ligna

Detecta fraude, su-  
 giunt, numquam sal-  
 tendi.

Alter dolus quo  
 decipiantur.

Et quo tempore;

Sargorum bellum,

Ælianus, & Oppia-  
 nus.

Hippuri piscatio;

Ut Rarum fragmen-  
 ta quærunt,

Agmine

*Eut capiantur.*

Agmine sectantur denso : si dicta circum  
Miseris, extemplo turba potiere frequenti.  
Sed tibi ne veniat prædæ tam dira cupido,  
Ut levius periisse feras Aquilone carinas.  
Hanc maris undisoni, & Cœli pia numina pestem  
Navibus avertant, & amica luce benigni  
Tyndaridæ: tranquilla rates per cærula currant,  
Et semper ventis sinuentur lina secundis.

*Falluntur fascibus  
vimineis, quos amat.  
Citati Auctores.*

Quare alios meditare dolos, quibus humida fallas.  
Agmina, turritæque secant placida æquora pinus.  
Fragmento è multo tabularum, aut vimine fascem  
Vorticibus super imponas, quem pendula subter  
Saxa trahant, unaque vadis agitentur aquis.  
Hippuri ad notas imis è fluctibus umbras  
Ilicet accurrunt læti, densique residunt  
Fasce super viridi, atque umbra potiuntur opaca.  
Tum ferro citus accurres, escaque dolosa:

*Fr Pompilus sub  
Cymbæ umbra.*

Ignarosque neci dedes. Sub imagine Cymbæ  
(Namque olim piscator erat) hoc Pompilus astu  
Fallitur, & Sortem rursus sibi sentit iniquam.

*Quo loco, & astu  
Anguillæ capiuntur.  
Oppianus.*

Disce, puer, molles sinuosi ad litoris oram  
Turrito insidens saxo, vel in arbore longa,  
Quam crebrò excussam vectarunt flumina Coris,  
Anguillas extis immisso occidere vento.  
Pinguia caprarum, cubitisque extensa quaternis  
Intestina mari demitte, orique supremo,  
Quod teneat tibi, dextra, puer, prius inferre frustum  
Non longum calami. Conspectis ilicet extis,  
In prædas Anguilla fame ruet acta voraci:  
Apprendetque leves hamatis dentibus escas.  
Intestina peti cùm senseris, illa tument  
Protinus ore cava replebis arundine vento,  
Anguillæ in fauces qui cùm pervenerit, omnes  
Confestim prohibet vitales ætheris haustus,  
Seseque intrudit violentus: at illa tumescit,  
Et satura infelix aliena deperit aura.

*Ut à Britannis  
fallantur.*

Fallere si cupies hamo, lumbricus adunca,  
Vocalisve tibi figatur cuspide rana.  
At magnum Baravis capturam terreus affert  
Lumbricus, multos glomerato colligit orbe  
Piscator, noctisque udo sub sydere subter  
Mittit aquas, subitæque leves ad pabula currunt  
Anguillæ, & teneros complexæ dentibus angues,  
Sese ipsas, læto dum gaudent, viscere perdunt.  
Sed Mamertinà qua nunc venaberis acta

An-



Anguillas hastu, puer, accipe: Creber ad undas  
 Ionias devexus, aquisque uberrimis amnis  
 Extremo passim præterfluit Apennino:  
 Inque Thetin trahit Anguillas, quæis divite vena  
 Rhegini pinguent amnes, & amœna fluentia.  
 Hæ sæle cæruleo, spissaque uligine ponti  
 Ubere pinguescunt læto, dulcique sapore,  
 Quo vel Chaonios pullos, & Phasidos ipsas  
 Laudatas Grajo vincant sermone volucres.  
 Jam verò instructus cono Sicana subito  
 Litora, ubi molles (1) Apyreni crebrius errant.  
 Nam Sicula, ut perhibent, per saxa frequentius atrum  
 Attondent limum, & refluïs lactantur ab undis:  
 Hesperium raro lustrant latus, unde profectæ  
 Trinacrios prono subjerunt flumine fluctus.  
 Atque udo quoniam somnos in litore carpunt;  
 Quæsitum prædam venies, cum sydera Cælo  
 Labuntur, tacitoque volat vaga Delia curru:  
 Et tædam tibi læva feret: pes unus & undas  
 Vix ciat, & tacitus vix supprimat alter arenas.  
 Utque soporatum deprendis lumine, circum  
 Desuper impone, & dulces una excute somnos.  
 Namque excita sono, facibusque exterrita textum  
 Anguilla in conum fugiet peritura: cavato  
 E trunco capies astu, piscator, eodem.  
 Sæpè etiam poteris dentato figere ferro.

Freii Siculi An-  
 guilla optima.

Ut illas piscentur  
 Siculi.

Nunc age, torrentes inter, rivosque sonantes  
 Pinguis ubi Anguilla, & sæcundo nascitur ortu  
 Plurima, qua solers fallas, puer, arte, docebo.  
 Arboreis hinc inde comis, seu vimine denso,  
 In medio geminas attolles flumine sepes,  
 Quæ se inter spatio distent majore superne,  
 At stricto inferitis cœant mucrone, ubi textu  
 Compactam tenui excipulam, nassamve locabis:  
 Nam cum devexo descendunt fluminis alveo  
 Anguillæ, pleno replebunt agmine cassẽm.  
 Non tamen id te prætereat, purissima longo  
 Principio turbanda tibi sunt flumina conto.  
 Nil puris piscamur aquis: dant turbida prædam  
 Flumina. Sed, Cæli veniat quo sydere felix  
 Expediam, captura. Cavis da flumina nassis,

Quo pacto excipulis  
 capiuntur in fluviis.

Quo tempore ube-  
 rior proveniunt.

At-

(1) Anguillæ exosses, quæ loco spinæ cartilaginem ha-  
 bent, camque teneram adco, ut in cibos etiam appetatur.

Attolluntur aquis cùm Plejades Atlantæ:  
 Aut cùm se vitreo redeuntæ amne recondunt:  
 Nam tunc cæruleo turbato è gurgite limo,  
 Infincerus aquis decurrit in æquora rivus,

At quoniam celerem falsa de Doride cymbam  
 Egimus, & dulces fluviorum currimus undas,  
 Non te, Trutta, sinam rivis impune vagantem.  
 Autumno, molles dum prestat vinitor uvas,

Autumno Trutta  
 fortificatur.

Et qua tunc arte  
 perquisantur.

Ut manibus à Bri-  
 tannis capiuntur.

Cùmque frequens captura; vado suevere sonanti  
 Exiguas aperire scrobes, quibus humida ponunt  
 Pignora, dum radio fulget Lucina benigno.

His igitur scrobibus tenera cum prole latentes  
 Fulgentem referens tædam, sub nocte profunda  
 Aggredere: astutum stupefactæ lumine Truttæ  
 Immotæ caveis hærebunt: tu citus arma  
 Expedies, stolidasque neci da plurimus. At cum

Sese jam dubiæ rupere crepuscula lucis,  
 Ales & invitat cantu cristatus Eoum,  
 Dite domum præda venies. Divisa Britanni,  
 Qui trans Oceanum, gelidoque locata sub Axe  
 Regna tenent, manibus Truttam de flumine carpunt,  
 Dum se fluminæ condunt radicibus alni,  
 Aut virides inter salices, cannasque palustres.  
 Paulatim digitis piscator molliter alvum  
 Defricat, & sensim palpando repit in ipsas  
 Cæruleas branchas, subitusque apprehendit; & illa  
 Blanditiis decepta viro sit præda Britanno.

Muscas amant,  
 Gesnerus.

Auro etiam ve-  
 scuntur.

Constita falluntur  
 musca.

Ut Thymallus.  
 Gesnerus.

Præterea miro muscæ capiuntur amore  
 Pellestæ radiis, & versicoloribus alis:  
 Idcirco per summa volantes flumina muscas  
 Venari Truttis amor est: quas vescier auro  
 Interdum perhibent, roseumque inhiare colorem:  
 At quia punicei pariter cum luce rubores  
 Disperunt, cassas oderunt lumine muscas.  
 Idcirco rosea muscas effingere lana  
 Proderit, & virides gallorum adnectere plumas,  
 Aut pictas auro paleas, seu lucida Serum  
 Vellera, & efficta ferrum celare volucris:  
 Nam sic mentita captibus imagine Truttas:  
 Et viridem læro capies Semptembre Thymallum;  
 Namque etiam muscas perhibetur amare Thymallus:  
 Non secus Austrini currunt qui cæcula Nerei,  
 Ingentes fallunt Amias, quæ Doridos Afræ  
 Regna secant alio Mundi projecta sub axe.

Illis, ut perhibent, amor unus, & una cupido

Summa per Oceani volitantes æquora (1) pisces

(Qui cyncos alis, cyncnos candore laceffunt:

Et si vocales potuissent vincere cyncos)

Venari, captisque frui felicibus eis.

Tales idcirco fingunt mentita volucres

Corpora, quæ puppi ferro defixa redundo

Appendunt. Amicæ conspectis ilicet ollis

Accurrunt alacres, captæque cupidine prædæ

Veloces ipsas resequuntur ad usque carinas:

Ficta ubi pennati capiuntur imagine piscis.

Sed neque, (2) SANBLASIDÆ, fileam felicia (3) Crathis

Dona tui, Truttas: nec qua piscator amicam

Arte tibi Calaber prædam petit. At mihi carmen

Suffice, namque potes: felicior indita quando

Vena tibi, nostrisque volens da rebus honorem:

Dum te Crathis habet regnata ad flumina, & ipsæ

Inter læta tibi properant convivia Truttæ.

Auratis distincta notis, & viscere dives

Trutta fecat flavo currentem flumine Crathin:

Puniceis & aquis, & fulvo pascitur auro,

Idcirco vivo per tergora fulgurat auro,

Sudaque cæruleo radiat velut æthra colore:

Hanc ut Piscator comprehendat, flumine vallum

Excitat à saxis, ripamque extendit ad ipsam,

Qua fluit obliquus, retròque revertitur amnis:

Hic placido velut in portu tranquillior unda

Sternitur: inque illum fluvio obluctata recurrit

Trutta sinum: ferro quam mox Piscator acuto

Sive manu, linove capit. Per flumina calcem

*Tom. II.*

*X x*

*Dis-*

*Tachardus in itinere Indico.*

*Ad Sanblasidem apotrophe.*

*Crathis Trutta.*

*Ut illas piscentur Calabri.*

*Utiq; calce stupescunt capiantur.*

(1) Pisces ex Hirundinum genere, qui anseris magnitudine, cyncnis rostro, & colore similes circa ultimum Africae promontorium, nobis Acronoton, vulgo *Bona Spei* dictum frequentes sunt, ut ad Brasiliæ litora; imo & in toto Atlantico mari. (2) Ignatius Sanblasius, & generis splendens, & literis conspicuus: nec non & Latinis, Hetruscis, Patriisque Musis facundus: ab hoc Vates Consentiæ primum, cum junior humanis literis juventutem erudiret, mox Neapoli severioribus addictus studiis, summis beneficiis affectus est: idcirco hoc grati animi monumentum, quodcumque sit, posteritati ponit. (3) Calabriae fluvius Consentiæ interfluens, cujus aqua loti flavent capilli: cujus & uberrimæ Truttæ sunt.

Dispergunt alii: qua Truttæ protinus istæ  
 Dispereunt, cassæque super nant lumine rivos.  
 Calcis odor Truttis gravis est. Sed amica canentem  
 Vulturni ad virides compellant flumina ripas,  
 Et pingues Capuæ campi, collesque Typhatæ,  
 (Partheniis quondam statio dilecta Camænis)  
 Et Majo captare graves hortantur Alaufas.  
 Has, puer, excipula primùm venare capaci,  
 Aut nassa. Texto sed si comprehendere lino  
 Mens avet, expediã paucis, artemque, modumque.

Quo tempore, quo-  
 ve modo Alofæ ca-  
 piantur.

Machinæ descriptio.

Principio geminos, curvosque adnecte tigillos,  
 Inque crucem compone, quibus sit desuper alter  
 Adnexus nodo medius, truncoque revinctus  
 Transverso: in longum, qui parte extenditur illa;  
 Quæ ripa firmatur, aquis quâ mergitur udis,  
 Illum fune liga & paxillum fige virenti  
 Marginē, vel medio surgit quâ flumine vallum:  
 Machina cui nexu sociatur nobilis arcto.  
 Quatuor extremis tignorum adstringe quadratum  
 Mox linum, puer, & gemino duo cornua fune  
 Ultima devinci: paloque crepidine fixo,  
 Extensos religa funes, qui retia firmant.  
 Ergo ubi piscatum fluvio descendis, in undas  
 Retia mitte, puer, iuxtaque in lindre sedebis,  
 Aggere vel medio valli: lorumque teneto,  
 Machina quo trahitur, & quo demittitur alveo.  
 Cumque gravem prædâ cassem deprendis, in altum  
 Attolle, & captam textu citus arripe Thrissam.  
 Demittes iterum mox retia. Verùm age fluctus  
 Æquoreos pronò rursus torrente petamus:

Amthiarum pesca-  
 tio.

Tempus & Anthieon mirandos dicere mores,  
 Et qua fraude Cilix, celebrem qui navibus urbem  
 Corycium (1), clarique tenet (2) Sarpedonis actam,  
 Et scopulos qui lustrat odoriferos (3) Elæusæ,  
 Non uno pictos comprehendat flore natantes.

Ut dociles primam  
 reddantur.

Principio vivis resonantia saxa cavernis,  
 Et latebra observat piscator scissa frequenti,  
 Quæ circum læti cursu Callichthides errant:  
 Huc agit ille ratem de litore: & orbibus altum

Fa-

(1) Vulgo *Churco*, dicitur etiam *Corycus*, urbs Siciliæ,  
 quæ Barbaris dicitur *Caramania*, patria Oppiani.

(2) Promontorium Siciliæ propè ostia Calycadni.

(3) Insula contra Corycum quæ & Elæusia, vulgo *Corea*.

Fagineis ciet illiſſa de puppe fragorem:  
Quo piſces gaudent ſtrepitu, ſubitiquè recurring,  
Et circum turba lintrem glomerantur ovanti.  
Haud mora, vir Percas, nigroſve in cœrula Corvos,  
Pabula grata, jacit, primùmque his fallitur hoſpes  
Muneribus: vorat ille doſoſam dentibus eſcam,  
Et decaptoru riſu blanditur amico.  
Id facit aſſiduè veniens ad ſaxa: neque unquam  
Intermittit opus, nec pabula ceſſat aquoſis  
Hoſpitibus præbere: citi qui gurgite ab alto  
Accurrunt, noto veluti reſtore vocati.  
Non ſcopulos quærunt alios, non paſcua; ſedem  
His certam fixere locis: velut inter ovile  
Hyberno claſſæ ſtabulantur tempora capræ.  
Ergo ubi pernici proſpectant abiete cymbam  
Eminus altricem properare à litore, ponto  
Conſeſtim ex imo ſurgunt, cœtuque frequenti  
Accurrunt hilares venienti, & per vada ſumma  
Nutrici applaudunt choreis, feſtaque corona.  
Ac dulcem veluti pullis implumibus eſcam  
Garrula cùm Zephyri, & prænuncia Veris hirundo  
Deveſtat: nido conſurgunt ilicet olli,  
Atque leves fundunt voces, plauſuque parentem  
Excipiunt, roſtroque petunt de divite prædam.  
Haud ſecus in media faciunt Callichthides unda;  
Cùm properat piſcator, opimaque fercula veſtat.  
Hic manibus mulcet blandus, palpatque natantes,  
Et docet oblatiſ animos miteſcere donis:  
Et parent illi faciles, & juſſa capeſſunt:  
Obſequioſa duci velut agmina: quæque jubebit  
Vertere ſe, celeri certabunt ire natatu.  
Hos ille in puppim contendere præcipit: illos  
In proram: reſuiſque alios ſuccedere ſaxis:  
Ante ſed hos cymbam conſiſtere: Protinus omnes  
Aſpiciet, veluti pueros, dum membra palæſtris  
Exercent, pronos noto parere magiſtro.  
Aſt ubi blanditiis docti auſcultare vocantem,  
Atque ætate graves, niveoque abdomine læti:  
Tempus & impenſum quaſtu relevare laborem:  
In ſuſſus ſaxum vir projicit: ilicet omnes  
Ore petunt prono fundum, prædamque requirunt:  
Nam prædam de more putant: tùm deſuper unum  
Quem grandem puer, & felicem ſumme vidit;  
Stare jubet, Percaque latentem porrigis hamum.  
Anthias in noxam ruet ocyor: ille ſed unicum

Extrahit, & præda gaudet festivus adepta.  
 Sic reliquis potietur, erit si callidus astu,  
 Et citus educet medio de gurgite ferrum:  
 Nam si forte dolum deprenderit unus, ibi omnes  
 Effugiunt, scopulosque odere, & pabula, & undas,  
 Et fraudem piscantis. Age te bella docebo,  
 Grata magis si bella, brevemque impendere curam  
 Præstiterit. Geminò ferrum mucrone rigenti  
 Expedies, validoque ligabis vimine ferrum.  
 Inque lupum medio pinguem mucrone locato,  
 Qui tibi vivus erit: fuerit si mortuus, ori  
 Suppones plumbi cubum (cognomine dicunt  
 Delphinum) sic ille caput demittere pronum,  
 Et similis vivo poterit nutare per undas.

His actis, ubi conspectâ de gurgite præda,  
 Anthiæ ab Oceano consurrexere frequentes,  
 Tunc socios celerare fugam, sensimque reduces  
 Ipse manu funem: confestim ponè sequentur  
 Spe prædæ, & celeri sese prævertere cursu  
 Certabunt squamosa manus: velut æquore aperto  
 Festinant læti juvenes contingere metam.  
 Quem nitida ardentem squama, & pinguedine latum  
 In ventrem, puer, aspiciens, comprende dolosis  
 Artibus, hamatam demittens fluctibus escam.  
 Ille avido bibet ore necem: sed protinus hamo  
 Ut se discerpi sentit miser, æquore toto  
 Indignatus agit magno stridore procellam:  
 Et furit, & bifida discindit marmora cauda:  
 Nititur inque imum descendere, vique rudentem  
 Scindere: tum socios jubeas incumbere remis:  
 Et quamvis stridat tibi tunis, & undique sanguis  
 Distillet, ne cede, trahitque è gurgite quantum  
 Vi piscis, contrâ è puppi tu nitere tantum.  
 Robore quò tandem domito, captivus ab unda  
 Concedat tibi præda. Sed ubere dives odoro,  
 Insignisque notis Aurata, & concolor auro  
 Piscantem vocat, & trepidis se subiicit alis.  
 Ergo pares ubi Libra diem partitur in horas,  
 Et juxta sequitur splendenti Scorpius astro:  
 Cumque æstu tumet æquor, & altius invehit undam,  
 Et simul aggestæ cumulos devehit arenæ,  
 Paxillos, veluti ramos, in litore fige:  
 Frondibus & lætis illos redimire memento.  
 His actis, discede. Novus cum desinet æstus,

Aster piscandi mo-  
 dus.

Auratarum pesca-  
 tio.

Quo tempore fiat.

Qua arte.

Imbelles feret Auratas, stagnisque remittet.  
 Hinc verò ut fugit, alternumque reciprocatur æquor,  
 Deserit in sicco nudatos litore palos;  
 Et restuens rauco frondes agit unda fufurro.  
 Territa quo mediis hærens Aurata lacunis,  
 Non audet patrio rursus se reddere ponto.  
 Tu trepidas invade, puer: his artibus omne  
 Squamigerum genus Arctoïis venantur in oris,  
 Quà crebrò fugiens cum Nereos unda refedit,  
 Piscator nudos miratur litore pisces.

Sed quo decipitur, quo se defendit & astu  
 Cæruleus contrà Passer, non carmine multo  
 Expediam: primò piscantem ut sentit, in imum  
 Gurgitis immerfus descendit, & hæret arenis.

Passeris astus.

(Terreus ipse color favet astu) & verbere caudæ,  
 Ne videatur, aquas perturbat: acerbaque vitat  
 Fata: puer tali contra sed decipit astu:

Qua fraude capiat.

Qua Tellus demissa ruentes æquoris undas  
 Accipit, & molli circum stipatur arena,  
 Ille hic, rancisonæ cum jam cessere procellæ,  
 Detumuitque vadum, pressis vestigia palmis  
 Imprimit, & foveas Telluri plurimus undæ  
 Altius insculpit. Vicino à gurgite Passer  
 Ut venit, foveis sese abdit: tutus & atrum  
 Attondet limum, roremque epotat amarum:  
 Mox inter somnum diffusus carpit arenam.

Tum vigil è specula puer advolat, & tenet illum:  
 Non aliter (1) Pseptas, & duris (2) aspera saxis,

Quæque rigent densis Rajarum (3) corpora spinis,  
 Visurosque ducum captant convivia Rhombos;  
 Plurima, quos Tethys dat Belgica, datque bicornis  
 Rhenus in Oceanum præceps quâ labitur, & quâ  
 Reddit aquas, urgetque ferox vicinia Scaldis.

Sed qua Loligo capiatur, fune sagittam  
 Contorto facies, cui crebros desuper uncus  
 Inter se adverso neçtes mucrone propinquos:  
 Pendentesque æris celabis lulide morsus.

Loliginis piscatio

Inde

---

(1) Alii Rhombum, alii Passerem ipsum faciunt: erit  
 fortasse ex illorum genere: nisi Psetta genus sit ad utrum-  
 que; nam ambo sub Psetta nomine sæpè veniunt: & Græ-  
 ci nostri temporis Rhombum Psettam vocant.

(2) Raja clavata, nostris Raja petrosa.

(3) Altera species spinosa, Raja spinosa.

Inde mari virgam suspende: voracior escam  
Dum capiet Loligo dolo capietur, acerbumque  
Haud equidem fugiet, quamvis sit pallida, Fatum?

Ejusdem altera.

Alter, oliviferas didici quem nuper ad oras,  
Optata dum pace fruor, Phæboque favente,  
Piscanti faciles veniunt ad carmina Musæ,  
En, puer, astus, erit multo qui fertilis usu.  
Populeum, parvumque prius compone cylindrum,  
Subter & incurvis munito plurimus uncis:  
Anchora ceu radiis circum stipatur: & illum  
Longior accipiat non uno linea nodo.  
Hinc ubi piscatum pelago procedis, agrestis  
Unge bovis multo tornatum abdomine lignum:  
Namque illecta rue, Loligo, istuque cruento  
Pulsa cadet, radios dum propter ludit acutos:

Hic etiam, dum saxa frequens muscosa pererro  
Et Sargorum alia.

Ingenuos inter juvenes, & frigora capto,  
Edidici, Sargos nautæ qua fraude requirant,  
Queis nostri à (1) strictis fecerunt nomina labris:  
Et labor est etiam jucundus, ut omnis in illo  
Exercere queat sese vir nobilis, oti  
Gaudia dum ruri liber genialia carpit.  
Non longam puer umbroso de vertice virgam  
Cædit, & alterutrum ferro caput armat adunco:  
Atque Aphyæ tegit æra: quibus sic ritè paratis,  
Undosus quærit scopulos, latebrosoque saxa,  
Quæ Sargi coluere: foramina perque canora  
Castidus intrudit virgam: quam Sargus hianti  
Dum citus ore petit, vivo de pumice currens  
Transfixus ferro capitur: lætatur & ille  
Se multum facili quæstum fecisse labore.

Si, piscator, Acos affectas fallere filo  
Ut Acus bovum  
exis capiantur.

Intestina bovum pro ferro mollia vinci:  
Extæ Sndes quoniam perhibentur amare: sed illis  
Ut dente avidæ morfu fixere tenaci,  
Haud faciliè removere queunt, cum protinus alto  
Piscator tremulam tollit de gurgite canham.  
Palladis ad rupes hac fallunt arte frequentes,  
Qui Lubræ montana tenent, Pollicue recessus,  
Et qui Teleboùm pictis vicina phæelis  
Salsa fecant: generatur Acus quæ plurimus undis  
Grandis, odore fragrans, & viscere dives opimo.

In-

(1) Altera Sargorum species, quos nostri à strictis labris  
appellant *Saraco*, & *Sargo stretto*.



Interdum tantæ molis crevere (1) Belonæ  
 (Usque adeo fecundus aquis Neptunus) ut ipsos  
 In Gladios mucrone ruant, cædemque minentur.  
 Dum Surrentinis felicibus otia campis  
 Lætæ traho, Cæloque fruor simul æger aprico:  
 Mane levi cymba cum litora propter amœna  
 Ducentes socio ducentia retia pisces,  
 Dyctia post filum Nereo venientia mitto:  
 Si fors Mænarum Dentex correptus amore,  
 Aut Synagris, Sargusve hamis occurreret uncis.  
 Vix dederam: medio trepidare in gurgite suber  
 Aspicio: feror extemplo, restimque reduco.  
 Principio longum paulatim surgere truncum:  
 (Namque videbatur rostrum ceu truncus) & illum  
 Conviciis dum fector, aquæ fremere undique circum  
 Incipiunt, restimque trahi: tum plurimus ad me  
 Vi retraho, sociumque voco: citus ille tridentem  
 Acer agit venator: Acus transfigitur ingens.  
 Qui nî tunc subito cecidisset saucius ictu,  
 Vertissetve mari lintrem, funemve secasset.

Acus mixæ magni-  
 tudinis capta.

Sit quamvis toto semper laudandus in anno  
 Mollis Acus, tamen Autumno dulcissimus ille  
 Venatus quando pariter Loliginis uber.  
 Tempore quo patriam non quisquam durus in Urbem  
 Me revocet, clamosa silet dum Porticus, & dum  
 Annua recessus Mûsæ solennia poscunt.  
 Est nitidæ quæis urbis amor, gaudentque tumultu,  
 Tecta colant augusta, foroque licentius errent:  
 Et bibulas vanis pascant rumoribus aures.  
 Quique vaporiferi per rura ambusta Vesevi  
 Degere amat, gestitque locis, turbaque clientum.  
 Solias (2) hunc habeat nigris circumfusa lucis,  
 Et cœtus hilares sociorum, & jurgia (3) Pontis.

Quo tempore Acus,  
 & Loligo capiuntur.

Me

---

(1) Eædem qui Aci Græca nomenclatura. (2) Rus Col-  
 leg. Neap. S. J. cui à Divo Sotio nomen, ad Vesuvii radi-  
 ces, quâ Nolam spectat situm: saluberrimi quidem cœli, fo-  
 lique feracissimi, ex quo generosissima vina, omnisq; gene-  
 ris fructus uberrimi proveniunt, inamœnus tamen, inele-  
 gans, atque inter densissimas populorum umbras, quibus  
 vites maritantur, penè consēpultus: quia verò à turbis fe-  
 motus, victuq; comparando opportunis annuis vacationibus  
 delectus. (3) Celeberrimus Sotiani pons, ex quo in hortum  
 descensus patet, in hunc socii confabulatum conveniunt,  
 eruditisque joci, jurgiisque, hilariores indulgent.

Matæ ad delubrum  
laus.

Me Sanctum Elysiū Lubræ, me collis aprici  
Prospectus, tepidæque juvent in vallibus umbræ:  
Me scopuli, argutumque sonant quæ litora fluxu,  
Udaque muscosis delectent rupibus antra.  
Hic pax, hic nivæ inculcata licentia vitæ,  
Et raros inter juvenes sincera voluptas.  
Nam me non animi spes vanæ, & inania vota,  
Nec favor instabilis vulgi, plaususque theatri,  
Nec fœda ambitio movet, urbanique tumultus.  
Gaudia pacis amo liberrimus: o! ubi, qui me,  
Lubra, tuum nemus, & felices sistat ad undas  
Regna (1) inter Sirenum, & fortunata Minervæ  
Culmina; dives ubi fastu Natura superbo  
Luxuriat, centumque simul miracula jactat.  
Illa hic omnigenis depingit floribus arva,  
Æternis colles oleis investit: & agros  
Vitibus, & circum pomis flaventibus ornat.  
Hic nitidis lætas fecundat piscibus undas:  
Litora prætexit scopulis, scopulosque virenti  
Gramine: & umbrosas in rupes excavat antra.  
Hic vitreis, rigisque recurrit fontibus: atque hic  
Perpetuò Cælum Zephyris vitalibus afflat.

Ubi sibi Vates orium  
optat.

Salve, ò læta parens pacis, mollissima Tellus;  
Deliciumque animi, & custos secura quietis,  
Solaque Pieriis domus opportuna Camœnis.  
Te, dum vitali gaudebit spiritus aura,  
Sancta colam Tellus Autumno divite, colles  
Cum gravibus læti ramis umbracula texunt:  
Cum placidi rident fluctus, & leniter auris  
Aspirant Zephyri, rauci post longa Lycæi  
Jurgia, donatus Musis, genioque paterno.  
Lubra meæ semper Musæ, pacisque sequestra:

O fortunati, quibus accidit illa voluptas!  
Nam seu per colles errent, & vertice ab alto  
Omnem regifico spectent Cratera theatro:  
Seu riguas inter valles, & opaca vireta  
Aucupio fallant volucres: aut fronde residant  
In viridi, fontes juxta, lapsusque canoros  
Aure bibant: vel manè citi per compita cursent  
Hortorum, & cujus quærant sint poma saporis:  
Sive coronatis perlustrent litora lembis,

Atque

(1) Surrentum, quod olim Sirenas tenuisse ferunt, unde  
& nomen accepit.

Atque leves capient Zephyros : vel piscibus uda  
Insidias de caute struant fallacibus escis :

Quæ non concipient felici gaudia mente .

Sed prius exhaustos cursu quam rupis ad umbram  
Ire canes , paulumque finem requiescere , aprici  
Miseni juvat in saltus penetrare repostos ,  
Dives ubi stat præda cavis conclusa lacunis ,  
At mihi tu dexter tanti sub fine laboris  
O adsis (1), THEODORE, novasque in carmina vires  
Suffice ; piscatum si quondam venimus ambo :  
Atque volens nostro favit Fortuna labori ,  
Venatumque Deæ cessere Lucrinides amplum .

Ad THEODORUM  
Apostrophe.

Hinc alta sub rupe , vagique ad murmura fluctus ,  
Et virides juxta scopulos convivia lati  
Struximus , Actiacis non aspernanda Camænis .  
Prima Palatini venere ad fercula Mulli  
Purpureo dites villo : post inde marinæ  
Perdices , Rhombique locum tenuere secundum :  
Flavus odorato medium sibi jure poposcit  
Scorpius , & caules immixti jure tenelli .

Elegantis prædii  
descriptio .

Hinc geminus Cerere incrustatus Mugil opima ;  
Et pinguis succo , cannaque insignis odora  
Expectatus adit : postremaque venit ab igne ,  
Igne ardens patrio , & nativo vivida fuco  
Aurata , & mensas est iussa præire secundas .  
Quas & odorifero Solenes jure madentes ,  
Ostreæque , & roseo pręgnantes ubere Echini ;  
Et Balani fecere : quibus dant ultima finem  
Ammericum latè spumantia pocula nectar :  
Atque peregrino mens ægra levatur odore .  
Nulla mihi , Musisque dies celebratior illa  
Illuxit : nec erit posthac felicior ulla .

Intereâ , quoniam labor instat , amica canenti  
Nominis aura tui , jussisque adhibilet orsis ;  
Claudere opus cœptum quo Vates possit oliva ?  
Haurit inoffensus ubi stricta per ostia fluctus  
Lucrinus (2) , Milene , tuos , itagnisque remittit ,  
Piscator longos defigat gurgite palos ,

Ue in Lucrino pi-  
scis comprehendan-  
tur .

Tom. II.

Y y

Defin-

(1) THEODORUS Comes Barbovius vir factis , & genere il-  
lustris , summusque militiæ Præfectus : Lege Piscatoria nostra  
Ecloga XI. (2) Campaniæ lacus , in quem sinus Puteola-  
nus per Miseni portum influit , maxime piscosus , nostri quo-  
niam inerti aqua silet *Mare morto* appellant .

Desuper & seſto conſternat robore pontem,  
 Hinc ubi tempeſtas piſcatu prima refulſit  
 Opportuna ( Et erit tibi tunc, cū ſydere ab alto  
 Trojanus retrō juvenis craterē reſuſo  
 Decedit, Venerique locum dat habere ſecundum )  
 Ingreditur cū turba lacus ſquamoſa Lucrini:  
 Fœcundumque inter limum, cannaſque paluſtres  
 Luxuriat, pinguetque udum depaſta viretum.  
 Ut primū cœtu ſuſtus ſubiſſe frequenti,  
 Deſixos inter palos è vimine ſepes  
 Tum, puer, aggeſſo facies, aditumque recludes.  
 Nam mox in patrium cū pleno examine pontum  
 Incipient properare, tibi piſcoſa replebunt  
 Retia, vel naſſas, ſi tu piſcabere naſſis.  
 Exin pande fores diſſuta ſepe, cohortes  
 Ruſſus ut æquoreæ Lucrini in ſtagna recurrant.  
 Utque iterum petiere, lacu nodola recluſo  
 Si ſolves tua lina, puer, ſpolia ampla reduces.

Et ut in Argide  
 palude,

Non ſecus Armeniæ qui (1) ſtagna ſonantia circum  
 Rura tenent, piſces vicino è ſumine carpunt.  
 Montana de rupe ſluit pellucidus (2) amnis,  
 Qui longo anfractu valles emenſus opacas,  
 Immixtus liquida confunditur (3) Argidos unda.  
 In ſummis cum Vere jugis nix ſolvitur, & cū  
 Dives aqua, magnoque celer ruit agmine rivus,  
 Argi, tuæ linquunt tum (4) Chalcides antra paludis,  
 ( Chalcidibus forma ſimiles perhibentur, & oſtro,  
 Medorum qui ſtagna ſecant diſtiſſima piſces )  
 Denſiſque irrumpunt vicina in ſumina turmis;  
 Et pingui lætantur aqua, rivoque ſonanti.  
 Quadraginta vagis ubi Soles curſibus errant.  
 Ut ſtuvia ſquamoſa manus ſubit omnis, aquoſi  
 Armenus extemplo rivi puer oſtia claudit  
 Aggere vimineo, vel cæſa è fronde ſaliſti.  
 Inde lacus patriæ repetentes Argidos, ipſiſ

Edu-

(1) Armeniæ, Mediæque palus Argis diſta, Straboni Mantiana: nunc barbaris *Lago di Van* ab urbe, quam alluit.

(2) *Bœdmaci* incolis appellatur, qui in Argim ſe exonerat.

(3) Palus modo diſta. (4) Nonnulli Trichidas, & Sardas faciunt: ex quo genere ſunt, quæ exiccatæ ab Oceano Germanico devehuntur, vulgo *Sarache* diſtæ, hiſ ſimiles Mantianæ paludis piſces ſunt, ut reſert Tavernerius in ſuis itineribus.

Educunt fluvio palmis, plenoque canistro.  
 Et quamvis ingens frugis proventus aquosæ,  
 Vestigal nullum solvit gens libera; quando  
 Fas avidos quamquam vetat æs deposcere Thraces.  
 Namque olim Odrysius cùm cogeret æra tyrannus  
 Pendere piscantes, fama est, pro piscibus angues  
 Lina venenatos turbato è fonte tulisse.  
 Scilicet indignata parens Natura tributum  
 Solvere, quæ cunctis communia fecit, in angues  
 Chalcidas ire jubet, dominosque reppendit avaros.  
 Hinc ò vos avidi vestigal discite nullum  
 Ex his extorquere, quibus jus omnibus æquum est.  
 Sed jam venatu è multo revocare Molossos  
 Tempus, & optatam descendere rupis ad umbram.

Pisces præ avaritia  
 in angues mutati.





# HALIEUTICORUM

## LIBER QUINTUS.

**N**UNC age, piscosum solvamus in æquora linum  
 Euboicum juxta litus, dum murmure leni  
 Eorū aspirant auræ, nitidaque quadriga  
 Perlustrat rediens totus Sol aureus Orbem:

Ipsi & spumoso venientes agmine pisces  
 Invitant: flavoque nitens de vertice crine  
 Phyllis odoratam poscit pulcherrima prædam.

Hic ego vos, Nymphæ Craterides, hic & apricæ  
 Vos quotquot, Divæ, lustratis Olympidos oram,  
 Præsentem optarim, agilesque in retia, quando  
 Est opus hic vestro mihi munere; plena profundo  
 Dyctia ut ingenti possim deducere præda.  
 Nec labor iste, Deæ, vos dedecet, ipse sub actam  
 Nudus crura tenus si jam descendit Apollo,  
 Et tetigisse manu non pœnitet humida lina,  
 Astrigeras nitidi currus qua flectit habenas,  
 Quaque diem, lucemque regit, quaque aurea pulsât  
 Fila lyræ, & totum mulcet concentibus Orbem.

Quin & Pierides, Permessi fonte relicto,  
 Idem omnes simul ardor agit versare rudentes  
 Pro jaculis, nervoque, coruscantique pharetra:  
 Et picturatos pro damis figere pisces.  
 Quare agite, & vitreas alacres descendite ad undas;  
 Et mecum teneris adducite lina lacertis.

Vestrum munus, opusque, Deæ, sit præda, marinis  
 Quam vobis Neptunus avertit concedere sylvis.

Non uno quia capta perit gens squamea castæ;

Plu-

Plurimus idcirco labor est piscosa per alta  
 Cæruleas laxare plagas. Qui grandia versant  
 Dyctia, quique ingens soliti tractare Panagrum,  
 Hi per arenosos distendant linea tractus  
 Retia, sub cæco cautes ubi nulla Profundo  
 Personat, & rari frutices, algæque virescunt.  
 Ergo age, litoribus primo jam fune relicto,  
 Remigio petat altum, ipsaque è puppe juvenus  
 Vellera torta vadis, & retia rara, sinusque  
 Demittat: cursum mox circumflectat: & orbem  
 Circinet, alternum solvens in marmora cornu:  
 Inque sonora ferat postremum litora funem.  
 Hic aciem gemino pubes partita maniplo,  
 E lava, destraque valentibus humida palmis  
 Lora trahat, varietque vices statione frequenti.  
 At geminus vitreo madefactos rore rudentes  
 Excipiat, magnumque puer componat in orbem.  
 Alter at interea piscator retia circum  
 Lintre volet, saxisque frequens inclusa flagellet  
 Equora, squamosus quò grex exterritus æstum  
 Carceris in gyrum descendat, & intima castris  
 Lethiferi loca cæca petat, quæ nulla potestas  
 Intextos vitare dolos: cum denique litus  
 Prægravido, tardoque premit sinus ultimus orbe;  
 Cornua piscantes jungant postrema plagarum:  
 Et captiva alacres imponant corpora cistis.

Saxea si propter nodosum litora casslem  
 Demittis, duro ne murice lina secentur,  
 Litoribus procul ex ipso pontone reduces  
 Squamiferum multo gravitantia pondere texta,

Insper, ingentem laxas, si nauta, Sagenam;  
 Plurima Pelamydum qua perdas agmina, custos  
 Stet celsa sub rupe: citumque ut viderit agmen

Jam petiisse sinus, imo de gurgite tolli  
 Protinus in summum (1) muralia retia, longo  
 Quæ fixa hastili intersunt latus inter utrumque;  
 Imperet, & totum deduci ad litora corpus.  
 At propè raucifonam cum jam descendit in actam,  
 Nudus in undosum juvenis salis æquor acuto  
 Armatus conto veniat, cervice suprema

Primus piseandi  
 modus Panagro.

Secundus Sagenæ,  
 qua Pelamydes ca-  
 piuntur.

Cui

(1) Quadratum rete, quod inter duo cornua extensum  
 pisces concludit, ne dilabantur, fulcitur longa hasta, qua  
 hinc, inde elevata, rete attollitur.

Cui prius implicuit canentia lina : gregemque  
Urgeat instantem palo, quò texta subintret  
Ultima conversus lino grex territus albo.

Si levibus mutum jaculis (subit altera cura)  
Tertius per jacula.

Aggredièrè pecus, latè dum ròscidus Æther  
Sudat, & Eoa gaudent aspergine sylvæ,  
Expedies tua tela : greges ad pabula læta  
Mane ruunt, gratoque fruuntur rore petulci.  
At citus Oceano cum Sol emergit ab Indo,  
Sparguntur diversa vagi, latèque recurrunt.  
Sic bonus in prædam se matutinus agebat  
Battus, Olympiacos inter non ultimus : & quem  
Sanguine materno conjunxit Olympia Vati :  
Fecit & insignem piscatibus : ille nepoti  
Hæc olim recolens memini dixisse sub antro,  
Mergellina, tuo, sacros quàm sæpè solebat  
Synceri roseo Manes conspergere nimbo.

Et, puer, inquit, eris, cum creveris, alter ab illo ?

Quareus verriculo,  
scu Gangama.

At si (1) Verriculum tibi det, vel (1) Gangama quæstum :  
Piscatoris erunt quæ pauperis arma : profundos  
Adverso Manes cum Sol illustrat in Orbe,  
At soror in mediò nobis nitet æmula Cœlo,  
Conjugis amplexus divelle, casisque relictis,  
Gnatorum majore vago circumfona Nereo  
Litora confociatus adi, pennisque fugacem  
Piscatum impelles lintrem : medios ubi fluctus  
Cymba tenet, tum lora manu cita contrahè : pontoque  
Astitutum ex ipsa mittatur Gangama puppi :  
Vellus & in puppi quo post ducenda revolve :  
Inde ratem tonsis iterum pernicipibus urge.  
Namque retrò obrepens undosa per æquora ponti  
Ærato falx dente metet. fata Doridos arva,  
Squamosaque finum detonsa è messe replebit.  
Ac veluti varix non uno è semine fruges  
Quà surgunt, varioque nitent de caudice flores,  
Mixtum falce secat violas, & lilia messor,  
Atque crocum, atque apium, & ferrugineos hyacinthos.  
Non aliter Percas, & Iulidas, atque rubentes

De-

---

(1) Constat hujusmodi instrumentum semicirculo ligneo,  
vel ferreo, cujus acies interior acuta instar falcis : huic al-  
ter semicirculus rectus insistit ; utrique verò rete in con-  
formam adligatum est : similis machina describitur lib. VIII.  
cum de ostreis.



Demetet ore tibi ferrato Gangama Mullos,  
 Castaneasque (1), Onycesque, & mixtis ostrea Pinnis.  
 Cum puer insana procul urbe, gravique Lycæo  
 Otia materna captabam lentus in æsta:  
 Solus & Astiadas, Phæbo comitante, sorores,  
 Et vitam teneras Acheloidas inter agebam,  
 Nostris sæpè ratis fundantibus æsta lacertis  
 Innubi sub nocte, marique immissa profundo  
 Gangama, quæ plenas semper de gurgite prædas,  
 Ceu præfaga, tulit Vati celebranda futuro.  
 Ditia multigenæ sed postquam Tethyos arva  
 Orbe recurvato tenuaram plurimus, & jam  
 Lutea tollebat madidos Aurora capillos,  
 Lætior Astiacis referebam dona Camœnis,  
 Et tibi, Phœbe, pater, quem munere divitis undæ  
 Vel tunc posse capi didici: captumque per æquor  
 Ire plagis, calamoque vagas inquirere prædas.

Quo Vates se puer  
 exercebat.

Perge, puer, tibi non postremam impendere curam  
 Convenit, ut stabili liquidos (2) indagine saltus  
 Obvalles: multi pereunt hac fraude natantes.  
 Ergo mari cassem perlongum extende, patentes  
 Queis hiscant maculæ, medioque in gurgite linque,  
 Cum ferrugineus depingit Vesper Olympum,  
 Et venti posuere: ruent qui nocte sub alta  
 Per tranquilla plagis occurrent æquora pisces:  
 Et maculis intercepti, tua præda, manebunt:  
 Nimirum, roseo cum purpurat æthra colore,  
 Si vitreos Nerei saltus, cassemque revises.  
 At verò ut multum penset captura laborem  
 Largior, in virides demittes retia sylvas,  
 Herbosos juxta scopulos, & sicubi muscus  
 Subter olet, frutesque, & glaucis frondibus alga:  
 Namque illuc crebri venient ad pascua pisces.  
 Ignarique ruent in lina stataria: primo  
 Quos tu mane, puer, captos comprende. Sed artem  
 Accipe, disposito qua per discrimina crebro  
 Linea (3) fallendis armatur piscibus hamo.

Quintus piscandi  
 modus statariis ceteris.

Panacryri usus.

Ergo

(1) Echinorum species exiguae magnitudinis, qui & colore, & spinis castaneis persimiles sunt, atque ob id nostri *Castagrole* indignant. (2) Nostri hoc retis genus appellant *Rezze di posta*. (3) Hoc instrumentum nostrates vocant corrupto Græco vocabulo *Palanghisi*, quasi Panangyron; quia undique hamis munitur.

Ergo ubi prælongo radium de fune parasti,  
 Plurimaque è radio pendentia fila per æqua  
 Nexeris intervalla, gravesque appenderis uncas;  
 Suberibus multis illum munire memento.  
 Hinc cùm venatum petis æquor, acuta dolosis  
 Æra cæcis absconde, puer, radiumque resolve.  
 Hinc juxtà observans venientem ad pabula gentem,  
 Cum leve per summas trepidare frequentius undas  
 Aspicias suber, citius advola: & æquore ab alto  
 Duc radium Synodonte gravem, Mullove rubenti.

Et glomeris.

Interdum, ex acta socii dum texta reducant,  
 Ipse cito vectus post ultima retia, lentre  
 Piscibus interea sic insidiaberis unco.  
 Hesperos, Aphyasque, aut duro Mænidas hamo  
 Fige, marique illum revolutò (1) glomere, mitte.  
 Nam qui spe prædæ pisces post lina sequuntur,  
 Lætus inescabis. Surrenti nuper ad oras  
 Inque sinu (2) Colcmeli, tuo, dum grata labori  
 Otia cum nostro carpebam plurimus Antho,  
 Artibus his nitidum Synodonta, Orphumque fefelli.  
 Ast illud tibi præcipio, concessa furentis  
 Linea fortè feræ ne vi rumpatur, ab imo  
 Gurgite, cùm properat, longo citius apprime cono  
 Multa reluctantem. Super ò qui Nerea piscis  
 Exilit, & tremula ludit festivus in unda?  
 Nescio equidem sacri speciem, ingeniumque natantis.  
 Quare, age, veloci curramus Terhya lembo,  
 Et præcedentem cursu Delphina sequamur:  
 Plebejos nam tempus Aeos comprehendere textu.

Philamarini Elogium,

Huc, ò (4) PHILAMARINE, decus sublime tuorum;  
 Et jubar, & laus ò nostri memorabilis ævi,  
 Piscatum primos inter surgentis Eoi  
 Deciduos propera rores, aurasque salubres,  
 Dum te Lubra suis in saltibus, & vada propter  
 Parthenopes procul urbe tenet, curisque, foroque  
 Expertem, studioque vacas ignobilis otii.  
 Eja adsis, præsci seu temporis acta revolvis,  
 Seu nostrum veteri confers doctissimus ævum:

Quau-

(1) Hoc instrumentum, *la Trabina* appellant, fortasse à trahendo. (2) Vide quæ fusiùs libro IX. (3) FRANCISCUS PHILAMARINUS, & genere, & doctrina nobilis, morumque gravitate conspicuus, Massam ad delubrum, & valetudinis, & liberioris vitæ studio per æstatem secedere solitus.

Quandoquidem lusus hic est te dignus: & ipsa  
En placidos sternit tibi Doris Olympia fluctus.

Mitis ubi flavo subriserit uva colore

Autumnum sub Pampineum, Solesque benignos;  
(Namque uvis miscentur Aci; gratissimus ollis  
Ut sapor, & lætus veniat pinguedine succus)

Cum primis conjux Tithoni lutea bigis  
Surgit, & ambrosium diffundit ab æthere rorem;

Corripere alta juvat, longisque insistere remis,  
Quà saliens Delphinus iter præmonstrat: & illum

Cura sequi semper tibi sit, quacumque præbit:  
Sive per Hesperium Mundi latus, aut per Eoum

Naviget, inque Notum, gelidamve Lycaonis Ursam:  
Namque acies multas, stipatasque agmen in unum

Retibus immittet. Ruit ille cupidine prædæ,  
Et celeres sectatur Acos: hi protinus uno

Desuntur cœtu trepidi formidine monstri;  
Ingentemque globum incurvant, seseque tuentur;

E rostro radios tendentes undique acutos.  
Ille volat jaculo velocior, & ferus agmen

Circuit ore fremens, stimuloque impulsus edaci;  
Quaquà adit, explorat vallum, via si qua pateat;

Qua citus irrumpat, victorque examina perdat.  
Castra velut circum confertus milite multo

Dux ruit ore ferox, ferroque minacior ipso,  
Si quà porta patens incustodita manipulis

Spem pugnae, & palmæ pariter venientibus offert:  
At magis agglomerantur Aci, stipantque vicissim

Ordinibus: sese nexis ceu monte supremo  
Cum lupus impastus percurfat ovilia, denso

Agmine stipantur trepidis cum matribus hædi.  
Tu verò, piscator Acos cum videris omnes

Collectos, citus è cymba tua retia laxa:  
Quæ bini teneant è lintre: & nudus ab alto

Sustentet puer unus, & alter in æquore ludat  
Cum Delphine puer, verbisque appellet amicis.

Hinc ubi rara mari solvisti retia, & omnem  
Densatam aspicias plebem, blandissimus ore

Dic Delphine, foras: subito, mirabile visu,  
Transiliet cassem Delphin parere paratus

Imperio pueri, & prædam concedet habendam:  
Scilicet humano gaudet mitemscere cultu.

Dyctia, piscator, medio tum plena profundo  
Educes, multo venatu dives aquoso.

Non sic argento insignes, atque ubere lacte

*Tom. II.*

*Zz*

*Rc.*

*Mira Acos piscatio  
dace Delphing.*

*Delphinus Acos is-  
sectatur: Et ut huc se  
tueantur.*

*Delphinus piscan-  
ti paret.*

Regales Aci, ubi  
nascantur.

Regales piscantur Acos, quos læta Pelori  
Æquora progignunt, refluo qua flumine Nereus  
Alternat cursum, & lunaribus æstuat horis.  
Scilicet Hercules quā surgit ad æthera vertex,  
Velligeræque virent sylvæ quā Cænyos, & quā  
Zanclæos sub nocte aperit Pharos aurea portus;  
Namque his, non alibi, regales fluctibus errent:  
Inter Aci molles, & depascuntur arenas.  
Nimirum vivo gaudent quia gurgitis æstu.

Illarum descriptio.

Lacteus est illis vigor, & cœlestis origo:  
Nam Cælo cecidisse ferunt, cum regia Juno  
Astra per, & nitidos mammis lac diluit orbes.  
Pars major summo concevit in æthere, & instar  
Arcus per longum succinxit sydera flexum.  
Distus &, in Superos est quā via, lacteus Orbis.  
At verò exiguas, quæ summo è vertice guttas  
In Siculum fluxere sinum, Dea Doris opimo  
Viscere lacteos dedit esse per æquora pisces,  
Quo vel cærulei gauderent munere Divi.  
Inlignis candore, nitetque argentea, densi  
Cum per summa greges nant cæcula: gratior illis  
Non equidem Divis, non & mortalibus esca est.

Piscatio, & quo  
reti.

Ass age, concretum valeant quò ditia lacte  
Æquora captivum tibi reddere, linea textu  
Angusto pateant, & crebris tenuia nodis;  
Qualia sunt Aphyas quibus intercludimus albas.  
Nam secus effugiet piscis Junonius: imo  
Illis instar Aci forma est, vestisque nivali  
Ingentes reti filices, Rhegine, ligato:  
Qui totum Nerei perturbant pondere fundum.  
Nam sic ascendent, commota Doride, pisces  
Lactei, & immenso replebunt agmine linum.  
Mira sed est ratio venandi: retia primo  
Si jactu raros concludent orbe natantes;  
Innumeros mox illa ferent scindenda secundo:  
Nec tenuis terno veniet captura labore.

Mirabilis piscatio-  
nis natura.

Id quondam Hærculeæ meminî vidisse sub acta;  
Definit extremis ubi collibus Italia tellus,  
Inflexumque sinum latus efficit: atque ubi clivus  
Ascensu surgit facili, latèque viretis  
Constitus, & pomis, & flavo lætus Iaccho:  
Rus ubi Rhegina è Nympha Balanitide dictum,  
Quæ multi studiosa operis, patiensque laboris  
Clara Philocomidæ fecit cognomina genti.

Momî Elogium.

Hu-

Hujus ab illustri descendit sanguine (1) Momus:  
 Momus amicorum mihi maximus: unus & inter  
 Rheginos proceres salibusque argutus, & ore:  
 Officiisque potens animum vincere merendo.  
 Hic me lactifluos venatum indagine pisces  
 Invenit lembo quondam, lætamque recepit  
 In villam, & dignis hilaravit Apolline mensis.  
 Partheniæ memores idcirco carmine Musæ,  
 Quod possunt, ventura ferent in secula Momum.

Verum Rhegino de litore rursus ad oras

Euboicas me saxa vocant piscosa Vesevi,  
 Et pinguem præbent Stabiarum cæcula Nestem  
 Fallendum per saxa levi viridissima musco.  
 Sed qui venandi potior modus, & quibus armis,  
 Accipe. Muscoso surgunt quæ vertice cautes,  
 Lætus ubi Mugil slaventes demetit herbas,  
 Longa per incurvum laxabis (2) retia gyrum.  
 Alter & exterius plexo de vimine circus  
 Circumdet longo jactum curvamine Grippum.  
 Qui multa super intertextus arundine fluctus  
 Enatet, in longum ceu zona extensa per altum.  
 Nestibus ille fugam textu clausurus, ab arcto  
 Carcere cum saltu salient in aperta fugaci.  
 Hinc ut paulatim confringes retia: ubi illi  
 Transiliunt, latoque occurrant protinus orbi,  
 Tum ferrum citus expedites, & funere plectes:  
 Aut ipsa potius fugientes arripe dextra.  
 At quoniam terno vivax sæpè aëra saltu,  
 Transmittitque plagas, & arundineum labyrinthum;  
 Idcirco longo cingit qui Dyctia gyro,  
 Fultus arundinibus longis sit latior orbis.

Præterea multo quia Mugil callidus astu,  
 Cum venatores, intricatosque recessus  
 Aspicit, in scopulos se proripit, & tenet intus:  
 Quatenus eludat fraudem piscantis: at ipse  
 Fraudem fraude, puer, superabis, & artibus artem,  
 In duro bulbos Ciclamini marmore tunsos  
 Accipies, contoque illos præfige retorto

ZZ 2

Vi

Quo rete Mugiles  
 capiuntur.

Mugilis insignis  
 astus, & quo pari sal-  
 tatur.

(1) Hieronymus Philocomus Patritius Rheginus carmi-  
 ne nobiliori dignus ob singularem in Vatem benevolentiam;  
 quem in villam suam (*Valanidi*) hospitio recepit humanissi-  
 me, & perquam lautè. (2) Hoc retis genus indignant  
 nostri la *Chiusarana*, quo ingens Cephalorum copia capitur.

Vimine: vique hastam petris intrude cavatis;  
 Nam quia Mugilibus grave olet Ciclamini; opaco  
 Illicet ex antro, malegrato expulsus odore,  
 Prosiliet grex totus, acerbaque texta subibit.

Non aliter per stagna, sonoraque flumina Nesses,  
 Quà læti ripis, & dulci Najade gaudent,  
 Comprendes textu, vel acuta culspide. Sunt qui  
 Dum salit interdum crebro super æquora saltu  
 Mugil, & in vitreo festivus gurgite ludit,  
 Vel jaculo pernice petunt, aut ære tonanti.  
 Stridula quem certo si glans confecerit ictu,  
 Velocem viridi dimittunt caute Molossium.

Ut jaculo, & ære ca-  
 vo Mugiles cædantur.

Et ut cæfos canes  
 ad latus ferant.

Ille secat fluctus, propiorque appendit acuto  
 Dente vagam prædam, remeatque ad litora victor.  
 Non secus, & turpes per stagna silentia Mergos,  
 Perque lacus Fulicas pueri venantur, & una  
 Laudandas cervice Anates, & pectore molli.  
 Sic puer ad fluctus Aniani sæpè sub ipsum  
 Ver nitidum canna Fulicas venabar abæna.

At qui rura tenent, læto quæ flumine Sarnus  
 Irrigat, & viridi præcingunt limite colles,  
 Populea de fronde casam posuere virenti

Ut à Sarni accolis  
 intercipiantur.

Margine, quæ Solem pueris defendat, & undas  
 Umbret opaca, greges videantur, ut æquore ab alto  
 Cum fluvios læti subeunt: visisque sub amnem  
 Illicet extento torquent cita spicula nervo:  
 Velocesque Lupos, & Nesses funere plectunt.  
 Hinc filo è medio deducto gurgite, onusta  
 Arma trahunt. Zephyri sed quæ felicior aura  
 Me super Oceani piscatum cæcula vexit?

Et quæ tanta animum fiducia firmat? amicum  
 Nosco omen: dextro me numine ducit Apollo,  
 Qui mecum, sylvis Heliconis, & amne relicto  
 Amphrysi, ac Tempe propter Penæia Musis,  
 Gaudet in herbosis confidens rupibus hamo

In Britanniam ex-  
 cursio, & Jacobi Re-  
 gis Elogium.

Piscibus insidias moliri, & vimine texto.  
 Scilicet ut magni plausus, palmasque Britanni  
 Aspicerem Regis, memorique in mente tenerem;  
 Quo tandem pelago egressus, levibusque relictis  
 Litore jam natis, & retibus, ardua tanti  
 Facta ducis cantarem, & sacri prælia Martis.  
 Numine qui magno Divum, atque ingentibus orsis  
 Primus Hyperboreis expellere finibus Hydram  
 Ausus, & insanis inferre rebellibus arma:  
 Et potuit mernisse, Diis ut agentibus ipsis,

Imma-

Immanem ante pedes Hydram cervice videret  
 Abscissa, & primum victos sine cæde rebelles.  
 Ille sacros iterum fasces, ritusque Latinos,  
 Corrupti mores quos gentis, avique libido  
 Infana expulerat, Roma plaudente, reduxit.  
 Et licet extemplo res in contraria versa,  
 Sanctæque disciderit gens vincula: totus & ima  
 E Styge concussus fremat Orcus, & undique gentes,  
 Concurrent, centumque trahant in bella carinas;  
 Atque acies centum populorum, & sedere iungant:  
 Nimirum ut cæptis nimium felicibus obstant,  
 Pellere, & è solio Regem conentur avito,  
 Tarpeioque iterum sejungant Orbe Britannos:  
 Spero equidem; nec vana fides (stant Fata Deorum  
 Inconcussa) throno reddendum. Dite subactis,  
 Insignem pietate Virum, pœnasque daturus,  
 Quotquot spe regni, vel religione profana,  
 In Regem, & ritus conspiravere Latinos.  
 Quare age, ne timeas, Rex invictissime: vertent  
 Fata vices, folioque iterum regnabis avito:  
 Et tecum Romana Fides, rectumque, piumque  
 Rursus in Arctoo victrix dominabitur Orbe.  
 Non te dextra hominum, socii nec Principis arma;  
 Dii te restituent regno. Diis ire secundis  
 Omnia prospicies, quorum pro Numine regno  
 Sponte tua cedis, sceptrumque relinquis, & omnes  
 Urbis opes patriæ, & tot avorum insignia regum.  
 Scilicet indignum populis dare jura putabas,  
 Quos eadem non lex, atque intemerata Deorum  
 Religio veteri Patrum ditione teneret:  
 Digna nec augustam diademata cingere frontem,  
 Ni gemma meliore Fide intertexta niterent.  
 Quod modò si vicibus commutavere sinistris  
 Fausta secundarum Superi primordia rerum:  
 Nimirum fuit id, generoso ut pectoris auso,  
 Intrepidoque animo tot casibus obviis ires:  
 Magnus & adversis spectere, ut maximus olim,  
 Post victosque duces bello, gentesque subactas,  
 Victrices inter, nitidasque videre laurus.  
 Tunc ego (nec fuerit longum expectare futuros  
 Eventus rerum, & sælicia) totus ovanti  
 Assurgam Phœbo, lætisque in carmina Musis  
 Me major, plaususque tuos, ô maxime Regum;  
 Et tua facta canam, clarosque è Dite triumphos;  
 Claraque non uno devicto ex hoste trophæa,

Teque Quirinali trabea, lauroque revinctum  
 Emeritos inter plausus, & murmura ovantum  
 Ausoniam latè per magnam, Urbemque reducam  
 Victorem, & sacra Capitolii in sede locabo.  
 Et quamvis tibi non deerunt, qui dicere laudes  
 Per tua regna tuas contendant plurima Vates,  
 Teque sub Arctoa celebrent regione Britanni,  
 Attamen Euboicas non dedignabere Musas:  
 Munera nec Vatis, fuerint quæcunque, Latini.  
 Interea sine piscatum me litora propter  
 Axis Hyperborei Campano currere lembo.

Salmones.

Principio rivi dulces, & opaca fluenta,  
 Atque tui Vatem invitant, (1) TELLINE, beati  
 Salmones: cultu mihi quòs dum supplice Divùm  
 Præque sacros mos ire dies fluvialibus escis,  
 Atque olere, ingratisque fabis, laudare solebas,  
 Dum te Parthenope, dum densis constituta lucis  
 Sotias, Autumno prælis spumante, teneret.  
 Grata tibi fuit & tunc commemorasse voluptas.

Quo ceti, & quo  
 pado illos piscantur.

Et jam Vere novo pleno dum gurgite fontes  
 Cænolos vèstant amnes, nituntur ab alto  
 Salmones, nigrasque secant audacius undas.  
 Aspice, ut adverso Tamefi, Rhenoque bicorni  
 Præda tibi properent. Bis denos retia passus  
 Consue tergemina: & fluvio mox crede capaci.  
 Nam licet in summo Salmones flumine nantes  
 Retibus effugiant, tamen opprimit instita multos,  
 Quæ propior gravis ima premit, cursumque retardat;  
 Verùm dum curva Salmonem indagine clausum  
 In ripam de fonte trahis, tum plurimus olli  
 Præduro caput ossè teres, contove præusto.  
 Si secus, in fluctus saltu pernice, redibit;  
 Namque agilis nando est; & robustissimus omnes  
 Squamiferos inter Salmo, & vivacior ævo.  
 Idcirco, ut perhibent, ipsa si frigus in acta,  
 Illicet & secto libetur viscere, vivum  
 Cor salit, & lætis hilarat convivia mensis.

Salmones vivaci-  
 simi, & fortes.Quando, & quo-  
 modo à Rhenicis  
 comprehendantur.

Sed quo Rhenicæ, Majo florente, fugaces  
 Decipiant astu Salmones, accipe: paucis

Ex-

(1) Ignatius Tellinus Hibernensis S. J. vir moribus anti-  
 quis, & omni disciplinarum genere excultus, ingenio acri,  
 & ameno, inque omnia promptissimo: cui Vates ob veterem  
 necessitudinem hoc monumentum figit.



Expeditam, facilis quanquam non machina dictu.  
 Rhénus ubi ripas mordet violentus opacas,  
 Quercubus è duris vallum molire, vel alnis:  
 Plurimus & saxi, & querno termite utrumque  
 Aggestaque latus circum firmabis arena.  
 Sic totus vallo incurfans stat gurgis aquarum:  
 Atque percussus retrò cedit rapidus fons.  
 At gremio in medio crispantur leniter undæ  
 Fluminis, inque sinum demittitur altior amnis:  
 Hic denso tuguri compinges vimine testum,  
 Quo capiti Soles, effusosque arceat imbres,  
 Flumineo qui linte sedet piscator, & ipsos  
 Noctes, atque dies observat flumine pisces.  
 His actis, ripas inter, vallumque Panagrum  
 Crede vado, & reti filum sociare memento:  
 Illius & dextra caput observator habebit.  
 Ergo ubi scandentes fluvio oblectantur eunti  
 Salmones, rapidus devexi gurgitis æstus  
 Obesto impingens vallo vi dejecit. Olli  
 Læva percussu subeunt loca, mitior amnis  
 Quà fluit, & casses ignari protinus intrant.  
 Tum vigil ut filum sentit Salmone moveri,  
 Paxillum puer evellat, piscosa sub auras  
 Lina ut venantes multo Salmone reducant.

Quin etiam prærupta sonant quæ flumina saxi,  
 Atque cavas inter convalles altius undæ  
 Labuntur, puer, auratos venabere pisces.  
 Si tu decipulam juxtà, nassamve locabis.  
 Nam cum remigio Salmones præpete certant  
 Exuperare vadum, seseque per aëra vibrant,  
 Sæpè plagas proni subeunt. Ast indita pisci  
 Saltandi vis mira: recurvus in ora reflectit  
 Cæruleam caudam, rictu stringitque tenaci,  
 Inque orbem sese glomerat, mittitque per auras  
 Ocyor, ut jaculum, & resonantia flumina tranat.

Sed ruit Arecidum glacialis ab æquore ponti  
 Plurima vis, latosque replent examina fluctus:  
 Immensum lætis quæstum latura Britannis.  
 Ut Sol æstiferi percurrit sydera Cancri,  
 Et nimius terram calor urit, ab Axe nivoso  
 Signa movent, pulchroque incendunt ordine turmæ,  
 Inque Caledonii se primum litoris oram  
 Investant, positisque sedent hic agmina castris:  
 Et virides circum frutices populantur: & omnes  
 Stirpe nova gaudent sobolescere. Plenus ubi jam

Et ut nassæ inter  
 prærupta fontium.

Uterum in mo-  
 dum salient.

Arecides.

Illarum natura, &  
 motus. Inssonis.

Au-

Autumnus pomis ridet flaventibus, & jam  
 Mitior Herculei se fregerit ira Leonis,  
 In Tamefin devexa fluunt, latèque vagantur  
 Per Batavos, Cimbrosque, in Balthica & usque recurrunt.  
 Ast ubi raucifonæ ponto incubuere procelæ,  
 Et jam Bruma rigens ventos molitur, & imbres,  
 Agglomerant sese rursus, pelagusque Britannum,  
 Ordinibus lustrant densis, curlantque frequentes  
 Oceani per aquas, & saxa virentia propter.  
 Cumque novæ terris Jani rediere Kalendæ,  
 (Quis neget ingenium Naturam piscibus, anni  
 Tempora quo scirent ventura, vicesque dedisse?)  
 Ocrini per curva ferunt se litora, & omnem,  
 Perque latus gemitum, circumspatiantur Hibernen.  
 Tandem Vere novo superant terrasque, fretumque  
 Extremam præter Thulen, præterque sonantes  
 Orcadas, & patrio reduces se gurgite condunt.  
 Lætæ ubi concipiunt non uno semine partus;  
 Impleat ut ponti fluctus numerosa propago.

Minimè capiendæ,  
 cum veniunt.

Cum veniunt, densæ quoniam stipantur, in æquor  
 Dyctia ne solvas, multa sub mole natantum  
 Haud dubio scindenda: nocet felicior ipse  
 Proventus: nec multum uber dat copia quæstum.  
 O quoties avidi, largæque cupidine prædæ  
 Correpti, longos conati incidere funes,  
 Ipsaque cum magnis amittere retia prædis.  
 Ergo sub Autumnum cum se dispergere cœtus  
 Incipiunt, circumque vagi freta cœrula curlant,  
 Aggredere: effusam poteris tum perdere gentem.  
 Non secus è nigra cum se Mæotide fundunt,  
 Tranque Scythæ Tanaim prorumpunt, lataque denso  
 Agmine decurrunt campestria. Lechus in ipso  
 Interea vallo se continet: ast ubi turmas  
 Partiti, latè campos populantur, in hostem  
 Effusus ruit, & sparsos cæditque, capitque.

Sed cum se Au-  
 tumno dispergunt.

Tæda prælucente.

Insuper his, quoniam splendenti lumine gaudent,  
 Solertes curva tædas è puppe nitentes  
 Attollant pueri: viso fulgore catervæ  
 Confestim densæ venient; linumque subibunt:  
 Ipsæ etiam tremula radiant è Doride, summa  
 Obversa nantes alvo cum cœrula fulcant.  
 Ut latè innumeris veluti mare fulguret astris.  
 Se quibus indiciis tibi produnt: vescier unda  
 Arecidas fama est, ipsaque uligine ponti.  
 Puniceo velut ipse, nitet qui viscere, Salmo:

Nam

Nam vacuus venter, perhibent si vera, repertus.

At tibi lenta trahis si felix otia turbis.  
 Infans procul, & nitida semotus ab aula  
 Per solos montes, & inambitiosa beati  
 Rura soli, propiorque colis, vir nobilis, undas,  
 Expediam paucis artem, torpentia solers  
 Otia qua valeas, & dulces fallere pisces.  
 Et simul ærumnis animum relevare molestis,  
 Quem versæque vices rerum, semperque dolenda  
 Florentis patriæ clades, ritusque Latini,  
 Atque pii Regis tot vexavere labores.  
 Et tibi gratus erit modus hic, (1) GALVÆ, tumultus  
 Sive lates inter Tamefis, seu præpete cursu  
 Per montes fugitivus, & invia lustra pererras:  
 Sive tuæ sospes tetigisti litora Hibernæ,  
 Magnaque pro Sacris, & Rege pericula tentas.  
 Ergo age, si vacat, & fas est descendere ad undam  
 Arctoo propera mihi dexter ab usque recessu:  
 Adde, & Olympiaco Vati, GALVÆ, decorem.

Intorto primum lino contexere conum  
 Præcipe, & iliceo, conum succingere circo.  
 Circulus impositus sua per discrimina cono  
 Ternus erit: terno religetur vellere summus,  
 Inque unum coeunt ubi funes vertice nodum,  
 Longior alter erit, pendet quo machina: longam  
 Inde trabem ripa figes viridante sub ipsa,  
 Objice vel medio fluviorum: & desuper asser  
 Rectus in extremo radiis nectatur acutis:  
 Transversoque unâ firmetur uterque tigillo.  
 Crux Germana velut, miseri quâ funere fontes  
 Plabejo commissa luunt: transversus & asser  
 Pendentem accipiat trochleam: cum deinde marinæ  
 Te prædæ accinges, curvum transmissa per orbem  
 Linea sustentet conum, qui fluctibus extet  
 Altior, atque illum complebis plurimus esca.  
 His animadversis, refluxo cum Nereus æstu  
 Assurgit, ripasque tumens infundit, & annem  
 Impellit retrò veniens, tum piscis in orbem  
 Irrumpit, scombrisque famem vincitque, fugatque.  
 Ast ubi jam refluxo rediens pede mobilis undam

Tern. II.

A a a

Sub-

Jucundus piscanæi  
 modus, quo se nobi.  
 les Stianai exer.  
 cent.

(1) Jacobus Galvæus S. J. Hibernensis Vati inter famili-  
 arissimos primus, & ob candorem, variamque eruditionem  
 gratissimus.

Subrahit Oceanus, nudataque litora linquit,  
Squamosas cæcæ volucres de casse reduces.

Non dissimilis, quo  
Tarentini utuntur.

Lubrica dissimili non arte examina fallunt  
Oebalii. Curvos quæ septem infusa per arcus,  
Septeno veluti rivo se Doris in altum  
Devehit, & magno jungit commercia ponto,  
Tempora dum Lunæ per certa reciprocant æstus:  
Hic, ubi piscantum speculæ stant ponte repostæ,  
Ante arcus geminam fundant in marmore cerrum:  
Atque illam multo religatam vimine firmant.  
Coniferum longa labyrinthum cannabe cerris  
Associant (viridi mixtus, flavoque colore  
Conus erit, picæque simillimus) incita cursu  
Exin sub noctem: (nox est accomoda fraudi:  
Et color ille dolum potis occultare; sub umbris  
Namque est, ut perhibent, obtutus piscibus acer.)  
Externas cum prona Thetis procurrit in undas,  
Vitrea piscoso committunt cæcula cono.  
Quotquot devexa veniunt tum Doride pisces,  
Spontè sua subeunt maculosi carceris antrum.  
At verò ut reduci jam se missura per arcus  
Est iterum pede Tethys, ovanti murmure conum  
Educunt, prædamque hilares ad testæ reportant.  
Si secus, aduersum venientia marmora textum  
Impellent, fugientque citæ per aperta cohortes.

Statique tempo-  
ribus certos venan-  
tur pisces.

Tempore quemque suo capiunt hac arte natantem.  
Cum Chiron retrò vacuus dat terga sagittis,  
Altaque dum terris nox est, tum lumine captas  
Cum Congro rapiunt (1) Anguillas: frigida sed cum  
Alget Hyems, Soleas, & primo Vere requirunt.  
At tres Autumnus, totosque ex ordine menses  
Mixta Sparo rosei venantur tergora Mulli.

Quo quisque pi-  
scis tempore capia-  
tur.

Hic neque præteream cæli quo sydere certo  
Singula squamiferum lucis veneris aquis.  
Ut nitidum Ver pingit agros, & crine novello  
Invesit latè sylvas, tum Scorpius uda  
Lina petit cupiendus, & igni plurimus ardens  
Aftacus, atque Elephas, inflammataque Locustæ.  
Hos etiam, rapidis candet dum Solibus Æstas,  
Retibus, aut nassis piscabere: tunc & opimas  
Engraulæ, Thrissasque, & viles viscere Salpas.

Ast

(1) Has Tarentini vocat *Anguille urbe*, quod cæcæ vi-  
deantur, suntque suavissimi saporis.

Ast Aphyas æstu in medio, cum fervidus urit  
 Arva Leo, capies turmatim; è gurgite quando  
 Semine non jactò crescit numerosa propago.  
 Læta per Octobrem Loligo, perque sequentes  
 Autumni menses, quo pinguis tempore Dentex  
 Fallitur illecebris escarum saxa secundum.  
 At Polyus dum Bruma riget, cum Mænides, & cum  
 Sphirææ, nitidæque Umbrae captantur, & Orphi.  
 Datque Autumnus Acos; dat, dulcia fercula, Mullos;  
 Quos etiam progignit Hyems, atque herbiferum Ver.  
 Cum geminum Divæ surgens Amathuntidis astrum  
 Emicat, & raris Aries nitet ignibus, uber  
 Muræna, & dulci captatur nectare Conger.

Quid leviora sequar? superest via multa per altum  
 Exuperanda: Noto spumant cum regna Profundi,  
 Pullatæque gemunt cautes, & litora plangunt,  
 Venandi quæ cura tibi, piscator, habenda,  
 Jam nunc præcipio, quando terraque, marique  
 Improbus est miseris labor impendendus, iniquam  
 Quo saturare famem, duramque levare caducæ  
 Pauperiem vitæ valeant; quibus haud bona Fati  
 Principio dat Sors; nec blando lumine Cælum,  
 Oritæque nec nutu riserunt astra benigno.

In primis solido subtexes (1) Dyctia spartho:  
 Lataque sint maculas, nexisque tenacia nodis,  
 Ultima & Oceani campos visura marinos  
 Instita sit multo gravis ære; tumentia verrant  
 Ut vada piscosi casses, prædamque reportent.  
 Nonnulli extremo sua per discrimina textu  
 Præduros silices, & grandia saxa reponunt.  
 Cætera pessimiles sint retibus: hos ubi casses  
 In navi, puer, imposuisti ritè paratos,  
 E portu solves animosus: & æquor in altum  
 Piscatum venies, quamvis illis reclament  
 In scopulos freta pulsa Notis, & desuper ingens  
 Porta tonet Cœli, resuatque nigerrimus imber.  
 Ergo ubi veloces tenuerunt alta carinæ,  
 Albentes inter fluctus da retia ponto.  
 Hinc geminum gemina firmabis cannabe cornu  
 E prora, puppique, globum ne fortè sub unum

Qua arte inter pro-  
 cellas piscandum.

Rete describitur.

Et piscatio quo pa-  
 do instituitur.

A a a 2

Con-

(1) Hoc rete, quod à Gallis primum inventum ferunt,  
 estque familiare Gajetæ, Prochytaeque incolis, nostri appel-  
 lant *Tartana Francese*.

Concurrant, nullos gremio captura natantes.  
 Proderit & longas utroque à vertice fagos,  
 Brachia tenta velut, valido vincire rudente:  
 Extremis quorum cervicibus insere funes:  
 Et nodis constringe; retro piscosa capaci  
 Orbe trahent, largisque onerabunt retia prædis:  
 Inde sinus humiles velorum expande, recurvum  
 Inque latus defleste, vagæ quò Tethyos amnes  
 Spumantes transversa recurrat cærula pinus.  
 Sic secreta colunt qui Nereos antra profundi,  
 Et raucos pelagi pisces odere tumultus,  
 Captivi venient in retia: plurima cursu  
 Postquam velivolo cava trabs per cærula fugit,  
 Collige vela: graves & aquoso è gurgite casses  
 Duc super: innumeras squamosa è gente cohortes  
 Aspicias, mixtimque plagis hære, sinuque.  
 Lætus & ingentem cumulum versabis in alnum.

saxa, sylvæ, & are-  
 na vitandæ.

Id tamen in primis cura majore cavendum  
 Ne piscosa trahas per duris aspera saxis  
 Retia, nec saltus inter, spumosaque lustra,  
 Nec quæ per densas sub lucida Tethys arenas  
 Sternitur: at mollis quæ limus, & undique densum  
 Stat fabulum, celsa solves de puppe Panagrum.  
 Ni facias, duræ lacerabunt Dyctia rupes,  
 Hærebuntque inter sylvas implexa marinas;  
 Aut gravibus repleta sinus scindentur arenis.

At mihi, quis, Divæ Nereides, æquora primus  
 Ingressus spumosa, nova piscariæ arte  
 Ausus, & horrendos nimbo contemnere ventos,  
 Dicite: vos illum resonantes ire per undas,  
 Et spumas inter miratæ solvere linum:  
 Atque omnem obscura revocate ab origine famam,  
 Si vester tanto mervit jam carmine Vates.

Ut primum rete  
 inventum.

Exoriens pluvio tristaverat æquora nimbo  
 Phyllrides Chiron, vultuque minante, sagittas  
 Imbriferas arcu torquebat, & undique ponti  
 Tollebat Cælo freta pulsâ procacibus Austris.  
 Et jam Luna cavum bis luce repleverat orbem,  
 Bisque nova rediens sinuarat cornua fronte:  
 Attamen abruptis nondum turbata procellis  
 Æquora, non & saxa vadis clamosa quierant.  
 Interea Lycidas Miseni in rupe sedebat  
 Piscator, Prochyta vectus qui nuper aprica  
 Venerat Euboico quæstum gurgite prædam.  
 Oculi erat, Prochyta sed dudum Chlorida Nympham

Duxe-

Duxerat, & quatuor sæculo femine natos  
 Jam pater ex illa totidem suscepit annis.  
 Hic quoniam finis non tempestatibus ullus,  
 Nec pluviae modus, & ventis, his ora resolvit.  
 Secum multa gemens: Læsi quæ Numinis iræ,  
 Tot tempestates pelago, tot murmura sylvis,  
 Diluviumque undarum, atque horrida fulmina terris  
 Intorsit, totumque involuit turbine Cælum.  
 Credo equidem Divum offensis, & Virginis iræ  
 Insuetum spumare vadum, scindique trifurco  
 Igne polos, ventosque unâ certare furentes.  
 Scilicet ut ventis tumefacta furentibus irent  
 Æquora Tellurem vel submersura Profundo,  
 Vorticibus classem seu dejectura profanam:  
 Quæ fors invitis fecat indignantia Fatis  
 Æquora, bella sacris, Diis impia bella ferentem.  
 At mihi quis misero deserta hac rupe moranti  
 Pauperiem relevet? gnatis, charæque forori  
 Quis victu vitam sustentet paupere tecto?  
 Ter deni fluxere dies sine Solibus, ex quo  
 Vela dedi, & mæsta natos cum conjuge liqui.  
 Ah dulcis conjux! dulcissima pignora, nati!  
 Quis vos interea vacuo nutrit in antro?  
 Tu Virgo; quoniam curas mortalia Virgo,  
 Aut miseris vitæ fer victum, aut marmora placa?  
 Hæcenus infânas potuisti perdere puppes,  
 Et patrio è regno sceleratam avertere gentem.  
 Aut verò infâmes si jam tetigere carinæ  
 Litora, tu nutu poteris dispergere turmas,  
 Atque pio Regi, populoque asserre salutem.

Hæc dum multa gemit, somno defessus amico  
 Opprimitur, mollique caput declinat in alga.  
 Et vix prima quies obrepserat: aurea summo  
 Cum Cælo veniens affulsit Olympia Virgo  
 Ingenti sub luce: velut pulcherrima Solem  
 Præcurrit croceis Aurora in vesta quadrigis.  
 Lumine quo totum, penitusque in rupibus antrum  
 Emicuit, roseoque simul spiravit odore.  
 At Virgo hæc Lycidæ divino ex ore locuta est:

Ne dubita, puer, infâmes si perdere classes  
 Mens fuit, & regno gentes prohibere profanas,  
 Sacra Deum, ritusque, patresque ultura Latinos,  
 Haud studiosa tui cessit mihi cura, tuæque  
 Conjugis, atque tui sunt & mea pignora nati:  
 Namque pios servare Deos quisne ambigat? Ecquis

Despectum vidit iustum, meminitque relictum,  
 Illius & tenuem natos perquirere quadram?  
 Verum age, si tantum potuit mernisse benignis  
 A Superis animi pietas, & candida morum  
 Simplicitas, inter spumas, fluctusque sonantes  
 Quaque inter ventos possis piscarie arte,  
 Accipe: mox placido juveni sermone retextit  
 Difficiles artes, memorique in mente locavit.  
 Inde volans sese in nitidum dedit æthera (Virgo  
 Quaque dedit, niveo tractum candore reliquit:  
 Lactea ceu summo subtermicat orbita Cælo.  
 Hic Licydas somno excutitur, latèque per antrum:  
 Aspicit insuetum terris fulgere nitorem:  
 Ambrosiamque auram, & divini floris odorem  
 Afflatu sentit Superum spirare beato.  
 Aurea sed nusquam prospèctat Virginis ora.  
 Pronus humi labat, & sic incipit: O bona Diva,  
 Quis tibi nunc tanto solvat pro munere grates?  
 Quandoquidem nostras non averfariis amica  
 Aure preces, summoque humiles dignaris honore.  
 Sed cur ætherias, Regina, citissima sedes,  
 Cœlicolumque choros, & Olympia regna petisti!  
 Credo equidem, tanta non Tellus Virgine digna est.  
 Hæc dedit, & patriam, pacata Doride, venit,  
 Instituitque novas artes, & munus ad aram  
 Fixit Olympiaco in templo, versuque notavit,  
 Quæ sibi divino monstrarat lumine Virgo.

Cessandum cum  
 sine more seviunt  
 venti.

Verum si pluvie descendant amne perenni,  
 Et venti immanes tollant sine more Profundum:  
 Tum rigidas durare Hyemes, piscator, in antro  
 Convenit ante focum, parcèque absumere fruges:  
 Et circumfusus chara cum conjuge natis,  
 E Sinuessano subtexere vimine nassas,  
 Currere cæruleum plena vel arundine linum;  
 Omnis durando quoniam Fortuna ferenda est.  
 Cumque vetat majora sequi, ne mitte virili  
 In parvis animo solertem impendere curam:  
 Quæque negat Fortuna, tibi solertia penfet.

Calamitosi anni  
 1688 descriptio.

Haud secus elapsum miseri duxavimus annum,  
 Quo magis infaustum, aut pejorem secula nunquam  
 Progenuere; dabunt, speramus, secula nunquam  
 Post ventura alium. Quid non miserabile terris,  
 Et quid non dignum lacrymis spectavimus illo?  
 Vidimus immensos Cælo descendere rivos,  
 Ac toto insanum se fluctibus Æolæo antro

Mit-



Mittere præcitem, frænumque furentibus Austris,  
 Et rapidè laxare Euris, Corisque, Notisque,  
 Undique raucifonis vertentibus æquora nimbis.  
 Vidimus immenso venientes rupibus ampes,  
 Ire palatinas dejectum gurgite moles,  
 Exhaustumque homines, ipsasque à vertice sylvas,  
 Quin etiam versasque vices, & quattuor anni  
 Tempora: nec sua per vestigia volvier Orbem,  
 Atque alium rebus Fata induxisse tenorem.

Anne parum Superis visum est, quod nuper ab imis,  
 Cardinibus latè Tellus concussa remugit,  
 Et tot cum miseris evertit civibus urbes?  
 Ut rabies etiam Neptuni insana tumentes,  
 Tolleret in Cælum fluctus, rueretque refluxis  
 Vorticibus terras, urbesque haustura superbas:  
 Insuetumque ageret Sol ipse, & sydera cursum:  
 Scilicet ut sua non per tempora diffuaret annus.  
 Vix lacrymas retinere queo, dum funera cogor,  
 Illius & sævi cladem meminisse diei:  
 (Atra dies, atro semper signanda lapillo,  
 Quam semper tristem, Dii sic voluistis, habebō)  
 Cum Sol informi faciem ferrugine tinctus,  
 Uique reluctantes, nigraque in nube latentes  
 Egit equos, radiisque oriens affulsit opacis.  
 Nimirum puro ne infandam lumine stragem  
 Aspiceret, magnique daret prælagia luctus.  
 Ipse etiam brutæ pecudes, ipsæque volucres  
 Signa mali, ut perhibent, tanti manifesta dedere,  
 Quin & sub cœcis undæ sonuerè cavernis,  
 Et pigros retrò flexerunt flumina cursus.

Jam Sol è medio fugiebat pronus Olympo,  
 Præcipientesque ipsi rapiebant fræna jugales,  
 Insolitam assantes auram, lucemque malignam,  
 Cum venti posuere: sed æquora visa repente  
 Altius attolli, montesque assurgere aquarum:  
 Illic excussis radicibus undique Tellus  
 Concutitur: totis & concita fundamentis  
 Immugit, magnumque ciet tremefacta fragorem  
 Ipsaque succussa pariter Tellure Deorum  
 Delubra, atque ædes, lunataque mœnia, & altæ  
 Confestim turres, unà convulsa ruina  
 Subsiliere: cita mox & vertigine terræ  
 Nutavere latus, jam jam casura, supremum  
 Mortalesque omnes casu oppressura repenti,  
 Atque necem pariter, pariterque datura sepulchrum.

Terremotus prædi-  
 & anni enarratio.

Ne caderent pietas intactæ Virginis una  
 Obstitit, irato rapuit quæ tela Tonanti!  
 Nam secus ingenti gemitisset mersa dolore  
 Parthenope: & nusquam staret felicior illa  
 Thyreni regina maris, regnique beati  
 Clara armis, & clara viris, æquataque Cælo  
 Molibus immensis atavorum, & divite luxu.  
 Sed lapides tantum foret, & lacrymabile bustum.  
 Bustum ubi divitiæ tot, opesque, aurique talenta,  
 Millia totque hominum saxis oppressa jacerent.  
 Vix & momenti flevisset secula luctum,  
 Vix & momenti reparassent secula damnum.

Una tamen lacrymis quis temperet ora? Tonantis,

Insignis Tholi Ec-  
 clesiæ S. J. ruina.

Illius descriptio.

Telluris trepidante sinu domus alta supremo  
 Culmine procubuit concussa, tulitque ruinam.  
 Ingentem, sonitumque dedit. Pulcherrima quondam,  
 Proh dolor! ð nostra cecidit cervice corona.  
 O ubi syderio vertex æquatus Olympo,  
 Et nivei lapides, & pulchro Dædala textu  
 Marmora, & ex auro muri flammante corusci!  
 O ubi spirantes viva sub imagine vultus  
 Divorum, pictique arcus, & mille figuris  
 Intertextus apex, & mille coloribus ardens,  
 Et rutilis ardens gemmis, & faspide fulva!  
 Mirum opus in terris, & moles amula Cælo,  
 Æmula nam superùm felicia tecta Deorum  
 Auratus, pictusque Tholus referebat: & ipsa  
 Numina nativo veluti radiantia Cælo  
 Divina sub luce, & majestate videnda,  
 Felicesque dabat cœtus, & gaudia Divum,  
 Et dias auras, & dii luminis haustum.  
 At potuit cecidisse: jacet, miserabile visu,  
 Maceries aggesta loco deformis in uno.  
 Ergo tot annorum moles sudata labore,  
 Tot manibus, studiisque hominum, cui barbara Memphis,  
 Cui Rhodus, & Carum pendencia Mausolea,  
 Altaque cecidisset Babylon, quis crederet? uno  
 Telluris nutu, & momento proruit uno.

Et tu Romani (I) monumentum in signe decoris

Tyn-

(I) Magnificus Templi prospectus: quod Apollini pri-  
 mum à Neapolitanis dicatum, mox inslauratum à Tibe-  
 rio Augusto liberto maris Prætoris Castori, & Polluci con-  
 secratum est.

Tyndaridis quondam geminis, Phœboque dicatum  
 Tiberio Prætoræ, mari quo tutior alto  
 Curreret, obstrictis, pacato Numine, nimbis,  
 Mille per annorum cursus, & secula septem  
 Casibus è tantis servatum concidis: uno  
 Abripiens tecum Fato decora alta vetusti  
 Temporis, & seclis numquam renovanda futuris:  
 Discite, mortales, ædes, & testæ superba,  
 Atque triumphales patrum contemnere moles.  
 Quicquid, grande licet, positum sub Sole caducum est:

Sed quæ tunc facies, pro Numina! qualis & horror  
 Rebus erat! quantumve dabant concussa fragorem  
 Liminaque, muri que domum, & sublimia testæ!  
 Pars stetit exanimis: tenuem pars altera vocem  
 Vix ciet attonita, & celerem quæ tendere gressum  
 Haud videt in loca tuta, fugaque avertere mortem  
 Instantem dorso jam jam, & crudele minantem.  
 Ille fugit, refugitque, & nusquam certa saluti  
 Apparent: quocumque ruat, se perdere certum est:  
 Sub pedibus nam terra tremit, circumque labantes  
 Horrendum nutant ædes, muri que dehiscunt:  
 Desuper imbre pluunt pinnae, convulsaque testæ.  
 Sulphure permixtus nec jam spirabilis ipse  
 Aër est, vitæque negat, dum sufficit, haustus.  
 Clamorem attollunt alii, veniamque benignos  
 Exorant Superos, & pugnis pectora tundunt.  
 Omnia terror habet: miseros premit horrida cunctos  
 Formido, luctusque & plurima mortis imago,  
 Urbs tota immugit strepitu, mæstisque virorum  
 Cuncta sonant lacrymis, & femineo ululatu.  
 Non aliam rebus faciem sub fine futuram  
 Crediderim Mundi, Cælo cum lapsus ab alto  
 Plurimus igne minax, & majestate tremendus,  
 Stipatusque aderit tot millibus arbiter Orbis:  
 Cunctaque verba hominum strictim pensurus, & acta,  
 Inque pios feret astra, malosque ad Tartara mittet.

At non irati Samnitibus ira pepercit  
 Numinis; abrupti montes, patefactaque Tellus  
 Non uno conspecta loco: latèque dehiscens  
 Oppida cum villis, magnasque absorbit urbes:  
 Millia totque hominum Fato fera perdidit uno,  
 Ingentesque evertit opes, quas plurima quondam  
 Ars dedit, & longo pepererunt secula censu.  
 Informes passim cumuli spectantur, ubi olim  
 Mœnia, turritæque arces, urbesque manebant:

Tom. II.

Bbb

Ob-

Tiberianæ molis  
casus.Attonitæ urbis de-  
scriptio.Felix in Samnio  
ruina.

Obruta sub propriis non agnoscenda ruinis.

At meus insigni servatus munere Divum

Aggere saxorum, mediusque è pulvere cœco

Lidorus servatus.

Evasis (1) Lidorus, erat qui forte sub alto

Fornice, qui quanquam ruiturus : at usque pendit,

Quò puer egressus campo se misit aperto,

Atque iterum Cœli prospexit sydera sospes.

Chare puer, nivei te mores, & pia Virgo,

Cui nivens cordi pudor est, & candida vitæ

Simplicitas Fato incolumem servavit acerbo.

Sed non hic modus ærumnis: majora dolemus:

Scilicet abrumpi cursum felicibus armis,

Et spem tot bellis partam, clarisque triumphis

Ceteræ anni calamitates censentur.

Incidit, & virides sensim languescere laurus.

Nimirum invidiæ stimulis agitata malignis

Alesto armavit reges, & fœdera rupit:

Fœdera Principibus non rescindenda Latinis.

Nuper ad Eubœam frustra rugisse Leonem

Adriacum læti Thraces sensere: sub una

Totque duces, & opes, & vires Chalcide fractas.

Gavilique leves ultro decedere Moschos,

Et malè Sarmaticas Lechum posuisse secures.

Parte alia socio spumantem sanguine Rhenum,

Dejectasque igni, ferroque audivimus arces,

Et desolatas passim deslevimus urbes.

Insidiisque peti Regem, ritusque Latinos

Everti, effrænesque palam strepere arma rebelles,

Et conjuratas Batavorum accerere classes:

Accendique omnem fatalia bella per Orbem.

Bella triumphales nullos visura curules:

Attamen Odrysiis non despicienda tyrannis.

Scilicet Ausonidum, Scythico quæ plurima fecit;

Hæc prædatori reparat discordia regnum.

Sed jam lethiferum tenebris caput abdidit annus:

Sperandum nunc læta novo: procul (2) ære fugato

Infor-

---

(1) Vatis alumnus, qui Beneventi juventutem Latinis Literis erudiebat: cum verò modestiæ consulens ne puerum solus in gymnasio alloqueretur, in atrio versaretur, terræmotus repente obortus est, corruitque gymnasium: atrii vero fornix etsi undique scissuris pateret, stetit tamen.

(2) Vetus moneta à sceleratis tonforibus adeò corrupta, ac detonsa, ut intolerabilis planè esset.

Informi, trepidæque minis Telluris, & undæ,  
Jam populis studiosa suis (2) Argentea cudit  
Secula Parthenope; quæ, sit modò Juppiter æquus;  
Aurea Saturni Fato meliore sequentur.



Bbb 2

HA-

---

(1) Nova excusa, quæ arduo primum conatu incepta,  
felici tandem eventu initio anni MDCLXXXIX, summo  
plausu pervulgata est.



# HALIEUTICORUM

## LIBER SEXTUS.

**H**Ac piscosa tenus per molles retia saltus,  
Vimineasque plaga, & acuta tetendimus uncis  
Eila, quibus pelagi volucres mactavimus: at nunc  
Sunt ferro, Neptune, tuo, quo spumeus ira

Fundamenta quatīs terrarum, & cœrula Ponti  
Bella vagis tractanda feris. Age numine dextro,  
Dive, adsis, primæque fove præludia pugnae.

Nec minus ò nostri decus ævi, te duce quando  
Squamosam in gentem non ludicra bella movemus,  
Annue, CARDENIDE, cœptis, viresque ministra  
Bellanti, ut victor donatus tempora myrto,  
Heroam affectem per Martia prælia Laurum.

Non te dura manet, Piscator, lucta, minorum  
Sternere veloci jaculo genus omne natantum:  
Seu vaser in campum ruat Osmylus, aut Synodontes  
Occurrant, rapidique Lupi, Nectesque fugaces:  
Namque uno poteris configere protinus ictu,  
Vibrando si dexter eris, sub cœrula telo.

Hinc tibi præcipio teneris assuescere ab annis  
Spicula sæpè manu, sæpè & versare tridentes,  
Non secus ac juvenes venturi ad prælia, primum  
Exercentur equis, campoque excurrere discunt:  
Atque habiles sese pilis, levibusque sagittis  
Assiciunt, mollique student præludere arena.

At quoniam pisces per saxa frequentius errant,  
Ut nitidum læto carpant de vertice muscum,  
Idcirco viridi florentes g ramine cutes;

Fuscinae usus.

Quibus in locis.

Et

Et scopulos, Piscator, adi, quos undique Tethys  
 Alluit: hic rimis Saxorum, aut margine in udo  
 Depascens herbosa pecus venare tridente.  
 Interdum cymba poteris, dum curris, ab ipsa  
 Lubrica per liquidos Nerei ludentia campos  
 Agmina conficere: aut molles dum projecis escas:  
 Quas circum subito cœtus glomerantur aquosi.  
 Verum, ut per cœcos saltus, spumosaque lustra  
 Clariùs undolas acies, populumque fugacem  
 Aspicias, domiti guttas, venator, olivi  
 Plurimus infundas Pelago: sic cœrula fient  
 Lucidiora vitro, quò cernere detur opacè  
 Quicumque in gremio Thetidis grex squameus errat.

Quamquam Sol radiis dum totum amplectitur Orbem,  
 Atque operi insistit genus omne, hominumque, boumque  
 Et campis spatiantur oves, & pascua lustrant,  
 Ipse suum possit Piscator inire laborem,  
 Opportuna tamen magis est, & commoda fraudi  
 Humida nox: faciles vestrum sub nocte laborem  
 Exercete, viri, cursantque per æquora lintres,  
 Et tacitos non una fecet cita palmula fluctus.  
 At si quærere amas, per opaca silentia prædam;  
 Vel piccam, tædasve ferat splendore coruscas,  
 Curva tibi puppis: viso nam lumine longè  
 Hærebunt medio stupefacti gurgite pisces.  
 Ceu densas inter tenebras, noctemque profundam  
 Si quis Avernales Erebi conspexerit umbras.  
 Attonitum tu cæde gregem. Sed singula nostro  
 Carmine percurram belli præcepta gerendi:  
 Nam varios non una heci dat machina pisces.

Et primò ingentem Neptuno credere textum  
 Invitant Siculos ludentes æquore Thygni,  
 Pelamydumque chori, & læta Pompilus in umbra:  
 Et jam bella iugo clamat speculator ab alto.  
 At sinuosa priùs quàm litora linquimus, & quàm  
 Lethiferas per læta plagas vada solvimus, omnem  
 Accipe rem populi, Piscator. Aquosa per alta  
 Perpetuo Thygni cursu fugiuntque, ruuntque  
 Turmatim: Grajo Dromades hinc nomine dicti:  
 Cursores Latio nostri vertere vocantes.  
 At licet assiduè percurrant Nerea, nunquam  
 Ordine ni certo, quadroque sub agmine Ponto  
 Incedunt, veluti Delphines, ut acris hostes  
 Irrumpant densi contrà, pugnentque feroces.  
 Ætheris partem sortiti mentis, & acré

Oleo infuso clarior  
 aqua fit.

Non piscationi  
 opportuna.

Noctu faces adhi-  
 bendæ, quibus pisces  
 stupefacti hæreant.

Thynnorum natu-  
 ra, & mores.

Ut quadro incedant  
 agmine.

Inge-

Ingenium, ventos, & nubila, & uda serena,  
*Et vices anni, ven-* Prænoscentque vices, & tempora mobilis anni.  
*cosque præsentant.* Ut primùm è gelidâ Boream Mæotide flantem  
 Præsenferè, citi venientes agmina jungunt.  
 Hinc Ponto sua castra movent, ventisque secundis  
 Bosphoron invadunt, præterque Propontida veſti,  
*Per maria exurſus.* Ægæis miſcentur aquis, latèque per omnia  
 Incluſæ Thetidos vada falſa, ſinuſque pererrant.  
 Aſt ubi jam properans nimbo comitata ſonanti  
 Bruma rigens illos comprehendit, humida ſigunt  
 Illic caſtra, ipſoque Hyemem ſub gurgite durant:  
 Tempore, quo nimum pingueſcunt ubere ſucco.  
 Sed cum ver nitidum caput efferit, ſumma reviſunt  
 Tethyos alta, vagiſque flagellant marmora caſtris.  
 Donec Sol nimiis fervoribus increbreſcens  
 Exiguas nemorum faciat paſtoribus umbras:  
*Redeunt in Euxi-* Nam tunc Euxini repetunt freta, perque tepentes  
*nium æſtare.* Æſtatem fluctus, & inhospita litora ducunt.  
 Aſt illud mirum eſt: ſubeuntes cærule Ponti  
 Threſciam dextrâ ripam ſtringuntque, premuntque:  
 Bythinum levâ litus, perque æquor Abydi  
 Euxino egreſſi mediam labuntur in Hellen.  
*Laevo oculo obſer-* An quia nimirum lævo caligat in igne,  
*ſores.* Acrior obtutus dextro? Sub lumine Lunæ  
*Dormiunt.* Interdum dulces imâ ſub Doride ſomnos  
 Conciliant, molliſque reclinant corpus arenæ:  
 Durus ubi longo Piſcator ſæpè tridente  
 Sopitos ferit, & morti dat plurimus atræ.  
*Voraces ſunt.* Ventris inexpleti rabies inſana voraces  
 Acrius exercet Thynnos: cogitque ſub alvum  
 Mittere perpetuo quodcumque occurrat: & ipſos  
 Nonnumquam foetus, atque ova recentia mandunt:  
*Ut nec foetibus ſuis* Nec pietas movet ulla feras. E piſcibus alter  
*parcant.* Haud equidem Thynno ſceleratioꝝ, humida luſtrat  
 Æquora. Pelamydes, focium genus, omnia ſervant  
 Thynnorum ſtudia, & mores, connubia, & ignes:  
*Palamydes cum* Ordinibusque meant junctis, & ſœdere paſto  
*Thyanis meant.* Cuncta tenent omnes eadem, victumque, Laremque.  
 His animadverſis, inſtat jam tempus acutum  
 In validum Oceani pecus intorquere tridentem,  
 Antè ſed opportuna tibi quærenda profundo  
*Quibus in locis* In medio ſedes, ubi ſigere caſtra licebit.  
*Thynnorum piſcatio* Optima cenſetur, prono quâ flumine Nereus  
*fiat.* Profluit, & magno curvantur litora flexu  
 Poſt virides colles, & Promontoria longa.



Talia sunt Thetidis Lilybeia saxa Sicanae,  
 Et refluxæ Nefidos aquæ, Stabiæque vetustæ;  
 Est & Sardoi sinus æquoris, atque repostæ  
 Trans Calpen Gades, & (1) Tingi litora, & omnis  
 Herculei tractus Pelagi, Nilique fluenta,  
 Præter & Ægæum quæ fluctibus obstrepat Helle;  
 Et quæ deveni venientes accipit undas  
 Bosphorus Euxini, latèque Propontis inundat,  
 Auriferum juxtà (2) cornu, quæ è colle sinistro  
 Leucopetram (3) denso fugientes agmine currunt,  
 Dum Vere è nigra veniunt Mæotide Thynni.  
 Sunt aliique sinus, quos fama obscura recondit:  
 Quippè ferunt tennes operosa in retia prædas.

Nunc age, cum primùm Maii fulsere Kalendæ,  
 Et læti rident non unâ Chloride campi,  
 Quæsitam in sedem venies, Piscator & undis  
 Hic primùm demitte (4) Crucem, quæ quattuor Orbis  
 Quattuor ostendat radiis partesque, situsque.  
 Indè oblonga mari sociatis (5) insula lembis  
 Creditur auspicio Divorum, & murmure læto.

Crux ubi missa, plagas terrarum, & sydera monstrat,  
 Aulæ (6) medium descendat: & una tepentem  
 Pars petat Occasum, pars altera vergat Eoo:  
 Anchoraque è ferro tibi plurima firmet adunco  
 Carceris alti gyrum, & lethiferum Labyrinthum.  
 Ast ubi iacta, natans leve signet in æquore suber,  
 Profuit interdum durâ pro cuspide, saxa  
 Mittere; namque etiam fundantur retia faxis.  
 Insuper, extremæ Zephyrum qua respicit Aulæ  
 Angulus, intextusque (7) Procætôn jungitur olli,  
 Illinc Thynnagrii vicina in litora (8) Caudam  
 Extendes, ærata mari quam dente tenaci  
 Anchora, vel iactæ sustentent gurgite rupes:

Quo tempore in  
 Ritunda piscatio.

Quove sit demis-  
 sionis retia.

Et anchoris ar-  
 manda.

In

(1) Africæ portus *Tanger*. (2) Bizantii promontorium,  
 Auricornu, Plinius vocat à copioso proventu Thynnorum.

(3) Albicans in mari petra ad ripam Chalcedoniam, cu-  
 jus aspectu territi Thynni ad Auricornu, vulgò *Chrysoce-  
 ras*, desectunt, ubi eos Byzantini capiunt, Chalchedonen-  
 sibus vero ferè nulla piscatio. (4) *Crociato*, rete in crucis  
 formam contextum, quo mundi cardines quatuor cuspidibus  
 indicantur. (5) Totum Thynnagrii corpus, quod nostri *la  
 Tonnara* vocant. (6) *La Sala*, retis centrum.

(7) *Anticamera di Poente*. (8) *La Coda della Tonnara*.

In transversa ferant Thynni, ne forte ruentes;  
Dum celeres urgent vaga signa, citantque natatus;  
Extremâ pariter Septem quâ parte Triones  
Eoum (1) Conclave petit, prælonga sub Arctos  
Inque latus dextrum, sedemque reflexa rubentem  
Retibus è solidis extenditur altera (2) Cauda:

Thynni dextro  
oculo terram spe-  
quant.

Vertice in extremo Caudæ sinuosa revolve  
Eoam in sedem contorto (3) Dyctia gyro:  
Namque oculo spectant dextro quia litora Thynni,  
Dum placidum læti pingunt salis æquor; & illis  
Os tenerum Natura dedit (mirabile dictu,  
Unius impatiens contingi pollicis istu)  
Idcirco occurrunt dum retibus, ora reflectunt;  
Atque retroverſi sua per vestigia, textum  
Spontè dolum subeunt, & ineluctabile fatum  
Non secus Euronoton quâ respicit insula, rete  
In latus intorques geminum Conclavis Eoi.  
Nimirum roseo surgens quâ sibilat Ortu  
Eurus, & imbrifero quâ turbine personat Austër;  
Et quadro pariter deduces retia plexu:  
Inque altâ firmabis aqua; quâ Vesperis atrî  
Aspiciat gelidam Conclave Lycaonis ursam.  
Nam Tartesiaco qua Sol caput amne recondit;  
Thynnagrii protensa jacet pars (4) ultima; pisces  
Collectos Piscator ubi caditque, capitque.

Thynnuspex qui-  
bus signis ex alto ve-  
nientes Thynnos de-  
prehendat,

His super in lembo non longè à retibus ipse  
Thynnuspex (5), cui forte datum observare Cybias  
Agmine densato venientes, atque canoris  
Carminibus dare signa, vigil consistat, & illi  
Assiduè latus omne maris prospectet, aperto  
Ludentes vario thynni si forte natatu  
Incipiant Pelago descendere. Tum citus omnes  
Imperet, ut pueri properent, cymbæque fugaces:  
Sed quibus indiculis cete deprendere possit,  
Expeditam: tranquilla silent dum marmora ventis  
Si cani fluctus, vitreique per aëra rores  
Spargunt, Delphines arant, Thynnive Profundum.  
Aut verò Engraulis si denso examine currunt,  
Ceruleis vel falsa super volitaverit alis

Mer-

- 
- (1) *La Camera di Levante.* (2) *Il Codardo.*  
(3) *Il Ritorno del Codardo.* (4) *La Camera della morte.*  
(5) *Piscator ille, qui venientes Thynnos observat.*

Mergus, & è faxis cantu compellat amicas  
 In prædam Fulicas, pleno descendere cœtu.  
 Thyridas aspicias; quoniam pacata per alta  
 Ducere amant choreas, & lento ludere Ponto:  
 Atque inter lusus amor unus, & una voluptas  
 Venari Trichias, ventrisque explere latratum.  
 Et Trichias (2) mergi pariter, Fulicæque marinæ  
 Sectantur, replentque cœcis felicibus alvum.  
 At quia prædantes Engræulem impunè per æquor  
 Nativis norunt stimulis agitare Cybias;  
 Cetibus idcirco volitant de litore visis.

Thynni Trichias  
 insectantur.

Ut & Mergi, Fulicæque.

Quo modo Thynnorum venatio peragenda.

His actis, ubi jam tempus procedere in armis  
 Bellatum campo pubem, & spolia ampla referre,  
 Veloci ternus lembo (2) Cetarius adstet  
 Pervigil Eoi conclusa ad limina septi.  
 Quò puer, ut magno properare sub agmine Cete  
 Conspicit, adducto confestim vimine, valvam  
 Pandat, ut ingressæ referata per ostia turmæ  
 Carceris (4) Eoi medio stipetur. Ab aula  
 Verum si soli venient, ne clausa relaxet  
 Limina, per maculas quoniam postrema subibunt  
 Retia spontè sua. Læva qua parte patefcit  
 Ampla Procœtonis, sed stricto janua textu,  
 Stent seni gemina in cymba, qui carceris arctent  
 Ostia, cum densi vallum petiere manipuli:  
 Inde (5) ducem subiti moneant: qui lintre recurrens  
 Inclusos textu pisces agat agmen in unum:  
 Atque hinc in dextrum mittat conclave coactos.  
 Non secus Occiduo seni stent carcere lembo,  
 Et solers agat excubias (6) Thynnarius antè  
 Hesperium Septi limen: sed plurimus aula  
 Enatet in media linter; cumque aspicit intus  
 Orcynos hinc, inde vago procurrere cursu,  
 Nec tandem in geminum se se detrudere cassem;  
 In medium conversa diem quæ lata patefcit,

Tom. II.

Ccc

Ocydus

(1) *Smergo*, aves marinæ à mergendo dictæ: ut sunt etiam Fulicæ. (2) *Tunnaroto*, qui piscationi Thynnorum dat operam; Thynni enim Cete appellantur; cum ex illorum genere sint. (3) Vulgo *Porta Chiara*.

(4) *Camera di Levante*. (5) Qui operi præest, *il Rais* Arabica nomenclatura indigitatur.

(6) Idem, qui Cætarius: quasi Thynnorum venationi insistent.

Ocyis occludat (1) portam, nec stricta repandat  
Ostia, ni cœtus sit carcere clausus utroque.

At verò Superis cùm præda faventibus ingens  
In textum ruit, atque omnis latè insula fervet,  
Thynnagrium pueri, junctis ad munera lembis,  
Deprimere in fluctus certent, quibus incubat : & sex  
E duro torti spartho, domitoque sub undis  
Dystia prægrandes teneant, longique (2) rudentes,  
Quos & suberibus multis, mixtimque plicatis  
Nantia sex totidem super alta volumina fundent.  
Binaque Thynnagrii fluitantes gurgite valvas,  
Sustinent pariter glomerata volumina nodis.

Quod superest, ubi veloces ad retia cymbæ  
Convenere, virique una certare parati,  
Bis deni portam, subductis funibus, Aulæ  
Occludant senis delati lintribus: ipse  
Sed qui operi tanto dux assidet, (3) arbore vectus,  
Et quatuor sociis comitatus, retia circum  
Excurrat, celerique fuga simul omnia lustret.  
Censeat & numerum (4) Tritonum, & corpora pendat,  
At si quæ retis dissuto vimine corpus  
Spectat hians, socios sarciri protinus illud  
Imperet: interea prora piscator ab ipsa  
Palladiæ ponto guttas infundat olivæ,  
Ut magis undosi clarescant tecta profundi.  
At si parcere amor liquido, venator, olivo:  
Erue, dum capitur, cristallina lumina Thynno:  
Inque avulsa vadum radio demitte: repente  
Tota serenato fiet nitidissima fundo  
Tethys, & in penitis cernes, quæcumque latebant.  
Interdum filo suspensum proderit orbem  
In medias nitidum collidere sæpius alnos;  
Nam depicta gregem tibi deteget Iris opacum.

Hæc cum præstiterit dux impiger, agmen in unum  
Per longos latè casses errantia cogat  
Armenta: hinc fortem bellatum accedere pubem  
Imperet, & dictis nutantia pectora firmet.  
Extemplo lapidum jactu, & clamore secundo  
Ex Oriente fugent, furvique ad Vesperis oram,  
Inque Proccætonem compellant agmina Nautæ.

Huc

- 
- (1) *Faratico* Siculis dicta est. (2) *Napuni*.  
(3) Hanc cymbam Siculi *Musciara* nuncupant.  
(4) Sic appellantur magni Thynni.

Ducis solertia,  
cum cædendi jam  
Thynni.

Huc ubi perventum, referata per ostia claustrī,  
 Perque aulam cogant mediam succedere lævum  
 Carceris in septum, cœtus quod cogitur, & quod  
 Cum lapidum jactu, sonituque exterritus omnis  
 Devenere, citi juvenes lata ostia claudant,  
 Hesperium lethi queis se (1) conclave cubili  
 Adnæsit: tali piscantes nomine dicunt  
 Ultima Thynnagrii loca cæca, tricuspide ferro  
 Sævus ubi captum perdit Cetarius agmen.  
 Hinc geminæ claustrum ingressæ lethale carinæ:  
 Hæc levis ad claustrī valvas se sistat: & illa  
 Adversa statione, ipsoque in limine septi.  
 Mox geminos imo tolli de gurgite funes  
 Continuo pubem dux imperet: inde rudentes  
 Quattuor & reliquos bini subducere lembi  
 E latere adverso conentur, ut omnis ab alto  
 Muralis ceu tela mari confurgat in auras  
 Thynnagrii moles, & recta supernatet undis.

Quæ diligentia ac-  
 collenda sit machina.

Post hinc alato dux circumvectus in alno  
 Singula Thynnagrii cursu loca præpete lustrat,  
 Atque animos distis accendens excitet iras:  
 Spondeat & prædam ingentem, pretiumque labori.  
 Mox faciat belli signum, Divisque vocatis,  
 Ipse manu primus velocem intorqueat hastam.  
 Exemplo ducis in Thynnos generosa juvenus  
 Tela citi jaciant, iterentque in vulnere vulnus:  
 Atque obluclantes latè cædantque, necentque:  
 Et cæsa in focias deducant corpora cymbas  
 Æratis apprensæ uncis, ferrove bicorni.  
 Ast ubi jam multâ lembi sub cæde fatiscunt,  
 Optatam læti vēstent ad litora prædam.  
 Qualiter adversos cum jam stetit agmen in hostes,  
 Spumanti subvectus eqno dux singula visit  
 Cornua, & ardentes districtis ensibus alas:  
 Pectoraque irritat distis, & sufficit iras:  
 Speque novas addit vires, animumque ministrat.  
 Hinc ruit, & primus ferro stipata lacessit  
 Agmina, lethaliqve volans furit ense tremendus.  
 Confestim post terga ducis succensus in hostem  
 Præcipitat se miles, acutaqve spicula vibrat:  
 Dispergitque acies, cæsoque ex hoste superbus  
 Ingentes in castra trahit victricia prædas.

Ducis oratione  
 firmandi animi: Et  
 exemplo dato jam  
 belli signo, venatio  
 petagenda.

Ccc 2

At

(1) La Camera della Morte.

At non OEbalia Thynnus Piscator in unda

Qua arte Thyn-  
nos Tarentini piscā-  
tur.

Ad Tarentinum  
Archiepiscopum A-  
postrophe.

Tam magno captat sumptu, tantoque labore.  
At quibus (Herculeo nam me vidisse Tarento  
Cum dites peterem Diunos, & lapygis oram,  
Jam memini, tantique juvat meminisse laboris)  
Artibus expeditam. Dextro tu numine Vati.  
Da faciles auras (1), FRANCISCE, tuisque secunda  
Auspiciis, quæ magna loves incepta Camoenæ  
Partheniæ conantur: age & tu Phœbus Apollo  
Castalios aperi fontes: totumque repostis  
Ex adytis Heliconæ, nemusque repande beatum  
Cantanti, & sacri venias tu carminis author:  
Tu trepidæ Cynosura ratis: tu Tiphys: & Ipse  
Piscanti læto niteas felicior astro.  
Namque Phalanthæi magnus si pastor ovilis  
Pascis oves terris mox transmissurus Olympum:  
Ipse etiam formosus oves ad flumina pastor  
Delius Amphrysi pavit sub Theffala Tempe:  
Qui modo non calamos, non dedignatur & hamos.  
Fors erit (d utinam fortunent Numina vota)  
Ut post emensas Alpes, Arctoaque regna:  
Aut, placeat magis, ad Regem Legatus Iberum  
Veneris, & Patris dederis responsa Latini,  
Ausoniam sospes, dominamque reversus ad Urbem;  
Romuleo fulgens ostro, insignisque Galero  
Accedas plestro Vati cantandus eburno.  
Interea bonus æquoreas ne despice Musas.  
Ut primum è summo recinit custodia saxo  
Lubrica stipato properare sub agmine Cete,  
Ingenti textu compacta è cannabe torta,  
E geminis hinc inde gripis de puppe juvenus  
Retia solvit: erunt queis margine nexa profundo  
Grandia saxa gravi pro plumbo, ut fixa sub imo

Piscationis modus  
exponitur.

Pon-

---

(1) FRANCISCUS PIGNATELLUS Archiepiscopus Tarentinus  
Vibonentium Ducis, Hispaniæque magnatis ter maximi Ger-  
manus. Vir tot, tantisq; virtutibus, egregiisque animi do-  
tibus conspicuus, ut meritò ambigas an majorem ac nobilissi-  
mo sanguine traxerit gloriam, quam sibi sapientia, vigilan-  
tia, comitate, prudentiaque, ac regia pene munificentia com-  
paraverit: ad omnium animos sibi officiis promerendos uni-  
cè factus: & propter singularem in Vates, ac literatos  
homines humanitatem, ac benevolentiam immortalitate di-  
gnissimus.

Pondere stent fundo graviore : frequentius amplo  
 Hinc ubi jam circo magnos cinxere Cybias;  
 Et simul in curvo fundarunt litore funes  
 Hinc, illinc; coëant ne retia forsan in unum.  
 Ingenti in terras nisu sinuosa reducunt  
 Dyctia, quæ litus cum devenere propinquum;  
 Si per arenosos tractus, mollesque trahantur,  
 Interius textu cingunt squamosa secundo  
 Agmina, & angusto concludunt Thynnida gyro.  
 Hinc primò mediis in fluctibus orbe relicto,  
 Ne qui fortè cito dilapsi indagine saltu  
 Evadant breviorè, graves ad litora casses  
 Adducunt, terras quæ cum venerè, sub æquor  
 Piscantes nudi descendunt corpora, Thynnīs  
 Ceu luctaturi: caudamque valentiùs ipsam  
 Vi multa appendunt dextrâ, stringuntque tenaces:  
 Quandoquidem cauda pollent fortissima Cete.  
 Inque (1) gripos lævâ tridunt, validoque lacerto.  
 Verùm si duris sint aspera litora saxis,  
 Lethiferum Ponto dictum cognomine (2) rete  
 Credunt: èque ipsis retrahunt de gurgite cymbis.  
 Hoc, velut extensâ resupinos syndone Thynnōs  
 Accipiunt: onerantque optato pondere lintres.  
 Quin etiam OEbaliis mos est in carcere captos  
 Orcynos servare diù: cumque ipsa petit res,  
 Educunt, vænūque ferunt castella per alta.  
 Illud at interea cura majore cavendum,  
 Ne noctu ardentes tollantur vertice tædæ:  
 Nam nitidâ Thynnus face territus, ilicet omnem  
 Disrumpet latè textum, quo liber ab arcto  
 Carcere diffugiat, lucemque evitat iniquam.  
 Idque mali pariter metuendum, spumea surgat  
 Tempestas si fortè mari: fluctuque canoro  
 Pulsatæ resonent cautes, & litora plangent:  
 Nam rauci fugit impatiens stridoris, in altum  
 Thynnus, & objectum disrumpit corpore vallum.  
 Sed Palatinis digno me viscere mensis  
 Usque peregrinis revocas, Acipenser, ab undis,  
 Qui quondam Grajo fueras sermone Silurus:  
 At nunc Germanis Sturio, Gallisque vocaris;  
 Quo cive Austriacus decurrit ritè superbus

Thynni cauda fortissima.

In ipsis retibus longam asserantur.

Territus Thynnus facies.

Quibus in fluvio versetur Acipenser.

Ister,

- (1) Genus cymbæ piscatoriæ apud Tarentinos.  
 (2) La rete della Morte.

Ister, & in tanto jactat se Rhenus alumno,  
 Et Padus, & Liger, & Mæotidis unda paludis.  
 At quæ regali species, Thyrræne, natanti;  
 (Namque etiam Tibri est, domina donatus & Urbe)

*Illius descriptio.*

Accipe. Devexos tereti qui corpore fluctus  
 Exuperat cursu, & fugientia flumina tranat,  
 Oblongusque, scaberque cutem, & cervice quadrata:  
 Gibber & in dorsum surgit, viridique smaragdo  
 Concolor argento: sed lævi candicat alvo:  
 Armaturque gravi rostro, rostroque decora  
 Pendet barba, nitent roseo ceu vellera Mullo:  
 Verum purpureo flavescit viscere dives:

*Frostæ scæto quæ-  
 ritur.*

Totus & ossiculis durefcit corpora, cætus  
 Flumineos inter non ultimus ille Silurus.  
 Quem frustra, rigidus quamquam, venaberis hamo,  
 Piscator; lato quoniam non devorat escam  
 Gutturæ: sed tenuem lambendo fugit ab illa  
 Humorem: vel subter aquis cænosa profundis  
 Effodit ore, suis de more, cibumque requirit.  
 Interdum rore, & limosâ pascitur undâ.

*Retibus capiendus,  
 & quo modo.*

Casse igitur magno, validoque sonora secundum  
 Flumina decipies solertior: at prius illud  
 Mente tibi multa curandum: retia piscem  
 Ne claudant adversa: latus stipentque, premantque:  
 Nam secus herbosam veniens captivus in actam  
 Dyctia disrumpet quamvis fortissima: tantum  
 Olli robur, aquas fluvii dum potat amici.  
 Insuper in sicco dum ventri innititur, ingens  
 Vis, piscatorem rigidæ quod verbere caudæ  
 Sternat humi feriens, & forti dividat ipsos  
 Interdum palos ictu, contosque valentes:  
 Percussoque simul de marmore decutit ignem.

*Ingens illi vis.*

In latus idcirco, puer, inclinare memento.

*Quo actu à Rheni-  
 colis capiuntur.*

Sed quibus Eridano in magno, Rhenoque bicorni  
 Artibus inquiras prædam, Piscator, opimam,  
 Da faciles aures, res est non multa, docebo.  
 Tres, quatuorve cito descendant remige cymbæ  
 In fluvium molli de margine: mox ubi nantem  
 Incertum hæc illac per flumina lata Silurum  
 Conspexere, ruant taciti post terga sequentes:  
 Donec odorifero florentes gramine ripas  
 Lætus habet propior, seseque crepidine sistit,  
 Quâ brevis unda, vadoque sonans effunditur amnis.  
 Tunc magno clamore strepant, sonituque lacestant  
 Sydera confestim nautæ, quo territus actam,

In-



Inque vadum sese pellat, quâ nulla potestas  
Remigio vitare manum piscantis, & hastam.  
At qui Danubii potant vada, quique Tibiscum,  
Sopitos molli ferro jaculantur arenâ.

Per totum quamvis Acipenser nobilis annum  
Captetur, flavoque exornet nectare mensas:  
Solstitio tamen in medio, puer, herbida propter  
Flumina quære illum solentior; ubere quando  
Pinguescit læto, dulcissimus, inter ut ipsa  
Magnorum apponi possit convivia Divum,  
Pro dia ambrosia, & divini nectaris haustu.

At neque te patiar grassantem impunè per Istrum,  
Glanis: Sed in viridi cædam te cuspide ripâ,  
Aut hamo potiùs. Hùc ò tu, Myse, docendus  
Campano propera Vati, si multa cupido  
Extimulat prædæ pectus, vel gloria tangit.  
Principio, curvoque jugo, binisque juvencis  
Danubium ad magnum venies, quâ commoda sedes  
Fallendis tibi visa feris. Hic sub juga primùm  
Mitte boves, medioque jugi mox vellera nodo  
Torta liga, capitique adverso funis acutum  
Cum tosto tauri nectes pulmone tridentem.  
Hinc fluvio demitte: sedensque crepidine ripæ  
Expectare juvat venientem Glanida fundo.  
Cumque atram tenet ore necem, tu vimine torto  
Avertes à fonte boves: mora nulla, tremendum  
Aspicias bellum: malè sano saucius ictu  
Hinc Glanis validus funem trahet, inde juvenci  
Adnixi cervice ferent: hic pulvere campus  
Excussus fervet: spumis hinc concitus Ister  
Albet, & horrifonis reboant stridoribus undæ.  
At tu nè cesses stimulis urgere juvencos,  
Donec vi multa veniet, fractusque dolore  
In viridem Glanis ripam captivus ab Istro.

Perge, tridentiferi rursus spumosa petamus  
Regna Dei, vitæque sonantia Doridos antra,  
Flumineis egressi è fluctibus: inque feroces  
Bella Canes, Galeosque truces horrenda seramus.  
Quæ loca Centrines habitant canosa, Canesque  
Lentre petes, plumbumque mari demitte, retorto  
Cui catulus filo patria de gente revinctus  
Albus erit, vivus caudâ qui verberet undas.  
Ut catulum spectant Galei, volat omnis ab imo  
Agglomerata choros Galeorum, & dira Canum vis  
Auxilium latura: gravi tu cuspide turbam

A Pannonibus fa-  
scina feruntur.

Quo tempore feli:  
cior piscatio.

Glanidis venatio

Et Canum.

Dede neci, aut lino potius comprende, rotundo.

Quorum mita in  
suos pietas.

Nec captura levis; totam dispergere gentem

Aut Hypocha, aut ferro poteris; namque omnibus una

Mens est, invisio socium subducere letho.

Si nequeant, periisse juvat, pereunte sodali.

Tantus amor generis servandi, & gloria gentis.

Non secus adverso Regem si Marte cohortes

Hostiles inter delapsum, inimicaque tela

Conspexere, volant excussi fulminis instar,

Densatæ sociorum acies per tela, per hostes;

Vique viam, ferrove secant, mortemque lacerant:

Defendant ut Fata duci: quod iniqua negabunt

Si Divum decreta, & non revocabilis ordo,

Jucundum cum Rege mori, & laudabile ducunt.

Hic amor, hæc dominoque fides præstanda. Sed ò qui

Nunc mea vocali ludentes murmure venti

Vela implent, patrioque averrunt litore puppim?

In medium fert aura diem: retroque sonantes

Pæstanti fugiunt fluctus. Age nota Pelori

gladiorum piscatio.

Æquora, (1) Scyllæumque, sinumque petamus Orestis:

Noſco omen: Ziphia jam me mucrone lacerant:

Egregiamque parant belli sub fine coronam.

Huc mecum properes, nostræ spes inclita Musæ,

Ad RUFFIADEN.

RUFFIADE (2) generose, precor: Sunt hæc mihi quando

Auspiciis incepta tuis. Tu prælia, & arma,

Et Gladiorum iras Vati narrare solebas,

Dum vinctus picto Rhegina ex urbe phaselo;

Scyllæum, te visurus, tua regna, petebat.

Quare age, quas olim properanda in carmina vires

Spontè dabas, Vati modo suffice: te quoque possit

Tollere ut æterno ventura in sæcula cantu.

Et CARDENIDEN  
Apollitrophe,

At tu Partheniæ decus immortale Camenæ

Adsis, CARDENIDE, pugnae bonus arbiter: idemque

Auctor: & ipse mihi per te sit dexter Apollo.

Quin etiam magnis si mentem avertere curis,

Et juvat ingenti rerum subducere mole

De-

(1) Oppidum Calabriae contra Pelorum a Scylla dictum, ex quo Siculi æstus exordium: vulgo *Lo Sciglio*.

(2) FRANCISCUS M. RUFFUS Scyllæi Princeps, Sinopolis Comes, &c. ex antiquissimo Equeſtri ordine, & fascibus, & majorum gestis illustris: vir moribus antiquis, pietateque conspicuus, dignus qui aureo Italiæ sæculo nasceretur: cui se plurimis adstrictum beneficiis Vates proficitur.

Defessos interdum animos, hunc protinus infer  
Magnanimos gressus; nam sunt te Principe digna;  
Quæ modo cæruleis dabimus spectacula scenis.

Postquam Thynnariidæ vultus texere decoros,  
Solstitio properante, leves ad pabula currunt  
Turmatim Ponti præter vada, perque sonantes  
Ægæi fluctus Ziphææ, trans Joniumque  
In Scyllæa vago contendunt marmora cursu.  
Subter ubi densis frondescit sylva viretis,  
Assimiles Quernæ bacchas quæ plurima glandi  
Procreat, & longos extendit in æquore ramos.

His Gladios velsi baccis certissima fama,  
Utque sues læto nimium grandescere succo.  
Quin etiam vesca perhibent hac Thynnida baccæ  
Pelamydem, Orcynumque, atque hac gaudere Cybias.

Ergo ubi jam candens aperit bipatentia Cancer  
Limina portarum, chelisque rubentibus ardet  
Bellatum campo venies, Piscator, aquoso:  
Sed quibus armatus telis, condice priusquam  
Inscius alta petas: bis senis missile palmis  
Fac hastile, cui pennatum confere ferrum:

Illius & geminæ valeant insectier alæ  
In se se, pernix dum piscem transigit ictus.  
Sic facile irrumperet, penitusque in viscera monstri  
Descendat, pennisque tenax hærebit hiulcis.

Funis in adversa laxandus parte ligetur,  
Ut semel intortum revocare à gurgite ferrum,  
Captivamque unà possis deducere prædam.  
His super oblongam, velocemque instrue cymbam;  
Quà citus in campum veniat jaculator: & illam  
Quattuor impellat pubes fortissima remis,  
Sint geminique breves, reliqui se corpore longo  
Extendant, quibus ipsa volet velocior Euro,  
Inque latus verti possit, volvique carina,  
Altior in medio confurgat malus ad auras,  
Cujus in extremo venator vertice fidens

Omnem latè aciem, & tumida æquora circumspiciet:

His actis, summo vicini è culmine montis  
Excubias speculator agat: qui pervigil omnem  
Exploret latè tractum, & maria alta: natantes  
Quotque ruant Gladii ponti de vertice: vel quo  
Denfati canum depingant ordine marmor:  
E Mundique plaga cursu quâ præpete currant.  
An lævam, dextramve secent: veniant ne Pelori  
Angusta de fauce, nigrique è sinibus Austri:

Tom. II.

Ddd

Quo tempore Gladii ad pabula veniāt.

Sylvæ marinæ scylleo in mari.

Ex quibus baccas Gladii, Thynnique depascuntur.

Quo tempore incunda piscatio.

Teli descriptio.

Et cymbæ.

Custos excubias habet.

Venientem monent unde Gladii ruant.

An

An Borea comitante Poli de sede nivosa:

Anne æstu saliant adverso, an flumine prono

Descendant, celerine petant cava litora saltu;

Qui grajo cantu capi  
feruntur.

Argolico signet cantu, numerisque canoris;

Argolico quoniam concentu, & carmine Grajo,

Mira quidem, Ziphias ducique, trahique feruntur.

Scilicet hi quondam Sigæa ad litora missi

Mirmidonum in  
Glad os metamor-  
phosis.

Mirmidones fuerant socii armipotentis Achillei:

Fraude venenato quem postquam perfidus istu

Occidit Paris orantem ad delubra Minervæ,

Conjugii falsa spe captum, protinus illi

Vulturi manes defuncti Regis, in æquor

Insilvere Phryges contra, Regemque superbum:

Cum verò in campum nolent descendere Troes,

In subitam pulsi rabiem, cæcumque furorem,

Præcipientes undis se demisere marinis.

At quæ Sigæo tunc litore flebat Achillem

In pisces miserata Thetis mutavit, & ensen

Iussit habere, manu quem tunc pugnante tenebant:

In longumque acie rostrum conflagit acuta.

Sed jam clara dies, Zephyrique loquacibus auris

Invitant, summoque canit custodia colle

Adventare feras: curva è statione sub altum

Confestim juvat ire, marique excurrere aperto:

Et nisu Ziphias, & acuto figere ferro.

Venationis exor-  
dium, totaque acies  
describitur.

In primis, speculator iter quæ carmine monstrat,

Remigio sociorum impulsæ citissima pinus

Corripiat per falsa fugam: celerique sagitta

Sibilet, atque Euro velocior: ipse supremo

Venator malo insilstat, partesque per omnes

Se vertat; si fortè feram conspexerit: & alto

Qua Ziphias properare monet de vertice custos,

Imperet intendi cursum, pelagoque volari.

Sive iter ad dextram carpendum, sive sinistram:

Seu sit opus rectâ Gladios perstringere puppi.

Cum propiora tenet Galeota, citissimus ipse

In proram malo saltet venator ab alto:

Rectus & insilstat: cui mox fortissima stringat

Dextera, velocem jam jam missura sagittam.

Hinc ubi jam teli iactum stetit obuius intra,

Et fluctus suprâ Ziphias subsultat, ibi hastam

Expediat nisu valido, glomusque resolvat

Illicet è cymba, ferrumque in vulnere linquat.

G'adit iusta cum  
sacriatur.

Continuò furex ille, latus transfixus, & irâ

Fervidus insurget bello: totusque cruento

Inten-

Intendet mucrone minas, latèque per undas  
 Spumeus ore, velut turbo, volvetur, ab Austro  
 Cum ruit, & rapidis freta turgida submovet alis.  
 Infiliet, salietque; latusque adversa frequenter  
 Excutiet, membris si fors lethale venenum  
 Evomat infelix: frustra tamen: usque tenaci  
 Cuspide defixum hæret ineluctabile telum.  
 Hæc, illac igitur rabie, impulsusque dolore  
 Multa furens sese devolvit, & acrior hostem  
 Exerto mucrone petet: tu sedulus arce  
 Remigio puppim celeri: secus ille bifulco  
 Aggressus tenuem scindet mucrone carinam,  
 Aut multo latus obvertet violentior istu.  
 Sed jam lassus ubi languet, ceditque dolori:  
 Atque minas sensim ponit moriturus, & iras,  
 Illicet aggredere, & revocato è gurgite lino,  
 Vi nulla exanimi plausu poteris ovanti.  
 Non secus ac magnum mediis in saltibus aprum.  
 Cum venatores densi petiere sagittis:  
 Confossus jaculo fremit ille: & dente minaci  
 Excursat circa rapidus, si fortè virum quem  
 Appetat audaci morsu, eademque reponat.  
 Contra illi longo tendunt venabula ferro,  
 Horrifonoque arcent bombo, & clamore secundo;  
 Quo tandem cursu exhaustus, fusoque cruore  
 Stratus humi jaceat moriturus: ibi agmine facto  
 Aggrediuntur aprum densi: lorisque revinctum  
 Optatam gaudet sub testâ reducere prædam.

Sed ruit interea, ruit implacabilis æstas:  
 Atque iterum Ziphææ freta per conclusa Pelori  
 Descendunt, patrii repetentes æquora Ponti:  
 Perque latus Siculum ventoque, æstuque feruntur:  
 Trinacriam idcirco venies, piscator, ad oram  
 Litore ab Ausonio, & Scyllæa ab sede profectus,  
 Cum jam torret agros sitientes Syrius, & cum  
 Fervidus ingenti irarum Leo fluctuat æstu:  
 Victor ubi Gladios longo insectabere ferro.  
 Ast humiles quoniam, longèque à litore colles  
 Intonsi surgunt, refuò natet æquore Pinus,  
 Illius èque sinu sese longissimus auris  
 Malus agat: mediusque inter carchesia custos  
 Humida prospectans Neptuni regna, monebit,  
 Quaque ruant Gladii: & quâ scindere Nereæ tonsis  
 Conveniat, longos & circumflectere cursus.

Sed prius à Zephyris, quàm murmure pulsa secundo

Quo tempore ad  
 Siculum litus fiat ve-  
 natio.

Insignis venationis  
ab Authore visæ de-  
scriptio.

Vela legam, ditesque obviam ad litora puppes,  
Non quam Scyllæo prospexi in gurgite quondam;  
Indictam nostro transibo carmine pugnam.  
Puniceis in vesta rotis Aurora coruscum  
Extulerat caput Oceano, latèque rubebat,  
Cum fociis comitatus (erant Lidorus, & Anthus,  
Florentes pueri ætate, & virtutibus ambo:  
Carminibusque potens Anthus, Lidorus avena.  
Hos Vati ingenui mores, & amica juventæ  
Simplicitas, geniusque pio copulavit amore)  
In vestus picto Rhegino à litore lembo,  
RUFFIADE, tua regna peto, visurus aquosæ  
Tethyos in campo miræ spectacula pugnæ.  
Hic primum te convenio, testumque superbum  
Manè salutatum subeo: tu limine in ipso  
Occurris, Vatemque sinu amplexaris amico:  
Lidorumque unà, & pulchrum complecteris Anthum.  
Inde domi multo postquam sermone locuti,  
In litus læti properamus: ubi aureus undis  
Innabat lembus, cælatus & undique signis  
Dedaletis, latèque auro fulgebat & ostro.  
Quattuor in media surgebant sede columnæ  
Cæruleis signis intextæ, & floribus aureis:  
Plurimus inque auro cælatus desuper asser  
Transversum impositus, mollemque inflexus in arcum  
Fornicis instar erat: rubroque imbuta veneno  
Strata dabat supra tactum Mœlibœa coruscum  
Purpura, Phœbeos longè pulsura calores:  
Perque latus fulvo contexta è vellere Zona  
Inferiùs demissa, ligataque plurima tæniis:  
Plurima & insertis fluitabat lucida villis.  
Ipsa etiam roseo pubes fulgebat amictu,  
Prompta coloratis impellere cærulea remis  
Æquora, & alatos cursu prævertere ventos;  
Sed jam Regali suscepti Nerea lembo  
Sulcamus, camposque citi properamus in udos,  
Multus erat venator ubi pugnare paratus.

Venationis hypo-  
stiposis.

Continuò signum speculator ab arce suprema  
Fecit, &, ad dextram fulcate, ò Dorida, dixit.  
Corripiunt iter extemplo, dextraque profundum  
Adductis vertunt pubes generosa lacertis.  
Spumea jam longo caneabant marmora sulco  
Pulsa retrò: socii, tum, lævam currite remis;  
Protinus exclamat custodia: nec mora, nautæ  
Continuò lævamque tenent, & Nerea yerrunt?

Ut

Ut propius ventum est, Ziphias sese citus aufert,  
 Atque iter in Zephyrum desceſcit: vertice ab alto  
 Tunc Zephyrumque peti cuſtos, rectaque ſecari  
 Admonet: in Zephyrum fuga fit, pelagoque volatur.  
 Hinc ubi jam retrò Gladius ſua colla reſceſcit:  
 Et curſum retrò ſeſti jubet, inque rubentes  
 Auroræ properare domus: mora nulla, juventus  
 Intorquet curſus, & litora ſtringit Eoa.  
 Vix tantum pelagi puppis conſecerat æquor;  
 E duro quantum nervo volat acta ſagitta:  
 Cùm prora inſiſtens jaculator conſpicit hoſtem  
 Inſtanti celeri ſaltu, & propiora tenentem.  
 O, inhibite fugam, citus inquit: & ocyor ipſe  
 Intorquet dextra ferrum læthale: ſed ictuſ  
 Incaſſum cecidit: ſubito quia ſub freta ſaltu  
 Immerſit Ziphias pronum caput: ille repente  
 Indignatus aquis hæſtile educit ab altis;  
 Utque iterum ſaltu rediit Galeota ſecundo,  
 Emittit ferrum: laterique infigit: ibi omnis  
 Spectantium favor exortus, plauſusque theatri  
 Et mirus centum celebratur laudibus ictuſ:  
 Dignus cui plena circum ſpectante corona  
 Plauderet Auguſtus Cæſar, Patrumque Senatus;  
 Et plebs, victor io, ſtreperet Romana, triumpho.  
 Sed graviora vocant belli ſpectacula Vatem.





# HALIEUTICORUM

## LIBER SEPTIMUS.

**N**UNC age, trans Calpen piscatum immania Cete  
Ire juvat, gelidumque Poli penetrare sub axem.  
Vos mihi, vos Divæ, quibus alti marmora ponti,  
Et prona obsequiis ponti gens horrida pareret,  
Pandite sepositum spumosi gurgitis antrum,  
Quo Cete, & turpes Phocæ stabulantur, & Orcæ:  
Quos & per liquidos campos, saltusque profundos  
Neptuni pastor Proteus armenta reducat:  
Et piscatorum vos prælia dicite, & arma.  
Tuque aded, qui vasta regis miracula Nerei,  
Et dictis, iram spumantia, pectora placas,  
O adsis mihi, SATYRIDE: tu numine Vatem  
Inspira, & magnis jam nunc allabere cæptis.

Oceani in primis quæ sint Neptunia monstra,  
Quàm varia, & quantis veniant diversa figuris:  
Qui mores, vitreæque colant quæ Doridos antra,  
Expeditam: (1) Cete sunt grandia corpora: quales

Belluarum deferi-  
ptio.

Insu-

---

(1) Animantia universa, quæ in aquis degunt vel branchias habent, vel pulmonem, quæ branchias, quia ob sanguinis paucitatem frigidiuscula sunt sola aqua indigent, ut respirent; hinc illis branchias ad respirandum natura dedit: isthæc autem omnia pisces appellamus. Quæ verò pulmonem habent sanguine abundant, atque ob id calidiora sunt, quapropter aëre, opus habent, ut aliorum sanguineorum more spirent, nec diutius, quàm par est, in aqua contineri possunt, quin suffocentur: idcirco supra aquam sæpè emergunt ad aërem attrahendum: dormiuntque erecto capite: hæc autem Cete vocant, Latini belluas etiam, & feras marinas nuncupant.



Insulæ Ægæo in magno, quæ gurgite quondam  
 Ex imo (si fama patrum fert vera per aures)  
 Emerfere: diuque vagæ per cærula nantes  
 Europes circum errarunt, atque Afidis oras:  
 Talia inacceffis in rupibus haud creat horrens  
 Caucasus, aut Rhodope, Riphæaque, non Erimanthi  
 Umbrosus vertex, nigrisque cacumina Tauri:  
 Non & Carmani saltus, Hircanaque tellus:  
 Arida nec Lybie desertis nutrit arenis,  
 Quamvis illa parens sit portentosa ferarum:  
 Ulque aded magnis fœtum est animantibus æquor:  
 Et fecunda feras, & monstra immania Cete  
 Prognit vastis in fluctibus Amphitrite.  
 Sunt quæ se longa dum vectant mole per undas,  
 Quinquaginta patent cubitis, mirabile dictu.  
 His & adhuc majora sinu Thetis inda profundo  
 Condit, & Arctoo pascit sub gurgite Proteus.  
 Jugera terna maris (quis crederet?) occupat ingens  
 Bellua: majores etiam tenuere (1) quaterna.  
 Non densis horrent squamis intecta: neque illis  
 Aspera pellis, apro veluti, cui plurima setis  
 Terga rigent: solido sed convolvuntur amictu  
 Intexto è corio præduro: lora reciso  
 Quo fiant magnis ducendis molibus apta.  
 Immenfum caput, ætherias celi turris in auras  
 Tollitur, horrendum visu: cui fistula summo  
 Est apici, assiduè potas quæ devomit undas  
 Ingenti clangore: velut de rupibus altis  
 Cum per depressas labuntur flumina valles.  
 Naribus his tenuem Cœli spirabilis auram  
 Accipiunt: nimio quia turgent sanguine Cete,  
 Ætheris afflatu vitam ducuntque, fœventque.  
 Non multo reliqui perfusi sanguine pisces  
 Cæruleos sorbent squamosis foliibus annes.  
 Subter aperta patent horrentia dentibus ora,  
 Antra velut: longi referunt hastilia dentes:  
 Hinc alios resupina petunt, sua pabula, pisces.  
 Consilio factum naturæ, ut grandia vertunt  
 Dum, se monstra, citi fugiant è faucibus illi.  
 Provida ni mater fecisset, edacia Cete,

Magnæ in mari  
belluæ.

Magnitudo in-  
gens.

Plinius.

Corio teguntur.

Fistula qua aerem  
attrahunt.

Quæ

(1) Massarius interpretatur nongentorum sexaginta pedum longitudinem.

Quæ nimium malefana fames exercet edendi:

Tempore non longo pelagi genus omne necassent:

Cætera membra, quibus formantur corpora, solers

Interius, humana velut, Natura creavit.

Interiora huma-  
nis simillima.

Immenso pulmone bibunt spirabilis auræ

Particulam, multusque ambit præcordia sanguis.

Grandia prædurus succingit pectora thorax,

Cui vel (1) sternon inest, vertebra, & musculus: hepar

Est quoque quadrupedum similis, formamque, coloremque

Et nervi, nimiaque caro pinguedine turget.

Balænz motu de-  
sides.

At Balænarum pinguissima corpora, pisces

Continuò quoniam prælato gutture mandunt,

Igneæ vis illis est plurimà: neve labore

Exercent sua membra: maris sed gurgite cæco

Otia longa terunt: celi magna sub ilicibus sus

Prona vorans glandes, & quæ se volvit eodem

Pigra luto: secunda suis Campania quales

Nutrit agris: numquam verò concrefcit aquosa

Pinguedo; diluta magis quia fervet ab igne.

Catulos pariunt,  
& educant.

Plurima gignendi vis est, nubuntque frequentes

Et lætæ gaudent utero grandescere matres.

Conceptos edunt maturo tempore fœtus:

Charaque distentis lactant sua pignora mammis.

Solicite matrem per cærula ponnè sequuntur

Pernices cursu catuli: celi florea propter

Rura capram teneri sociant balatibus hædi.

Et tuentur.

Illa suis, mirandus amor, circumtegit alis,

Imbellemque fovet sobolem, incurfuque tuetur

Hosili, ponitque suo pro pignore vitam.

Quam varium fe-  
racum genus.

Hinc & digressus, quotuplex genus omne ferarum;

Et sua cuique insit generi quæ forma, docebo.

Ingentes primò præcellunt corpore (2) Pristres,

Et (3) Phylæteres cum turrigeris (4) Balænis.

In-

(1) Sternon Græcis dicta inferior pars thoracis, quod Cete à piscibus tantum habent.

(2) Græci à secando vocant, vel, ut aliis placent, à stando.

(3) Quasi Flator, quia scilicet nimbosam aquarum illuviem afflando à fistula evibret. Nostis utraque hæc bellua *Capodoglio*, dicitur. Hispanis, & Santonibus *Marsoba*, Gallis *Mûlar*, & *Calderon*.

(4) Italis *Balene*, Gallis *Bleno*, Hisp. *Vallena*.

Inde truces (1) Orca, (2) Phocæque, horrendaq; (3) Serra,  
Phocænæque (4) leves, & cærulei Delphines.

Grandis cyaneo fulget Balæna colore:

Balænae descriptio.

Marmoreum candet pectus, lita tergora nigris  
Interdum punctis spectantur: & humida fronte;  
Non exerta tamen, duplici stat fistula hiatu:  
Et pinnae, utrinque unam, tenet: altera dorso,  
Ala velut magna, inserta est: qua dirigit omnem  
Corporis immensi molem, curritque per æquor.  
Lunatam extendit caudam, temonis & instar  
Hac totum inflectit corpus, cursumque gubernat.

Qui magnus mole insequitur, patet ore tremendo

Et Physterin.

Physter, magnosque illo imbres afflat aquarum,  
Navigia alta quibus citus obruat: alaque dorso  
Nulla sed interdum tollens se rectus in auras,  
Antennas super assurgit, nebulosæque longæ  
Atque abrupta velut rupes spectatur, & horrens:  
Territat & nautas, & Cete territat ipsa.  
Dentibus infrendet magnis, nervosique lingua,  
Qualiter immenso truncus se prodit ab antro.

Que sit Pristis.

Horrida quæ longo, & serrato bellua dorso  
Occurrit tibi, piscator, cognomine Pristin  
Grajugenæ dicunt, celeri quia marmora cursu  
Lata secat fugiens, volucrique simillima vento est:  
Ast Indi Oceano in magno, gentesque repostæ  
Vivellam, ut memorant, Serram dixere Latini;  
Serrato quoniam præcellit plurima rostro.  
Sex pinnis alata volat: stant corpore binæ  
In medio, binæque insunt sub podice, quinta  
Extremo erigitur dorso levis, ultima tandem  
Definit in caudam: cutis aspera: fuscus in alto  
Tergore stat color, & patulo sub ventre nivalis:  
Os tenue, at duri, & præacuta cuspide dentes.  
Est etiam fera seva mari, quæ fronte sub alta

Tom. II.

E e e

Hor-

(1) Orca & *Capidoglio*, Hisp. *Tinet*, Gallis *Oudre* à crassa  
utris forma, & *Espondars*: ad Oceanum vero Gallicum Or-  
ca, Phocæna, & Delphinus *Marsuin*, vulgo appellantur.

(2) Nostri *Vitello marino*, Hisp. *Lobo de la mar*; nimi-  
rum lupus marinus, Gallis *Veau de mer*. At Provincialibus,  
& Liguribus *Bove marino*. (3) *Pistris* species, quæ in ca-  
pite ferram habet. (4) *Turcionem* alii vocant: Delphino si-  
milis est, etsi minor, speciemque Delphini faciunt; eodemq;  
appellatur nomine.

Oceanî Serra bar-  
bata.

Orcæ descriptio.

Quibus in locis  
belluæ nascantur.

Et cur plures in  
Arctoæ mari.

Ad Niphadiam in-  
gens piscatio.

Horrendam sursum prætendit in aëra serram :  
Qualis Atlantei quondam per cœrula ponti  
Vila fuit, faciemque tremenda, hirsutaque barbam.  
Quæ subeunt, Oryges Grajo sermone, Latino  
Appellant Orcas: pingui quæ mole tumescunt  
Corpora: sed simæ rostrum, sursumque repandum:  
Cætera Delphino similes, pinnamque, cutemque:  
Quæ tota est glabra, & nimio lævore polita:  
In dorso livet, canetque in ventre, rubetque:  
Cæruleumque latus, lunataque cauda nigrescit.

At nunc quæ maria alta ferant vastissima Cete  
Exponam. Nulla Euxinis generantur in undis:  
Et caret Ægæum monstribus, conclusaque Tethys.  
Interdum tamen irrumpunt angusta per ora:  
Herculis Oceano ex alio: Libyæque secundum  
Litora velificant, vel Ibera: vagoque natatu  
Nonnunquam Syriæ extremas veſtantur in oras.  
At vero Atlante in magno fera monstra, (1) Rubroque  
Oceano, atque undis latè gignuntur Eois.  
Oceanus tamen Arctæus, concretaque Doris  
Innumeras monstrorum acies, densasque catervas  
Educat: hic magnis est secundum mare monstribus;  
Nimirum quia pinguescunt uligine fluctus  
Frigore densati multo, spissumque pruinis  
Non tenuis rorem defudat desuper æther:  
Uber & hinc succos, & nutrimenta ministrat.  
Pisces, Armorique, tenent quique alta nivales  
Litora Norvagi, Batansque ferocior, & qui  
Divisi è toto penitus sunt Orbe Britanni,  
Arctoam supra metam, propiusque sub axem  
Niphadiam (2) veniunt, vicinaque litora, magni  
Quæ nive perpetuò montes stipantur acuta.  
Huc autem properant piscatum maxima Cete,  
Exiguas ubi solstitio Sol fecerit umbras;

Nam

(1) Tota ea orientalis Oceani pars quæ inter Africam, & Indiæ intra Gangem peninsulam, Persidemque alluit, rubrum mare appellata est, est præſe mare rubrum Arabicus finis sit. (2) Regio terræ borealis anno 1596. detecta, quæ à præacutis montium verticibus æterna nive oblitis *Spitsberg* appellarunt: nos græco vocabulo Niphadiam: ad hanc Balænarum piscationem maximè quæstuosam exercent: conveniunt ad piscandum plures quam centum naves. Furrerius Geographiæ tom. v. cap. 8.

Nam tunc Oceani tandem concreta liquecunt  
 Cæcula, continuò cum Sol versatur in Orbem  
 Alta super maria, & nunquam caput æquore condit;  
 Ni tribus exactis per multa volumina Signis.

Ast insueta vocans piscantem in prælia Mayors  
 Armatus vitreo stat in æquore: sævus & hastam  
 Concutit ergo alacris bello se protinus omnis  
 Accingat pubes generosa: citæque carinæ.  
 Sed prius arma tibi quæ sint formanda, docebo.  
 Dimidio satum pede telum, altumque duobus,  
 Cui lævis mucro, inque aciem cuneatus adhæsit:  
 At gemina in medium teli quæ tendit utrinque  
 Linea mucronem sit rasilis: infit & olli  
 Attenuata velut Sicana novacula cuspis:  
 Inferè & hastili telum, quod deinde juventus  
 Stringat ovans: micet ore: feramque in bella laceffat.

Teli descriptio.

Quo indicio custos  
 Balænam deprehendat.

Interea custos specula sublimis ab alta  
 Observet tardo cum se Balæna natatu  
 Promovet, & pelagi circum cava litora curfat.  
 Hoc autem certo poterit cognoscere signo;  
 Scilicet è medio si gurgite cernit ad astra  
 Attolli, & largis dispergi roribus undam.  
 E magno velut affurgit vibrata canali  
 Nais, ubi summo de vertice fluxit in imam  
 Tellurem, saliensque altum petit aëra rursus.  
 Ut vigil è celso vidit custodia saxo  
 Balænam, lituo det signum: protinus omnis  
 Piscantum manus undoso de litore solvat  
 Arma agitans animo: celi cum dedit ære canoro  
 Increpitans belli signum turba Martis: in arma  
 Effusæ irrupunt acies, & prælia prima  
 Accendunt, telisque invadunt cominus hostem.  
 Ut propius monstro jam successere catervæ,  
 Plurimus in proris adstans jaculator, acutum  
 Expediat dextra ferrum, nisi que valenti  
 Pellem adigat subter duram, penitusque recondat;  
 Quo molles subeat venas, & viscera viva.  
 Remigio hinc omnes celeri, & velocius ipsis  
 Proripiant sese ventis, laxentque rudentem.  
 Namque ubi lathiferum suscepit pectore vulnus  
 Bellua: confestim magno cruciata dolore  
 Ingentem nimbum, tempestatemque tremendam  
 Conciet, & totum vertet de gurgite pontum.  
 Saucia si pelagi fugiens petat alta natatu  
 Actutum Balæna, citus tu, nauta, secato

Qua arte telis feriatur.

Si fugiat, non lethaliter vulnerata.

Eec 2

Demis.

Demissum è navi funem, ne fortè carinam  
Invertat: dum per medias se proripit undas.  
Incaustum quoniam cecidit labor omnis: & exta  
Non lenta intortum penetravit ad intima telum.

At si subsidat, mor-  
tale vulnus.

At si confestim subsidens Nerea subter  
Descendat, læti vos spem præsumite belli,  
Nam penitus nervum subit immedicabile vulnus.  
Quin etiam falsa stimulatam Najade monstrum,  
Vulneribus quæ se insinuat, scinditque dolorem,  
Neptuni fundo dum se affricat, intus acerbum  
Altius infigit telum, invitumque morantem  
Accelerat pestem: profusus corpore sanguis  
Nuncius adveniet lætus piscantibus. Orca  
Viribus interea lapsis, vitæque labante,  
Ut datur, irreptit fundo, terræque propinquat.

Utræ terræ propior  
ascendenda.

Ergo ubi jam monstrum consurgere cernis ab undâ,  
Una omnes ruit in prædam, ferroque trifidulo  
Cædite: sylvosos veluti leo saucius inter  
Cum saltus hæsit, intricatosque recessus,  
Stipati in jaculis, & pelle Libystidis Ursæ,  
Invadunt duri Garamantes, & ærea vibrant  
Spicula, sollicitique addunt in vulnere vulnus;  
Emoriens donec vix palpitet. Ergo ubi vitam  
Permixtam roseo fudit Balæna cruore,  
Victores magnam spumosa è Doride prædam  
Ducetis lætum sociis pæana canentes.

Ut hamus, & un-  
bus Orca capiantur.

Sed jam subsequitur labor alter, & altera belli  
Tractandi ratio: Taurino viscere, & hamo.  
Utribus & magnæ subigendæ inanibus Orca.  
Ergo tibi primum ferro cudatur adunco  
Hæmus: & intorto connectes ære catenæ:  
Cui nodo validum denso subjunge rudentem;  
Verum ne duro laceretur ferrea dente  
Linea, per medium subnectes plurimus orbes;  
Qui rabidos monstri dentes solido ære retundant;  
Aëre mox tenui sætos, ventoque tumentes  
Appendat circa funem Cetarius utres:  
Et religet firmis sua per discrimina nodis.  
His igitur telis instructus, & arbore longa,  
Ut levis in prædas invitat sibilus; escam  
Aut jecur, aut tauri scapulas da plurimus hamo:  
Atque hamum Pistrî da protinus: illa voraci  
Ore dolum, mortemque bibet: tunc ocyus omnem  
Transennam laxabis: in humida teque reduces  
Litora, Balænae pugnam visu rus inanem.

Et quo assit;

Nam-

Namque ubi jam ferro transfixum bellua guttur  
Sentit, & effuso pelagus livere cruore,  
Infrendens ira, acrique irritata dolore,  
Dentibus æratum rabidis conabitur orbem  
Scindere: sed frustra multo conata labore  
Tethyos in gremium demergitur, & simul ipsos  
Nequicquam contra oblucentes deprimit utres.  
Hic defessa latus per molles sternit arenas,  
Atque brevem quærit requiem, ceditque dolori:  
Infandumque gemens spumantes egerit undas.  
Non secus ac ionipes multa luctatus arena,  
Sole sub ardenti, cursuque exhaustus iniquo,  
Ore vomit spumas, & frena tenacia mandit:  
Atque ignem patulis è naribus afflat anhelus.  
Nulla quies miseræ tamen est: namque aëre pleni  
In summum semper nitentes ætheris utres  
Tolluntur, pariterque feram super æquora multa  
Vi rapiunt: ruit illa furens, utresque lacerat  
Pone sequens: illi antevolant, supraque feruntur:  
Et similes cedunt fugientibus: illa sed urget,  
Ingeminatque iram, & vento contendit inani.  
Ingenti donec lucta, sævoque dolore  
Exanimata, tibi medio stert gurgite præda.

Sunt qui ne ratibus noceant incursum Orcæ;  
Obruat aut magnis emissum naribus æquor,  
Monstrorum ex ipsa contextunt pelle carinas:  
Desuper & testum consternunt futile cymbæ.  
Non secus ac illi faciunt, qui litora lustrant,  
Creber ubi surgit nigro de marmore Magnes.  
Qualis ad Arctos septem damnata Triones  
Gens inculta virum glaciali cingitur unda.  
Hic quia perpetuis candescunt arva pruinis,  
Atque novem totos per menses aëre ningit,  
Nulla Ceres flavo convelsit culmine campos,  
Non lætis Pomona comis, non palmitè Bacchus  
Umbrat humum viridi: & squallentes nulla per agros  
Depascunt armenta: leves canentia tantum  
Æquora, perque nives decurrunt undique cani,  
Et cædem duris minitantur dentibus Urli.  
Idcirco gens illa cibos, & cætera vitæ  
Commoda venatu inquirat studiosa ferarum:  
Omnis & in cæsa spes vitæ gentibus Orca est:  
Agrestes è pelle casus: è pelle carinas  
Compingunt: sunt ossa trabes: quæ litore fixa  
Sustentant muros, pellitaque testa domorum.

Balanx luctu com  
utribus.

Naves ex pelle Ba  
leazarum.

Arctos regionis;  
gentisque descriptio.

Cujus omnis vitæ  
ratio à Cetibus pen  
det.

E tenui vestes aptant sibi pelle, ferosque  
 In cultros dentes acuunt: pinguedine lychnos  
 Implent; & longas evincunt lumine noctes.  
 Ante focum reliquos artus, & viscera siccant:  
 Et siccata molunt, faciuntque è polline quadras,  
 Non concessa quibus Cerealia dona repensent.  
 Scilicet ipsa homines solertes fecit egestas,

Cetum dux.

Nunc age, non id te lateat; vastissima Cete  
 Ante præit ductor, qui sedulus indice caudæ  
 Cuncta maris loca lata feris præmonstrat, aquosum  
 Et prætendit iter: non hunc invita sequuntur  
 Oceani vaga monstra: seni cæu lumine capto  
 Præcedit socius puer indivisus eunti.  
 Ille manu ducit trepidum: regit ille labantem:  
 Et tutum prætentat iter, flexusque viarum  
 Intortos: vitat lapsus, & sicubi duri  
 Occurrunt lapides monet, incurfusque maligni:

Bellæ oculis la-  
borant.

Incolumemque domum fera jam nocte reportat.  
 Exiguo quoniam spectando lumine pollent  
 (Namque superciliorum ingenti pondere pressi  
 Et nimia circum obducti pinguedine, fulci  
 Caligant oculi) ductorem provida mater  
 Idcirco Natura dedit, iussitque fideles

Idcirco prævio  
ductore natant,

Excubias agere, & casus arcere sinistros.  
 Hic monstrat quæ tuta via est, quæ prima petenda  
 Sint loca, qui scõpuli vitandi, abruptaque saxa,  
 Insidias etiam piscantium, & prælia, & arma  
 Præcavet, in secura feram seseque reducens.  
 Non invita Ducem sequitur Balæna, neque illum  
 Luminibus procul ire sinit, nec deserit unquam.  
 Verùm, mira fides, cum delabentia Cælo

Quem nocte ore  
recipiunt.

Sydera, & optatos suasere silentia somnos,  
 Accipit ore Ducem, & securum gutture condit,  
 Tutius ut fauces inter det membra sopori.  
 Hinc meritas homines condiscant reddere grates,  
 Officii si monstra vices insana rependunt.

Qui si capitur,  
perit Balæna,

At si fortè mari pereat dispersus aperto  
 Ductor, & illa perit fido viduata magistro:  
 Ut cæcus custode viæ, vitæque perempto.  
 Ergo omnem impendes operam, qua fallere primum  
 Arte Ducem valeas, teque inde opponere monstro.  
 Illecebris illum escharum captabis, & hamo.  
 Quo capto, facilè superabis inania Cete:  
 Quæ Duce sublato, per vasti spumea ponti  
 Equora jactantur temere, incertoque natatu.



Fluctuat amisso veluti temone carina:

Qualis & excussis agitur currus habenis.

Sed ne te fallat species, certissima dicam  
Signa Ducis. Qui piscis erit prælongus, & asper:

Et squamis caret, at corio vestitur, & albet:

Et capite oblongo, rostroque armatur acuto:

At tenuis cauda est, angustaque, Musculus ille est;

Qui pecus immensum Nerei per cærula regna

Temperat, exiguae ductans moderamina caudæ.

Insuper his, tibi præcipio (& meminisse juvabit)

Intendas ne bella mari; nam fortior ille,

Tardus & ad cursum minus est, nullisque moratur

Obiicibus: verum si fœmina venerit alto

Obvia, congregere, & pugnae certamina prima

Ingentis prædæ, & palmæ securus inibis.

Nam vel distento dilectos ubere fœtus

Educet, aut prægnans majori turgeat alvo;

Est minus apta fugæ: nec se, prolemque tueri

Una potest: catulos sed custodire recentes

Dum studet, infelix se perdidit: est suus ipsis

Proles amor, pietasque feris, ut nulla recusent

Fata, modò partus valeant servare cadendo.

Et non ipsi homines vitam pro pignore ponent?

Hæcenus arctoo pugnavimus æquore: vastum

Nunc trans Oceanum extremo sub Sole reposta

Ammerice me læta vocat, quæ Florida regna

Ad primum conversa diem persilantur ab Euris:

Et nova qua Septem gelido subiecta Trioni

Gallia frigoribus densis concreta rigescit.

Non acies piscatorum, non plurima cymba

Arma cient in monstra, hastave tricuspide cædunt

Immanes acies: verum, quis crederet? unus

In campum bellator adest, Pistrinque laceffit,

Non ferro, sed conto ausus certare duello.

Tantus amor prædæ, tanta est audacia cordi.

Ergo levi cymba subvestus: nomine dicit

Gens patrio Canocem, qua non velocior ulla est:

Et gemino armatus conto, clavaque tremendus

Indus in Oceani caputum bellator apertum

Ingenti fidens animo procedit, ubi horrens

Bellua stat, sese turrita mole sub auras

E medio attollens pelago, mirabile visu.

Ast ubi Balænae propior successit, & ipsam

Jam caudam tenet horrendam, se tum citus altum

In dorsum de lintre jacit, quem vellere torto

Illius descriptio.

Balæna fœmina facile capitur.

Mira Balænarum apud Indos piscatio. *Furnerius* in *Hydrographia*.

Qua ante peragatur.

Con-

Continet, & longè prohibet per aperta vagari.  
 Paulatim mox ille feræ per tergora repens,  
 Colla petit nodis, corioque rigentia duro.  
 Ac veluti generosus Eques, interritus olli  
 Insidet, & tanto fertur ductore per undas:  
 Et monstro ludens simul hac discursat, & illac:  
 Usque adeò faciles crebro redduntur ab usu,  
 Quæ res difficiles primum: & minus horrida visu  
 Terribiles quondam formæ, atque immania monstra.  
 Ipsaque dat magnas nonnumquam audacia vires.  
 Ut propior collo successit, & ipsa petit res,  
 Illicet alteriæ protento naris hiatu,  
 Bellua quo tenuem vitæ spirabilis auram  
 Ebibit, & potum revomens jact æquor in astra;  
 Impiger immittit contum, penitusque sub imum  
 Vi subigit, truditque immenso pondere clavæ:  
 Occluditque viam vitæ. Balæna repente  
 Excutitur, magnoque furens stimolata dolore  
 Immensam ciet horrendo stridore procellam,  
 Turbatosque movet fluctus, cœloque remittit.  
 Qualiter Arctoa Boreas dum perfurit Urſa,  
 Aut Notus Eoo mugit, vel aquaticus Auster  
 E medio tonat axe, cietque à gurgite pontum:  
 Ora sonant, frendunt dentes, turgescit anhelum  
 Pectus, & ingentem dispumant corde furorem.  
 Nunc hæc, nunc illac magno se corpore jactat  
 Irrequieta, latus, nodosæque tergora nutans.  
 Terribilis saltit interdum, Cœloque propinquat,  
 Præruptus cœli mons, spumisque obnubilat astra:  
 Nunc cedens ruit in præceps, Manesque lacessit.  
 Interea monstri confidentissimus Indus  
 Insidit collo piscator, & æquora quamvis  
 Plena ruant, magnoque insultet bellua motu,  
 Non dorso tamen excutitur, pronusve sub undis  
 Mergitur: at palmis, pedibusque valentibus hæret  
 Colla per, & nodos, & vi se colligit in se:  
 Impavidusque feræ rabiem contemnit, & iram,  
 Horrendasque minas, & non placabile monstrum.  
 Non secus effrenis sonipes cum perstrepat ore,  
 Despumatque iram ingentem, frenumque recusat,  
 Stat generosus Eques interritus: ille reluctans  
 Intendit cervice minas, & prælia magna.  
 Erigit indignis nunc se, frontemque superbam  
 Attollit, geminosque pedes ad sydera jactat:  
 Excussasque jubas, immensos & quatit armos.

Mira Balænae ludæ.

Piscatoris audacia.

Equi furens descriptio.

Nunc

Nunc retroque furens duplicatis calcibus instat,  
 Multa minans, crebroque sonans pede pulsat arenam.  
 Nunc saltu vibrat sese: mirabile visu,  
 Quamvis ille gravis stat in aëre pendulus: & se  
 Sessoremque tenet, quem non conatibus illis  
 Excussit dorso, aut manibus detraxit habenas.  
 Ille etenim magnos animos, & pectora versans  
 Firmat se gemino consistens stapede rectus,  
 Et medio libratur equo: lorumque ministrans  
 Se regit ingenio solers, & mole sua stat.  
 Ergo inconcussus collo piscator iniquo  
 Insistens, ubi tempus agi rem poscit, aquoso  
 Alterius contum naris detrudit hiatu,  
 Atque adigit clava, penitusque in viscera condit.  
 Hic interclusus vitæ spirabilis omnis  
 Aër est, totoque carens stans bellua sensu.  
 Victor at ille ligat contos, & fune prehenso,  
 Insilit in cymbam: sociosque, & litora visit.  
 Accipiunt illi victorem, & laudibus ornant,  
 Ac merita donant myrto pro talibus ausis.  
 Celi quis Olympiaca venit cum victor ob ora,  
 Excipitur plausu sociorum, & lætus ovantes  
 It cætus inter viridi præcinctus olivo.

At (1) Nepodes magno Phocæ procurva boatu  
 Litora, vicinumque nemus, collesque lacessunt;  
 Mutua nam terris celebrant commercia, & undis.  
 Maxillam vitulo similes, dentesque rapaces,  
 Mugitumque ipsum, & nares, sed cætera pisces.  
 Ipsa quibus cervix, brevis est, oblongaque colla:  
 Quæ simul extendunt, retrahuntque, ut cuique voluptas.  
 Sunt gemini, curtique pedes, celi brachia, quinos  
 Divisa in digitos, cubiti tamen, ulnaque defunt.  
 At pectus latum, gibbosaque dorso: sed auris  
 Nulla patet, corioque rigenti membra teguntur.  
 Canescunt in ventre, nigri, per cætera villi.  
 Interdum maculæ in multis cernuntur, & illæ  
 Exiguæ: splendent oculi, variantque colores  
 Sese in mille: velut variabilis Iris Hyænæ.  
 Tandem lingua rapax sese exerit ore bifida.

Sed jam te prædæ cupidum, piscator, in arma  
 Aspicio, rigidosque manu vibrare tridentes:  
 Sed frustra expedit contum, ferrumque trienspis,

Tom. II.

Fff

Ni

Phocæ descriptio.

Pæc. curis duritie  
frustra seculo feritur.

(1) Sic ab Homero vituli appellati, quasi pedibus nantes.

Ni docto primum docearis rite magistro.

Nam quia dura cutis ferro impenetrabilis omni,

Nequicquam, quamvis ingenti spicula mittes

Vi, feries monstrum: nam retrò ferrea tela

Pelle reperiussa exilient: celi marmora si quis

Dura petat jaculo, vel ahenea scuta lacestat.

In capite perc-  
tiendus.

In caput incuties ferrum, clavaque tremenda

Ictibus hoc unum crebris pulsare memento;

Nam fracta cervice perit, quæ pulsibus una

Illidi, rigidave potest transfigier hasta.

At quo, nauta, modo possis tutissimus illun?

Venari, edoceam paucis. Dum nocte sub alta

Stellarum radiant orbes, suntque uda serena,

Egressæ turpes spumoso è gurgite Phocæ,

Dum nocte, inter-  
duque in terris dor-  
mire.

Consuevere graves captare in litore somnos:

Sæpè etiam, Cæli metam dum lustrat anhelis

Phæbus equis, placido componunt membra sopore

Arbore sub patula, aut exesæ rupis in antro:

Ut sæpè ad colles nostri videre Minervæ,

Et cava Teleboum per saxa sonantia fluētū.

At quoniam brevia, & multa pinguedine densa

Colla tenent, ressuisque patent obnoxia guttis;

Gutta laborat, al-  
tiusque steris, *Arist.*  
*Plinius.*

Altius ex imo sopiti gutture stertunt,

Ut credas mugire: sonus sed fractior ore

Perfonat, & fremitu sylvas malè pulsat opacas

Quin & longa trahunt demersi tempora somno.

Ergo ubi scnprosa Phocam sub rupe sonantem;

Attenta bibis aure, cito aggrediare iacentem;

Atque hasta caput, aut bifida dissinde pipenni.

Et prædam referes victor. Sed murmure festo

Jamque Euri levis aura ratem trans æquor Atlantis

Impulit, atque sinus devexit adusque repostos.

Quà nova monstra, novas & piscatoribus artes:

Nec non & piscis morem venantis, & acre

Ingenium, tenuique ingentes corpore vires,

Ac miranda quidem Naturæ arcana docebo.

Manatis sive bo-  
vis Americani de-  
scriptio.

Est pecus Amerrice in vasta, quæ sordior ingens

Altera Neptunū non incolit æquor: & illam

Hispani è manibus primi dixere (1) Manatem

In terris de more boum depascitur herbas

Et

(1) Bellua Americani matis è genere Cetaceo, ejus histo-  
riam refert Carolus Clusius, lib. 13. cap. 20. Hisp. dicitur  
*Manati*, nobis *Bove marino*.

Et cervice bovi similis, vultuque pudendo,  
 Dentibus & parvis (vero quæ nomine nostris  
 Per Latium idcirco appellabitur Ammericus Bos)  
 Crassior ad mentum tamen est, & tenuior ore:  
 Corporis at major moles, quæ ut maxima crevit  
 Vingtinti fit longa pedes: pectusque profundum.  
 Verum pube tenus, qua strictior, usque supremas  
 In pinnas caudæ gracilis: sed longior ipsa  
 Cauda est, & multum densa pinguedine pollet.  
 Sunt pedibus palmæ similes: quibus æquora nando  
 Alta secat: humeroque tenus nascuntur: & uncis  
 Unguibus armati digiti queis quattuor insunt.  
 Exigui sub fronte micant oculi, ipsaque turpis  
 Frons est, & corio tegitur, villosque nigranti.  
 Non illa Oceani tantum colit antra: sed ipsa  
 Sæpius ora subit fluviorum, & curva secundum  
 Litora fertur aquis in dulcibus, & sua quærens  
 Pabula, vicinas populatur gramine ripas:  
 Nativi sed roris amans de flumine nunquam,  
 Et nunquam egressa Oceano se credit arenis.  
 Mite bovi tamen ingenium, per stagna, lacusque  
 Ducitur, & manibus hominum mansuescere discit:  
 Atque vocantis heri vocem cognoscit, & illa  
 Audita, volat ex imo caput æquore tollens:  
 Equæ manu in stagnum projectas arripit escas.  
 Non veluti turpes ingrata obsonia Phocæ  
 Atque Orcæ; verum felicia lumina præbet  
 Et niveo, sapidoque ministrat viscere succo:  
 Grata quibus magnis dent fercula regibus, inter  
 Dum procures festis agitant convivia mensis.

Nunc age, quæ ratio capiendi piscis, & artem  
 Egregiam, & parvi quæ vis miranda Reversæ  
 Dicamus. Trunco vectus, remoque citato,  
 Instructusque arcu, atque hamatis, Inde, sagittis,  
 I, quæ Neptunei in vitreum Mars provocat æquor.  
 Hic verò, ut Phocam conspexeris alta petentem;  
 Namque informe super nans tollit cærula dorsum:  
 Hamatam citus ex arcu, nervoque sagittam  
 Emittes, certo quem si confeceris ictu,  
 Quæ vitulus fugiens se proripit, ilicet ipse  
 Confestim celeri propelles remige litrem.  
 Hinc ubi profuso jam sanguine, fessus ad oram  
 Spontè sua veniet, refluus vel agentibus undis,  
 Conficies tandem vector. Sed mira Reversæ  
 Vis subit interea, & dura sine cuspide præda.

Fff 2

Dives

Ex Oceano fluvio  
 subit.

Ingenio mitis est.

Qua arte illum  
 Inducuntur.

Reversæ Indici de-  
 scriptio. Ex Cuspa,  
 & Oviedo.

Dives in Occiduo piscem Thetis amne recondit,

Corpore qui parvo, & densatis undique pennis

Cingitur: æquoreus veluti concrevit Echinus,

Utque sagittifero se vestit Hericius Orbe.

Sed licet exiguus, palmo non major: at ingens

Corpore in exili vis est, & præditus acri

Et cicut sic.

Ingenio, docilisque hominum miscere verbis.

Illecebrisque capi, & nostras comprehendere voces:

Tractarique manu, nutusque audire vocantis.

Non secus ac Elephas, & qui data Pittacus ore

Humana interdum conatur reddere verba.

Et venatos acerri-

mus.

At mirum ingenium venandi: robur & olli

Magnus est, & magnos, Neptunia monstra, Manates

Aggreditur magnis animis (quis crederet?) unus:

Appetit & latus, aut ventrem, se vique refigit,

Immissis monstri penitus sub viscere fetis.

Ac velut ore feram tenuit si fortè Molossus

Venantum fremitu, cursuque accensus anhelò,

Haud unquam dimittet, herus ni proximus illam

Accedens jaculo confixerit, aut prius ipse

Discerpens toto spoliavit sanguine venas:

Non aliter ventri fixus, laterive Reversus

Hæret, & appresso nunquam se dimovet hoste;

Ni piscator ubi telo confoderit Indus:

Unde Reversus di-

ctus sic.

Aut postquam victor, cæsoque ex hoste superbus;

Ipse tulit Domino prædam, & spolia ampla reversus:

Hinc Indum nostri piscem dixere (1) Reversum.

Quod superest, ubi jam docilis sub flore juventæ

Piscis erit, primum comprehensum retibus, undis

Ut educandus sic.

Educat æquoreis Indus piscator: & esca

Multus alat, vesci solitus qua fluctibus ille est.

Hinc ubi venatu concrevit idoneus, & jam

Mitis ab assiduo, docilisque videbitur usu,

Plurimus adstringes radio, qui textus equino

Multiplicique pilo fuerit, longusque per undas

Ut procul educi valeat, mox inde reduci,

Cum res ipsa petit. Quæis primum ritè peractis,

Cum jam bella animo meditaris, pisce recepto,

Tecum una celeri in cymba, venator, apertum

In campum venies, latèque per æquora cures;

Cæruleum manibus nantem si fortè bovem quem

Aspe-

---

(1) Barbari verò, qui Antillas insulas incolunt, apud quos frequens venatio est, piscem *Guaican* vocant.

Aspectare datur; quem cum conspexerit, ore  
 Illicet incipies blando mulcere Reversum:  
 Utque animos gerat ingentes, & fortiter hostem  
 Aggrediatur: & ut lateri sua spicula figat,  
 Impiger, hortare, & dictis blandire, manuque  
 Leniter: his enim illecebris confurgit in arma  
 Acrior: atque animos dant mollia verba feroces:  
 His actis, dimitte: volans mare liber in altum  
 Ocyus ille Notis, & Eois ocyus Euris,  
 Irruet in prædam, & sua spicula figet in alvo.  
 Qualis, ubi venator ademit vincula collo,  
 Erumpit canis, & montes prætervolat altos  
 Ut fugientem avidis comprehendat dentibus aprum,  
 Saucius infelix à venatore Reverse,  
 Hinc illinc vitulus se vertet, & acribus actus  
 Errabit stimulis ponto vagus, usque morantem  
 Invalidus cæso lateri depellere pestem.  
 Quo tandem cursu multo, exhaustusque dolore,  
 In siccum veniet litus, ripæve propinquet:  
 Lætus ubi palma, & præda potieris opima:  
 Et venatorem multa cum laude Reverse  
 In puppim accipies reducem, festoque susurro  
 Per solves dignas tanto pro munere grates.  
 At cum squamosum divellis ab hoste Molossus,  
 Id, cave ne facias vi plurimus, atque repente:  
 Sed sensim è præda retrahes, & molliter illum:  
 Nam secus, affixum, spinisque tenacibus actum  
 Discerpes: tantæ brutis animantibus iræ.

Hæc non Ammericos tantum venaberis arte,  
 Inde, boves: cunctum genus aggrediere Reverse:  
 Cui, vaga longinquum si præda feretur in æquor,  
 Totum laxabis radium: nam suber in alto  
 Nans erit inditium tibi certum. At quis vada rursus  
 In conclusa tulit me ventus? Atlante relicto,  
 Quis fortunati devexit ad ora Canopi?  
 Me prædæ, me laudis amor, nec fallor, ad undam,  
 Nile, tuam adverso terrarum ex Orbe reduxit.  
 Cumque tuo mihi tantorum sub fine laborum  
 Certandum (1) Crocodilo, & prælia dura gerendum.  
 Monstrum informe ingens, quatuor eni crura, pedesque  
 Unguibus armati: magnum caput, oraque rictu,

Atque in hostem  
 blanditiis incitan-  
 dus,

Ut hostem ferias,

Et visor ad litus  
 ferat,

Crocodili descri-  
 ptio.

In-

---

(1) Ab Ægyptiis Champlæ appellatur, nobis *Crocodilo*,  
*Gallis Crocodile*.

Ingenti diducta patent: sed ahenea pellis  
 Dura riget, medii sed pars mollissima ventris:  
 Longior est cauda, & reliquum par corpus adæquat.  
 At color in dorso croceus: nitet albida subter  
 Alvus; acutique dentes, & pectinis instar.  
 Cætera persimilis, detracta mole, lacerto:  
 Namque pedes, cubitosve solent (si vera feruntur)  
 Vicenos crevisse: novoque inventus in Orbe  
 Mole pedes centum longus, mirabile dictu.  
 Nam non unus habet Nilus Crocodilon, Eois  
 In fluviis etiam nascuntur, & Orbe reposto:  
 Et Gis Æthiopum, & Zaireia flumina, & ipsi  
 interdum genuere lacus deserta per alta  
 Æthiæ Libyes, Asiæque, novumque per Orbem.  
 At quicumque tenes felicis ditia Nili  
 Litora, & æterno vernantes gramine ripas,  
 Accipe difficiles artes, quibus horrida possis  
 Dedere monstra neci, meritoque ornariæ auro.  
 Cum procul è fluvio in terram descendere pestem  
 Videris, & longè per florea rura vagari  
 Extemplo socios accerses litore ab omni:  
 Qui contis, curvisque ligonibus, atque bipenni  
 Accurrant alacres: subitque hi falce recidant  
 Frondentes latè lucos, ramosque comantes:  
 Hi cæsas vestient sylvas: alique ligone  
 Intereà cryptam fodiant, quâ trita patescit  
 Semita Niliaci piscis: citis ipse sepulcrum  
 Desuper impositis ramorum fascibus omne  
 Intege, & effossam pariter super injice terram;  
 Percipiat nè fortè dolum Crocodilus, & astum  
 Declinet: mox cuncta manus vertatur ad ipsa  
 In terris impressa pedum vestigia monstri.  
 Quo tandem invento, litui clangore, tubæque,  
 Atque æris stridore, inconcinnoque tumultu  
 Territet: ille nova pulsus formidine retrò  
 In patrias Nili sua per vestigia ripas  
 Flectet iter fugiens: celeri tu ponè secutus  
 Instabis cursu, & clamoribus astra lacesces.  
 At cum delapsus fuerit Crocodilus in antrum,  
 Continuo aggredere, & jaculo, vel acinace Mauro  
 Dede neci: aut vivum poteris comprehendere longo  
 Caste irretitum. Venandi tutior alter  
 Jam modus insequitur: Palum desige sub amne,  
 Et palo lenta tortum de cannabe funem  
 Convolve, ut facile possit laxariæ: hamum

Quibus in locis  
nascatur.

Qua arte capiatur.

Alter venandi mo-  
dus.

Vellere



Vellere in extremo magnum religabis : & hædum  
 Pro dulci appones esca, caprumve bicornem.  
 Balatu pecudis medio de fluminis alveo  
 Accitus veniet Crocodilus, & ore rapaci  
 Protinus objectam ferro deglutiet escam.  
 Ille intra fauces penitus demissus hiantes  
 Lata bipennifero lacerabit guttura dente :  
 Balatuque tener simul obstrepet hædus : ad oram  
 Audita tunc voce rues, piscator, ovilla :  
 Pronus & extemplò da capto, aut contrahe funem,  
 Ora tridentifero donec discerptus ab unco,  
 Multa gemens nigras eat indignatus ad umbras.

At tibi si fortes animi, pectusque virile,  
 Et solers nandi studium foret, accola, Nili,  
 Non multo posses monstrum superare labore.  
 Talis in Ammerice quondam fuit Indus, ab æta  
 Bellua cui puerum, sua pignora, fortè relictum  
 Abstulerat: procul ille abreptum litore natum  
 Ut vidit, multa subitus ruit igneus ira,  
 Cùm Leo, cui teneros cæco venator ab antro  
 Eripuit catulos: nulloque timore pericli  
 ( Ipsa metum pietas pullaverat: ipse volucres  
 Addiderat patrius pennas amor ), insilit æquor  
 In medium: gladioque manu quem fortè gerebat,  
 Aggreditur, capuloque tenus sub ventre recondit.  
 Bellua tunc ferro transfixa, crepidine ripæ  
 Semianimem locat infantem, refugitque sub undas.  
 Fortunatus at ille, Dii cui Numine dextro  
 Pro tantis favere ausis, & amore paterno,  
 Servata in siccis sua pignora vidit arenis:  
 Accepitque sinu, & caris dedit oscula labris.  
 Ergo vadum subiens gladio, venator, acuto  
 Conficiet alvum ferro, qua Bellua cæsa  
 Occidet. Audaces nimium estis vos tamen, Indi,  
 Aurea Virginix qui litora, quique tenetis  
 Muscosos pelagi campos, atque Herbida regna;  
 Innumeri quibus è fluvio, rictuque tremendo  
 Egredi erumpunt Crocodili, atque omnia vastant.  
 Forsitan è belli studiis, usuque frequenti,  
 Aut inconsultis animis audacia tanta est.  
 Ora per, & ripas fluviorum è tegmine querno  
 Rimosam fecere casam, qua pervigil unus  
 Excubias venator agit: cumque æquore spectat  
 Adventare feram, dat signum: protinus omnes  
 Horrendo clamore ruunt, atque arbore longa

Mirabilis Indi au-  
 dacia, cui fera filium  
 abstulerat. Et tercia  
 venandi ratio.

Pugione confodi-  
 tur.

Quomodo ab In-  
 dis occidantur.

Arma-

410 HALIEUTICORUM

Armati, velut hastili, fera prælia tentant,  
 Ingreditur contra rictu Crocodilus hianti,  
 Horrendum visu, ut prædam petat ore: sed illi  
 Faucibus immittunt truncum, subiguntque feroces  
 Conatu in pectus multo, subitque supinant,  
 Ferroque incidunt ventrem, & fera viscera nudant.

Sed jam post casus varios, bellicque labores  
 Nos in saxa vocant Zephyri muscosa canori,  
 Annuit & placido Tethys blandita susurro.





# HALIEUTICORUM

## LIBER OCTAVUS.

**M**E scopuli virides, & odora suavis herbis  
Litora, purpureoque ardentem murice Conchæ  
Invitant, curæ quæ pars est altera nostræ.

Vos udæ rupes & aquis lita saxa, canenti  
Aspirate, precor, Zephyrosque afflate salubres,  
Ut mericem vestro possim de munere sertum  
Ex humili, non plura ausim, mihi texere myrto.

Et jam cantanti muscosæ è marmore cautes  
Assurgunt, plauduntque undis vada læta canoris.  
Spontè revulsa cavis è rupibus Ostrea cantu,  
Auritusque simul Turbo, & Conchylia pendent:  
Inclinantque suos non dura Corallia ramos.  
Ipsæ & Olympiades, pulchræque Dicarchides, & quæ  
Alta Pithecusæ tenuere cacumina, Divæ  
Jam celerant monstrare viam, vitreisque sub undis  
Lucida crystallo, & pendentia pumice testæ  
Pandere, & Oceani in penetralia ducere Vatem.

Neptuni quæcumque tenent muscosa profundi  
Saxa, sub innumeris veniunt visenda figuris,  
Et diversa modis crescit gens testea miris.  
Hæc falcata novæ referunt crescentia Lunæ  
Cornua, crustatoque tumescunt plurima gibbo.  
Verùm hæc dividuo sese diffindere circo,  
Illa sed exacto gaudent curvarier orbe.  
Sunt alia oblonga, & surgentia cruce suillo,  
Palma velut: scabro turgescent tubere multa.  
Lævia sublucent illa, intersectaque crenis

Tom. II.

Ggg

Te-

Diversæ testarum  
species describuntur.

Tenuibus: auriti surgunt hæc turbinis instar,  
 Asperaque, & rigido circum mucrone rigescunt.  
 Pectinis instar habent dentato cortice concham  
 Illa: sed hæc duris horrescunt undique setis.  
 Hæc villo insignes: hæc sunt lanugine molli  
 Obducta, & musco pariter velantur odore.  
 Præterea, variusque color, diversaque Conchis  
 Natura, & victus ratio non omnibus una est.  
 Singula quæ nostro poteris cognoscere versu.

Ostrea descriptio  
 & quoniam varia.

Quare age, quæ primum, quibus & nascantur in undis  
 Ostrea (1), quoque modo piscaberis illa, docebo.

Se gemina mollis testa tegit Ostrea, gibbo  
 Concava quæ multo non est; tamen aspera sordet,  
 Et non æqua luto, tennesque facillima scindi  
 Sectilis in crustas, intusque argentea candet,  
 Et lævis, biforesque aperit pulcherrima valvas,  
 Est & libera tamen rufis dotata colore,  
 Illyrica insignis fusco, Circæa nigrescit.  
 At non æquali cunctæ se mole per undas  
 Devolvunt: externa Thetis quas nutrit aperto  
 Oceano, ingenti grandescunt corpore Conchæ:  
 Proximæ in Ægeis nant fluctibus: humida quæque  
 Thyrrheni, Superique secant vada, testæ minores  
 Saxa colunt musco, & densas stipantur in algas.

Ubi quærendæ.

Insuper his, non ex omni, piscator, arena  
 Ostrea dura leges: sed quæ vaga flumina cursu  
 In mare prorumpunt celeris, & quæ litora propter  
 Stagnantes siluere lacus, turpesque paludes,  
 Inque Thetis se subter agunt, & sicubi dulcis  
 Rivus aquæ sonant, aut pelago sors surgit ab imo:  
 Vel quæ sunt cæno loca pingua, limus & ater  
 Plurimus aggeritur, muscusque, & decolor alga:  
 Nam quæ Nalades perflant, rivique sonantes,  
 Et pingui limus, spissaque uligine pascit.  
 Gustu grata magis, placidoque tenerima succo.

Quibus in locis  
 optima perveniunt.

Nec non & variis varia est Natura sub undis.  
 Quæ Circæa creat Thetis, optima, quæque Minervæ  
 Dant saxa, & multo servat quæ Scylla latratu.  
 Sunt etiam laudanda, legunt quæ litora circum  
 Pictones (2), (3) Armorici; (4) Eborici; & (5) Santones, & quæ  
 Sic-

(1) Ostre de la mer, Gall. Des Haïsses, Ostres & Ostrées, Hisp. Ostia de la mar. (2), (3), (4), (5), Gallie populi, qui ad Oceanum habitant Poissiers, Berragne, Santogne.

Sicca Caledonius nonnumquam deserit ætus.  
 Parte alia accedunt, nigro quæ Bosphorus amne,  
 Quæ Propontis alit, pinguißima: sunt & opimi  
 Visceris, ostriferi quæ perluit æquor Abydi.  
 At cunctis meliora, & succo læta salubri  
 Ostrea sunt, bimaris quæ jactitat ora Tarenti:  
 Nam non è limo, crassaque uligine ponti  
 Spontè sua veniunt: sed rorscidus æthere lapsus,  
 Ut perhibent, Conchis sua semina sufficit humor.

Sed quæ Neptuni populetur machina regnum,  
 Quoque instructa tibi referat felicia ferro  
 Ostrea, dicamus. Sex primum (1) lamina palmis  
 Longior è ferro fiet, digitisque quaternis  
 Latior: inque aciem frons attenuetur acutam.  
 Hac super extremis adnexus ponitur arcus  
 Æreus, aut dura curvatus ab ilice: lamina  
 Hinc arcu in medio, geminoque à vertice triplex  
 E tenui circum tendatur virga metallo:  
 Quæque sit incurva, & nexu copulentur eodem.  
 At mediæ, ex arcu quæ ducitur, annulus insit,  
 Aut uncus, solido cui mobilis orbe rotundo  
 Armilla è ferro inseritur, quo machina longo  
 E spartho valeat religari, aut vimine torto.  
 His actis, contexta levi de cannabo curvo  
 Adnectes arcu, & subjecta retia lamina  
 (Laminaque sit multo pertusa foramine dorsum,  
 Rara quibus tenui conjunges retia lino)  
 Conifero tenuata sinu: sed tempus ab acta  
 Solvere, quæsitum Nerei per Cærule Conchas.

Postquam est in mare versicoloris fertile testæ  
 Perventum, media è puppi, piscator, in undas  
 Ostrilegum demitte, leves ut radat arenas  
 Lamina, & incurvus stet rectus desuper arcus:  
 Hinc ubi paulisper cum lintre recesseris ipsa,  
 Ostrilegum de puppe trahes: sic ostrea ferrum,  
 Et quæcumque imo stant fundo in retia mittet.  
 Quod grave cum tandem deduxeris, ubere præda  
 Lætus eris, referesque Diis pro munere grates.

Sed prius ostrilegum jacias quàm fluctibus, illud  
 In primis tibi sit cura majore notandum,  
 Scilicet ut varios Lunæ cognoscere vultus

G g g 2

Edi-

Describitur ma-  
 china, quæ Ostrea Ta-  
 rentini piscantur.

Piscandi modus.

(1) Hæc machina Tarentinis dicitur *il Ferro*, Gangamæ  
 similis est. Nostris Ostrilegum appellabitur.

Edifcas; namque illa suo regit humida cursu  
 Æquora, & æquoreis fiunt quæcumque sub undis;  
 Ac velut exacto cùm lucida fulgurat orbe,  
 Et niveos, Phœbe currus agit, ubere sylvas  
 Fœcundo nutrit, & plenum plena refundit  
 Humorem plantis: teneroque uberima succo  
 Poma replet, riguoque humectat gramina rore.  
 Non aliter pleno tunc lactat pinguis cornu  
 Ostrea multiplici fœcundans viscera partu.  
 At cùm falcato vix cernitur aëre gyro,  
 Syderio vicina jugo, tunc Ostrea siccant  
 Ubera, & è vacuæ tenuantur lumine Lunæ.  
 Quin etiam, si vera capunt, animalia quæque  
 Luna vago regit Orbe, fibrisque infusa ministrat  
 Undantes plena humores, quos subtrahit, igni  
 Cùm nitet exili, & lucis se nigra recondit.  
 Quæ cum sic habeant sese, legere Ostrea, Luna  
 Accrescente, tibi, non deficiente, jubebo.

Ostrea pro vario  
 Lunæ aspectu cre-  
 scunt, decrescuntque.

Et Solis radiis re-  
 plentur.

Præterea, id non te lateat, sunt Ostrea Solis  
 Imperio subiecta: fovet vitalibus ille  
 Cuncta suis radiis, & quæ per inane creantur,  
 Et gignit quæcunque Thetis, quæque humida Tellus:  
 Hinc æstate nova, cùm fervidus æquora ponti  
 Permeat, atque imum se mittit ad usque profundum,  
 Felici replet prægnantes ubere Conchas.

Qua arte capiantur  
 ab Illyciis.

Sed quibus Illyrica testas piscator in æsta  
 Artibus inquirat, dicamus. Curva secundùm  
 Litora quæ duris stipantur plurima saxi  
 Cærulei frutices nascuntur, & herbida ponto  
 Sylva super viret, & ramos stat flexilis arbor:  
 His piscatores gravitantia vertice ramis  
 Saxa ligant: trahiturque plicabilis æquora subter  
 Ponderibus ramus: circum generantur in illo  
 Ostrea, & è læta sensim pinguedine turgent,  
 Hinc postquam crevere, secatur forfice restis,  
 Assurgitque mari ramus directus in auras:  
 Miraturque novos partus, & non sua poma.  
 Non sectis Euboico faciunt in litore, Bajas,  
 Quique tenent Baulos, Cumasque, sinumque Dicarchi,  
 Fagineos figunt contos, ubi pinguis limo  
 Sunt loca: defixis crescunt Conchylia palis.

Et Bajanis.

At si fortè maris squalientes Ostrea fluctus  
 Rara ferant, sensimque tuat genus omne, neque ulla  
 Pabula dent rivi dulces: jam tempus, & ipsa  
 Hellepontiaci meminisse inventa Magistri,

Læteus ut testas liquor edidit: altiùs omnem  
 Obscura repetens revocabo ab origine famam.  
 Nam quâ Bistonidum genus intractabile bello  
 Accolit Euxina resonantem Bosphoron unda,  
 Et quâ lunatis circum secat æquora cymbis:  
 Et quâ Bithynum vicinia perluit Helle,  
 Seston & hinc spumis, hinc litora plangit Abydi;  
 Hac piscatorum posita est spes omnis in arte.  
 Cùm Sol æstate in prima Garamantas, & Indos  
 Fervidus accendit radiis, & sydus amicum  
 Jamque relictos terris ostenderit ignes,  
 Protinus ex ima generosa Propontide testa  
 Carpitur obscura sub nocte, poloque sereno.  
 Mox omnem pingui radunt de viscere ferro  
 Spondylon (1), & mundo convulsam pollice pressant:  
 Confestim niveum lac effluit: hinc ubi fulgens  
 Purpureis Aurora comis, bigaque rubenti  
 Oceano surgit, Cælumque ardescit ab auro,  
 Muscosos inter scopulos, atque herbida saxa  
 Læte ferunt sparsim, dicuntque sonantia verba  
 Hellepontiaco Neptuno, & tibi, Dori  
 Ægæa: extemplo saxis, mirabile dictu!  
 Ostrea concresecunt, dulci felicia succo.  
 Ceu matutinus cùm terram irrorat Eous,  
 Ut rores cepere sinu prægnantia matrum  
 Viscera, confestim Oceanitis ab ubere læto  
 Lætior accrescit baccha, atque argentea candet:  
 Egregium pulchris torquem factura puellis.

Quis Deus hæc nobis, Divæ, quæ curritis Hellen;  
 Tradidit inventa? unde hæc experientia cœpit?  
 Postquam res Asiæ, Græcamque evertere gentem  
 Immanes potuere (2) Seythæ, ceciditque superba  
 Eoi sedes, altumque remugiit horrens  
 Bosphorus, & tota tremefactus palluit unda,  
 Iluvies Asiæ populos effusa per omnes.  
 Corripuit Cœli tractus, terrasque veneno,  
 Atque hominum genus omne neci, genus omne animantum  
 Dira dedit, sævitque mari crudelior alto:  
 Perdidit & pisces, atque Ostrea perdidit ipsa.

Ergo ubi piscatum testas venator Amyntas  
 Tendit, & ostriferi cautes scrutatur Abydi,

Qua ratione è la-  
 ste caro concresecant  
 in Propontide.

Unde seminandi  
 modus exordium eg-  
 gerit.

Ostrea

(1) Sic dicta Græcis est concharum caro.

(2) Turcæ è Seytharum gente.

Ostrea nulla videt, desertaque cœrula passim  
 Aspicit, & nullos innare per æquora pisces.  
 Quo subito rerum casu percussus acerbo,  
 Re super insueta scitatum oracula Divum,  
 Dorin adit: refluxæ, Dorin, quæ præsidet Hellæ;  
 Ægæasque tueris aquas. Stat rupe sub alta  
 Threïcia tellure specus, cui desuper ingens  
 Nereidum Matri sacrum nemus imminet: antro  
 In medio delubra Deæ de marmore vivo  
 Hellepontiaci quondam posuere coloni.  
 At læva de parte duæ stant ære columnæ  
 E solido, quas inter inest gravis ara metallo:  
 Sed retro in gemino connexi cardine postes  
 Insistunt inter suspensas ære columnas.  
 Ex adamante micat cardo, riget enæa portu:  
 Spontè sua, referunt, immoto cardine postes  
 Expandi, subitoque unâ tremere omnia motu,  
 Solicitis quando Dea fert oracula nautis,  
 Vestibulum antè ipsum templi jam tristis Amyntas  
 Confliterat genibus supplex, & talibus orsus,  
 Affatur Divam dictis. Pulcherrima Dori,  
 Quæ servas Hellen, altæque propontidos undas,  
 Et procul Ægæi fluctus hac rupe tueris,  
 Dic age, Dia, precor, læsi quæ Numinis ira  
 Perniciem tantam Conchis immisit, & omne  
 Perdidit æquoreum ponti genus? undique squallent  
 Litora, & amissis vacuum mare piscibus omne est.  
 Anne parum Superis visum est, quod sanguine nostro  
 Non Asiæ tantùm campi, non litora Thraces,  
 Sed latè Euxinus, indignatusque revinci  
 Bosphorus, & trepidæ rubuere Propontis, & Helle:  
 Nec satis Imperii sedem, tot & incluta regna,  
 Et res Romanas Scythico cessisse tyranno?  
 Nec fuit indignum post horrida bella, necesseque  
 Atque ignominias, & tristia funera regum,  
 Ut totum malefana lues pervaderet Orbem,  
 Cuncta catervatim perdens, hominesque ferasque?  
 Scilicet ipsa darent etiam Diis Ostrea pœnas.  
 Sed jam, ò Diva, tuum quoniam placabile Numen,  
 Sublapsis fer opem rebus, nutuque benigno  
 Annue, Dori, preces non averlata perentis.  
 Tu Dea Threïcium, tua Numina semper adorat  
 Nauta, per angustum qui navigat Hellepontum;  
 Et tua sæpè agimus ditem ad donaria gazam.  
 Vix hæc piscator; confestim visa moveri

Doridos Hellepon-  
 tiaz Delubrum de-  
 scribitur.

Amyntæ preces.

Ru-



Rupes, & summæ motare cacumina sylvæ.  
 Hinc geminæ patuere fores, Numenque reclusum;  
 Et clara ex adytis vox est audita repostis:  
 Quali Diva solet Fatorum dicere causas,  
 Et longè rerum eventus aperire futuros.  
 Hæc autem intonuit: superùm vos ira Deorum  
 Exercet, fastu quoniam sprevistis iniquo  
 Æternos illorum Ignes, Flammamque Triformem:  
 Nac jam missa lues nunc est revocabilis: omnes  
 Torpebunt Nerei fluctus, atque Ostrea nulla  
 Sponte sua gignent: donec post secula fera  
 Antiquos iterum Superis reddatis honores:  
 Cum domus AUSTRIADUM Babylona, Scythamque superbum  
 Servitio premet, & victis dominabitur Indis.  
 Mægnus Romana nascetur origine CÆSAR,  
 Qui Scythicum Eoa regni de sede tyrannum  
 Ejiciet victor, ritusque & sacra reducet,  
 Ac (1) septingeminæ Byzanti turtis in arce  
 Romanas Aquilas, victoris & arma Quirini  
 Restituet, veteresque Patrum de more triumphos  
 Lætus aget primus, lauroque decorus & ostro  
 Insignes ducet Capitolia ad alta Curules.  
 Ille & nimbiferi culmen transvectus Amani,  
 Euphratem super, & septemplex ostia Nili  
 Proferet Imperium: Solymæque assertor honores  
 Accipiet Divum, passique ad Numinis Urnam  
 Æterni statuet monumentum insigne trophæi.  
 Illius adventu jam nunc Jesseja regna  
 Subsultant plausu populorum, & dives Idume,  
 Et plausu totis Jordanes murmurat undis.  
 Non tot Flaviades populos, non regna subegit,  
 Fregerit occiduum regem licet, aut Orientem  
 Placarit, regni que novam fundaverit arcem:  
 Nec qui mixta auro prætendens lilia signis  
 Reddidit Ausoniæ primus sceptrumque, decusque  
 Magnus, agens victor Francos Heroas in arma.  
 Et dubitatur adhuc tantis insistere cæptis?  
 Auspice & hoc, positus dabitur pax aucta bellis:  
 Saturnoque fluent quondam regnata per Orbem  
 Secula, & hoc totus gaudebit Consule Mundus.

Deæ responso, &  
 vaticinium austriaci  
 Cæsaris.

Tunc

---

(1) Celeberrima Constantinopolis arx, Græcis Heptapir-  
 gium, in uno è tribus angulis ad Meridiem, & Occiden-  
 tem posita.

Tunc & spontè sua, nullo cogente colono,  
Cuncta feret Tellus, cunctis nascentur in oris  
Omnia, quæ sparsim rerum Natura creavit.  
Ipsi & cærulei progignent omnia fluctus.

Ostrearum satio-  
nem docet.

Interea, quoniam supplex mea Numina poscis,  
Quo reparanda modo tibi sit iactura, docebo.  
Quæ nostra sub rupe latet Concha una superstes  
Illuvie ex illa, ritu capienda vetusto,  
Ne rursus gravis ira Destum fervescat: & illam  
Pollice si puro tu presseris, ilicet humor  
Lacteus exhibit, qui mox dispersus in undas  
Sufficiet nova Concharum sua semina ponto:  
Hoc facies æstate nova, & cùm lucida cornu  
Totum Luna suum radiis implevit, & ante  
Quàm rubeant Orientis equi: vix talia fata est;  
Cùm tota extemplo summo de vertice rupes  
Contremuit, sonituque procul nemus omne remugit:  
Atque ultrò obstricti super ipso cardine postes.

Echinorum descri-  
ptio.

Nunc age, & armatos radiis piscator (1) Echinos  
Vencmur. Frutices inter, densataque passim  
Lentisci nemora, & loca sæta virentibus algis,  
Se circum versans prorepat Echinus in orbem:  
Et tot carpit iter pedibus, quot cortice ab ipso  
Undique protendit spinas mucrone rigentes:  
Aut rimosa tenens bibulo sub pumice testa  
Attondet herbas, & rorem potat amarum.  
Est & Echinorum duplex genus: alter edulis,  
Pinguior, at testa minor, & majoribus horret  
Cuspidibus, verùm brevibus succingitur alter,  
Et major testa, succo sed inutilis ille est.  
Sunt & Echinorum (2) matres cognomine dicti,  
Queis majore calyx sese decircinat orbe,  
At minùs exiguis riget, obtusisque sagittis.  
Ova tamen secunda creat, lætoque gravatur  
Ubere, quo miseris nihil est jucundius ægris.  
Hi procul alta tenent: oderunt litora, & ipsos  
Oderunt scopulos, ferrumque natantis avarum.  
Divite qui succo Sardoo in gurgite repit,

Quam varii.

Se

(1) Nostri *Ancino*, Siculis *Rizzo*, aliis *Riccio*, Liguri-  
bus *Ziuzin*, Hisp. *Erizo de la mar*, Gallis *Ursas*, & *Ca-*  
*stanges de mer*, Accolis Oceani *Herifcon de mer*.

(2) *Echinometra*, Gallis *Rascassos*. Sunt alii parvi, qui  
nobis dicuntur *Casiagnole*.

Se calyce ostentat magno: qui Doride rubra,  
Parvulus est, radiis verò longissimus horret.

Perge, sagittiferis non est color unus Echinis:

Hicce calyx, radiique omnes nigredine fulgent:

Flavescent alii: candent hi, marmoris instar:

Verùm hi cyanei, rufi spectantur & illi:

Ast hyali radiant multi convexa colore:

Hic gemmas referunt; & multicoloribus ardent

Cuspidibus nitidique, velut scintilla, relucet.

Sed vita fugiente, fugit color, & perit omnis.

Vanescit velut ipsa, cadit cum roscidus humor,

Et nusquam radiis est versicoloribus Iris.

Si secus, ut gemmæ, pretio mortalibus essent,

Et magni decora alta ducis. Sed non & Echini

Consilium, contra quo se munire procellas

Sedulus invigilat, Nereo spumante, fitebo.

Obvertit fundo dorsum, radiisque lapillos

Apprimit, astringitque: gravique juvante saburra,

Spumofum pelagi venientis sustinet ætum.

Qualis apes, Cælo cum pendet aquaticus Auster,

Et strepere incipiunt subrauco murmure sylvæ,

Exiguum nitido tollit torrente lapillum,

Atque volans rapidis obstitit firmiter auris,

Tutaque succedit testæ. Sed tempus in alto

Per densos prædam frutices tentare repostam.

At tibi ne frustra labor impendatur, in undas

Quæsitum rigidos venies, piscator, Echinos,

Rara inter pleno cum fulget sydera cornu

Cynthia, & è terris nigrantem submovet umbram:

Et tepidi radiant aprico lumine Soles.

Majori quoniam tunc pinguent ubere testæ,

Ovaeque prædulci minio sæcunda rubescunt.

At qui Pyrrhæi trans Aulidos alta sonantis

Euripi loca cæca tenent refluentibus undis,

Dum Boreas riget, atque nives densantur acutæ,

Multiplici carpunt calyces mucrone rigentes;

Namque illic majore Thetis tunc ubere lactat.

Sed tandem, ut prædam capias, piscator, opimam;

Prælongum ferreo contum subneste tridenti,

Plurima cui cuspis sit adunca, erectaque sursum.

Hoc etenim facilè avelles de gurgite Echinos.

Præterea manibus submersus in æquore nudus

Comprendes inter frutices, algasque rigentes:

Verùm nè spinis te fauciet ille caveto;

Namque opus est tibi vi multa, quia scilicet illi

Tom. II.

Hhh

Pumi.

Colorum diversitas.

Adversus Echinos.  
cum anguinem.

Quo tempore quæ-  
rendi.

Qui piscandi mo-  
dus.

Pumicibus sese dura promulciscide stringunt.  
 Quare omnem dura celabis pelle lacertum.  
 Sæpè etiam parvis includes retibus, imum  
 Neptuni fundum cum ferro radis acuto.

At mihi se placida sub Doride prodit arenis  
 Daſtylos (1), erectusque aſſurgit arundine læta.  
 Hinc olim Donaces appellavere Pelasgi,  
 Atque Aulos: noſtri digitos vertere vecantes.  
 Cæruleus maribus color eſt, & linea teſtam  
 Tranſverſum deducta ſecat: ſed ſæmina nullis  
 Puniceis diſtinſta notis: hæc plurima ponto  
 Perquirenda tibi, nam dulcior, atque ſalubri  
 Pingueſcit ſucco molliſſima: pluris & illam  
 Tu cautus domino vendes, piſcator, avaro.  
 Hanc mihi, non prunis toſtam, cum (2) Monte ſub Alto  
 Ad virides fient umbras (3) Laurentia Sacra,  
 Sed magis elixam, & fragranti jure madentem  
 Optarem, grato namque eſt dulciſſima ſucco.

Atq; hic, ni mihi longum, & iniquo calle premendum  
 Eſſet iter, nulla apparent quæ ſigna priorum,  
 Forſitan & teſtas etiam, & genus omne natantum  
 Cenſerem, viresque omnes ſcrutarer, & uſus,  
 Quæque hominum magis apta forent, & idonea viſtu:  
 Quoque paranda modo, quod dulcis, & utilis unâ,  
 Ac damnoſa minus fieret mortalibus eſca:  
 Et quid opis poſitum his, & quid medicaminis eſſet  
 A Superis morbos contrâ, triſtemque ſeneſtam,  
 Haud equidem invitus canerem: ſed me quod agendum eſt  
 Per dubios calles iter, ambagesque viarum  
 Non ſinit incœpto longè divertere clivo.  
 Quin etiam (tua, CARDENIDE, non mollia juſſa)  
 Me magno clangore vocat tuba Martis in arma,  
 Plurimaque è domito invitat victoria Thrace.  
 Fors erit, ut Vates alii meliore cothurno  
 Illa canant, lentis ſuſcentes otia Muſis.  
 Quare age Solenas ſabulo capiamus ab imo.

Quâ

(1) Noſtris *Cannolicchi*, Venetis *Cappas*, Appulis *Imbri-  
 ci*, Gallis *Couſteaux*, quaſi cultri manubrium: in tenebris  
 lucent, maximè in ore madentium.

(2) Noſtris *Caſo di monte*: ameniſſima Coll. Neap. villa,  
 in quam relaxandi animi gratia ſcholæſtici ſecedunt.

(3) Celebriſſi ſecſſio, quæ ſit die D. Laurentio Sacra, cum  
 abſoluto Philoſophiæ curriculo, junioribus præmia ſtatun-  
 tur.

Quà modico sonat unda vado, piscator, adibis  
 E ferro armatus pala, quam subter arenas  
 Intrudes, totamque adiges; nam Daſtylos imò  
 Abdit se fundo, penitusque in viscera condit.  
 Ast ea sollicito fuerit tibi cura, fragorem  
 Ne facias; subitus quoniam se subtrahet Aulos,  
 Ima petens, palam quà non, piscator, acutam  
 Fixeris, & vacua venies ad litora cista.

Quomodo Daſty-  
 li perquirendi.

Hi sunt auriti.

Cum me Brundusij turres, & curva teneant  
 Litora, Romanis olim lustrata colonis,  
 Multus & aspicerem magni miracula portus,  
 Cujus arenarum ni molibus ora reſuſis  
 Aſſiduo reſuens clauſiſſet Nereus æſtu,  
 Non foret Auſonia in tota felicior alter.  
 Hic piſcatores memini vidiffe cavata  
 Arbore deſectos, digitos educere pala,  
 Quis alibi melior non eſt, nec dulcior ullus.  
 Quanquam Sibethi, quem noſtri ad litora carpunt,  
 Et quem læt ſuo producit Olympia ſacco,  
 Illis inferior non eſt. De murice ſed jam  
 Me (1) Balani, ſaxisque invitant (2) Pholades udis.  
 Saxoſos inter ſcopulos, ſub pumice vivo  
 Quos Thetis aſſiduo ſpumis aſpergit amaris,  
 Pholades, & Balani paſſim naſcuntur: & illi  
 Ceu glandes duplici teſta formantur acuta,  
 Oblongi magis, & circum, velut ova, rotundi.  
 Hi magis aſſimiles ſunt glandibus, aſpera ſaxo  
 Poſterior pars, & corio flavente rigefcit:  
 At bina anterior teſta lævore polita,  
 Unguibus è multis veluti formata, colorem  
 Unguis habet, medioque rubefcit rimula villis.

Quæ apud Brun-  
 dusios piſcatio, ubi  
 optima.

Balani & Pholades  
 deſcribuntur.

Quæ ratione ge-  
 nerentur.

Hæc ego crediderim generari è Doride teſtas,  
 Quæ per ſaxorum rimas inſuſa recurrens  
 In cœcis ſoboli fert nutrimenta repoſtæ  
 Rupibus, & furtim concludis lætat in antris.  
 Sed fruſtra impenſus labor hic: non ſaxa, neque ignes  
 Occultas tutantur opes: pervadit & ipſum  
 Marmor avarities, mediosque irrumpt in ignes.  
 Ergo tibi rigida rupes ſcindenda ſecuri,  
 Ut Balanum rapias, & clauſum Pholada ſaxo.  
 At ferro non cuncta mari lita ſaxa laceſſes:  
 Quæ rupes, veluti pumex, ſcopuloſa dehiſcit

Et qua capiuntur.

H h h 2

Cre-

(1) & (2) *Dattili* noſtri, & Tarentini vocant, Galli *Pouſ-  
 ſe piez*.

Crebra foraminibus, diffindito: clauditur illa  
Pholas, & ostrifero Balani fulgore rubentes.

At prius abruptæ vires quàm viscera rupis  
*Qua item Lepades.* Hærentes ipso. (1) Lepades in cortice, duro  
Aut cultro poteris, vel acuto vellere saxo;  
Nam digitis frustra conabere: cautibus illæ  
Pectora prona tenent, vinclisque tenacibus hærent,  
Ut neque Milonis vis ipsa revellere possit.  
Usque adeo figuntur humi, quæ corpore prono,  
Humoremque bibunt gremio telluris ab ipso,  
Haud facile è terris convulsa feruntur in altum.  
Una tegit Lepadas cava testæ, & plurima livet:

*Illarum descriptio.* Non secus ac cinis, & tenui riget aspera villo:  
At gibbo majore tumet, crescitque rotunda.  
Verum Virginiis quæ Cypria carpitur undis,  
Multa striis visenda venit: quæ Doride rubra,  
Lorica circum tegitur, spinisque rigescit.

Non secus undoso scopuli de vertice (2) Turbo  
Vellitur: at Turbo qui sit te, Batte, docebo.  
Corpore qui crasso, surgitque volumine multo  
Tegmine sub niveo testæ, scabrosus, & asper  
Tubere multiplici, tenuique, & plurima dorsum  
*Turbinis descriptio.* Linea cui rugis distinguit, & ora rotundus,

*ptio.* Exiguæque patet rima, tenuatur & instar  
Turbinis, ille tibi dicetur nomine Turbo.  
At non est unum cunctis genus, unaque forma  
*Quam var. ii.* Turbinibus: diducto illi, oblongoque meatu  
Humanas referunt aures, quibus ordine pulchro  
Extat dispositus per crebra volumina tuber.

Qualiter argilla interdum fit fictilis alba  
Urceus, artificii dextra tornatus, & arte.  
Ille striis candens: hic tubere multus: & ille  
Insignis rostro, multoque trigone rigescit:  
Lævis & hic esset, tenui ni linea ductu  
Serperet, inque aciem convolveretur acutam.  
Angulus huic cælatus inest: ast ille rubentis  
Muricis instar habet testam, & mucronibus horret.  
Sunt quibus appendix multa est, oblongaque, Graii  
Dactylon, ut perhibent, appellavere vocantes:

His

---

(1) Nostri, Ligures, ac Provinciales *Patelle* dicunt, Oceani accolæ *Oeil de bove* oculus Hirci, Hisp. *Amelia*, Massilienses etiam *Lepoda* vocant. (2) Vulgus Neapolitanum *Scorriglio*.

His etiam, magis id miraberis, (1) *Eschara picta* est.  
 Ceu trochus, hic alter, crusta cui duplices testæ.  
 Compacta è lævi: subcandida: una: sed, infra  
 Quæ sita, candenti lucis splendore coruscat.

Musculi, & Mytuli  
 piscatio.

At tibi non tantus labor impendendus, acuto  
 Ut ferro è scopulis rapiatur Musculus udus.  
 Namque pilis tantum vincit sua tergora saxis:  
 Os sublime tenet, magnoque patescit hiatu,  
 Mytulus asper uti palis; vel cautibus hæret.  
 Nam palis etiam generatur uterque, sed una  
 Non geminis forma est: curvatur Musculus orbe  
 Exacto, tenuis quæ definit, ast ubi gibbus,  
 Spissior est testæ, & multa nigredine fusca,  
 Atque obducta levi musco, & lanugine molli:  
 Lævia caruleo candescunt concava fuce.  
 Clusilis, & forma fit Mytulus, atque colore  
 Diversus: crevit scaber hic, oblongus, & ater:  
 Ille striis, ceu Pinna, venit flaventibus: alter,  
 Castaneæ veluti, livescit, & ætior orbe est.

Illorum descriptio.

Disce, & odoriferas etiam, Piscator, arenis  
 Tellinas (2) legere, in regum ventura secundas  
 Auratas inter lances bellaria mensas:  
 Nam sapor egregius, succusque suavior illis.  
 Candida Tellinis est concha, & lævis, & æqua:  
 Denticulata tamen multis tenuissima crenis  
 Cernitur, atque, teres, oblongaque, cortice dura:  
 Illas ima secans in retia mittet acutum  
 Ostrilegum, aut ipsa educet manus ærea fundo.  
 Semper arenosis in syrtibus, & cava propter  
 Fluviorum soboles felicior editur ora.  
 Verùm non alibi generatur copia major,  
 Quàm devexus ubi Lunæ de vertice Nilus  
 Septeno refluxu succedit in æquora cornu.

Tellinarum descriptio.

Quo instrumentis  
 capiantur.

Ubi feliciores nascuntur.

Sed jam (3) Limaces properant (4) *Phereocides*, & jam  
 Tardigrado quamvis subierunt retia gressu.

Limacum descriptio.

### Cor-

(1) Zoophyti species ad similitudinem latucae, unde &  
 latuca marina, Gallis dicitur *Giroflade*.

(2) Nostris *Tonninole*, Romanis *Telline* ut etiam Gallis,  
 & ab Oceani accolis *Filon* appellantur.

(3) Vulgus Neapoli *Marazze*, Romani vero *Lumache*  
 vocant, Tusci *Chioccole*, Galli *Limaçon*, Hisp. & Provin-  
 cialibus *Scaragel*, & *Carocol*.

(4) Quasi domum ferentes.

Cortice siliceo, cochlidemque imitata reflexam,  
 Claviculata venit: medioque umbone recurrens  
 Serpit helix intorta, labrumque ascendit in ipsum:  
 E labroque animal caput exerit: & duo longa,  
 Et toridem brevia extendit sua cornua fronte.  
 Vertice in extremo, visu mirabile, cornu.  
 Exigui rutilant oculi, doctoribus istis  
 Præstant iter æquoreum, tutæque per undas  
 Excurrunt (1) Cochleæ, secum sua testæ ferentes?

Quomodo capian-  
 tur.

Neritæ,

Illarum descriptio.

Has tu, Piscator, limosas quæ per arenas  
 Castra locant, cono capies: quo gurgite ab alto  
 Neritas (2) etiam rapies, quibus altera ponto  
 Pulchrior haud Concha est: texellis plurima pictis  
 Vermiculata venit testæ, æque umbone reflexæ  
 Incipiunt helices crebræ, gyroque retorto  
 Majores sensim ascendunt: nigrisque corniscant  
 Distinctæ punctis maculæ: nitidoque argento  
 Insignis rutilat margo, & flaventibus aistris:  
 Interius totam perfundit purpura testam,  
 Quam Veneri sacrum nautæ fecere. Sed imo  
 Gurgite deproperant in consona fila Paguri.

Cancris sono capian-  
 tur.

Jo. Baptista Porta  
 in Magia naturali.

Accitos Cadmæa ferunt ad mœnia cantu  
 Spontè sua lapides coisse, & voce canora  
 Turritum caput assurgens venisse supremum  
 Arcis in æræ culmen, cinctosque Penates,  
 Atque Amphionio factas de pollice Thebas.  
 Blanda sed hæc Vatum commenta: sonora Paguri;  
 Certa cano, citharæ sistantur fila, modosque  
 Cantantis; veniuntque mari muscosa relicto  
 Litora sub, dulci cantu, nervoque vocati.  
 Quare age, cantando fuscas venabere Cancros  
 Herbofo, puer, in laxo, dum deflagrat Ætas  
 Torrida, & æquoræ siliunt per litora myrti.  
 Molliter ut pelagi vada lenta lacerare cornu  
 Incipies, udo scruposæ rupis ab antro  
 Hicet auriti venient ad murmura Cancri.  
 Tum viridi è scopulo surges festinus, & actam  
 Cantando in siccam lenè, piscator, adibis;  
 Corruptæ numeris nam te tunc ponè sequentur  
 Ostipedes acies, arrestæque auribus auras,

Opta-

(1) Sic & vocantur Lymnæes a cochleæ figura.

(2) Adriatici Accoæ Nerite dicunt, alii Naridola, Hispani Caragolo, Galli Virilis, & Bigonet,



Optatosque bibent resonantes lenè susurros.  
 Quas tu pellectas cantu captabis in acta:  
 Venatumque dabunt numeri tibi, nauta, canori.  
 Discite, mortales, vos hinc non fidere cantu:  
 Si fera mellitis sub cantibus abdita mors est.

Et jam cantanti bysso spectabilis ipsa  
 Se Vati inclinat vitreo de gurgite Pinna,  
 Marmoreasque fores, atque ora tenacia pandit:  
 Auritusque simul custos se prodit ab alvo  
 Carcinus: illa mari prælongo crure, fuillo  
 Assimili defixa manet, directaque surgit.  
 (Unde & Romanis dicta est cognomine Perna)

Lator & sensim se è caudice tollit acuto,  
 Palma velut, geminaque operit sua viscera testa:  
 Unum longa pedem: latoque patefcit hiatu.  
 Est convexa rudis, fuscoque immixta colore  
 Nigricat: argento splendescunt concava multo.  
 Verùm cœnosis quæ plurima pullulat undis  
 Flavescit: puris nam candida degit arenis.  
 Ad latus emittit non longè à cuspide byssum:  
 Quæ similis lanæ est, mixtaque nigredine fusca,  
 Velleribus Serum flavis non vilior ipsis.

Hos tu, piscator, de Perna collige villos:  
 Contexti nam crura tegent, palmasque tyranni,  
 Atque venustatem Nymphis simul, & decus addent.

Exiguos alit hæc Cancros, Squillasve rubentes,  
 Intus, & hos testa nunquam demittit ab ipsa;  
 Provida nam Pinnis custodes corporis illos  
 Ipsa parens Natura dedit, jussitque fideles  
 Excubias agere ex alto, dominamque tueri  
 Immanes contra Polypos, fraudesque dolosas.

Verùm age lanigeras imis, piscator, arenis  
 Quo valeas instrumento convellere Pinna

Accipe. (1) Pinnilegum facies de duplici ferro,  
 Quodque ipso è capulo se tendat acinace torto:  
 Inque orbem capulus fiet, totusque cavatus.

Latius in medio virgæ laxentur: adunco  
 Se tandem gyro excipiant, unaque plicentur.  
 Prælongam capulo bis ternis passibus hastam  
 Infer: & extremo, virgas ubi copulat uncus,  
 Vimineam religa restim, quâ longius ipsam  
 Extenta pariter religabis plurimus hastam.

Pinnae descriptio.

Cancellus Pinnae  
custos.

Quo instrumento  
capiantur, & illius  
descriptio.

Hæ.

(1) Hanc machinam *Pandueneco* vocant Tarentini.

Hæreat ut conto cuspis firmissima longo:  
 Aut gravis è capulo fors excidat, inter acuta  
 Non pereat saxa, aut nigro loca confusa limo.  
 Uncus ubi geminum conjungit ferreus arcum,  
 Linum, piscator, niveum stricissimus adde,  
 Indice quo cæco prodat se machina fundo.

Piscandi modus.

His actis, properè lætas te confer ad undas,  
 Cum jam mensis adest ab aperto tempore dictus;  
 Namque graves Pinnae venari aptissimus ille est.  
 Stans prora in media curvum demitte sub æquor  
 Pinnilegum: medioque patet quâ latius, ipsam  
 In latus obversam comprehendat acinace Pinna.  
 Exin Pinnilegum, surgit quâ palmula Pernæ  
 Amplior in ventrem, obvertes: factaque repente  
 Vi, facile ab dura testam radice revelles.

Interdum non una tibi, piscator, ab alto  
 Comprensa à gemino confurget acinace præda:  
 Plurima, nam dorso Pernæ stant Ostrea sæpè  
 Adnata, ut duris hærent Conchyliæ saxis;  
 Humoremque bibunt è Pinna: quæ tibi ferrum  
 Captiva in cymbam capta cum matre remittet.

Quibus in locis  
 Pinnae nascantur.

Quod superest, non cuncta maris freta cœcila gignunt  
 Insignes bysso Conchas: per ditia passim  
 Ostia, Nile, tua, & sitientis litora Gazæ  
 E limo, & nitidis Pernæ tolluntur arenis:  
 Ægæisque creantur aquis, scopulosaque propter  
 Illyrici vada, Sithonio pulsata flagello.  
 Gallaque Doris habet Pinnae, & Tethys Acarnan.  
 Non unda in nostro desunt Crateride, succo  
 Quæ multo lætæ veniunt, & divite bysso.  
 Una sed antè alias Pernis sæcunda superbit  
 Ora Phalanthæis olim regnata Tyrannis.  
 Hic ego byssiferis lætè sylvescere plantis  
 Æquoreos vidi campos, centumque recurvo  
 Pinnilego lintres venari è marmore Conchas.

Sed trans Tyrrheni fluctus, Scyllamque sonantem  
 Litus in Oebalium, fortunatùmque Tarentum  
 Me dulcis raptavit amor: juvat ire beatam  
 Herculis in sedem, & flaventia rura (1) Galefi,  
 Quâ maturino gemmatis lydere guttis

Pin-

(1) Galefo penultima correpta Tarentini dicunt: fluvius  
 in agro Tarentino, qui in conclusum mare (Asare piccolo)  
 se exonerat.

Pingua distillans Concharum semina Cælum  
Sufficit, & reflua laetantur Doridos unda.

Est locus Hesperia in magna, quæ Martia Tellus  
Circuitu longo curvatur, & undique fluctu

Ionio latè perfunditur: inque tepentem  
Est mundi conversa plagam, Solesque benignos:

Tarenti descriptio,  
& laudes.

Herculeum Graii quondam dixerunt Tarentum,  
Et Cælo, & Tellure, Deoque auctore superbum:

Namque, sacri ut Vates cecinerunt, prima locavit  
Fundamenta Urbis, muroque & turribus auxit

Neptuno cum Patre Taras, quo rege potenti  
Floruit imperio, rebusque est usa secundis.

Una (1) Pelasgiadum (2) Calabris quæ sinibus olim,

Aut Martis studio viguere, aut Palladis arte,  
Tantum clara inter reliquas caput extulit urbes;

Quantum inter proceres rex eminet: alter haberi  
Angulus haud toto poterit felicior Orbe.

Hic Ver perpetuum, semperque nitentia ridet

Prata, & odoriferis vernant cum floribus horti:

Semper & apricis texuntur collibus umbrae:

Ac lætæ in campis pecudes surgentia tondent

Gramina: & irriguis nunquam non fontibus undæ

Per pietas viridi decurrunt margine ripas.

Æterni semper Soles, & nubila raro

Cæli calobritas.

Obvelant densata diem, Zephyrique salubrem

Temperiem spirant, leni dum murmure fluctus,

Ac densas latè sylvas movere loquaces.

Sed quanquam Oëbalia tot sint Telluris honores;

Major ab omnigeno confurgit, raraque ponto

Gloria: quandoquidem cunctas hic prodiga fudit

Divitias Natura suas: hic una superbit

Maris feracitas.

Æquore fecundo, atque ingenti Doris opum vi.

Namque hic piscator semper felicibus undis

Squamiferum crevisse novum genus, & nova faxis

Muscosis adnata modis videt Ostrea miris.

Non secus ac Libyæ loca per deserta, ferarum

Non visas semper formas vagus aspicit Afer.

At mirum est illud, defudans roscidus æther

Hyberna sub nocte, locis prope litora certis

Semina Concharum demittit tenuia, quæ mox

Concharum semi-  
na, ut à Cælo prove-  
niant.

Tom. II.

l ii

Lacte

(1) Tarentum una ex Græcis urbibus in Italia.

(2) Calabri olim dicti sunt, qui à Tarento Leucadem  
usque inhabitant.

Lacte Thetis vitreo, & resluentibus educat undis.

Quæ miranda modo quonam miracula fient,

Et quæ cura tibi pariter, piscator, habenda,

Accipe: Partheniis nec dedignare Camænis

Quæ præcepta tibi præscripserit advena Vates:

Forſitan h's (ni vana mihi modo cantet Apollo)

Ditior è pelago venies, notusque per omne

Semper eris Latium, & Cælo cantabere nostro.

Ni fors, te quoque trans Rhodanum, font inque Garunnæ

Egregius cantet (1) Frizon; magnusque (2) Ruræus

Trans Ararim canat interdum: gelidoque sub axe

Te doctus patriæ celebret Galvæus Hiberne.

Quà (3) Thetis angusto serpit circumdata limbo,

Atque urbem molli subter perlabitur unda

*tibi plantandi sunt* Eoum ad Solem, longos procurva secundum

*pali.*

Litora sylvestri è pinu, aut ex ilice palos

*Et quo tempore.*

Fige mari: & senis subeant his cæcula palmis:

Vertice sed summo vix uno è fluctibus extent.

Illos tu pelago figes, piscator, in alto

Lætus ubi tandem prælis gemuisse Falernis

Desiit, & rosea fervet Lævæus ab ira.

His actis, miram palis concreſcere prolem

Semine syderio mirabere. Solis ab ortu

*Quoque in illos*

*decidens caelestis ros*

*conchium semina*

*præbeat.*

Ut ferrugineo pandet se lumine Cælum,

Ac nitidus fulget polus, & sunt uda serena,

Plurimus humenti de sydere deciduus ros

Depluit, & palis guttatim roſcidus humor

Excipitur, gyroque illos strictissimus ambit.

Egregiè veluti textum Oceanitide bacca,

Canâ puellarum circumdat colla monile.

Principio hi rores, Mulli velut ova, rotundi

Concreſcunt; primoque nivis candore coruscant.

Ast ubi cærulei formantur Pectinis instar

Majores, multa radiant ferrugine fulci;

Oebalii hinc (4) Testas dixere (4) Melænidæ illos.

*Quo tempore edu-*

*cuntur pali.*

His animadverſis, cùm mitior ira Leonis

Sæviti, & extremis cum Solibus interit Æſtas,

Cæ-

(1) Leonardus Frizon Gallus Vates, & argumentorum varietate, & carminis elegantia conspicuus.

(2) Carolus Ruræus Gallus item Poëta majestate carminis, aureoque candore nulli secundus. (3) *Mare piccolo.*

(4) Vulgus Tarentinorum vocat *Cozze negre*, quarum ingens proventus, salitaque per varias regiones alportantur.

Cœlesti gravidos sætu convellere palos  
Præcipio, quibus hærentem radice sub ima  
( Nam capita alta, vagis extant quæ desuper undis,  
Et quæ prima vado pars mergitur, ætheris udi  
Non potat rores, nec semina concipit haustu )  
Carpe manu teneram sobolem festinus, & illam  
Exin redde mari, crescat quod major in unda,  
Pinguior, & læto pubescat ab ubere ponti.

Concretaque se-  
mina iterum mari  
mittantur.

Quod superest, quæ salsa Melanidas æquora Conchas  
Excipiunt, testisque magis sunt apta fovendis,  
Expediam. Pontem juxtà, quà Doris apertum  
In pelagus fluit, & resonantibus æstuat undis,  
Stricta per ora, feres, cœlestia semina, Conchas.  
Atque externa Thetis modico quàm perluit æstu,  
Tutaque nec longè statio stat puppibus, & quàm  
Mœnia subter aquis currentibus obstrepit æquor.  
Insper occiduum ad Solem, Zephyrosque salubres,  
Oebaliæ contrà turres, ubi gurgite clauso  
Irriguus pelagi fundo fons surgit ab imo,  
Salsus & ipse, Dea quondam (1) Citrellide clarus,  
Conchis nulla magis felicior unda creandis:  
Nec locus est alibi, qui tot crateri capaci  
Ætherii capiat gemmantia semina roris.  
Præterea flavi quàm molliter unda Galeæ  
Murmurat, & lento currens pede cœrula pulsat,  
Crediderim læto Conchas pinguescere succo:  
Nam reflua lætantur aqua, rivoque sonanti.

Et quibus in locis.

At verò, ut multo grandescant corpore testæ,  
Tres opus Æstates vitreo perfundier æstu,  
Inque locis hærare suis: si servidus igne  
Litora Sol nimio, & sitientes torreat agros,  
Dum Lædæ sobolem, & duo signa sequentia lustrat,  
Plurima provenient Conchylia, lætaque pingui  
Ubere, & egregio pariter dotata sapore.

Quanto tempore  
suis in locis relin-  
quendæ sint Conchæ

Quin etiam moneo nigras te è gurgite Conchas  
Interdum trahere in litus, pontemque sub ipsum:  
Et stricto hærentes nexu, velut uva racemo,  
Aut sua granato ceu semina, disjice pala  
Ferreæ, & æstutum patrias demitte sub undas.  
Sic etenim, Cœlo quoniam lætantur aperto,  
Et magis æquoreo sparguntur rore, videbis  
Majores sensim succrescere Doridos alveo.

Sæpius extrahen-  
dæ, & segregandæque,  
iterumque in mari  
demittendæ.

(1) Lo Citrello vulgus Tarentinorum dicit.

Sed jam discere modum piscandi: ferrea primum  
 Cudatur (1) manus, inque volam flestantur acuti  
 E primis digiti articulis, pulsusque cavatus  
 Totus erit, lentum cui mox hastile repones.  
 Inde recurvato ferrum si miseris ungue  
 In fluctus, tibi multa feret conchyliæ, in aures  
 Exin cum pelagi è fundo deduxeris imo.

Quomodo extra-  
 banur.

Non ea cura tibi fuerit postrema, per undas  
 Venari multa insignes lanugine (2) Conchas,  
 Quas ipsa excipiens nocturni nectaris haustum,  
 Utraque Doris alit sub gurgite, quæque minores  
 Hirsuta quamvis testa: nec copia tanta  
 Proveniat, succus tamen est dulcissimus illis,  
 Et tener, & roseo splendet spondylos igne,  
 Quo possis præbere Diis felicibus escam.

Conchæ villosæ.

Hæc verum dixisse mihi satis; usus enim ipse  
 Plura tibi poterit monstrare. Sed ò ubi colles  
 Oebalii, & mollis felicior ora Tarenti!  
 Ora auris perlata, & apricis lucida semper  
 Solibus, & viridi nunquam non gramine læta:  
 Et nunquam placidis non perlita fluctibus. O qui,  
 Angule terrarum pulcherrime, me tibi rursus  
 Reddat, & in flavi me transferat arua Galei!  
 Arua Phalanthæis semper lustrata puellis,  
 Et semper cantu pastorum pulsa beato.  
 Hic ego Pæoniis quando mihi reddita succis  
 Nulla salus, agerem, quamvis inglorius, inter  
 Felices pelagi Divas tranquillius ævum:  
 Quoque modo possem, saltem surgentia semper,  
 Vincere si nequeo, durarem semina morbi.

Archiepiscopi Ta-  
 rentini Elogium.

Hic ego te, cymbæ spes ò fidissima nostræ,  
 Musarumque olim decus immortale futurum,  
 Aspicerem, FRANCISCE, tuo quò lætus ab ore  
 Ærumnas relevare graves & tædia possem.  
 Et si Fata dabunt, laudi non invida nostræ,  
 Ut mihi sit Cælum, sit & ora salubrior, omnes  
 Pierio festinus agam de vertice Musas:  
 Et cantu Cyrrham, totumque Heliconæ ciebo.  
 Et si Parthenio quid erit celebrarier æstro;  
 Tu quoque Partheniis olim celebrabere Musis.

Nam

---

(1) Vulgo Tarentinorum appellatur *Gransa*, ut nostrati-  
 bus dicitur. (2) *Cozze pelose*, quarum species cum interiis-  
 set, nuper restituta est.

Nam genus antiquum cantabo, & nobile germen  
Heroum, & claros titulos, fascesque superbos,  
Atque tuæ, & patriæ dicam virtutis honores.  
Egregias animi dotes, mentemque benignam,  
Et placidos mores, dignumque parentibus addam  
Ingenium, studiis excultum, & Palladis arte.  
At si fors erit, ut magnis tua maxima virtus  
Romuleis jungat Patribus, Sacroque Senatu,  
Tunc mihi Purpureo Divorum insignis in ostro  
Mæonio cantandus eris, FRANCISCE, cothurno.  
Interea super Oebaliis, quæ carmina Conchis  
Nunc, duce te, cecini, non dedignabere: primum  
Sint hæc obsequii monumentum, & pignus amoris.





# HALIEUTICORUM

## LIBER NONUS.

**S**ED quæ regales intingunt murice vestes,  
 Tempus ab undosa prædari Doride Conchas.  
 Vos mihi Parthenias, Divæ, quæ curritis undas  
 Ditia Phænices per litora, quis Deus ille,  
 Dicite, purpuream primus, qui gurgite gazam  
 Eduxit, roseoque infecit sanguine lanam?  
 Nam, si audita memor veterum monumenta recordor,  
 Ingenii largitor amor, hanc extudit artem.

Tyros ab Hercule  
 adamata.

Quondam Phænissa, ut perhibent, fuit aurea virgo,  
 D'ætæ Tyros, genti quæ nomina fecit, & urbi:  
 Hanc sibi conjugio, & thalamo sociare jugali  
 Magnus Lernæ domitor quæsierat Hydræ.  
 Illa sed Alciden formæ confusa decoræ  
 Spreverat, & fastu ridebat vota superbo.  
 At Deus hæc animo secum indignatus iniquo,  
 Per virides errans scopulos, & curva secundum  
 Litora, nequidquam surdas jactabat ad antas.

Herculis questus.

Ergo Cleonæi quem non gravis ira Leonis,  
 Nec septimgemina cervice exterruit Hydra:  
 Non Erymanthæ vastatrix bellua sylvæ,  
 Nec ferus Hesperidum custos domuere: nec ipsi  
 Phlegræi fratres cum Naupactico Acheloo:  
 Imbellis virgo, quæ non fert tela, neque arcum,  
 Nec manibus novit tractare volatile ferrum,  
 Inviclum tandem fregit. Ah! fregit amantem.  
 Non tua laus, ò virgo: Patri qui sæva Tonanti  
 Fulmina, & armato rapuit tua tela Gradivo,

Ille,



Ille, puer quamvis, fateor, me vicit, & ille  
Me tibi captivum, & fastu parere coëgit.  
Dure puer, duro quem non submittis amori?

Hæc Deus. Interea circum canis arida litus  
Cursabat, si forte famem sedaret iniquam  
Piscibus, ignarus mediam quos inter arenam  
Liquisset piscator, aquæ vel sponte tulissent.  
Forte irreptantem scopulis è gurgite concham  
Aspexit: mora nulla, avido petit ore, revulsamque  
Ostrifero carnem tecto vorat: ilicet humor  
Effluxit, rubroque infecit labra colore.

Quo casu purpura  
invenit.

Jam Pelagi consueta petens loca, gressibus ibat  
Angustis formosa Tyros, dioque videnda  
Incessu, & vultu radians fulgebat honesto.  
Ut pulchram properare Deam Tirynthius heros  
Aspicit, aspectuque novum simul ebibit ignem,  
His supplex Divam aggreditur: Quid nostra recusas  
Connubia, & Divum leges, & fœdera spernis?  
Quid te velle negas, quod Dii volvere? quid ultra  
Sanctum Hymenæum, æternumque averſaris amorem?

Heiculis ad Tyrum  
verba.

Tum Dea: Non leges Divum, non fœdera temno:  
Nec sanctos sperno thalamos. Age si mihi lanam  
Punico ardentem contexes protinus ostro,  
Quo modo labra canis rubuere, in fœdera dextram  
Extendam tua jam, Tirynthie. Plura neque illa  
Addidit. Extemplo magno succensus amore  
Piscatus vitreo Alcides de gurgite Concham,  
Purpureum legit florem, pressitque rubentem  
Humorem, rutilo quo tinxit murice lanam,  
Purpureaque suam donavit veste puellam.  
Ufus & hinc primum tingendis vestibus ostro  
Prodiit, & magnos ornavit purpura Reges.

Et hujus responsio.

Nunc age, (1) purpuræ fallent ne forte legentem  
Te (2) Conchæ, quot mira dedit Natura figuras,  
Accipe. Denſatis multæ mucronibus horrent,  
Et magis extremò, crescent quâ turbinis instar:  
Exterius mixta sparsim flavedine candent,  
Intus sed violæ subluccet purpura nigræ.

Varix Purpurarum  
formæ.

Hæc

(1) Græcis antiquo vocabulo etiam nunc porphyra appel-  
latur: Romanis ab ungue odorato *Ognelle*; Liguriſibus ab  
aculis *Roncira*: vulgò Noſtratium generali voce *Sconciſſi*  
& *Spognelle*, Gallis *Carez*. (2) Mucronatæ, noſtris *Car-*  
*noſæ* indignantur.

Hæ (1) brevibus, crebrisque rigescunt tergora spinis:  
 Armatus quibus ipse dedit cognomen Echynus:  
 Anterior, qui latus erit, celi palmula, turbo  
 Scissus multiplici circum mucrone rubescit:  
 At viridis dorso color est, ostroque nitescit:  
 Lutea cæruleis inspersa coloribus exta  
 Subradiant: nullis armantur dorſa sagittis  
 Illæ; non unum licet extet cortice tuber:  
 Et cinerem cava testa refert, sed viscera flammam!  
 Sunt & marmoreæ, densis queis ora rigescunt  
 Cuspidibus, sparſimque nitent candore nivali:  
 Sola sed ardescunt nativo labra sub ostro.  
 Est alia, ex imo surgit quæ tubere nullo,  
 Tortilis in ventrem quamvis sit Purpura latum.

Quibus in locis Pur-  
 pure nascentur.

Sed jam dives ubi nitidum Thetis educat ostrum;  
 Expediam: Tyrio quæ crevit Purpura ponto,  
 Optima, regalique ardescit plurima fucis:  
 Sunt & Getulis in fluctibus, atque ubi Nereus  
 Alternò refuens (2) Meningen perluit æstu.  
 Illas (3) Tænariî fluctus, & cærulea Coa,  
 Et multo creat insignes Melibœa rubore.  
 Non Sardoæ carent, non Bætica litora testis  
 Purpureis, non & Phœnice est vilior Ancon.  
 Illas laudato pariter quas molle Dicharcum,  
 Quas & habent Bææ, Lacedæmoniumque Tarentum:  
 His &, Aquinatum tingunt qui vellera, fucos  
 Addito, & Eoa carpit quos Persa sub unda.  
 At cunctas inter pretioso sanguine turget,  
 Versicolor Rubro repit quæ Purpura ponto.  
 Hoc mihi tu, Virgo, Cæli decus, & nova Divum  
 Gloria, regalis quanquam non desit amictus  
 Syderibus mille intertextus, totus & auro  
 Phœbeo latè irradians, sparſusque colore  
 Purpureo, egregius Superum labor, atque opus ingens:  
 Hoc tamén è rubro fulgebis Murice dives,  
 Cum per Olympiacam festiva inceſſeris oram  
 Festivos inter plausus; & murmura ovantum.  
 Hoc & Erythræo mihi tu donaberis ostro,

CAR-

(1) Conchæ Echinatæ nostris *Coccirole rosse*. Quemadmodum *Pectines Coccirole di S. Giacomo*, quia illis peregrini uti solent. *Mytilus* vero dicitur *dente di cane*.

(2) *Lotophagorum* insula in Syrti, de qua Polybius lib. 1. cap. 39. (3) *Peloponnesi* promontorium *Capo Matapan*.

CARDENIDE, pacata mihi quo numine rident  
Æquora, & ostrifero gravitant sub pondere nasse,  
Cum propriis clarus factis, & fasce paterno,  
Magnus ab Hesperio diceris nomine Rege.

Insuper, in medio stabulant quæ gurgite, Conchas,  
Majores Natura creat, sed curva minores  
Litora quæ propter limo volvuntur aquoso.

Præterea, id non te lateat, Conchyta, profundo

Cum trahis, è gremio conclusum collige florem  
Puniceum, vitæ gaudet dum munere, Matres:

Nam si sanguineas è cassis lumine fibras  
Legeris, ater erit, nec lanis utilis humor.

At vero, ut perhibent, illæ (mirabile dictu)

Quinquaginta trahunt vitam trans æquora Soles.

Sed cave ne dulci mergatur Purpura rivo;

Nam perit, atque unâ languescit puniceus flos.

Verùm deciduus dum abit, & spiritus auras

In tennes spargendus abit, si protinus undis

Mergitur æquoreis, nativo Purpura fucco

Æstutum remeat dulces rediviva sub auras.

Pestiferam velut exhalat quæ cœca Mephitin

Scrobs angusta, Canum vulgo de nomine dicta,

Quæque vaporifero patet imo in colle cavata,

Cum canis horrendum vi multa intrusus in antrum;

(Spontè sua nam nulla petunt animalia montem)

Epota sensim lethali naribus aura,

Languescit moriturus, aqua si protinus illum

Vicina immergas Aniani, litore in ipso

Illicet in vitam revocatur. Age æquôte Conchæ

Qua tibi, Piscator, fuerint nunc arte legendæ,

Eloceam: stat opus Vati molirier ingens,

Ingentemque rubro clamydem perfundere fucco

Sic jubet intus agens præcordia Phœbus: & ipsæ

Festinant alacres Musæ. Sed cuive Deorum,

Cuive hominum tingenda clamys? Vos dicite Vati,

Pierides: dic, Phœbe pater, citus en feror ultro

In data iussa; tuo quoniam mihi munere carmen

Contigit, & tenuem citharæ sortitus honorem.

Anne novo præstat Romano texere Regi,

Atque ostro saturam, gemmis ornare lacernam?

Hoc equidem, Thymbræe, jubes, nec fallor: & hoc est,

Quod faciles in pensa parant præstare Camenæ.

Audio, ut ingenti resonet Germania plausu,

Magnaque lætitiæ plenas det signa per urbes,

Atque triumphales attollat in æthera pompas

Tom. II.

K k k

Regis

Ubi majores.

Quando Purpuræ  
Mos legendus.

Purpuræ dulci in  
aqua pereunt,

In salsa reviviscunt

Quæ piscandi ra-  
tio.

Ad Regem Roma-  
num apostrophe.

Regis Romani, summo qui munere Divum  
 AUSTRIACA de gente datus nova gaudia Mundo  
 Intulit, & grandi populo spe nutrit ovantes.  
 Affonat Eridanus magnarum rector aquarum:  
 Et socio Tybris sonat agmine: lætus & undans  
 Implet Aventinas festis rumoribus arces,  
 Nec segni, licet amne minor, dat murmure plausum  
 Sebethus: viridi præcinctus cornua musco  
 Urget aquas victor, magno nec se capit alveo  
 Exundatque super ripas, latèque fluenta  
 Infundit campis, & gaudia dividit agris.  
 Parte alia cursu in medio conterritus hæsit,  
 Threjiis qui regnat aquis: Oeagrius Hebrus,  
 B'stonique lacus, tremefactaque Strymonis unda  
 Ad magnum AUSTRIACI nomen, Regisque Quirini  
 Hæsit & Euphrates, totoque expalluit amne  
 Et trepidi septem steterunt gelida ostia Nili,  
 Condidit & nigra jam se Mæotide Pontus,  
 Et Thetis angustos Ægea recurrit in Isthmos.  
 Mæste puer virtute, tuis si nomine tantum  
 Læticiam ingentem populis, & gaudia pandis:  
 Hostibus at magnum terrorem: quid resonantis  
 Fulmine cum, quaties urbes armatus? Eoi  
 Fracta patent jam (1) claustra, labant Rhodopeæ arces,  
 Altaque Pangææ, & Scythici ruit alta tyranni  
 Nec capit abruptis fugientis horridus antris  
 Caucasus, & tutas vix dant Riphæa latebras.  
 At festos jam Roma dies indicit, & aris  
 Thura sacris adolenda Dijs Nabathæa reponit  
 Votaque persolvit pro Thrace, Scythisque subactis  
 Proque Asiæ regno, totoque Oriente, recepto  
 Assurgunt septem festivo murmure colles  
 Romulei, magnoque sonant Cápitolia plausu  
 Tunc ego, læva sinant modo fata, per oppida circum  
 Te ducam Romana, puer, victicibus armis  
 Et palmas, & fæta feram sub sydera cantum  
 Interea Piscator agam de gurgite Conchas  
 Purpureas, patrio nitæas quo pulcher in ostro  
 Principio lento parvas de vimine, bassas  
 Aut gracili intextis junco, queis multa dehiscant  
 Exiguis maculis densata foramina: quales

Agre-

(1) Trajani portæ, angustæ Æmi fauces, per quas in  
 Thraciam aditus patet.

Agrestes spisso calathi texuntur hiatu  
 Intus & è putribus suspendes carnibus escam.  
 Aut Ranas, Strombosque, quibus Conchylia mensis  
 Consuevere capi, nihil est & gratius illis.  
 Has igitur medias, instat cum tempus in undas  
 Demittes. Dulci pellectæ munere Conchæ  
 Ore petunt avido nassas, tenduntque rapacem  
 Faucibus extentam densata per ostia linguam,  
 Ut tandem bibulo tangatur acumine Strombus.  
 Illum autem ut totum lambendo liguriat, imo  
 Guttur se toto producit corpore lingua.  
 Hinc ubi jam satura, & dulci pinguedine læta  
 Intumuit, juncis acri stat fixa dolore:  
 Nec valet angusto sese subducere textu,  
 Ipsa sibi mordax cassem struit, ipsa malorum  
 Causa est, exerto cum pungit acumine lingua.  
 At tu producto irretitam gutture testam  
 Educes, rubro sparsuram sanguine lanam.

At qua Phœnices hac tempestate rubentes  
 Venentur Conchas dicamus. In æquora funem  
 Demittunt, capitique ligant leve suber: acuto  
 Sed priùs è junco, sparthovæ, aut vimine nassas  
 Exiguas, instar phyalæ, vel qualis hiulca  
 Fiscella, è lento texit quam pastor hibisco,  
 Compingunt, quibus ora tamen sint aspera multo  
 Vimine, vel circum juncis hirsuta rigescant.  
 At sic adversa componunt cuspide juncos,  
 Quo proni interius sese ipso ex ore reflectant;  
 Ut facilis venienti aditus sit, deinde regressus  
 Difficilis, spissoque viam mucrone retardent.  
 Has funi nassas sua per discrimina nectunt,  
 Imponuntque escas, altoque in gurgite linquunt.  
 Purpuræ, ut optatam comprehendant faucibus escam,  
 Insiliunt nassis, prædaque fruuntur opima.  
 Sed cum jam saturæ remeare è vimine certant,  
 Cuspidibus latè juncorum arcentur acutis.  
 Illas Piscator cum lutea surgit ab undis  
 Aurora, & terram radiis, Cælumque retexit,  
 Educit lætus, pressoque (1) papavere succum,  
 Exprimit, Heroum nitcant quo vellera fuco.  
 Id tibi præterea cura majore notandum,  
 Quò multa impensum relevet captura laborem,

K k k 2

Ut

(1) Fibiæ, è quibus purpureus liquor exprimitur.

Saxosa in locis  
uberior piscatio

Ut cassam jacias loca per saxosa, vel inter  
Fœcundi cœnosa maris: nam plurima faxis  
Nascitur, & pingui grandescit Purpura cœno.  
Interdum nitida manibus captabis arena;  
Sæpè solent ubi se Conchæ occultare rubentes.

Quo anni tempore  
instituenda piscatio.

Nunc age, piscatu qui mensis idoneus anni  
Dicendum. Rutio surgens cum Sirius astro  
Emicat, & summis fervoribus implet,  
Instrue tunc nassam, durumque ordire laborem;  
Nam Canis exortu pinguescunt ubere fœtu  
Purpuræ, ostriferoque tumescunt sanguine fibræ.

Buccinæ, quorum  
in bellis usus primus  
à Tritone.

Insuper his, præstat tibi multam impendere curam,  
Ditia muscosis ut quæras (i) Buccina saxis;  
Quandoquidem rubris ditescunt plurima gazis,  
Quæis Regum rutilæ possint ardere lacernæ.  
Concava quin etiam Mavortis in arma feroces  
Sæpè ciere viros, animosque incendere cantu  
Consuevere: mari postquam piscatus ab alto  
Inflavit primus Triton, fregitque Gigantes.  
Nam si vera sacro cecinerunt carmine Vates,  
Cum ferrugineos Auroræ primus ad ortus  
Buccina montano persilavit vertice Triton,  
Illicet insueto visæ consurgere valles.  
Murmure, & intonsi Cælo se tollere montes,  
Quo magno tremefacta cohors clangore Gigantum,  
Iratosque putans properare in prælia tauros,  
Confestim jactis armis, atque agmine verso  
Per sylvas fugam arripiunt, perque invia, quæ illos  
Ipsa sui mentita trahunt simulacra pavoris.  
Sæpè ignara suæ mens est formidinis auctor,  
Atque umbram fîcta tantùm sub imagine pallet.

Illorum descriptio.

Sed tibi, quæ veniant formæ, quo picta colore,  
Ostendam: veluti turbo formantur, & illis  
Longior est testa, & medio stat latior orbe:  
Attenuatus apex assurgit, & aspera dorso  
Crusta est, & multo sepit se tubere circum:  
Parte sed adversa procurrunt margine longo,  
Qua patulis incisæ labris, lata ora patefcunt.  
Interior nitido pellucida lumine candet  
Alter pars testæ, & lævare notabilis ipso est.  
Sunt quædam peregrina, rosas, quæ marmore pictas,

(Nam.)

(i) Italis Cornette: nostris Tusa, Gallis Murices, Purpuras, Bie, Buccina Bie Cornette dicunt.

(Namque velut marmor dura est; & candida crusta)  
Et curvæ referunt variantes Iridis orbes.

Hinc & digressus, qua sint (1) Conchyliæ formæ;  
Quove colorato splendet lumine Murex;  
E quibus ardentem prestat (2) Conchyta liquorem;

Caudice ab exiguo, magnoque volumine surgunt;  
Et magis è lato, quam Buccina, nullaque circum  
Tubera, nec densis horrent Conchyliæ spinis;

At villosa, quibus non curvo ditia gyro  
Ora; sed oblongo, velut ova, foramine (3) blatta;  
Quæ super oblongo pariter concludit amictu;

Blattaque odorifero, fragrat dulcissima nardo;  
Nardus enim succo Conchyliæ pascit odore;  
Hinc saxosa, inter nardi quæ spina virescit;

Illa colorati carpunt de fluctibus Indi;  
Soie sub æstivo, siccâ cum Najade, cuncti  
Defecere lacus: Indis nam finibus ipsa  
Stagna, lacusque ferunt Conchyliæ: quæ freta ponti

Trans Hellen spumosa creant saxosa secundum  
Litora, majori testa subluce candent.  
Talia Doris Arabs, & multo pinguius succora  
Educat: at fulva gignit quæ Persis in unda,

Et Babylon operosa, nigrantia desuper ardent  
Qui solida gravis è testa, densaque videtur;  
Et firmis, rigidisque investit tergora clavis  
Amplior, & triplici fursum mucrone rigescit;

Sed pars inferior cum turbine crevit acuto;  
Celi Pariusque lapis, candent convexa, sed intus  
Concava permiscet rutilum stellatâ colorem;  
Murex ille, suo faciet te flore beatum.

Attamen hæc species non constans omnibus una est;  
Namque hic marmoreus sublustri lumine fulget;  
Totus & hic minio, & nativo purpurat ostro;

Ille striis incisus abijt, quas virgula passim  
Multiplici exornat textu: succingitur alter  
Ensis, & fusco rutilat convexa colore;  
Lacteus hic est, atque obtuso turbine: densis  
Non tamen armatur gladiis, sed tubere turget.

Atque  
(1) Passim Conchiglie, nostris Sconiglio à carad Purpu-  
ra species, ut & Murex, Murice, Neapoli Crocete.  
(2) Purpuræ opifex; hinc & Conchyliatæ vestes, & Mu-  
ricatæ. (3) Conchylii, Purpuræque operculum dicitur &  
Onyx, sive unguis à figura.

Conchylii defec-  
tio.

Murex qui.

Qui varius.

Atque alii, quos ipse tibi monstraverit usus:  
Namque hic non omnes cupio comprehendere formas:  
Nec possem, licet ipse maris sub ærula Proteus  
Duceret, atque genus varium; nomenque doceret.

Ubi gignatur.

Attamen id non præteream, Conchyta, probandusque  
Nimirum rubro qui sit tibi viscere Murex:  
Optimus est, Tyrio qui gurgite, quique sub undis  
Assyriis scopulosa tenet loca, sætaque musco  
Litora, & Oebalus pariter laudandus, & Afer,  
Bajanusque rubens, nitido Phocæicus ostro,  
Et qui Getulis pinguescit fyrtibz. At me nolo requi  
Aurea Thyrenas: compellit Nefis ad oras,  
Te sequar, o patrii Dæa litoris ipsa repositos,  
Piscanti reclude sinus, quo lætus optimamque  
Herculea de rupe legam, tua mûnera, gazam,  
Dum puri ridet Soles, Zephyrique loquaces,  
Et tæniæ leni diverberat unda susurro.

Colomelidis Villa  
descriptio.

Quà Surrentini lunato vertice colles  
Planiciem nitido florentem vere coronant,  
Est (2) locus, æquoreis qui desuper imminet undis,  
A Graja quondam Nympha Colomelidæ dictus,  
Quæ, cum Sirenes felicia regna tenebant,  
Has lætas coluit sedes, & amœna vireta.  
Apricis latè campis, & plurimus agris  
Constitus; æterno vernant qui gramine, quique  
Floribus omnigenis, & semper jaspide picti  
Aspectu recreant animos, & lumina pulchro,  
Insuper arboribus circum densatus opacis  
Obtextu viridi ramorum protegit arua:  
Et gratum æstivo præbet sub Sole levamen;  
Gaudet & afflatu Zephyri, Solisque benigni  
Temperie, Cæloque salubri, & Najade puram  
Ad litus magno vivæ sub fornice rupis  
Est specus excisum manibus, cui plurima circum  
E vivo pariter constructa sedilia saxo:  
Desuper alta tegunt oleæ convexa virentes,  
Atque hederæ latè serpent, sed cærulea myrtus,  
Et muscens latera investit, qui molliter halans  
Prædulcem grati vim naribus afflat odoris.

In

- (1) Italis Corallo, Gallis Corail, Hispanis Corat.  
(2) Elegantissima, atque amœnissima Villa Collegii Neap.  
ad Surrentum, vulgo Cocomella dicta.



In specus externo sensum Cratere refusa  
 Se Thetis insinuat, lambitque sedilia fluctu:  
 Atque per ora fluens dum labitur, assilit unda,  
 Et pigros leni mentitur murmure rivos.  
 Non geniusve loci, aut ær felicior ullus  
 Ausonia in magna, totove beator Orbe est,  
 Ducere seu placidam tranquilla per oïa vitam  
 A morbis procul, & curis, aut forte salutem  
 Quærere seu velis amissam: aut reparare labantem  
 Non & Thermaicæ cautes, non Thessala Tempe,  
 Lætaque Penei non fortunatior unda;  
 Nec picturato consurgens vertice Pindus,  
 Carminibus Vatum celebrata, & numine Divum.  
 Fortè sub Æstatem medio, dum Phœbus Olympo  
 Libratur, radiisque, incendit fervidus Orbem.  
 Huc omnes venerè Dæ Craterides; & quæ  
 Circei vicina colunt; & litora Amalphis.  
 In primis formosa Hyale diffusa capillum  
 Colla per, & niveos humeros, & candida Cletho,  
 Purpureis visenda genis, & floribus ardens:  
 Venit & Euphræ niveis succincta cothurnis  
 Lubraque, Teleboisque, & Olympia, quæque obceatos  
 Secessus, Misene, tuos colere, Ligæa, quæ  
 Atque Ephyre, nitidis incinctæ, vestibus ambæ,  
 Ambæ puniceis religatæ pectora cœnis;  
 Inde Pythecusæ geminæ venerè sorores  
 Ænarie, Prochyteque, leves quarum altera Thyntios,  
 Altera Delphines gaudet superare natatu  
 Et quæ Lucrino lustrat vicina Dicarchis,  
 Et Megara, & mammis venit candentibus Egle,  
 Adfuit inter & has Acheloïsis, & bona Divæ  
 Mergillina, caput citrorum fronde revincta,  
 Et latè suavem diffundens plurima odorem  
 Atque aliæ, quotquot solito de more solebant  
 Ad Surrentinos lætæ, divertere colles,  
 Et placidum gelido frigus captare, sub antro  
 Ipsa sed ante alias pulcherrima cruce reperi,  
 Et calamo undatim intorto, flayoque sub æuro  
 Irradiante, jugo, venit, de divite Nefis,  
 Atque omnes placido Nymphas afflavit odore,  
 Ut sedere Dæ per sparsa sedilia musco,  
 Una in sese oculos cunctarum visa sororum  
 Est Nefis trahere, & formosior una videri  
 Egregio cultu gemmarum, & divitis auri  
 Mirum intertexti gemmis; nam pectora circum

Varie campanicæ  
 loca Nympharum  
 nominibus obum-  
 brata.

Illa peregrinum religarat eburnea torquem.  
 Non prius è duris avulsa Corallia faxis.  
 Exigua in segmenta recisa, poliverat arte  
 Egregia, atque una filis innexerat aureis.  
 Ergo novas aurato in torque rubescere gemmas  
 Ut videre Deæ, miro novitatis amore  
 Corruptæ, Nefidis rogant: Quæ munera? quique  
 Inventi prius fuit auctor? ubive reperta?  
 Talia vix dederant, cum formosissima Nefis  
 His dictis ingressa: Mihi Piscator Jolas  
 Dilectus puer est, matri dilectus & ipsi  
 Nereidum, qui sæpè meas festinus ad oras  
 Appellit, sociisque procul, cymbaque relicta  
 Quæ frondosa colo super alta cacumina lecta  
 Solus adit, gaudetque meas invisere sedes  
 Et mihi dona maris fert Ostrea, fert & Echinos,  
 Et Pinnae, Onychasque, & pictas iride Conchas.  
 Hic nuper munus, quo non donaverat ante  
 Me puer, & Bajis veniens tulit: ipsa neque unquam  
 Aspexi: ramis & erant virgulta recurvis,  
 Et passim nodosa, rubioque infecta colore.  
 Ut mirata novum spicem, munus Iola,  
 Quæ virgulta? peto: & mediis quibus eruta in undis?  
 Omnigeni nam dona maris virgulta putavi.  
 Ille hæc: Bajano nuper de gurgite, griphum  
 Dum trahimus, scissum, & præda spectamus inanem.  
 Una sed hæc tantùm maculis virgulta ferebat  
 Implicita, & tennes spumosi gurgitis algas.  
 Quo viso de more Deos culpasse Lycotas,  
 Et Licidas pater, & Thelgon cœpere: sed ipse  
 In melius casum referens, (quia sæpè sinistra  
 Ignaris pariunt nobis felicia casus)  
 Hoc sine Divorum non duxi numine factum,  
 Quæque indignati in fluctus demittere rursus  
 Non sine conviciis socii virgulta parabant,  
 Accepi: quæ, Nefis, tibi nunc munera porto,  
 Et poterunt prodesse: mihi nam numine dextro  
 Nescio quid magni mens augurat. Ipsa sed olim  
 Tunc meritas solvo grates, atque oscula libo  
 Læta hinc Panstylipum, qui Vates omnia novit,  
 Cæruleis quæcumque latent, suntque sub undis,  
 Vicina sub rupe peto & data munera monstro:  
 Et quæ sint, rogo, quisque esset mortalibus usus.  
 Non ille invitus (nostro nam capitis amore effusus)  
 Respondit, totamque mihi rem ex ordine dixit,

Quo casu primum  
 corallia è mari eruta.

Quam

Quam vobis, lentæ quoniam versamur in umbra,  
 Jam repeto. Vitreo quondam sub gurgite virgæ  
 Hæ fuerant scopulis adnatæ è vimine molli:  
 Et virides nitido rami sub marmore: baccæ  
 Sed candore nivem referebant: Perseus illis  
 Sed postquam imposuit Phorcinidos ora Medusæ,  
 Vim monstri, & durum tactu rapuere rigorem,  
 Ac simul epoto rubuerunt sanguine rami.  
 Hæc sed mira illis natura, sub æquore molles  
 Flexilibus fluitant ramis, viridique smaragdo  
 Persimiles: fundo sed cum tolluntur ab imo  
 Duritiem monstri accipiunt, liventque cruore.  
 Virgultis tamen hi casus fecere decorem,  
 Et pretium: nam vilis erat quæ marmore virga,  
 Jam nunc, gemma velut, pendebit candida circum  
 Colla puellarum, Regumque ornabit amictus,  
 Tuque vel imprimis facies pulcherrima torquem  
 Nesi, Deas uno superes quo ditior omnes:  
 Et simul inventi pro munere, Dia, Coralli.  
 (Nam sic purpureas dicent cognomine virgas)  
 Egregiam referes laudem, nomenque perenne.  
 Hinc mihi difficilem piscandi tradidit artem,  
 Et qui Tyrreni gignant Corallia fluctus:  
 Quo polienda modo; nam cùm de caute trahuntur,  
 Corticibus veniunt scabris. Sic ore loquutus  
 In secreta Deus rediit, montemque petivit:  
 Ast ego litoribus nostris cùm pulcher Iolas  
 Appulit, & solus tecti frondosa revisit,  
 Quæ mihi fatidicus Vates narraverat, olli  
 Non invita fero, & rem totam ex ordine pando:

Hic Dea conticuit: festo sed murmure Divæ  
 Nereides plausere omnes, & litora circum,  
 Et circum fluctus fremitu assensere secundo.  
 Hinc ubi jam nimios lux inclinata calores  
 Fregerat, & placido ludebant murmure venti,  
 E saxo Nymphæ consurrexere cavato,  
 Inque suas, antro, sedes rediere, relicto.  
 Sic primum Tyrrenha sinu Corallia Tethys  
 Reddidit, & rigida cœptum de caute revelli.  
 Sed quibus abruptis nascantur rupibus, & quo  
 Sint quærenda Poli sub Sydere, non tibi multis  
 Expediam: longè invitat me ditior unda  
 Electro, & raucò jam plaudit fonte Viadrus.

Principiò ramosa ferunt virgulta Minervæ  
 Piscosæ rupes, habitataque litora quondam

Tora. II.

LII

Læta, in quibus  
 Corallia proveniunt.

Tc.

Telebois, tepidæque reducto in gurgite Bajæ.  
 Illa & Sardoï servant in murice fluctus  
 Quà Termus tenui labens subit æquora rivo,  
 Non longè Hermæis è rupibus, atque ubi saxis  
 Præruptum mediis Hieracum attollitur undis.  
 Ipse etiam tenui ramo, minioque coruscant  
 Cynrææ sylvam generant Phorcina cautes.  
 Tales in Libyco Neptunus marmore virgas  
 Afer habet: tales sunt & Balearide lympa.  
 Dat subnigra Telo, dant Sthæcades, altaque trunco  
 Doris lbera creat Corallia: plurima dices  
 Dant & Erythræi fluctus, & Persidos undæ,  
 Et fræta Scyllæo semper pulsata latratu:  
 Namque ingentem imo deductam gurgite plantam  
 Hic quondam egregii memini vidisse Coralli.  
 At Drepani litus contra, & Lilybæa saxa,  
 Læta ubi luxuriat diti Natura profundo,  
 Prægrandi trunco, & ramis majoribus ardent.  
 Hic ego, dum colles Erycis, monumentaque magni  
 Anchisæ, & portus, urbemque, & litora lustro,  
 Coralio vidi è magno, solidoque, rubroque  
 Affixi ligno formatum insigne Tonantis,  
 Et quanquam egregia sculptum foret arte, remissos  
 Ut patientis adhuc credas languescere vultus,  
 Atque animam sensim divellier: attamen ipsum  
 Materies superabat opus: ter dena talenta  
 Argenti insigni pretium fecere Corallo:  
 Quo non purpureo, solido nec corpore, longove  
 Aut magis æquato Doris submisit avara.

Insignis in Coralio  
 passus Numinis effigies.

Tempus piscandi  
 idoneum.

Quod superest, ubi jam nitidum Ver astra reclusit  
 Obducta, & rutili radiant palearia Tauri,  
 Tempestas dare vela Notis aptissima, & alto  
 Vestigare cavis virgulta rubentia saxis.  
 At cum terribilis Nemæus ab æthere fulsit  
 Ore Leo, & multa fervens incanduit ira,  
 Tunc patriam præda dives, piscator, adibis.

Piscandi instru-  
 menta.

His animæversis, quæ sint piscantibus artes  
 Edoceo. Geminam ligno molire quadrato,  
 Inque crucem compone trabem, clavoque refige:  
 Eque gravi in medio nectatur tessera plumbo,  
 Pondere quo subter descendat machina Nereum.  
 Inde trabes multum circa, spissumque revolve  
 Non bene de dura contortum cannabe funem,  
 (Qui tibi texendus digito non latior uno est)  
 Aut inter truncos sic circumvolvère restim

Cura

Cura tibi, ut referat per crebra volumina gryphum.  
Insuper, his, duplici, solidoque liganda rudente  
Machina erit cymbæ, è prora, puppique recurva.

His actis, ubi Coralliis loca sæta petisti,  
Instrumenta mari demittes, aspera circum  
Saxa, coloratis subter quæ virgea ramis  
Assurgit sylvæ, & partes versanda per omnes,  
Sese purpureos inter quod machina truncos  
Implicet. Hinc imo vi deducenda profundo est  
Æquore; multa feret convulsa è murice duro  
Virgulta, & lætum faciet te divite præda.  
Illa sed in primis, seni dum marmore ab imo  
Instrumenta manu trahitis, sit cura adhibenda,  
Ne molli intortus rumpatur cannabe funis:  
Namque leves facile mergentur in æquore cymbæ.

Sunt qui marmoreum vellunt de marmore vimen  
Retibus è solido juncorum vimine textis,  
Cannabe vel dura, & digitali corpore torta.  
Ast alii in medium nudi de puppe profundum  
Profilunt, rigidoque secant Corallia ferro,  
Aut manibus segmenta legunt, quæ retibus ipsis  
Exciderant: verum cristallo albente politos  
Orbiculos oculis imponunt desuper, imo  
Clarius ut fundo valeant dignoscere virgas.  
Nam virgulta inter Corallina plurima sæpt  
Futiles exoritur radix, mentita colorem  
Coralli subnigrum, ipsique simillima ramos.

At non candentem saxo divellere sylvam  
Contemnas, piscator, crit pretiosa nitore  
Illa suo; quia rara magis: nec crimine Nymphæ  
Tacta luit pœnas: alieno aut tincta pudore est.  
Nimirum casu virgas exemit iniquo  
Doris: & esse sibi jussit sua munera. Sed jam  
Informata modis Siculorum machina miris  
Exciderat porro cantanti, quam tamen olim  
Nunc memini Drepano me conspexisse sub alto.  
At miranda hominum quæ sint inventa Sicanum,  
Singula non teneo. Vos ò memorate canenti  
Sicelides, patriæ mihi Vos Telluris honores  
Dicite, non calami defunt, non carmina vobis.

Quadratæ Crucis in medio non tessera plumbi  
Inseritur, verum subiecta è parte retorto  
Adnæstunt lino solidum de marmore saxum.  
E medio pariter per brachia quattuor ipsa  
Vimincam extendunt restim, extremisque revolvunt;

LII 2

Retia

Quæque piscandi  
ars sit.

Capiuntur etiam  
urinando.

Candida Corallia.

Quæ machinæ à si-  
culis perquirantur.

Retia & extremis addunt glomerata quaternis :  
 Eque jugo geminus pendet suspensus eodem  
 Hinc inde in medio funis, qui corpore denis  
 Longus erit pedibus, linis oneratus & ipse.  
 Alterius sed parte jugi religatus ab una  
 Funis erit, connexa cui stant retia quinque.  
 Hinc inter mediumque (1) Crucis, saxumque retorta  
 Cannabe de gemina solidam, spirisque plicatam  
 Transennam religant prælongam passibus octo.  
 Hanc verò accipiat funis strictissimus alter,  
 Longior & centum qui passibus ire sub altum  
 Possit: & hic quinis distinctus partibus, una  
 Major erit: reliquæ decrescunt ordine, nodisque  
 Excipiant sese multis, strictimque plicentur.

Et quo pacto,

Inde Corallilegum cum jam demittere ponto  
 Tempus, & è scopulis rubram convellere sylvam,  
 Adnexum juxta saxum circumque, supraque  
 Retia multiplici spira, saxumque revolvunt:  
 Demittuntque mari tandem de puppe supinum,  
 Utque trabes fundo, revolutaque retia saxum  
 Deferat, inque omnes spargantur Dyctia partes,  
 Implicitis captura sinu Corallia ramis.  
 Ceu venator ubi jactu glomerata relaxat  
 Retia, confestim gremio comprehenditur omnis,  
 Quæ picturatos errabat turba per agros,  
 Aut inter saltus complebat sydera cantu.

Impada scopulis  
 machina, qua indu-  
 retia extrahatur.

Sed quid, si duris impingant retia saxis,  
 Marmoreamque inter sylvam revoluta resistent,  
 Educi ut nequeant imò de gurgite, paucis  
 Præcipiam. Solido circum de robore primum  
 Compinges, geminumque hinc inde adjungito saxum:  
 Hinc latum, longumque tribus suspendere palmis  
 Niteris circo truncum: cui plurimus insit  
 Undique per gyros è ferro clavus acuto.  
 (Dicitur hic Siculis patrio sermone fatelles)  
 Huic pariter saxum, fundo quo se ferat imò,  
 Fune ligant valido: validoque revincitur ipse  
 Circus fune: mari qui mox concreditur alto.  
 At prius inseritur circo transfenna rotundo,  
 Qua Corallilegum firma de puppe tenetur,

De-

---

(1) Hanc machinam Siculi *Rizza* vocant: funem verò  
*Caloma*; nostri etiam nauticum funem, qui modò explica-  
 tur, modò reducitur *Caloma* dicunt.

Desuper ut recta petat instrumenta satelles,  
Atque impacta cavis, transverso retia ligno,  
E scopulis multa clavorum cuspidè vellat.

Tandem quisquis abis nostro de carmine doctus,  
Has mihi pro cura multa, impensoque labore,  
Has vellem & Musis grates, Piscator, haberes:  
Corallii qui ramus erit pulcherrimus, illum  
Donato Superum Reginæ: & pronus ad aras  
Cum tu dona feres, hæc dicito: PARTHENI, sint hæc,  
Parthenio pro Vate tuo donaria dicta.

Sed me trans Alpes Arctoa ad litora dulcis  
Raptat amor: juvat ire, ratis quâ nulla priorum  
Fecit iter, gelidis quâ nec piscator arenis  
Flava salutifero sublegit (1) Succina succo.  
Forsthan hoc nostro dabitur medicina dolori:  
Et quæ lethiferis subter præcordia fibris  
Flatibus assidue insultat, spargitque venenum,  
Succineo tandem pereat medicamine pestis.

Succina.

Pestis Tartareo quâ non crudelior Orco  
Erupt, nigraque trahens caligine nimbum,  
Eumenidumque odiis, Furiisque afflata malignis,  
Omnem momento terrarum effusa per Orbem,  
Proh! quantos miseris casus, stragesque creavit.  
Nam non una mali gliscit violentia, centum  
Diversos agit effectus, diversaque rerum  
Portenta, & formas mutat vis effera centum.  
Ceu Proteus (si vera canunt) sæpè assolet omnes  
In rerum species, & in omnes ire figuras.  
Sunt, quibus halituum densa stipante corona,  
Lethifer insedit circum præcordia pestis.  
Ac velut interdum crebris assultibus arcem  
Improvisa petit manus, obsessosque fatigat:  
Ut sic transmitti fossam, valloque potiri  
Detur, & in capta tandem dominarier urbe;  
Non aliter vitæ irrumpens ferus appetit arcem  
Halitus, & tetra effusus cor occupat umbra.  
Excutitur primum miser, atque horrore rigescit

Hypocondrica lute  
describitur.

Spi-

(1) Nostri *Ambra*, Hispani *Ambar*, Galli *Ambre*: citrina  
vocari solet, ut ab Ambare distinguatur, quæ vulgò *Ambra*  
*grisa* nuncupatur. Antiqui ab Arboribus manare putarunt,  
depressum tamen est à Modernis è saxis effluere, & frigore  
densari, præcipuè in Balthico mari, ubi ad Borussiae litora  
ingens copia colligitur.

Spiritus: hinc subito languescens supprimitur cor.  
 Ceu oleam super accensam si protinus undam  
 Sparseris, extemplo major se flamma sub auras  
 Attollit, fremituque sonat, circumque relucet:  
 Sed cita deficiens mox decedit, & perit omnis.  
 His verò in caput exhalat tenuatus, & ipsum  
 Immissus cerebrum pervadit, agitque furores.  
 In varios, miserosque modis, lacrymabile, miris  
 Excruciat: hi se tetrìs humoribus acti  
 Perdere amant, & spontè ruunt in flumina, & undas:  
 Perque ignes alii, ferroque absumere vitam  
 Exoptant: illi sese demittere ab alto  
 Præcipites volvere: hos & quos inficit aura  
 Tenuior, & sensim obvelat: perflusa cerebrum,  
 Actutum aspicias dulci languescere somno,  
 Exanimi similes: at nunc baccharier æde:  
 Ceu quos Liber agit, stimulans præcordia thyrsò,  
 Hic risum ciet inconcinnum, & non bona verba  
 Effutit: digitos movet hic sine lege solutos:  
 Hic pedibus saltat: longa vertigine fertur,  
 Alter, & obducta caligant lumina luce:  
 Hunc montes, altæque juvant in montibus umbræ,  
 Ac nemorum deserti colit loca solus, & omnes  
 Urbanos odit strepitus, Martisque tumultus.  
 Alter at hic, media quamquam versetur in urbe  
 Solus agit vitam, atque hominum consortia spernit.  
 Hic colles petit apricos, & amœna vireta,  
 Et valles, & prata, levique sonantia rivo  
 Flumina: & herbofo depictas margine ripas.  
 Versari ingenuos inter cupit ille sodales;  
 Ac lepidos miscere jocos, & mollia verba:  
 Sicque dies trahere in longum: sed si citus inde  
 Densior ex imo exhalet vapor, omnia, rupto  
 Fœdere, turbantur: veluti cùm pace refracta,  
 Qui quondam socii fuerant, sese illicet armis  
 Invadunt, acuuntque iras, & prælia miscunt.  
 Insultat dictis mordacibus, omnia vertit  
 Turbidus, ore fremens, furiisque incensus iniquis,  
 Hac miser, atque illac agit: quæque ante placebant,  
 Odit colloquia, & simul ipsos odit amicos.  
 Sunt infelices alii, quibus effusus hepar  
 Excruciat dolor assiduè, quique humida serpens  
 Spargitur interdum diffusa in viscera peste.  
 His ventosa crepant hypocondria, creber & intus,  
 Prech dolor! insanos stimulis agit Æolus Euros:

Sed



Sed quot tetra lues species, quot dira nocendi  
Semina, quotve modos habeat, quis verbis unquam  
Explicet, aut possit tantos æquare labores.  
Verùm dira licet sint tot contagia morbi,  
Ingentesque ferant ærumnas: attamen illud  
Haud equidem nobis animo meliore ferendum est,  
Quod studia in pæsum (proh fata oeculta Deorum!)  
Atque artes simul ingenuas, Musasque dedere:  
Namque infanda lues non segnes appetit artus,  
Nec molles animos, & amantes ocia vexat:  
Sed quos Phœbeæ succendit gloria lauri,  
Ut primos Musis annos, floremque sacrent,  
Hos illa, hos Stygio invadit lymphata furore.

In quos grassatur.

Quid tantum, ò Superi, meruerunt Palladis artes  
Ingenuæ, ut tanta illuvies erumperet Orco;  
Qua juvenes ipso correpti in flore juventæ,  
Aut cum Pieriis facerent divortia Musis,  
Aut dulcem lacrymanda darent per funera vitam!  
Credo equidem, malefana luem Phlegetontis ab imo  
Invidiæ nuper stimulis agitata malignis  
Typhione immisit terris: quia scilicet illa  
Undique Apollineis florentes artibus urbes  
Viderat, atque necem vitiis instare supremam:  
At vos Cœlicolæ purum quicumque tenetis  
Æthera, & innubi fulgentes lumine Soles,  
Infandam, precor, hanc terris arcete benigni  
Illuviem, Stygiasque iterum detrudite in umbras,  
Si vobis studia, & virtus pulcherrima cordi est.  
At tu Phœbe Pater, tuque ò Tritonia Pallas;  
Quandoquidem res vestra agitur; nam numine vestro  
Monstratæ primùm doctæ mortalibus artes,  
Ferte pii dextram, & communem extinguite pestem.  
Nec finite, ut vestros inter grassetur alumnos:  
Et studia ingenti tandem collapsa ruina  
Dira lues impunè trahat: desertaque passim  
Flumina Permessi jaceant, Pindique beatum,  
Argutumque nemus. Verum si Fata Deorum  
Obstunt immota, neque est revocabilis unquam  
E terris immissa lues, ostendite si quid  
Restat opis, vel quæ morbo medicina, truce[m] quæ  
Pellere si nequeat, possit lenire dolorem.  
Verùm si nec opis quidquam, nec cura relicta est  
Perniciem adversus tantam, concedite id unum:  
Tarda per ingenia, & quæ non solertia corda,  
Atque per ignavum ser pant contagia vulgus.

Sed

Sed jam ventus agit felici flamine vela,  
 Quo me nunc vocat Electrum, & spes certa salutis.

Oceani quondam ad litus, qua præpete cursu

Succint procreatio  
 fabula adumbrata.

Miscet Hyperboreis se fluctibus unda Viadri  
 Venatu è multo defessæ, æstuque puellæ  
 Naiades venere, dies dum flagrat hiulco  
 Sydere sub Cancri, & medio Sol altus Olympo est.

Hic illæ, quoniam versantes lumina circum

Litora sola vident, lenique silentia fluctu

Æquora, confestim tutæ formidine nulla,

Muscosa ex humeris ponunt velamina, saltuque

In mare prosiliunt alacres, tenerisque lacertis

Per vitreas undas, circumque Electrida nabant.

Fortè ex adverso scopuli sub rupe cavata

Cerulei stabant Glauci, Phorcique petulci:

Qui placidis innare vadis ut candida spectant

Agmina, & hæc illac niveis per cæula palmis

Ire, redire vias, atque interdum prona sub undis

Occultare caput, rursusque attollere in auras:

Et simul æquoreo conspersos rore capillos

Excitere: actutum mediis in fluctibus ignes

Proh quantos hausere Dii: crescitque repente

Ingens flamma: velut cecidit si forte favilla

Arentes inter stipulas, volat ilicet orta

Immensa in Cælum correpto è fomite flamma.

Et jam pectus edax pervaserat æstus, & imis

Hand conclusa fibris sese malesana tenet vis.

Ergo avidi bifida scindentes marmora cauda

Insiliunt: verum pulchræ cùm Naiades illos

Aspexere, metu percussæ protinus acri,

In mediis hædere vadis: nec quid sibi agendum

Prospiciunt: celeri cursu ne fida requirant

Litora, virgineus prohibet pudor; omnia quando

Nuda patent, tutum sed nec consistere in unda est.

Cum lacrymis ergo rorantibus, & prece multa

Nereidas, Tethynque vocant: clamoribus omnes

Excitæ venere Deæ: sed dura propinquæ

Brachia tendebant Dii, nec spes jam ampliùs ulla

Libertatis erat: quin & contraria Fata

Obstabant: lacrymis ergo permota decoris

Nereidum mater, casumque miserta Dearum,

Non ultra vitam, sed servatura pudorem

(Nam gratus Superis pudor est, & pulchrior omnem

Ipse unus vitæ superat mortalis honorem)

Protinus in rigidas iussit durescere cautes.

Quæ,

Quæ, sensus quoniam superest hic unus, acerbos  
 Dum casus miseræ deflent, atque aspera Fata,  
 Muscosis stillant flaventia Succina saxi.  
 Frigore quæ multo concreta, æstuque marino  
 Sithonii vicina ferunt ad litora venti.

Hic tu Naiadum lacrymas, quas Succina nostri;  
 Electrum Graii quondam dixere vocantes,  
 E nitidis dextra carpes, piscator, arenis:  
 Cæsareis sicco Phœbus dum sydere menses  
 Permeat, obstrictisque silent strata æquora ventis.  
 At prius auratas innantes Doride guttas,  
 Nudus aquam puer ingressus sub litora coget.  
 Flava ubi dona legant focii, ferventque quasillis,  
 Ingentem domino quæstum latura superbo.

Succina ut è mari  
 Iepancur.

Verùm, majori turgent quæ corpore guttæ,  
 Et pura, rutilaque nitent flavedine succi,  
 Illas, si tantum meruit, seponite Vati,  
 Piscantes: meliore vices sic Numina vobis  
 Piscatu reddant, Cælumque innube serenent.  
 Et vobis pars laudis erit, pars muneris: illas,  
 Si valet ingenium Vati, si dextera pollet,  
 Numinis in Passi tentabo effingere vultus.  
 Illos & quatuor Chrysæo è gurgite lectis  
 Stellarum in formam nitat contexere gemmis:

Quæ totidem referant Medicæja (1) sydera gemmæ.

At Crucis extrema sub parte exculpere Magni  
 Signa Ducis conabor: erunt radiante sub auro  
 Purpurei circum intertexti quinque Pyropi,  
 Inque globi effigiem facti, sextusque Smiragdus  
 Major erit, super impositus; cui lilia flore  
 Aurato tria sculpta: tui monumenta decoris,

O Princeps MEDICÆE, Sacro quem Purpura fuceo,

Tot Patrum titulis, & tot virtutibus, ipse

Insigni quibus effulges splendore per Orbem,

Promerita exornat, summisque Heroibus æquat.

Hoc tibi, si nostrum non didignabere munus,

Stabit opus, operique addam memorabile carmen,

Cùm non insueta regnabis sede Quirini:

Numinis inque vicem venies: vertique videbis

Omnia sub pedibus: votisque vocaberis: & cùm

Ad Cardinalem  
 MEDICAM apo-  
 thecæ.

De Summo Pon-  
 tificatu auspiciis.

Tom. II.

M m m

Idem

(1) Allusum ad Jovis Satellites à Galilæo detectos, & à Magni Ducis Hetruriæ cognomine nuncupatos.

(2) Allusum item ad insignia ejusdem Principis.

Idem hominum Pater, & Rex idem, idemque Sacerdos  
 Summus eris, sacra qui reddas oracula Mundo.  
 Spes animi nec vana: futuri præcia quando  
 Mens Vatum, totoque calent præcordia Phœbo.  
 O utinam properent felicia secula! Vos o  
 Festinate, Dæ, pernicipibus aurea fufis  
 Vellera Divorum Fatis explere secundis.  
 Et citò Pontificem MEDICÆO è sanguine Mundo  
 Reddite, qui Patrum mores instauret avitos,  
 Qui sanctas renovet leges, ac fœdera firmet  
 Christiadam, & Scythicos qui prælia vertat in hostes.

Ast opere è tanto quotquot ramenta supersunt,  
 Ipse mihi tenuem nativi roris in undam  
 Phyllirides solvat Chiron, & plurimus igni  
 Ignea paulatim deducat semina ab illis,  
 Quæ medicina malo non est præstantior ulla,  
 Namque sub Auroram ter quinis pota diebus,  
 Materiem sensim attenuant, mucumque resolvunt:  
 Humoremque coquunt crudum, & frigentia corda,  
 Languentemque suo refovent thoraca calore:  
 Dira venenati namque hæc sunt semina morbi.

Ut è succino ce-  
 noidum partes edu-  
 caneur: quibus lui  
 confulitur.

Ingenui adolescen-  
 tis indoles.

Nuper ego patriæ vidi Sirenis alumnum  
 Majorum insignem titulis, opibusque potentem,  
 Qui quanquam forma egregius, vultuque decorus,  
 Atque oculis formosus: erat sed major in illo  
 Dos animi: nivei mores, mens candida, & acre  
 Ingenium, doctusque animos vincire merendo,  
 Pronus in officia, & leni blandissimus ore.  
 Hic puer egregiè correptus laudis amore,  
 Se totum dulci Phœbo, Musisque sacrarat.  
 Et jam Parnassi per culmina, perque beatos  
 Permessi fontes, & apricæ flumina Cyrrha,  
 Veloci inuestus biga, lustraverat omnes  
 Musarum sedes, diumque exhauserat æstrum.  
 Quin etiam arguti superaverat alta Lycæi  
 Victor, & astrigero cursum affectabat Olympo.  
 Cum juvenem improvisa (Dedim pro Numina) pestis  
 Invasit, totumque effudit pectore virus.  
 Continuo ver purpureum, lumenque juvenæ  
 Disperit, roseusque color defluxit ab ore:  
 Et ferrugineus languet puer, aureus olim  
 Qui fuerat, sordentque remisso lumine vultus.  
 Ceu rosa, nativo quæ nuper caudice secta,  
 Pallentes sensim demittit languida crines.  
 Et tandem, bacchante luc, duro puer esset

Et rabes miseranda.

Extinctus Fato, misero ni dona dedisset  
 Electri Chiron calidis rorantia guttis.  
 Succina ter quinis vix hauserat ille diebus,  
 Cum nitidus, mirum! confestim effulgere visus  
 Oris honos, rosæque iterum florescere malæ,  
 Et sua temperies animo, & vis reddita membris;  
 Languescant veluti sicco cum flumine flores  
 Æstivo sub Sole, Polo si plenus ab alto  
 Decidat imber, aquis sitientia gramina potis,  
 Nativum accipiunt redivivo flore colorem.

Sed satis è clivo divertimus, & furor ater,  
 Et longè invisa rapuerunt flatibus auræ:  
 Jamque referre pedem tempus monet: æquora gemmis  
 Nunc me læta vocant; plauduntque à gurgite Nymphæ  
 Chrysæo, & totus plausu responstat Eous.

E succino restitutus.





# HALIEUTICORUM

## LIBER DECIMUS.

**S**ED jam me Zephyri vellant pernicipibus alis  
Auroræ in sedem, Rubrique ad litora ponti,  
Et quæ gemmifere rutilant vada Persidos, & quæ  
Innutrit gremio nitidas Thetis Indica Conchas.

Magnum iter aggredior: sed si pulcherrima Virgo  
Aspiret coeptis, veniam securus ad oras  
Purpureas, Aurora, tuas: & primus opimam  
Hactenus intacto furabor ab æquore prædam.

O adsis, bona Diva, levi da currere cymba  
Felices Orientis aquas, ubi gemmea texam  
Serta tibi, & præda faciam de divite torquem.  
Quæ, cum solennes materno in litore pompas  
Ducemus, sacri celebrantes annua partus,  
In delubra feram voti reus: ò age, Virgo,  
Sterne rati pontum, & ventis da vela secundis.

Tu vero extremi partem ne sperne laboris,  
CARDENIDE, nostris semper memorande Camænis:  
Nec Margaritas pigeat procut ire legendas  
Per molles Arabum tractus, Carmanaque propter  
Litora, & ostrifero sub gurgite Tethyos Indæ.  
Non labor incassum: quas legeris æquore, gemmæ  
Munera grata tuæ sint Phyllidi, se quibus ornet  
Plurima, colla novis distinguens candida baccis,  
Atque novum articulis addat decus. Ergo age mecum  
Carpe iter Oceano: jam te (1) Chryseides, & te

Do-

---

(1) Vide VIII. Nauticorum.

Doris Erythræo compellat ab usque rubenti.

Principio (1) Matrum varia est natura: neque omnes

Sunt formam similes, & corpora; non & eodem

Grandescunt utero, vel sætus ubere lastant.

Indica, quæ patrio cognomine Berberos olim

Appellata, Indis versa quam voce Cheripon

Jam dicunt: Grajo Romani nomine Concham:

Pulchrior, & pulchris (2) Unionibus apta creandis.

Est autem duplex harum genus: una nitenti

Argento insignis multo, & fulgore corusca:

Altera flava rubet, rutilæque simillima flammæ:

Utraque sed lævis: nec non & Pectinis instar

Aurita, & sparsim signis subtermicat aureis.

Non moles cunctis stellati corporis una

Matribus: Eoi repunt quæ gurgite Nerei

Taprobanen juxta, & Coryn, ditiesque potentum

Sindarum scopulos, Erythræque, & Persidis oram

Prægrandi rutilant sub corpore: capta sub undis

Hic olim, ut memorant, à piscatoribus ingens

Concha fuit, qua major aquis non crevit Eois:

Quinquaginta caro pendeat gemmea pondo.

Tantum in divitiis versat se læta marinas

Natura, & gemmis gaudet Thetin ire superbam.

Insignes etiam Conchas progignit in antro

Doris, Atlantæ quæ gurgite perluit Indos

Hesperios, latèque novum complectitur Orbem.

Sed conclusa sinu quas educat Amphitrite,

Quas & Hyperborei fluctus fovere sub Arcto,

Exiguo testæ rutilant sub tegmine Matres.

Præterea quæcumque colunt vicinia terræ,

Per scopulos parvæ repunt, & saxea Conchæ.

At quæ litoribus gaudent procul ire sonoris,

Majores utero turgescunt cœlite partu.

Verum quæ magno præcellunt corpore, vasti

Longius alta secant pelagi freta: Namque reposita

In penitis pretiosa latent: nec pervia cunctis

Ditia Naturæ sunt munera. Verum age Conchas

Nunc alias, divina ferunt quæ pignora Cæli,

Dica-

Concharum Mar-  
garitiferae species  
diversæ.

Et corporis moles.

Ad litora parvæ  
sunt.

In alto grandiores

(1) Sic vocamus Conchas Margaritiferas; quas nostri *Margaperle*, Galli verò, & Germani *Nacre de Perles*.

(2) Nostri *Perla*, & *Perna*, Galli, aliæque gentes *Perle*. Indi, ut refert Arrianus, Cinædum vocant, Americani, in Paræ, Curianæque regionibus *Tenoras*.

Dicamus. Niveas producunt saxea gemmas

Ostrea, & à Pinna baccas decerpit Acarnan.

Ex quibus aliis ce-  
tis producuntur.

At quæ Chryseō sylvescunt æquore Pernæ,

Subnigram ex utero baccam, rufamque dedere.

Hanc nitidis vaser immifcet pifcator: iniquum

Ceū lolium meffor flaventes inter ariftas.

Sæpè etiam unigenas utero fudere fiores

Mufculus (1), & multo refplendens (2) Mytilus oſtro,

Tympanaque, & Cochleæ, ſpinisque armatus Echinus,

Dives Erythræa ſerpit qui plurimus unda.

Hinc & digreſſus, jubeo, piſcator Eoi,

Te variam quoque progeniem cognoscere Matrum:

Nam cunctis nivei moles non corporis una eſt.

Quam variis unio-  
nes ſunt.

Turturis hic ovo par gignitur: anferis alter

Unio grandæſcit, viſu pulcherrimus ipſo:

Qualis in Europam nunquam devectus ab Indis.

Inſignis unio.

His tamen inſignes auro, baccisque coruſeis,

Sindæos (3) perhibent Reges ornare coronas:

Et Reges, (4) Cubagua, tuos, Atlante poſta

Ammerices qui regna tenent diſiſſima gemmis,

Alter avellaneæ par corpore, & alter ocello

Aurate ſimilis candæſcit: cætera turba,

Ceū granum flavæ Cereris, denſatur in orbem.

Hos inter reliqui qui ſe infervere minores;

Cryſtalli ramenta velut: ſervire fugandis

Quos Chiron docuit morbis, diuſque Melampus.

Nunc Margaritis, qui ſit ſpectandus Eois

Variis color, &  
qui præcipuus.

Præcipuus color, expediam. Quæ lucida Matris

Ex alvo venit, & nitidis fulgentior aſtris,

Cenſetur reliquas inter præſtantior, & quæ

Purpureum velut aurum ardeſcit, & ignea flammam

Multa refert: verum ruſo quæ tota colore,

Et fuſco, nigroque micat, quam procreat altus

Bosphorus, immitesque legunt per litora Thraces,

Haud pretioſa: velut niveum nitet altera marmor

Nobilis, & multo radiat lævore polita.

Quæ maculis lita coruleis, variataque punctis

Provenit, haud equidem multum laudanda magiſtro eſt:

Quique (5) Caledonius venit Unio axe ſub alto

Decolor, & gelidis livorem ducit ab undis.

Sed

---

(1), (2) Noſtri uno vocabulo appellant à ſimilitudine  
Dente di cane. (3) Bornei Dynaſtæ. (4) Inſula Ammeri-  
ces. (5) Qui ad Scotiæ litora capitur.



Sed diversa modis quot sit nunc Conchea miris

Bacca, canam: lato sensim de caudice surgit  
 Hæc cuneata, pyrum veluti, cui nomen Elencho  
 Græcum est: Romani oblongam vertere vocantes.  
 Hæc ovo similis concrevit, & illa rotunda,  
 Ceu globus egregiè tornata, & lævior ipso  
 Aspicienda Elephanto, aut Oricia Terebintho.  
 Hæc potior cunctis gemma est; pellucidus olim  
 Unio ab ostrifera sublektus Doridos aluo:  
 Quem Natura parens exactum sedula in orbem  
 Artifici digito tornaverat: undique circum  
 Æquus erat globus, & lævior notabilis ipso.  
 Qui lavi, ut perhibent, in saxo immobilis unquam  
 Momento haud uno visus consistere: verum  
 Hæc, illac multis trepido pede cursibus ibat.  
 Non secus argenti cum vivi lucida gutta  
 Decidit in marmor: vel qualis in æthere stella  
 Volvitur, & trepidans vaga per vestigia fertur.  
 Longior hæc gemma est, viridemque imitata (1) Triorchin:  
 Illas Concha, suos veluti labrusca racemos,  
 Protulit: hanc verò Graii dixere (2) Botryten,  
 Hæc socios nectit partus, & corpore in uno  
 Punica grana refert: cognomine dicitur illa  
 Saurites, sætu similis visenda lacerti.  
 Hæc sed multiplici bacca, squammisque renidet  
 Plurima: squamoso rutilat ceu piscis ab auro;  
 Atque aliæ: neque enim numeris comprehendere refert,  
 Quot variis gemmam formis Natura creavit.

Nunc age, quæ vada progignant felicia Conchas,  
 Dicamus: quæ Doris Arabs flaventibus undis  
 Purpurat, & rutilæ spuma lætantur arenæ,  
 Mille per undosos repunt Conchyliæ campos.  
 Verum quæ pictis secat hinc sua Persa phafelis  
 Æquora, & hinc mollis, nimioque ab Sole perustus  
 Cursat Arabs, testis gravidæ majoribus undæ  
 Luxuriant, majorque sinn nitidissimus humor  
 Insigni candore tumet concretus in orbem.  
 Tales dives alit vicino (3) Armusia ponto,  
 Et saxosa (4) Tyli qui circum spumeus æstu  
 Regna sonat Nereus; ditem quæ Persida gentes,  
 Quæque Erythræa colunt vicinia, quæque beatos,

Unionum variz  
 formæ.

Mirus unio in or-  
 bem factus.

Quibus in locis  
 nascantur Conchæ  
 Marg.

In Sinu Persico.

Nile

(1) Nota agricolis *Sativione*. (2) In Botri similitudinem  
 facta. (3) *Ormuz*. (4) Insulæ Persici maris.

Nile, tuos vertunt splendenti vomere campos,  
 Et nigri Æthiopes, pictique coloribus Indi,  
 Huc properant alacres, quæsitum ditia Cæli  
 Munera nec segnes terrarum è margine Seres,  
 Non & Lyfiadæ per Eoi cærula currunt  
 Ad lacrymas, formosa, tuas, Aurora, legendas.

Præterea Conchas gremio Thetis Inda beato,  
 Per gemmata creat passim æquora: non tamen una  
 In Oceano Indico. Ætheriæ cunctis generandæ gloria gemmæ  
 Fluctibus est; ponto quâ se spatiosa per ora  
 Decurrens pleno (1) Solen torrente refundit,  
 Et quâ flaventes findit (2) Mæsolus arenas,  
 Non magno veniunt visendæ corpore Conchæ.  
 Majores (3) Elyræ circum purissima Testas  
 Marmora Doris habet: sæcundaque Martibus alta  
 Stoidis (4). Una tamen reliquas ditissima terras  
 Ad Taprobanem. Taprobane longè superat, quæ litora passim  
 Eois sua læta videt candescere baccis.  
 Non secus ac primo cum labi sydera motu  
 Incipiunt, radiis latè splendere coruscis  
 Astorum superi spectantur concava Cœli.  
 Nec minus ipsa suas (5) Halientis proxima Conchas  
 Ora sinu jactat grandescere. Quâ Tethis Inda  
 Tapobranen, Corynque suprâ Pandionas undis  
 Ad oram Pandionum, ubi optimæ. Cujus situs describitur.  
 Alluit (6) Agaricis, tractu jacet arida longo  
 Planities extensa, recurrit & usque sonantes  
 In scopulos, Commorine, tuos, qui vertice ab alto  
 Felices contrâ spectas syllescere montes.  
 Non cultu parens, nec fertilis ubere glebæ:  
 Nulla Ceres campis flavescit: nullus apricos  
 Bacchus alit colles: nec per campestria currunt  
 E summis rigui delapsis rupibus amnes.  
 Nec lætam sylvæ præbent pastoribus umbram:  
 Atque aër gravis est, & non tolerabilis æstus.  
 Verum tot Cœli, sterilisque incommoda terræ  
 Æqua parens rerum compensat divitis undæ

Mu-

(1), (2) Indiæ fluvii prope Cattigaram, *Calecut*.

(3), (4) Insulæ Persici maris. (5) Ora Orientalis peninsulæ intra Gangem, ubi olim Pandiones habitabant, quam nunc ab insigni Margaritarum piscatione, *Piscariam* vocant.

(6) Sinus Agaricus, qui Gangetici pars est, inter Indicam peninsulam, Ceilanum, & Coryn, quæ *Manaria* barbaris indigitatur.

Muneribus Natura: imo sub gurgite mille  
 Agmina Concharum vada per Crystallina ludunt:  
 Non alibi tantæ felici è Tethyos alveo  
 Proveniunt Orientis opes: captatur opum vis  
 Plurima, & ingentes gazæ: cognomine terram  
 Piscatu è multo appellant Halieutida Graii,  
 Quà nulla est gemmæ fecundior. O! ubi qui me:

Doris Eoa, tuas delatum sistat ad undas,  
 Taprobanes inter gemmantia litora, & oram  
 Undique baccatam nitidis Halieutida gemmis.

Hic ego Conchifero scrutarer in æquore, dives  
 Doris ubi pleno lactantes ubere Matres  
 Educat, atque citus raperem Cœlestia dona:  
 Dona quibus (sint illa suo donata nitore)  
 O nostræ Telluris amor, pulcherrima Virgo,  
 Et clarum Cœli decus, & spes unica Divum  
 Divino sertum capiti, colloque monile  
 Candenti facerem tibi plurimus: ò age, vota,  
 Si quicquam mea dona placent, Regina, secunda.

Verum age, non reliqui lateant qui divite gaza  
 Gemmascunt splendente sinus: Conchylia jactat  
 Doris Eoa, (1) Ophyren quæ perituit, atque (2) Cyamben,  
 Et Corym, & (3) Chrysen, & fluctifragam (4) Perimunden.  
 Luciferos etiam carpunt (5) Solenas ab alto  
 Velligeri Seres, & qui tenuere beati  
 Dites Eoo sepositas æquore Sindas.

Alii sunt in qui-  
 bus uniones.

Nec conclusa Thetis divino munere Cœli  
 Nostra vacat: patrio nascuntur gurgite gemmæ.  
 Carpit Iber nitido sub marmore: carpit & Afer  
 Quique levi vectus cymba tua litora, Thrace,  
 Lustrat, & ostriferi fauces prætentat Abydi.  
 Et Germanus habet Conchas, & durus Acarnan,  
 Et regnata tenent qui mollia rura Phalantho.

Qui etiam in Me-  
 diterraneo.

Sed quæ perpetuis densatur nubibus ær  
 Axe sub Arctoo, plures nant Doride Testæ,  
 Quæ lætas pariunt baccas: glacialis Hiberne  
 Plurima ditescit gemmis, niveique Britanni,  
 Qui superum tenuere latus, candentque pruinis.

Et Arctoo Mari  
 procreantur.

Sed jam me maria alterius ditissima Mundi,  
 Gemmiferique vocant amnes, atque ostrea versant

In America ingens  
 unionum copia.

Tom. II.

N n n

Di-

(1), (2), (3) Vide VIII. Nauticorum.

(4) Insula Eoi maris.

(5) Sic etiam appellantur Conchæ Margaritifera.

460. HALIEUTICORUM

Divitias mihi læta suas: Curiana coruscis.  
Ditæ sunt gemmis, Paræque uberrima regna.  
Quæ passim molles pueri, teneræque puellæ,  
Atque viri, atque sènes, matrumque ignobile vulgus  
Gemmatis per colla ferunt nigrantia torques.  
Non illis pretiosa tamen sunt ditia Cæli.  
Munera: sed villi gemmas pro merce volentes  
Permutant, parvoque æquant Conchyliis vitro.  
Ipsa nocet, quanquam pretiosis, copia rebus:  
Laudantur quæ rara, alioque ex Orbe petuntur.

Qui Fluvii, & lacus:  
conchas habeant..

Flumina quin etiam Conchas, & stagna, lacusque  
Producunt: non tantum auro generosa superbit  
Unda Tagi, niveos pariter devolvit Elenchos:  
Et Ganges gemmis ditissimus, & vagus Indus,  
Atque (1) Adamas, & (2) Tindus, (3) Amazoniumque fluentum.  
Nec tantum nitido argento pellucidus (4) ille est,  
Occiduo per vasta mari qui labitur ora,  
Dives alit Conchas. Scythicæ Telluris ad Ortum  
Et sacer Auroræ lacus ingens, latè ubi fundo  
Candida luciferæ progignunt pignora Matres..  
Tales Indus habet stagnanti flumine Lama,  
Atque Manus, Lotharique legunt per stagna secundum  
Sylviferi montes. (5) Vogesi: Boiique nivoli,  
Quos nigris latè perplexa Hercinia sylvis.  
Ambit, & Arctoæ circumstant frigora Brumæ.  
Atque alii: nec fas percurrere singula versu,  
Æquoraque, fluviosque, & stagna sonantia rivis,  
Divitias quibus ipsa suas Natura locavit..

Quo tempore:  
Unionum piscatio.

Post hinc digressus, Cæli quo sydere lætas  
Piscari liceat per Eoi cærula Matres,  
Expediam. Clarum stellis, & vellere fulvo  
Cum vectorem Helles Cælo fulgere sereno.  
Aspicias, pluvioque Hyades abscondier astro,  
Incipe Neptuni regnum lustrare profundum,  
Et legere Auroræ lacrymas, cælestia dona..  
Nec mora spumosa perquirere Doridos antra,  
Lætæ ubi gemmiferæ condunt sua pignora Testæ:  
Quandoquidem Conchis aptissimus ille legendis.  
Mensis erit, sequiturque retrò qui proximus illum;  
Donec ab Oceano surgat Jovis armiger ales,

Nam

- 
- (1), (2), Fluvii Indiæ: vide VIII. Nauticorum.  
(3) Americæ fluvius *Rio dell' Amazoni*. (4) *La Plata*.  
(5) *Monti di Vange*.

Atque rudes puer in (1) præsepia ducat Afellos;  
 Nam tunc cœlesti libato nectare Matres,  
 Majori turgent utero, & majoribus astris.  
 Taprobanen juxta, ditemque Halieutidos actam,  
 Cum nivei cernunt affurgere sydus Oloris  
 E pelago, & nitidis per Cœlum incedere pennis;  
 Sese aliò gemmata ferunt examina Matrum,  
 Sylva ubi cœruleis florescit latioꝝ umbris,  
 Plurima muscosis surgit quæ confita saxis.  
 Tu quo mota ferunt sese agmina, cum citus astro  
 Arcturus claro confurget, & aurea vestat  
 Plaustra sequens, Helicenque, Lycaoniosque Triones,  
 Corripies, piscator, iter: te plurima quando  
 Expectat captura, sed ut vindemia prælis  
 Jam filet, Octobre exacto, tua testa reviles  
 Cum præda, atque focis Hyemes durabis aquosas.

Quando ad Tapro-  
 banen piscatio.

His animadversis, instat jam tempus ab alto  
 Convestire mari prædas, artemque, modumque  
 Præcipio. Noto primum de litore in æquor;  
 Quà Matres spumosa secant freta, retia solve:  
 Illa autem medias pelagi mittantur in undas,  
 Ut multam ex alto referant tibi gurgite gazam.  
 Nam protensa brevi si retia rara rudente  
 Des pelago, vicina tenent quæ litora Conchæ  
 Exiguæ in prædam venient: quæ cœrula longè  
 Alta secant, fugient tua retia: sæpè profundum  
 De cymba sua lina jacet piscator in æquor.

Prima piscatio re-  
 titibus fit.

Sed prius ostrifero cingas quam ditia Nerei  
 Marmora, nudus aquas subterlabare natatu:  
 Hic ubi gemmati subeant tentoria Reges,  
 Et quæ compellant splendentibus agmina signis.  
 Per liquidos Glauci campos, & regna, notato.  
 Namque apibus veluti Regem natura creavit,  
 Qui rutilis ardens squamis, & pulchrior alis  
 Emicat, & turmas inter supereminet omnes:  
 Illum aliæ venerantur apes, stipantque frequentes  
 Turmatim, & circum festivo murmure plaudunt.  
 Non aliter Regem gemmatis provida Conchis  
 Constituit, cui turba minor per cœrula regna  
 Serviat, & longo tractu comitetur euntem.  
 Ille colorati dux agminis: ille gubernat

Concharum Reges  
 primum inquitendi

N n n 2

Gem-

(1) Stella nebulosa, quam propè duæ Stellæ dictæ Afel-  
 li, seu Onises.

Gemmiferas per læta acies vada: perque patentes  
 Oceani tractus: examina ponè sequuntur  
 Mille ducem: piëtisque nitent lita tergora guttis.

Quo pacto digno-  
 scantur.

Sed queis tu regem valcas cognoscere signis,  
 Accipe: quæ reliquis major se corpore pulchro  
 Effert Concha, notis variata, ostroque rubescit  
 Plurima, quam circum Titanidas ire sorores  
 Stipatas acie spectas, regit illa phalanges  
 Luciferas: illam famulantibus agmina signis  
 Per vitreos læto comitantur murmure campos.

Regibus capitis fa-  
 cile reliqua capien-  
 tur.

Ergo ubi Neptuni per regna errare videbis  
 Concharum Reges, illos indagine cinge  
 Sollicitus; nam turba mari numerosa profundo  
 Captiva in litus veniet: gens tota tyrannos  
 Insequitur vinclos, ultroque in vincula Regum  
 Prona ruit stellata cohors, gaudetque ligari:  
 Nec juga, quæ Reges subire, subire recusat.  
 Usque aded magnum est, & perquam nobile Regum  
 Fortunas, & fata sequi; cum piscibus ipsis  
 Hunc stimulum dederit Natura, hunc laudis amorem,  
 Ut sibi turpè putent capto sine Rege vagari.

Hactenus exposita  
 piscatio non mul-  
 tum laudanda.

Ast hæc piscandi ratio per cœrula jactis  
 Retibus, ingentes quanquam de gurgite prædas  
 Devchat, & facili constet captura labore,  
 Haud multum, cupido quamvis, laudanda magistro est.  
 Namque ubi Ver geminum plures in retia Conchas  
 Immisit nodosa, famemque explevit avari;  
 Vix tenuem posthac prædam concedet habendam;  
 Sive quod exhausta piscatu Doride multo,  
 Infœcunda maris reddantur cœrula: sèù quod  
 Semper avaritiem Natura, & damnat, & odit.

Alter piscandi mo-  
 dus urinando.

Ergo tibi (potior sit & hæc captura) sub undas  
 Insiliat citus Urinator, & æquora subter  
 Perlustrans pretiosa legat de gurgite dona.  
 Sed quibus instructus campo se credat aquoso,  
 Præcipiam. Duplex spumantibus anchora cymbam  
 Instabilem tibi fundet aquis: sed decolor Indus  
 Piscator geminum demittit in æquora saxum  
 Hinc, inde, è prora, puppique, ligatque rudente.  
 Mox cymba è media subter longissimus æquor  
 Funis eat, clavoque trabi firmetur acuto:  
 Et funem lapis in pontum trahat, aut grave plumbum.

His actis, cui ferte datum perquirere Nerei  
 Undosi regnum, saxum sic subliget imo  
 Grande pedi, facile possit quò tollier uno

Et quæ arte peragatur.

Impulsu crufis, cum tempus, & ipsa petit res.  
Atque olli latum succingat mantica pectus  
Linea, qua prædam condant furatus opimam.  
Demittunt alii contextos vimine qualos  
E cymba: quos inde graves de marmore Conchis  
Divitibus focii educunt. Sed tempus Eoa  
Ire peregrinas captare è Doride gazas.  
Ergo nudus aquas sese Urinator in altas  
Vibret, & Oceanum se mittat ad usque profundum.  
Extremo subnexa pedi quò faxea ducunt  
Pondera: felices & quæ candescere Matres  
Aspectat, celeri contendat adire natatu,  
Sublestatque manu Nereo de divite prædam  
Litorea citus in perâ, qualove recondat.  
At Conchis ubi jam multis onerata fatiscit  
Mantica, projiciet saxum de crure, rudentique  
Adnixus, cymba pendet qui tensus ab ipsa,  
Ac fluctus pedibus pressans, se lætus in auras  
Mittat, & ætherei verfet sua præmia roris.

Sed quæ Conchyitis vitanda pericula cautis,  
Quoque modo, paucis, animos adverte, docebo:  
Innumeri circum Conchas spumosa per alta  
Turmatim Vituli currant, turpesque nefando  
Ore canes, latè horrendo qui cæca latratu  
Antra replent, bifidaque secant freta cærule cauda.  
Hos Tuberones Indi cognomine dicunt.  
Qui vitreos servant saltus, opibusque superbis  
Invigilant, furesque procul latratibus arcent.  
Nam velut extremo sylvæ sub Atlante repostæ  
Hesperidum, rutilis semper nemora aurea pomis,  
Servantur longo saltu, & custode Dracone,  
Qui rictu, & squamis, immanique horridus ore  
Excubat, & longè lucos formidine replet.  
Sic diris pariter canibus, monstrosisque marinis  
Divitias pelagi servat Neptunus avarus.

Has Indi fuevere (canunt si vera) rapaces  
Thessalico de more feras vincire canendo.  
Nescio quæ pressa decantant carmina voce,  
Cum matutino Cælum rubet igne: repenti  
Attoniti fugiunt, Vitulique, Canesque nefandi.  
Sed cum Bepyrri iuga deserit Hesperus, & cum  
Membra fatigati curant per litora nautæ,  
Carminibus revocant multis, & vincula solvunt;  
Ne clam nocturni irrumpant freta ditia fures,  
Ac lætas populentur aquas: tu ne pius artes

Quæ pericula inter  
urinaudum evitanda  
sunt.

Indi canes excan-  
tant.

Thef-

Theſſalicas, magicosque modos, nec carmina cura,  
Carmina Tartareo quæ sunt devota tyranno.

At piis precibus  
ad Divos ſuſis accen-  
di.

Auxilium ſed poſce Deos: feliciſ illi  
Divitibus procul è Conchis fera monſtra fugabunt.  
Sed qui ſupplicibus votis, precibusque vocandi,  
Accipe. Cœlicolum primum regina, marisque  
VIRGO parens, uno, quæ temperat æquora nutu,  
Atque Canes ditione premit, furibundaque Cete.  
Cui tu gemmiferæ ſervatus pignora Matris  
Dona feres, dignam capiti factura coronam.  
Hinc tibi SABERIDES magno clamore vocetur;  
Nam regit Oceani ſuſtus, regit & fera monſtra;  
Et quem præſentem toties in vota, precesque,  
Ac facilem ſenſere, cavâ trabe qui mare currunt  
Eoum, Perſæque, Arabesque, & Japones, & qui  
Taprobanen, Sindasque colunt, ditesque Baruffas.

Fragor vitandus.

Inſuper, ut Phocas celeri adventare natatu  
Aſpectat Conchyta, vado ſe protinus imo  
Emittat, ſociosque iterum, cymbamque reviſat.  
Præterea egregio quoniam ſunt prædita ſenſu  
Oſtrea, non multus ſiat fragor æquore ſummo,  
Ne celeri dilapſa fuga ſe cæca recondant  
Antra per, & ſcopulos, vel murice ſubter opaco,  
Aut condenſa inter virgulta, nemusque profundum.  
Quin etiam magnæ gravidis quia matribus iræ,  
Cum dulce ex utero pignus ſenſere revelli  
Neu dextram, dum venter hiat, feſtinus acuto  
Admoveas ori, namque acri protinus ira  
Præcident rabidæ digitos, fundentque venenum.  
Tantus amor proliſ ſervandæ, & gloria gemmæ,  
Sæpè manus miſeri præſecti dentibus Indi  
Effudere rubro permixtam ſumine vitam:  
At pretium gemmis fecere: nitentior illa  
Et pretioſa magis viſa eſt, quæ ſanguine multo  
Piſcantis ſtetit: Heroum cœli nobilis illa  
Cenſetur, duro quæ venit adorea Marte  
Cædibus è multis, exantlatisque periculis.

Nec hiſ anguſ capien-  
dæ, nam ſecus manus  
præcident,

Nec minor ille labor ſuſtus penetrare profundos,  
Major ubi ſtat præda, ſinu quam Doris avaro  
Occulit ima ſuo, atque immenſis ſubmovet undis.  
Ergo colorati ſubeunt qui cæcula nautæ,  
Viribus egregiis, & forti corpore præſtent,  
Ut multum Nerco valeant durare ſub alto:  
Velocique agiles vada falſa ſecare natatu.  
At quia difficile eſt vitales ætheris hauſtus



In longum cohibere, undisque arcere fluentes;  
Idcirco durâ concludit forcipe nares,  
Atque aures Indus patrio perfundit olivo,  
Quò, mirùm, prohibetur aquæ via; sive bitumen  
Auribus inspergit: sunt qui non dente tenaci  
Volsellæ nares stringunt: sed cornea figunt  
Buccina, quæque cavis exactè naribus insint.  
Ipsi etiã cymba, ut motum videre rudentem;  
Piscantem socii, deducto fune, reducant.

Quin & piscanti semper sit maxima cura;  
In primis regem comprehendere, nam duce capto,  
Totum gemmiferæ gentis captabitur agmen.  
Ceu qui dura gerant Mavortis in æquore bella,  
Ipsum densa ducem mediis per tela, per hostes  
Aggrediuntur equis velocibus, & cita vibrant  
Spicula, candentesque globos ex ære tonanti.  
Namque illo, facilè est acies dispergere, cæso,  
Ille dolos sentit venantis, & ille cohortes  
In secura maris loca ducit, & horrida subter  
Denforum nemorum, aut rupe in pendente recondit;  
Illo sed capto, subita formidine Matres.  
Correpre, quo castra loco mutare repostò  
Conveniat, trepidis vel quâ se vertere signis,  
Ignorant, metuuntque sibi sine rege: sub altis  
Non secus ac fido sylvis, custode perempto,  
Attonitæ fugiunt pecudes, nec certa sequentes  
Signa ducis, mediis dispersæ saltibus errant.

Hic neque transferim: tacitus, quod sedulus ipse  
Non cura. levior nota; cum Conchea. carpis  
Munera, captarum palmis arctissimus ora  
Contineas Matrum extemplo; nam protinus illæ,  
Ni facias, baccam demittent: scilicet ipsam  
Ne captæ pereant juvat usque amittere gemmam.  
Non secus ac alacer cùm per sylvas fugacem  
Castora veloci cursu, jaculisque fatigat  
Venator, rabidaque sequuntur fauce Molossi.  
Ille ubi spes prærepta fugæ, se fervidus ira  
Appetit, atque suis sibi dentibus inguina mordet:  
Quaque petebatur cursu venantis anhelò,  
Fundit odoratam præcisa per inguina gazam.

At nunc Arctoïs quâ fluctibus arte Britanni  
Turmatim extremi capiant Nercida Concham,  
Dicamus. Juvat ætheroi de semine roris  
Lucida, Valliadum Princeps, tibi plectere sarta,  
Serta, quibus niteant regalia tempora: nam te

Qua se arte Urina-  
tor manet, ut lon-  
gum in mari duri.

Rex primò com-  
prehendus.

Cum primum Con-  
chæ capiuntur, oc-  
cludendæ, secus unio-  
nem ejicient.

Quo pacto apud  
Britannos unionum  
piscatio instituitur.

Non

(Non sunt magnorum, nec fient irrita Divum  
Promissa (1), & Phœbi non me cortina fessit)  
Accipiet rursus-cum Patre Britannia Regem:  
Externos domini mores pertasa superbi.

Et reduces tecum Superos, rectumque, piumque  
Amplectetur ovans, & avita in sede locabit.

Ad Vallix Principem  
apostrophe.

Editus in lucem si vix, puer auree, sedes  
Regnatas tot avis, tot & annis deseris, inter

Plebejos latitans cultus; pelagoque remenso,

Externas chara profugus genitrice sub oras

Descendis, ludisque alienâ parvulus aula:

Tristia cœpta quidem; sed quæ Fortuna sequatur.

Ingens, successusque habeant per maxima rerum.

Tu, puer, ut matura virum te reddidit ætas,

Perque hostes fufos certamine, perque rebelles

Insternes iter ad palmas, victorque tenebis

Regna tibi patrum titulis debenda, vel armis.

At, generose puer, nitidis Victoria pennis

Ut venit, belloque omnem tremefeceris Arcton,

Cura tibi sit prima, Deos in templa Latinos,

Et cultus revocare pios; ductoribus istis,

Victor Hyperboreo semper dominaberis Axe.

Interea fertum stat circumtexere baccis,

Et niveo torquem collo, memorabile textum.

Litoreas propter ripas vada læta quaterni,

Aut quini subeunt humero tenuis, inque rotundum

Dispositi orbem circumstant: manus altera contum

Sustinet infixum fundo, quod firmitus ipso

Vortice consistunt: hinc quâ se lumine produnt

Candenti Matres, & versicoloribus astris,

Vestigant oculis: nactique sub æquore, mira

Arte pedum digitis comprehendunt molliter uncis,

Cæruleis qua crebra plicis flexura coruscat.

At focii vacui dextram de gurgite prædam

Sublectam subiti accipiunt, conduntque canistris.

Sed pars extremi superest properanda laboris

Nimirum rutilas quâ Matrum educere baccas

Arte queas utero, & pulchra dilesce gaze.

Vicino primum niveas in litore Conchas

Expandes, rapido siccandas lumine Solis.

Qua arte è Con-  
chis uniones educa-  
di.

Nam sic læta aperit cum fauces arida Mater,

Spontè

---

(1) Vaticinia scilicet Davidis Episcopi Anglosaxonum, quæ  
ad Jacobum Regem, & ejus filium spectare ferunt.

Spontè sua gemmas diffundet ab ore nitentes.  
 Qui semota colunt Perimundæ litora, multo  
 Asperfos sale doliolis sine Najade dulci  
 Candentes ponunt Solenas: & inde ubi longo  
 Tempore defluxit sensim caro tabida Conchæ,  
 Unio in ætherias mittit se candidus auras.  
 Ast Indi, alterius freta qui ditissima Mundi  
 Percurrunt, vasto quæ gurgite submovet Atlas,  
 Igne coquunt Conchas, cum primum è fluctibus illas  
 Eduxere: suus sed non color optimus inde  
 Provenit, aut lævor baccis, nec tempore longo  
 Fulgescunt; quia sponte sua cum decidit humor  
 Gemmeus, egregio præstans candore coruscant  
 Lævior, & longo nunquam consumitur ævo.  
 Non secus ac dulci veniunt dotata sapore,  
 Quæ non invita carpuntur ab arbore poma.

Nunc age, qui primus Titanidis aurea nobis  
 Auroræ ostendit divino numine dona,  
 Atque artes tulit egregias, inventaque mira,  
 Expediam. Vati vos, ò Chryseides, & vos,  
 Agarides, monstrate viam per cærule Divæ,  
 Vos adyta, & pelagi sacros *recludite* fontes;  
 Namque *Deæ* vos estis, & alti Numina ponti,  
 Numina, quæis humili curvantur vertice fluctus,  
 Et posito clangore Noti famulantur, & Euri.  
 Fas mihi divitias Nerei, monstrataque Divùm  
 Munera, & ignotas ab origine pandere causas.

Extremo quondam, ut perhibent, piscator Eoo  
 Agaridum de gente fuit, cui nomen Iantho,  
 Chrysirhoë flava genitus Gangeride Nympha.  
 Ore puer formosus erat: duo sydera fronti,  
 Et pulchra totidem fulgebant Iræ gemmæ:  
 Plurima purpureis vernabat gratia labris,  
 Admixtoque genæ sparsim candore rubebant:  
 Et dulcem ex oculis, tenerumque afflabat amorem:  
 Sed pietatis amans, illibatque pudoris  
 Acer erat custos, & servantissimus æqui.  
 Illum autem Drymo Agaridum pulcherrima Nympha  
 Ardebat: thalamoque sibi sociare jugali  
 Optarat precibus multis, & mollia sæpè  
 Verba dabat, si fortè animum submittere amori,  
 Conjugiique sacras posset succendere tædas.  
 Ille preces Nymphæ averfatus, & aurea verba,  
 Non thalamos quidquam curat, nec munera Sancti  
 Conjugii: fixum est animo servare pudorem.

Term. II.

O o o

Ergò

*Insignis Fabula.  
 qua Margaritarum  
 piscatio primum in-  
 venta est.*

Ergo ubi Nympha preces, & verba effundere ventis  
Cognovit, nec posse animum mollire querelis,  
Extremum miseris restat quod rebus in arctis,  
Supplicibus tandem aggreditur pia Numina votis.

Trans magnum Oceanum, & fines Telluris Eoæ,  
Exoriens quæ prima dies mortalibus ægris  
Afulget, radiisque beat fulgentibus Orbem,  
Stat niveis latè centum fuffulta columnis  
Auroræ domus alta, Pologue æquata supremo  
Assurgit, multa Superum spectabilis arte,  
Atque opibus dives multis. Stat desuper ingens  
Argento è nitido tectum: sed concava subter  
Intermixta vago scintillant lumine mille  
Sydera, flammantes radiis imitata Pyropos,  
Ex adamante, & fulva assurgit laspide murus,  
Cæruleis sparsim punctis distinctus, & ostro.  
Cælatis intexta rosis, multoque rubescunt  
Flore pavimenta: at flavo splendet ab auro  
Latè cardo, foresque auro radiante renident.  
In medio delubra Deæ fulgentia gemmis  
Bis senis Cælo surgunt subnixæ columnis:  
Perpetuis ubi mille ardent laquearia flammis  
Balsamino liquore, sacræ quæ pignora sylvæ  
Dant Arabum, semperque altaria thure vaporant:  
Huc se cæruleis investa per æquora bigis  
Fert Drymo, precibusque Deam compellat amicam.

12 Mater Eos, quæ prima diem, lucemque reducis,  
Lætitiâque simul paris, & nova gaudia Mundo,  
Affer opem miseræ, & nostro succurre dolori.  
Tu Dea, præduram pueri da flectere mentem,  
Qui dulces spernit thalamos, & fœdera sancti  
Conjugii, fastuque preces, & dona superbo  
Contemnit Nymphæ, magno quæ sanguine Divum.  
Creta est, & Divos inter, Nymphasque sorores  
Agaricis latè dives dominatur in undis.  
Nè sine mortales tantum se tollere fastus,  
Connubia ut Divum contemnant. O age, Mater;  
Tende manus, Drymusque tuæ miserere precantis.  
Non votis injusta peto, aut inhonestâ: neque unquam  
Furtivum, vos, Dii, testor, meditata furorem,  
Legitimum peto conjugium, & Sanctos Hymenæos.

Talibus orantem dictis Aurora repostis  
Audit ex adytis, Drymoque affata precantem est.  
Ne dubita, Drymo, sanguis meus: ipsa ego pacem,  
Auxiliumque feram certum. De gurgite gemmas,

Pigno-

Auroræ domus des-  
cribitur.

Pignora quæ lætæ pariunt cœlestia Matres ,  
 Et nostras olim lacrymas , nunc munera Solis ,  
 Accipe , & aurati transfer te Gangis ad ora .  
 Hic tibi nativam divini roris in undam  
 Atre coruscantes gemmas dissolvat acetum .  
 Amplaque gemmato replebis pocula succo .  
 Non procul è fluvio , suavi quæ gutture Cycni  
 Sæpè volant , replentque suo latè aëra cantu ,  
 Saxo in pendenti jacet antrum , & desuper ingens  
 Sylva viret , rauco Zephyri quæ pulsa fufurro  
 Optatos revocat vocali murmure somnos :  
 Hic puer Oceano se se deducit ab alto ,  
 Et dulces somnos , frigusque inquit opacum ,  
 Cum Sol incandet , medioque altissimus Axe est .  
 Hic gemmata super musco carchesia pones  
 Vestibulum ante ipsum , textumque è divite baccà  
 Constitues juxtà torquem : quibus ilicet actis ,  
 Antra pete , & penitus te averfam à lumine conde .  
 Namque ubi piscatu è multo defessus lanthus  
 Adveniet , diique bibit nova pocula roris ,  
 Duritiem ex animo ponet , fastumque superbum .  
 Quin etiam miro baccarum lumine captus ,  
 Nescere quæ sint , & Superum quo numine missæ ,  
 Optabit . Tunc ipsa adyus egressa repostis ,  
 Erudies puerum , & nostros dic , Nympha , dolores .  
 Adde & divinas artes , quibus æquore ab imo  
 Cœlesti educat prægnantes ubere Conchas .  
 Ipsa adero , & teneros afflabo numine sensus .  
 Hæc dedit : & dium Nymphæ inspiravit odorem ,  
 Atque novam fronti lucem , & decus addidit ori .  
 Illa avibus levior , volucrique simillima vento  
 ( Et volucrem faciebat amor ) spumantis apertum ,  
 Haud mora , corripuit maris æquor , & humida subter  
 Cærula devenit , niveasque in gurgite testas  
 Legit , & actutum sistit se Gangis ad ora .  
 Diluit hic gemmas , & dio pocula succo  
 Ante fores repleta locat , juxtaque sub antro  
 Intextum ponit torquem Oceanitide bacca .  
 Hinc antro in medio se averfam à luce recondit .  
 Fortè , & jam consueta petens loca pulcher lanthus  
 Tendeat , Charites puerum comitantur euntem ,  
 Utque antro propius successerat , aspicit antro  
 In medio gemmata sacri carchesia roris :  
 Ignarusque doli , sitienti protinus ore  
 Nectaris exhaurit cratera , bibitque venenum .

Unio aceto dissol-  
 vitur.

Virtutibus.

470 HALIEUTICORUM  
Hinc & mirari candentes lumine gemmas  
Incipit attonitus, nimioque ardescit amore  
Noscere quæ sint, qui tulerit nova munera Cæli,  
Sive aliquis nostro de semine, sive Deorum.

Tunc Dea speluncæ ex adytis egressa repostis,  
Matutina velut cæcis Aurora tenebris:  
Aut ubi cum densa latuit sub nube, coruscat  
Exemplò Sol, & terram splendentibus ambit.  
Ibat odoriferis conpersa liquoribus, ibat  
Mæandro undantem multo diffusa capillum  
Per nive candentes humeros, & lactea colla.  
Ora rubescebant minio depicta decenti,  
Persusus sed candor erat mundissimus ostro.  
Lilia purpureis veluti permixta rosetis.  
Conchea quin etiam candeat plurima bacca,  
Marmoreo adjunctum collo decus, atque lacertis:  
Ut Divam aspexit venientem pulcher Ianthus,  
Restitit, heu! victusque animi mutatus ab illo est.  
Quem non magnanimum devicit forma pudorem,  
Si semel illa oculos tenuit conspecta morantes?  
Obtutu è primo fugiat, quicumque pudicus  
Esse velit, levis ipsa nocet mora. Dia maritum  
His tunc alloquitur dictis, & munera Cæli  
Quæ sint, quoque modo carpenda è gurgite dicit:

Auroræ Filius  
Memnon.

Filius Auroræ fuerat cognomine Memnon,  
Ora niger: sed pulcher erat, nam plurimus olli  
Ardebat fronti fulgor splendentior igne:  
Qualis gemma nitet Carbunculus, & face multa  
Irradians, noctem terris depellit opacam,  
Egregiæ qui laudis amans, Trojana sequutus  
Arma, pharetratas Indorum in prælia gentes  
Ilion ad magnum, Phrygiæque ad litora vexit,  
Auxilium Priamo laturus. Ovantia sæpè  
Hic puer in bellum victricibus agmina signis  
Egit, & edomitis retulit spolia ampla Pelasgis;  
Sed cum divinum tandem tentasset Achillem,  
Ah puer infelix! ferro transfixus acuto  
Occidit, incassum contra conantibus Indis,  
Ut puerum Fato eximerent, manibusque ferocis  
Pelidæ: sua quemque dies manet, & sua fata:  
Nec virtus, neque vis duris obistere Parcis  
Ulla potest, rerum non & revocabilis ordo est:  
Et jam Tithoni linquens Aurora cubile,  
Non pexis de more comis, nec concolor ostro,  
Sed ferrugineis surgebat lutea bigis,

Ven-

Venturi celi gnara mali, cum Vespere ab atro  
 Flebilis Idææ referens insigne cupressi,  
 Conspēctus lentis properare Favonius alis:  
 Illicet inspecta ferali Aurora cupresso,  
 Palluit & reliquum defluxit ab ore decoris;  
 Objectusque suus tristi sub imagine Memnon:  
 Quem postquam telis cecidisse immitis Achillei;  
 Audivit, confestim acri exanimata dolore est:  
 Et poterat periisse, citæ ni protinus Horæ  
 Conatæ dominam manibus fulcire labantem,  
 Et circumstantes fovissent statibus Auræ.  
 Extemplo amissum Cœli jubar, atraque retro  
 Nox iterum profugas vertisset ab æquore bigas:  
 Ni tempestivè poscens ad fræna jugales,  
 Jamque fatiscentem reparasset lumine Mundum  
 Phœbus, & obducto pepulit ab æthere nubes.  
 Verum ubi cæruleis emerfit currus ab undis,  
 Ut Sol Auroram lacrymarum ex imbre madentem  
 Vidit, & è Zephyro fatum cognovit iniquum,  
 Constitit in medio cursu, frænoque jugales  
 Præcipientes tenuit, radiisque effudit opacis.  
 Aspectu quò summus apex concussus Olympi  
 Intremuit, totusque timens expalluit æther.  
 Hinc casus cupiens solari Matris acerbos,  
 Rorantes reduci perfundens lumine guttas,  
 Protinus in niveas jussit concrefcere Gemmas:  
 Sic lacrymis, Aurora, tuis, pretiumque, decusque  
 Multum Memnonio venit de funere: roris  
 Deciduos avido ceperunt gutture Conchæ,  
 Miratæ insolitas utero candescere baccas.

Hinc Dea multa super gemmis, & Martibus addit;  
 Dum captus sermone suas puer applicat aures.  
 Ut matutino rorantes tempore guttas  
 Ore bibant, potoque tumescant nectare Conchæ:  
 Mox niveam pariant sobolem; nam Vespere rorem  
 Si libant, rufam gignunt, maculisque nigramtem,  
 Utque coruscantis concussæ fulminis ictu,  
 Sæpè repentino, fœtu reddantur inanes.  
 Præterea purus Cœlo si defluat humor,  
 Unio candescat; verùm si turbida rorem  
 Stillet Eos, sparsum maculoso paleat ore:  
 Insuper ut calidi metuentes lumina Solis,  
 Sublidant imis in fluctibus, igneus Orbem  
 Dum Sol incendit radiis, atque altior hora est:  
 Nam nimius gemmas calor inficit. Utque profundas

Lacrymæ Auroræ in  
 uniones mutantur.

Conchæ roris epo-  
 to uniones concipiūt.  
 Plinius, & Solinus.

Quæ

Quæ gaudent pelagi Matres errare per undas,  
 Concipiant multo sobolem candore cornuſcam.  
 Difficiles docet hinc artes, quibus aurea carpat  
 Dona manu, ditemque ferat de gurgite prædam.

Unio ſic primum de Doride venit avara,  
 Atque amor inventi primus fuit author, & artem  
 Egregiam è Nympha pro dote accepit Ianthus.

Sed jam, CARDINIS, explevi tua maxima juſſa,  
 Difficilesque artes Piſcandi, & Retia, & Hamos,  
 Et varios etiam Piſces, Teſtasque canebam;  
 Auſus & Eo decerpere ab æquore Gemmas,  
 Exili, duce te, veſtus ſuper alta phaſelo:  
 Nunc materna redux advertam ad litora proram:  
 Aëtiacæque levi cum cymba proximus (1) oræ  
 (Nam ſuprà in ſacras vetitum ſe tollere (2) laurus)  
 Succedam, longo ſed proximus intervallo:  
 Quà me Nereides, bona Neſis, & omnis ovantum  
 Cœtus Olympiadum virides invitat ab umbras:  
 Emeritaque ardet mihi tempora cingere myrto,  
 Ipſe & cærulea ponti ſpatiatus in unda,  
 Sirenes, niveosque inter Delphinas Apollo,  
 Jam nemus argutum Cyrrhæ, ſylvaſque relictas  
 Purpureo dives ramo, gemmiſque reviſit.

## FINIS.




---

(1) Nimirum ubi Mergillina Sinceri villa.  
 (2) Ad extremum Olympiæ oræ (*Chiaja*) ſuprà cryptam,  
 quæ Puteolos ducit, eſt Virgilii tumulus, quem juxta ſpon-  
 tē natam olim laurum, & per multos annos floruiſſe me-  
 moriæ proditum eſt.





